



ა.კ.ტოლსტოი  
თავადი  
სერეპრიანი

მვანე მერისხანის დროის აგავაჰი



გამომცემლობა „საბოთა საქართველო“  
თბილისი — 1976





## პირველი გამოცემის წინასიტყვაობა

ეს მოთხრობა მხოლოდ იმისთვის არ დაწერილა, რომ აღწეროს ესა თუ ის ამბავი. მისი უპირველესი მიზანია ასახოს მთელი ეპოქის საერთო ხასიათი და აჩვენოს XVI საუკუნის მეორე ნახევრის რუსული საზოგადოების წარმოდგენათა, რწმენათა, ზნე-ჩვეულებათა და განათლებულობის დონე.

ავტორი ერთგულია ისტორიისა და არ ამაჩინჯებს მის მთლიან სურათს, ოღონდ იმის უფლებას კი აძლევს თავს, ნებისაებრ მოეპყრას ზოგ-ზოგ წვრილმანს, რომელთაც ისტორიული მნიშვნელობა არა აქვთ. ასე, სხვათა შორის, თხზულება რომ არ გაჭიანურებულყო, ვინაჲმსკისა და ორივე ბასმანოვის სიკვდილით დასჯა, რაც ნამდვილად 1570 წელს მოხდა, მან 1565 წლისთვის გადმოიტანა. ეს წინაგანზრასული ანაქრონიზმი არა გვეგონია მკაცრი გაკიცხვის საბაბი შეიქნეს, თუ გავიხსენებთ, რომ ურიცხვი ხალხის სიკვდილით დასჯა, რაც სილვესტრისა და ადაშევის დამხობას მოჰყვა, თუმცა ბევრის მეტყველია თვითონ იოანეს დახასიათებისთვის, მაგრამ გავლენას ვერ ახდენს მოვლენათა საერთო მსვლელობაზე.

იმ დროის საშინელებებს ავტორი ისტორიაზე უფრო მკრთალად აღწერს. ხელოვნებისა და მკითხველის გრძნობებისადმი პატივისცემის გამო, მან ჩრდილი მიჰფინა ამ ამბებს და შეძლებისდაგვარად შორიდან დაგვანახა. თუმცა, მაინც აღიარებს, რომ წყაროების კითხვისას არაერთგზის გავარდნია ხელიდან წიგნი, აღუფოთებით მოუსროლია კალამი და მწარედ ჩაფიქრებია მართო იმ ამბავს კი არა, თუ როგორ შეიძლებოდა იოანე IV არსებულყო, არამედ უფრო მეტად იმას, თუ როგორ შეიძლებოდა ისეთი საზოგადოება არსებულყო, რომელიც აღუფოთებლად ითმენდა მის სიაყვაცეს. ეს განუშორებელი მძიმე გრძნობა ხელს უშლიდა ეპიკური თხზულებისთვის აუცილებელ ობიექტურობას და ნაწილობრივ ამის გამოცაა, რომ ათ წელ-

ზვა არ ასცდებოდა, თუ რომ, მისდა საბედნიეროდ, იმავე დღეს არ მოს-  
ვლოდა მოსკოვიდან მოლაპარაკების შეწყვეტისა და ომის განახლების  
მაუწყებელი უმაღლესი განკარგულება. სიხარულით წამოვიდა სერებ-  
რიანი ვილნოდან, ზავერდის სამოსის ნაცვლად ელვარე ბეგთარი ჩაიც-  
ვა და, იცოცხლე, ურტყა ლიტველებს, სადაც კი ღმერთმა შეახვედრა  
იმათი თავი. ბრძოლის ველზე უფრო ღირსეული გამოჩნდა ნიკიტა, ვიდ-  
რე დესპანის სარბიელზე, და უზომო ქებაც ისმოდა მისი ყველგან, რუ-  
სებსა და თვით ლიტველთა შორისაც.

თავადის გარეგნობა მისივე გუნება-ხასიათის შესაფერი იყო. ამ კა-  
ციის სახე, რომელსაც სასიამოვნო უფრო ეთქმოდა, ვიდრე ლამაზი, გა-  
მოცხადებული მიამიტობა და გულახდილობა იყო. შავი წამწამებით  
მოირდილულ მუქ-ნაცრისფერ თვალებში დამკვირვებელი უჩვეულო, გა-  
უცნობიერებელ და თითქოსდა უნებლიე გაბედულებას ამოიკითხავდა,  
რომელიც წამიერი დაფიქრების საშუალებასაც არ აძლევს მის პატრონს  
მოქმედების ჟამს. უსწორმასწორო, აჩხორილი წარბები და მათ შუა  
ირიბი ნაოჭი იმაზე მიუთითებდნენ, რომ იგი მთლად ჭკუადამჯდარი და  
გონებადადინჯებული კაცი არ იყო. მაგრამ ნატიფად და მკაფიოდ მოყ-  
ვანილი ტუჩები მის ნამუსსა და პატიოსნებაზე მეტყველებდნენ, ხოლო  
ღიმილი — უზაკველ, თითქმის ბავშვურ გულკეთილობას ააშკარავებდა;  
ასე რომ, ზოგ-ზოგნი, ალბათ გონებაშეზღუდულობასაც შესწამებდნენ,  
მაგრამ მის ყოველ ნაკეთში მფეთქავი კეთილშობილება იმის თავდები  
იყო, რომ ამ აღამიანს შეუძლია ყოველთვის გულით იაზროს ის, რასაც  
ვერ სწვდება ხოლმე მისი გონება. საერთო შთაბეჭდილებით უსათუოდ  
მოიწონებდით თავადს და კიდეცა დაასკვნიდით გუნებაში, რომ ამ კაცს  
შეიძლება თამამად ენდო, როცა გაბედულება და თავგანწირვაა საჭირო,  
მაგრამ რაც შეეხება თავისი საქციელის მოფიქრებასა და გონებით გან-  
სჯას, ეტყობა, მისი საქმე არ არის და არც ეხერხებაო.

სერებრიანი ასე ოცდახუთი წლის ვაჟკაცი იყო. ტანად საშუალო,  
მხარბეჭიანი, წელწერილი. ღია ფერის ხშირი ქერა თმა შუქს მატებდა  
მას მზენაკრავ სახეს და მკვეთრად გამოირჩეოდა ყომრალი წარბებისა  
და შავი წამწამებისგან. თმაზე ოდნავ მუქი მოკლე წვერი მსუბუქად  
უჩრდილავდა ტუჩებსა და ნიკაპს.

თავადი ახლა გახალისებული და გულმხიარული იყო, სამშობლოში  
რომ ბრუნდებოდა. ნათელი, მზიანი დღე იდგა, ერთი იმ დღეთაგანი,  
როცა მთელი ბუნება როგორღაც სადღესასწაულოდ სუნთქავს, ყვავი-  
ლები უფრო ბღღვრილა ჩანან, ცა — უფრო ლაჟვარდოვანი, შორათ  
გამჭვირვალე ჭავლებად ლივლივებს ჰაერი, და კაცი ისეთ შვებას

ჴე მეტი ხნის წინათ დაწყებული რომანი მხოლოდ ახლა დასრულდა. უკანასკნელმა გარემოებამ, უგების, ოდნავ მაინც გაამართლოს სტილის გაურანდაობა, რაც, ალბათ, შეუნიშნავი არ დარჩება მკითხველს.

დასასრულს, ავტორს საჭიროდ მიაჩნია იმის თქმაც, რომ რამდენადაც სითამამით ეპყრობოდა მეორეხარისხოვან ისტორიულ ამბებს, იმდენად მეტი სიმკაცრით ცდილობდა სიმართლისა და სიზუსტის დაცვას ხასიათებისა და ყოველივე იმის აღწერაში, რაც ხალხის ყოფასა და არქეოლოგიას შეეხება.

თუ შეძლო და თვალდასანახად გააცოცხლა მისგან აღწერილი ეპოქის სახე, ავტორი არ ინანებს გაწეულ შრომას და მიღწეულად ჩათვლის სასურველ მიზანს.

ო კ რ ი ჩ ნ ი კ ე ბ ი

დასაბამითგან სოფლისა შვიდი ათას სამოცდაცამეტ, ანუ ქრისტეს შობით 1565 წელს, ზაფხულის მცხუნვარე დღეს, 23 ივნისს, ახალგაზრდა ბოიარმა — თავადმა ნიკიტა რომანოვიჩ სერებრიანიმ სოფელ მეღვედეკამდე მოაღწია. აქედან ოცდაათიოდე ვერსილა იყო მოსკოვამდე.

თავადს მხედარ-მეომართა და მსახურთა გუნდი მოჰყვებოდა.

სერებრიანიმ მთელი ხუთი წელი უცხოობაში გაატარა. ის ლიტვაში წარგზავნა ხელმწიფე ივან ვასილევეიჩმა, რათა იმჟამინდელი ომის შეწყვეტასა და ხანგრძლივი ზავის ჩამოგდებაზე მოლაპარაკებოდა მეფე ჟიგიმონტს. მაგრამ ამჯერად მეფის არჩევანი მარცხიანი გამოდგა. მართალია, თავადი ნიკიტა თავგამოდებით ირჯებოდა თავისი მიწა-წყლის სასიკეთოდ და, თითქოს, უკეთეს შუამავალს ვერც ინატრებდი, მაგრამ სერებრიანი არ იყო მოლაპარაკებებისთვის გაჩენილი ადამიანი. ის არად აგდებდა სადესპანო ხელოვნების კანონ-წესებს, აშკარა გულახდილობით ცდილობდა საქმის გარიგებას და, მის თანმხლებ დიაკთა ერთობ სავალალოდ, ოდნავი სიუშმაკის უფლებასაც არ აძლევდა მათ. ჟიგიმონტიმ მრჩეველებმა, რომლებიც უკვე აპირებდნენ ზოგ-ზოგი რამის დათმობას, სულ მალე აუღეს ალღო თავადის გულუბრყვილობას, ჩვენი სისუსტის ამბები დასტყუეს მას და უფრო თამამი მოთხოვნები წამოაყენეს. მაშინ კი სერებრიანიმ ვეღარ მოითმინა: მთელი სეიმის თვალწინ მუშტი დაჰკრა მაგიდას და გადაფხრიწა უკვე ხელმოსაწერად გამზადებული სამსუიდობო ხელშეკრულება. „თქვენცა და თქვენი მეფეც მზაკვრები და მუხთლები ხართო! მე ნამუსიანად გელაპარაკებით, თქვენ კი სულ იმას ცდილობთ, როგორმე ცბიერებით დამიბრიყვოთო! მაგრამ, ნურას უკაცრაჟად, ვერ ეგების საქმე ეგეო!“ ამ გულფიცხობამ ერთ წამში გააქარწყლა ამდენი ხნის მოლაპარაკების წარმატება და სერებრიანის შერის-

გრძნობს, თითქოს მისი სული ბუნებას შეერთო და ნეტარებით თრთის თვითეულ ფოთოლზე, ტკბილად ნანაობს თვითეულ ბალახზე.

ნათელი იყო ეს იენისის დღე, მაგრამ თავადს, ლიტვაში ხუთ წელს ცხოვრების შემდეგ, კიდევ უფრო ნათელი ეჩვენებოდა. ველ-მინდვრები-დან და ტყეებიდან ყველაფერი რუსული შემოსცინოდა.

უფარისეველად და უეშმაკოდ ემსახურებოდა თავადი ნიკიტა ყმაწვილ იოანეს. მტკიცედ იცავდა ჯვარზე მთხვევით დადებულ ფიცს და ვერაფერი შეარყევდა ხელმწიფისადმი მის უზომო ერთგულებას; თუმცა გული და ფიქრი რახანია სამშობლოსკენ მოუწევდა, მაგრამ ახლავე რომ ებრძანებინათ ლიტვაში გაბრუნება, უდრტყინველად შეაბრუნებდა ცხენს, მოსკოვისა და ახლობლების უნახავი, და ადრინდელი გულფიცხობით გადაეშვებოდა ახალ ბრძოლებში. თუმცაღა, მხოლოდ ნიკიტა არ სჯიდა ასე. ყველა რუსს უყვარდა იოანე, ერთობლივად ყველა მხარეში. ეგონათ, მისი სჯულიერი მეუფებით ახალი ოქროს ხანა დაუდგა რუსეთსო, და ბერ-მონაზვნები, რამდენსაც არ ჩაჰკირკიტებდნენ მატია-ნებებს, ვერ პოულობდნენ შიგ იოანეს ტოლ-სწორ ხელმწიფეს.

სოფლიდან ჯერ კიდევ კარგა მოშორებით თავადსა და მის ამაღას მხიარული სიმღერები შემოესმათ, ხოლო როცა მიუახლოვდნენ, დაინახეს, რომ სოფელში დღესასწაული იყო. ორღობის თავსა და ბოლოში გოგო-ბიჭებს ფერხული ჩაებათ, ორივე გუნდს ჭრელაჭრულა ნაკუწებით შემკული თითო არყის ხის ტოტი ეჭირა. ბიჭებსა და გოგოებს თავზე კოხტად დაწული მწვანე გვირგვინები დაედგათ. მოფერხულენი ხან ერთად მღეროდნენ, ხან რიგრიგობით, მოსწრებულ სიტყვა-პასუხში ეჯიბრებოდნენ ერთიმეორეს და სახუმარო შაირებით ჰკენწლავდნენ ურთიერთს. ისმოდა გოგოების გულიანი კისკისი, ხალისიანად ელაჟდა ყმაწვილკაცების ფერად-ფერადი ხალათები. მტრედები გუნდ-გუნდად დაფრინავდნენ სახურავიდან სახურავზე. სიცოცხლე ღულდა და გადმოდიოდა, მხიარულობდა მართლმორწმუნე ხალხი.

სოფლის მიდამოებთან თავადს მოხუცი ჯილაკდარი წამოეწია და მხარდამხარ მიჰყვა.

— ეჰა! — მხიარულად თქვა მან, — შეხედე ერთი, თავადო, როგორ დღესასწაულობენ აგრაფინობას, მგლის კბილი და ქორის კლანჭი მაგათ! რა იქნება, ცოტა შეგვესვენა აქ? ცხენები მთლად გასავათდნენ და, ჩვენ თვითონაც, დანაყრებულნი, უფრო ხალისიანად დავადგებოდით გზას. ამოყორილ სტომაქზე, ბატონის ჭირიმე, ნაჯახის ყუაც რომ ურტყა კაცს, იმას გაუძლებს!

— ჰო, მაგრამ რაღა დარჩა მოსკოვამდე! — თქვა თავადმა და შე-  
ეტყო, რომ არ სურდა აქ გაჩერება.

— ეჰ, ბატონის ჭირიმე, შენ დღეს უკვე ბარე ხუთჯერ იკითხე ეგა-  
აკი გითხრა კეთილმა ხალხმა, აქედან კიდევ ორმოციოდე ვერსი იქნე-  
ბაო. ბრძანე დასვენება, თავადო, ღმერთმანი, ცხენები დაილაღნენ!

— მაშ კარგი, — თქვა თავადმა, — დაისვენეთ!

— ეი, თქვენ! — მეომრებს მიუბრუნდა და გასძახა მიხეიჩმა, — აბა,  
ჩამოდით ცხენებიდან, ქვაბები გადმოიღეთ, ცეცხლი გააჩაღეთ!

მეომრებიც და მსახურნიც მიხეიჩის გამგებლობაში იყვნენ; ისინი ჩა-  
მოქვეითდნენ და საპალნეების შეხსნა დაიწყეს. თვითონ თავადიც ცხე-  
ნიდან გადმოვიდა და მუზარადი მოიხადა. კეთილშობილი კაცი რომ და-  
ინახეს, ახალგაზრდებმა ფერხული შეწყვიტეს, მოხუცებმა ქულები მო-  
იხადეს და იღვნენ ერთ ხანს ნირწამხდარნი, თან თვალებით ეკითხე-  
ბოდნენ ერთმანეთს, განეგრძოთ თუ არა მხიარულება.

— ნუ გვიუცხოვეთ, კეთილო ხალხო, — აღერსიანად თქვა თავადმა  
ნიკიტამ, — სონღული შევარდნებს ხელს ვერ შეუშლის!

— მაღლობელი ვართ, ბატონო, — უპასუხა ხნიერმა გლეხმა, — თუკი  
შენი მოწყალება არ გვიუკადრისებს, მორჩილად გთხოვთ, ჩამოჯექი  
აგერ ამ ზეინულზე, ჩვენ კი, თუ ინებებ, თაფლუჭით გაგიმასპინძლდე-  
ბით: გვეცი პატივი, თავადო, დაგვილიე სადღეგრძელო სულელებო! —  
გოგოებს მიუბრუნდა და განაგრძო მან, — რას დაფუთდით? ვერ ხედავთ  
ბოიარი და მისი შინაკაცები რომ არიან, და არა წყეული ოპრიჩნიკები?!  
ა, ასეა, ბატონო, მას აქეთ, რაც ოპრიჩინა განადა სარუსეთოში, ყვე-  
ლაფრისა ეშინია გლეხკაცს; აღარ ეცხოვრება საწყალ ადამიანს! დღე-  
სასწაულზეც კი შენ გემოზე ვერ დაგიღვევია, ვერც გიმღერია, სულ  
იქით-აქეთ უნდა აცეცო თვალები, ფხიზლად იყო. თორემ, ისე გამოტყ-  
ვრებიან ხოლმე, სულ რო არ მოელი კაცი, მესის დაცემასავით!

— რაო, რაო? ოპრიჩინაო? ოპრიჩნიკებო! ეს რაღა ღეთის წყრო-  
მაა? — იკითხა თავადმა.

— ჯანდაბას მაგათი სახსენებელი! მეფის კაცებს ეძახიან თავის  
თავს. ჩვენაო მეფის კაცები, ოპრიჩნიკები ვართო! თქვენ კიდევ ზემ-  
შჩინაო! ჩვენაო უნდა გპარცვოთ და გლლიტოთო, თქვენ კი ითმინოთ  
და ფეხქვეშ გაგვეგოთო. ასე ბრძანა მეფემაო!

თავადი სერებრიანი აენტო:

— მეფემ ბრძანა ხალხის დაწიოკებაო? დახეთ მაგ წყეულებს! ვინ  
ოხრები არიან, ამდენს რომ ბედავენ? რატომ არ გათოკავთ მაგ ავაზა-  
კებს?

— ვინა, ოპრიჩნიკები ვავთოკოთ? ეეჰ, ბატონო! გეტყობა შორიდან მოღიზარ, რომ არ გცნობია ოპრიჩნიკა! აბა სცადე ერთი, და თითი ახლე მაგათ! ამასწინებზე ბარე ათიოდე ოპრიჩნიკი შეესია სტეფანე მიხაილოვის კარ-მიდამოს, აგე იმ ეზოში, ჭიშკარს რომ ურდული ადევს; თვითონ სტეფანე მინდვრად იყო და დედაბერს მიეძალნენ: აბა ეს მოგვართვი, ის მოგვართვიო. დედაბერიც ყველაფერს სუფრაზე ულაგებს და მორჩილად ზრის თავს. მერე ეუბნებიან: დედაკაცო, ფული მოიტაო! ატირდა დედაბერი, მარა რაღას იზამდა, გახსნა ზანდუკი, ამოიღო ჭინჭებში გაკრული ორი უზალთუნი, გაუწოდა ცრემლმორეულმა: აჰა, წაიღეთ, ოღონდ ცოცხალი დამარჩინეთო. ისინი კი ეუბნებიან: ცოტააო! ჰოდა, ერთმა ოპრიჩნიკმა ისე ჩასცხო საფეთქელში, იქვე გააფრთხობინა სული! დაბრუნდა სტეფანე მინდვირიდან, რას ხედავს: მკვდარი გდია მისი დედაბერი. გამწარდა საწყალი. მისდგა და ლანძღა მეფის კაცები: ღვთის შიში დაგიკარგავთ, თქვე წყეულებო! არ გელირსებათ იმ ქვეყნად სიმშვიდე და მოსვენება, არაწმინდებო! იმ უკუღმართებმა კი უბედურ სტეფანეს ყულფში გააყოფინეს თავი და ჭიშკარზე ჩამოკიდეს!

თავადს სიბრაზისგან შეაჭრჟოლა. გული ძალუმად აუჩქროლდა.

— როგორ, სამეფო გზაზე, ზედ მოსკოვის ყურთან, ავაზაკები გლეხებს ძარცვავენ და კლავენ?! მერედა, რას აკეთებენ თქვენი ასეულები და გუბების მამასახლისები? როგორ ითმენენ, რომ შარავზის ყაჩაღებს მეფის კაცებად მოქონდეთ თავი?

— აბა, — დაუდასტურა გლეხმა, — ჩვენაო მეფის კაცები, ოპრიჩნიკები ვართო; ჩვენაო ჩვენ ქეიფზე დავდივართო, აი თქვენ კი ზემშინა ხართო! უფროსებიცა ჰყავთ მაგათ; ნიშნებიც უკეთიათ: ცოცხი და ძაღლის თავი. ეინ იცის, იქნებ მართლაც მეფის კაცები არიან.

— ყეყეო! — შესძახა თავადმა, — აღარ გაბედო მაგის თქმა. სად გაგონილა, რომ ავაზაკები მეფის კაცები იყვნენ! — „ვერაფერი გამიგია, — გაიფიქრა მან. — საგანგებო ნიშნები? ოპრიჩნიკები? რას ნიშნავს ეს სიტყვა? ვინ არის ეს ხალხი? როგორც კი მივალ მოსკოვს, ყველაფერს მოვანსენებ მეფეს. დაე, მევე მიბრძანოს მათი მოძებნა! არ შევარჩენ ავკაცობას, იცოდეს ღმერთმა, არ შევარჩენ!“

ამასობაში ფერხული თავისი წესით გრძელდებოდა.

ყმაწვილი ბიჭი სასიძოს განანახიერებდა, ყმაწვილი გოგო კი — საპატარძლოს. ბიჭი მდაბლად უკრავდა თავს საცოლოს მშობლებსა და ნათესაეებს, რომელთაც ასევე გოგო-ბიჭები განანახიერებდნენ.

— შამავ ბატონო, ჩემო სიმაპრო, — მღეროდა სასიძო გუნდთან ერთად, — ლული მომიხარე, გეთაყვა!

— დედა ბატონო, სიდედრო ჩემო, ნამცხვრები დამიცხვე, გუთაყვა!

— ბატონო ქვისლო, ჩემო კეთილო, ცხენი შემიკაზმე, გუთაყვა!

მერე გოგო-ბიჭები ხელიხელჩაკიდებულნი უვლიდნენ წრეს სიძე-პა-ტარძლის გარშემო ჯერ ერთი, შემდეგ მეორე მიმართულებით.

სასიძომ ლუდი დალია. ნამცხვრები მიირთვა, ცხენი გაატყენ-გამოატყენა და ახლა სახლიდან მიერეკება თავის ცოლეურებს:

— აბა, სიმამრო, შე მუდრეგო, გასწი აქედან!

— აბა სიდედრო, შე როკაპო, გასწი აქედან!

— აბა, ქვისლო, შე მგლის კერძო, გასწი აქედან!

იძახდა იგი და ყოველ დაძახილზე კისრისტენით აგდებდა მოფერხუ-ლეთა გუნდიდან ხან გოგოს, ხან კიდეც ბიჭს.

გლეხები გულიანად ხარხარებდნენ.

უცებ ყურთასმენის წამლები ყვირილი გაისმა. თორმეტიოდე წლის მთლად გასისხლიანებული ბიჭი მოფერხულეთა წრეში შევარდა.

— მიშველეთ! დამმალეთ! — ყვიროდა ის და კალთებზე ეპოტინებოდა გლეხებს.

— რა მოგივიდა, ვანია? რა გალრიალებს? ვინ გაგლახა, ბიჭო? ემანდ, ოპრიჩნიკებმა ხომ არა?

წუთის უმალ მოფერხულეთა ორივე გუნდი ერთმანეთში აირია. ყვე-ლანი ბიჭუნას შემოეხვივნენ. მაგრამ შიშით გალეული ბავშვი ენას ძლიეს-აბრუნებდა.

— იქ, იქ, — ამოთქვა მან მთრთოლვარე ხმით, — ბოსტნების გადაღმა, ხბორებს ვმწყემსავდი... საიდანღაც ისინი გამოტყვერნენ, ხბორებს დაერავენენ, ხმლებით ჩეხავდნენ... დუნკა მოვიდა, ხვეწნა დაუწყო, იმათ კი ხელი-სტაცეს დუნკას და წაათრიეს, იქით წაათრიეს, მე კი...

ამ დროს კვლავ გაისმა ყვირილი და ბიჭუნას სიტყვა გაუწყდა. სოფ-ლის მეორე ბოლოდან ქალები მობრბოდნენ.

— დავიღუპეთ, დავიღუპეთ! — კიოდნენ ისინი, — ოპრიჩნიკები! გაიქე-ციტ, გოგოებო, ყანებში დაიმაღენით! დუნკა და ალიონკა დაიჭირეს, სერ-გეევნა კი იქვე მოკლეს.

ამასობაში ცხენოსნები გამოჩნდნენ. ორმოცდაათიოდე კაცი, ხმალშე-მართულნი მოჯირითობდნენ. წინ შავწვერა ოტროველა მოუძლოდათ წი-თელი ხიფთანითა და ფოცხვერის ბეწვის ქუდით. უნაგირზე შავწვერას ცოცხი და ძაღლის თავი ეკიდა.

— ჰაიდა! ჰაიდა! — ყიოდა იგი. — გაწყვიტეთ საქონელი, დაჩეხეთ გლე-ხუჭები, დაიჭით გოგოები, გადაწვით სოფელი! მომყვით, ბიჭებო! არავან დაინდოთ!



გლეხები თავგზაბანეულნი გარბოდნენ ვინც საით მოასწრო.

— შენი მუხლების ჭირიშე, ბატონო! — ვედრებით გაიძახოდნენ ისინი, რომლებიც ახლოს იდგნენ თავადთან, — ნუ დაანებებ ჩვენს ობოლ-ობერ თავს ამ უკუღმართებს! დაგვიცავე ბედკრული ზალხი!

მაგრამ თავადი უკვე აღარსად ჩანდა იმ არემარეს.

— სად გაქრა ბოიარი? — იკითხა ხნიერმა გლეხმა და თვალი მოავლო იქაურობას. — თითქოს ცამ ჩაყლაპაო! მისი ზალხიც აღარსად ჩანს! თავს უშველეს, ალბათ, საწყლებმა! ოჰ, არ აგვცდება უბედურება, ოჰ, დაგვიდგა სიკვდილის ჟამი!

წითელხიფთანიანმა ოტროველამ ცხენი შეაყენა.

— ეი, შენ, მყრალო ბებერო! აქ ფერხული იყო გაჩაღებული, საით გაიქცნენ გოგოები?

გლეხკაცი მდაბლად ხრიდა თავს და ხმას არ იღებდა.

— ხეზე დაჰკიდეთ ეგ ძაღლიშვილი! — დაიღრიალა შავწვევრამ. — დუმილი ჰყვარებია, ჰოდა, იყოს დადუმებული ამ არყის ხეზე!

რამდენიმე მხედარი ცხენიდან ჩამოხტა და ყელზე ყულფი ჩამოაცვეს გლეხს.

— გამჩენებო, მარჩენალებო! ნუ გამწირავთ ბერიკაცს, გამიშვით, თქვენი ჭირიშე, ნუ გამწირავთ ბერიკაცს!

— აჰა! ამოიდგი ენა, ბებერო?! გვიანდაა, ძმობილო, მეორედ აღარ იხუმრებ! ხეზე დაჰკიდეთ ეგ ძაღლიშვილი!

ოპრიჩნიკებმა არყის ხისკენ წაათრიეს ბერიკაცი. იმავე წუთს ქობის უკნიდან სროლა მოისმა და ათიოდე ქვეითმა ხმლებით შემოუტია მტარვალებს, ხოლო მოსახვევიდან თავად სერებრიანის მხედრები გამოიჭრნენ და ყიჟინით დააცხრნენ ოპრიჩნიკებს. თავადის ზალხი რიცხობრივად მათი ნახევარიც ძლივს იყო, მაგრამ თავდასხმა ისე სწრაფად და უეცრად მოხდა, რომ ერთ წამში იფრინეს ოპრიჩნიკები. თვითონ თავადმა ხმლის ვადის დარტყმით გადმონარცხა ცხენიდან მათი წინამძღოლი. გონს მოსვლაც არ აცალა, მყისვე ჩამოხტა ბედაურიდან, მკერდზე მუხლი დააბჯინა და ყელი გაუძაგრა.

— ეინა ხარ, შე არამზადავ? — ჰკითხა თავადმა.

— შენ თვითონ ვინ ხარ? — უპასუხა ოპრიჩნიკმა ხრიალით, თან თვალებს აბრიალებდა.

თავადმა დამბაჩის ლულა დააღირა ზედ შუბლზე.

— მიპასუხე, წყეულო, თორემ ახლავე ჩაგაძაღლებ!

— მე შენი მსახური როდი ვარ, ყაჩაღო, — მიუგო შავწვევრამ, რომელსაც შიშის ნატამალიც არ ემჩნეოდა სახეზე, — შენ კი ძელზე დაგკიდებენ, რომ მეფის კაცების ხელის ხლება ველარ გაბედო!

გაიტკაცუნა დამბაჩის სასხლეტმა, მაგრამ კაჟმა არ დაკვესა და შავ-წვერა ცოცხალი დარჩა.

თავადმა ირგვლივ მიმოიხედა. რამდენიმე ოპრიჩნიკი მკვლარი ეგდო, სხვებს თავადის კაცები თოკავდნენ, დანარჩენები მიმალულიყვნენ.

— ესეც გათოკეთ! — თქვა ბოიარმა და, ამ კაცის მხეცური, მაგრამ უშიშარი სახის შემყურემ, გაოცება ვეღარ დამალა. „მართლაც გულადი ბიჭი ჩანს! — გაიფიქრა თავადმა. — აფსუსია, ეგ ყაჩაღი იყოს!“

ამ დროს თავადს მისი ჯილავდარი, მიხეიჩი მიუახლოვდა.

— შეხედე, ბატონო, — უთხრა მან და მარყუჟიანი წვრილი და მაგარი თოკების კონა დაანახვა, — აი რანაირ ქამანდებს დაატარებენ თურმე! ჩაის. უცხო ხილი არ უნდა იყოს ამათთვის მტარავალობა, მგლის კბილი მაგათ და ქორის კლანჭი!

ამ დროს თავადთან მისი მეომრები მოვიდნენ და ორი ცხენი მოიყვანეს, რომლებზედაც გათოკილი და უნაგირებზე მიკრული ორი კაცი იჯდა. ერთი მათგანი თმახუჭუჭა და გრძელწვერა ჭადარა მოხუცი იყო. მისი ამხანაგი, შავთვალა ვაჟკაცი, ოცდაათიოდე წლისა ჩანდა.

— ეგენი ვინლა არიან? — იკითხა თავადმა. — ან უნაგირებზე რისთვის ჰიგიბამთ?

— ჩვენ არა, ბატონო, ყაჩაღებს მიუბამთ უნაგირებზე. ჩვენ ბაღჩებს გადაღმა ვიპოვეთ ეგენი, ყარაულებიც ყავდათ მიჩენილი!

— მაშ რაღას უყურებთ, ახსენით და გაუშვით თავის გზაზე!

განთავისუფლებული ტყვეები დაბუჟებულ ხელ-ფეხს იხეღდნენ, სასწრებს მართავდნენ, მაგრამ არ ჩქარობდნენ თავისუფლებით სარგებლობას და იქვე დარჩნენ დამარცხებულთა სეირის საცქერლად.

— გესმით, თქვენ, არამზადებო, — უთხრა თავადმა გათოკილ ოპრიჩნიკებს, — აბა თქვით ერთი, როგორ გაბედეთ, მეფის მსახურებად რომ მოგაქვთ თავი? ვინ ოხრები ხართ?

— შენ რა, თვალეხი დაგვესო თუ რა ჯანდაბა გჭირს? — გამოეპასუხა ერთი მათგანი. — განა ვერ ხედავ, ვინცა ვართ? ამას რა კითხვა უნდა! ცხადია, მეფის კაცები, ოპრიჩნიკები ვართ!

— წყეულებო! — შეჰყვირა სერებრიანიმ, — თუ სიცოცხლე რამედ გიღირთ, მართალი მითხარით!

— ეჰ, ჩანს, შენ ციდან ჩამოვარდნილხარ, შვილოსან, — გამქირდავად თქვა შავწვერა ოტროველამ, — კაცო, ჯერ არ გინახავს ოპრიჩნიკები? მართლა რა ციდან ჩამოვარდნილივით იქცევი! მაინც სად ჯანდაბიდან გამოტყვევრი, მიწა რომ გაგისკდეს და თან ჩაგიტანოს.

ყაჩაღების უტეხობამ გააცეცხლა თავადი ნიკიტა.

— მისმინე, მამაცო, — უთხრა მან, — შენი შეუპოვრობით ლამის თავა მომაწონე და გუნებაში უკვე შენი დანდობაც დავაპირე. მაგრამ, თუ ახლაც არ გითქვამს ვინცა ხარ, ღმერთია მოწამე, ეუბრძანებ, ხეზე დაგკიდონ! ყაჩაღი ამაყად გასწორდა.

— მე მატყევი ხომიაკი გახლავარ! — უპასუხა მან. — გრიგორი ლუკიანოვიჩ სკურატოვ-ბელსკის ჯილავდარი. ერთგულად ვემსახურები ჩემს ბატონსა და მეფეს ოპრიჩნიკად. ცოცხი, რომელსაც ჩვენს უნაგირებთან ხედავ, იმის ნიშანია, რომ რუსეთსა ვგვით, ღალატს მივხვეტავთ მეფას საბრძანებლიდან; ძაღლის თავი კი ნიშნავს, — რომ მეფის მტრებსა ვგლეჯთ. ახლა შენ უწყვი, ვინცა ვარ! მაშ შენც მითხარი, რა გიწოდო, როგორ მოგმართო, რა სახელით მოგიხსენიო, როცა შენი კისრის მოგრების ჯერი დადგება!

თავადი ალბათ აპატიებდა ოპრიჩნიკს ამ თავხედურ ლაპარაკს. მას მოსწონდა სიკვდილის წინაშე ამ კაცის ესოდენი გულუშიშრობა. მაგრამ მატყევი ხომიაკი ცილს სწამებდა მეფეს, ამის მოთმენა კი არ შეეძლო ნიკიტა რომანოვიჩს. მან ნიშანი მისცა თავის მხედრებს. ბოიარის მორჩალებას ნაჩვენება და ყაჩაღების თავხედობით გაღიზიანებულმა მემომრებმა ყულფები ჩამოაცვეს ტყვეებს და უკვე აპირებდნენ იგივე სასჯელი მიეზღოთ მათთვის, რაც სულ ახლახან საბრალო გლეხიკაცს ემუქრებოდა, მაგრამ ამ დროს სერებრიანის ის შავთვალა ვაუკაცი მიუახლოვდა, მოხუც ამხანაგთან ერთად უნაგირიდან რომ გადმოახსენებინა თავადმა.

— ნება მომეცი, თავადო, ორიოდ სიტყვა ვითხრა.

— მითხარი, გისმენ!

— თავადო, დღეს შენ სიკეთე გვიყავი, ამ ძაღლისშვილების ხელიდან გვიხსენი, ჰოდა ჩვენც გვინდა სიკეთე სიკეთით გადაგიხადოთ. შენ, როგორც ჩანს, კარგა ხანია არ ყოფილხარ მოსკოვს. ჩვენ კი ვიცით, რა ამბებიც იქა ტრიალებს. გაგვიგონე, თავადო, თუ სიცოცხლე არ მოგებურებია, ნუ ბრძანებ ამ შეჩვენებულების ჩამოხრჩობას. გაუშვი ეგენი, და ეგ ქაჯი ხომიაკიც გაუშვი. ეგენი კი არავის ეცოდება, შენ გვებრალები, თავადო. მაგათი მოვლა ჩვენ გვაცალღე. ერთიც იქნება, ჩაგვივარდებიან ხელში და, ქრისტე ღმერთია მოწამე, თვითონ ჩამოვახრჩობ. არასგზით არ ასცდებით ქამანდი, ოღონდ სჯობს, შენ კი არა, ისევე ჩვენმა ძმამ გაუყენოს ეგენი მოუსაველეთში!

თავადმა გაოცებით შეხედა უცნობს. მას მტკიცედ გამომზირალი და გამჭირიანი შავი თვალები ჰქონდა, მუქი წვერი სახის მთელ ქვედა ნახევარს უფარავდა, საღი და მწყობრი კბილები თვალისმომჭრელი სითეთრით უელავდა. ტანთ ისე ეცვა, კაცი იფიქრებდა ვაჭარ-ხელოსანთაგანი ან

ვიდაც წელღონიერი გლახიაო; ის დაჯერებით ლაპარაკობდა და, როგორც ჩანდა, გულწრფელად სურდა ხიფათი აეცდინა თავადისთვის. სერებრიანი მომეტებული ყურადღებით დააკვირდა მისი სახის ნაკეთებს და დაინახა, რომ მათ არაჩვეულებრივი გონიერებისა და საზრიანობის კვალი აჩნდა, ხოლო გამოხედვა ისეთი ჰქონდა, უცებ იგრძნობდით, ეს კაცი ერთი იმათ-ვანია, ვინც სხვათა წინამძღოლობასა და მბრძანებლობასაა ნაჩვევიო.

— ვინ ხარ, ვაჟკაცო? — ჰკითხა თავადმა, — და რისთვის ექომაგები იმ ხალხს, ვინც შენ თვითონ უნაგირზე მიგაბა?

— სწორეა, თავადო, შენ რომ არა, დასტურ არ ამცდებოდა ხეზე კონწილი! მაგრამ მაინც დაუჯერე ამ ჩემ სიტყვას, გაუშვი ეგენი. სანანებლად არ დაგრჩება, როცა მოსკოვს მიხვალ. იქ, თავადო, ის კი არ გეგონოს, რაც წინათ იყო, ახლა სხვა დროა! იცოცხლე, მაგათ სუყველას რო ჩამოახრჩობდე, მეც არ ვიქნებოდი დამშლელი, რატომაც არ უნდა ჩამოახრჩო! მაგრამ მართო ამათი დასჯა რა ბედენაა, ისედაც სამყოფად დარჩება მაგათი ჯილაგი ამ ჩვენ მიწაზე; ახლაც ბარე ათი მაგნიირი დაგიძვრათ ხელიდან; ჰოდა, თუ ეს ქაჯის ნაშობი ხომიაკი არ მიბრუნდა მოსკოვს, ისინი სხვას კი არა, პირდაპირ შენ დაგადებენ ხელს!

თავადს, ალბათ, ვერ დაარწმუნებდა უცნობის ავისმანიშნებელი ლაპარაკი, მაგრამ ამასობაში უკვე დაუცხრა სიბრაზე. ნიკიტამ განსაჯა, რომ მტარვალეებზე ნაჩქარევი სამართლის ქმნა მაინცდამაინც დიდ სარგებლობას ვერ მოიტანდა, მაშინ როცა, თუ მართლმსაჯულებას გადასცემდა მათ, შესაძლოა, ამ იღუმალის მძარცველების მთელი ზროვა გამოეაშკარავებინა. სერებრიანიმ დაწვრილებით გამოიკითხა, სად იყო უახლოესი გუბის მამასახლისის სამყოფელი და მეომართა ზემდეგს უბრძანა ამხანაგებთან ერთად მიეცილებინა იქამდე ტყვეები, თვითონ კი გამოაცხადა, აქედან მართო მიხეიჩის თანხლებით განვაგრძობ გზასო.

— შენი ნებაა, თავადო, გაგზავნო ეგ ძაღლები გუბის მამასახლისთან, — უთხრა უცნობმა, — ოღონდ ენდე ჩემს სიტყვას, მამასახლისი მაშინვე ბრძანებს ხელები შეუხსნან ამ ძაღლთაპირებს. სჯობდა თვითონ გაგეშვა ეგენი თავიანთ გზაზე. თუმცა, ჩემგან რა გესწავლება, თავადევი იცი, როგორც მოიქცე.

მიხეიჩი ჩუმად უსმენდა მას და მხოლოდ ყურის ძირს იქექდა. როცა უცნობი გაჩუმდა, მოხუცი ჯილაკდარი თავადს მიუახლოვდა და მდაბლად ეთაყვანა.

— შენი მუხლების ჭირიმე, თავადო, — უთხრა მან, — რა ვიცი, ეს ვმარჯილი ეგებ არც ტყუოდეს: ვაითუ მამასახლისმა მართლა გაუშვას ყაჩაღები. ჰოდა, რახან შენი გულმონყალების გამოისობით ყულფში თა-

ვის გაყოფა ააშორე მაგათ, რისთვისაც, შემოგვევლოს მიხეიჩი, არც შენ გაგწირავს უფალი ღმერთი, იმის ნება მაინც დაგვრთე, რომ სანამ მამა-სახლისთან გაგზავნიდე, ყოველი შემთხვევისთვის, ერთი ორმოცდაათ-ორმოცდაათი მათრახი მიეცხოთ, ვინძლო აწი მაინც ველარ გაბედონ კაცისკვლა და ავაზაკობა, მგლის კბილი მაგათ და ქორის კლანჭი!

რაკი თავადმა არაფერი უპასუხა, მიხეიჩმა თანხმობად მიიჩნია მისი ღუმილი და მაშინვე გააყვანინა ტყვეები ცოტა მოშორებით, სადაც ზუსტად და სწრაფად აღასრულეს მისგან შეთავაზებული სასჯელი, მიუხედავად ზომიაკის მუქარისა და ცოფისყრისა.

— ეგ ყველაზე მარგებელი რამაა!.. — თქვა მიხეიჩმა, როცა კმაყოფილი სახით დაბრუნდა თავადთან. — ჯერ ერთი, არაფერს უშავებს კაცს, მეორეც ისა, რომ — მისდღემჩი არ ამოუვათ მახსოვრობიდან.

უცნობი, ჩანდა, თვითონაც იწონებდა მიხეიჩის იღბლიან მოაზრებას. იგი წვერზე ისვამდა ხელს და ჩუმად იცინოდა, მაგრამ მაღე კვლავ აღრინდულად დაუდინჯდა სახე.

— თავადო, — თქვა მან, — თუ შენ აქედან, როგორცა თქვი, მარტო ჯილაგლარი გინდა იახლო გზაში, მაშინ მე და ჩემს ამხანაგს მაინც დავვრთე ნება დაგემეზაეროთ. ჩვენც იქით მოვდივართ, ერთად კი უფრო ხალისიანად ვივლით. ესეც არ იყოს, ვინ რა იცის, თუ კიდევ მოგვიხდა ხელეებით მუშაობა, მაშინ რვა ხელი ოთხზე მეტს გამოცეხავს.

თავადს არ ჰქონდა იმის მიზეზი, ეჭვით შეეხედა ახალშეძენილი ამხანაგებისთვის. მან უარი აღარ უთხრა უცნობებს და ხანმოკლე დასვენების შემდეგ ოთხივენი გაუდგნენ გზას.

## II თ ა ვ ი

### ახალი ამხანაგები

გზაში მიხეიჩი რამდენჯერმე შეეცადა უცნობთა ვინაობის შეტყობას, მაგრამ ისინი სიტყვას ბანზე უგდებდნენ, ან კიდევ ქილიკაობით იძერენდნენ თავს პასუხისგან.

— ფუი, მგლის კბილი თქვენა და ქორის კლანჭი! — თქვა ბოლოს გუნებაში მიხეიჩმა. — ეს ვის გადავეყარეთ! ხალხი კი არა, ზლაკუნები არიან, ღმერთმანი! გგონია ეს არის ვტაცე ხელი კულშიო, ევენი კი თითებშუა გისხლტებიანი!

ამასობაში საღამო ხანმაც მოაღწია, სიბნელე მოეძალა მიდამოს. მიხეიჩი თავადს წამოეწია.

— ბატონო, — უთხრა მან, — ნეტავი კარგი ვქენით, ეგ უცნობები რომ დავიმგზავრეთ? ნამეტანი გაქნილი ვილაცეები ჩანან, ასავალ-დასავალს ვერ გაუგებ კაცი, სულ უკულმართად აბრუნებენ სიტყვას. მხარ-ბეჭიც კაი გვარიანად დასქელებიათ, რაღა ეგენი და რაღა ხომოიაკი. ვაითუ ვილაც გავარდნილები არიან?

— თუნდაც გავარდნილები იყვნენ, — უდარდელად მიუგო თავადმა, — მაინც ჩვენი მშველელები იქნებიან, თუ ვინიცობაა კიდეც გადავეყარეთ ოპრინიკებს.

— ჯანდაბას მაგათი თავი. გგონია მართლა გვიშველიან, თავადო? ძალღი ძალღის ტყავს არ დახვესო, უთქვამთ; მე კიდე გავიგონე, რო-ვორ ჩურჩულებდნენ ერთმანეთში, ეშმაკმა იცის რა ენაზე, სულ ვერაფერი გავუგე, ისე კი სიტყვები თითქოს რუსული იყო! გაფრთხილდი, ბატონო, სიფრთხილეს თავი არ ასტკიეო, თავადაც გაგეგონება!

უფრო ჩამობნელდა. მიხეიჩი გაჩუმდა. თავადიც ასევე მდუმარედ იყო. მხოლოდ ცხენების თქაფათქუფი და ხანგამოშვებით ფრთხილი ფრუტუნის ისმოდა ბნელში.

ტყით მიდიოდნენ. ერთმა უცნობთაგანმა სიმღერა წამოიწყო. მეორე აპყვა.

ღამით, ტყის წიაღში დარხეულმა ამ სიმღერამ, იმ დღით შემთხვეული ამბების შემდეგ, უცნაურად იმოქმედა თავადზე: მას ნაღველი შემოაწვა, წარსული მოაგონდა, ზუთი წლის წინათ მოსკოვიდან თავისი გამგზავრება გაახსენდა, წარმოსახვამ კვლავ იმ საყდარში გადაიყვანა, სადაც გამგზავრების წინ პარაკლისი მოისმინა და საზეიმო გალობასა და მრევლის ჩურჩულში ნეტარებით გააოგნა ნაზმა, ყლერადმა ხმამ, რომელიც ვერც ხმლების ჩახაჩუხმა ჩაახშო და ვერც ლიტველთა სიათების ქუხილმა. „ნახვამდის, თავადო, — იღუმალად ჩაჰლულუნებდა ნიკიტას ეს ხმა. — მე შენთვის მლოცველი ვიქნები!..“ ამასობაში უცნობები თავის სიმღერას განაგრძობდნენ, მაგრამ მის სიტყვებს საერთო არა ჰქონდათ რა ბოიარის ფიქრებთან. სიმღერა ქებას უძღვნიდა სტეპების სილადესა და უსაზღვროებას, ღელა-ვოლგას, ბურლაკების თავაწყვეტილ ცხოვრებას. ხმები ხან ერთმანეთს ეხლართებოდნენ, ხანაც ცალკე ცალკე მორაკრაკებდნენ, ხან საესე ნაკადად მოირწეოდნენ, ფართო მდინარესავით, ხანაც მშფოთვარე ტალღებად მოასკდებოდნენ, ზვირთდებოდნენ და კვლავ ცხრებოდნენ, ბოლოს კი მაღლა, სულ მაღლა აიჭრებოდნენ და ცის შორეთში დანავარდობდნენ, ფრთებგაშლილი არწივებით.

სევდისა და ხალისის მომგვრელია ზაფხულის წყნარ ღამეში, ტყის

უსიერ მღუმარებაში ლაღად დარხეული რუსული სიმღერა. მასში გა-  
ისმის უსასრულო, უნუგეშო ნაღველიც, უტეხი ძლიერების ყიჟინაც და  
ბედისწერის გარდუეალობის, ბედის მოწოდების უცვალებლობის ლაღადი-  
სიც, — ეს ერთ-ერთი ძირითადი საწყისი ჩვენი ეროვნული ხასიათისა, რი-  
თაც შეიძლება აიხსნას ბუერი რამ, რუსეთის ცხოვრებაში გაუგებარი რაც  
გვეჩვენება. და კიდეც რას არ ეუბნება კაცს გაბმული სიმღერა, ზაფხულის  
ღამესა და ტყის მღუმარებაში!

გამაყრუებელმა სტვენამ ფიქრი გაუკრთო ბოიარს. ხეების საფარიდან  
ორი კაცი გამოხტა და ლაგამში სწვდა მის ცხენს, ორმა სხვამ კი ხელები  
გაუკავა მხედარს. წინააღმდეგობა უკვე შეუძლებელი იყო.

— უჰ, თაღლითებო! — შეჰყვირა მიხეიჩმა, რომელსაც ასევე შემოეხ-  
ვივნენ უცნობი ადამიანები, — უჰ, მგლის კბილი თქვენ და ქორის კლანჭი!  
ჰაი ღედასა, მაინც მოგვადორეს ამ წყეულებმა!

— ვინ მოღის? — იკითხა უხეშმა ხმამ.

— ბებიას თითისტარი! — უპასუხა იმან, რომელიც უმცროსი იყო თა-  
ვადის ახლადშეძენილ ამხანაგთაგან.

— ბაბუას ქალამნებით! — თქვა უხეშმა ხმამ.

— რომელ ქარს მოჰყვებით, ჩვენებურებო?

— ნუ არხევ ვაშლის ხეებს! აცალე ამოვიდეს საფუარი, ერთი-ოთხად  
მოვიდეს მოსავალი! — განაგრძობდა თავადის თანამგზავრი.

მომხდურებმა მაშინვე უშვეს ხელი თავადს, და ცხენიც, რაკი თავი-  
სუფლება იგრძნო, კვლავ ფრუტუნ-ფრუტუნით გაუყვა გზას ხეებს შო-  
რის.

— ხედავ, თავადო, — თქვა უცნობმა და სერებრიანის წამოეწია, — ხომ  
გეუბნებოდი, ოთხნი უფრო ხალისიანად ვივლით, ვიდრე მარტო ორნი-  
მეთქი! ახლა ბარემ ისიც დაგვანებე, წისქვილამდე მიგაცილოთ, იქ კი და-  
ვემშვიდობოთ ერთმანეთს. წისქვილში ღამესაც გაათევთ და ცხენებსაც  
დაანაყრებთ. იქამდე ორიოდვე ვერსი იქნება, მეტი არა, იმას იქით კი მოს-  
კოვიც შორს აღარაა!

— მაღლობელი ვარ, მამაცებო, ამ სამსახურისთვის. თუ ოდესმე კვლავ  
გვიწერია შეხვედრა, არ დაევიწყებ, ვალს რომ გადახდა შეენოს!

— შენ კი არა, ჩვენ უნდა გვახსოვდეს, თავადო, რა სამსახურიც გავგი-  
წიე. თუმცა, არა მგონია, როდისმე კიდეც შეხვედრით ერთმანეთს, მაგრამ  
თუ ღმერთმა ინება და მართლა შეგვახვედრა, ეს ერთი იცოდე: რუს კაცს  
სიკეთე ახსოვს და ჩვენც მუდამ შენი ერთგული ყმები ვიქნებით!

— მაღლობელი ვარ, ბიჭებო, ოღონდ, თქვენ სახელს არ მეტყვიეთ?

— მე სახელი ერთი არა მაქვს, — უპასუხა იმან, რომელიც უფრო

ახალგაზრდა იყო, — ჯერხნობით ვანიუხა პერსტენი ვარ, სამერმისოდ კი იქნებ სხვა სახელიც მოიძებნოს ჩემთვის.

მალე ისინი წისკვილს მიუახლოდნენ. გვიანი ღამე იყო, მაგრამ ბორბალი მაინც დგაფუნობდა წყალში. პერსტენმა დაუსტვინა და კარებში მეწისკვილე გამოიჩინა. ბნელში შეუძლებელი იყო მისი სახის გარჩევა, მაგრამ ხმაზე მიხედვებოდი კაცი, რომ მოხუცი იყო.

— უი, შენ ხარ, მარჩენალო? — უთხრა მან პერსტენს: — სულ არ მოგელოდი დღეს, ისიც თანამგზავრებით! რა იქნებოდა, ბარემ მოსკოვამდე მისულიყავი? თორემ მე, შემოგვევლე, ისეთ ყოფაში ვარ, არც ქერი მაქვს, არც თივა, არც ვახშამი!

პერსტენმა რაღაც უთხრა მეწისკვილეს გაუგებარ ენაზე. მოხუცმაც ასევე გაუგებარი სიტყვებით უპასუხა და ხმადაბლა დააყოლა:

— მოხარულიც ვიქნებოდი, შემოგვევლე, მაგრამ რა ვქნა, სტუმარს ველოდები; ისეთ სტუმარს, რომ, ღმერთო დამარჩინე, ნამეტანი ბრაზიანს!

— კი, მარა საგუბართან რომ ნალია გაქვს, არც იქ შეიძლება? — უთხრა პერსტენმა.

— სულ ტომრებითაა გამოტენილი.

— საკუჭნაოში რაღა გიყრია? გეყურება, შენ, შეილოსან, გირჩევნია ახლავე მოუძებნო ღამის გასათევი ამ ხალხს, ქერი ცხენებს და ვახშამი ბოიარს! ჩვენ ხომ ვიცნობთ ერთმანეთს, ჩემთან იწილო-ბიწილო არ გარგია.

მოხუცი ბუზღუნით წაუძღვა მოსულებს ნალიისკენ, რომელიც წისკვილიდან ათიოდე ნაბიჯზე იდგა. იქ ზორბლისა და ფქვილის ტომრები კი ელაგა, მაგრამ ადგილი მაინც სამყოფად იყო.

სანამ მოხუცი კვარს მოიტანდა, პერსტენი და მისი ამხანაგი ბოიარს დაემშვიდობნენ.

— ბარემ გვითხარით, მამაცებო, — ჰკითხა მიხეიჩმა, — სად გეძიოთ კაცმა, თუ ვინიცობაა დღევანდელი ამბის მერე მოწმეები დასჭირდა თავადს?

— ქარსა ჰკითხე, — უპასუხა პერსტენმა, — საიდან ხარ-თქო? ავორებულ ტალღასა ჰკითხე, სადა ცხოვრობ-თქო? ჩვენ, ძმობილო ჩემო, ღარით გატყორცნილი ისარივით ვართ ამ ქვეყანაზე: საღაც ნაწრთობი ისარი ჩაერჭობა მახვილი წვერით, იქ არის მისი ბინაცა და სამოსახლოც! მოწმეებად, — განაგრძობდა იგი მქირდავი ღიმილით, — ჩვენ ვერ გამოვადგებით მის მოწყალებას. ისე კი, თუ სხვა რამ ამბავმა დაგაჭირ-



ვათ ჩვენი თავი, ამ მეწისქვილეს მოაკითხე, ბერიკაცო. ეგ გეტყვის, სად იპოვო ვანიუხა პერსტენი!

— ამას დამიხედეთ, მგლის კბილი შენა და ქორის კლანჭი! — ცხვირ-ში ჩაიდუღუნა მიხეიჩმა, — რა მოქარგულად ლაპარაკობს!

— თავადო, — უთხრა პერსტენმა განშორებისას, — დაიჯერე ჩემი სიტყვა. მოსკოვს ჩასული, ნუ დაიტრაბახებ, მალიუტა სკურატოვის მსახურის ჩამოხრჩობას რომ აპირებდი და მერე კი ხუნტრუცა თხასავით აუჭრელე ზურგი!

— უყურე ამას, როგორ ჭიკჭიკებს, — კვლავ ჩაიბუზღუნა მიხეიჩმა, — ყაჩაღი გაუშვი, ყაჩაღი არ ჩამოახრჩო, თან კიდევ ნურც იმას დაიტრაბახებ, ჩამოხრჩობა რომ გინდოდაო! ისე გალობს, ეტყობა, ერთი ამქრისანი არიან! ნუ ღელავ, ძმობილო, — დაადევნა მან ხმამაღლა, — ჩვენს თავადს შიში არავისი აქვს; მიუფურთხებია იმას შენი სკურლატოვისთვის; ეგ მხოლოდ მეფის მოპასუხეა და სხვა არავისი!

მეწისქვილემ ანთებული კვარი მოიტანა და კედელში ჩაარჭო. მერე შინი, პური და ერთი კათხა ლუდიც შემოიტანა. მის ნაკვთებში უცნაურად შერწყმოდა ერთმანეთს გულკეთილობა და თაღლითობა. თმა და წვერი მთლად გაჭაღარავებოდა, თვალები კი ღია-ნაცრისფრად უელავდა. სახე ერთიანად დაეღარა ნაოჭებს.

თავადმა და მიხეიჩმა ივახშემეს, ილოცეს და ტომრებზე წამოწვენენ. მეწისქვილემ ღამე მშვიდობისა უსურვა მათ, მდაბლად დაუკრა თავი, კვარი ჩააქრო და გავიდა.

— ბატონო, — უთხრა მიხეიჩმა, როცა მარტონი დარჩნენ, — გული რაღაც ისე მითხრობს, მგონი კარგი არ ვქენით, აქ რომ შეეჩერდით. სჯობდა პირდაპირ მოსკოვის გზას დავდგომოდით.

— მერე იმას აღარ ფიქრობ, ღეთისნიერ ხალხს რომ შევაწუხებდით ამ გვიან ღამეში, წარამარა ცხენიდან ჩამოსვლა და ყოველ ქუჩაზე ხარხების შეხსნა რომ გაგვაწვალებდა?

— რა დიდი ამბავი ეგ არი, ბატონო! ამ ეშმაკეულ წისქვილში ძილს ისევ ხარხების შეხსნა მერჩია. არა, რაღა მაინცდამაინც წისქვილში მოგვიყვანეს იმ წყეულებმა! თანაც სწორედ ახლა, ივან კუპალას დღესასწაულის წინაღამით. ფუი, დალახვროს ეშმაკმა!

— აბა რას ამბობ, განა ცუდად ხარ აქ?

— არა, ბატონო, ცუდად არ ვარ. მოსვენებულადაც ვწევარ, შინც გემრიელი იყო, ცხენებსაც ქერი დაუყარეს; მარა ცუდი ის არის, რომ მასპინძელი, თავადაც ზედავ, მეწისქვილეა!

— მერე რა, რომ მეწისქვილეა?

— როგორ თუ რა?! — გაცხარებით თქვა მიხეიჩმა. — განა არ იცი, თავადო, მთელ ღუნიანზე ვერსად ნახავ მეწისქვილეს, არაწმიდას ჯილაგის რომ არ იყოს? თუ გგონია, უარაწმიდოდ გამართავს საგუბარს? კი, როგორ არა! მგლის კბილი მაგას და ქორის კლანჭი!

— მეც გამიგონია ეგა, — თქვა თავადმა, — მაგრამ განა ყველაფერი მართალია, რასაც კაცის ენა იტყვის. თუ არადა, ახლა რა დროს მაგის ჩხრეკაა, იკმარე, რაც ღმერთმა გიწყალობა, და მოისვენე.

მიხეიჩმა ცოტა ხანს იყუჩა, მერე დაამთქნარა, კვლავ გაყუჩდა და უკვე ძილმორეული ხმით იკითხა:

— როგორ ფიქრობ, პა, თავადო, რა კაცია ის მატყვი ზომიაკი, შენ რომ ცხენიდან ვადმოანარცხე?

— ვფიქრობ, ყაჩაღია.

— მეც ასე ვფიქრობ. ამაზე კი რაღას ფიქრობ, თავადო, ამ ვანიუხა პერსტენზე, ეგ რა კაცია?

— ვფიქრობ, ეგეც ყაჩაღია.

— მეც ასე ვფიქრობ. ოღონდ ეს ყაჩაღი იმ ყაჩაღზე უფრო ნამუსიანი უნდა იყოს. შენ კი რა გგონია, ბოიარო, რომელი ყაჩაღი უფრო ნამუსიანი იქნება, ზომიაკი თუ პერსტენი?

და, პასუხსაც აღარ დალოდებია, ისე ამოუშვა ზვრინვა. მალე თავადმაც დაიძინა.

### III თ ა მ ი

## ჯ ა ღ ო ს ნ ო ბ ა

ცაზე მთვარე ამოცურდა, ვარსკვლავები აკიაფდნენ. გასაცოდავებულნი წისქვილი და მოხმაურე ბორბალი ვერცხლისფერ შუქში ცურავდა. უეცრად ცხენის თქარათქური გაისმა და სულ მალე ზედ წისქვილთან ვილაცამ მბრძანებლურად დაიყვირა:

— ეი, ჯადოსანო!

ეტყობა, ეს კაცი ნაჩვევი არ იყო ლოდინს, რადგან, პასუხი რომ არ გასცეს, უფრო ხმამაღლა დაიღრიალა:

— ეი, ჯადოსანო! გამოდი, თორემ, იცოდე, ასო-ასო აგქნი!

გაისმა მეწისქვილის ხმა:

— წყნარად, თავადო, წყნარად, ბატონო, ჩვენ ახლა მარტონი არა ვართ, მგზავრები არიან ჩემთან ღამის სათევად; მე კი ახლავე გამოვალ, ბატონო, ოღონდ მაცალე ზანდუკი დაკვეტო.

— მე შენ გიჩვენებ ზანდუკის დაკეტვას, შე ეშმაკის მაშხალავ, შე-  
ნა! — დაიღრიალა იმ კაცმა, რომელსაც მეწისქვილე თავადს ეძახდა, —  
განა არ იცოდი, დღეს რომ უნდა მოვსულიყავი! როგორ გაბედე ღამის-  
მთევლების მიღება! ახლავე წაეთრიონ აქედან!

— ნუ ყვირიხარ, ბატონო, თუ ღმერთი გწამს, ნუ ყვირიხარ, სულ  
წაახდენ საქმეს! მაშინაც ხომ გითხარი, ამ ჩვენ ამბავს ხმაური არ უყ-  
ვარს-მეთქი; ღამისმთევლებს კი ვერ გავაგდება, არ შემძლია. ანკი რა  
საჭიროა, ხელს არ გვიშლიან, სძინავთ თავისთვის, თუ, შემოგველე, შე-  
ნი ყვირილით არ გააღვიძებ!

— მაშ კარგი, მოხუცო, ოღონდ იცოდე, თუ ცუდუბრალოდ მიხვევ  
თვალებს, გერჩია სულ არ გაჩენილიყავი ამ ქვეყნად. ჯერაც არ მოუგო-  
ნიათ, არც გაუგონიათ ისეთი სასჯელი, მე რომ შენთვის გამოვძებნი!

— ნუ მირისხდები, ბატონო! მეტი აბა რაღა ვიღონო, ბერიკაცმა?  
რასაც ვხედავ, კი გეუბნები, ხოლო სამერმისოდ რაც უნდა მოხდეს, იმის  
ამბავი ღმერთის მეტმა არავინ იცის! ჰოდა, თუ შენ, მოწყალეო თავადო,  
დასჯას მიპირებ, მაშინ მირჩევნია სულაც შევეშუა ამ საქმეს!

— კარგი, კარგი, მოხუცო, ნუ გეშინია, გაგებურე მხოლოდ.

ღამის სტუმარმა ცხენი ზეზე დააბა. ის ტანშეღებული ვაეკაცი იყო  
და, ეტყობა, ახალგაზრდაც. გრძელკალთიანი ხიფთანის ჩაწიკვიკებულ  
ღილაკილოებზე მთვარის შუქი დასთამაშებდა. მხრებზე მურმოლკა ქუ-  
დის ოქროს ფოჩები ულიტლიცებდა.

— ჰოდა ასე, თავადო, — უთხრა მეწისქვილემ, — რა ქენი, დაისწავლე  
სიტყვები?

— სიტყვებიც დავისწავლე და მერცხლის გულიც შევიბი ყელზე.

— მერე, არც ეგ გშველის, ბოიარო?

— არა, — სინანულით მიუგო თავადმა, — არაფერი არ მშველის!  
ამასწინებზე ბალში დავინახე. მიცნო თუ არა, გაფითრდა, პირი შემაქ-  
ცია, სახლში შევარდა!

— აბა არ გამიბრაზდე, ბოიარო, ცუდუბრალოდ არ წამავლებინო თა-  
ვი და, ნება მომეცი, რაღაც გითხრა.

— მითხარი, მოხუცო.

— ყური მიგდე, ბოიარო, ოღონდ მეშინია კი ამის თქმა...

— თქვი, ბარემ! — დაიყვირა თავადმა და ფეხი დაუბაკუნა.

— აბა ყური მომიგდე, შენი მუხლების ჭირიმე... სხვა ხომ არავინ  
უყვარს იმ ქალს?

— სხვა? სხვა ვინ უნდა უყვარდეს? ქმარი? ის ბეხრეკი?

— ეგება... ეგება... — განაგრძობდა მეწისქვილე ენის ბორძიკით, — ეგება ქმარი კი არა, ვინმე სხვა უყვარს?

— ფუ, შეგაჩვენა ღმერთმა, შე მართლა მანევ! — იყვირა თავადმა, — არა, ეგ რაღამ გაფიქრებინა? ეგ რომ მგონებოდა, ვინმეზე რომ ეგ მეაზრა, ორთავეს ამ ხელებით ამოვგლეჯდი გულებს!

მეწისქვილე შიშმა დააბარბაცა და უკან. მიაწყდა.

— ჯადოსანო, — განაგრძო თავადმა და ხმა შეარბილა, — მიშველე რამე! მთლად დამიშონა სიყვარულმა, უწყალო გველმა! რა არ ვიღონე, რა არ ვცადე! მთელ ღამეებს ლოცვა-ვედრებაში ვათენებდი ზატების წინ მუხლმოდრეკილი! მაინც არ იქნა ჩემი საშველი, ვერ გამოვილოცე მოსვენება, ვერა და ვერა! დავაგდე ლოცვა, მინდვრად გავიჭერ, გათენებიდან დაღამებამდე დავჯირითობდი აღმა-დაღმა, სულ დარჩეული ბედაურები შემოვიმარცხე, მოსვენება კი ვერ იქნა და ვერ გამოვხედნე! ღამით ქეიფსა და ღრეობას მივყავი ხელი, აზარფეშებით ვნთქავდი მათრობელ ღვინოს, მაინც ვერ ჩავახრჩე ნაღველი, ვერ ვინუგეშე თავი ლოთობით! ყველაფერზე ხელი ჩავიქნიე და ოპრიჩნიკი გავხდი. დავიწყე ღრეობა მეფის სუფრაზე, გაგრიების გვერდით, გრიაზნოებთან, ბასმანოვებთან! თვითონაც მათზე უარესად ვმტარავლობდი, სოფლებსა და დაბებს ვაწიოკებდი, ქალებსა და გოგოებს ვიტაცებდი, მაინც ვერ ჩავახრჩე სისხლში ჩემი ნაღველი! შიშით ძრწიან ჩემ ხსენებაზე ზემშინელებიც, ოპრიჩნიკებიც, მწყალობს მეფე სიმამაცისთვის, მწყევლის და მკრულავს მართლმორწმუნე უბრალო ხალხი. თავად აფანასი ვიაზემსკის სახელი ისევე შემაზრზენი შეიქნა, როგორც სახელი მალიუტა სკურატოვისა! აი რა დღე დამმართა სიყვარულმა, დამღუპა და სული წარმწყმიდა! თუმცა, რას ვაქნევ სულის წარწყმედას! რაც აქ დღეში ვარ, ამის უარესს, სულ ერთია, ჯოჯოხეთის გენაშიც ვერ დამმართებენ! რაო, მოხუცო, რას მამტერდები ამ თვალებში? თუ, გგონია, ჭკუას გადავცდი? არა, შვილოსან, აფანასი ივანიჩი ჭკუიდან არ გადამცდარა; თავიც მრთელი აქვს აფანასის და ჯანიც მრთელი აქვს! იმიტომაც არის ჩემი ტანჯვა ასე უღმერთო და საშინელი, რომ არ შეუძლია დამადნოს და ბოლო მომიღოს!

მეწისქვილე თავადს უსმენდა და ტანში ჟრუანტელი უვლიდა. იცოდა მისი სიშმაგის ამბავი და ეშინოდა, ვაითუ სული გამაფრთხობინოსო.

— აბა, რას განუმებულხარ, მოხუცო? ნუთუ არა გაქვს ბანგი რამე, ანდა ფესვები რამენაირი, რომ ის ქალი გრძნებით შეკრას, მოაჯადო-

ვოს? მითხარი, აბა, ჩამომითვალე, რა და რა საგრძნეულო ბალახი იცი? ჰა, ამოიღვი ენა, ჯაღოსანო!

— შენი ჭირი შემეყაროს, თავადო, აბა რა გითხრა? ბუერნაირი ბალახი მოიძეუება. არის ეკალბალახა, პეტრე-პავლობის მარხვის დროს აგროვებენ. გაბოლავ იმით ისარს და მორჩა — არ აცდება მიზანს. არის შხამა ბალახი, ქაჩალ გორაზე, კიევის ახლოს იზრდება. ვინც იმას ატარებს, თავის ღლეში მეფის რისხვა არ დაატყდება. არის კიდევ იასამანა — მტირალა ბალახი, გამოთლი მისი ფესვისგან ჯვარს და ყელზე დაიკიდებ, ცეცხლზე უფრო დიდი შიში ექნება შენი სუყველას!

ვიაზემსკიმ მწარედ ჩაიციანა.

— ჩემი შიში უმაგისოდაც ძვალ-რბილში აქვთ გამჯდარი, — თქვა მან, — არ მჭირდება ეგ შენი მტირალა. სხვა, სხვა მითხარი.

— არის კიდევ ვაშლაძილა, ჭაობების მახლობლად იზრდება, მელო-გინეს შველის და საჩუქრები მოაქვს. არის ჭაობის ცისფერა; თუ ვინიცობაა დათუზე ნადირობა მოგეგუნება, დალევ ცისფერას ნაყენს და ვერა დათვი ვერ შეგეხება. არის რევანდი — წივანა ბალახი; მიწიდან მოთხრას რომ მოუნდომებ, კვნესის და წივის ადამიანიშვილივით, მარა გულზე რომ დაიკიდებ, თავის ღლეში წყალში არ დაიხრჩობი.

— მაგათ მეტი სხვა აღარაფერია?

— როგორ არ არის, ბატონო, არის კიდევ მთის ჩადუნა ანუ გვიმრა; ვინც იმის ყვავილის მოწყვეტას შეძლებს, ყველა საუნჯე სულ მისი იქნება ამ ქვეყანაზე; არის იაჟუჟუნა. ვინც იცის, როგორ მოკიდოს მაგ ბალახს ხელი, მთლად დავარდნილი ჯახრაკი ცხენითაც კი უპირველეს ბედაურს ჩამოიტოვებს.

— ეგ ყველა ყველა, მაგრამ იმნაირი ბალახი არ იცი, ლამაზ პატარძალს მისგან გაწბილებული რომ შეაყვაროს?

მეწისქვილეს ენა დაებორკა.

— არ ვიცი, ბატონო, ნუ გამირისხდები, შემოგვევლე, ღმერთთა მოწამე, არ ვიცი.

— აბა ისეთი, საკუთარ სიყვარულს რომ მოერიოს კაცი, არც ისეთი იცი?

— არა, არ ვიცი, ბატონო; მარა, ისე, არის კიდევ ერთი, ქვატეხიას ეძახიან: თუ იმით ციხის ან რამე რკინის კარს შეეხე, სულ ნაკუწ-ნაკუწ დაგლეჯს მაშინვე!

— ჯანდაბაშიც წასულხარ შენი ბალახებიანად! — ბრაზიანად უთხრა ვიაზემსკიმ და ამღვრეული თვალები მიაშტერა მოხუცს.

მეწისქვილემ თვალები დახარა და ხმას არ იღებდა.

— მოხუცო! — შეჰყვირა უცებ თავადმა და საყელოში სწვდა ბერიკაცს, — ახლავე აქ გააჩინე ის ქალი! გეყურება? აქ გააჩინე, აქ გააჩინე, შე ქაჯო! ახლავე აქ გააჩინე!

იგი საყელოში ჩაუღებულნი ორივე ხელით აყანყალებდა მოხუცს.

მეწისქვილემ გაიფიქრა, ახლა კი დადგა ჩემი აღსასრულის საათიო.

უცებ ვიანხმესკიმ ხელი უშვა ბერიკაცს და მუხლებზე დაემხო მის წინაშე.

— შემობრალე მე უბედური! — აზლუქუნდა თავადი. — მომარჩინე ამ სატანჯველს! წყალობით აგავსებ, ოქროში გაცურებ, შენი მონა გავხდები! შემობრალე მე უბედური, მოხუცო კაცო!

ამ ამბავმა უფრო მეტად შეაშინა მეწისქვილე.

— თავადო, ბატონო! რა გემართება? გონს მოდი! ეს მე ვარ, დავიდი-ჩი, მეწისქვილე!.. გონს მოდი, თავადო!

— არ ავდგები, სანამ არ მომარჩენ!

— თავადო! თავადო! — მითრთოლვარე ხმით უთხრა მეწისქვილემ, — კმარა ახლა, საქმეს უნდა შევეუდგეთ. დრო გადის, ადექი! ახლა ბნელა, მე შენ არ დამინახიხარ, არც ის ვიცი, სადა ხარ! აბა, ვიჩქაროთ, ვიჩქაროთ, საქმეს მივხელოთ!

თავადი წამოდგა.

— მაშ დანიწყე, — თქვა მან, — მე მზად ვარ.

ორივენი გაჩუმდნენ. ირგვლივ სიწყნარე იყო. მხოლოდ მთვარით განათებული ბორბალი განაგრძობდა ხმაურსა და ბრუნვას. სადღაც, შორეულ ჭაობში, ღაღღა ჭყიოდა. ზოგჯერ ბუც კენესოდა უდაბურ ტყეში. მოხუცი და თავადი წისქვილთან მივიდნენ.

— თავადო, შენ ბორბალს ქვემოთ იცქირე, მე კი შელოცვას დავიწყებ.

მოხუცი მიწაზე გაწვა და, ჯერ კიდევ შიშისგან სულშეგუბებული, რაღაც სიტყვების ბუტბუტს მოჰყვა. თავადი ბორბალს ქვემოთ იცქირებოდა. რამდენიმე წუთი გავიდა.

— რას ხედავ, თავადო?

— ვხედავ, თითქოს მარგალიტი მოცვივა საიდანღაც, თითქოს ოქროს თუმნიანები ბრჭყვიალებენ.

— მდიდარი კაცი იქნები, თავადო, რუსეთში ყველაზე მდიდარი კაცი! ვიანხმესკიმ ამოიხვნეშა.

— კიდევ უყურე, თავადო, რას ხედავ?

— ვხედავ, თითქოს ხმლები გადაჭდობიან ერთიმეორეს, იმათ შორის კი მგონი ოქროს გრივინები მოჩანს!

— გამარჯვებული იქნები ბრძოლებში, ბოიარო, მეფის წყალობა არ მოგაკლდება! ოღონდ უყურე, უყურე კიდეც; თქვი, რას ხედავ ახლა?

— სულ ჩაბნელდა იქაურობა, წყალი აიმღვრა. ახლა კი წითლად იღებება წყალი, აი მეწამულისფრად ჩამუქდა, თითქოს სისხლიაო. ეს რაღას ნიშნავს?

მეწისქვილე ხმას არ იღებდა.

— ეს რაღას ნიშნავს, მოხუცო?

— კმარა, თავადო, დიდხანს ყურება კი არ ვარგა, წაეიდეთ ახლა!

— აი, მეწამული ფერის ძაფები გამოჩნდა, თითქოს სისხლის ძარღვები იყოს; აი, თითქოს მარწუხები გადაიხსნენ და ისევ ჩაიწმახნენ, აი...

— წაეიდეთ, თავადო, წაეიდეთ, იკმარე ახლა!

— მაცალე! — თქვა ვიაზემსკიმ და ხელის კერით მოიშორა მეწისქვილე, — აი, თითქოს კბილანა ხერხი მიდი-მოდის წინ და უკან, ქვემოთ კი თითქოს სისხლი გამოსჩქეფს!

მეწისქვილეს უნდოდა ძალით გადმოეთრია თავადი.

— მაცალე, მოხუცო, მაცალე, ცუდადა ვარ, სახსრებში მტეხავს... ოპ, როგორ მტეხავს!

თავადი თვითონ გადმოხტა უკან. ჩანს, მიხვდა, რასაც ნიშნავდა ეს მოჩვენება.

კარგა ხანს ორივენი ხმას არ იღებდნენ. ბოლოს ვიაზემსკიმ თქვა:

— მინდა ვიცოდე, უყვარს თუ არა იმას სხვა ვინმე!

— მერე გაქვს კია, თავადო, რამე ნივთი იმ ქალისგან?

— აი ეს ვიპოვე მის ჭიშკართან!

თავადმა ცისფერი ლენტის აჩვენა მოხუცს.

— ბორბალქვეშ ჩააგდე!

თავადიც ასე მოიქცა.

მეწისქვილემ თიხის მომცრო სურა ამოაცურა უბიდან.

— მოსვი! — უთხრა მან და სურა გაუწოდა თავადს.

თავადმა მოსეა. თავბრუ დაესხა, დარეტიანდა, თვალთ დაუბნელდა.

— ახლა ჩახედე იქ, რას ხედავ?

— იმას, იმას!

— მარტოა?

— არა, მარტო არ არის! ორნი არიან: ალისფერხიფთანნიანი ქერა ჭაბუკია მასთან, ოღონდ სახე არ უჩანს... მოიცა! აი ისინი ერთმანეთს უახლოვდებიან... სულ ახლოს, ახლოს მიცურდნენ... შეჩვენებულნი!

ერთმანეთს კოცნიან! შეჩვენებულნი! წყეულიმც იყავ, ჯადოსანო, წყეუ-  
ლიმც იყავ, წყეულიმც, წყეულიმც!

თავადმა მჯილით ფული მიუყარა მეწისქვილეს, ბრაზიანად მოგლი-  
ჯა ხეზე გამობმული ალვირი, უნაგირს მოახტა, და ტყეში ცხენის ნა-  
ლების თქარათქური გაისმა. მალე მისი ხმაც მიწყდა და მხოლოდ ბორ-  
ბალი ოხრაავდა და ბრუნავდა ღამის სიწყნარეში.

#### IV თ ა ვ ი

### ღრუჟინა ანდრეჟინი და მისი მუჟღა

მკითხველს რომ შეეძლოს სამასი წლის წინანდელ წარსულში გა-  
დაიხედოს და მაღალი სამრეკლოდან მოაელოს თვალი იმ ხანების მოს-  
კოვს, მცირე მსგავსებას იპოვიდა მაშინდელ და ახლანდელ ქალაქს შო-  
რის. მოსკოვ-მდინარის, იაუზასა და ნეგლინიას ნაპირები ღრო-ჟამის-  
გან ჩაშავებული ყავრული ან ჩალური ხის სახლებით იყო უმეტესწი-  
ლად მოფენილი. ამ ჩაჟამებული სახურავეებისგან მკვეთრად გამოირჩე-  
ოდა კრემლის, კიტაი-გოროდისა და უკანასკნელი ორი საუკუნის გან-  
მავლობაში აგებულ სხვა სიმაგრეთა თეთრად და წითლად მამუქარი  
კედლები. მაღლა ცაში იყო ატყორცნილი უთვალავი ეკლესიისა და სამ-  
რეკლოს ოქროსფერი გუმბათები. უზარმაზარ ყვითელ-მწვანე ლაქები-  
ვით ჩანდა სახლებს შორის ზშირი ჭალები და პურის ყანები. მოსკოვ-  
მდინარეზე ყანყალა ბონდის ხიდები იყო გაბმული, რომლებიც ძლიე-  
რად ირწეოდნენ და წყალში იძირებოდნენ, როცა ზედ ურმები ან მხედ-  
რები გადადიოდნენ. იაუზასა და ნეგლინიაზე ათეულობით წისქვილის  
ბორბალი ბრუნავდა. შიგ ქალაქში სურათოვნად მიმოუენილი ეს ჭალე-  
ბი, ყანები და წისქვილები შნოსა და ლაზათს ჰმატებდნენ მაშინდელ  
მოსკოვს. განსაკუთრებით სიამოვნებდა კაცის თვალს მონასტრების  
ცქერა; თავიანთი თეთრი გაღავენებითა და ჭრელ თაიგულებად აზიდულა  
ფერადი და ოქროცურვილი გუმბათებით ისინი ცალკე ქალაქებს მოგა-  
გონებდნენ.

ეკლესიების, სახლების, ჭალებისა და მონასტრების მთელ ამ სიჭ-  
რელეში ზვიადად იყო წამომართული კრემლის საყდრები და სწორედ იმ  
ხანებში დამთავრებული ღვთისმშობლის ტაძარი, რომლის აგება ყაზა-  
ნის აღების აღსანიშნავად დაიწყო იოანემ რამდენიმე წლის წინათ და  
რომელიც ახლა ვასილ ნეტარის სახელს ატარებს. დიდი იყო მოსკო-



ველთა სიხარული, როცა ბოლოს ხარაჩოები ჩამოშალეს და აქამდე უცხო თვალისგან დაფარული ეკლესია მთელი თავისი ზღაპრული ბრწყინვალეობით, ოქროთი და ფერებით მოელვარე, მრავალნაირი კაზმულობით თვალის მიმტაცე წარმოსდგა მნახველთ წინაშე. კიდევ დიდხანს გამოხატავდა ხალხი ხუროთმოძღვრის დიდოსტატობით გაოცებას, მადლობას სწირავდა ღმერთს და აღიღებდა მეფეს, აქამდე არნახული სახილველით რომ გაახარა მართლმორწმუნენი. მოსკოვის დანარჩენი საყდრებიც მშვენიერი იყო. მოსკოველები არც ფულს, არც გარჯას არ იშურებდნენ ღვთის სახლების კეთილსახიერებისთვის. ყველგან ნახავდით ძვირფას ფერებს, ოქროს ვარაყებს და გარე კედლებზე მთელი ტანით გამოსახულ ვეება ხატებს. უყვარდათ მართლმორწმუნეთ ღვთის სახლების მორთვა-მოკაზმვა, მაგრამ, სამაგიეროდ, ცოტას ზრუნავდნენ საკუთარი საცხოვრებლების სიკოხტავეზე; თავიანთ ბინებს, თითქმის ერთიან, მკვიდრად და უბრალოდ აგებდნენ ფიჭვის ან მუხის ძელებისგან და მათ შესაფიცრავადაც არ იწუხებდნენ თავს, თანახმად ძველი რუსული ანდაზისა: ქოხს ჩუქურთმები კი არა, ღვეზელები ამშვენებსო.

მხოლოდ ერთი საცხოვრებელი გამოირჩეოდა განსაკუთრებული სილამაზით. ეს იყო ბოიარ დრუჟინა ანდრეევიჩ მოროზოვის სახლი, რომელიც მოსკოვ-მდინარის ნაპირას იდგა. მუხის ძელები საგანგებოდ შერჩეული, ერთნაირად მრგვალი და სწორი იყო. ყველა კუთხე თითნაჭედად შეეჭრათ, სახლი ქორედ-ქორედად, სამ სართულად ამოეყვანათ, თუ სასტუმრო დარბაზს არ ეიგულისხმებთ. წინგარდის მაღალი კიბის სახურავი რუმბუბივით დაბერილ იჩიბ სვეტებზე იყო დანდობილი და ნატიფი ჩუქურთმებით დამშვენებული. დარაბები ლამაზად მოეხატათ ყვავილებითა და ჩიტებით, ხოლო ფანჯრებში დაბინდული ხარის ბუშტები კი არ იყო ჩატანებული, როგორც მეტწილ მოსკოურ სახლებში, არამედ სუფთა, გამჭვირვალე ქარსი. ვრცელ სამოსახლოში საფარეშოები, საკუჭნაოები, საშრობები, სამტრედე და ბოიარის საზაფხულო განსასვენებელი იდგა. ეზოს ერთი მხრიდან საგვარეულო ქვის ეკლესია ემიჯნებოდა, მეორედან კი — მუხის მესერიით შემოზღუდული ვრცელი ბაღი, რომელშიც ასევე მოჩუქურთმებული და მოხატული ლამაზი საქანელა იდგა. ერთი სიტყვით, სახლ-კარი სანაქებოდ იყო გამართული. და მის პატრონს ჰქონდა კიდევ საამისო მიზეზი!

ბოიარმა დრუჟინა ანდრეევიჩმა, ტანახოვანმა, გულფიცხმა დიდებულმა, ხანდაზმულობისდა მიუხედავად, სულ ახლახან ულამაზესი მოსკოველი ქალიშვილი შეირთო ცოლად. ყველა განცვიფრდა, როცა ოცა წლის ელენა დმიტრიევნა, ყაზანთან დაღუპულ ოკოლნიჩ პლეშჩეევ-

ოჩინის ქალიშვილი, მოროზოვს გაჰყვა. ასეთ სასიძოს როდი ჰპირდებოდნენ მას მოსკოველი მაშელები. მაგრამ გასათხოვარი ელენა უდელ-მამო იყო, თავისი სილამაზე კი ქალიშვილს, მეფის ახალ მსახურთა ზნეუკულმართობის გამოისობით, თავისდა სავალალოდ უფრო სჭირდა, ვიდრე სასიხარულოდ.

მოროზოვი, რაკი ელენაზე დაქორწინდა, მისი მფარველი შეიქნა, მოსკოვში კი ყველამ იცოდა, ავად ხელს ვერავენ ახლებდა იმას, ვისაც ბოიარი დრუჟინა ქომავ-მოსარჩლედ დაუდგებოდა!

სანამ ელენა გაუთხოვარი იყო, მეფის ბევრი რჩეული ცდილობდა თავი მოეწონებინა მისთვის, მაგრამ არავინ ისე არ ირჯებოდა, როგორც თავადი აფანასი ივანოვიჩ ვიაზემსკი. ძვირფას საჩუქრებსაც უგზავნიდა ქალიშვილს, ეკლესიებშიც მუდამ თვალწინ უტორლიალებდა, გახელე-ბული ცხენით დაჯირითობდა მისი სახლის წინ, მუშტი-კრივეშიც არ ეპუებოდა ერთი მთელ კედელს. მაგრამ ბედი არ სწყალობდა თავადს! მაშელებს უკანვე მოჰქონდათ მისი საჩუქრები, შეხვედრისას კი ელენა პირს არიდებდა. იმის გამო ერიდებოდა ქალწული, რომ არ მოსწონდა თავადი აფანასი, თუ მის გულში უკვე სხვისი ტრფობა ბუდობდა, არავინ უწყოდა, მაგრამ რამდენს არ ეცადა ვიაზემსკი, მაინც ვერაფერი გა-არიგა. ბოლოს გამწარდა თავადი და მეფე ივან ვასილევინს ეაჯა ქედ-დარეკილი, რათა თავის მარცხიან სიყვარულში შემწეობა გამოეთხო-ვა. მეფემაც აღუთქვა, მე თვითონ მივეუგზავნი შუაკაცებს ელენა დმიტ-რიევნასო. ეს რომ შეიტყო, ელენა ცრემლად დაიღვარა, ძიძა გაიყოლა და ეკლესიაში წავიდა, მუხლებზე დაემხო ღვთისმშობლის წინაშე, ტი-როდა და გულმხურვალედ ევედრებოდა.

ეკლესიაში არავინ იყო. მაგრამ, როცა ელენა წამოდგა და მოიხედა, დაინახა, რომ მის უკან მოროზოვი იდგა. ბოიარს მწვანე ზავერდის ხიფ-თანი ეცვა, ზოლო გრძელკალთა, მოკლესახელოიანი ფარჩის მოსასხამი კი შეეხსნა და მოედლა.

— რისთვის ღერი ცრემლებს, ელენა დმიტრიევნა? — ჰკითხა მორო-ზოვმა.

მისმა დანახვამ ელენა გაახარა.

ოდესღაც იგი მეგობრობდა ელენას მშობლებს და ახლაც მოიკი-თხავდა ზოლმე ქალიშვილს, ღვიძლი შვილივით უყვარდა ის. ელენა თითქმის მამად მიიჩნევდა მას და თავის ფიქრებსაც ანდობდა; მხოლოდ ერთი ფიქრი არ გაანდო; ერთი ზვაშიადი დაუმალა დრუჟინას; დაუმა-ლა თავისდა საუბედუროდ, მის დასადუჰავად!

არც ახლა გაუმხილა ბოიარს თავისი სანუკვარი ზვაშიადი და კითხ-

ვის პასუხად მხოლოდ ის უთხრა, მეფის შუაკაცები აპირებენ მოსვლას, უნდათ ძალით მიმათხოვონ ვიაზემსკის და ეს მატირებსო!

— ელენა დმიტრიევნა, — უთხრა მოროზოვმა, — ვითომ მართლა არ გიყვარს ვიაზემსკი? კარგად დაფიქრდი. ვიცი, აქამდე ის კაცი არ ეკარებოდა შენს გულს; მაგრამ, თუ არ ვცდები, შენ ხომ ჯერჯერობით არავენ გამოგირჩევია გუნებაში, მანამდე კი ქალწულის გული — ცვილი-ვითაა: შეეჩვევი — შეგიყვარდება!

— არასოდეს! — მიუგო ელენამ, — არასოდეს არ შევიყვარებ იმას. მირჩევნია საფლავეში ჩავიდე!

მოროზოვმა თანაგრძნობით შეხედა ქალწულს.

— ელენა დმიტრიევნა, — უთხრა მან ხანმოკლე ღუმილის შემდეგ, — არის შენი გადარჩენის გზა. მომისმინე. მე მოვხუცდი და გაეჭალარავდი, მაგრამ შეილივით მიყვარხარ. იფიქრე, ელენა, თანახმა ხარ, მე მომ-თხოვდე, მოხუც კაცს?

— თანახმა ვარ! — სიხარულით შეჰყვირა ელენამ და მუხლებში ჩა-უვარდა მოროზოვს.

ააღელვა დრუჟინა მოულოდნელმა ნათქვამმა. გაახარა ელენას აღტაცებამ, ვერ მიხვდა, ბებერი, რომ ეს იმ ადამიანის აღტაცება იყო, რომელიც წყალს მიაქვს და ეკლის ბუჩქს ებლაუჭება გადასარჩენად.

მან ალერსიანად წამოაყენა ელენა და შუბლზე ეამბორა.

— უმანკო ბავშვო, — უთხრა მოროზოვმა, — მაშ მემთხვიე ჯვარზე, რომ არ შეარცხვენ ამ ჩემ ჭალარას! შემომფიცე აი აქ, მაცხოვრის წინაშე!

— გეფიცები, გეფიცები! — წაიჩურჩულა ელენამ.

ბოიარმა ბრძანა მღვდელი მოეყვანათ და მალე ნიშნობის წესიც აღასრულეს; ხოლო როცა მეფის შუაკაცები გაჩნდნენ ელენასთან, ის უკვე დრუჟინა ანდრეევიჩ მოროზოვის დანიშნული იყო.

სიყვარულით არ მისთხოვებია ელენა მოროზოვს. მაგრამ მან ჯვარზე მთხვევით შეჰფიცა დრუჟინას ერთგულება და მტკიცედ გადაწყვიტა, არ გაეტეხა ეს ფიცი; არც სიტყვით, არც ფიქრით არ შეეცოდა თავისი უფალის წინაშე.

ანკი რატომ არ უნდა ჰყვარებოდა ელენას დრუჟინა ანდრეევიჩი? მართალია, მოროზოვი ახალგაზრდა არ იყო, მაგრამ გამჩენმა ჯანიც უწყალობა მას და ახოვანებაც, მეომრული გულოვნობაც და უდრეკი ხასიათიც, ვრცელი მამულებიც მოსკოვ-მდინარის ვალმა მხარეს და ოქროვლით, ფარჩეულითა და ძვირფასი ბეწვეულით სავსე საკუჭნაოებიც. მხოლოდ ერთი სიკეთე ვერ გაიმეტა გამჩენმა მოროზოვისთვის: მეფის

წყალობა ვერ გაიმეტა. თავისი შუაკაცების გაწბილების ამბავი რომ შეიტყო, ივანე ვასილევინი გაურისხდა ბოიარს და მის დასასჯელად აღიძვრა. მან თავის სუფრაზე იწვია მოროზოვი და არა მარტო ვიაზემსკი დაუსვა წინ, არამედ გოდუნოვიც, ბორის ფიოდორინი, რომელსაც ჯერაც არ დაემსახურებინა მეფის კარზე პატივი და არც რაიმე ხარისხი ჰქონდა ნაბოძები.

ვერ აიტანა ბოიარმა ასეთი შერცხვენა, სუფრიდან წამოდგა: არ შეჰფერის მოროზოვს გოდუნოვის შემდეგ ჯდომაო! მაშინ გულგოროში მეფე ბრაზით აინთო და მოროზოვი ბორის ფიოდორინის სამსჯავროს გადასცა. ეახლა დრუჟინა თავის მტერს კისერხმალკიდებული, მაგრამ უწყალოდ გალანძღა გოდუნოვი და ლეკვი უწოდა მას.

ეს რომ გაიგო, მეფე მთლად გააფთრდა, მოროზოვს უბრძანა თვალთაგან გასცლოდა და ჭადარა თმა მოეშვა, სანამ შერისხვას არ მიუტევებდა. და დრუჟინაც გაერიდა მეფის კარს; ჰოდა, დადიოდა ახლა ფლასით მოსილი, წვერუეარცხნელი, ამაყ შუბლზე ჩამოსული ჭადარა თმით. ნაღვლობდა ბოიარი, ხელმწიფის თვალებს რომ ვეღარ ხედავდა, მაგრამ თავისი გვარი არ შეარცხვინა, გოდუნოვზე დაბლა მაინც არ დაჯდა!

მოროზოვის სახლი სიკეთით დუღდა და გადმოდიოდა. მსახურებს შინა და სიყვარული ჰქონდათ თავიანთი ბატონისა. ყველას, ვინც მის ოჯახში ფეხს შეადგამდა, მასპინძელი ხელგაშლით ეგებებოდა. შინაურებსაც და გარეშეებსაც სალაპარაკოდ ჰქონდათ მოროზოვის ალერსიანობა; ყველას სწყალობდა ის თბილი მოპყრობით, ძვირფასი სამოსით და ბრძნული რჩევითაც. მაგრამ არავის არ უაღერსებდა, არავის ისე არ სწყალობდა, როგორც თავის ახალგაზრდა ცოლს, ელენა დმიტრიევანას. და ცოლიც აღერსზე აღერსითვე მიუგებდა, ყოველ დღით და ყოველ მწუხრის ჟამს დიდხანს იდგა ხოლმე მუხლმოდრეკილი თავის სახატეში, გულმხურვალედ ლოცულობდა ბოიარისთვის.

და განა დამნაშავე იყო ელენა, თუ დრუჟინას ტკბილ საუბარში, ხატების წინ გულმხურვალე ლოცვაში უეცრივ ევლინებოდა გაფრენილ რაშზე ამხედრებული, ხმალამოწვილი ჭაბუკი რაინდი და მის წინ უწესრიგოდ მეოტი ლიტველთა პოლკები?

განა დამნაშავე იყო ელენა, თუ ამ მხედრის სახება მუდამ თან ახლდა — შინაც და ეკლესიაშიც, დღითაც და ღამითაც — და ყვედრებით ეუბნებოდა: „ელენა! შენ არ შეასრულე დანაპირები, არ დაელოდე ჩემს დაბრუნებას, შენ მომატყუე!..“

ათას ხუთას სამოცდა ხუთ წელს, იენისის ოცდაოთხს, ივანობა

დღეს, მოსკოვში ადრე დილიდანვე დაიბრუნა ყველა ზარი და შეუსვენებლად რეკდა და რეკდა. ეკლესიებში მლოცველების ტევა არ იყო. წირვა რომ დამთავრდა, ხალხი ქუჩებში გამოეფინა. ახალგაზრდებსა და მოზუცებს, ღარიბებსა და მდიდრებს ლენტებით მორთული მწვანე ტოტები, ყვავილები, ნორჩი არყის ხეები მოჰქონდათ შინ. გარშემო ყველაფერი აჭრელბული, აურიამულებული, გახალისებული იყო. მაგრამ შუადღის მოახლოებისას ქუჩები თანდათან დაცარიელდა. ხალხი ნელ-ნელა სახლებში გაიკრიბა და მალე მოსკოვში ძე-ხორციელს ვერ შეხვდებოდათ გარეთ მოსიარულეს. სამარისებური სიჩუმე ჩამოდგა. მართლმორწმუნენი თავიანთ ოჯახებში ისვენებდნენ და არავინ ჩანდა, ქუჩებში სეირნობით ღმერთი განერისხებიანა, რამეთუ ღმერთმა აღამიანსაცა და ყველა სულიერს შუადღის ჟამს მოსვენება დაუდგინა. ღვთის უამურად მოქცევა კი დიდი ცოდვაა, თუ ვინიცობაა, რამე გადაუდებელი საქმე არ გვაიძულებს.

ასე და ამრიგად, ყველას ეძინა. მოსკოვი უკაცრიელ ქალაქს დამსგავსებოდა. მხოლოდ ბაღჩუგუზე, სწორედ იმხანად აკებულ სახამროში, ანუ სამიკიტნოში, ისმოდა ყვირილი, აყალმაყალი და სიმღერები. იქ, შუადღის მიუხედავად, მდიდრულად დამოსილი, თითქმის სულ ახალგაზრდა მეომრები ღრეობდნენ. ყველგან სუფრა იყო გაშლილი: შიგ შენობაშიც, ეზოშიც, ქუჩაშიც კი. ყველანი მთვრალეები იყვნენ; ზოგი პირდაპირ მიწაზე წამოწოლილიყო და სასმისიდან ტანისამოსზე იღვრიდა ღვინოს; ზოგიც ჩახრინწული ხმით ცდილობდა სიმღერაში აჰყოლოდა ამხანაგებს, მაგრამ მხოლოდ მოგუდულ უთავბოლო ბგერებს აცოდვილებდა სლოკინ-სლოკინით. შეკაზმული ცხენები ჭიშკართან დაეყენებინათ. თვითვე უნაგირზე ცოცხი და ძაღლის თავი იყო მიბმული.

ამ დროს ქუჩაზე ორი ცხენოსანი გამოჩნდა. ერთი მათგანი, რომელსაც ალისფერი თხელი მაუდის ოქროსფორებიანი ხიფთანი ეცვა, თეთრი ფარჩის ქუდი ეხურა და ჩამოშლილი ქერა ხუჭუჭა თმა მოუჩანდა, თანამგზავრს მიუბრუნდა.

— მიხეიჩ, — თქვა მან, — ხედავ ამ მთვრალ ხალხს?

— ვხედავ, ბატონო, მგლის კბილი მაგათ და ქორის კლანჭი! უყურე მაკ ლოთიფოთებს, რა ამბავში არიან!

— იმას თუ ხედავ, ცხენებს რა ჰკიდიათ უნაგირებზე?

— ვხედავ: ცოცხები და ქოფაკთა დრუნჩები, როგორც იმ ყაჩაღს! ეტყობა, მართლა მეფის კაცები ყოფილან, რაკი მოსკოვში ასე ილხენენ! ეჰ, რა ვქენით ეს, ბოიარო, რა შარი ავიტყებთ!

თავადს შუბლი შეეჭმუნა.

— მიდი, ჰკითხე მაგათ, სად ცხოვრობს ბოიარი მოროზოვი!

— ჰეი, კეთილო ხალხო, ღირსო ბატონებო! — გასძახა მიხეიჩმა და მოქეიფეებს მიუახლოვდა, — ვერ მეტყვიო, სად ცხოვრობს ბოიარი დრუჟინა ანდრეიჩ მოროზოვი?

— კი მაგრამ შენ რა საქმე გაგჩენია მაგ ძაღლთან?

— ჩემს ბოიარს, თავად სერებრიანის, უსტარი აქვს მოროზოვისთვის ვოევოდა თავად პრონსკისგან, ღიღი პოლკიდან.

— მოიტა აქ ეგ უსტარი!

— რას ამბობ, რას, მგლის კბილი შენ და... რას ამბობ? ჭკუაზე ხარ? შენ ვინა ხარ, რომ თავადის უსტარი მოგცე?

— მოიტა უსტარი, ბებერო ბლენძო, მოიტა ახლავე! ვნახოთ ერთი, ღალატს ხომ არ აპირებს ეგ მოროზოვი, ხელმწიფის წახდენას ხომ არ იზრახავს!

— ხმა ჩაიწყვიტე, შე არამზადაე! — შეჰყვირა მიხეიჩმა, რომელსაც უცებ გადაავიწყდა, რომ ფრთხილად აპირებდა ამ ხალხთან ლაპარაკს. — რა სჭირს ჩემს ბატონს მოღალატეებში გასარევი!

— ერიჰაა, შენ ლანძღვასაც ბედავ?! აბა, ბიჭებო, გადმოათრიეთ ცხენიდან ეგ, მათრახი მაგას!

ახლა კი თვითონ სერებრიანი მიიჭრა ცხენდაცხენ ოპრიჩნიკებთან.

— უკან დაიწით! — ისე მრისხანედ შეჰყვირა თავადმა, რომ ისინი უნებურად შედგნენ. — თუ რომელიმე თქვენგანი, — განაგრძო მან, — თუნდაც თითს დააკარებს ამ კაცს, იმას ჩემი ხელით გაუუპობ თავს, დანარჩენები კი ხელმწიფესთან აგებენ პასუხს!

ოპრიჩნიკები შეცბუნდნენ; მაგრამ მათ სხვა ამხანაგებიც შემოუერთდნენ მეზობელი ქუჩებიდან და თავადს შემოეხვივნენ. ბრბოდან უკადრისი სიტყვების სეტყვა წამოვიდა. ბევრმა ხმალიც იშიშვლა და კარგი დღე არ დაადგებოდა სერებრიანის, რომ ამ დროს სულ ახლოს ფსალმუნის ხმა არ დარხეულიყო და მოჯადოებულებივით არ მოენუსხა ოპრიჩნიკები. ყველამ იქით მიიხედა, საიდანაც გალობა მოისმოდა. ქუჩაში ტილოს პერანგამარა ვიღაც ორმოციოდე წლის კაცი მოაბიჯებდა. გულზე რკინის ჯვრები და ჯაჭვები უჭლარუნებდა, ხელში კი ხის კრიალოსანი ეჭირა. ფერმკრთალ სახეზე უჩვეულო სიკეთე ეხატა, მეჩხერი წვერით მოჩრდილულ ბაგეებზე ღიმილი დასთამაშებდა, მაგრამ თვალები მღვრიედ და გაურკვეველად იცქირებოდნენ.

სერებრიანი რომ დაინახა, გალობა შეწყვიტა, აჩქარებით გამოსწია მისკენ და შიგ სახეში ჩახედა.

— შენა ხარ, შენ! — თქვა მან თითქოსდა გაოცებით, — რა გინდა აქ, ამათ შორის?

და არც დალოდებია პასუხს, ისე დაიწყო გალობა: „ნეტარ არს კაცი, რომელი არა მივიდა ზრახვასა ცოდეილთასა!“

ოპრიჩნიკები მოწიწებით მიდგნენ უკან, მაგრამ ამ კაცს ყურადღებაც არ მიუქცევია მათთვის, კვლავ სერებრიანის მიუბრუნდა და თვალი თვალში გაუყარა.

— მიკიტავ, მიკიტავ! — თქვა მან თავის ქნევით, — აქ სად მოხვედი, სად?

სერებრიანის არასოდეს ენახა ეს კაცი და გაუკვირდა, სახელს რომ ეძახდა.

— განა შენ მიცნობ? — ჰკითხა თავადმა.

ნეტარს გაეცინა.

— შენ ჩემი ძმა ხარ! — უპასუხა მან. — მე დანახვისთანავე გიცანი. შენც ჩემისთანა ნეტარი ხარ. და არც ჰკუა გაქვს ჩემზე მეტი, თორემ აქ არ მოხვიდოდი. მე გადაშლილივით ვხედავ შენ გულს. იქ სულ სიწმინდე გაქვს ჩაბუდებული, კამკამა სიწმინდე, მხოლოდ სიმართლე გიძევს და სხვა არაფერი. მე და შენ ორივენი სალოსები ვართ! ესენი კი... — განაგრძობდა ის და იარალასხმულ ბრბოსკენ იშვერდა თითს, — ესენი ჩვენი სისხლ-ხორცი არ არიან! უჰ!

— ვასია, — უთხრა ერთ-ერთმა ოპრიჩნიკმა, — ხომ არაფერი გინდა? იქნებ ფული გჭირდება?

— არა, არა, არა! — მიუგო ნეტარმა, — შენგან არაფერი არ მინდა! ვასია არაფერს აიღებს შენგან, აი მიკიტკას კი მიეცი, რასაცა გთხოვს!

— ღვთის კაცო, — უთხრა სერებრიანიმ, — მე მაგათ ვთხოვე, ბოიარ მოროზოვის სახლი მიმასწავლეთ-მეთქი!

— აა, დრუჟინკასი? ეგ ჩვენი ძმამა! ეგ ალალი კაცია! ოღონდ ქელი აქვს მოუხრელი! ო, როგორი მოუხრელი! მაგრამ მალე მოიხრება, მოიხრება და ვაი რომ ვეღარც აიმართება!

— სად ცხოვრობს ბოიარი? — აღერსიანად ჩაეკითხა სერებრიანი.

— არ გეტყვი! — თითქოს გაჯავრებით მიუგო ნეტარმა, — არ გეტყვი, დაე სხვებმა გითხრან. მე კი არ მინდა უკეთურ საქმეზე შენი გაგზავნა!

და აჩქარებით გაშორდა იქაურობას, თან კვლავ მოჰყვა შეწყვეტილი ფსალმუნის ლილინს.

სერებრიანიმ ვერაფერი გაუგო ნეტარის ქარაგმულ ნათქვამს და არც ჰქონდა ახლა ამაზე ფიქრის დრო. იგი კვლავ ოპრიჩნიკებს მიუბრუნდა.

— აბა, რას იტყვი, — ჰკითხა მან, — მიმასწავლით, ბოლოს და ბოლოს, მოროზოვის სახლს?

— გაჰყევი ამ ქუჩას, — უხეშად უთხრა ერთმა მათგანმა, — იარე სულ პირდაპირ, მერე კი მარცხნივ გაუხვევ და იმ შენი ბებერი ყვავის ბუდე-საც მიაღებები.

თავადი რომ გაუდგა გზას, სალოსის გამოჩენით დაშოშმინებულმა ოპრიჩნიკებმა ნელ-ნელა კვლავ დაიწყეს შფოთვა და ხმაური.

— ეი! — მიაძახა ერთმა მათგანმა, — მოროზოვს ჩვენი მოკითხვა გადაეცი და უთხარი, მალე სახრჩობელაზე ასვლა მოგიწევს და მზად იყავი-თქო. თორემ ნამეტანი დიდხანს შემორჩა ამ ქვეყანას!

— ჰოდა, ბარემ შენთვისაც მოიმარაგე თოკი! — ხორხოციტ დაადევნა მეორემ.

მაგრამ თავადს ყურადღება არ მიუქცევია მათი ლანძღვა-გინებისათვის.

„ნეტავ რის თქმა სურდა იმ ღვთის გლახას? — ფიქრობდა თავჩაქინდრული სერებრიანი. — რატომ არ მიმასწავლა მოროზოვის სახლი, ან ის რატომ მითხრა, არ მინდა უკეთურ საქმეზე შენი გაგზავნა?“

გზად მიმავალი თავადი და მიხეიჩი კიდევე ბევრ ოპრიჩნიკს შეხედნენ. ზოგი უკვე მთვრალი იყო, ზოგი კი მხოლოდ ახლა მიეშურებოდა სამიკიტნოსკენ. ყველანი უტიფრად და თავხედურად ატრიალებდნენ თვალებს, ზოგი კი ისეთ უღიერ სიტყვებს აგონებდა მხედრებს, ადვილად მიხვდებოდა კაცი, რამდენად თავგასულნი და აღვირაზსნილნი იყვნენ.

## V თ ა ვ ი

### შ ე ს ვ ე ლ რ ა

თუ კაცი ცხენით ჩაივლიდი მოსკოვ-მდინარის ნაპირას, მესერს ზემოდან მოროზოვის მთელ ბაღს დაინახავდი.

კამკამა ტბორი, რომელიც ბარაქიან საზრდოს აძლევდა ბოიარს მარხვის დღეებში, აყვავებული ცაცხვებით იყო გადაჩრდილული. ტბორს იქით მწვანედ ხასხასებდნენ ვაშლის ხეები, ალუბლები და ქლიავეები. გაუთიბავ ბალახში ვიწრო ბილიკები მიიკლაკნებოდა. ცხელი დღე იყო. სურნელოვანი ასკილის ბრიალა ყვავილებს ოქროსფერი ზოჭოები დასატრიალებდნენ. ცაცხვებში ფუტკრები ზუზუნებდნენ. ბალახში კუტკალიები ჭრიალებდნენ. წითელი მოცხარის ბუჩქებს გადაღმა ვეება მზესუმ-  
36



ზირებს აეშვირათ ფართე თავები და თითქოს ნებივრობდნენ შუადღის მზეზე.

ბოიარი მოროზოვი უკვე ერთი საათი იქნებოდა თავის საძინებელში ისვენებდა. ელენა მოახლე ქალიშვილებთან ერთად ცაცხვებქვეშ იჯდა, ბელტების მერხზე, ზედ მესერთან. მას იაგუნდის ღილებიანი ცისფერი ხავერდის საზაფხულო კაბა ეცვა. მარმაშის ფართო, ნაოჭებიანი სახელოები იდაყვს ზემოთ აღმასის დასტანგებით ანუ სამკლავეებით ჰქონდა გადაჭერილი. აღმასისავე საყურეები ზედ მხრისთავებამდე წვდებოდა. თავზე მარგალიტით მოოჭვილი კოკოშნიკი ეხურა, სირმებიანი ტარსიკონის წაღები კი ოქროსფრად უელავდა.

ელენა მხიარული ჩანდა. იცინოდა და ქალიშვილებთან ხუმრობდა.

— ბოიარინა, — უთხრა ერთმა მათგანმა, — აბა ეს სამკლავეებიც გაისინჯე, უფრო სახიანია.

— მაკმარეთ ამდენი კოხტაობა, გოგოებო, — აღერსიანად მიუგო ელენამ, — აგერ უკვე მთელი საათია მრთავთ და მამკობთ, მეყოფა უკვე!

— აი მარტო ეს მანიაკი გაიკეთე! როგორც კი მანიაკს შეიბამ, ღმერთმანი, ნამდვილს ვამბობ, გამოცხადებული წმინდანის ხატი იქნები, პერანგეიანი!

— გაჩუმდი, პაშენკა, სირცხვილია მაგის თქმა, ღმერთს ნუ სცოდავ!

— აბა თუ მორთვა-შემკობა არ გინდა, ბოიარინა, მაშინ დაჭერობანა ან ჯაფარობია ვითამაშოთ; თუ არადა, თევზებს საჭმელი ჩაუყაროთ ან საქანელაზე ვიქანაოთ; იქნებ ის გირჩევნია, რამე გიმღეროთ?

— მიმღერე, პაშენკა, მიმღერე ის სიმღერა, ამას წინათ რომ მღეროდი, კენკრის კრეფის დროს!

— იპ, ბოიარინა, ჩემო თვალისჩინო, ის სიმღერა რა სამხიარულოა! ის ნაღვლიანი სიმღერაა, სადღესასწაულო კი არა.

— მერე რა, იყოს ნაღვლიანი. მე მისი მოსმენა მინდა. მიმღერე, პაშენკა.

— კეთილი, ბოიარინა, თუ ასე ვსურს, გიმღერებ, აბა რას ვიზამ; ოღონდ მერე ჩემი ბრალი ნუ იქნება, თუ ვინიცობაა გუნება წაგიხდეს! აბა, გოგოებო, მოდი, ამყევით თქვენებურად!

ქალიშვილები წრედ შემოუსხდნენ ელენას, და პაშენკამ სევდიანი ხმით წამოიწყო:

ოპ, ნეტაეი ყინვა ვარდებს არ აზრობდეს,  
ზამთარშიაც სულ ჰყვარდეს ვარდები;  
ოპ, ნეტაეი ნაღველი არ გამჩნოდა,  
არაფერზე აღარ დავღონდებოდი,

ნაღვლიანი აქ არ ჩამოვჯდებოდი,  
მინდვრებისკენ თვალს არ მივაშტერებდა...

მივიპარებოდი შინიდან ჩუმ-ჩუმად,  
ავიკეცე კალთა ბეწვის ქურქისა,  
რომ გასვლისას ქურქს არ გაეშრიალა,  
რომ ჩემს ღილებს არ დაეწყეთ წყარუნი,  
ბატონს რომ არ გაეგონა, მამამთილს,  
რომ არ ეთქვა მერე თავის ვაჟისთვის!  
თავისი ვაჟისთვის, ჩემი ქმრისათვის!

პაშენკამ ბოიარინას შეხედა. ელენას ცრემლის ორი კურცხალი დაჰკორებოდა ლაწევებზე.

— ვაი, რა ვქენი ეს, მე სულელმა! — წამოიძახა პაშენკამ: — რა ჩემდა ჭირად დავუჯერე, მე უბედურმა, ბოიარინას! ანკი როგორ იქნება, ბოიარინა, ამნაირი სიმღერების მოსურვილება!

— ნეტავ რა საშენოა ეგ სიმღერა, რომ მაგას ისმენდე! — აჰყვა დუნიაშა, თვალმარდი და შეეწარბა ქალიშვილი. — აი, მე შემოვძახებ ახლა სიმღერას, შენსას კი არ ემგვანება, ნახე, თუ არ გავახალისო ბოიარინა.

თქვა თუ არა ეს, დუნიაშა ფეხზე წამოხტა, ერთი ხელი თეძოზე შემოიღო, მეორე მალლა შემართა, გვერდზე გადაიხნიქა, გოგმანით დაიძრა განდაგან და შემოსძახა:

პანტელეი-ბატონი დაღის ეზოში,  
დასეირნობს კუზმიჩი ფართო ეზოში,  
კვერნის ქურქის კალთები მიწას ეხება,  
კოხტად კხურავს მაღალი ქუდი სიასამურის,  
ღეთის წყალობა ყოველი უხუად მომადლება,  
საბედო კი უყურებს ფარდას მოფარებული;  
შორით, ბოიარები ქალაქიდან უჭვრეტენ,  
შესცქერიან კოშკიდან მას ბოიარინები.  
ბოიარები ამბობენ: ეს მამაცი ვინ არი?  
ბოიარინები კიდეც: ვისი მეუფე არის?  
საბედო კი ჩურჩულებს: ჩემი საყვარელია!

დუნიაშა მორჩა მღერას და თვითონვე აკისკისდა. მაგრამ ელენას კიდევ უფრო მოერია ნაღველი. მან ერთ ხანს ითმინა, თავი შეიმაგრა, მერე კი სახე ხელებში ჩამალა და აქვითინდა.

— ესეც შენი მზიარული სიმღერა! — თქვა პაშენკამ. — რაღა ვქნათ ახლა! დანიხავს დრუჟინა ანდრეიჩი ბოიარინას ნაპტირაღევ თვალებს და კიდევ ჩვენზე გაწყრება; აქაოდა, სულ არ იცით, ჩერჩეტებო, მისი გართობაო!

— გოგოებო, დაიებო! — უეცრად წამოიძახა ელენამ და ყელზე მო-  
ეხვია პაშენკას, — მაცალეთ ტირილი, მაცალეთ ცრემლების დაღ-  
ვრა!

— ნეტავ რა მოგდის, ბოიარინა? ასე უცებ რამ დაგამწუხრა?

— უცებ არა, გოგოებო! დილიდანვე ამყვა უგუნებობა. როგორც კი  
ცისკრის ზარს ჩამოჰკრეს და პალატიდან დავინახე, რა მხიარულად და-  
ინჰაროდა ეკლესიაში ღვთისმოსავი ხალხი, მაშინვე შემომავნა, გოგო-  
ებო, რაღაც კაეშანი... მას მერე სულ საწყალობლად მიკვნესის გული...  
ჩემდა სავალალოდ, ეს ღღეც ასეთი ნათელი, მზიანი დადგა, თქვენ კი-  
დეც სულ სამკაულებით მრთავთ და მალამაზებთ... მომასორეთ ეს სამა-  
ჯურები, გოგოებო, მომასორეთ ეს კოკოშნიკი, მეც თქვენსავით, ქალი-  
შვილურად დამიწანით თმა!

— აბა რას ამბობ, ბოიარინა, ღმერთს ნუ სცოდავ! ქალიშვილივით  
როგორ დაგიწნავთ თმას! ღმერთმა დაგვიფაროს! ერთიც ვნახოთ და  
ღრუჟინა ანდრეიჩმა შეიტყოს!

— ვერ შეიტყობს, გოგოებო! მე ისევე კოკოშნიკს დავიხურავ!

— არა, ბოიარინა, ცოდვია მაგის ქმნა! ნება შენია, მაგრამ ჩვენ სულს  
ვერ დავიმძიმებთ ასეთი ტვირთით!

„ღმერთო ჩემო, — გაიფიქრა ელენამ, — ნუთუ წარსულის მოგონებაც  
კი ცოდვად ითვლება?“

— კეთილი, ასე იყოს, — თქვა მან, — არ მოვიხდი კოკოშნიკს, ოღონდ  
აქ მოდი, ჩემო პაშენკა, შენ მაინც დაგიწნავ თმას, როგორც ერთ ღროს  
მე თვითონ მიწნავდნენ.

კმაყოფილებისგან სახეწამონთებული პაშენკა მუხლებზე დადგა ბო-  
იარინას წინაშე. ელენამ თმა ჩამოუშალა ქალიშვილს, თანაბრად დაუყო  
და ოთხმოცდაათ კაეიანი ფართო ქერა დალალის დაწენას შეუდგა. დი-  
დი ხელმარჯვეობა მართებს ადამიანს საამისოდ. თმა რაც შეიძლება  
მსუბუქად უნდა დაიწნას, რომ დალალი მესერივით ჩამოეფაროს მთელ  
კეფას და მწყობრად დაეფინოს ზურგს, ამასთან თვალისდა შეუმჩნევ-  
ლად დავიწროვდეს მის დაყოლებით. ელენა დიდი გულმოდგინებით შე-  
უდგა საქმეს, სწრაფად ხლართავდა კოხტა დალალებს, თან თმაში მარჯ-  
ვედ აწნავდა მარგალიტის ძაფს.

როცა ნაწნავი გასრულდა, ელენამ ბოლოში სამკუთხა ბაფთაც ჩააწ-  
ნა და ზედ ძვირფასი თვლები დაასხა.

— მზადაა, პაშენკა, — თქვა თავისი ნახელავით კმაყოფილმა და გაბა-  
რებულმა. — აბა ერთი ადექი და გაიარ-გამოიარე ჩემ წინ. შეხედეთ, გო-  
გოებო, ხომ მართალია, ეს ნაწნავი კოკოშნიკზე ლამაზია!

— ყველაფერს თავისი დრო აქვს, ბოიარინა, — სიცილით უპასუხეს ქალიშვილებმა, — აი, ჩვენი ღუნიაშა კი კოკოშნიკზეც არ იტყოდა უარს!

— აბა სხვა რა გეთქმით, თქვე კაჭკაჭებო! — არ დაიბნა ღუნიაშა. — მე თუნდაც სულ არ დავიშალო ნაწნავი, არ მედარღება! აი ისეთებს კი ვიცნობ, თვალებით რომ ჭამენ ბოიარის მეკუჭნავეს!

ქალიშვილებს ხმამაღალი სიცილი წასკდათ, ზოგი კი შეცბუნდა და წამოწითლდა. ეტყობა, მართლაც ღმერთივით ბიჭი იყო შეკუჭნავე.

— დაიხარე, პაშენკა, — უთხრა ბოიარინამ, — მე შენ მძივებიან ლენტსაც მოგაველებ თმაზე... გოგოებო, დღეს აკი ივან კუპალობაა, დღეს ხომ ალებიცი დალალებს იწნავენ!

— დღეს კი არა, ბოიარინა, ამალლების სწორზე და სამება დღეს იწნავენ ალები დალალებს. ივანე კუპალას დღესასწაულზე ეგენი დალაღჩამოშლილი დარბიან და ჩადუნებიდან შორს იტყუებენ ადამიანებს, რომ ვინმემ მათი ყვავილი არ მოწყვიტოს.

— ფუი ეშმაკს, — თქვა პაშენკამ, — რა არ ხდება ივანობა დღეს, ღმერთმა დაგვიფაროს მათი ხილვისგან!

— გეშინია ალისა, პაშენკა?

— მეშინია, მა რა! დღეს ტყეში შესვლაც კი საშიშია, გინდა დღეს წასულხნარ და გინდა სამებობა დღეს ან ალების კვირიაკეში, სულ ერთია. ქალიშვილს ღიტიანთ ამოხდიან სულს, ვაჟკაცს კიდევ ალერსით დაანელებენ!..

— ლაპარაკობ, თავათ კი არაფერი გაგეგება! — შეედავა მეორე ქალიშვილი. — რა უნდა მოსკოვთან ალებს! აქ მათი სახსენებელიც არასდროს ყოფილა. აი, უკრაინა რომ გეთქვა, სხვა ამბავია, იქ ვერც დათვლი, იმდენი ალია ტყეში. ამბობენ, არა ერთი და ორი სანაქებო ვაჟკაცი შეშალეს ჭკუიდანო. ერთხელაც რომ თვალი შეასწრო აღს, სიკვდილამდე მის დარღში იქნები; თუ ცოლიანია კაცი — ცოლსა და შვილებს დატოვებს, თუ უცოლო — შეყვარებულს დაივიწყებს!

ელენა ჩაფიქრდა.

— გოგოებო, — თქვა მან წამიერი ღუმლის შემდეგ, — თუ იცით, ლიტვაშიც არიან ალები?

— მაშ, მაშ, იქაა თუა მაგათი სამშობლო. გინდ უკრაინა გითქვამს და გინდ ლიტვა — სულ ერთია...

ელენამ ამოიხვნეშა. იმავე წუთს ცხენის თქარათქური გაისმა და მესერს ზემოთ სერებრიანის თეთრი ქული გამოჩნდა.

მამაკაცი რომ დანახა, ელენამ დამალვა დააპირა, მაგრამ, კიდევ ერთხელ რომ შეავლო თვალი მხედარს, უცებ გახედა ადგილზე. თავად-მაც აგრეთვე შეაყენა ცხენი. იგი თვალებს არ უჯერებდა. წამის უმალათასი ფიქრით დაუმძიმდა გონება და თავგზა აებნა. მის თვალწინ ელენა იღგა, პლეშჩევ-ოჩინის ქალიშვილი, სწორედ ის, ვინც უყვარდა და ვინც სიყვარულს ეფიცებოდა ხუთი წლის წინათ. მაგრამ რა შემთხვევამ მოიყვანა იგი ბოიარ მოროზოვის ბაღში?

მხოლოდ ახლალა შეამჩნია თავადმა მარგალიტის კოკოშნიკი ელენას თავზე და გაფითრდა.

ელენა გათხოვილია!

„ხომ არ მეზმანება? — გაიფიქრა და გაქეპვებული, თითქოს დამფრთხალი თვალელები დააშტერა ქალს. — სიზმარში ხომ არა ვარ?“

— გოგოებო! — ვედრებით ამბობდა ელენა, — წადით აქედან, მე თვითონ დავიძახებთ, — გამშორდით ცოტა ხანს, მარტო დამტოვეთ! ღმერთო ჩემო, ღმერთო ჩემო! ყოვლად წმიდა ღვთისშობელო! როგორ მოვიქცე! რა ვუთხრა ახლა!

ამასობაში სერებრიანი გამოერკვა.

— ელენა დმიტრიევნა, — მტკიცე ხმით წარმოთქვა მან, — გარკვევით მითხარი, თქვი ჰო ან არა: გათხოვილი ხარ? ეს სინამდვილეა? ხუმრობა არ არის? მართლა გათხოვილი ხარ?

ელენა სასოწარკვეთილი ეძებდა სიტყვებს, მაგრამ ვერ მოესაზრა, რა ეპასუხა.

— მიპასუხე, ელენა დმიტრიევნა, ნულარ მაწვალე, ახლა შობის დღეები არ არის!

— მომისმინე, ნიკიტა რომანიჩ, — წაიბუტბუტა ელენამ.

თავადი აცახცახდა.

— მოსასმენი მე აღარაფერი მაქვს, — თქვა მან, — ისედაც ყველაფერს მივხვდი. ცუდუბრალოდ ნულარ დახარჯავ სიტყვებს, მშვიდობით, ბოიარინა!

ეს რომ თქვა, სერებრიანმა მძლავრად მოზიდა სადავე, ცხენი ყალყზე შეაყენა და შეატრიალა.

— ნიკიტა რომანიჩ! — შეჰყვირა ელენამ, — გემუდარები ქრისტე ღმერთისა და ყოვლად წმიდა ღვთისშობელის სახელით, მომისმინე მე საწყალობელს! გინდა მომკალი მერე, ოღონდ ჯერ მომისმინე!

ქალს ძალა აღარ ეყო, ხმა ჩაუწყდა, მერხზე ჩაიკეცა და მავედრებელი ხელები სერებრიანისკენ გაიწვდინა.

თავადს სიმწრის ყრჟოლამ დაუარა მთელ სხეულში, მაგრამ გული მაინც შეუტოკა სიბრალულმა. იგი შეჩერდა.

ელენამ, რომელსაც ცრემლები ახრჩობდა, დაიწყო მოყოლა, როგორ შეუნდა ვიაზემსკი, როგორ მოისურვა ბოლოს თვითონ მეფემ თავისი რჩეულისთვის მისი გარიგება და როგორ მიწებდა სასოწარკვეთილი მოხუც მოროზოვს. ქალი ქვითინს ვერ იკავებდა, სვენებ-სვენებით ლაპარაკობდა და უნებლიე ღალატში იდანაშაულებდა თავს; ამბობდა, უმაღლესი სასიკვდილოდ უნდა გამეწირა ჩემივე თავი, ვიდრე სხვას მივთხოვდებოდიო, და სწყევლიდა საკუთარ სულმოკლეობას.

— შენ აწი აღარ გეყვარები, თავადო, — ამბობდა ქალი, — არ გწერები ჩემი შეყვარებას! მაგრამ იმის პირობა მაინც მომეცე, რომ არ დამწყევლი; მითხარი, რომ მომიტყევე დიდ დანაშაულს!

თავადი წარბშეჭმუხვნილი უსმენდა, მაგრამ ხმას არ იღებდა.

— ნიკიტა რომანიჩი, — შიშნულად წაიჩურჩულა ელენამ, — იწამე ღმერთი, ერთი სიტყვა მაინც მაღირსე!

ქალმა შიშითა და მოლოდინით აღსავსე თვალები მიაპყრო თავადს და მთელი სული და გრძნობა მავედრებელ მზერაში გამოესახა.

სერებრიანის არსება ძლიერ ჭიდილს მოეცვა.

— ბოიარინა, — თქვა მან ბოლოს მთრთოლვარე ხმით, — ჩანს, ასეთი იყო ღვთის განგება... შენ მთლად დამნაშავე არ უნდა იყო... ჰო, შენ არ ხარ დამნაშავე... მისატყვებელი არაფერი გჭირს, ელენა დმიტრიევნა, და მეც არ გკიცხავ, არა, ხედავს ღმერთი... არ გკიცხავ, ღმერთია მოწამე... მე... მე უწინდებურად მიყვარხარ!

ეს სიტყვები თავისთავად აღმოხდა თავადს.

ელენამ შეჰყვირა, აქვითინდა და მესერს მივარდა.

იმავე წამს თავადიც უზანგებზე წამოიმართა და მესერის მარგილებს მოეჭიდა ხელებით. გადაღმა მხრიდან კი ელენა უკვე მერხზე იყო შემდგარი. დაუფიქრებლად, თავისდა უნებურად, ისინი ერთმანეთს ჩაეხვივნენ და ბაგე ბაგეს შეაწებეს...

აკოცა ელენამ ყმაწვილ ბოიარს! მოატყუა ცბიერმა ცოლმა ბებერი ქმარი! დაივიწყა ღვთის წინაშე დადებული ფიც! რა პირით უნდა ეჩვენოს ახლა ფიცის გამტეხი თავის მეუღლეს! ყველაფერს ამოიკითხავს დრუჟინა ცოლის თვალებში! და ისეთი ქმარი როდია ის, რომ ნამუსის შერცხვენა აპატიოს! სიცოცხლე არად უღირს ბოიარს, მაგრამ თავის პატიოსნებას კი ძვირად აფასებს; მოკლავს ბებერი, ნამდვილად მოკლავს ცოლსაც და ნიკიტა რომანოვიჩსაც!

## მ ი ლ ე ბ ა

მოროზოვს ჯერ კიდევ ბავშვი ახსოვდა თავადი, მაგრამ მათ დიდი ხანია დაჰკარგეს ერთმანეთი მხედველობიდან. როცა სერებრიანი ლიტვაში გაემგზავრა, მოროზოვი სადაც შორს ვოევოლობდა; უკვე ათ წელიწადზე მეტი იქნებოდა, რაც ერთმანეთი არ ენახათ, მაგრამ დრუჟინა ანდრეევიჩი თითქმის არ შეცვლილიყო, წინანდებურად მხნედ გამოიყურებოდა, და თავადი დანახვისთანავე იცნობდა მას სადაც არ უნდა შეხვედროდა, რადგან მოხუცი ბოიარი იმ ადამიანთაგან იყო, რომელთა პიროვნებაც ღრმად აღიბეჭდება მეხსიერებაში. ჯერ მარტო მისი ტანადობა და აზოვანება იპყრობდა ყურადღებას. მოხუცი მთელი თავით მაღალი იყო სერებრიანზე. ჭადარამორეული წაბლისფერი თმა უწესრიგოდ ჩამოშლოდა ნაიარევებით დაჩეხილ ჭკვიან შუბლზე. თითქმის მთლად ჭადარა ხშირი წვერი სანახევროდ უფარავდა მკერდს. ჩამოფხატულ მუქ წარბებქვეშ გამჭრიახი თვალები უელავდა, ბაგეებზე კი ალერსიანი ღიმილი დასთამაშებდა, და ამ ღიმილში გამოსჭვიოდა ის, რაზელაც მდებიურად იტყვიან — ეს კაცი ჭკუას არ წააგებსო. მის ქცევაში, ამაყ მიხერა-მოხვრაში ივრძნობოდა რაღაც ლომისებური, როგორღაც გამორჩეული სიღარბისლე, სიამაყე, ღირსეულობა, სიღინჯე და საკუთარი თავის რწმენა. მისი მნახველი ყოველი კაცი იტყოდა: კარგი იქნება მასთან სიამტკბილობით ყოფნაო! და მაშინვე იმასაც გაიფიქრებდა: არ ივარგებს მასთან უსიამოვნებაო! მართლაც, თუ კაცი კარგად დააკვირდებოდა მოროზოვის ნაკეთებს, ადვილად მიხვდებოდა, რომ მისი მშვიდი სახე მრისხანების ჟამს ძრწოლას მოჰგვრიდა ადამიანს. მაგრამ ალერსიანი ღიმილი და წრფელი, ძალდაუტანებელი გულითადაა მალე აქარვებდა ამ შთაბეჭდილებას.

— გამარჯობა, თავადო, გამარჯობა, ძვირფასო სტუმარო! მშვიდობა შენს მოსვლას! — უთხრა მოროზოვმა და სერებრიანი დიდ ძელურ დარბაზში შეიწვია, სადაც სტუმარს შორენკეცის საწოლი, გრძელი გუნხის მერხები, კედლებზე გამოფენილი ძვირფასი იარაღი და ვრცელ თაროებზე კოხტად შემოწყობილი ოქრო-ვერცხლის ჭურჭლეულობა მოხვდა თვალში. — გამარჯობა, გამარჯობა, თავადო! მადლობა უფალს, შენნაირი სტუმარი რომ მაღირსა! მე ხომ ჯერ კიდევ ბალღი მახსოვხარ, ნაკიტუშკა! ოჰ, დიდი ონავარი ყმაწვილი იყავი, შენმა სიცოცხლემ! მახსოვს, ბიჭები რომ ქალაქობანას თამაშს დაიწყებდით, ვაი იმათი ბრალი,

ვისაც წინ დაუდგებოდი! გამოქანდებოდი ლალი შევარდენივით, აგი-  
დულდებოდა ყმაწვილური სისხლი და ისე გაშმაგდებოდი ხოლმე, რო-  
გორც კაი მოწონებული დათვის ბელი, მაპატიე, ნიკიტა რომანიჩ, დაუ-  
რიდებელი სიტყვა! ჰოდა, დაერეოდი ამ ბიჭებს და ისე ისროდი მარ-  
ცხნივ თუ მარჯვნივ ერთს თუ მეორეს, უკეთეს თავშესაქცევარს ვერას  
ნახავდა კაცის თვალი! აკი კიდევაც დადგა შენგან სანაქებო ვაჟკაცა,  
თავადო! მსმენია შენი საქმენი სამამაცონი ლიტველთა მიწაზე! რჯულზე  
აგუნდავე ისინი, მტერ-მოძულენი, როგორც ადრე ბიჭებს აგუნდავებდი!

მოროზოვმა მხიარულად გაიღიმა და ლომის სახე სიამისგან გაე-  
ბადრა.

— აბა ის თუ გახსოვს, ნიკიტუშკა, — განაგრძო მან და ცალი ხელი  
მხრებზე მოჰხვია თავადს, — თუ გახსოვს, ვერანაირ თამაშში მოტყუე-  
ბას რომ ვერ იტანდი? ვინმეს რომ დაეჭიდებოდი ან მუშტი-კრივში შე-  
ებმებოდი, უმალ თავს წააქცევიანებდი, ვიდრე სარმის გამოკვრას ან პი-  
რობით დაუთქმელ ფანდს იკადრებდი. ყველაფერს აიტანდი ხოლმე, მაგ-  
რამ ვერაგობას კი, ნურას უკაცრავად, არც შენ იკადრებდი და არც სხვას  
აპატიებდი!

თავადმა უხერხულობა იგრძნო მოროზოვის წინაშე.

— ბოიარო, — უთხრა მან, — აი ეს უსტარი მაქვს შენთვის თავად  
პრონსკისგან.

— მადლობელი ვარ, თავადო. მერე წავიკითხავ; რა საჩქაროა; ჯერ  
ნება მომეცი, გაგიმასპინძლდე! ნეტავ სად არის აქამდე ელენა დმიტრი-  
ევნა? ეი, ვინ ხარ მანდ! უთხარით ცოლს, ძვირფასი სტუმარი გვეწვია,  
თავადი ნიკიტა რომანიჩ სერებრიანი-თქო, და ჩამოვიდეს, პატივი მი-  
აგოს!

კრძალვითა და რიდით შემოვიდა ელენა. მას ორივე ხელით მოჰქონდა  
სინი, რომელზეც სხვადასხვა ღვინოებით სავსე თასები იდგა. ელენამ  
მდაბლად დაუკრა თავი სერებრიანის, თითქოს პირველად ხედავდა მას!  
ბოიარინას მკედრისფერი ედო.

— თავადო, — თქვა მოროზოვმა, — ეს ჩემი ოჯახობაა, ელენა დმიტ-  
რიევნა! გთხოვ გიყვარდეს და პატივს სცემდე! შენ ხომ, ნიკიტა რომა-  
ნიჩ, კაცმა რომ თქვას, მოყვარედ გვეკუთვნი, მამაშენი და მე ძმებივით  
ვიყავით, ჰოდა, არც ჩემი მეუღლეა უცხო შენთვის... სთხოვე, ელენა,  
დაიწვიე ბოიარი!.. მიირთვი, თავადო, ნუ დაგვიწუნებ პურ-მარილს! კე-  
თილი გულიო და ხახვი და პურიო! აი რომანული, აი უნგრული ღვინო,  
ეს კიდევე ჟოლოზე ნახადი თაფლუჭი, დიასახლისის ხელით შეზავე-  
ბული!



მოროზოვი მდაბლად ხრიდა თავს სტუმრის წინაშე.

თავადმაც მადლობის ნიშნად თავი დაუკრა ორთავეს და თასი დასცალა.

ელენას თვალიც არ შეუვლია სერებრიანისთვის. გრძელი წამწამები ძირს ჰქონდა დახრილი. მთელი ტანით ცახცახებდა და სინზე დაღმპული თასები წკარუნით ეხლებოდა ერთიმეორეს.

— რა მოგდის, ელენა? — ჰკითხა მოროზოვმა, — ავად ხომ არ ხარ? სახე თოვლივით გადაგეფერა! ოლიონუშკა, — ჩურჩულით დაურთო მან, — ნეტავ იმ ვიაზემსკიმ ხომ არ ჩაიარა კიდევ? ასე იქნება! ნამღელიად იმ წყეულმა ჩაიარა ბაღთან! ნუ ინაღვლი, ელენა. ეს რა შენი ბრალია. სჯობს, უჩემოდ ნულარ გახვალ ბაღში. კარგი, ჰო, დამშვიდდი, ჩემო ნიბლიავ, შენს თავს არავის დავაჩაგვრინებ! აბა, გაიღიმე, გამხიარულდი, თორემ სირცხვილია, სტუმარი შეგნიშნავს! — შენთან უკაცრავად, ნიკიტა რომანიჩი, უკაცრავად, ყურადღება ვეღარ მოგაპყარ, აგერ ცოლს ეეუბნებოდი, სამშაღისი დააჩქარებინოს და ღროით გაგიწყონ სუფრა. შენ ხომ ნასაღილევი არ იქნები, თავადო.

— მადლობელი ვარ, ბოიარო, უკვე ვისადილე.

— არაუშავს, თავადო, მეორედ ისადილე! — წადი, ელენა, წადი, საქმეს მიხედუ! შენ კი, ბოიარო, ჯერ ამ ღვთის ბოძებული საუზმით შეიქციე თავი, ნუ მაწყენინებ შერისხულ მოხუცს! ისეც სამყოფად მაქვს ახლა სამწუხარო და სადარდებელი!

მოროზოვმა ჩამოზრდილ თმაზე ანიშნა თავადს.

— ვხედავ, ბოიარო, ვხედავ და ჩემივ თვალებისა აღარა მჯერა! შერისხული ხარ! რისთვის? მომიტყევე უხატრო კითხვა.

მოროზოვმა ამოიხვნეშა.

— იმისთვის, რომ ძველ ადამზე ვდგავარ, ბოიარის ღირსებას ვიცავ და ქედს არ ვუხრი ახალდაჩეკილ უგვარტომო მედროვეებს!

ამ სიტყვებზე მოროზოვს სახე მოედრებულა და თვალებში მკაცრი გამომეტყველება ჩაუდგა.

მან გოდუნოვთან წაკიდების ამბავი მოუთხრო სტუმარს, თან მწარედ ჩიოდა მეფის უსამართლობაზე.

— ბევრი, ბევრი რამ აღარ არის, თავადო, მოსკოვსა შინა უწინდებურად, მას აქეთ, რაც ხელმწიფემ ოპრიჩინა დააწესა რუსეთში!

— ნეტავ რა ღვთის წყრომაა ეს ოპრიჩინა, ბოიარო? გზაში შევხვდი ოპრიჩინიკებს, მაგრამ მაგათი ამბისა ვერაფერი გამიგია!

— ჩანს, განუარისხეთ ჩვენ უფალი, ნიკიტა რომანიჩი; თვალის ჩინი დაუბნელა ყოვლადძლიერმა კურთხეულ მეფეს! რაც ცილისმწამებლებ-

მა ღალატი დააბრალებს სილვესტრსა და ადაშევს, რაც თვისგან განკვეთა ისინი მეფემ, მასუკან დაგვიდგა სისხლიანი დღეები! აიჩემა უცრივ ივან ვასილევინმა ჩვენზე ურიგო ფიქრი, ჩვენზე, მის ერთგულ მსახურებზე! აიჩემა ევგვიანობა ღალატზე, შეთქმულებებზე, ისეთ ცოდვებზე, ფიქრადაც რომ არ გაეკარება ადამიანიშვილს! ახალდაჩევილმა მედროვეებმა კი გაიხარეს, დაუწყეს მეფეს ბოიარებზე ავი სისინი, ვინ წტრობით და შურიტ, ვინ კიდევ აღზევების იმედით, და ისიც ყველას აპყრობდა თავის სასმენელს. ვისაც ვისიმე მტრობა ელო გულში, ახლა დაუდგა ამინდი და, იცოცხლე, მოჰყვა მახეზღარობას თავის მოძულეზე, უკეთურად იხსენიებს მეფესო, ხანს თუ ლიტველებს ამხედრებს ჩვენზეო. ამ წყეულებმა ღვთის საშინელი სამსჯავროს შიშიც დაივიწყეს და, ღითომც ჭემმარიტს ვამბობთ, არას ვიგონებთო, ჯვარზეც ჰფიცაუდნენ, წერილობითაც ადასტურებდნენ თავის ბეზღებას. ბევრი შეუცოდავი ხალხია ჩაყრილი დილეგებში, ნიკიტა რომანიჩი, და პირში წადგომით ნაწამები. ვისაც მოეგუნებება, ყველას შეუძლია მეფის ღალატი დაგაბრალოს. წინათ, თუ ვინიცობაა მავანი ვინმე დაგაბეზღებდა, კიდევაც უნდა დაემტკიცებინა თავისი ნათქვამი; ახლა კი, რა აბდაუბდაც უნდა მოჩმანონ შენზე, გტაცებენ ხელს და გაწამებენ მხოლოდ ენის მიტანის ნიადაგზე! მძიმე დრო დადგა, ნიკიტა რომანიჩი. ისეთ შიშის ზარს გვატეხს მეფე, ოდითგან რომ არ სმენილა! ხალხის წამებით რომ გული იფერეს, მერე სიკვდილით დასჯა გააზშირეს. ახლა არ იკითხავ, ვინ დასაჯეს? თუმცაღა, თავადო, ეგებს შენ უკვე გაიგე მათი ამბავი?

— გავიგე, ბოიარო, მაგრამ ყურმოკვრით. ძნელად აღწევს ხმები ლიტვამდე. თუმცა, რა უნდა გავგვიკვირებოდა? მეფეა და მართებს კიდევაც დასაჯოს თავისი ავისმდომლები!

— მაგის მეუნებლიე ვინ იქნება, თავადო. მიტომაც არის მეფე, რომ სჯიდეს და სწყალობდეს. გულსატკენი მხოლოდ ის არის, რომ ავისმდომლები კი არ მოაკვდინეს, არამედ ხელმწიფის ერთგული მსახურები: ოკოლნიჩი ადაშევი — ალექსის ძმა — ყრმა ვაჟიშვილითურთ; სამივე სატინი; ივან შიშკინი ცოლითა და შვილებითურთ; და კიდევ ბევრი უღანაშაულო მამულიშვილი.

სერებრიანის სახეზე აღშფოთება გამოეხატა.

— ბოიარო, მეფე ალბათ უცოდველია ამ ამბებში, ყველაფერი იმ ენატანიების ბრალი იქნება!

— ეჰ, თავადო! თქმაც კი მიჭირს, ფიქრიც კი მზარავს ამისა! მართო ენატანიების სისინით როდი მიეძალა მეფე ალალმართალთა სისხლის ღვრას. აი თუნდ ბასმანოვი, ახალი მერიქიფეთუხუცესი მეფისა, ეახლა

ხელმწიფეს და შესჩივლა, თავად ობოლენსკი-ოვჩინამ რაღაც უსიამო სიტყვა მკადრაო. ჰოდა, იცი რა ქნა მეფემ? სადილობისას საკუთარი ხელით მოაკვდინა თავადი — დანა ჩასცა გულში!

— ბოიარო! — შეჰყვირა სერებრიანიმ და ზე წამოიჭრა. — ეს რომ სხვა ვინმესგან გამეგონა, მე იმას ცილისმწამებელს დაუჟდახებდი! ჩემივ მარჯვენით დაუზუნებელი მზეს!

— ნიკიტა რომანიჩ, ჩემდროულ კაცს აღარ შეჰფერის ცილი დასწამოს ქრისტიანიშვილს. თანაც ვის? ჩემს ხელმწიფეს?

— მომიტყევე, ბოიარო, მაგრამ აბა სხვა რა უნდა იფიქროს კაცმა? რას უნდა შეეცვალა ასე ადამიანი? ნეტავ ზომ არ მოაჯადოვეს მეფე?

— ასე უნდა იყოს, თავადო. მაგრამ დაჯექი, სხვაც მოისმინე. ერთხელ ივან ვასილევჩი გვარიანად გამოთვრა და — ვაი, სირცხვილო! — სახეზე ნილაბაკრულმა დაიწყო თავის რჩეულებთან ერთად ტლინკაობა. ამ ამბავს ბოიარი მიხაილო რეპნინი შეესწრო. სიმწრისგან ცრემლები წასკდა უბედურს. მეფემ, ეგრე არ უნდაო, და მასაც დაუპირა ნიღბის ჩამოცმა. „არა! — თქვა რეპნინმა, — ეგ არ მოხდება, რომ მე ბოიარის ღირსება შევარცხინო!“ — და ფეხებით გათელა ნილაბი. ზუთიოდე დღის შემდეგ კი რეპნინი მეფის ბრძანებით მოაკვდინეს ღეთის ტაძარში.

— ნამდვილად ღეთის წყრობაა ჩვენს თავს, ბოიარო!

— დაე აღსრულდეს ჩვენსა ზედა უფლის ციური ნება, თავადო. მაგრამ მისმინე კიდევ. სიკვდილით დასჯას ბოლო არ უჩანდა. ისე დღე არ გათენებულა, სისხლი არ დათხულებიყო თუ თხემ-ადგილზე, თუ საპყრობილეებში, თუ მონასტრებში. დღეს არ ჩაუვლია, ბოიართა მსახურები რომ არ შეეპყროთ და საწამებლებში არ ეკრათ თავი. ბევრი იღებდა ცოდვას, შანთებით დანებებული, და თავისსავე ბოიარს ასმენდა, შიშით წამხდარი. იმათ კი, ვისაც არ სურდა ჯოჯოხეთის გეენაში სატანჯველად სულის გაწირვა და ცილს არ სწამებდა ბოიარებს, იმათ თავად გზავნიდნენ სასიკვდილოდ. ბევრი დაისაჯა სიმართლისთვის, ბევრმა დაიდგა მოწამებრივი გვირგვინი, თავადო! დროა დრო მეფეს თითქოს უბრუნდებოდა ცნობა, ნანობდა, ლოცულობდა, ტიროდა და თვითვე ეძახდა თავს მტარვალსა და კაციჭამიას. შეწირულობებს გზავნიდა სხვადასხვა მონასტრებში და პანაშვილებს ბრძანებდა მოკვდინებულთა მოსახსენებლად. ნანობდა ივან ვასილევჩი, მაგრამ ცოტა ხანს, მერე კი, იცი რა მოიგონა? მისმინე, თავადო. ერთხელ, დილით, გამომეღვიძა და ვხედავ, დიდი შფოთვა-წრიალია გარეთ. ხალხი ქუჩებს მოსდებია, ვინ კრემლისკენ გარბის, ვინ კიდევ იქიდან მოეშურება. ყველანი შეცხადე-

ბით გაიძახიან: ხელმწიფე გეტოვებს, სადღაც მიდისო! ამის გაგონებამ სისხლი გამიყინა! ტანთ ჩავიცვი, ცხენზე შევჯექი; ყოველის მხრიდან ბოიარები კრემლისკენ მიიჩქარიან, ვინ ამხედრებული, ვინ კიდევ თავისი ფეხით, უბრალო კაცივით, პირადი ღირსებაც აღარავის ახსოვდა! ივერიის ჭიშკარამდე მივალწიეთ, ვხედავთ — მხედრონი გამოდის იქიდან. ხალხი აქეთ-იქით აწყდება, გზას უტევს მომავლებს. მხედრონის მარხილი მოჰყვება, შიგ მეფე ზის ღედოფლითა და ბატონიშვილითურთ. ხელმწიფის მარხილს მარხილების მთელი ქარავენი მოსდევს და მათზე მეფის მთელი ბარგი-ბარხანა, მთელი ხაზინა, ყოველი სახმარ-სამყოფელია დაზვინული; მარხილებს უკან კი ოკოლნიჩები, კარის აზნაურები, საგანგიოთა მოხელენი, სამხედრონი და ყველანაირი ღირსების მსახურეულნი მოედინებიან — ყველანი სტოვებენ კრემლს. დაეპირეთ მეფის მარხილთან მისვლა, მაგრამ მხედრებმა არ დაგვანებებს, გამოგვიცხადეს: აღგვიკვეთა ხელმწიფემო! ჰოდა, გადაიარა ქარავეანმა მთელი მოსკოვი, გარეუბნებსაც გასცდა და გაუდგა გზას.

დავბრუნდით შინ და დიდხანს ვიყავით მოლოდინში, იქნებ გადაეფიქრა მეფეს, იქნებ დაბრუნებულეყო. გამოხდა კვირა და მისმა ყოვლადუსამღვდელოესობამ სიგელი მიიღო. აუწყებდა ხელმწიფე, დიდი გულსწუხილით ეტოვებ სამეფო ტახტს, რამეთუ აღარ მსურს თქვენი მოღალატური საქმიანობის თმენა და მივდივარ, საითაც ღმერთი მიჩვენებს გზასო! ეს ამბავი რომ ხალხის ყურს მისწვდა, დაიწყო ურუა და ვიში მოსკოვსა შინა: მიგვატოვაო მეფე-ბატონმა! ვინღა გვიხელმწიფებსო ამიერიდან!

რა დასამალია, მრისხანე იყო ივან ვასილევჩი, გარნა თვითონ ღმერთმა დაადგინა იგი ჩვენ ზედა და, ჩანს, ღვთის განგებითვე გვსჯიდა ცოდვათა ჩვენთაგან განსაწმენდელად. შევიკრიბენით ბოიართა ღუმეში და გადავწყვიტეთ ყველანი ერთად ვხლებოდით ხელმწიფე-ბატონს, მდაბლად ქედადრეკილნი წარვდგომოდით და ცრემლით გვეაჯუნა მისთვის. შევიტყვეთ, რომ მეფე ალექსანდრეს სლობოდაში გაჩერებულიყო, ეგ სლობოდა კი აქედან ოთხმოც ვერსზე მეტითაა დაშორებული. ხელაპყრობით ვილოცეთ და გავუღებქით გზას. შორიდან დავინახეთ თუ არა სლობოდა, შევჩერდით, ერთხელ კიდევ დავდექით ლოცვად: შიშმა აგვიტანა; იმის შიშმა კი არა, რომ მეფე სიკვდილით დასჯას ბრძანებდა ჩვენსას, არამედ იმისამ, რომ ჩვენს დანახვასაც არ ინებებდა. მაგრამ არა, მიგვიღო მეფემ. ოლონდ, რომ შევედით, გჯერავს თუ არა, ბოიარო, ვერც ვიცანით! სახე თითქოს სხვისი ჰქონდა! თმა და წვერიც თითქმის ერთიანად გასცვენოდა. რა დამართოდა, რას დამსგავსებოდა, მეფეც

იყო და არც იყო მეფე! დიდხანს გველაპარაკა; გვძრახავდა კაცის ყურ-  
თაგან ჯერ არსმენილი დალატისათვის, ისეთ დანაშაულობებს გვიჩ-  
ხრეკდა, გუნებაშიც რომ არ გაგვივლია არასოდეს; ბოლოს კი გვითხრა,  
მხოლოდ ჩემი ღვთისმლოცველების, ეპისკოპოსების, თხოვნა-ვედრებით  
ეტვირთულობ კვლავაც მეფობას, ოღონდ ისიც ერთის პირობითო. ხელ-  
ზე გვაბთხვია და გამოგვისტუმრა.

— ჰო, მაგრამ რა პირობას გულისხმობდა მეფე? — ჰკითხა სერებ-  
რიანიმ.

— ახლავე შეიტყობ, თავადო. მისმინე: სამიოდე კვირა გავიდა და  
იოანე მოსკოვს დაბრუნდა. დიდი ღზენა ჩამოდგა ყველა ოჯახში, ისეთი  
ღზენა, ქრისტეს აღდგომის დღესასწაულზეც რომ ვერ იხილავ. აი, შეკ-  
რიბა მან ღუმა, მიგვიწვია ჩვენცა და სამღვდელონიც. ხოლო როცა შე-  
ვიკრიბენით, ასე გვაუწყა: მხოლოდ იმ პირობით ეტვირთულობ კვლავ  
მეფობას, რომ სიკვდილით დავსაჯო ჩემი ბოროტისმოქმედნი, შევრის-  
ხო მოლაღატენი, იავარუჰყო მათი ქონება და საბადებელი და არც მიტ-  
როპოლიტმა, არც ხელისუფლებმა არ მომაბეზრონ თავი უმაქნისი ხეწე-  
ნა-მუდართით, რომ ღმობიერი ვიყო ვინმეს მიმართო. ჩემთვისო, გვითხ-  
რა, მცველთა რაზმს ვიიენ და ჩემს საგანგებო მეურვეობაში ვიყვან მა-  
ვან და მავან ქალაქებსა და დაბებს და თავათ მოსკოვშიც მავან და მავან  
ქუჩებსაო. ამ ქალაქებსა და ქუჩებს, აგრეთვე ჩემს მცველთა რაზმს ოპ-  
რინინას ვარქმევო, ყველა დანარჩენი კი ზემშჩინა იქნებაო. ბოიარები  
და მიტროპოლიტი კი თავიანთი უფლებებით ჩემი სამეურვეოს შინაურ  
საქმეებში ნუ ჩამერევიანო. აი, ამ პირობით ეტვირთულობ მეფობასაო!  
ამ დღიდან დაიწყო ახალი ხალხის შემოკრება, თანაც ყველას ისეთს არ-  
ჩევდა, საჩინო გვარიშვილი არ ყოფილიყო და ჯვარზეც დაეფიცა, რომ  
პურს არ გატეხდა ბოიარებთან. სულ მათ ჩამოურიგა მთელი მიწა-წყა-  
ლი, სახლები, სრულად მთელი ავლა-დიდება, რაც რომ თავის მეურვე-  
ობაში მიითვალა; სამეცკვიდრეო მამულთა ძველი მფლობელნი კი, დაახ-  
ლოებით თორმეტ ათასამდე, საქონელივით გარეკა ოპრინინიდან.  
ღმერთმანი, თავადო, ხომ ჩემი თვალით ვიხილე ეს ყოველივე, მაინც  
დღემდე ვერ დამიჯერებია! დათარეშობენ ახლა რუსეთის წმინდა მიწა-  
ზე მათი ეშმაკეული, სისხლისმსმელი რაზმები, დაათრევენ ცოცხებსა  
და ქოფაკთა თავებს; ფეხქვეშ თელავენ სიმართლეს და, ღმერთო მოგ-  
ვხედე, დალატს კი არა, რუსეთის ღირსება-პატიოსნებას ჰკვიან პირი-  
საგან მიწისა; ხელმწიფის მტრებს კი არა, მის ერთგულ მსახურებს  
ჰკბენენ და გლეჯენ, და არავენ ჩანს, სამართალი ქმნას, საკადრისი მია-  
გოს ამ წყეულებს!

— ჰო, მაგრამ რად ღათანხმდით მაგნაირ პირობას? — შენიშნა სერებრიანნი.

— რას ამბობ, თავადო! განა შეიძლება მეფეს რამე დაუშალო? განა ივი ღვთისგან არ არის?

— ცხადია, ღვთისგან არის. მაგრამ ის ზომ თვითონვე გეკითხებოდათ? რატომ არ უთხარით, არ ვგსურს ოპრინინაო?

— ისევ რომ წასულიყო? მაშინ რაღა გვეპველებოდა? უხელმწიფოდ ზომ ვერ დავრჩებოდით? ხალხი რას იტყოდა?

სერებრიანი ჩაფიქრდა.

— ჰოო, — ჩაილაპარაკა მან ხანმოკლე ღუმილის შემდეგ, — უხელმწიფოდ დარჩენა მართლაც არ ივარგებდა. მაგრამ ახლა მაინც რაღას უცდით? რატომ არ ეტყვიო, რომ ოპრინინისგან მთელი ქვეყანა იღუპება? რატომ შეპჯურებთ ყველაფერ ამას და ზმას არ იღებთ?

— მე როდი ვარ, თავადო, განუშებული, — სიაპყით მიუგო შორი-ზოემა. — მე არასოდეს დამიძალავს ჩემი ფიქრები, ჰოოდა, იმიტომაც ვარ ახლა შერისხული. აბა მიმიხმოს მეფემ თავის წინაშე, თუ ყველაფერი არ მოვასხენო დაუფარავად, მაგრამ არა, არ მიმიხმობს არასდღებით. ჩვენთანა ახლა აღარავინაა მის გვერდით. აბა ნასე ერთი, ვინ შემოიკრიბა გარშემო? რომელი ძეგლი გვარის კაცი დგას მის გვერდით? არავინაა ძეგლი გვარისა! სულ უგვანი ტეტიები შემოიკრიბა, რომელთა მამებსაც ჩვენი მამები შინაყმებალაც არ იკადრებდნენ! რომელსაც გნებავს, დააღე იითი ვამოურჩევლად: ბასმანოვები, მამა და შვილი, — აღარც ვიცი, რომელი უფრო საზიზღარია მათ შორის; მალიუტა სკურატივი — ვილაც უასაბი თუ გამძვინვარებული მხეცი-ნადირი, ღღენიადავ სისხლით მოსვრილი; ვასკა გრიანნოი, — ამას ჩირადაც არ უღირს თუნდაც მთლად უკადრისი ბინძური საქმე! ბორის გოდუნოვი — ეგ კიდევ ალალ დედ-მამას გაჰყიდის და შვილებსაც ზედ მიაყოლებს, ოლონდ როგორმე მალლა აფორიხლეს, ყელში დანას გაეყვირის და პირშიც შემოგვინებს. მარტო ერთი კაცია იქ საჩინო გვარიშვილი, თავადი აფანასი ვიაზემსკი, მაგრამ თვითონაც შეირცხვინა თავი და ჩვენც შეგვარცხვინა, შეჩვენებულმა! ეჰ, რამდენ ვინმეზე უნდა დაიჩვილო ადამიანმა!

მოროზოემა ხელი ჩაიქნია. სხვა ფიქრები შემოაწვა მოხუცს. სერებრიანიც ჩაფიქრდა. თავადი მეფის საშინელ ფერისცვალებაზე ფიქრობდა და მცირე ხნით გადაავიწყდა, თუ რა საჩოთირო ურთიერთობაში ჩააყენა ის და მოროზოვი ბედის სიბრმავემ.

ამასობაში მსახურებმა სუფრა გააწყვეს.

მიუხედავად დიდი თავპატიჟისა, ბოიარმა მაინც აიძულა თავისი

სტუმარი გადაეღო გულუხვად მორთმეული კერძები: მრავალნაირი ლაბა, შემწვარ-მოხრაკულები, წვნიანები, თევზის სართავიანი ღვეზელები და მუუუუი. ხოლო როცა სუფრაზე ნაირნაირი სასმელებიც გამოიტანეს, მორთოვმა მალეაზიით ააესო სასმისები, ფეხზე წამოდგა, შერისხულის გრძელი თმა უკან გადაიყარა, თასი ასწია და წარმოთქვა:

— დღეგრძელი იყოს ღიღი ხელმწიფე, მეფე ივან ვასილევინი!

— ღმერთო ვანათლე! ღმერთო აუხილე თვალი! — უპასუხა სერებრიანიმ, სასმისი დასცალა, და ორივემ პირჯვარი გამოისახა.

ელენა არ გამოჩენილა პურისჯამის დროს და არც ბოიარების საუბარს დასწრებია.

კიდევ ბევრი რამ უამბო მორთოვმა სტუმარს სასელმწიფო საქმეთა თაობაზე, რიაზანის მიწა-წყალზე ყირიმელთა თავდასხმები გაიხსენა, ლიტველებთან ომის ამბებს ეკითხებოდა სერებრიანის და მწარედ ჰკიცხავდა კურბსკის მტერთან გაქცევისთვის. თავადი დაწერილებით პასუხობდა ყოველ კითხვაზე, ბოლოს კი თვითონაც მოუთხრო მასპინძელს სოფელ მედედეკაში ოპრიჩნიკებთან შეტაკების, მოსკოვში მათთან წაღაპარაკებისა და სალოხთან შეხვედრის ამბავი, თუმცა ის კი ვეღარ გაბედა, ამ უკანასკნელის გადაკრული სიტყვებიც ეხსენებინა.

მორთოვმა ღიღი გულისყურით მოუსმინა სტუმარს.

— ცუდი ამბავია, თავადო, — თქვა მან და მკაცრი შუბლი მოისრიხა, — ძალზე ცუდი ამბავია. ეგენი რომ იმ სოფელს არბევდნენ, გასაკვირი სულაც არ არის: სოფელი ხომ ჩემია, თავადო, შერისხული ბოიარის მამული კი ახლა, ვისაც მოესურვება, მას შეუძლია ძარცვოს და არბიოს. ამაში, იცოცხლე, გაწაფულნი არიან; რისი წაღებაც შეიძლება, მიაქეთ, ხოლო რასაც ვერ აიკილებენ, ცეცხლით ბუგავენ; საქონელს სადაც წაასწრებენ, იქვე ჰკლავენ. ეს ახლა მაგათი ზნეა. იმ სალოსს კი მეც ვიცნობ. ეგ ჭეშმარიტად ღვთის კაცია. მარტო შენი ვინაობა როდი გამოუცვნია მაგას ერთის ნახვითვე; ევ ყველას თითქოს გამომზეურებულს ხედავს. მაგისი მეფესაც ეშინია. რამდენჯერ უმხილებია პირში ივან ვასილევინი. ნეტავ მეტი გვყავდეს მაგნაირი წმინდანი ხალხი, მაშინ იქნებ ოპრიჩნიცა არ გამოჩენილიყო! ერთი ეს მითხარი, თავადო, — განაგრძობდა მორთოვი, — როდის აპირებ ხელმწიფეს ეახლო?

— ხვალევე, როგორც კი ინათებს, როგორც კი საძინებლიდან გამოვა მისი მოწყალეობა.

— რას ამბობ, თავადო? ახლა უკვე შებინდებულია, შენ კი ას ვერსზე მეტი გაქვს გასაველელი!

— როგორ, განა მეფე კრემლში არ არის?

— არა, თავადო, არ არის კრემლში. განვარისხეთ ჩვენ უფალი, მიგვატოვა ხელმწიფემ, ალექსანდრეს სლობოდაში დაბრუნდა, იქ ცხოვრობს თავისი ავან-ჩავენებით, გაწყდეს იმათი სახსენებელი.

— რახან ასეთა, მშვიდობით, ბოიარო, უნდა აეჩქარდე. ჯერ შინაც არ ვყოფილვარ. ცოტას მივიხედ-მოვიხედავ და ხვალ, მზის ამოსვლისას, გზას გაუდგები.

— ნუ წახვალ, თავადო!

— ნუ წავალ? რატომ, ბოიარო?

— თავის მოკვეთა არ აცდება, ნიკიტა რომანიჩ.

— ეგ ღვთის ნებაა, ბოიარო; მის განგებას ვერსად წაუუვალთ!

— მომისმინე, თავადო. შენ ხომ უკვე დავიწყებული გყავდი, მე კი ჯერ ისევ ბალლი მახსოვხარ. ცხონებული მამაშენი და მე ტკბილი მეგობრები ვიყავით, სულს არ ვიშურებდით ერთმანეთისთვის. ახლა იგი ცოცხალი აღარაა, ღმერთმა სასუფეველი დაუმკვიდროს, და არავან გყავს, რომ ხიფათს აგარიდოს, რჩევა მოგცეს, შენი ზვედრი კი სახარბიელო არ არის, ხედავს ღმერთი, სახარბიელო არ არის! სლობოდაში თუ წახვედი, დაიღუპები, თავადო, თავს წააგებ უსათუოდ.

— რა გაეწყობა, ბოიარო, ჩანს, ბედი მქონია ასეთი!

— დარჩი, ჩემო ნიკიტა, საიმედოდ დავმალავ. კაციშვილი ვერ იპოვის შენს გზა-კვალს, ჩემი მსახურნი არ გაგთქვამენ, ღვიძლი შვილივით იქნები ჩემ ჭერქვეშ.

— ბოიარო, გაიხსენე, რას ამბობდი კურბსკიზე. არ შეშვენის რუს ბოიარს თავის მეფეს ემალეოდეს.

— ჩემო ნიკიტა, კურბსკი — მოლალატეა. ის ხელმწიფის მტერთან წავიდა; მე კი ვინა ვარ? განა მე ხელმწიფის მტერი ვარ?

— მომიტყევე, ბოიარო, მომიტყევე დაუფიქრებელი სიტყვა, მაგრამ დაე მოხდეს, რაც მოსახდენია!

— ჩემო ნიკიტა, აქ რომ დარჩენილიყავი, ეგებ დამცხრალიყო კიდევ მეფის რისხვა, ეგებ მისი ყოვლადუსამღვდელოესობის შეწევნით გაგვერიგებინა კიდევ შენი ამბავი. ახლა კი შენი იქ მისვლა ცეცხლზე კუპრის დასხმა იქნება, ღმერთმანი!

— ჩვენი სიცოცხლე ღვთის ხელთაა, ბოიარო. და რა საკადრისია, ეშმაკობით გავიხანგრძლივოთ წუთისოფელი იმაზე მეტად, ვიდრე ღმერთს ნებავს. მაღლობელი ვარ მასპინძლობისთვის, — დააყოლა სერებრიანი და წამოდგა, — მაღლობელი ვარ მეგობრობისთვის (ამ სიტყვებზე იგი უნებლიეთ შეცბუნდა), მაგრამ მე მაინც წავალ. მშვიდობით, ღრუჟინა ანდრეევიჩ!



მორიზოვმა ნაღელიანი თანაგრძნობით შეხედა თავადს, მაგრამ ჩანდა, რომ სულის სიღრმეში იწონებდა სტუმრის საქციელს და სხვარი-გად თვითონაც არ მოიქცეოდა მის ადგილზე.

— მაშ ღმერთი იყოს შენი მფარველი, ნიკიტა რომანიჩი! — უთხრა მან, სკამიდან წამოდგა და ხელი მოჰხვია თავადს. — დაე ღვთის მადლმა გული მოუღბოს ჩვენს მეფე-ბატონს. უფალმა ქნას, რომ საღ-სალამათი დაგვიბრუნდე სლობოდიდან, როგორც ყრმა იგი მხურვალე საკირედან, და კვლავ აი ასე, სულით და გულით გადაგვხვიო!

ანდაზა: ქვეითს ჭიშკრამდე, ცხენოსანს კი ცხენამდე მიაცილებენო. თავადი და ბოიარი წინკარის ზღურბლზე დაემშვიდობნენ ერთიმეორეს. უკვე ბნელოდა. მესერთან ჩაელისას სერებრიანიმ თეთრი კაბა დალანდა ბაღში. თავადს გული აუჩქროლდა. ცხენი შეაყენა. მესერს ელენა მოადგა.

— თავადო, — ჩურჩულით წარმოთქვა ქალმა, — მე გავიგონე, რასაც დრუჟინას ეუბნებოდი, შენ სლობოდაში მიდიხარ... ღმერთმა გაშოროს, თავადო, შენ სასიკვდილოდ მიდიხარ!

— ელენა დმიტრიევნა! ჩანს, უფალს ნებავს, რომ მეფისგან სიკვდილი მერგოს. სასიხარულოდ არ დავბრუნებულვარ სამშობლოში, ბედნიერება არ მოუსჯია ჩემთვის მამახეციერს; მე როდი მარგუნა შენი თავი, ელენა დმიტრიევნა! ჰოდა, ბარემ აღსრულდეს ჩემზე ღვთის განგება!

— თავადო, ისინი წამებით ამოგზდიან სულს! ლამის შიშით გამათავოს ამაზე ფიქრმა! ღმერთო ჩემო, ნუთუ სიცოცხლე მთლად მოგძულდება?

— რას ვაქნევ სიცოცხლეს! — თქვა სერებრიანიმ და ხელი ჩაიქნია.

— ყოვლადწმიდა ღვთისმშობელო! თუ შენი თავი არ გებრალება, სხვებმა მაინც რა დაგიშავეს! მე მაინც შემიბრალე, ნიკიტა რომანიჩი! გაიხსენე, როგორ გიყვარდი!

ღრუბლებიდან მთვარე გამოცურდა. ელენას სახე, მისი მარგალიტის კოკოშნიკი, ყელსაბამი და ალმასის საყურეები, მისი თვალები, ცრემლებით სავსე, საოცარი შუქით გაბრწყინდა. ტიროდა ელენა, მაგრამ, ცრემლდამდინარი, მზად იყო ღიმილად დაფრქვეულიყო. თავადის ერთი სიტყვა მის წუხილს უსაზღვრო ღზენად გადააქცევდა. მას აღარც ქმარი ახსოვდა ახლა და აღარც სიფრთხილე... სერებრიანიმ ელენას თვალებში ისეთი სიყვარული, ისეთი წუხილი ამოიკითხა, რომ უნებლიეთ შეეყოყმანდა. ბედნიერება მისთვის სამუდამოდ დაკარგული იყო. ელენა სხვას ეკუთვნოდა. მაგრამ ქალს მხოლოდ სერებრიანი უყვარდა. ჰოდა, კაცმა რომ თქვას, რატომაც არ უნდა დარჩენილიყო, არ გადაედო სლო-

ბოდაში ვამეზავრება? განა თვითონ მოროზოვიც ამას არ ეხევე-  
ბოდა?

ასე ფიქრობდა თავადი და სანეტარო ზურათები ესასებოდა თვალ-  
წინ, მაგრამ ღირსების ვრძნობა, წამით მიძინებული, მსწრაფლ გაუ-  
ცოცხლდა.

„არა, — გაიფიქრა მან, — შერცხვენილი ვიყო, ფიქრადაც თუ გაეიფ-  
ლო მამინიშნის მეგობრის შეურაცხყოფა! უღირსის მეტი არაფერს აკად-  
რებს გულუბრუნ მასპინძელს ნამუსის შერცხვენას, მხოლოდ მხდალი და  
მპიშარა ვაურბის სიკედილს!“

— ჩემი წაუსვლელი არ იქნება! — გადაწყვეტით უთხრა მან. — არ  
შეგიძლია მარტო მე ერთი გავერიდო ჩემს მეფე-ბატონს, როცა ყველა-  
ზე ღირსეულები იღუპებიან. ნახვამდის, ელენა!

ეს სიტყვები დანასავით მოხვდა ბოიარინას გულს. იგი სასოწარკვე-  
თილა დაემხო პირქვე.

— ნეტამც მიწა გამისკდეს და თან ჩამიტანოს! — ამოიკენესა მან. —  
რა დამრინია ამ ქვეყანაზე! სულ ერთია, თავს არ ვიცოცხლებ! საწამ-  
ლავს დავლეე! ვერ გადავიტან შენს დაღუპვას, ნიკიტა რომანიჩ! სი-  
ცოცხლეზე მეტად, ღვთოვდანაბად ქვეყანაზე მეტად მიყვარხარ, მე შენს  
მეტი არაფერს მიყვარს და არც მეყვარება!

თავადს გული უკვდებოდა ამის გამგონეს. უნდოდა ენუგეშებინა ელე-  
ნა, მაგრამ ქალმა უფრო და უფრო უმატა ქვითინს. ვაითუ ვინმეს გაე-  
ვონა მისი ვოდება, სერებრიანიც შეენიშნა და ბოიარისთვის მიეტანა  
ამბაუი. თავადი მიხვდა ამას და, ელენა რომ გადაეჩინა, თავს აიძულა  
სწრაფად გასცლოდა იქაურობას.

— ნახვამდის, ელენა! — უთხრა მან; — ნახვამდის, ჩემო სულისდგემა,  
ჩემო სიხარულო! იკმარე ცრემლები, ღმერთი მოწყალეა, ეგებ კიდევ  
ენახოთ ერთმანეთი.

მთვარეს ღრუბლები გადაეფარა, ქარმა ცაცხვების კენწეროებს ჩა-  
მოუქროლა და თავადსა და ელენას ამო სურნელად დაეფრქვია ყვავილ-  
თა წვიმა. შეირხნენ ბებერი ტოტები, თითქოს სურდათ ჩამოეძახნათ:  
ეჰ, ახლა ვიდასთვის ვიყვავილოთ, ვისთვის ავმწვანდეთ! დაიღუპება  
ცუღებრალოდ მამაცი მოყმე, დაიღუპება იმისი სატრფოც!

როცა უკანასკნელად მიიხედა ელენასკენ, სერებრიანმა ქალის  
ზურგს უკან, ბალის სიდრმეში, კაცის ბნელი ხატება დალანდა თვალით.  
ნეტავ მოეჩვენა ასე, თუ მართლა იდგა იმ ბნელში ვინმე? და თუ იდგა,  
ნეტავ ვინ იყო: მსახურთაგანი რომელიმე, თუ... თვით მასპინძელი, ბო-  
იარი ღრუჟინა მოროზოვი?

## აღმჯანდრეს სლოზოდა

ნოსკოვიდან სამების ლავრამდე და ლავრიდან კიდევ ალექსანდრეს სლოზოვამდე მიმავალი გზა დიდად ხალხმრავალი და ურიაშულიანი იყო. წარამარა დაჰქროდნენ იქით თუ აქეთ მეფის მღვდემსროლები; ქვეითად მიუყვებოდა გზას სალოცავად მიმავალი ყველა წოდების ხალხი; აპრიანისკა რაზმები წინ და უკან ეშურებოდნენ, ბაზიერები სლობო-დადან სხვადასხვა სოფლებისკენ მიიქაროდნენ ცოცხალი მტრელების-თვის; ურმებზე შემომსხდარი ან გრძელ ალალებს ცხენით ადევნებული ვაჭრები საქონელს ეზიდებოდნენ ზოზინ-ზოზინით. მიმოდოდნენ ჭრე-ლაჭრულად ჩაცმულ ტაკიმასხარათა ბრობები საყვირებით, სტვირებითა და ბაღალაიკებით, ხელზე გამობმული სასეირო დათვებით. ისინი სიმ-ღერებით ართობდნენ მიმავლებს ან მოწყალებას სთხოვდნენ მდიდარ მგზავრებს.

— გავეკითხეთ, ბატონებო, ბეჩავე ხალხი, — იძახდნენ ილაჯაგაწყვე-ტით, — უფალმა ღმერთმა მამულები და ყველანაირი ავლა-ღიჯება თქვენ დაგილოცათ, ჩვენ კი თქვენი მოწყალებით თავის დარჩენა ვადაგვიწყვა-ტა; მამ ნუ დაგვაგდებთ, ხელმწიფენო, განუკითხავად საწყალ ლატა-კებს!

— გამჩენებო, მარჩენალებო! — გაბმით მღეროდნენ სხვები, გზის პი-რებსზე ფეხმორთხმულნი, — ღმერთმა ჯანი და სიმრთელე მოგცეთ! მშვი-ლობით მიეყვანეთ მამაზეციერს სერგიას სამებაში!

ზოგნი ამ სიტყვებს მარჯვე ნართაულებსაც გამოურევდნენ, ასე რომ, მავანი ჩამვლელი მსიარული ნათქვამის ჯილდოდ ოქროს კორაბლენიკ-საც კი იმეტებდა მათთვის.

არცთუ იშვიათად, ტაკიმასხარებს ჩხუბიც მოსდიოდათ ჩამოკონკი-ლი მათხოვრების ბრობებთან, რომლებიც ქალაქებიდან და მონასტრები-დან მიიქაროდნენ სლობოდაში, რათა მოწყალებას გამოჩენოდნენ მეფეს.

მიმოდოდნენ აგრეთვე ბრმა მესაკარავენი და მეზღაპრეები, მხრებზე ბარბითებით, ერთიმეორეს ადევნებულნი.

მთელი ეს ღუნდგო გნიასობდა, მღეროდა, ილანძღებოდა. ცხენები, ხალხი, დათვები — ჭიხუნიებდნენ, ყვიროდნენ, ღრიალებდნენ. გზა ხშირ ტყეში მიემართებოდა და, მიუხედავად ხალხმრავლობისა, ხდებოდა

ხოლმე, რომ შეიარაღებული ყაჩაღები ვაჭრებს გადაუდგებოდნენ და სულს ზევით აღარაფერს უტოვებდნენ.

მარცვა-რბევა მოსკოვის გარეუბნებში განსაკუთრებით მას მერე გახშირდა, რაც ოპრინიკებმა მხენელ-მთესველთა მთელი სოფლები, ვაჭარ-ხელოსანთა მთელი გარეთუბნები აპყარეს და გაატიალეს. უსარჩოოდ და მიუსაფრად დარჩენილი ხალხი ავაზაკთა ბრბოებს მიენდო, ნაკაფებში დაბუნავდა და, თავისი სიმრავლის გამო, იმდენად საშიში შეიქნა, რომ მათთან ხუმრობა უკვე აღარ გამოდგებოდა. ოპრინიკები შეპყრობილ ყაჩაღებს უმოწყალოდ ჰკიდებდნენ საზრჩობელებზე; სამაგიეროდ, არც ყაჩაღები რჩებოდნენ ვალში, როცა კი ოპრინიკს მოიხელთებდნენ. თუმცა, მარტო ყაჩაღები არ მძარცველობდნენ გზებზე. ტაკი-მასხარები და მათხოვრები, ოღონდ კი ფხიზლად დაუცველ ადამიანს გადაპყროდნენ სადმე შეღამებულზე, და ხშირად ათავისუფლებდნენ ყაჩაღებს საზრუნავისგან. სხვებზე ცუდი დღე მაინც ვაჭრებს ადგათ. ყაჩაღებიც, ტაკიმასხარებიც, მათხოვრებიცა და ოპრინიკებიც — ყველანი მათ საძარცვადად იყვნენ მოცლილნი. მაგრამ ისინი თავს ინუგეშებდნენ ანდაზით: მოგება და ზარალი — ორივენი ძმები არიანო, და არ იშლიდნენ სლობოდაში სიარულს. — „ღმერთი მოწყალეა, იქნებ ჩავაღწითო“, — ამბობდნენ და, საკვირველია, როგორ და რანაირად, მაგრამ ბოლოს მაინც მოგებულნი რჩებოდნენ.

სამების ლავრაში სერებრიანიმ აღსარება უთხრა მოძღვარს და ზიარება მიიღო. მისი მსახურნიც ასე მოიქცნენ. გამომშვიდობებისას არქიმანდრიტმა ისე დალოცა თავადი ნიკიტა, როგორც უეჭველი სიკვდილის გზაზე მიმავალი.

სლობოდიდან სამიოდე ვერსზე საგუშაგო იყო. აქ სამხედრო დაცვა აჩერებდა მიმავლებს და თვითეულ მათგანს ეკითხებოდა: ვინ იყო და რისთვის მიდიოდა ტყვეობაში? ამ მეტსახელით შეცვალა ახლა ხალხმა დაცინვით სიტყვა „სლობოდა“, რომელიც ძველად „თავისუფლებას“ ნიშნავდა. სერებრიანისა და მის მსახურებსაც წერილად დაპკითხეს ჩამოსვლის მიზანი. შემდეგ მეუფროსე კაცმა იარაღი ჩამოართვა მათ და ოთხი ცხენოსანი ოპრინიკი აახლა ეტიკად. სულ მალე შორით მეფის სასახლის შეღებილი გუმბათები და უცხოდ ნახელავი ოქროფერილი სახურავები გამოჩნდა. აი რას ამბობს ამ სასახლეზე ჩვენი მეისტორიე, იოანეს უცხოქვეყნელ თანამედროვეთა დამოწმებით:

„ამ მრისხანე მოსალხინარ საცხოვრისში იოანე უმეტეს ღრო-ჟამს ღვთისმსახურებას ანდომებდა, რათა გამუდმებული ლოცვა-ვედრებით მოეპოვებინა სულის სიმშვიდე. მეფეს ისიც კი სურდა, სასახლე მონას-

ტრად გადაეცია, ხოლო თავისი რჩეული — ბერ-მონაზვნებად: ოპრიჩნიკთაგან 300 კაცი, უბოროტესნი, გამოარჩია და ძმანი უწოდა, ხოლო თავის თავს — ილუმენი, თავად აფანასი ვიაზემსკის — კელარი, მალიუტა სკურატოვს კი — პარაკლისიარქი; დაურიგა ამ ძმათა დასს არახინები ანუ სკუფიები, და შვიი ანაფორები, რომელთა ქვეშაც მათ ოქრომკედით ნაქარვი, სიასამურის ბეწვიანი მდიდრული ხიფთანები ეცვათ; მეფემ სამონაზვნო წესდებაც შეთხზა ამ ძმათათვის და თვითონვე იყო მისი სამავალითო აღმსრულებელი. აი, როგორ აღწერენ ამ სამონასტრო ცხოვრებას იოანესას. დილის მეოთხე საათზე იგი ბატონიშვილებითა და მალიუტა სკურატოვითურთ სამრეკლოზე აღიოდა და ცისკრის ლოცვისას რეკავდა, ძმანი კი ეკლესიაში მიიჩქაროდნენ; ვინც არ გამოცხადდებოდა, იმას რვა დღით პატიმარყოფდნენ. წირვა ექვს ან შვიდ საათამდე გრძელდებოდა. მეფე გალობდა, კითხულობდა, ლოცულობდა ისეთის გულმოდგინებით, რომ შუბლზე მუდამ აჩნდა მუხლთმოდრეკით დიდი მეტანიობის კვალი. რვა საათზე კვლავ წირვაზე იკრიბებოდნენ, ათზე კი საქმო ტაბლას მიუსხდებოდნენ, სუყველანი, ვარდაიოანესი, რომელიც, ფეხზე მდგომი, ხმამაღლა კითხულობდა სულის გასანათლებელ შეგონებებს. ამასობაში კი ძმანი მადიანად შეექცეოდნენ სასმელ-საჭმელს; ყოველ მზის ამოსვლაზე დღესასწაული უთენლებოდათ: მათთვის არც ღვინოს, არც თაფლუჭს არ იშურებდნენ; ტაბლის ნარჩენები სასახლიდან მოედანზე გაქონდათ ღარიბებისთვის. ილუმენი, ესე იგი მეფე, სხეების შემდეგ სადილობდა, მერე კი კანონზე ბაასობდა თავის რჩეულებთან, თვლემდა ან დილეგში მიემართებოდა რომელიმე უბედურის საწამებლად. ეტყობა, ეს ამაზრზენი სანახაობა ართობდა მას; იოანე გულით კმაყოფილი კაცის იერით ბრუნდებოდა იქიდან: ხუმრობდა, ჩვეულებრივზე უფრო ხალისიანად ლაპარაკობდა. რვა საათზე, მწუსრის ლოცვაზე მიდიოდნენ; ათზე მეფე საძინებელში მარტოვდებოდა, სადაც სამი უსინათლო ზღაპრებს უამბობდა. იოანე უსმენდა მესღაპრეებს და იძინებდა, მაგრამ სულ ცოტა ხნით: შუალამისას ღვებოდა, და მისი დღე ლოცვით იწყებოდა. სახელმწიფო საქმეებს ხშირად ეკლესიაში მოახსენებდნენ ხოლმე მას, ზოგჯერ კი იოანე სწორედ ცისკრის ლოცვის ან წირვის ჟამს იძლეოდა ყველაზე სასტიკ და უღმობელ ბრძანებას. ამ ერთფეროვანი ყოფის გასახალისებლად დროდადროის ეგრეთ წოდებულ მოსახილველ მოგზაურობას მოიგუნებებდა ხოლმე, ახლომახლო და შორეულ მონასტრებს მიაკითხავდა, სასაზღვრო ციხესიმაგრეებს ათვალიერებდა, ტყეებში და ველებზე ნადირობდა; გამოორჩევით უყვარდა დათვებზე მწვეარ-მეძებრებით ნადირობა; მაგრამ

არსად და არასოდეს არ ივიწყებდა ხელმწიფურ საქმეთ: რამეთუ, ზემ-  
შინანის პიარები, მოსახევენებლად განწესებული ხელისუფალნი სა-  
ხელმწიფოსა, ვერაფრის გადაწყვეტას ვერ ბედავდნენ მის უნე-  
პურად!“

სღობოლაში რომ შეაღწიეს, სერებრიანიმ დაინახა, რომ ხელმწიფვის  
სასახლე თუ მონასტერი ღრმა თხრილითა და სვინულით იყო გამოიჯნუ-  
ლი სხვა შენობებისგან. ძნელი აღსაწერია ამ სავანის მშვენიერება და  
ნაირფეროვნება. არც ერთი ფანჯარა არ ჰგავდა მეორეს, არც ერთი სვე-  
ტი არ ედრებოდა ერთმანეთს ფერით ან სახოვანებით. შენობას უამრავი  
კუმბათი აგვირგვინებდა. ისინი ერთმანეთზე იყვნენ მიჯრილნი, ერთი-  
მეორეზე აჩხორილნი, და გაბერილი ბუშტებივით კრთოდნენ მზის სხი-  
ვებში. სასახლეს გუმბათებიდან საძირკვლამდე მოელვარე ქერცილივით  
ასხდა ოქრო, ვერცხლი და ფერადი შორენკეცი. როცა მზის სხივები  
დააშუქებდა, შორიდან ვერცკი გაარჩევდა კაცი, სასახლე იყო ეს, ვე-  
კებრთელა ყვაველის ბუჩქი, თუ ფასკუნჯების დიდი გუნდი მოფრენილი-  
ყო და ცეცხლოვანი ფრთები გაეშალა მხეზე.

სასახლის შორიანხლოს სტამბა იყო, ასოთხამომსხმელი სახელოსნო-  
თი, ასოთამწყობთა შრამელით და იოანეს მიერ ინვლისიდან და გერმა-  
ნიიდან ჩამოყვანილი უცნოელი ოსტატების სამყოფი ცალკე შენობით.  
მერე კი იწყებოდა უსასრულო რივი მეფის კარის საფარეშოებისა,  
რომლებშიც ცხოვრობდნენ მეკუჭნავეები, მეკუჭნავეთა ხელქვეითები,  
მეკაჟინები, მსარეულები, მეპურები, მეჯინიბენი, მეძალენი, ბაზიე-  
რები და ათასგვარი საქმე-საქნარის ამსრულებელი უამრავი სხვა მსა-  
ხური მეფის კარისა.

არანაკლები სიმდიდრით ბრწყინავდნენ სლობოდის ეკლესიებიც.  
ღვთისმშობლის დიდებული ტაძარი გარედან თვალწარმტაცად იყო მო-  
ხატული. თვითეულ აგურზე ჯვარი ბრწყინავდა და გეგონებოდა ეკლე-  
სიას ოქროს ბადე აქვს გადაცმულიო.

ამ თვალწარმტაცმა სახილველმა დროებით გაუფანტა ჯიუტად მო-  
ძალებული შავი ფიქრები სლობოდის გზაზე დამდგარ სერებრიანის.  
მეგრამ მალე უსიამო სანახაობამ კვლავ მოაგონა თავადს, რა განსაც-  
დელშიც იმყოფებოდა. მათ ერთიმეორის გვერდით აღმართულ რამდე-  
ნიმე სახრჩობელას ჩაუარეს. იქვე ჩანდა ძელურები თავსაკვეთი კუნძე-  
ბითა და ბასრი ცულებით. შავად შეღებილი ძელურები და სახრჩობე-  
ლები მტკიცედ და საგულდაგულოდ იყო ნაგები, არა ერთი თუ ორი  
დღის ან წელიწადისთვის, არამედ სამრავალჟამოდ!

რაზომ უშიშარიც უნდა იყოს ადამიანი, მაინც ვერ იქნება გულგრი-

ლი იმის გაფიქრებისას, რომ აღსასრულის საათი უახლოვდება და დღეს ან სხელ უნდა დაიღუპოს, მაგრამ სახელოვნად კი არა, ხმლების ჩახა-  
წუხსა და იარაღის ქუხილში, არაქედ ბნელი და სათაკილო სიკვდილით,  
საძულველი ჯალათის ხელით. ჩანს, სერებრიანიმ საკვდინებელი მოედ-  
ნის წინ ჩაველისას ვერ შეძლო დაეოკებინა გრძნობები და მის შთაბეჭ-  
დილებიან სახესე უნებლიეთ გამოისახა შინაგანი მღვლეარება: ცნკეპ-  
მა თავადს გადახედეს და გაშქირდავად ჩაიციხეს.

— ესენი ჩვენი საქანელები არიან, ბოიარო, — თქვა ერთმა მათგანმა  
და სახრხოებლებზე მიუთითა. — ჩანს, მოგეწონა, რომ თვალი ვეღარ მო-  
ვიწყვეტია!

მიხეიანს, რომელიც უკან მოკყეებოდა თავადს, არაფერი უთქვამს,  
მხოლოდ თავისთვის ჩაუსტვინა და თავი გადააქინა.

თხრილს რომ მიადგენს, თავადი და მისი ამხანავი ჩამოქვეითდნენ  
და ცხენები ბოძებს გამოაბეს, რომლებშიც სწორედ საამისოდ რვალის  
რგოლები იყო ჩასრახნილი. მოსულები უზარმაზარ ეზოში შევიდნენ.  
ეზო მათხორეებით იყო სავსე. ისინი ხმამაღლა ლოცულობდნენ, ფსალ-  
მუნებს გალობდნენ და თავიანთ საზიზღარ წყლულებს აჩენდნენ. მეფის  
მსახურთუფროსი კიბისთავზე გადმოიმდგარიყო და ხორაგეულსა და ფუ-  
ლად მოწყალებას ურიგებდა მათ მეფის სახელით. დროდადრო ეზოში  
ოპრინსაკები მიმოდრიოდნენ; სხვები მერხებზე ისხდნენ და ჭადრაკით  
ერათობოდნენ ან კამათელს აგორებდნენ. დანარჩენები წრიდ შეჯგუფე-  
ბულიყვნენ, დანასობიას თამაშობდნენ და გულიანად იცინოდნენ, როცა  
შეღიზედ რამდენჯერმე წაგებული მიწაში ჩაფლულ ბოლიკს ექაჩებო-  
და კბილებით. ოპრინსაკების სამოსი საოცრად განირჩეოდა მათხივართა  
ქონძებისგან: მეფის მცველები სულ ოქროთი ბრწყინავდნენ. თვითეულ  
მათგანს მარგალიტითა და ძვირფასი თელებით მოოჭვილი ხავერდის ან  
ფარინის არახინი ეხურა და იფიქრებდით, ეს ხალხი ცოცხალი სამკაუ-  
ლია ამ ჯადოსნური სასახლისაო, რომელთანაც თითქოს ერთ მთელად  
იყვნენ შერწყმულ-შემსგავსებულნი.

ერთმა ოპრინსიკმა მაინც განსაკუთრებით მიიპყრო სერებრიანის  
ყურადღება. ეს იყო ოციოლე წლის ყმაწვილი, უცხო სილამაზისა, მაგ-  
რამ უსიამო, თავხედური სახის იერთ. მას სხვებზე მდიდრულად ეცვა,  
ქედოსანთათვის უჩვეულო გრძელი თმა აქონდა, წვერი სულაც არ აჩ-  
ნდა, ხოლო მიხვრა-მოხვრასა და საქციელში რაღაცნაირი ქალური სი-  
ნაზე ემჩნეოდა. ამხანაგებიც საკმაოდ უცნაურად ეპყრობოდნენ, თანატო-  
ლივით ელაპარაკებოდნენ ამ ყმაწვილს და განსაკუთრებულ თავაზიანო-  
ბას არ იჩენდნენ მის მიმართ. მაგრამ როცა იგი რომელიმე წრესთან მი-

ვიდოდა, წრე მაშინვე გაიშლებოდა, ხოლო მერხებზე მსხდომარენი ფეხზე დგებოდნენ და ადვილს უთმობდნენ. კაცი იფიქრებდა, უფროთხილდებიან ამ ყმაწვილს ან, იქნებ, უფროთხიან კიდეცაო. სერებრიანი და მიხეიანი რომ დაინახა, მან უტიფრად აათვალიერა ისინი, ეტიკები მიიხშოდა, ეტყობა, მომავლების ვინაობა გამოჰკითხა. შემდეგ თვალმოჭუტულმა გაჰხედა სერებრიანის, უკეთურად ჩაიცინა და რაღაც უწურწულა ამხანაგებს. მათაც აგრეთვე ჩაიხიოთხითეს და აქეთ-იქით გაიკრიფნენ. თვითონ ის ყმაწვილი კი წინგარდზე ავიდა, მოაჯირს გადმოეყრდნო და კვლავ დამცინავად შეჰყურებდა თავადს. უეცრად მათხოვრები აჩონქოლდნენ და აირივნენ. ეს ამოდენა ბრბო ზვირთივით მოაწყდა ნიკიტას და კინაღამ გადათქერა ის. მათხოვრები ყვირილით გამორბოდნენ, ცდილობდნენ ვასცლოდნენ სასახლეს, სახეზე ყველას ძრწოლვა ეხატა. თავადი გოცდა, მაგრამ სულ მალე მიხვდა მათი დაფრთხობის მიზეზს — უზარმაზარი დათვი ძუნძულით მოსდევდა მათხოვრებს. წამის უმალ ეზო დაცარიელდა, და თავადი მარტოდმარტო აღმოჩნდა მხეცის პირისპირ. გაქცევა არც უფიქრია მას. სერებრიანი არაერთგზის შებმია დათვს მარტოდმარტო. ასე ნადირობა მისი საყვარელი გართობა იყო. იგი შეჩერდა და, როცა დათვმა ყურები დაძაგრა და დასატორავად შემოუტრა, ფიცხლად მოიქნია მარჯვენა, რათა ხმალი ეშოშვლა. მაგრამ სადღაჰქონდა ხმალი! დააეიწყდა, რომ ოპრიჩნიკებს ჩააბარა იარაღი, ვიდრე ტყვეობაში შემოვიდოდა. ყმაწვილმა კაცმა, წინგარდიდან რომ იცქირებოდა, გაღიხარხარა.

— ასე, ასე, — თქვა მან, — ერთბაშად არ იპოვო ის შენი ხმალი!

დათვის ტორის ერთმა შემოკვრამ მიწაზე განართხო თავადი, მეორე კი ალბათ თავს გაუჭეჭყავდა, მაგრამ, თავისდა გასაოცრად, თავადმა მეორე ღარტყმის მაგიერ მხოლოდ ის იგრძნო, რომ თბილი სისხლის შადრევანი შემოეფრქვია.

— ადექი, ბოიარო! — უთხრა ვიღაცამ და ხელი გამოუწოდა.

თავადი წამოდგა და ჩვიდმეტიოდე წლის ოპრიჩნიკი დაინახა თავის წინაშე. ყმაწვილს, რომელსაც პირველად ზედაედა ახლა, გასისხლიანებული ხმალი ეჭირა ხელში, თავგაპობილი დათვი კი გულაღმა ეგლო, ტორებს იქნევდა და სულს ღაფავდა მის ფეხებთან.

ოპრიჩნიკს, როგორც ჩანდა, სულაც არ ეამაყებოდა თავისი გამარჯვება. მის თვინიერ სახეზე ღრმა სევდა იყო აღბეჭდილი. რაკი დაინახა, რომ დათვს არ დაესახინრებინა თავადი, მადლობის თქმასაც არ დალოდებია, ისე შებრუნდა და დააპირა გაცლა.

— მამაცო ჭაბუკო! — უთხრა სერებრიანიმ, — მითხარ, ვინა ხარ, სა-



ზელი და ვინაობა გამაგებინე, რომ ვიცოდე, ვისთვის ვილოცო ღვთის წინაშე!

— აბა რად გინდა მაგის შეტყობა, ბოიარო! — უპასუხა ოპრიჩნიკმა. — არ მიყვარს ჩემი ვინაობა, დალაზხეროს ღმერთმა!

ამ უცნაურმა პასუხმა გააკვირვა სერებრიანი, მაგრამ მისი მხსნელი ამასობაში უკვე თავისი გზით მიაბიჯებდა.

— ეს რა ღვთის წყრომა იყო, ბატონო, — უთხრა მიხეიჩმა, თან ხიფთანის კალთით დათვის სისხლს აცილებდა თავადს, — იცოცხლე, შიში ეჭამე ახლა! გამწარებული ვულრენდი, ბატონის ჭირიმე, მაგ ოხერ დათვის: იქნებ შენ თავი დაგანებოს და მე მომეარდეს-მეთქი, რომ ამ ემაწვილმა, ღმერთმა ჯანი და სიმრთელე ნუ მოუშალოს მაგას, თავი გაუპო. ისე კი, რომ იცოდე, ყველაფერი იმ უწვეურულის ოინებია, ბილწი თვალებით რომ იყურება წინგარდიდან, მგლის კბილი მაგას და ქორის კლანჭი! არა, ეს სად მოვხვდით, — ჩურჩულით დაურთო მიხეიჩმა, — სად გაგონილა, ბატონო, მეფის კარზე დათვის უსევდნენ ქრისტიანი-შვილს?

მიხეიჩის გულისწყრომა სამართლიანი იყო, მაგრამ სლობოდას თავისი ზნე სჭირდა და არაფერი არ ხდებოდა იქ ჩვეულებრივი წესით და რიგით.

მეფეს მხეცების ბრძოლის ცქერა უყვარდა. რამდენიმე დათვი ყოველთვის ჰყავდათ რკინის გალიებში იმ შემთხვევისთვის, თუ ვინიცოხაა ხელმწიფე ამგვარ გართობას მოისურვებდა. მაგრამ დროდადრო იოანე ან მისი ოპრიჩნიკები გალიებიდან უშვებდნენ მხეცებს, ხალხს უსევდნენ და სეირის ცქერით იქცევდნენ თავს. თუ დათვი ვინმეს დაასახინებდა, მეფე მას ფულით აჯილდოვებდა; ხოლო თუკი მავანს და მავანს სასიკვდილოდ მოაქცევდა, მაშინ ფული მის ჭირისუფალს ეძლეოდა, თვით დაღუპულს კი ალაპის წიგნში სწერდნენ მეფის შექცევის ან მეფის რისხვის დანარჩენ მსხვერპლთა გვერდით მონასტრებში მოსახსენებლად.

მალე სასახლიდან ორი მესუფრე გამოვიდა და სერებრიანის უთხრეს, მეფემ ფანჯრიდან დაგინახა და სურს იცოდეს, ვინა ხარო. როცა მისი ვინაობა მეფეს მოახსენეს, მესუფრენი კვლავ დაბრუნდნენ და თავადს აუწყეს, მეფემ მოკითხვა შემოგიტვალა და გიბრძანა დღეს ნადიმზე ეწვიო.

ამ წყალობას მაინცდამაინც არ გაუხარებია სერებრიანი. იოანემ, შესაძლოა, ჯერ არ იცოდა სოფელ მეღვედეკაში ოპრიჩნიკებთან მისი შეტაკების ამბავი. მაგრამ ისიც შესაძლო იყო (და ხშირად ხდებოდა კი-

დევ ასე), მეფეს დრომდე დაემალა თავისი მრისხანება მოჩვენებითი მაწყალეობით, რათა უეცარი სასჯელი, ღზინისა და მზიარულების ჟამს, უფრო თავზარდამცემი ყოფილიყო დამნაშავეისთვის. ასე იყო თუ ისე, სერებრიანიმ ყველაფრის მოლოდინი დაიჭირა და ლოცვაც კი წაიკითხა გუნებაში.

ეს დღე გამონაკლისი იყო ალექსანდრეს სლობოდაში. მეფემ, რომელიც სუზდალში აპირებდა წასვლას სალიცავად, წინასწარ გამოაცხადა, ძმათა მთელ კრებულთან ერთად ვისადილებო და ბრძანა გარდა სამასი ოპრინიკისა, მისი მუდმივი თანამეინახეებისა, კიდევ ოთხსაი ეხმომთ ნადიშე, ასე რომ, სულ შვიდასი კაცი იყო წვეული.

## VIII თავი

### ც ა ღ ი შ ი

უზარმაზარ ორშუქედ დარბაზში, მოიუქურთმებულ-მოხატულ სვეტებს შორის, სამ რიგად ჩანდა გრძელი სუფრები. თვითეულ რიგში ათათი სუფრა იდგა, თვითეული სუფრა ოც-ოცი კაცისთვის იყო გაწყობილი. მეფის, ბატონიშვილისა და უახლოესი რჩეულებისთვის ცალკე იდგა სუფრები დარბაზის ბოლოში. სტუმრებისთვის ფარჩისა და ხავერდის საფენიანი გრძელი მერხები იყო გამზადებული; მეფისთვის კი — ჩუქურთმოვანი მაღალი სავარძელი, მარგალიტისა და აღმასის ფაჩებიანი. სავარძელი ფერხთა ნაცვლად ორი ლომის ქანდაკზე იყო დანლობილი, მის საზურგეს კი ფრთავაშლილი ორთავიანი არწივი ქმნიდა, მოოქროვილი და ფერადოვანი. შუა დარბაზში უზარმაზარი ოთხკუთხი მუხის მაგიდა იდგა. მაგარი იყო მუხის სქელი ფიცრები, მაგარი იყო მოხარატებული ვეება ფერხედი, რომელსაც მაგიდა ემყარებოდა. მათ ვერცხლისა და ოქროს ჭურჭლეულობის მთელი მთისთვის უნდა ყაემლოთ. აქ ნახავდით სხმულ ჯამ-ბადიებს, რომელთაც ოთხი კაცი ძლიავს ასწევდა ჩუქურთმიანი სახელურებით, და მძიმე აზარფეშებს, მარგალიტით დაწინწყლულ თასებსა და ჭედური სახეებით დამშვენებულ სხვადასხვა ზომის სინებს. აქ ეწყო სარდიონის ფიალებიც, სირაქლემას კვერცხის ტოლნიბიც და ოქროთი მოჭედილი ჯიხვის ყანწებიც. ხოლო სინებსა და აზარფეშებს შორის ჩადგმული იყო უცნაური ოქროს სასმისები, რომლებიც დათვებს, ლომებს, მამლებს, ფარშავანგებს, წეროებს, მარტორქებსა და სირაქლემებს გამოსახავდნენ. და ეს ამოდენა მძი-

მე-მძიმე ჭურჭლეულობა, ჯამ-ბადიები, სინები, აზარფეშები, ფიალები, ჩამჩები, მხეცები და ფრინველები ვეება სოლივით იყო აზვინულ-აკოკო-ლავებული და მისი წვერი თითქმის ჭერს ებჯინებოდა.

ღარბაზში ზვიადად შემოვიდა კარისკაცთა ბრწყინვალე კრებული და მერსებზე განლაგდა. მაგიდებზე ამ დროს გარდა სამარილეების, საპილპილეებისა და სამძრეებისა, არავითარი სხვა ჭურჭელი არ ელაგა. ხოლო ხორაგეულიდან მსოლოდ მშრალი ხორცეული, ზეთზე შემზადებული ნაირნაირი შეჭამანდი, მჟავე კიტრი, ქლიაი და ხის ფიალჯამე-ბით არაქანი იყო გამოტანილი.

ობრინიკები სუფრას მიუსხდნენ, მაგრამ ხელმწიფის მოლოდინში ჭამა-სმას არ შესდგომიან.

მალე ღარბაზში წყვილ-წყვილად შემოვიდნენ მესუფრენი და ბეფის სავარძელთან დადგნენ. მესუფრეთ ზვიადად მომავალი მსახურთუხუცე-სი და მერიქიფეთუხუცესი შემოაკყვნენ.

ბოლოს ბუკებმა დასჭექეს, სასახლის ზარებმა დაიგუგუნეს და ღინ-ჯად შემობრძანდა თვითონ მეფე ივან ვასილევინი.

იგი მალალი, ტანალი და მხარბეჭიანი იყო. გრძელი, მოქარგული ფარჩის სამოსი გულისპირის დაყოლებითა და კალთების გარშემო მარ-გალიტითა და პატიოსანი თვლებით ჰქონდა შემოქობილი. ძვირფას საყელოს მაცხოერის, ღვთისმშობლის, მოციქულებისა და წინასწარმეტყველთა მინანქრული გამოსახულებები უშეევენბდა. ყელზე დიდი შემკუ-ლი ჯვარი ეკიდა ოქროს ძეწკვით. წითელი ტარსიკონის წალების მალა-ლი ქუსლები ვერცხლის კავებით ჰქონდა მოჭედილი. საშინლად შეც-ვლილი ეწვენა იონან თავად ნიკიტას. მისი წყობილი სახე კვლავაც მშვენიერი იყო, მაგრამ ნაკეთები უფრო გატლანქებოდა, არწივისებურ-ცხვირზე კეხი კიდევ უფრო გამაღლებოდა, თვალები ავად უელავდა და შუბლზე ნოჭები დამჩნეოდა, რასაც წინათ ვერ უნახავდით. ყველაზე მეტად თავადი ხელმწიფის შემეჩხერებულმა წვერ-უღვაშმა გააოცა. იონან მსოლოდ ოცდათხუთმეტი წლისა იყო, მაგრამ ორმოცზე კარგა-ხნის გადაბიჯებულს დამსგავსებოდა. სახის იერი მთლად შეცვლოდა-ასე შეცვლილი ჩანს ხოლმე ნახანძრალი მკვიდრი შენობა. კვლავინდებურად დგანან აჩონჩხილი კედლები, მაგრამ კაზმულობა დაცვენილია, ჩაშავებული ფანჯრები ამაზრზენად შემოგცქერიან და ნაპარტახეე პა-ლატებში უკეთურობა დაბუდებულა.

თუმცაღა, როცა იონანე მოწყალედ იცქირებოდა, კვლავაც მიმზიდ-ველი იყო მისი გამოხედვა. ხელმწიფის ღიმილი იმათაც კი ხიბლავდა, ვინც კარგად იცნობდა მას და ზიზლით სწყევლიდა მის სიაკაცეს. ასეთ

ბედნიერ გარეგნობასთან ერთად იოანეს უჩვეულო ენამჭევრობაც ჰქონდა მომადლებული. ხდებოდა ხოლმე, რომ ზნეკეთილი ხალხი, როცა მეფეს უსმენდა, მის შესაზარ ნამოქმედართა აუცილებლობას იჯერებდა და, სანამ იგი ლაპარაკობდა, მის მტარვალურ სასჯელთა მართებულობას აღიარებდა გუნებაში.

იოანეს გამორჩენისთანავე ყველა წამოდგა და ქედლადრეკით ეთაყვანა მას. მეფე დინჯად გაემართა მაგიდებსშუა თავისი ადგილისკენ, შეჩერდა, თვალი მოავლო წვეულებას და საღამო ჩამოარიგა ყოველ მხარეს; მერე გრძელი ლოცვა წარმოთქვა ზმაშემადლებით, პირჯვარი გადაისახა, ტაბლა დალოცა და სავარძელში მოიკალათა. ყველამ, გარდა მერიქიფეთუხუცესისა და ექვსი მესუფრისა, მეფეს მიბაძა.

ოქრომკედიან იისფერ ხავერდის ხიფთანებში გამოწყობილი უამრავი მსახური ხელმწიფის წინ დადგა, მდაბლად ეთაყვანა მას წელმოხრით, და წყვილ-წყვილად ჩარიგებული გაბრუნდა სანოვავის შემოსატანად. მსახურები მალე დაბრუნდნენ ხელში შემართული ოქროს სინებით, რომლებზედაც ორ ასეულამდე შემწვარი გელი იყო დალაგებული.

ამით დაიწყო სადილი.

სერებრიანის მეფის სუფრის შორიახლო ერგო დაჯდომა, ზემმჩინის ბოიარებთან, ესე იგი იმათთან, რომელნიც ოპრინინას არ ეკუთვნოდნენ, მაგრამ, როგორც მაღალი ხარისხის მქონენი, ამჯერად ხელმწიფის სუფრაზე ყოფნის პატივით გამოერჩიათ. ზოგ მათგანს სერებრიანი ლიტვაში გამგზავრებამდეც იცნობდა. თავისი ადგილიდან მას მეფის დანახვაც შეეძლო და იმათიც, ვინც მის სუფრას უსხდა. თავადს სიმძიმელი შემოაწვა გულზე, როცა ის იოანე, რომელიც ხუთი წლის წინათ დატოვა აქ, იმ იოანეს შეადარა, თავის ახალ რჩეულთა წრეში რომ იჯდა ახლა მის თვალწინ.

სერებრიანიმ კითხვით მიმართა თავის მეზობელს, ერთ-ერთ იმათგანს, ვისაც იგი ადრევე სცნობდა.

— ნეტავ ვინ არის ის ყმაწვილი, მეფის მხარმარჯვნივ რომ ზის, ასე ფერგალეული და პირქუში?

— ეგ ბატონიშვილი იოან იოანოვიჩია, — მიუგო ბოიარმა, მერე გარშემო მიმოიხედა და ჩურჩულით დაურთო: — ღმერთო მოგვხედე! ნატამალიც არა სცხია რა პაპამისისა, მთლად მშობელ მამას გამოემგვანა, თავისი ასაკისთვის გასაკვირველად აქვს გარდავსილი გული მძინვარებითა და მტარვალობით. სიამე არ გვიწერია ჩვენ მაგისი მეფობისგან!

— ის შვეთვალა ახალგაზრდა ვინღაა, მაგიდის ბოლოში რომ ზის,

აღერსიანად გამომზირალი? სახეზე მეცნობა, მაგრამ არ მაგონდება, სად მინახავს?

— შენ ნანახი გყავს ეგ, თავადო, ხუთი წლის წინათ, როცა რინდა იყო ხელმწიფის კარზე. ოღონდ მას აქეთ დიდად აღზევდა და კიდევ უფრო აღზევდება მომავალში. ეგ ბორის ფიოდოროვიჩ გოდუნოვია, მეფის საყვარელი მრჩეველი. ხედავ... — ხმას დაუდაბლა და ისე განაგრძო ბოიარმა, — ხედავ, მის გვერდით იმ მხარბუჭიან, მწითურ ვაჟბატონს, თვალს რომ არავის უმართავს და წარბშეყრილი ეპოტინება გედის ხორცს გადასაღებად? იცი, ვინ არის ეგა? ეგ გრიგორი ლუკიანოვიჩ სკურატოვ-ბელსკია, მალიუტას ეძახიან მეტსახელად. ეგ არის ხელმწიფის მეგობარიც, მისი თანამდგომელიცა და მისი ქონდაქარიც. ხოლო აქ კი, მონასტერში, უფალო მოგვიტევე, პარაკლისიარქადაც აქციეს. ხელმწიფე თითქოს ბიჯსაც არ დგამს უმაგისოდ; მაგრამ აბა ერთი სიტყვა წაცდეხ გოდუნოვს, ნახავ, მალიუტა განზე დარჩება და ბორისისას კი შეისმენენ! აი ის კი, უწვერული, კეკლუც ქალწულს რომ დამგვანებია, პირის მწედდ რომ უღვას მეფეს, ეგ ფიოდორ აღექსევეიჩ ბასმანოვია.

— ეგა? — ჰკითხა სერებრიანიმ და ის ქალაჭუა ყმაწვილი იცნო, ვისმა გარეგნობამაც სასახლის ეზოში გააკვირვა თავადი, ხოლო მოულოდნელმა გახუმრებამ ლამის სიცოცხლეს გამოასალმა.

— სწორედ ეგა. მეტი რომ არ იქნება, ისე უყვარს ეგ მეფეს. უმაგისოდ თითქოს სიცოცხლევც არ შეუძლიაო; მაგრამ აბა ერთი რამე საქმე იყოს, ვის ჰკითხავენ რჩევას? გგონია, მაგას? არა, კეთილო, ისევ ამ ბორისს!

— ჰო, — თქვა სერებრიანიმ, თან გოდუნოვს აკვირდებოდა, — ახლა კი მაგონდება, ვინც უნდა იყოს. ერთი ეს მითხარ, მეფის მეკაპარჭე ზომ არ იყო ეგ ბორისი?

— ეგრეა, თავადო. სწორედ მეკაპარჭე იყო მეფისა. თითქოს, ვერაფერი სადიდებულო სამსახურია, იფიქრებ, აბა აქ რით უნდა გამოიჩინო თავიო? მაგრამ ერთხელაც იყო, ნადირობისას მშვილდოსნობით გართობა მოიგუნებეს. მონადირეთა შორის კი ხანის ღესპანი დევლეთ-მურზაც ერია. ჰოდა, ამ დევლეთ-მურზამ რამდენიც კი სტყორცნა ისარი, ერთიც არ ააცდინა თათრულ ქუდს, რომელიც მეფის ბანაკიდან ას ნაბიჯზე ჩარჭობილ მარგილზე იყო შემოდებული. ეს ამბავი კი, მოგეხსენება, ნასადილევს ხდებოდა, როცა აზარფეშამ უკვე ბევრჯერ ჩამოიარა სუფრის გარშემო. ჰოდა, ერთიც ვნახოთ, წამოდგა ეს ჩენი ივან ვასილევინი და იძახის: — მომართვით ჩემი მშვილდი, არც მე გახლავართ ამ თავს. ა. ტოლსტოი

თარზე ნაკლები მთისაირიო! — თათარი კი, იცოცხლე, გაახარა ამ ამბავ-  
მა: — სოროსნე, მეფე-ბატონო! — ეუბნება: — ჩემმა ათასა სლენის ჯოგი  
მოიდა, შენა კი რა მოიდა? — ესე იგი, ჩვენებურად, სანაძლეოს რას ჩა-  
მოდიხარო? — ქალაქ რიაზანს მოედევარო! — უთხრა მეფემ და ვაიმეო-  
რა: — ღმერთით ჩემი მშვილდიო! — გავარდა ბორისი ცხენსაბმელის-  
კენ, საღაც მშვილდ-კაპარჭიანი ცხენი ეყენა, მოახტა უნაგირს; ეს კი  
დაღინახეთ, რომ ბობოქრობს მის ქვეშ ცხენი, ყალყზე დგება, ლაგამს  
იწყვეტს, ზერე კი ერთბაშად გაფრინდა ადგილიდანვე და, თითქოს ცამ  
ჩაყლაპა ან დედაპიწამო, გაქრა ბორისიანად. საათის სეოთხედი იქნებო-  
და ვასული, რომ დაბრუნდა ბორისი, ვსედაეთ — კაპარჭიცა ღა ხილი-  
ფაც დაფსრეწილია, მშვილდი შუაში გადატეხალი, ისრები მიმობნეუ-  
ლი, თვითონ ბორისს კი თავი აქვს გახეთქილი. ცხენიდან ჩამოხტა და  
უბებში ჩაუვარდა მეფეს: „დამნაპავე ვარ, ზელმწიფეო, ვერ შევაკავე  
ცხენი. ვერ გავუფრთხილდი შენს მშვილდ-ისარს!“ მეფეს კი, ჩემო კე-  
თილო, ამასობაში ცოტათი გამოუნელდა კიდევაც ღვინო, სიღზილვე  
დაეტყო. „რა ვაეწყობა, — ამბობს ზელმწიფე, — დღეის იქით ველარ გი-  
ხაღონ შენ, უმეცარო, ჩემს ნეკაპარჭედ, სხვისი მშვილდით კი მე არ გა-  
ვიყენა!“ ამ დღიდან დაიწყო ბორისის აღწეება და აგერ ნახე, თავა-  
დო, კიდევ სადამდე აღწევდება! არა, მაინც გასაკვირველია მაგ კაცის  
ანბაფი, — განაგრძობდა ბოიარი და ვოდუნოვს გაჰყურებდა, — არასოდეს  
წინ არ ეჩრება, და მაინც ნუდამ სუფურის თავში ზის: თავის დღეში პირ-  
დაპირობას არ გამოიჩენს, მეფის უამურს არაფერს მოიმიოქმელებს, მი-  
დის თავისთვის მყუდრო გზაწერილით, არავითარ სისხლიან საქმეში არ  
გარეკულა, არავის დასჯაში არ უდევს წილი. მის გარშემო სულ თქრია-  
ლით გადმოსჩქეფს სისხლი, ეგ კი თვითონ უმანკო და შეურაცხელია  
თოთო ბაღლივით, ოპრიჩინაშიც არ არის ჩაწერილი. აი ის, — განა-  
გრძო მან და უკეთურად მოლიმარ კაცზე ანიშნა, — ის ალექსეი პასმანო-  
ვია, ფიოდორის მამა, მაგის იქით კი, მოშორებით, ვასილი ერიაზნოი  
ზის, აი იქ კი მამა ლეეკი, ჩუდის არქიმანდრიტი; შეუნდოს უფალმა და,  
ეგ ეკლესიის მწყემსი კი არა, მიწიერ ვნებათა მოძღვარია!

სერებრიანი ცნობისმოყვარეობითა და ნაღვლიანად უსმენდა მას.

— მითხარი, ბოიარო, — ჰკითხა მან, — ვინ არის ის ტანადი, თმასუ-  
კუჭა, ოცდაათიოდე წლის შავთვალა კაცი? აგერ უკვე მეოთხე თასი  
დასცალა ზედიზედ, თანაც რამოდენა თასები! მაგარი მსმელი ჩანს, ვი-  
ლაცაა, ოღონდ ღვინო მგონი არ უნდა ელხინებოდეს მაგას. უყურე, რო-  
გორ იბღვირება, თვალებს კი მშაგივით აბრიალებს. ნეტავ რა მოსდოს,  
ზომ არ შეიშალა? უყურე, კაცო, დანით ფატრავს სუფრას.

— მაგას, თავადო, მე მგონი, უნდა იცნობდე შენ. ეგ ჩვენიანი იყო. თუცა, შეიცვალა კი მას აქეთ, რა რომ, მთელი ბოიარობისდა სასირცხვილოდ, ოპრიჩნიკებში გაერია! ეგ თავადი აფანასი ივანოვიჩი ვიაზემსკია. ვაჟკაცობით ვერც ერთი ამათგანი ვერ მოვა მაგასთან, მაგრამ როცა იქნება, არ ასცლება თავის წაყვეთა! რა რომ ტრფიალება ჩაებულა გულში, მას მერე თავის ჯკუაზე აღარ არის. ვერც ვერას ხედავს, არც რამე ესმის, მარტოკაც ხშირად ლაპარაკობს საკუთარ თავთან, გადარეულივით, და მეფესაც ისეთ სიტყვებს აკადრებს, მეტი აღარ იქნება. მაგრამ ჯერხნობით არაფერს ერჩიან; ებრალება ეგ ხელმწიფეს. ისე, ამბობენ, სიყვარულმა რომ გაახელა, სწორედ იმიტომ ჩაეწერა ოპრიჩნიკებშიო.

და ბოიარი სერებრიანისკენ დაიხარა, ალბათ, იმის სურვილით, რომ უფრო დაწვრილებით ეთქვა მისთვის ვიაზემსკის ამბავი, მაგრამ ამ დროს მათთან მესუფრე მივიდა, სერებრიანის წინ სინით ტაბაკა დადო და წარმოთქვა:

— ნიკიტა-სტა! დიდი ხელმწიფე კერძა გწყალობს სეფე სუფრიდან! თავადი წამოღვა და, როგორც წესი იყო, მდაბლად ეთაყვანა მეფეს.

მაშინ თავადის სუფრასთან მსხდომნიც წამოდგნენ, ერთობლივ ყველანი, და თავი დაუკრეს სერებრიანის ნიშნად იმისა, რომ მეფის წყალობას ულოცავდნენ. სერებრიანიც მოვალე იყო თავის დაკვრითვე ეთქვა მაღლობა რივრივობით თვითეული მათგანისათვის. ამასობაში მესუფრე მეფესთან დაბრუნდა, წელმოხრით ეთაყვანა მას და უთხრა:

— დიღო ხელმწიფე! ნიკიტა-სტამ მიიღო კერძი, ქედლადრეკით გეთაყვანება!

როცა გეღებს მორჩნენ, მასხურები წვეილ-წვეილად გავიდნენ დარბაზიდან და სამ ასეულამდე შემწვარი ფარშავანგით დაბრუნდნენ. მათი ვაშლილი კულები მარაოსებრ ირხეოდა თვითეულ სინზე. ფარშავანგებს თევზისა და ქათმის ხორცის ფენა-ფენა სართავიანა ნამცხვრები, ხორცისა და ყველის გულიანი ღვეზელები, ნაირნაირი ბლინები, მოყვანილი ხაბიბკინები და მაჭკატები მოაყოლეს. ვიდრე სტუმრები კერძებს შეექცეოდნენ, მასხურები აზარფეშებითა და თასებით არივებდნენ ალუბალზე, ღვინაზე და შოთხზე ნახალ თაფლუჭებს. სხვებს უცსოური ღვინოები მოჰქონდათ: რომანული, რეინული და მუსკატი. საგანგებოდ მიჩენილი მესუფრენი მაგიდებს დასტრიალებდნენ, რათა თვალი ეღვენებინათ სად რა საჭიროება იყო და ხელმწიფის მოსაკითხავი მიერთმიათ ამა თუ იმ სტუმრისთვის.

სერებრიანის პირდაპირ ერთი მოხუცი ბოიარი იჯდა, რომელზედაც

მეფე, როგორც ამბობდნენ, საშინლად გამწყვრალი იყო. ბოიარი გრძნობდა, განსაცდელში რომ იყო, მაგრამ არ იცოდა, რა სასჯელი დაატყდებოდა, და მოთმინებით ელოდა თავის წილხვედრს. ყველასდა გასაოცრად, მერიქიფეთუხუცესმა ფიოდორ ბასმანოვმა თავისი ხელით მიართვა მას ღვინით სავსე თასი.

— ვასილი-სუ! — წარმოთქვა ბასმანოვმა, — დიდი ხელმწიფე თასსა გწყალობს სეფე სუფრიდან!

მოხუცი წამოდგა, იოანეს ეთაყვანა და ღვინო დალია, ბასმანოვი კი მეფესთან დაბრუნდა და მოახსენა:

— ვასილი-სუმ დასცალა თასი, ქედღადრეკით გეთაყვანება!

ყველანი წამოდგნენ და თავი დაუკრეს მოხუცს. ელოდნენ, რომ მასაც თავის დაკვრით გადაეხადა მადლობა, მაგრამ ბოიარი გახევებული იღგა. მას სუნთქვა ეკვროდა და მთელი სხეული უცახცახებდა. უცებ მოხუცს თვალებში სისხლი მოაწვა, სახე ჩაულურჯდა, და ზღართანით დაეცა ძირს.

— ბოიარი მთვრალია, — წარმოთქვა ხელმწიფემ, — გაიყვანეთ აქედან!

ღარბაზში ჩურჩული დაირბა, ზემშჩინის ბოიარებმა კი ერთმანეთს გადახედეს და თავიანთ თეფშებს მიაყინეს მზერა, ელდანაკრავნი კრინტიის დაძვრასაც ვერ ბედავდნენ.

სერებრიანი შეძრწუნდა. აქამდე კიდეუ ჰქონდა რალაც ეჭვისმაგვარი და არ სჯეროდა, რასაც იოანეს სიმხეცეზე ამბობდნენ, ახლა კი თავათ შეიქნა მისი საშინელი შურისძიების მოწმე.

„ნეტავ მეც ასეთი დღე ხომ არ მომელის?“ — გაიფიქრა მან.

ამასობაში მოხუცი გაიტანეს, საღილი კი რიგისამებრ გრძელდებოდა, თითქოს არაფერიც არ მომხდარიყოს. ბარბითები ჟღერდნენ, ზარები გუგუნებდნენ, კარისკაცები ზმამაღლა მუსაიფობდნენ და იცინოდნენ. მსახურები, აქამდე რომ სულ ზავერდი ემოსათ, ახლა ყველანი ფარჩის დოლომანებით შემოვიდნენ. სამოსის ასე გამოცვლა მეფის წვეულებების ერთ-ერთი ფუფუნებათაგანი იყო. ახლა სუფრაზე ნაირნაირი ლაბები გააჩინეს; მერე შემოიტანეს ცხარე საწებლიანი წეროები, მწილის წვნიანში ჩადებული ჯანჯაფილის სანელით შეკაზმული მამლები, ძვალგამოცლილი ქათმები და იხვები კიტრით; შემდეგ მოაყოლეს სხვადასხვაგვარი წვნიანი და სამგვარი უხა: ქათმის გულმკერდისა, ქათმის თავ-ფეხ-კუჭმაჭისა და ქათმისა ზაფრანის სანელით შეზავებული. უხას რომ მორჩნენ, მაგიდებზე ქლიავის საწებლიანი გნოლ-ქათმები, ბურღულის შეჭამანდიანი ბატები და ზაფრანის სანელიანი როჭოები გაჩნდა.



ამის შემდეგ შექცევის ჯერი დადგა და ამ ხნის განმავლობაში სტუმრებს სასმელით მასპინძლობდნენ. მოჰქონდათ თაფლუჭები: მოცხარზე ნახადი, მთავრული და ბოიარული, ხოლო ღვინოებიდან: ალიკანტი, ბასტრი და მალვაზია.

ახლა თანდათან იმატა ხმაურმა, თამამმა ლაპარაკმა, სიცილ-ხარხარმა, შეხურებული თავების ტრიალმა. სერებრიანი, რომელიც ოპრინიკების სახეებს აკვირდებოდა, შორეულ მაგიდასთან ის ყმაწვილო შენიშნა, რამდენიმე საათის წინ დათვისგან რომ იხსნა თავადი. ნიკიტამ მეზობლებს ჰკითხა მისი ვინაობა, მაგრამ ვერც ერთმა ზემოწინეულმა ვერ უთხრა, ვინ იყო ის. ჭაბუკი ოპრინიკი იდაყვებით დაყრდნობოდა მაგიდას, თავი ხელებზე ჩამოედო, ჩაფიქრებული იჯდა და საერთო მხიარულებაში არ ერეოდა. თავადს ის იყო გვერდით ჩავლილი მსახურისთვის უნდა ეკითხა მისი ამბავი, რომ უეცრად შემოესმა უკანიდან:

— ნიკიტა-სტა! დიდი ხელმწიფე თასსა გწყალობს სეფე სუფრიდან! სერებრიანი შეკრთა. მის ზურგს უკან უტიფრად მოლიმარი ფიოდორ ბასმანოვი იდგა და თასი ეჭირა გამოწვდილ ხელში.

თავადი წუთითაც არ შეეყოყმანებულა, ისე ეთაყვანა მეფეს და ბოლომდე დასცალა თასი. ყველანი ცნობისმოყვარეობით შეჰყურებდნენ მას, თვითონაც გარდუვალ სიკვდილს ელოდა და უკვირდა, სამსალის მოქმედებას რომ არ გრძნობდა. ცახცახისა და შემცივნების მაგიერ საამო სითბომ დაუარა ძარღვებში და სახეზე უნებლიეთ მორეული სიფითრე გაუკრთო. მეფისგან მოკითხული სასმელი ძველი და ხალასი ბასტრი იყო. სერებრიანისთვის ცხადი გახდა, რომ მეფემ ან მიუტევა დანაშაული, ან ჯერ არ იცოდა ოპრინინის შერცხვენის ამბავი.

უკვე ოთხ საათზე მეტი ხანი გრძელდებოდა მხიარულება, სუფრას კი ჯერაც არ უჩანდა დასასრული. ამ დღეს თავი გამოიჩინეს მეფის მზარეულებმა. არასოდეს ასე გემრიელი არ გამოსვლიათ მჟავე სუფები, შამფურზე შემწვარი თირკმლები და გოჭა თევზები ცხერის ზორცის სართავით. განსაკუთრებით აოცებდა მონადიმეთ გოლიათური თევზები, რომლებიც თეთრ ზღვაში დაეჭირათ და სოლოვეცის მონასტრიდან გამოეგზავნათ სლობოდაში. ისინი ცოცხლად ჩამოიტანეს უზარმაზარი კასრებით. მგზავრობამ რამდენსამე კვირას გასტანა. ეს თევზები ძლივს ეტეოდნენ ვერცხლისა და ოქროს ლანგრებზე, რომლებიც ერთბაშად რამდენიმე კაცს შემოჰქონდა. ამ კერძებმა მთელი ბრწყინვალებით გამოაჩინეს მზარეულთა ნატიფი ხელოვნება. თართები და ტარალანები ისე იყო ათლილი და გაწყობილი სინებზე, რომ ფრთაგაშლილ მამლებს ან კიდევ ხახადაღრენილ ფრთოსან გველეშაპებს ჰკავდნენ. კარგი და გემ-

რიელი იყო ატრიის შეჭამანდიანი კურდღლებიც. ასე რომ, სტუმრებს, თუმცა უკვე ყელამდე იყვნენ გამაბღარნი, მაინც არ დაუტოვებიათ კბილგაუკრაკი არც ნივრის საწებლიანი მწყერები, არც ხახვისა და ზაფრანის სანელაიანი ტოროლები. მაგრამ, აი, მესუფრეთა ნიშანზე მაგიდებიდან აალაგეს მარილი, წიწაკა, ძმარი და პირწმინდად გაზიდეს მთელი ზორაგუული და თევზეული. მსახურები წყვილ-წყვილად ჩარიგებულნი გავიდნენ დარბაზიდან და სხვარიგად მორთულნი შემობრუნდნენ. ფარხის დოლოშანების ნაცელად ახლა ვერცხლით მოსირმული და სიასამურის ბეწვით გაწყობილი თეთრი ზავერდის საზაფხულო კუნტუშები ეცვათ. ეს სამოსი წინანდელზე უფრო ლაზათიანი და მდიდრული იყო. აგრეთვე გამოკოსტავებულებმა შემოიტანეს დარბაზში შაქარყინულის კრემლი, რომელიც ხუთ ფუთამდე იწონიდა, და მეფის სუფრაზე დადგეს. ეს კრემლი ერთობ ოსტატურად იყო ჩამოსხმული. ქონგურებიანი კედლები და გუმბათები, აგრეთვე ცხენოსნები და ქვეითებიც კი, ზედმიწევნით იყო გამოყვანილი. ასეთივე, ოლინდ უფრო მომცრო, სამ ფუთამდე წონის, კრემლებმა დაამშვენეს სხვა სუფრებიც. კრემლებს მაშინვე მოაყოლეს ასიოდე ოქროფერილი და შეღებილი ხე, რომლებზედაც ნაყოფის მაგიერ თაფლაკვერები, ნამცხვრები და ტკბილი ღვეზელები ეკიდა. მათთან ერთად გაჩნდა მაგიდებზე შაქარყინულის ლომები, არწივები და ნაირნაირი ფრინველები. ქალაქებსა და ფრინველებს შორის ვაშლების, კენკრისა და ბერძულა თხილის გროვები იყო აშვინული. მაგრამ ხილულობას უკვე აღარაეინ ეტანებოდა, ყველანი მაძღრები იყვნენ. ზოგი თასებში ჩარჩინილ რომანულს სვამდა ბოლომდე, უფრო ზრდილობისთვის, ვიდრე წყურვილისგან, ზოგი კი თვლემდა, მაგადაზე ჩამოყრდნობილი; ბევრი მერხებქვეშ იყო გაწოლილი, უკლებლივ ყველას ქამარი შეეხსნა და ზიფთიანი გადაეღელა. უფრო მკაფიოდ გამოჩნდა თვითულის ზნე და ბუნება.

მეფეს თითქმის პირი არაფრისთვის დაუკარებია. ვიდრე სსეები სასამელ-საჭმელს შეექცეოდნენ, ის ბევრს მსჯელობდა, ხუმრობდა და მოწყალედ საუბრობდა მახლობლად მსხდომებთან. სადილის დასასრულს მის სასეს ოღნავი ცვლილებაც არ დასტყობია. იგივე შეიძლება ითქვას გოდუნოვზედაც. ბორისი, თითქოს, არც გემრიელ ლუკმაზე ამბობდა უარს და არც მაგარი ღვინით საესე აზარფეშაზე; მსიარულად იყო, ჭკვიანური საუბრით ართობდა მეფესა და მის რჩეულებს, მაგრამ ერთხელაც არ ანიატებულა, არ დაეიწყინა ღირსეულად თავის დაჭერა. ბორისის სახეზე, ისევე როგორც სადილობამდე, ახლაც გამჭრიახობის, აზრიანი თავდაბლობისა და თავდაჯერების ცხადი ნიშნები იყო აღბეჭ-

დელი. ახალგაზრდა გოდუნოვმა სწრაფი მხერა მოავლო გამოძიება და მთვლემარე კარისკაცებს, ჩუმაღ ჩაიცინა და სახეზე ელვისებრ გაუკრთა ზინღი.

იოანე ბატონიშვილი ბევრს სვამდა, ცოტას ჭამდა, ხდუმდა, სხვებს უსმენდა და უეტრად აწყვეტინებდა სიტყვას ხან ერთს, ხან მეორეს უგვანი ან საწყენი ხუმრობით. ყველაზე მეტად მას მალიუტა ჰყავდა ამოჩემებული, თუმცა გრიგორი სკურატოვი სულაც არ ჰგავდა იხეთ კაცს, დაცინვის ატანა რომ შეუძლია. მისი შესახედლობა თვით ყველაზე გულუწიარებსაც ძრწოლვას ჰგვრიდა. დაბალი და ვიწრო შუბლის პატრონს, თმა თითქმის წარბებიდანვე ეწყებოდა; ყვრიმალეები და ყბები, პირიქით, შეუსაბამოდ განვითარებული ჰქონდა, თავის ქალა, წინიდან ვიწრო, კეფასთან ყოვლად უკუღმართად იყო გადაზრდილი რალაცნაირ ფართო ქვაბუნად, ხოლო ყურთუკან ისეთი წამონაზარდები ასხდა, რომ ყვრები ჩაცვივნილივით მოუჩანდა. თვალეები გაურკვეველი ფერისა ჰქონდა, მუღამ განსე გაურბოდა, კაცს პირდაპირ არასოდეს შეხედავდა, მაგრამ შინის ზარი უვლიდა იმას, ვინც უნებურად აწყდებოდა მის უყმურ ნზერას. იფიქრებლით, ვერარა სულდიდი გრძნობა, ვერარა აზრი, თვინიერ ცხოველურა ტლანქი ვნებებისა, ვერ შეადწევს სქელი თავის ქალითა და ხშირი ჯაგრით დახშულ ამ ვიწრო ტვინშიო. ამ სახის იერში იყო რალაც უღმობელი და სასოწარმლები. მალიუტას რომ შეჰყურებდი, კაცი გრძნობდი, რომ მის არსებაში ადამიანური თვისებას ჰოვნის ყოველგვარი ცლა ამო გარჯა იქნებოდა. და, მართლაც, მან ზნეობითად გარიყა თავისი თავი კაცთა მოდგმისგან, განთვისებულად ცხოვრობდა მათ გარემოში, ზურგი აქცია ყოველგვარ მეგობრულ, სიამტკბილურ ურთიერთობას, დაუტევა ადამიანობა და თვითვე გარდიქვა მეფის ქოფაკად, რომელიც მუღამ მზად არის განურჩევლად დავლიჯოს ყველა, ვიზედაც კი იოანე მლიგუნებებს მის წაქეზებას.

მალიუტას ერთადერთ კაცურ ღირსებად თითქოს შვილის, ყმაწვილ მაქსიმ სკურატოვის მხურვალე სიყვარული უნდა მიგვეჩნია, მაგრამ ეს იყო სიყვარული გარეული მხეცისა, უმეტრული სიყვარული, თუმცა კი თავგანწირვამდე გამძაფრებული. ამ გრძნობას კიდევ უფრო აღრმავებდა მალიუტას პატივმოყვარეობა. რაკი თვითონ წარმომავლობით უაზნო, უგვარო კაცი იყო, შური ახრჩობდა ბრწყინვალეებისა და დიდგვაროვნობის ხილვისას და უნდოდა თავისი შთამომავალნი მაინც განედიდებინა საკუთარი ვაჟის მოთავეობით, ვაჟისა, რომელიც უფრო იმიტომაც უყვარდა ასე ძლიერ, რომ არც კი იცოდა რა იყო სხვაგვარი ნათესაური სიახლოვე. მალიუტას აცოფებდა ფიქრი, რომ ხალხი არასდროს

არ მიიჩნევდა მის მაქსიმს იმ ზვიად ბოიართა თანატოლად, რომლებიც მან, გრიგორი სკურატოვმა, ათეულობით დაჰკიდა ძელზე, და ცდილობდა ოქროთი მოეპოვებინა ის პატივი-ღირსება, რასაც დაბადებით ვერ ეღირსა; იგი უდიდესი კმაყოფილებით ეძალებოდა კაცის კვლასა და ჯალათობას: შურს იძიებდა სამულველ ბოიარებზე, მათი მონაგარით მდიდრდებოდა და, მეფის წყალობით განდიდებული, ფიქრობდა თავისი სათაყვანო შვილიც განედიდებინა. მაგრამ, ამ ვარაუდების მიუხედავადაც, სისხლი მისი მოთხოვნილება და ნეტარება იყო. მალიუტამ ბევრჯერ წარიწყმიდა სული ჯალათური კაცისკვლით და, როგორც მატია-ნეები მოგვითხრობენ, ზოგჯერ თვითონ იმარჯვებდა ხოლმე ნაჯახს, გულქვად ჩეხავდა უკვე დასჯილთა უსულო გვამებს და ძაღლებს უყრიდა შესაჭმელად. ამ მტარვალის სურათს ვერ გავასრულებთ, თუ არ დავურთეთ, რომ, გონებრივი შეზღუდულობის მიუხედავად, ის იყო ტყის ნადირივით გასაკვირველად ეშმაკი, ბრძოლაში თავგამეტებული მამაცი და სხვებთან ურთიერთობაში მიუნდობელი, როგორც დაუმსახურებელ პატივში ჩავარდნილი ყოველი მონა; ამასთან ერთად, არავის შეეძლო ისე ხსომებოდა წყენა, როგორც მალიუტას — გრიგორი ლუკიანოვიჩ სკურატოვ-ბელსკის. ასეთი იყო ადამიანი, ვისაც ესოდენ წინდაუხედავად იგდებდა აბუჩად ბატონიშვილი.

ერთმა შემთხვევამ მაინც დაცინვის განსაკუთრებული საბაბი მისცა იოანე იოანოვიჩს. შურითა და პატივმოყვარეობით გატანჯული მალიუტა დიდი ხანია ბოიარობას ეძიებდა, მაგრამ მეფეს, რომელიც ზოგჯერ პატივისცემით ეკიდებოდა ადათებს, არ სურდა თავისი უაზნო რჩეულას საამებლად დაემცირებინა უმაღლესი რუსული ხარისხი და უყურადღებოდ ტოვებდა მალიუტას მეძიებლობას. სკურატოვმა მხნეობა მოიკრიბა და კვლავ შეახსენა იოანეს თავისი თავი. სწორედ იმ დღით, საძინებელი პალატიდან გამოსვლის ჟამს, ის ქედღადრეკილი ეაჯა მეფეს, გამოწვლილვით მოახსენა, რაც მის წინაშე დამსახურება ჰქონდა და ყველაფრის ჯილდოდ ბოიარის ქუდი ითხოვა. იოანემ მოთმინებით უსმინა მას, ბოლოს კი გაიცინა და ძაღლი უწოდა. ახლა, სუფრასთან, ბატონიშვილმა სწორედ ეს მარცხიანი აჯა-ვედრება გაუხსენა მალიუტას. არ გაუხსენებდა ამ ამბავს ბატონიშვილი, ცოტა უკეთ რომ სცნობოდა გრიგორი სკურატოვ-ბელსკი!

მალიუტა სდუმდა და თანდათან ფითრდებოდა. მეფეს უსიამოდ ხედებოდა გულზე მალიუტასა და შვილის მტრული დამოკიდებულება. საუბარი რომ სხვა ამბებზე გადაეტანა, იოანე ვიაზემსკის გამოელაპარაკა.

— აფანასი, — უთხრა მან ნახევრად აღერსით, ნახევრად დაცინვით,—

როდემდე უნდა გხედავდეთ ეგზომ შეღონებულს? ველარ მიცვნიხარ ჩემი სანაქებო ოპრიჩნიკი! ნუთუ მართლა მთლად დაგანელა სიყვარულმა— უწყალო გველმა?

— ვიაზემსკის არაფერი სცხია ოპრიჩნიკისა, — შენიშნა ბატონი-შვილმა. — ეგ სულ ლამაზ გოგოსავით კვენისის და ოხრავს. ბარემ, შენი ნებართვით, მამავ-ბატონო, სარაფანიც ჩააცვან მაგას და წვერიც გაპარსონ ფედკა ბასმანოვივით, ან არადა, უბრძანე მესაკარავეებთან ერთად იმ-ღეროს. ბარბითი, ისე ვატყობ, ხმაღზე უფრო დამშვენდებოდა მაგას!

— ბატონიშვილო! — შესძახა ვიაზემსკიმ, — შენ რომ ერთი ხუთიოდე წლით უფროსი იყო და ხელმწიფის შეილადაც არ გაეჩინე დამბადებელს, ამ უპატიურობისთვის მოსკოვს გაგიხმობდი, სამების მოედანზე, იქ შევებმოდით მე და შენ ვაჟკაცობაში და თვითონ ღმერთი განსჯიდა, ჩვენ ორში რომელს სჭეროდა ხმალი, რომელს — ბარბითი!

— აფონკა! — მკაცრად უთხრა მეფემ. — ნუ გავიწყდება, ვის წინაშე ბედავ მაგის თქმას!

— ნება შენია, მეფეე ბატონო, უფალო ივან ვასილევიჩი, — კადნიერად მიუგო ვიაზემსკიმ, — თუ ბრალიანი ვარ შენს წინაშე, უბრძანე თავი წამადგებიონ, ბატონიშვილს კი არ დავანებებ ჩემს შერცხვენას.

— არა, — უკვე ღმობიერად უთხრა იოანემ, რომელიც ვაჟკაცობისთვის მიუტყევებდა ხოლმე ვიაზემსკის უხატრო ქცევას, — ჯერ ადრეა აფონკასთვის თავის მოკვეთა! დე კვლავაც გაისარჯოს მეფის სამსახურში. ახლა კი სჯობს ზღაპარი გითხრა, აფონია, უსინათლო ფილკამ რომ მიაბო გუშინდამ:

„დიდებულ როსტოვში, ლამაზ ქალაქში, ერთი მამაცი ჭაბუკი ცხოვრობდა, ალიოშა პოპოვიჩი. ჰოდა, ამ პოპოვიჩის სიცოცხლეზე მეტად შეუყვარდა ახალგაზრდა თავადის ქალი, სახელი არ მახსენდება მისი. ოლონდ ეს ქალი, ამ ჭაბუკის გადამრეველი, ბებერ ტუგარინ გველუშაპის ძეს ესვა ცოლად. რა არ იღონა, რას არ ეცადა ალიოშა პოპოვიჩი, მაგრამ უარის მეტი ვერაფერი იღირსა იმისგან. — არ მიყვარხარ, მამაცო ჭაბუკოვო; მხოლოდ ჩემი ქმარი, სასურველი, ბებერი ტუგარინი მიყვარსო. — კეთილიო, თქვა ალიოშამ, აბა ვნახოთ, თუ მეც არ შემიყვარებ, თეთრო გედუნიავო! — წაიყვანა თორმეტი მსახური, სულ დარჩეული ბიჭები, შეიჭრა იმ გველუშაპის ძის კოშკში და მოიტაცა მისი ახალგაზრდა ცოლიცო. — ბარაქალა შენ, მამაცო ჭაბუკოვო, — უთხრა თავადის ცოლმა, — რომ ჩემი სიყვარულიც გცოდნია და ხმლით ჩემი დანარჩუნებაც შეგძლებიაო; ჰოდა, ამისათვის სიცოცხლეზე მეტად, მზის ნათელზე მეტად, ჩემ ბებერ, წყეულ ქმარზე — ტუგარინზე მეტად მიყვარხარო!“

— აბა, რას იტყვი, აფონია, — დაურთო მეფემ და თვალი თვალში გაუყარა ვიაზემსკის, — ხომ არ გენიშნა უსინათლო ფილკას ზღაპარი?

ხარბად უსმენდა ვიაზემსკი ივან ვასილევინს. თივის ზვინში მოხვედრილი ნაპერწკლებივით შეენტო მეფის სიტყვები მის გულს, მკერდში ვნებათაღელვა აუბობოქრდა, თვალებში ხანძარი წაეკიდა.

— აფანასი, — განაგრძობდა მეფე, — ამ დღეებში მე სალოცავად მივდივარ სუზდალს, შენ კი ბარემ მოსკოვს წადი ბოიარ ღრუჟინა მოროზოვთან, მისი ჯანმრთელობა მოიკითხე და უთხარი, მეფისგან ვარ წარმოგზავნილი, მეფემ შერიხზვა გაკმარა და წესის აღსრულება მე მიბრძანა-თქო... ჰოდა, რაკი წახვალ, — მრავალმნიშვნელოვნად დაურთო იოანემ, — რაკი წახვალ, მეტი პატივისთვის, ბლომად ოპრინიკებისც თან იახლე!

სერებრიანიმ თავისი ადგილიდან დაინახა, როგორ შეიცვალა ვიაზემსკი სახეზე და როგორ გაუელვა ველურმა სიხარულმა, მაგრამ არ გაუგონია, რაზე ჰქონდათ საუბარი თავადსა და ხელმწიფეს.

ნიკიტა რომ მიმხვდარიყო, რა ახარებდა ვიაზემსკის, დაივიწყებდა ხელმწიფის სიახლოვეს, იქვე კედლიდან ჩამოგლეჯდა მახვილს და ერთის დაკვრით გაუბობდა ვიაზემსკის იმ შფოთიან თავს. საკუთარ თავსაც დაღუპავდა თავადი ნიკიტა, მაგრამ ამჯერად ის მოწკრიალე ბარბითებმა, სასახლის ზარებმა და ოპრინიკთა ხმაურმა გადაარჩინეს. ვერ შეიტყო თავადმა, რა ახარებდა ვიაზემსკის.

ბოლოს იოანე წამოდგა. კარისკაცები ერთბაშად ახმაურდნენ, თითქოს სკაში ფუტკრები დააფრთხესო. ვისაც კიდევ ჰქონდა ამისი თავი, ფეხზე დადგა, და ყველამ რიგრიგობით იწყო მისვლა მეფესთან, რომელიც თავისი ხელით აწვდიდა ძმებს ქლიავის ჩირს.

ამ დროს ბრბოში ვილაც ოპრინიკმა გამოიკვლია გზა და სკურატოვს მიაშურა. ამ კაცმა, რომელიც ნადიმს არ დასწრებია, ყურში რალაცის ჩურჩული დაუწყო გრიგორი ლუკიანოვინს. მალიუტა წამოენთო და სახეზე მძვინვარება გამოეხატა. ეს არ გამოჰპარვია მეფის მახვილ თვალს. იოანემ განმარტება მოსთხოვა.

— ხელმწიფეო! — წამოიყვირა მალიუტამ. — გაუგონარი ამბავია! ლაღატი, ჯანყია შენი მეფური მოწყალების წინააღმდეგ!

სიტყვა „ლაღატის“ გაგონებაზე მეფე გაფითრდა და მის თვალებში ცეცხლმა დაჰკვესა.

— ხელმწიფეო, — განაგრძო მალიუტამ, — გუშინწინეზზე რაზმი წარვგზავნე მოსკოვის სანახების შემოსავლელად, უნდა ენახათ, ხელმწიფეო, როგორ ასრულებენ მოსკოველები შენს მეფურ ბრძანებას. მაგრამ

უცებ ვილაც უცნობი ბოიარი გამონდა მსახურებით და თავს დაესხა შემომგლელებს. ბევრი დაჩეხეს სასიკვდილოდ, ჩემი ჯილავდარი კი მთლად დაასახინრეს. იგი აქ არის, კარსუკან იცდის, უზომოდ ნაცემი! ხომ არ მიბრძანებ მოვიყვანო?

იოანემ ოპრინნიკებს მოავლო თვალი და ყველა მათგანის თვალეზში მრისხანება და აღწოთება ამოიკითხა. მაშინ უცნაური კმაყოფილება დაეტყო სასეზე და მშვიდად წარმოთქვა:

— შემოიყვანეთ!

მაღე ბრბო გაირღვა და ღარბაზში თავშესუქული მატვეი ხომიაკი შემოვიდა.

## IX ც ა ვ ი

### ს ა მ ს ჯ ა ნ ი

ხომიაკმა გასიძლიანებული სახეც არ მოიბანა, სახვევი და სამოსიც განზრახ მოისვარა: დაე ნახოს მეფემ, როგორ სცემეს მის მსახურსო!

იოანეს რომ ნაუასლოვდა, პირქვე დაემხო და მუხლმოდრეკილი ელოდებოდა სიტყვის ნებართვას.

ყველანი ცნობისმოყვარეობით შეჰყურებდნენ ხომიაკს. მეფემ პირველმა დაარღვია მღუმარება.

— აბა, მითხარი, ვისი მომჩივანი ხარ? — ჰკითხა მან, — რა ამბავია შენს თავს? მომახსენე დალაგებით!

— ვისი მომჩივანი ვარ, თავადაც არ გამეგება, ჩვენო იმედო და სასოებავ, მართლმადიდებლო მეფეო! არ უთქვამს ჩემთვის იმ ძაღლს თავისი გვარი და ვინაობა. მიტომაც დავრდომით ვეაჯები შენს მეფურ მოწყალებას და მოვახსენებ, რომ ნაჯეში ვარ და ნასახინრები, რომ ვილაც თავაუღმა უცნობმა მოძალადემ დამასახინრა!

საერთო ყურადღება გაორკვედა. ყველამ სული განაბა. ხომიაკი განგრძობდა:

— მივედიო ჩვენ, ხელმწიფეო, შემოსაველელად წასულები, სოფელ მიღველეიკაში, რომ უცებ საიღანლაც გამოტყერნენ ის წყეულები და ცხენბოქით მოგვაწყდნენ, მეხივით დაგვატყდნენ თავს, ბარე ათიოდე კაცი აპაუწეს, სხუები გაგვთოკეს; იმათ ბოიარს, იმ ავაზაკს, ჩვენი ჩამოხრჩობაც კი უნდოდა, ხოლო ორი ყაჩაღი, შემოვლისას რომ შევიპყარით, გაათავისუფლებინა თავის კაცებს და ნებაზე გააშვებინა!

ზომიაკი გაჩუმდა და გასისხლიანებული სახვევი შეისწორა თავზე. ურწმუნო დრტივინვა დაირხა ოპრიჩნიკთა შორის. მისი ნაამბობი დაუჯერებელი ჩანდა. მეფე დაეჭვდა.

— კმარა, ვითომ მართალს ამბობ ახლა შენ, შვილოსან? — უთხრა მან, თან არწივის თვალებით ბურღავდა ზომიაკს; — ტვინი ზომ არ აგრევი, ნეტავი? ნუნუას წრუპვაში ზომ არ მოგიმკია ეგ ნაგვემები?

— მზად ვარ ჯვარზე დავიფიცო ჩემი სიმართლე, ხელმწიფეო; საკუთარ თავს ვღებ იმის თავდებად, რომ არ ვტყუივარ!

— აბა ის მითხარ, რატომ არ ჩამოგახრჩო იმ უცნობმა ბოიარმა?

— არ ვიცი, ალბათ, გადაიფიქრა; არავინ არ ჩამოუხრჩვია; ოღონდ ის ბრძანა, ყველანი გავემათრახებინეთ!

შეკრებულებს კვლავ დრტივინვამ დაუარა.

— ეს მიბრძანე, ბევრნი იყავით შემოვლაში?

— ორმოცდაათი კაცი, ორმოცდამეთერთმეტე მე ვიყავი.

— ისინი? ისინი ბევრნი იყვნენ?

— ცოდვა გამხელილი სჯობსო, ჩვენზე ცოტანი იყვნენ... დაახლოებით ოცი ან ოცდაათი კაცი.

— ჰოდა თქვენც დედაკაცებივით გაათოკინეთ და გაამათრახებინეთ თავი?! ასე რამ გამოგალენჩათ? ხელები შეგახმათ თუ სული კულში გაგეპარათ? სასაცილო ამბავია, ჩემმა მზემი აბა ვინ ბოიარი უნდა ყოფილიყო ასეთი, ღღისით, მზისით ოპრიჩნიკებს რომ დასხმოდა? შეუძლებელია! ისე, იცოცხლე, სახსენებელსაც გაუწყვეტდნენ ოპრიჩნინას, გარნა ეგაა, ხელსა სუსხავთ! იცოცხლე, მეც ალბათ დამანელებდნენ, გარნა სამაგისო კბილები არ ამოსვლიათ! მომისმინე, თუ გინდა შენი მჯეროდეს, მაშინ მითხარი, ვინ იყო ის ბოიარი, თუ არადა, სიცრუეში გამოტყედი ბარემ. ზოლო თუ არც ვინაობას მეტყევი იმისას და არც გამოტყელები, კარგი დღე არ დაგადგება, შვილოსან!

— მოწყალეო ხელმწიფეო! — მტკიცედ მიუგო ჯილავდარმა, — ღმერთია მოწამე, რომ მართალს ვამბობ. ჩემი დასჯა კი შენი ნებაა; სიკვდილი მე არ მაშინებს, მე სიმრუდის შიში მაქვს მხოლოდ; და ამას სრულიად შენი მხედრიონიც დამემოწმება!

ეს რომ თქვა, ზომიაკმა ოპრიჩნიკებს მოავლო თვალი, თითქოს მოწმეებად მოუხმობს მათო. უეცრად მისი მზერა სერებრიანის მზერას წააწყდა.

ძნელი აღსაწერია, რა მოხდა ზომიაკის სულში. გაოცება, დაეჭვება და, ბოლოს, ავკაცური სიხარული გამოისახა მის ნაკვთებზე.

— ხელმწიფეო, — თქვა მან და ფეხზე წამოდგა, — თუ გსურს იცოდე,



თავს ვინ დაგვესხა, აკუწა ამხანაგები და მათრახებით ააწვევინა თავისი-სიანებს ჩვენი ზურგები, უბრძანე ეგერ იმ ბოიარს, მოგახსენოს თავისი სახელი და ვინაობა!

ყველამ სერებრიანის მიაპყრო მზერა. მეფემ გაქუცული წარბები შეჰყარა და ჩაიციბით დააქცერდა თავადს, მაგრამ ხმას არ იღებდა. ნიკიტა უძრავად იდგა, დამშვიდებული, ოღონდ ფერდაკარგული.

— ნიკიტა! — წარმოთქვა ბოლოს მეფემ, თან დინჯად და აუჩქარებლად მარცვლავდა თვითულ სიტყვას, — წინ წარმოსდექ. პასუხი გაგვეც. იცნობ შენ ამ კაცს?

— ვიცნობ, ხელმწიფეო.

— მართლა თავს დაესხი ამასა და მის ამხანაგებს?

— ხელმწიფეო, ეგ კაცი თვითონ დაესხა სოფელ...

ხომიაკმა სიტყვა გააწვევტინა თავადს. მტრის დასალუპავად, გადაწყვიტა საკუთარი თავიც არ დაეზოგა.

— ხელმწიფეო, — თქვა მან, — ყურს ნუ დაუგდებ ბოიარს. ეგ ჩემი ძვირის მეტს არაფერს დაჰყევს, მისთვის, რომ მაგასთან პატარა კაცი ვარ, ჰოდა, ეგრე მე და მაგას შორის სამართალი არ გამოვა; ბრძანე ამხანაგებს ჩამოართვან ჩვენება ან, გნებაეს, უბრძანე, ორივენი ღდინზე გეაწამონ, აი მაშინ გამოვა სამართალი მე და მაგას შუა.

სერებრიანიმ ზიზლით შეხედა ხომიაკს.

— ხელმწიფეო, — წარმოთქვა მან, — მე არ უარყოფ ჩემს ნამოქმედარს. მართალია, თავს დავესხი ამ კაცს, ებრძანე მათრახები ეკრათ მაგისთვის და მაგისი ამხანაგებისთვისაც, მერე კი ებრძანე...

— კმარა! — მკაცრად წარმოთქვა ივან ვასილევიჩმა. — ჩემს დაკითხვაზე გამეც პასუხი. თუ უწყოდი, ოდეს თავს დაესხი, ჩემი ოპრიჩნიკები რომ იყვნენ ისინი?

— არ ვუწყოდი, ხელმწიფეო.

— ხოლო ჩამოხრჩობა რომ დაუპირე, მაშინ თუ გითხრეს, ვინც იყვნენ?

— მითხრეს, ხელმწიფეო.

— რატომ გადაიფიქრე მათი ჩამოხრჩობა?

— იმიტომ, ხელმწიფეო, რომ ჯერ შენს მსაჯულებს დაეკითხათ ისინი.

— მაშ რატომ თავიდანვე არ გადაეცი ჩემს მსაჯულებს?

სერებრიანიმ ვერაფერი მოისახრა ამის პასუხად.

მეფემ გამომცდელი მზერა მიაყინა თავადს და ცდილობდა შიგ სულის სიღრმეში ჩაეხედა მისთვის.

— იმიტომ კი არ გადაიუქრე... — უთხრა მან, — იმიტომ კი არ გადაიუქრე მათი ჩამოხრჩობა, რომ ჩემი მსაჯულებისთვის გადაგეცა, არა-  
ბედ იმიტომ, რომ ვითხრეს, მეფის კაცები ვართო. შენ კი... — განავრძობ-  
და მეფე მომეტებულის მრისხანებით, — შენ კი, მიუხედავად იმისა, რომ  
უკვე იცოდი ეს ამბავი, მაინც პრპანე მათი გამათრახება?

— ხელმწიფო...

— კმარა! — დაიქუხა იოანემ. — ღაკითხვას მოერჩი. ძმანო, — ვანაგ-  
რძიო მან თავის რჩეულთა მისამართით, — აბა მითხარით, რისი ღირსია  
ბოიარი ნიკიტა? მითხარით, როგორც ფიქრობთ. მინდა ვიცოდე თვითე-  
ული თქვენგანის აზრი!

იოანე სარწმუნოდ ამბობდა ამას, მაგრამ მისი თვალები ლაპარაკობ-  
დნენ, რომ ვულში უკვე გადაეწევიტა თავადის ბედი და შავი დღე ელო-  
და იმას, ვისი განაჩენიე მის საკუთარზე ლმობიერი აღმოსნდებოდა.

— თქვით ბარემ, კაცნო, — გაიმეორა მან და ხმას აუწია, — რისი  
ღირსია ნიკიტა?

— სიკვდილის! — მიუგო ბატონიშვილმა.

— სიკვდილის! — გაიმეორეს სკურატოვმა, გრიახსნიმ, მამა ლევკიმ  
და ორივე ბახმანოვმა.

— პოდა, დე მიეზლოს მაგას სიკვდილი! — გულგრილად თქვა იოა-  
ნემ. — რაეიუ წერილ არს: ყოველნი, რომელთა აღიღონ მახვილი, მახ-  
ვილითა წარწყმდენ. კაცნო, გაიყვანეთ ბოიარი!

სერებრიანი მღუმარედ ეთავანა იოანეს. რამდენიმე კაცი ნაშინვე  
ეცა მას და დარბაზიდან გაიყვანეს.

ბევრი კვალდაკვალ მიჰყვა მათ დასჯის საყურებლად. სხვები იქავე  
დარჩნენ. დარბაზში ყრუ ბუბუნნი გაისმოდა. მეფე ობრიჩნიკებს მიუბ-  
რუნდა. მას სახეიმი იერი ელო.

— ძმანო! — წარმოთქვა მან, — ხომ სწორი იყო ჩემი სამართალი?

— სწორი იყო, სწორი! — წამოიძახეს მასთან ახლოს მყოფმა ობ-  
რიჩნიკებმა.

— სწორი იყო, სწორი! — გაიმეორეს შორს მყოფთაც.

— მრუდე იყო! — წარმოთქვა ერთმა ხმამ.

ობრიჩნიკები შეშფოთდნენ.

— ვინ ამბობს ამას? ვის დასცდა ასეთი სიტყვა? ვინ იძახის მრუ-  
დეა ხელმწიფის სამართალიო? — გაისმა ყოველი მხრიდან.

ყველას გაცემა დაეხატა სახეზე, ყველას აღშფოთებით აენტო თვა-  
ლები. მხოლოდ ერთი მათგანი, ყველაზე მძვინვარე, არ ამჟღავნებდა  
მრისხანებას. მალიუტას მკედრისფერი ელო.

— ვინ ამბობს, რომ მრულვა ჩემი სამართალი? — იკითხა იოანემ და შეეცადა ყოვლად მშვიდი იერი დაედო სახეზე. — ღაე, ვინც ესა თქვა, აი აქ წარმოსდგეს, ჩემს თვალთ წინაშე!

— ხელმწიფეო, — დიდი მღელვარებით წარმოთქვა მალიუტამ, — შენს ერთგულ მსახურთა შორის ახლა ბევრია მთვრალი, ბევრია ისე გაღლებილი, არცთუ ახსოვს, რას ბოღავს ჭკუაარეული! ნუ ბრძანებ იმ თავქარიანი ღოთის მოძებნას, ხელმწიფეო! გამოფხიზლდება, და თვითონვე არ დაიჯერებს, რაც სამთვრალეში წამოროსა!

მეფემ უნდობლად შესვდა მალიუტას.

— ღამათ პარაკლისიარქო! — დამცინავად უთხრა მან, — როლის აქეთაა, გულლობიერება რომ დაგჩემებია?

— ხელმწიფეო! — განაგრძობდა მალიუტა, — ნუ ბრძანებ...

მაგრამ უკვე ვეიანდა იყო.

მალიუტას ვაჟიშვილი წინ წარმოსდგა და კრძალვით დადგა იოანეს წინაშე. მაქსიმ სურარტოვი სწორედ ის ოპრიჩნიკი იყო, რომელმაც დათვისგან იხსნა სერგებრიანი.

— ჩემ შენა ხარ ეს, მაქსიმუშკა, ჩემს სამართალს რომ ამბობრუებ? — თქვა იოანემ, თან უკეთური დინილით ავეირღებოდა ხან მამას, ხან შვილს. — ანა თქვი ბარემ, მაქსიმუშკა, რით ვერ ააქა შენი გული ჩემმა სამართალმა?

— იმით. ხელმწიფეო, რომ შენ სერგებრიანის არ მოუსმინე, არ დაანებე შენს წინაშე განწმენდილყო და ისიც არ ჰკითხე, რად უპირებდა ხომიავს ჩამოსრჩობას?

— ნუ უსმენ მაგას, ხელმწიფეო, — ევეღრებოდა მალიუტა, — მთვრალია ევა, შენცა ხედავ, მთვრალია! ნუ უსმენ მაგას! გასწი აქედან, შე ღოთო შენა, ამას უყურე, რანაირალ ვაღეშილა! გასწი, სანამ თავი მხრებზე ეაბა!

— მაქსიმი არც ღვინოს სვამდა და არც თაფლუჭს, — ბოროტად შენიხნა ბატონაშვილმა. — მე სულ ბაგისკენ მუჭირა თვალი, მაგას უღვაშეც არ შეეველებია!

მალიუტამ ისეთი თვალებით გახედა ბატონიშვილს, რომ ყოველ აღამიანს ტანში გასცრიდა. მაგრამ ბატონიშვილს ეგონა, მე ვერ მომწელება მალიუტას შურისგებაო. ივანე პრისხანის მეორე ვაჟს, ტახტის მემკვიდრეს, მშობელი მამის ოიბქმის გველა მანკიერება აქონდა სისხლში გაგვადარი, ბოროტების მაგალითები კი სულ უფრო და უფრო ახსობდნენ მის სულში, თუ რამ კეთილი იპოვებოდა. იოან იოანოვიჩმა უკვე აღარ იცოდა სიბრალული.

— დიახ, — სიცილით დააყოლა მან; — მაქსიმი არც საჭმელს გაჰკარებია, არც სასმელს. მაგას არ ეპრიანება ჩვენი ცხოვრება, ეთაკილება მამისჩემის ოპრიჩინა!

ამ საუბრის განმავლობაში ბორის გოდუნოვს თვალი არ მოუწყვეტია იოანესთვის, თითქოს ხელმწიფის სახის გამომეტყველებას სწავლობდა, და ფრთხილად, ყველასთვის შეუმჩნეველად გავიდა სასადილო დარბაზიდან.

მალეუტა მუხლებში ჩაუვარდა ხელმწიფეს.

— მეფე-ბატონო, დიდო ხელმწიფეო! — ამოიძახა მან და მეფის სამოსის კალთებს წაეპოტინა: — ამ დილით მე ბრიყვა და სულელმა, გაუთლელმა ტეტიამ, გთხოვე ჩემთვის ბოიარობა გეპოძებია. ნეტავ სად მქონდა მე ოხერს ჭკუა? ან სად დავკარგე აზრი კაცობრივი? მე რა ღირსი ვარ, სულმყრალი მონა, ბოიარის ქუდის ტარების? დაივიწყე, ხელმწიფეო, უგუნური ჩემი სიტყვები, ბრძანე ეს ოქროქსოვილი ზიფთანი გამზადონ და ჯვალოს ჭინჭები გადაამაცვან, ოღონდ მიუტევე ჩემს მაქსიმს ეს შეცოდება! ბაღლია ჯერ, ხელმწიფეო, მთლად უჭკუო, არც გაეგება, რას ლაპარაკობს! და თუ ვინმე მაინც დასასჯელია, ისევ მე თვით ვარ ამისი ღირსი, ხელმწიფეო, მე უტვინო, ასე უგონოდ გამოთრობა რომ დაეანებე საკუთარ შვილს! მომეცი ნება, ხელმწიფეო, თავსაკვეთ კუნძზე წავდო სულელი თავი! ოღონდ მიბრძანე, და უმაღვე საკუთარი ხელით მოვისპობ ჩემს არსებობას!

საცოდავი დასანახი იყო, როგორ მოეღრიცა მალეუტას უგვანი სახე, როგორ დააჩნდა სასოწარკვეთა ტლანქ ნაკეთებზე, არასდროს რომ არ გამოუსახავთ არაფერი, სიმხცის გარდა.

მეფეს გაეცინა.

— დასასჯელი არაფერი გჭირთ არც შენა და არც შენს ვაჟიშვილს! — თქვა მან. — მაქსიმი მართალია!

— რას ამბობ, ხელმწიფეო! — შეპყვირა მალეუტამ. — მაქსიმი მართალია? — და ის იყო სასიხარულო გაოცება ყვეჩური ღიმილით უნდა გამოსახვოდა სახეზე, რომ წამსვე იცვალა ნირი, რადგან მოეჩვენა, თითქოს მეფე მასხრად იგდებდა.

მალეუტას სახის ეს მალ-მალე ნირშეშლა ისე უცნაური დასანახი იყო, რომ მის შემხედვარე მეფეს კვლავ სიცილი წასკდა.

— მაქსიმი მართალია, — გაიმეორა მან ბოლოს და კვლავ აღრინდელი ღირსეული იერი მიიღო, — მართლაც აეჩქარდი. არასდიდებით არ იქნება, რომ სერებრიანიმ ჩემდა მომართ აუგი საქმე მოიმოქმედოს თვითნებურად. ჯერ კიდევ იმ ხანებიდან მახსოვს ნიკიტა, როცა ლიტ-

ვასთან ომის ხსენებაც არ იყო. მე ყოველთვის მიყვარდა თავადი. ის ჩემი ერთგული მსახური იყო. სულ თქვენს გამო მჭირს ყოველივე, შეჩვენებულნი, — განაგრძობდა მეფე ახლა უკვე გრიაზნიისა და ბასიანოების მისამართით, — სულ თქვენ მაცდუნებთ სისხლის საღვრელად! არ კმარა თქვენთვის, რაც მტარვალობა ჩამადენინეთ? ახლა კიდევ ჩემი ერთგული ბოიარიც გინდათ იმსხვერპლოთ? რაღას უდგახართ, თქვე მხეცებო! გასწით საჩქაროდ, შეაჩერეთ სიკვდილით დასჯა! თუმცა არა, ნულარ წახვალთ! გვიანდა არის! გუფი მითხრობს, უკვე უთავოდ გდია მისი სხეული! ჰოდა, იცოდეთ, სათითაოდ გასწვევინებთ მისი სისხლის სამაგიეროს!

— არ არის გვიან, ხელმწიფეო, — თქვა გოდუნოვმა, რომელიც ის იყო შემობრუნდა დარბაზში. — მე ვუბრძანე შეაყოვნონ სერებრიანის სიკვდილით დასჯა. მოწყალების ნიშნად არ არსებობს, ხელმწიფეო; მე კი ვუწყვი, რომ მოწყალე ხარ, რომ ზოგჯერ სასჯელს კი გადაუწყვეტ ადამიანს, მაგრამ კიდევაც მიუტყეებ დანაშაულს. სერებრიანის კი უკვე თავსაკვეთ კუნძზე უღვეს თავი, სოლო ჯალათი, ხიფთანგახილი და მკლავლაკარწახებული, შენს მეფურ განკარგულებას ელოდება!

იოანეს სახე გაუნათდა.

— ბორის, — თქვა მან, — მომიხსლოვდი, ჩემო ერთგულო მსახურო. შენ ერთი იხედები ჩემს გულში. შენ ერთმა უწყვი, თავშესაქცევად რომ არ ვღერი სისხლს, არამედ ღალატის ამოსაძირკვავად. მხოლოდ შენ არ მიფელი კაციცამიად. მომიხსლოვდი, ჩემო ბორის, მინდა გადაგეზვიო.

გოდუნოვი დაისარა. მეფემ თავზე აკოცა მას.

— შენც მომეახლე, მაქსიმ, ხელზე შემთხვიე. პურ-მარილს ნუ შეუგინებ მასპინძელს, სიმართლე კი პირში უძრახეო! დღეის იქითაც ეგ ზნე გჭირდეს ნიადაგ. სიასამური მიუბოძეთ ამას საქურქედ!

მაქსიმი უდაბლესად ეთაყვანა მეფეს და ხელზე ემთხვია.

— ვამაგირი რა გაქვს დაწესებული? — ჰკითხა იოანემ.

— რიგით კაცთა თანაბრად, ჩვეულებრივი, ხელმწიფეო.

— მე მეუფროსე კაცთა სწორად განმიწესებხარ. მეუფროსეთა ჯეროვნად მოგეწონება საზრდელი და სხვა ყოველი სანიადაგო სახმარსაყოფი. ოჰო, როგორც ვხედავ, მგონი რაღაც სათქმელი გიტრიალებს ენის წვერზე; ნუ გერიდება, გამიმხილე, მთხოვე რაცა გსურს!

— ხელმწიფეო! მე არ დამიმსახურებია შენი დიდი წყალობა, არა ვარ მდიდრული სამოსის ღირსი, ჩემზე უფროსნიც არიან აქ. მხოლოდ ერთსა გთხოვ, ხელმწიფეო, ლიტვასთან საომრად გამიშვი, ლივონიაში  
6. ა. ტოლსტოი

გამიშვი. ან არადა, ხელმწიფეო, რიაზანში გამიშვი, თათრების საყ-  
ლეტად.

რალაც ეჭვისმაგვარი გამოისახა იოანეს თვალბეში.

— რა ამბავია, მამაცო, ასე რომ მოგუსრუვებია საომრად წასვლა?  
სლობოდაში უცხოვრება ზომ არ მოგძულდა?

— მომძულდა, ხელმწიფეო.

— მაინც რატომ? — ჰკითხა იოანემ და დაჟინებით ჩააცქერდა მაქ-  
სიმს.

მალიუტამ პასუხის თქმა არ აცალა შვილს.

— ხელმწიფეო, — უთხრა მან, — ბიჭს უნდა შენს მოწყალეებას ემსა-  
ხუროს. ნატრობს იმისი ღირსი შეიქნეს, ოქროსძენწკვიანი გრივნა უწყა-  
ლობოს შენმა მეფურმა ხელმა. სისხლი უდღულს ყმაწვილს, ხელმწიფეო.  
მიტომაცა გთხოვს თათრებთან თუ გერმანელებთან საომრად წას-  
ვლას.

— მაგიტომ კი არ სთხოვს, — შეეცილა ბატონიშვილი, — არამედ  
იმიტომ, რომ თავისი გაიტანოს: არ მსურს ოპრიჩნიკობა და არც ვიქ-  
ნებო! დაე მეფის ნება კი არა, ჩემი ასრულდესო!

— აი თურმე რა ყოფილა! — დამცინავად თქვა იოანემ: — მაშ შენ,  
მაქსიმუშკა, ჩემი მორეუნა გსურვებია? დახეთ ამ გოლიათს! აბა სად შე-  
მიძლია, მე საწყალობელს, შენთან ცილობა! რა გაეწყობა, რაზან ოპ-  
რიჩნიკობა არ გსურს, მაშინ ბარემ შფოთისთავებში ჩავაწერინებ შენს  
თავს!

— ეჰ, ხელმწიფეო! — აღარ დააყოვნა მალიუტამ, — მაქსიმო შენი  
მოწყალეების ერთგული მსახური იქნება ყველგან, სადაც კი მოინებებ  
მის ჩაწერას. შენ კი წადი ახლა შინ, მაქსიმ, უკვე გვიანია; დედაშენს  
უთხარი, ნულარ დამელოდება; ჩვენ აქ საქმე გვაქვს საპყრობილეში: კო-  
ლიჩევები უნდა ვაწამოთ. წადი, მაქსიმ, წადი!

მაქსიმო დარბაზიდან გავიდა. მეფემ ბრძანა სერებრიანი მოეხმოთ.

თავადი, რომლისთვისაც ხელები გაეკრათ, ზიფთან გაემართ და ხა-  
ლათის საყელო გადაეღელათ, ოპრიჩნიკებმა შემოიყვანეს. თავადს მთა-  
ვარი ჯალათი ტერეშკაც შემოჰყვა მკლავდაკარწახებული, ხელში ელ-  
ვარე ნაჯახით. ტერეშკა იმიტომ შემოვიდა, რომ არ იცოდა, სერებრია-  
ნის შეწყალება ენება მეფეს, თუ მხოლოდ სასჯელის შეცვლა.

— აქ წარმოსდექ, თავადო! — თქვა იოანემ. — ჩემი მამაცები კინაღამ  
აჩქარდნენ. ნუ გაურისხლები ამისთვის. რას იზამ, ზნე აქვთ ასეთი. არც  
იკითხავენ რა დღეა, ისე დასცხებენ ზარს! იმას კი ველარ იაზრებენ, კა-  
ცის დასჯა რომ ყოველთვის მოესწრება, ზოლო თუ თავს წააცლი, ვე-

ლარ მოაბამ. მაღლობა ბორისს. ეგ რომ არა, გაგიყენებდნენ საიქიოს გზას; და აღარც ღარჩებოდა ვინმე, ზომიაკის ამბავი რომ გვეკითხა. აბა, ერთი მიაბამე, რისთვის დაესხი თავს?

— იმისთვის, ხელმწიფეო, რომ თვითონ ეგ დაესხა უდანაშაულო ხალხს შუაგულ სოფელში. არ ვიცოდი მაშინ, თუ ეგ შენი მსახური იყო. არც არაფერი მსმენოდა მანამდე თბრინინაზე. ლიტვიდან შემოქცეული, მოსკოვისკენ ვეშურებოდი, რომ ზომიაკი და მისი ამხანაგები თარეშებივით დაეცნენ სოფელს და ხალხს დაერივნენ!

— ვთქვით გცოდნოდა, რომ ჩემი მსახურები იყვნენ, მაშინ რაღას იზამდი? მაშინაც იხმარდი იარაღს მათზე?

მეფემ თვალი თვალში გაუყარა სერებრიანის. თავადი წუთით ჩაფიქრდა.

— მაშინაც ვიხმარდი, ხელმწიფეო, — გულმართლად მიუგო მან, — ვერ დავიჯერებდი, რომ შენ უბრძანე კაცისკვლა და ავაზაკობა!

იოანემ პირქუში მხერა დააყინა ნიკიტა რომანოვიჩს და კარგა ხანს იყო მღუმარედ. ბოლოს, როგორც იქნა, დაარღვია ღუმელი.

— ჭეშმარიტია შენი პასუხი, ნიკიტა! — უთხრა მან და მოწონებით დაუქნია თავი. — იმისთვის კი არ განვაწესე რუსეთში თბრინინა, რომ ჩემნი მსახურნი უდანაშაულო ხალხს აწიოკებდნენ. მე ისინი დავადგინე ვითარცა ძალღნი ერთგულნი, მძვინვარ გველთაგან დაიცვან ცხოვარნი ჩემნი, რამეთუ დღესა მას საშინელსა განკითხვისასა შევიძლო თქმად სიტყვისაებრ წინასწარმეტყველისა: აჰა ესერა მე და ყრმანი ჩემნი, რომელნი მომცნა მე ღმერთმან! ჭეშმარიტია შენი პასუხი. დაე მთელმა ქვეყანამ გაიგონოს ჩემი ნათქვამი: შენ და ბორისმა, მხოლოდ თქვენ ორმა შემიცნეთ მე. სხვები თქვენებრ არ განბრჭობენ: სისხლისმსმელს მეძახიან, ის კი აღარ უწყიან, ჩემგან დაღვრილი სისხლის გამო ცხარე ცრემლებით რომ ვიმდულრები! სისხლს ყველა ხედავს, წითელია, ყველას თვალსა სჭრის; ამ ჩემ მტირალ გულს კი ვერაეინ ამჩნევს. უფერული ცრემლი კვალდაუჩნევლად მეწვეთება შიგ სულში, მაგრამ მხურვალ ფისივით დღენიადაგ მიდაგავს და მიღრღნის ატკივებულ გულს! — ამ სიტყვებზე მეფემ ზე აღაპყრო ღრმა წუხილის გამომეტყველები მხერა. — ვითარცა რაქელ იმ ძველ დროში, — განაგრძობდა ის და თვალები თითქმის ზედ შუბლზე დაასხდა, — ვითარცა რაქელ სტიროდა შეილთა თვისთა, ეგრევე დავსტირი მეც, მრავალცოდვილი, ჩემს მეშფოთართ და ბოროტისმოქმედთ. ჭეშმარიტია შენი პასუხი, ნიკიტა. მიპატიებია შენთვის დანაშაული. შეუხსენით თავადს ხელები! გასწი აქედან, ტერეშკა, აღარ გვეჭირდები... თუმცა არა, ცოტაც დაიცა!

იოანე ხომიაკს მიუბრუნდა.

— მიპასუხე, — მკაცრად უთხრა მან, — რა ამბავი დაწიეთ მეღვე-  
დეკას თქვენი მძვინვარე თავქეიფობით?

ხომიაკმა ცერად გაჰხელა ჯალათს, მერე სერებრიანის, მერე კეფა  
მოიქექა.

— გაინადირეთ ცოტათი გლეხუჭებზე! — ნახეერად ეშმაკურად, ნა-  
ხეერად თავხედურად უპასუხა მან, — ცოდვა გამხელილი სჯობს; ამაში  
ბრალიანი ვართ, ხელმწიფეო, რომ შენგან შერისხულებზე გაინადი-  
რეთ. ის სოფელი ხომ, ხელმწიფეო, ბოიარ მოროზოვისა არის!

იოანეს ერთბაშად დაუცხრა მრისხანე იერი. მან ჩაიციხა.

— ჯანდაბას შენი თავი, — წარმოთქვა მეფემ, — კმაყოფილი ხარ თა-  
ვადის ტაჯაგანებით? როგორ ფიქრობ, ხომ არ იკმარებს შენთვის ეგა?  
დაე ასე იყოს, შენც გაპატიებ. გასწი, ტერეშკა, ჩანს, დღე გამოერია ასე-  
თი და რას იხამ კაცი!

სერებრიანისადმი იოანეს შემწყალე მოპყრობამ კმაყოფილებით  
ააჩურჩულა ზემშინის ბოიარები. ეს ჩურჩული მეფის ფხიზელ ყურს  
ჩასწვდა, ხოლო მისმა ეჭვიანმა გონებამ თავისებურად განმარტა. როცა  
ხომიაკი და მთავარი ჯალათი დარბაზიდან გავიდნენ, იოანემ ზემშინის  
ბოიარებს მიაპყრო გამსჭვალავი მზერა.

— თქვენ! — მკაცრად წარმოთქვა მან, — არ იფიქროთ, რაკი ახლა ეს  
ჩემი სამსჯავრო იხილეთ, თითქოს წყალობის თვალთ დაგიწყეთ ცქე-  
რა! — ამავე დროს მის შფოთიან სულში ის აზრიც გაჩნდა, რომ სერებ-  
რიანიც შემწყნარებლობისკენ მიდრეკად ჩათვლიდა მის ღმობიერებას.  
მაშინვე იხანა, რად მივუტევე თავადსო, და საკუთარი შეცდომის გამოს-  
წორება მოიწადინა. — მისმინე, — წარმოთქვა მან და თავადს დააცქერ-  
და, — დღეს მართლის თქმისთვის შეგიწყალე და ჩემს სიტყვას აღარ გა-  
დავად. ოღონდ იცოდე, თუ რამე ახალი დანაშაული მოგეკითხა, ამ  
ძველსაც იმასთან გაზღვევინებ. შენ კი მაშინ, ჩემ წინაშე სიმტყუვნით  
დამძიმებულმა, არც გაიფიქრო ზოგ-ზოგივით ლიტვაში ან ხანთან გაქ-  
ცევა, არამედ ახლავე შემომფიცე, რომ სადაც უნდა იმყოფებოდე, მორ-  
ჩილად დაელოდები იმ სასჯელს, რის განჩინებასაც მე მოვინებებ.

— ხელმწიფეო, — მიუგო სერებრიანი, — ჩემი სიცოცხლე შენს  
ხელთაა. შენგან მალევა მე არ მჩვევია. პირობას გაძლევ, თუ რამ შეგცო-  
დო, შენს სამსჯავროს დაველოდო და არსად გავიქცე შენს მეფურ  
ნებას!

— მაშ ჯვარზე მემთხვე და ემაგ შენი ფიცის სიმტკიცე დამიდას-  
ტურე! — ზვიადად უთხრა იოანემ, მკერდზე დაკიდებულ შემკულ ჯვარს



შეავლო ხელი და სერებრიანის გაუწოდა, თან ცერად გაჰყურებდა ზემოშინის ბოიარებს.

ირგვლივ ჩამომდგარ მღუმარებაში მკაფიოდ ისმოდა ოქროს ძეწკვის წკარუნი, როცა იოანემ ხელი უშვა მაცხოვრის გამოსახულებას, რომელსაც პირველისწერით ემთხვია სერებრიანი.

— ახლა წადი! — უთხრა იოანემ, — და ყოვლადმოწყალე სამებასა და ყველა წმინდანს ევედრე, რომ ახალი, თუნდაც სულ მცირე შეცოლები-გან დაგიფარონ! — თქვენ კი, — დაურთო მან და ზემოშინის ბოიარებს გადახედა, — ვინაც ეს ჩვენი პირობა გაიგონეთ, ნულარ ელით, კლავაც შევიწყნარო ნიკიტა, და არც ის იფიქროთ, მასზე ვინაღვლო, თუ ოდეს-მე ჩემი მრისხანება დაიმსახურა!

რაკი ამრიგად გაჰხვია რალაც ზნეობრივი უფლებისდაგვარ სამოსელში სერებრიანიზე მომავალი თვითნებობის შესაძლებლობა, იოანეს კმაყოფილება ღაღაღო სახეზე.

— წადით ყველანი, — თქვა მან, — თვითელმა თქვენ-თქვენ საქმეს მიჰხედეთ! ზემოშინის ხელისუფლებმა კვლავინდებურად განაგეთ თქვენ-თქვენი საგანგოინი; ოპრიჩნიკებს კი, ჩემს რჩეულ მსახურთ და თანა-შდგომელთ, — ჯვარზე თქვენი ფიცილი გახსოვდეთ და არ შეგაცბუნოთ იმ ამბავმა, ღღეს ნიკიტა რომ შევიწყალე: რამეთუ გულმან ჩემმან არ უწყის არც მახლობელთა, არც შორებელთა მიმართ მიკერძოება!

ყველანი ნელ-ნელა გაიკრიფნენ დარბაზიდან. წაყილდნენ თავ-თავი-ანთი სახლებისკენ და თან მიჰქონდათ ვის შიში, ვის ნაღველი, ვის სიბოროტე, ვის ასეთი თუ ისეთი იმედი, ვის კიდევ, უბრალოდ, გამომ-თვრალ-გამობრუული თავი. სლობოდას წყვედიადი გადაეფარა, ტყის გადაღმიდან მთვარე ამოდიოდა. ამაზრზენი ჩანდა ბნელი სასახლე თავისი გუმბათებით, კოშკებითა და ქონეურებით. შორიდან ის გორგალი-ვით შეკრულ და წამოსაჭრელად გამზადებულ ურჩხულსა ჰგავდა. ერთი გამოღებული ფანჯარა ურჩხულის თვალივით ანათებდა. ეს მეფის განსასვენებელი იყო. იქ გულმოდგინედ ლოცულობდა იოანე.

ლოცულობდა წმინდა რუსეთის სიმშვიდისთვის, ლოცულობდა, რომ ღვთის შეწევნით დაეთრგუნა ურჩობა და დალატი და მისი კურთხევით გაესრულებინა საქმე დიდად ვასარჯი: დაემცრო ძლიერნი სუსტთა ოდენად, მოესპო რუსეთში განდიდებულთა აღმატება მდაბალთა ზედა, ერთმანეთის თანასწორად ექცია ყველა და უსოლოდ თვითონ მდგარიყო ერთადერთი ყოველთა ზედა, როგორც მუხა ტრიალს მინდორზე!

ლოცულობს მეფე და მიწას ახლის თავს ღვთისადმი მავედრებელი. შემოსცქერიან ვარსკვლავები წყრთილოვან ფანჯრიდან, შემოსცქერიან

მოციმციმენი და დანისლულნი, — დანისლულნი, თითქო ფიქრობენ: ეჰა, შენ მეფევე! უკულმართ ფეხზე წამოიწყე ეგ შენი საქმე, წამოიწყე ჩვენს უკითხავად: ვერვინ იხილავს, ორი თაუთავი ტოლად იზარდოს; ვერვინ ნახავს, მაღალი მთები ბორცვებს უსწორდნენ; ვერავის ძალუძს ამ ქვეყნიდან ბოიარობა რომ გადაავოს!

## X თ ა ვ ი

### მამა და შვილი

უკვე ღამე იყო, როცა მალიუტას როგორც იქნა ეღირსა ციხიდან გამოსვლა კოლიჩეების, პატივყარილი მიტროპოლიტის ნათესავეებისა და მეგობრების, წამების შემდეგ. სქელი ღრუბლები შავი მთებივით წამოადგნენ სლობოდას და საავდროდ იქუფრებოდნენ. მალიუტას ოჯახში ყველას ეძინა. მარტო მაქსიმი ფხიზლობდა. იგი მამას გამოეგება.

— მამა, — უთხრა მაქსიმმა, — შენ გელოდებოდი; მინდა მოგელაპარაკო.

— რაზე? — ჰკითხა მალიუტამ და უნებურად აარიდა მხერა. გრიგორი სკურატოვმა არ იცოდა, რა იყო მტრის წინაშე თრთოლვა, მაგრამ შვილის პირისპირ მუდამ უხერხულად გრძნობდა ხოლმე თავს.

— ხვალ სახლიდან მივიღივარ, — განაგრძობდა მაქსიმი, — ნახვამდის, მამა!

— საით? — ჰკითხა მალიუტამ და ახლა კი ჯიქურ მიაპყრო ჩამქრალი მხერა თავის ვაჭიშვილს.

— საითაც გზა წამიყვანს, მამაჩემო; ქვეყანა აღექსანდრეს სლობოდაზე არ შემდგარა, სხვაც ბუერია ამ ცის ქვეშეთს ადგილ-სამყოფი!

— ერიჰა, ჭკუაზე ხომ არ შეიშალე? არა, ნამდვილად რაღაც ხუშტურმა მოვიარა! აბა რა ჩაიდინე დღეს სუფრაზე? ენა როგორ მოგიბრუნდა მეფის საურჩოდ? არ იცი განა, ვინ არის ის და ვინ ხარ შენ?

— ვიცი, მამაჩემო; ისიც ვიცი, მაღლობა რომ მითხრა იმ ურჩობისთვის. მაგრამ მაინც არ შემიძლია დარჩენა.

— გაჩუმდი, შე ახირებულო! არა, მაინც რამ გაგაჯიუტა ასე? რა შეგიჩნდა დღეს? რაღა ახლა აიჩემე წასვლა, როცა მეფემ წყალობით მოგხვდა, მეუფროსე კაცებთან გაგატოლა? რაღა მაინცდამაინც ახლა?

— კარგა ხანია მიმძიმს თქვენთან ყოფნა, მამაჩემო; თვითონაც იცი ეს, მაგრამ მაინც არ ვენდობოდი საკუთარ თავს; პატარაობიდანვე მხო-

ლოდ იმას ჩამჩინებდა ყველა, მეფის ნება — ღვთის ნებააო, არ არსებობს იმაზე მძიმე ცოდვა, ვიდრე მეფის უნებურად ფიქროო. მამა ლევკიცა და ყველა აქაური მღვდელიც დიდ სულისწარმწყმედ ცოდვად მითვლიდნენ, აზრით თქვენთან რომ არ ვიყავი. ჩემს უნებურად, ზოგჯერ ვფიქრობდი კიდევ, ეგებ მე ერთი ვარ მტყუანი და თქვენ ყველანი მართალი-მეთქი. ჩემს უნებურად ვაჭიანურებდი აქედან წასვლას. დღეს კი... — განაგრძობდა მაქსიმი და ვარდისფრად წამოენთო სახე, — დღეს კი მივხვდი, რომ მართალი ვარ! როცა თავად სერებრიანის მოვუსმინე, როცა გავიგე, როგორ იფრინა შენი შემომვლელი რაზმი ავაზაკობისთვის და, მართლის მქნელი, მეფეს კი არ გაერიდა, არამედ წამებულებით ეახლა სასიკვდილოდ თავგადადებული, — მაშინ ჩემი გული მას მიენდო, როგორც ჯერ არავის მინდობია, და საბოლოოდ ამომივიდა გონებიდან მერყეობა, დღესავით ნათელი გახდა ჩემთვის, რომ თქვენთან არ არის სიმართლე!

— აი თურმე ვინ აგიბნია თავგზა! — შეკყვირა მალიუტამ, რომელიც უამისოდაც გაბოროტებული იყო სერებრიანიზე. — აი თურმე ვინ აგიბნია თავგზა! დამაცადოს, ოღონდ ხელში ჩამივარდეს და მე ვიცი, რა წვალებითაც ამოვხდი სულს იმ ძაღლს!

— ღმერთი დაიცავს თავადს შენი ხელისგან! — თქვა მაქსიმმა და პირჯვარი გადაისახა. — არ დაგანებებს უფალი, ყოველივე კეთილი გადააშენო დედა რუსეთში! დიახ, — უკვე აღტყინებით განაგრძობდა მალიუტას ვაჟიშვილი, — როგორც კი დავინახე თავადი ნიკიტა, მაშინვე მივხვდი, რა კარგი იქნებოდა მის გვერდით ყოფნა, და გულით მომინდა მასთან სამსახური, მაგრამ მისვლა შემრცხვა: თვალებში შეხედვასაც ვერ გავუბედავ, სანამ ამ სამოსს ვატარებ!

მალიუტა შვილს უსმენდა და მის არსებაში ორი გრძნობა ებრძოდა ერთმანეთს. ერთი გული ეუბნებოდა, დაუყვირე მაქსიმს, მაგრად დაუცაცხანე და მუქარით დაიმორჩილეო, მაგრამ შვილისადმი უნებლიე პატივისცემა უოკებდა სიბრაზეს. გუმანით ხვდებოდა, რომ ახლა მუქარა არ გასჭრიდა, და სულმდაბლურად ამჯობინა სხვა რამ სახსარი ეპოვა შვილის დასაშოშმინებლად.

— მაქსიმ, შვილო! — უთხრა და, რამდენადაც თავისი მხეცური სახე ამის საშუალებას აძლევდა, აღერსით გაუტკბა, — აბა რა დროს წასვლაზე ფიქრია ახლა, შვილო! მეფეს მოეწონა დღეს შენი სიტყვა. მართალია, გვარიანად შემაშინე, მაგრამ, ეტყობა, დაგვიფარა ყველა წმიდამ, გული მოუღობო ხელმწიფე-ბატონს. დასჯის მაგიერ, ქება გიბრძანა, ჯამაგიერიც მოგიმატა, სიასამურის ქურქი გიწყალობა! ნახე, თუ არ აღზევ-

ღე ახლა! მანამდე კი, აბა მითხარი ერთი, რით გაგჭირვებია აქ ცხოვრება?

მაქსიმი მუხლებში ჩაუვარდა მალიუტას.

— მაჭირს, მამაჩემო, მიჭირს აქ ცხოვრება! აღარ შემიძლია შინ დარჩენა! ვედარ ვუძლებ დღენიადღე ღრიალისა და ტირილის გაგონებას. ვერ ამიტანია, მამაჩემი რომ...

მაქსიმი შეწერდა.

— ჰო, რაო? — თქვა მალიუტამ.

— მამაჩემი რომ... ჯალათია! — წარმოთქვა მაქსიმმა და თვალები დახარა, თითქოს იმით დამფრთხალმა, ასეთი სიტყვა რომ ჰკადრა საკუთარ მამას.

მაგრამ მალიუტა არ შეუკრთია ამ სიტყვას.

— ჯალათიც არის და ჯალათიც! — წარმოთქვა მან და თვალი აარიდა შეილს. — მავანი პატარა კაცია, მავანი მეუფროსე; მავანი უბრალო ქურდებს სჯის, მავანი ბოიარებს, მეფის ტახტს რომ ძირს უსწრავენ და შერყეუას უპირებენ მთელ სახელმწიფოს. მე ავაზაკებთან საქმე არა მაქვს; ჩემი ნაჯახი მხოლოდ მოღალატე ბოიარების თავებს სხეპავს!

— გაჩუმდი, მამა! — უთხრა მაქსიმმა და წამოდგა, — გულს ნუ მიშფოთებ მაგნიირი ლაპარაკით! აბა იმათგან, ვინც შენ დაღუპე, რომელი ერთი ფიქრობდა ხელმწიფის ძვირს? რომელი ამღერეუდა სახელმწიფოს? დანაშაულის კი არა, შენი სიავკაცის გამო სხეპავ ბოიართა თავებს! შენ რომ არა, მეფე უფრო შემწყნარე იქნებოდა. მაგრამ თქვენ ძალით ჩხრეკთ ღალატს, წამებით აიძულებთ გატანჯულ ხალხს მახეზღარობას, თქვენ თვითონ, თვითონა ხარო მთელი ამ სისხლის თხევის წამომწყები! არა, ღმერთს ნუ არისხებ, მამაჩემო, ცილს ნუ სწამებ ბოიარებს; გიჯობს ისა თქვა, რომ გინდა განურჩევლად ამოაგლო და გადააშენო მათი სახსენებელი!

— მერე შენ რა გულს იწვავ მათთვის? — ბოროტი ღიმილით უთხრა მალიუტამ. — იქნებ ის გახარებს, ასე თვალტანად, ასე კოხტა ბიჭს თავს რომ არ გიყადრებენ, მუღამ კულში რომ გაქცევენ? აბა რომელი ერთი გაჯობებს იმათგან? რას გვეამაყებიათ? ზომ არ ჰგონიათ, სხვა მიწისგან გამოეძერწოს ეგენი ღმერთს? თუ სიმდიდრე ეამაყებათ, ცოტა ჩვენც გვადროვნ, ბატონო! მეფე არ ივიწყებს თავის ერთგულ მსახურებს; როცა კოლიჩეებს სიკვდილით დავასჯევენებთ, მათი ავლა-დიდება სსვას კი არა, ისევე ჩვენ დაგვრჩება. ცოტა კი არ მიწვალია იმ შეჩვენებულეზე დილეგში; კაი კერპები არიან, ძაღლები, თქმა არ უნდა!

მალიუტას სიავით უღუღდა გული, მაგრამ მაინც იმედოვნებდა მაქ-

სიძს დავარწმუნებო, და ალერსიანი ღიმილით დაღრიცა პირი. არ შე-  
ნოლა მაღიუტას ეს ღიმილი და მის შემყურე მაქსიმს შიშით გააჟ-  
რჟოლა.

მაგრამ მაღიუტას არ შეუმჩნევია ეს.

— შვილო, — უთხრა მან, — აბა ვისთვის ვაგროვებ ამ ფულებს? ვის-  
თვის ვირჯები და ვწვალბობ? ნუ მიმატოვებ, დარჩი ჩემთან. ჯერ მთლად  
ყმაწვილი ხარ, ადრეა შენი ლაშქრად წასვლა. ნუ მიმატოვებ! გაიხსენე,  
რომ მამა ვარ შენი! რომ დაგინახავ, სული გამინათდება. ისეთ გუნებაზე  
დავდგები, თითქოს მეფემ შემაქო ან ხელზე მამთხვიაო, ხოლო შენ რომ  
ეინებე გაწყენინოს — ასე მგონია, ცოცხალს შევჭამდი!

მაქსიმში ღუმდა. მაღიუტა შეეცადა მეტი ალერსი გამოეხატა სახესე-

— ნუთუ, შვილო, სულ არ გიყვარვარ? ნუთუ მაგ გულში სულ არა-  
ფერი შევიტოკლება ჩემთვის?

— არაფერი, მამაჩემო!

მაღიუტა თავის სიბრაზეს მოერია.

— მაგრამ მეფე რას იტყვის, შენი წასვლის ამბავს რომ შეიტყობს?  
ის რომ იფიქროს, ჩემგან წავიდაო?

— სწორედ მისგან მივდივარ, აბა ვისგან, მამაჩემო. ლამის გაეთავდე  
შიშით. ვიცი, ღმერთი მის სიყვარულს გვავალებს, მაგრამ რომ გამახ-  
სენდება, რასაც ეგ სჩადის, თავში სისხლი მივარდება. ძალიანაც მინდა  
მიყვარდეს, მაგრამ ძალა არ მყოფნის. აი, სლობოდიდან რომ წავალ და  
თვალი ვეღარ დანახავს უდანაშაულოდ დაღვრილ სისხლს, მაშინ,  
ღვთის შეწვევით, კვლავ შევიყვარებ მეფეს. ხოლო თუ შეყვარებას ვერ  
შევძლებ, ისედაც ვემსახურები, ოღონდ ოპრინიკად არა.

— კეთილი, მაგრამ დედაშენს რაღას უპირებ? — უთხრა მაღიუ-  
ტამ, რომელიც ახლა უკანასკნელ ღონეს მიმართავდა. — ვერ გადაიტანს  
დედაშენი ამ უბედურებას! მოკლავ შენი წასვლით საწყალ მოხუცს! შე-  
ხედე, ისედაც ძლივს უდგას სული საცოდავს!

— ყოვლადმოწყალე უფალი ღმერთი მოხედავს დედაჩემს, — ამოოხ-  
ერით უპასუხა მაქსიმმა. — დედა მათიებებს ჩემს საქციელს.

მაღიუტა წინ და უკან სიარულს მოჰყვა.

როცა მაქსიმის წინ შედგა, უკვე ნატამალიც არ აჩნდა იმ ალერსიანი  
იერისა, საკუთარ თავზე ესოდენი ძალდატანებით რომ ეხატა სახეზე  
სულ ახლახან. მისი ტლანქი სახე ახლა მხოლოდ უტეხი ნებისყოფის  
გამოცხადება იყო.

— ყური მიგდე, ლაწირაკო, — უთხრა მან და მთლად შეეცვალა ხმა

და ქცევაც, — აქამდე გთხოვდი დაგეჯერებინა მშობლისა, ახლა კი აი რას გეტყვი: ვერ ეღირსები ჩემგან გზის დალოცვას. არსადაც არ გაგიშვებ. ხოლო თუ არ დამცხრალხარ, ზვალვე დაგასჯევინებ ემაგ ზელებით მეფის ორგულებს. ვინძლო, როცა თავათაც სისხლით შეისვრები, მაშინ მაინც დაივიწყო შენი გულაზიზობა, მაშინ მაინც აღარ გეთაკილოს მა-მაშენი!

მაქსიმი გააფითრა მალიუტას სიტყვებმა და ხმას არ სძრავდა. იცო-და, რომ მტკიცე იყო გრიგორი სკურატოვის სიტყვა, რომ მამის სიჯი-უტეს ვერ გასტეხდა.

— ბიჭოს, — განაგრძობდა მალიუტა, — კინალამ გადავყევი შენთან ლაპარაკს: მალე შუალამე გადავა, დროა მეფესთან წავიდე, საპყრობი-ლის გასაღებები მიუტანო. ოჰო! წვიმაც დაუშვა! მომაწოდე ეგ მოსას-ხამი. უყურე ამას, რანაირი ჭირვეულობა დასჩემდა! უნდა წავიდე, აქ არ მეცხოვრება! ამას რომ უფლება მისცე კაცმა — ალბათ მეც თავის ყა-იდაზე გადამნათლავს! ვერ მოგართვი, შვილოსან, ნაადრევად გაშალე ფრთები! შენ კი არა, უარესები მომირჯულებია! დამაცა, გასწავლი რო-გორ უნდა გაგონება! ეეჰ, ნეტა ამ ოხერ ამინდს რაღა მოუვიდა! ქუდი მომაწოდე. მაინც რა სასწაულად ელავს! ლამის ცა გაირღვეს! თითქოს მთელ სლობოდას ცეცხლი ეკიდებო. ჩაგმანე ფანჯარა და წადი, დაიძი-ნე, ეგებ დილაზე გამოგინელდეს ეგ სისულელე და გონს მოეგო. იმ შენს სერებრიანის კი, დამაცადოს, ერთი დღე იქნება, მივწელები რამენაირად! იცოცხლე, გაუუხსენო ეს ამბავი!

მალიუტა გავიდა. მარტო დარჩენილ მაქსიმს ფიქრი მოეძალა. სახ-ლში ისეთი სიწყნარე იდგა, ჩამიჩუმი არსით ისმოდა; მხოლოდ ჭექა-ქუხილი ავობდა გარეთ, დროდადრო კი ფანჯარაში შემოჭრილი ქარი კედელზე დაკიდებულ ჯაჭვებსა და ბორკილებს აქანავებდა, ერთმანეთს ახლიდა და ავბედიტად აჟღერიალებდა. მაქსიმი ზედა სართულზე, დედა-მისის პალატისკენ ამავე კიბესთან მივიდა. წინ წაიხარა და სმენად იქ-ცა. ზვეით ჩამიჩუმი არ ისმოდა, ყველაფერი მღუმარებდა. იგი ფრთხი-ლად აჰყვა მალალ საფეხურებს და იმ კართან შეჩერდა, რომლის იქითაც დედამის ეძინა.

— ღმერთო დიდებულო! — ფიქრში წარმოთქვა მაქსიმმა. — შენ ზე-დავ ჩემს გულს, შენ უწყი ჩემი ფიქრები! იცი, უფალო, ჩემი ამპარტავ-ნობის გამო, ჭირვეულობის გამო რომ არ ვიქცევი მამის უნებურად! მომიტევე, უფალო ჩემო, უკეთუ გადავდივარ შენს მცნებას! შენც მომი-ტევე, ჩემო დედიკო! შენს უკითხავად გტოვებ აქ მარტოს, შენგან დაუ-ლოცველი მივდივარ; ვიცი, დედიკო, გულს მოგიკლავს ჩემი ამბავი, მაგ-

რამ რა ექნა აბა, სხვა გზით არასდიდებით არ გამიშეებლი ნახვამდის, დედავ-ბატონო, ვეღარ ნახავ დღეის იქით შენს მაქსიმუშკას!

მაქსიმი დღეის პალატის ზღურბლს ემთხვია და მრავალგზის დაკოცნა. მერე რამდენჯერმე პირჯვარი გადაისახა, კიბეს ჩამოჰყვა და ეზოში გავიდა. გარეთ წვიმდა. ისეთი დელგმა მოდიოდა, თითქოს მთელი საქრისტიანოს ჯავრი სჭირსო. ეზოში კაცის ჭაჭანება არ იყო. მაქსიმი თავლაში შევიდა, მეჯინიბეებს ეძინათ. მან თვითონ გამოიყვანა ახორიდან საყვარელი იაბო და შეკაზმა. ზღურბლთან დაბმული უზარმაზარი ქოფაკი საძაღლედან გამოძვრა, აწკმუტუნდა და ჯაჭვის აწყვეტას ჰლამობდა, თითქოს პატრონთან განშორება იგრძნო. იგი მეჯოგეთა ნაგაზების ჯიშის ბომბორა ძაღლი იყო. კვამლა-წაბლისფერი გრძელი და ჯაგარა ბალანი უწესრიგოდ ეყარა შავ ღრუნჩხე და თითქმის არ უჩანდა ჭკვიანი თვალები.

მაქსიმი ძაღლს მოეფერა, პირუტყვემა კი მხრებზე გადაადო შავი თათები და სახის ლოკვა დაუწყო.

— მშვიდობით, ბუიან, — უთხრა მაქსიმმა, — აბა შენ იცი, სახლს უღარაჯე, დედაჩემს ერთგულად ემსახურე! — მერე უნაგირს მოახტა, ჭიშკარში გავიდა და ჭვენებით გასცილდა მშობლიურ კერას.

ჯერ კიდევ არ მიეღწია მიწაყრილამდე, რომ ხმამაღალი ყეფა შემოესმა და ბუიანი დაინახა. ძაღლი ცხენის გარშემო დახტოდა, გახარებული იყო, ჯაჭვი რომ აიწყვიტა და თავის ბატონს რომ მიჰყვებოდა გზაში.

## XI თ ა ვ ი

### ღამის ლიტანია

ვიდრე მალიუტა შეილთან საუბრობდა, მეფე ლოცვას განაგრძობდა. მას უკვე ხვითქი გადასდიოდა სახეზე, მუხლმოდრეკით მეტანიობისგან მაღალ შუბლზე აღრევე აღბეჭდილი სისხლიანი ნიშნები კიდევ უფრო მკაფიოდ დაემჩნია ამღამინდელ ლოცვა-ვედრებას. უეტარმა ფაჩუნმა იოანე აიძულა მობრუნებულიყო. მან თავისი გადია, ონუფრეენა, დაინახა.

მოხუცი იყო მისი გადია. ჯერ კიდევ ნეტარხსენებულმა დიდმა მთავარმა ვასილ იოანოვიჩმა მოიყვანა ის სასახლეში; ჯერ კიდევ ელენა გლიანსკაიას ემსახურებოდა ის. იოანე მის ხელში დაიბადა, მის ხელ-

შევე დალოცა ზომიერად მამამ. ამ ქალზე ამბობდნენ, ბევრი რამ იცის ისეთი, რაზედაც ეპვიც არავის აქვსო. მეფის მცირეწლოვანებაში გლინსკებს ეშინოდათ მისი; შუისკები და ბელსკები ცდილობდნენ ყოველნაირად ეამებინათ მისთვის.

ბევრ საიდუმლოს გებულობდა იოანეს გადია მარჩიელობით და არასოდეს არ ცდებოდა. თავად ტელეპნევს, როცა ის დიდების მწვერვალზე იმყოფებოდა, — იოანე მაშინ ოთხი წლის იყო, — გადიამ მისწურად უწინასწარმეტყველა, შიმშილით ამოგხდება სულიო. ასეც ახდა. ბევრმა წყალმა ჩაიარა მას შემდეგ, დროულ ხალხს კი ჯერაც არ ამოსვლოდა მახსოვრობიდან ეს გულთმისნობა.

ახლა გადია თითქმის ას წელს იყო მიტანებული. წელში თითქმის ორად მოკეცილს, სახის კანი ისე დანაოჭებოდა, რომ ხის ქერქს მიუგავდა და, როგორც ბებერ ქერქზე ამოდის ხავსი, ონფურევნასაც ისევე წამოზრდოდა ნიკაპზე ბლუჯა-ბლუჯა ჭადარა ბალანი. კბილები უკვე დიდი ხანია დასცვენოდა, თეალებში თითქოს შუქი ჩაქრობოდა, თავს კრუნსხვიანივით აკანტურებდა.

დედაბერი ჯოხს ეყრდნობოდა გამვალტყავებული ხელით. დიდხანს, უეჭურებდა ის იოანეს, თან ჩაფვითლებულ-ჩატეტკილ ტურებს აცმატუნებდა, თითქოს რაღაცას ლოღნის ან ჩიფჩიფებსო.

— რაო? — წარმოთქვა ბოლოს გადიამ დაგუდული, ხრიალა ხმით, — ლოცულობ, ბატონო? ილოცე, ილოცე, ივან ვასილევინ! კიდევ ბევრი გაქვს სალოცავ-სავეღრებელი! რა გიჭირდა, მარტო ძველი ცოდვები რომ გაწვეს სულზე! ღმერთი მოწყალეა, იქნებ მიეტყუებინა კიდევ! მაგრამ შენ ხომ ისე დღე არ გაგითენდება, ახალი ცოდვა არ აიკიდო, ზოგჯერ კი ორ-ორსა და სამ-სამსაც ტვირთულობ დღეში!

— კმარა, ონფურევნა, — უთხრა მეფემ და წამოდგა, — თვითონაც არ იცი, რას ჩიფჩიფებ!

— არ ვიცი, რას ვჩიფჩიფებ?! უკაცრავად, ტვინი კი არ გამომლევი, რომ არ მესმოდეს! — და დედაბერს უეცრად წამოენთო უსიცოცხლო თვალები. — აბა თქვი ერთი, რა ჩაიდინე დღეს სუფრაზე? რისთვის მოწამლე ის უბედური ბოიარი? შენ გეგონა, არაფერი ვიცოდი? რაო? რა წარბებს ჭმუხნი? მოიცა, შენი სიკვდილის ჟამიც დადგება; ოღონდ აცალე მოსულა! ნახავ, ათასწუთიანი ლოდებივით რომ ჩემოგეკიდებიან შენი ცოდვები და ჯოჯოხეთის გეენაში ჩაგიტანენ! ნახავ, ტარტაროზები რომ მოგესევიან და რკინის კავებზე ჩამოგკიდებენ!

დედაბერმა კვლავ გაბრაზებით განაგრძო ტურების ლოდნა.

გულმოდგინე ლოცვამ ღვთისმოსიში ფიქრებისთვის განაწყობ მეფე.



ჭირვეულმა წარმოსახვამ უკვე არაერთგზის დაუხატა მომავალი მისაგებელის სურათი, მაგრამ ნებისყოფა თრგუნავდა საიქიოს სატანჯველთა წინაშე შიშს. იოანე საკუთარ თავს არწმუნებდა, ამ შიშსა და თვით სინდისის ქენჯნასაც კაცთა მოღმის მოძულე, განმცდელი ეშმაკი ჩამავონებს, რათა ღვთივდამყარებული მეფე მაღალი ზრახვებისგან გადამაცდინოსო. ეშმაკის მძლავრებას იგი ლოცვით ებრძოდა; მაგრამ წარმოსახვის უღმობელი შემოტევები ხშირად ძალ-ღონეს აცლიდა. მაშინ სასოწარკვეთა რკინის ჭანგებით იმორჩილებდა მას. თავის ნამოქმედართა სიმტყუენე ცხადზე უცხადესად წარმოუღებოდა და ნამდვილივით ხელავდა შემზარავად ხახადღრენილ ჯოჯოხეთის უფსკრულებს. მაგრამ ასეთი რამ მცირე ხნით ემართებოდა. იოანე მალე ერკვეოდა შემაზრზენი ბურუსისგან და თავის სულმოკლეობაზე ბრაზობდა. საკუთარ თავსა და ბნელეთის სულზე გაეცნებულს, ჯოჯოხეთის ჯიბრზე და სინდისის საჯავრებელად, კვლავ უწყალო სისხლისღვრით, უწყალო მრისხანებით იცხრობდა სიმშაგეს, და არასოდეს არ იყო სოღმე ისე სასტიკი და უღმობელი, როგორც ამგვარი უნებლიე ღონეპიზლილობის შემდეგ.

ახლა, მოახლოებულ ჭექა-ქუხილში და გადიას მისნურ ჩიფჩიფში, იოანეს კიდევ უფრო გაუცხოველდა ჯოჯოხეთზე ფიქრი. ამ ფიქრმა ციებ-ციხელებასავით დაუარა მთელ სხეულში და სულ მთლად ააცახცახა. ის ლოგინზე ჩამოჯდა. კბილები უკაწკაწებდა.

— რაო, ბატონო? — უთხრა დედაბერმა ხმაშერბილებით, — რა გემართება? ავად ხომ არ ხარ? ნამდვილად ასეა, ავად ხარ! ნამეტანი შიში განახე ახლა! მაგრამ არა უშავს, იმედს ნუ გადაიწურავ, ბატონო, თუმცა დიდი კია შენი ცოდვები, მაგრამ უფლის სულგრძელობა უფრო დიდია! ოღონდ მოინანიე და ამას იქით ნულარ შესტოდავ. აი, მეც ვლოცულობ, შენთვის ვლოცულობ, ღლით და ღამითაც. ამიერიდან კი უფრო მეტს ვილოცებ! აბა რა ვქნა? მირჩევნია ისეუ მე არ მეღირსოს სამოთხე, ოღონდ შენ კი გადაგარჩინო ლოცვა-ვედრებით!

იოანემ გადიას შეავლო თვალი, — დედაბერი თითქოს იღიმებოდა, მაგრამ უამური იყო ეს ღიმილი მის კუშტ სახეზე.

— მადლობელი ვარ, ონუფრეენა, მადლობელი ვარ; უკვე მოვმჯობინდი ცოტათი; ახლა კი წადი, თუ ღმერთი გწამს!

— ჰო, მომჯობინდებოდი, რაღა თქმა უნდა! ცოტას რომ დაგამედებს ადამიანი, შიშიც გავიწყდება მაშინვე! ხედავ, უკვე ჩემი გაგდებაც იფიქრე: წადი ახლა, თუ ღმერთი გწამს! შენ, ბატონო, მაინცდამაინც ნუ გექნება ღვთის დიდი სულგრძელობის იმედი. შენთვის, რომ იცოდე, თვითონ უფალსაც გადაელევა მოთმინება. ნახე, თუ არ უარგყოს ყოვ-

ლადმლიერმა, სატანა კი, იცოცხლე, გაიხარებს და... ჰოპ! შემოვიძვრე-  
ბა მაგ სულში! აი, ხედავ, ისევ ცახცახი აგიტყდა! არ გაწყენდა ცოტა  
სბიტენი შეგესვა. მოსვი სბიტენი, ბატონო! ზოგჯერ მამაშენიც სვამდა  
ხოლმე სბიტენს ღამლამობით, ღმერთმა სასუფეველი დაუშკვიდროს  
იმას! დელაშენსაც, ღმერთმა აცხონოს, უყვარდა სბიტენი. აკი სწორედ  
იმ სბიტენით შეაპარეს საწამლაღი წყეულმა შუისკებმა!

დელაბერი თითქოს ფიქრში წავიდა. თვალები დაეხინდა. კვლავ  
მოჰყვა ჩამჰკნარი ტუჩების ლოლნას, თან განუწყვეტლივ აკანტურებდა  
თავს.

უეცრად რაღაც აწკარუნდა ფანჯარაზე. ივან ვასილევინი შეკრთა.  
დელაბერმა პირჯვარი გადაისახა მთრთოლვარე ხელით.

— ხედავ, — უთხრა მან, — წვიმა წამოვიდა! აგერ ელვამაც დაკვესა!  
აი, მეზიც გავარდა, ბატონო, ღმერთო შენ დაგვიფარე ავისა და ბორო-  
ტისაგან!

ჭექა-ქუხილი სულ უფრო ძლიერდებოდა და მალე მთელი ცა შეს-  
ძრა განუწყვეტელმა გრგვინვა-გრუნუნმა, ძრწოლვისმომგვრელმა ელვა-  
მეხმა.

იოანე შიშით კრთებოდა მეხის ყოველ დაქუხებაზე.

— ხედავ, როგორ გამცივენებს, ბატონო! აბა მოითმინე ცოტა ხანს,  
ვეტყვი სბიტენი მოგიდულონ...

— არ მინდა, ონუფრევნა, კარგად ვარ...

— კარგად ხარ! სახეზე კი კაცის ფერი არ გამეკვს. შენთვის ახლა ისა  
სჯობს, ლოგინში ჩაწვე და საბანში ჩათბუნდე. მარა, რას ჩათბუნდები  
ამ შენ ქვეშაგებში! ფიცრებია ცარიელი. ნეტავ ერთი, რას იწვალე  
თავს! რა მეფის საფერია ამნაირი ქვეშაგები! ამაში ბერ-მონაზონი უნდა  
იწვეს, შენ კი ვილაც მონაზონი ხომ არა ხარ!

იოანეს არაფერი უპასუხნია. ის რაღაცას აყურადებდა.

— ონუფრევნა, — უცებ წარმოთქვა შემფოთებულმა, — ნეტავ ვინ და-  
დის წინკარში? ვილაცის ნაბიჯების ხმა მესმის!

— ღმერთს ნუ არისხებ, ბატონო! ვინ იქნება ასეთ ამინდში. მოგეჩ-  
ვენა რაღაც.

— მოდის, ვილაც მოდის! აქეთკენ მოდის! აბა გაიხედე, ონუფრევნა!  
დელაბერმა კარი გამოაღო. პალატში ცივი ქარი შემოიჭრა. კარს  
იქით მალიუტა გამოჩნდა.

— ვინ არის? — ჰკითხა მეფემ და ლოგინიდან წამოხტა.

— ვინ იქნება, შენი ქეციანი ქოფაკია, — უპასუხა გადიამ, თან გაჯავ-

რებული შეპყურება მალიუტას, — გრიშკა სკურატოვი; ჯანდაბას ამისი თავი, კინაღამ გული გაგიხეთქა, შეჩვენებულმა!

— ლუკიანიჩ! — წარმოთქვა მეფემ, თავისი რჩეულის მოსვლით გახარებულმა, — მშვიდობა შენს მოსვლას; საიდან?

— საპყრობილედან, ხელმწიფეო; დაკითხვაზე ვიყავი, გასაღებები მოგიტანე! — მალიუტა მდაბლად ეთაყვანა მეფეს, თან ცერად გაჰხედა გადიას.

— გასაღებები! — ჩაიჩიფნიფა დედაბერმა. — ნახავ შენ სეირს, გახურებული გასაღებებით რომ დაგდაღავენ იმ ქვეყანას, შე ტარტაროზო! ღმერთმანი, ტარტაროზი ხარ გამოცხადებული! სახეც მთლად სატანას მიგიგავს, შე უჯიშო! სხვას კიდევ ჰო, მარა შენ არასდიდებით არ აცდება საუკუნო ცეცხლში წამება! ნახავ, გრიშკა, ენით რომ გალოკვინებენ გახურებულ ტაფებს მაგ შენი ცილისმწამებლობისთვის! ნახავ, შეჩვენებულო, ადუღებულ კუპრში რომ ჩაგაგდებენ, დაიხსომე ჩემი ნათქვამი.

ელვამ წამით გააშუქა მაწყვევარი დედაბერი და ამაზრზუნად გამოკვეთა მისი ქანდაკი შემართული ჯოხითა და მოელვარე თვალებით.

თვითონ მალიუტას შიში შეეპარა; იოანე კი თავისი რჩეულის იქ ყოფნამ გაამხნევა.

— ნუ უსმენ მაგას, ლუკიანიჩ, — უთხრა მან, — შენი საქმე იცოდე, დედაკაცების ყბელობას ყურს ნუ ათხოვებ... შენ კი წადი ახლა, გამოყრუებულო დედაბერო, მარტო დაგეტოვე!

გადიას კვლავ თვალები წამოენთო.

— გამოყრუებულო დედაბერო! — გაიმეორა მან. — მე ვარ ზომ გამოყრუებული დედაბერი? გამიხსენებთ იმ ქვეყანას, თუ ქალი ვარ, ორივენი გამიხსენებთ! შენს ყველა ავან-ჩავანს, ვანია, ყველას მიეზღვება თავისი მისაგებელი, სააქაო ცხოვრებაშივე მიეზღვება, იმ შენს გრიაზროსაც, შენს ბასმანოსაც, შენს ვიაზემსკისაც. თითოეული განისჯების საქმეთაებრ თვისთა, აი ამას კი... — განაგრძობდა მოხუცი და მალიუტას აშვეერდა ჯოხს, — ამას არ მიეზღვება თავისი მისაგებელი: ამის საქმეთათვის არც იპოვება სატანჯველი დედამიწაზე: ეგ ჯოჯოხეთის გეენაში ნახავს სატანჯველს; უკვე გამზადებულია იქ გრიშკა სკურატოვის ადგილი; ელიან ამას ტარტაროზები და ხარობენ მის მოლოდინში! შენ თვითონაც იქა გაქვს ადგილი, ვანია, უშველებელი, თბილი ადგილი!

დედაბერი ფეხების ფრატუნითა და ჯოხის პაკუნით გავიდა პალატიდან.

იოანე გაფითრებული იყო. მალიუტას ხმა გაეკმინდა. დუმილი საკმაროდ დიდხანს გაგრძელდა.

— რაო, ლუკიანინი, — თქვა ბოლოს მეფემ, — გამოტყდნენ კოლიჩევი-ბი დანაშაულში?

— აჲ, არა, ხელმწიფეო. მაგრამ ფიქრი ნუ ვაქვს, გამოტყდებიან, ჩემთან წილადობილა არ გაუვით!

იოანემ გამოწვლილვით მოათხოვინა დაკითხვის ამბავი. კოლიჩე-ვებზე საუბარმა სხვა სადინარი მისცა მის ფიქრებს.

ივან ვასილევინის მოეჩვენა, რომ დაძინებას შეძლებდა. მალიუტა გა-უშვა, ლოგინზე წამოწვა და ბურანში წავიდა.

უეცრად რაღაც ბიძგისმავევარი იგრძნო და გამოედვინა.

პალატს სუსტად ანათებდნენ ხატის კანდელები. დაბალ ფანჯარაში გამოდწეული მთვარის შუქი საწოლის ფერად-ფერად შორენკეცებს დასთამაშებდა. საწოლის უკან ჭრიჭინობელა მოუსვენრობდა. საღღაც თაგვი ხეს ხრავდა.

ამ სიწყნარეში იოანე კვლავ შიშმა აიტანა.

უცებ მოელანდა, თითქოს იატაკის ფიცარი აიწია და მოწამლულმა ბოიარმა ამოჰყო თავი.

ასეთი ზმანებანი არცთუ იშვიათად ევლინებოდა იოანეს. იგი ჯოჯო-ხეთის ხრიკებს მიაწერდა მათ. მოჩვენება რომ განედევნა, პირჯვარი გა-დაისახა.

მაგრამ მოჩვენება არ გამქრალა, როგორც აქამდე ხლებოდა ხოლმე. მკვდარი ბოიარი კვლავ წარბებშეყრილი შემოჰყურებდა. მოხუცს თვა-ლები ისევე გადმოკარკლოდა, სახეც ისევე ჩალურჯებოდა, როგორც სადილობისას, როცა იოანესგან მოკითხული ფიალა შესვა.

„კვლავ ცთუნების მოვლინებაა! — გაიფიქრა მეფემ, — მაგრამ არ ვე-მონები საცთურთა ეშმაკისათა, შეემუსრავ მძლავრებათ სატანისათა. აღ-დეგინ ღმერთი და განიბნივენ ყოველნი მტერნი მისნი“.

მკვდარი ნელ-ნელა ამოიპართა და იოანეს მიუახლოვდა.

მეფეს დაყვირება უნდოდა, მაგრამ ძალა არ ყოფნიდა. ყურები საშინ-ლად უწიოდა.

მკვდარი იოანეს წინ დაიხარა.

— სალაში შენდა, ივანე! — წარმოთქვა ყრუ, არაადამიანურმა ხმამ, — აჰა, წარმოვდექ წინაშე შენსა, რამეთუ შეუცოდარს მომისპე სიცოცხლე! ეს სიტყვები შიგ სულში გაუხშიანდა იოანეს და ველარ გაარკვია, მოჩვენებამ უთხრა თუ საკუთრივ მისი ფიქრი დაირხა ყურისთვის შე-საგრძნობ ბგერებად.

მაგრამ, აი, მეორე ფიცარიც აიწია. იატაკქვეშიდან იოანეს მიერ ოთხი წლის წინათ დასჯილ ოკოლნიჩ დანილა ადაშევის სახე გამოჩნდა.

ადაშევიც ასევე ამოიმართა იატაკიდან, თავი დაუკრა მეფეს და უთხრა:

— სალამი შენდა, ივანე! აჰა, წარმოვდექ წინაშე შენსა, რამეთუ შეუცოდარი დამსაჯე სიკვდილით!

ადაშევის შემდეგ თავის ბავშვებიანად დასჯილი ბოიარინა მარია გამოჩნდა. იგი ხუთი ვაჟიშვილითურთ ამოვიდა იატაკიდან. ყველამ თავი დაუკრა იოანეს და ყველამ რიგრიგობით უთხრა:

— სალამი შენდა, ივანე! აჰა, წარმოვდექ წინაშე შენსა!

შემდეგ თავადი კურლიატევი, თავადი ობოლენსკი და ნიკიტა შერე-მეტიევი გამოჩნდნენ. მათ სხვაც ბევრი მოჰყვა, იოანეს მიერ დასჯილი ან მოკვდინებული.

დარბაზი მკვდრებით აივსო. ყველანი მდაბლად ხრიდნენ თავს მეფის წინაშე, ყველანი ეუბნებოდნენ:

— სალამი შენდა, სალამი შენდა, ივანე, აჰა წარმოვდექთ წინაშე შენსა!

აი ბერ-მონაზვნები, მოწესე ღელაკაცები ამოიმართნენ, ყველანი შავით მოსილნი, ყველანი ფერმიხდილნი და გასისხლიანებულნი.

აი მეომრები გამოჩნდნენ, ყაზანთან რომ ახლდნენ მეფეს.

მათ სხეულებზე საზარელ იარაგებს გაეხსნა პირი, მაგრამ ისინი ბრძოლაში კი არა, ჯალათის ხელით ჰქონდათ მიყენებული.

აი ტანსაცმელშემოფხრეწილი ქალწულები და ყმაწვილი ცოლებიც წარმოსდგნენ. ღედებს ძუძუთა ბავშვები ჰყავდათ ატატებული, ჩვილები იოანესკენ იწვდიდნენ გასისხლიანებულ ფუნჩულა ხელებს და ტიტინებდნენ:

— სალამი შენდა, სალამი შენდა, ივანე, რამეთუ უდანაშაულოდ მოგვისპე სიცოცხლე!

დარბაზი თანდათან გაიჭედა მოჩვენებებით. მეფე უკვე ვეღარ არჩედა წარმოსახულს ნამდვილისაგან.

მოჩვენებათა სიტყვები ასმაგ ექოდ მეორდებოდა. მათთან ერთად იოანეს შიგ ყურში ჩაესმოდა სულთბრძოლის ლოცვები და საპანაშვილო გალობა. მას თმები ყალყზე ედგა.

— სახელითა ღმრთისათა, ცხოველისათა, — წარმოთქვა მან, — თუ ქაჯები ხართ, მავნე სულისგან მოგზავნილნი, — ქვესკნელს შთაინთქით! ხოლო თუ მართლა ჩემგან დასჯილთა სულელები ხართ — ღეთის საშინელი სამსჯავროს დღეს დაელოდეთ! ღმერთი განმსჯის მე თქვენს წინაშე!

მკვდრები შეფრთხილდნენ და იოანეს გარშემო დარიალდნენ, რო-

გორც გრივალისგან დაფორიაქებული შემოდგომის ფოთლები. უფრო საწყალობლად გაისმა საპანაშვილო ვალობა, წვიმა კვლავ ახმაურდა ფანჯარაზე, და ქარის წივილში მეფეს თითქოს ბუკების მჭექარე ხმა და მომწოდებელი ღაღადისი შემოესმა.

— ივანე, ივანე! ღვთის სამსჯავროზე, ღვთის სამსჯავროზე!

მეფემ ხმამაღლა შეპყვირა. მესაწოლენი მეზობელი პალატებიდან ხელმწიფის საძინებელში შეცვივდნენ.

— ადქით! — დაიყვირა იოანემ, — რა დროს ძილია! უკანასკნელი დღე ჩამოდგა, უკანასკნელმა ფამმა ჩამოჰკრა იჩქარეთ ყველამ ეკლესიაში მომყევით ყველა!

კარისკაცები დაფაცურდნენ. გაისმა ზარების გუგუნო. ახალჩამინებულ ოპრიჩნიკებს ნაცნობი რეკვა ჩაესმათ, საწოლებიდან წამოხტნენ და ფუსფუსით შეუდგნენ ჩაცმას.

ბეკრი მათგანი ვიაზემსკისთან ილხენდა ამ დროს. ისინი თასებს შემოსხლომოდნენ და გალაღებულნი მღეროდნენ. ზარების რეკვა რომ გაიგონეს, ერთბაშად წამოხტნენ და შავი ანაფორები გადაიცვეს მდიდრულ ხიფთანებზე, თავზე კი წოწოლა ჩაჩები ჩამოიფხატეს.

მთელი სლობოდა წამოიშალა. ღვთისმშობლის ეკლესია სულ გადანათდა. შეშფოთებული მოსახლეები ჭიშკრებს მიაწყდნენ და დაინახეს, რომ სასახლეში უამრავი ჩირალი აენთოთ და პალატიდან პალატში დაატარებდნენ. შემდეგ ჩირალები გრძელ ჯაჭვად წაგრძელდა, და ლიტანია გველივით გაიკლაკნა ხელმწიფის სასახლიდან ღვთის ტაძრისკენ მიმავალ გზაზე.

ყველა ოპრიჩნიკს ჩაჩი ეხურა და შავი ანაფორა ეცვა, ხელში კი თვითნებულ მათგანს ჩირალი ეპყრა. მათი ელვარე შუქი უცნაურად დასთამაშებდა ჩუქურთმოვან სვეტებსა და კედლების კაზმულობას. ქარი ანაფორებს აფრიალებდა, მთვარის ნათელი კი ალთან ერთად ოქროზე, მარგალიტზე და ძვირფას თვლებზე ირეკლებოდა.

წინ მეფე მიაბიჯებდა ბერის სამოსით, გულს იმჯიღავდა და ხმამაღალი ქვითინით ევედრებოდა ღმერთს:

— უფალო შემინწყალე მე ცოდვილი! შემინწყალე, სულმყრალი ძალი! შეინწყალე უკეთური ჩემი თავი! განუსვენე, მეუფეო, ჩემგან უსამართლოდ დასჯილთა სულებს!

ტაძრის კარიბჭესთან იოანე ღონემიხდილი დაემხო პირქვე.

ჩირალების შუქი საფეხურებზე ჩამომჯდარ დედაბერს მისწვდა. მან მოცახცახე ხელი გაუწოდა მეფეს.

— ადექი, ბატონო, — წარმოთქვა გალიამ, — ნუ გეშინია, მე შეგეშველები. დიდი ხანია აქ გელოდები. შევიდეთ, ვანია, ერთად ვილოცოთ!

ორმა ოპრიჩნიკმა მკლავში ხელი შეაშველა მეფეს და წამოაყენა. იონანე ეკლესიაში შევიდა.

ქუჩებში კი სულ ახალ-ახალი მოლიტანიენი მოედინებოდნენ ანთებული ჩირაღდებით. მათაც აგრეთვე შავი ანაფორები ეცვათ და ჩაჩები ეხურათ. ტაძრის კარიბჭე ზედიზედ ნთქავდა მოჯარებულ ოპრიჩნიკებს და წმინდანთა ვეება გამოსახულებები აღშფოთებით გადმოსცქეროდნენ მათ ეკლესიის კედლებისა და კამარების სიმალლიდან.

აქამდე უდრტვინველ ღამის მყუდროებაში რამდენიმე ასეული ხმის გალობა დაირხა და შორს გაისმა ზარების გუგუნი და გაბმული ფსალმუნები.

დილეგებში გამომწყვდეული ტუსაღები ბორკილთა ჟღარუნით წამოხტნენ და სმენად იქცნენ.

— მეფე ცისკრის ლოცვად არის დამდგარი! — თქვეს მათ. — ღმერთო, მოალბე მისი გული, მოწყალეობა ჩაუნერგე ცოდვილ სულში!

სლობოდელთა სახლებში, დედების გვერდით მძინარი ბაღლები ხმაურმა გამოაღვიძა და, შეშინებულებმა, ღრიალი მორთეს.

ზოგი დედა კარგა ხანს ველარ აწყნარებდა გაჭირვებულ პაწიას.

— გაჩუმდი! — შეუტევედა ბოლოს, — სუ-მეთქი, თორემ მალიუტა გაიგონებს!

მალიუტას წსენებაზე ბავშვი ხმას კმენდდა, შეშინებული ეკვროდა დედას და ღამის მღუპარებაში კვლავ ოპრიჩნიკთა გალობა და ზარების განუწყვეტელი გუგუნი ისმოდა მხოლოდ.

## XII თავი

### ცილისჯამება

მზე ამოიწვერა, მაგრამ მალიუტას სასიხარულო დილა არ გასტენბია. შინ დაბრუნებულს შეილი არ დახვდა სახლში და მიხვდა, რომ მაქსიმამ სამუდამოდ მიატოვა სლობოდა. საშინელი ბრაზი წაეკიდა გრიგორი ლუკიანინს. ყოველი მხრით აფრინა მდეერები. მეჯინიბენი, ძილში მყოფთ მაქსიმის წასვლა რომ გამოეპარათ, მაშინვე დილეგში ჩააყრევინა.

შუბლშეჭმუხვილი, კბილთა ღრჭიალით მიდიოდა უნაგირში მძი-

მედ ჩამჯდარი მალიუტა შარაზე და ფიქრში ვარაუდობდა, მოეხსენებინა თუ დაემალა მეფისთვის მაქსიმის გაქცევა.

უკანიდან ცხენების თქარათქური და მხიარული ხმები შემოესმა. მალიუტამ თავი მიაბრუნა. ბატონიშვილი ბასმანოვისა და ჭაბუკთა ამალის თანხლებით დილის გასეირნებიდან ბრუნდებოდა. ფხეიერი მიწა სულ გაუფიქვებინა წვიმას და ცხენები თითქმის საოლავებამდე ეფლობოდნენ ტალახში. მალიუტა რომ დაინახა, ბატონიშვილმა ბელაური გამოაჭენა და ლაფში გაავლო სკურატოვი.

— უმორჩილესი სალამი ბოიარ მალიუტას! — თქვა ბატონიშვილმა და ცხენი შეაჩერა. — სწორედ ახლა შეეხვდით შენს მდევრებს. ეტყობა, მწარე დღე დააყენე მაქსიმს, გულა-ნაბადი რომ აუკრავს და გადახვეწილა; ან იქნებ თვითონ გაგზავნე მოსკოვს ბოიარის ქულისთვის და მერე გადაიფიქრე?

და ბატონიშვილმა გადაიხარხარა.

მალიუტა, წესისამებრ, ჩამოქვეითდა. იგი თავშიშველი იდგა და გაშლილი ხელისგულით იწმენდა ლაფით გათხერილ სახეს. ისე იმზირებოდა, თითქოს შხამიანი თვალებით ბატონიშვილის განემიროვა სურსო.

— ნეტავ ამ ლაფს მაინც რილასთვის იწმენდს? — ბატონიშვილის საამებლად შენიშნა ბასმანოვმა, — მესმის სხვა ვინმე იყოს, ამას კი არც ემჩნევა!

ბასმანოვი ხმადაბლა ამბობდა ამას, მაგრამ სკურატოვმა გაიგონა მისი ნათქვამი. როცა მთელი ეს ღუნდგო ცხენოსნებისა სიცილითა და ზორზოცით აედევნა ბატონიშვილს, მალიუტამ კვლავ დაიხურა ქუდი, ცხენზე შეჯდა და ნაბიჯით წავიდა სასახლისკენ.

„კეთილი! — თქვა გუნებაში, — ცოტა გვადროვეთ, ბატონებო, ცოტა გვადროვეთ!“ და გაფითრებული ბაგეები ღიმილით დაებრიცა, ზოლო გულში, რომელიც შვილის გაქცევით ისედაც უღრინავდა, ნელ-ნელა უმწიფდებოდა წინდაუხედავ შეურაცხმყოფელთადმი ბოროტი შურისძიება.

როცა მალიუტა სასახლეში შევიდა, ხელმწიფე მარტოდმარტო იჯდა თავის სავანებელში. სახე გაფითრებოდა, თვალები წამონთებოდა. შავი ანაფორის მაგიერ ყვითელი, ზოლიანი ახალუხი ეცვა, ცისფერი ჩითის სარჩულიანი. ახალუხს აბრეშუმის გრძელფოჩებიანი რვა შესაკარავი დაუყვებოდა საგულეზე და კალთებზე. კვერთხი და მსხვილი ზურმუხტით დამშვენებული ჩაჩი მაგიდაზე იდო მეფის წინ. ღამის ჩვენებებმა, შეუსვენარმა ლოცვა-მეტანიობამ, უძილობამ თუმც კერ გამოფიტა იოანეს ძალ-ღონე, მაგრამ საშინლად გააგულისა და გაახელა ის. ყოველივე,



რაც ღამით განიცადა, კვლავ ეშმაკის ხრიკებად მოეჩვენა ამჯერადაც. მეფეს რცხვენოდა თავისი შიშისა.

„ქრისტეს სახელის მტერი, — ფიქრობდა ის, — ჯიუტად გადამდგომია გზაზე და ჩემს ბოროტისმქმნელთ ექომაგება. მაგრამ არ ვაღიროსებ ძესა მას ბნელისასა ჩემზე გახარებას! ვერ შემაკროთბს მისი საცთურნი! ვუჩვენებ იმას, რომ ჯერ არ დამსხვილებია მკლავნი ჩემთან სარკინებლად!“

და მეფემ გადაწყვიტა კვლავაც არ დარიდებოდა მოღალატეთა დასჯას და თავის მტარვალთა მოკვდინებას, თუნდაც რომ ათასები ყოფილიყო მათი რიცხვი.

ეს რომ გადაწყვიტა, სათითაოდ გადათვალა ფიქრში თავისი ქვეშევრდომები და ცდილობდა მოღალატეები ეპოვა მათ შორის.

ახლა იოანეს საეჭვოდ ეჩვენებოდა ამ ადამიანების ყოველი გამოხედვა, ყოველი მოძრაობა.

ის თავის გარშემო მყოფთა მიერ ნათქვამ ამა თუ იმ სიტყვას იხსენებდა და შეთქმულებათა გასაღებს ეძებდა ამ სიტყვებში. უახლოეს ნათესაებებსაც არ ასცდენია მისი ეჭვიანობა.

როცა მალიუტა შემოვიდა, იოანეს თითქმის სიცხიანივით აბოღებდა, ისეთ ყოფაში იყო.

— ხელმწიფეო, — მცირე ღუმილის შემდეგ თქვა სკურატოვმა, — შენ მიბრძანებ წამებით გავათქმევინო კოლიჩეებს მათთან შეთქმული მოღალატენი. ამ ბრძანებას უსიკვდილოდ ავასრულებ, ხელმწიფეო. ყველაფერს ამოვალერღინებ კოლიჩეებს ტანჯვა-წამებით. ოღონდ მართო ერთ ამბავს ვერ შევძლებ, მეფეო: ვერ შევძლებ შენი უმთავრესი წინაღმდეგობელი გავათქმევინო!

მეფემ გაოცებით შეხედა თავის რჩეულს.

მალიუტას თვალებში რაღაც უჩვეულო ჩაბუდებულიყო.

— ეს, ხელმწიფეო, ისეთი ამბავია, — განაგრძობდა სკურატოვი და ხმა შეეცვალა, — რომ თვალის ხედავს და ყურიც ისმენს, მაგრამ მის სათქმელად ენა არ მოუბრუნდება კაცს...

მეფე კითხვად ქცეული თვალებით შეჰყურებდა მას.

— აი, შენ, ხელმწიფეო, მაგალითად, უკვე ბევრი მპარავი დასაჯე. მაგრამ ღალატი რუსეთში ჯერამც არ გადაგებულა. ჰოდა, დღეის იქითაც კიდევ ამდენსეე დასჯი, თუნდ ათჯერ მეტსაც, მაგრამ ღალატს მაინც ვერ ამოძირკვავ!

მეფე უსმენდა და ვერაფერს ხედებოდა.

— იმიტომ ვერ მოერევი ღალატს, ხელმწიფეო, რომ მხოლოდ რო-

კებსა და ტოტებს ჩეხავ, თვითონ ტანი კი ფესვებიანად ისევ ისე სალ-სალამათი დგას!

მეფე ჯერაც ვერაფერს ხვდებოდა, მაგრამ გაათყვებული ცნობის-მოფვარეობით უსმენდა...

— ხედავ, ხელმწიფეო, არც კი ვიცი, როგორ გითხრა... აი, მაგალი-თად, გაიხსენე, სიკვდილის პირას მყოფი ლოგინად რომ იყავი ჩავარ-ღნილი, ღმერთმა დიდი ხნის სიცოცხლე მოგცეს! ბოიარებმა კი, მძიმედ შექმნილს, შეთქმულება მოგიწყვეს. ჰოდა, იმათ ხომ მაშინ მოთავე ჰყავდათ, ისა, შენივე ძმა ვოლოდიმირ ანდრეიჩი!

„ჰოო — გაიფიქრა მეფემ, — აი თურმე რას ნიშნავდა წუხანდელი მოჩვენებები მტერს სურდა გონება დაებნელებინა ჩემთვის, რომ შეშინებულს ძმის ზრახვები ვერ შემემუსრა. მაგრამ ვერ მივართვი. არც ძმას დაეინდობ!“

— თქვი ბარემ... — მკაცრად უთხრა მალიუტას, — თქვი, რა იცი ვო-ლოდიმირ ანდრეიჩზე!

— არა, ხელმწიფეო, ახლა ვოლოდიმირ ანდრეიჩზე არ მოგახსენებ. ახლა იმას ვერაფერს ვატყობ საიმისოს, რომ რამე სიავე შემოგებდოს. მერე კიდევ, ბოიარებსაც აღარ ეპრიანებათ უკვე იმისი თავი. იმან დიდი ხანია გადაივიწყა შენთვის ძირის თხრა და მეფობის მამიებლობა. მე ახლა იმაზე არ მოგახსენებ.

— აბა მაშ ვისზე? — გაოცებით ჰკითხა მეფემ და ავადმყოფურად შე-უტოკდა სახის ნაკეთები.

— ხედავ, მეფეო: ვოლოდიმირ ანდრეიჩმა კი გადაიფიქრა სახელ-მწიფოს მღერევა, მაგრამ ბოიარებმა არ გადაიფიქრეს. ისინი მაინც თავის ქეიფზე არიან: არ გამოგვივიდა ხომ მისი გამეფება, კეთილიო, თქვეს გუნებაში, ახლა ჩვენ...

მალიუტა შეყოყმანდა.

— ჰო, ვის გავამეფებთო? — ჰკითხა მეფემ და თვალბში ცეცხლი წაეკიდა.

მალიუტას ზაფრანის ფერი დაედო.

— ხელმწიფეო! ყველაფრის თქმა კი არ არგია კაცს. ჩემნაირი საწყ-ლებისთვის ისა სჯობს, იფიქროს და იმარჩიელოს, ენას კი კბილი მაგ-რად დააჭიროს.

— ვის გავამეფებთო? — გაუმეორა იოანემ და ფეხზე წამოდგა.

მალიუტა პასუხს აყოვნებდა.

მეფემ საყელოში ჩაავლო მას ორივე ხელი, სახით თავისკენ მიიზი-და და თვალი თვალში გაუყარა.

მალიუტას შიშისგან მუხლები მოეკვეთა.

— ხელმწიფეო, — ხმადაბლა უთხრა მან, — შენ იმას ნუ გაურისხდები, იმას ხომ თვითონ არ უფიქრია!

— თქვი, რა იცი! — ხრინწიანად დაისისინა იოანემ და უფრო მაგრად ჩაბლუჯა მალიუტას საყელო.

— თვითონ ფიქრადაც არ მოუვიდოდა ეს, — განაგრძობდა მალიუტა და თვალს არიდებდა მეფის მზერას, — ჰოდა, მაშასადამე, სხვებმა ჩააგონეს. ვინც ახლოს ჰყავს, იმან ჩააგონა. ჰოდა იმანაც, იმ ცოლების-შვილმა, იფიქრა გუნებაში: დღეს მოხდება თუ ზვალ, რა ბედენაა, სულ ერთია, ბოლო მაინც ეს იქნებაო.

მეფემ უკვე იაზრა რაღაც. უფრო გაფითრდა. თითები მოუსუსტდა და ნელ-ნელა შეეშვა მალიუტას საყელოს.

მალიუტამ სული მოითქვა, სამოსი შეისწორა. მიხვდა, რომ გადამწყვეტი დარტყმის დრო დადგა!

— ხელმწიფეო! — უცებ გაბედულად წარმოთქვა მან, — შორ-შორს ნუ ეძებ დალატს. შენი წინაღმდგომელი შენს წინავე ზის, შენთან ზიარი აზარფეშიდან სვამს, შენთან ზიარი სინიდან მიირთმევს, შენივე მხრების საფერ სამოსს ატარებს!

სკურატოვი დადუმდა და, მოლოდინად ქცეულმა, გაბედა მეფასთვის მიეპყრო თავისი სისხლიანი თვალები.

მეფეც დადუმდა. ხელები უღონოდ ჩამოეკიდა. ბოლოს და ბოლოს, იგი მიუხვდა მალიუტას.

ამ დროს ეზოში სასიხარულო შემახილები გაისმა.

სწორედ იმ წუთებში, როცა მეფისა და სკურატოვის საუბარი დაიწყო, სასახლის ეზოში ბატონიშვილი შემოვიდა თავისი ამალით. აქ მას შავი ასეულებისა და გარეთუბნების მოვაჭრე ხალხი ელოდა, რომლებიც მოსკოვიდან ჩამოსულიყვნენ ჰურ-მარილითა და სათხოვართ.

ბატონიშვილი რომ დაინახეს, ყველანი მუხლებზე დაეცნენ.

— რა სათხოვართ მოსულხართ, მეარშინეებო? — დაუდევრად იკითხა ბატონიშვილმა.

— შენი მუხლების ჭირიმე, ბატონო! — მიუგეს უხუცესებმა, — მოვედით, ჩვენი გასაჭირი შემოვტიროთ შენს მოწყალებას! დაგვიფარე, შეგვიბრალე საწყალი ხალხი! მთლად გვაჩანაგებენ ოპრიჩნიკები, გვიკლებენ ცოლ-შვილიანად!

— უყურე ამ სულელებს! — დამცინავად თქვა ბატონიშვილმა და ბასმანოვს გადახედა. — ამათ თურმე ის მონღოლებიათ, ცოლებიცა და საქონელიც მხოლოდ თავისთვის ეგულებოდეთ! ნეტავ რას ჩამოგტიროთ

ცხვირ-პირი? წადით სახლებში; რაც იყოს, იყოს, შევავედრებ თქვენს ჩერჩეტ თავს მამა-ბატონს!

— შენი მუხლების ჭირიშე, ბატონო! ღმერთმა გიმრავლოს სიცოცხლის დღენი! — შეჰღალადეს ვაჭრებმა.

ბატონიშვილი ცხენზე იჯდა. გვერდით ბასმანოვი ედგა. მთხოვნელები მუხლებზე იყვნენ დაჩოქილი მის წინაშე. უხუცესს ხელში ოქროს სინი ეჭირა პურ-მარილით.

მალიუტა ყველაფერს ხელავდა ფანჯრიდან.

— ხელმწიფეო, — ჩასჩურჩულა მან მეფეს, — ეტყობა, რომელიმე იმათგანმა ჩააგონა, ვინც ახლა უღვას გვერდით. შეხედე, აი ხალხი უკვე სამეფოდ ლოცავს!

და როგორც ჯადოსანს აშინებს ეშმაკეული ძალა, რომელიც თვითონვე გამოიხზო, ასევე შეაშინა მალიუტაც იმ გამომეტყველებამ, რაც მისმა სიტყვებმა მიადებინა მეფის სახეს.

იოანეს ადამიანურობის ნატამალიც არ შერჩა სახეზე. ასეთი საშინელი არასოდეს უნახავს იგი მალიუტას.

რამდენიმე წამი გავიდა. უეცრად იოანემ გაიღიმა.

— გრიშა, — უთხრა მეფემ და ორივე ხელი მხრებზე დაადო სკურატოვს, — რაო, რას მეუბნებოდი ახლა? როკებსა და ტოტებს ჩეხავ, ტანი კი საღ-სალამათი დგასო, ხომ? გრიშა, — განაგრძობდა მეფე, თან ტკეპნით გამოთქვამდა თვითეულ სიტყვას და კაცის შემზარავი მესაიდუმლე თვალებით შეჰყურებდა მალიუტას, — მითხარი, ტვირთულობ ღალატის ძირფესვიანად ამოგდებას?

მალიუტას ბოროტმა სიხარულმა დაუბრიცა ტუჩები.

— შენი მოწყალებისთვის ეტვირთულობ, — წაიჩურჩულა მთელი სხეულით აცახცახებულმა.

იოანეს ერთბაშად ეცვალა იერი. ღიმილი გაუქრა, სახეზე გოროზი შეუპოვრობა გამოეხატა და ზედვე შეაცივდა. მისი სახე ახლა მარმარილოსგან გამოთლილს ჰგავდა.

— ნულარ აყოვნებ! — მოკვეთილად ბრძანა ხელმწიფემ. — მეხორციელმა არ უნდა იცოდეს ეს ამბავი. დღეს იგი სანადიროდ იქნება. ჰოდა, დაე დღესვე იპოვონ ტყეში. ხმა დააგღონ, ვითომც ცხენმა ათრია. იცი სად არის წყეული ტბა?

— ვიცი, ხელმწიფეო.

— ჰოდა, იქ იპოვონ! — მეფემ კარზე მიუთითა.

მალიუტა გავიდა და წინკარში შევებით ამოისუნთქა.

მეფე დიდხანს იდგა უძრავად. მერე მძიმე ნაბიჯით მივიდა ხატებთან და მუხლებზე დაემხო მათ წინაშე.

მალიუტას მრავალ მსახურთაგან უმამაცესი და უმარჯვესი მისი ჯილავდარი მატყვი ზომიაკი იყო. მას არ აკრთობდა ფათურაკები, უყვარდა შფოთი და რბევა-თარეში და მხოლოდ თავის ბატონს ჩამორჩებოდა სიმხეცეში. როცა მავანი სოფლის გადაწვა მოუნდებოდათ ან მავანისთვის სიგელის მიგდება, რომლის გამოც მერე ბოიარს სჯიდნენ, როცა მავანის ცოლის გატაცება დასჭირდებოდათ, ყოველთვის ზომიაკს გზავნიდნენ ხოლმე. და ზომიაკიც ბუგავდა სოფლებს, აპარებდა სიგელებს და ერთის ნაცვლად რამდენიმე ცოლს იტაცებდა.

ახლაც ზომიაკს მიაშურა სკურატომმა. რაზე ბჭობდნენ განმარტოებულნი, არავის გაუგონია. მაგრამ სწორედ იმ დღით, როცა ბატონიშვილის მეძებრები გახელებული ყფით აყრუებდნენ მოსკოვის შემოგარენს, ხოლო ჩასაფრებულ მონადირეთა მთელი ყურადღება მხოლოდ ნადირის მოლოდინს შეეპყრო და, თვალებად ქცეულნი, არც ფიქრობდნენ იმაზე, რას აკეთებდნენ მათ მეზობლად მათივე ამხანაგები, — ამ დროს უკაცრიელ შარავნაზე, ნადირობის ასპარეზიდან შორს, თავგამეტებით მიჰქროდნენ ზომიაკი, მალიუტა და მათ შუა ჩამდგარი ხელებგაკრული, უნაგირს მიკრული ვილაც მესამე მხედარი, რომელსაც სახე შავი ყაბალახით ჰქონდა შებურვილი. ერთ-ერთ მოსახვევთან მათ ოცი შეიარაღებული ოპრიჩნიკი შეუერთდა და ხმაგაულებლად მიჰყვა უკან.

ამასობაში ნადირობა ჩვეულებისამებრ გრძელდებოდა და არავის შეუმჩნევია ბატონიშვილის არყოფნა, გარდა ორი ჯილავდარისა, რომლებიც ხევში ეყარნენ და სულს ლაფავდნენ დანებით განგმირულნი.

სლობოდიდან ოცდაათიოდე ვერსზე, უღრანი ტყის სიღრმეში, ერთი ლაფიანი, გაუვალი ჭანჭრობი იყო, რომელსაც ხალხი წყეულ ტბას ეძახდა. ბევრს საოცარ რასმე ამბობდნენ ამ ადგილზე. შეშის მჭრელებს ეშინოდათ შებინდებულზე მის სიახლოვეს გავლა. ირწმუნებოდნენ, ზაფხულის ღამეებში წყალზე ჭინკები, ავაზაკების მიერ მოკლულ და წყეულ ტბაში ჩაყრილ უბედურთა სულები, დახტიან და დაკუნტრუშობენო.

დღისით-მზისითაც კი ჭანჭრობი პირქუში იდუმალებით აფრთხობდა კაცს. მღვრიე და შავი წყლიდან უზარმაზარი, ქვემოდან ტოტებშემოძარცული ხეები იყო ამოზრდილი. მათი ორეულები, როგორც დაბინდულ სარკეში, ისე ლივლივებდა წყალში და უცნაურად მიაგავდა მახინჯ ადამიანებსა და არარსებულ ცხოველებს. ჭანჭრობის ახლომახლო ძეხორციელი არ ჭაჭანებდა. დროდადრო გარეული იხვების გუნდი მოფრინდებოდა ხოლმე მის ზედაპირზე საჭყუმპალაოდ. ლელიანში შე-

საბრალისად აკრიახდებოდა ლერწმის ქათამა, ხეების კენწეროებზე შავი ყორანი გადაიფრენდა და შორს გაისმოდა მისი ავბედითი ჩხავილის ექო. ზოგჯერ სადღაც, ძალიან შორს, ნაჯახის კაკუნს, მოჭრილი ხის ლაწანს და წამოქცევის ყრუ გრუნუნსაც გაიგონებდით.

მაგრამ, როცა მზე ხის კენწეროებს მიღმა ჩაცურდებოდა, როცა ჭანჭრობზე გამჭვირვალე ოხშივარი აბოლდებოდა, მაშინ ნაჯახის კაკუნი წყდებოდა და ადრინდელ ხმებს სულ სხვა ბგერები ცვლიდა. ახლა ბაყაყების გულისგამაწვრილებელი ყიყინი იწყებოდა, ჯერ წყნარი და მოკვეთილი, მერე და მერე კი უფრო ხმამაღალი, ერთობლივი, გუნდურად შერთული.

რაც უფრო მძლავრობდა სიბნელე, მით უფრო იჭაჭებოდნენ ქვეწარმავალნი. მათი ყიყინი თითქმის მთლიან, გაბმულ გნიასს წარმოქმნიდა. ყური ნელ-ნელა ეჩვეოდა მას და უკვე არჩევდა მის ხმაურში მგლებს შორეულ ყმუილსა და ჭოტის ამაზრზენ კივილს. წყვილიადი თანდათან ძლიერდებოდა; საგნები ადრინდელ სახეს კარგავდნენ და ახალ გარეგნობას იძენდნენ. წყალი, ხეთა ტოტები და ნისლის ზოლები რაღაც მთლიანობად ერწყმოდა ერთიმეორეს. სახეები და ბგერები უცნაურად ირეოდნენ ერთმანეთში და თავგზას უბნევდნენ გაოგნებულ ადამიანს. წყეული ტბა ავი სულების საუფლო ხდებოდა.

სწორედ ამ დაწყვეტილი ადგილისკენ მიიჩქაროდნენ, ოღონდ ღამის წყვილიადში კი არა, მზიანი დილით, დაოთხილ ბედაურებზე ამხედრებული მალიუტა და ოპრიჩნიკები.

და სწორედ მაშინ, როცა ისინი გამაღებული მიიჩქაროდნენ და დაუზოგავად ერეკებოდნენ გაქაფულ ცხენებს, წყეული ტბის შორიახლოს უკეთური შესახედაობის სხვა მამაცები იკრიბებოდნენ უსიერ ტყეში.

### XIII თ ა ვ ი

## ჰანიუსა პერსტენი და მისი ახსანაგები

ბერმუხებითა და გაუვალი ხერგილით მოზღუდულ მდგლოზე რამდენიმე მიწური ქოხი იდგა; მათ შორის კი, წამოქცეულ კუნძებზე, ამობრუნებულ ჯირკვებზე, თივის გროვებსა და ხმელ ფოთლებზე სხვადასხვა ასაკის, ნაირნაირად დამოსილი უამრავი ხალხი იწვა ან იჯდა. ტყის სიღრმიდან განუწყვეტლივ მოემურებოდნენ შეიარაღებული ვაჟკაცები და ამხანაგებს უერთდებოდნენ. დიდი სიჭრელე ეტყობოდა ამ ბრბოს.

სერმიანები, ფერიაზები, ზუბუნები, ძონძები, ოქრომკედული მდიდრული სამოსელი დომხალივით ირეოდა ერთმანეთში. ზოგს ხმალი ეკიდა, სხვები კისტანებს ატრიალებდნენ ხელში ან ფართო ბერდიშებს ჩამოყრდნობოდნენ. ბევრი იყო აქ სახენაიარევი, სახედანაოჭებული, თმაჩე-ჩილი, წვერგაბურმგული.

ტყელ გავარდნილთა ამქარი გუნდ-გუნდად იყო მოფენილი მდელ-ო-ზე. შუაგულ მინდორზე ფაფას ხარშავდნენ და ძროხის ხორცს წვავდნენ ხის შამფურებზე. მოტკაცუნე ცეცხლზე ქვაბები ეკიდა; კვამლი მტრედისფერი ღრუბელივით მიიწევდა მაღლა და ნელ-ნელა შორდებოდა მწვანე წყვდიადს, სქელი კედელივით რომ ერთყა მდელს ყოველი მხრიდან. მზარეულები წარამარა ახველებდნენ, თვალებს ისრესდნენ და პირს არიდებდნენ მხრჩოლავ კვამლს.

ცოტა მოშორებით გრძელწვერა, თმახუჭუჭა ჭალარა მოხუცი რაღაც ზღაპარს უამბობდა ახალგაზრდებს. ის ფეხზე დამდგარი ლაპარაკობდა, გრძელტარიან ნაჯახზე ჩამოყრდნობილი. მოხუცს ასე უფრო ემარჯვებოდა ლაპარაკი. მას შეეძლო მთელი ტანით გამართულიყო, აქეთ-იქით მიბრუნებულყო, შესაფერ დროს ნაჯახი აექნია და კიდევაც შეესტვინა მამაცურად. ბიჭები განაბულნი უსმენდნენ მოხუცს. ყურდაცქვეტილნი და პირდაღებულნი შესცქეროდნენ თვალებში. ზოგს მიწაზე მოერთბა ფეხი, ზოგი კუნძზე წამოსკუპებულყო, ზოგსაც, უბრალოდ, ფეხები გაეობოტა და თვალები დაეჭყიტა; მაგრამ უმეტესობა პირქვე გაშხლართულიყო და იდაყვები მიწაზე დაებჯინა, ნიკაპი კი — ხელისგულებზე: ასე უფრო უპრიანია მოსმენაო.

ცოტა იქით ორი ჭკუისკოლოფი თავში მუშტებს უბათქუნებდა ერთმანეთს. თამაშის ეშხი ის იყო, იმ ორში რომელი გამოტყდებოდა, მეტი აღარ შემიძლიაო. მაგრამ არც ერთს არ სურდა დათმობა. ორივე მოწინააღმდეგე უკვე ჭარხალივით გაწითლდა, მაგრამ ტყვიასავით მუშტებს მაინც გრდემლზე დაცემულ უროსავით გაჰქონდა ბრაგვანი მათ თავებზე.

— ბიჭო, ზლოპკო, იქნებ იკმარო, ჰა? — ჰკითხა იმან, რომელიც უფრო სუსტი ჩანდა.

— ვერ მოგართვი, ჩემო ანდრიუშა! თუ გამიჭირდა, უშენოდაც მოვახერხებ თქმას. აი შენ კი გამახებინებ ვაიღვდას!

და მუშტებს კვლავ გაუდიოდა ბრაგაბრუგი.

— უყურეთ, ძმებო, ახლა კი გაგორდება ჩენი ანდრიუშა, — ამბობდნენ მოსეირენი.

— არა, არ გაგორდება! — ექომაგებოდნენ სხვები. — რა სჭირს მაგას გასაგორებელი, იცოცხლე, კაი კერკეტი თავი აქვს!

— აბა ნახავ, თუ არ გაგორდეს!

მაგრამ ანდრიუშას მართლაც არ სურდა ძირს გაგორება. მან ზრიკი იხმარა და, იმის მაგიერ, რომ კინკრიხოში ჩაერთყა მოცილესთვის, შიგ საფეთქელში ხეთქა მუშტი.

ზლოპკო, როგორც იყო წახრილი, ისევე წაემხო მიწაში.

მოსეირეთა ერთ ნაწილს ხარხარი აუტყდა, მაგრამ უმრავლესობა აღშფოთდა.

— უპატიოსნოდ მოექცა, უპატიოსნოდ! — აყვირდნენ ისინი. — ანდრიუშამ იეშმაკა, ზრიკი იხმარა! ქოთები მაგას!

და ანდრიუშა იქვე მიბეგვეს.

— რომელ ქარს მოჰყოლიხართ, მამაცებო? — ჰკითხა მოხუცმა მეზღაპრემ რამდენიმე ყმაწვილს, რომლებიც ცეცხლს მიუახლოვდნენ და ვაუბედავად აცეცებდნენ თვალებს აქეთ-იქით.

ისინი ერთმა ბრაზიანმა ოტროველამ მოიყვანა, რომელსაც პირფართე დანა ეკიდა წელზე; ბიჭები უიარალოდ იყვნენ და ახალბედებს ჰგავდნენ.

— ზომ გეყურებათ, შევარდნებო! — მიმართა მათ ბრაზიანმა ოტროველამ, — კორშუნ პაპა გეკითხებათ, რომელ ქარს მოჰყოლიხართო? უპასუხეთ პაპას.

— რომელსა და, ისა, ეგრეა ჩვენი ამბავი. მე თითონ მოსკოვის თემიდან ვარ! — მიუგო ერთმა ყმაწვილთაგანმა ოდნავი ენის ბორძიკით.

— მერე რისთვის გადმოფრენილხარ ბუდიდან? — ჰკითხა კორშუნმა. — ყინვამ დაგუსხა თუ ცეცხლი შეგენტო?

— ეგრეა, ცეცხლი შემენტო! — უპასუხა ბიჭმა. — როცა ოპრიჩნიკებმა ქოხი ააბრიალეს, მაშინ ჯერ ცეცხლი შემომენტო, მარა ქოხი რომ დაიწვა, მერე კი სუსხმა დამკრა კერადაქტეულს.

— ჰოო, აი თურმე რა მოგსვლია. გატყობ, უჭკუო ჯეელი არ უნდა იყო... აბა, შენ რილასთვის მოხვედი?

— ეგებ ნათესავები ვიპოვო-მეთქი!

ყაჩაღებს ხარხარი აუტყდათ.

— უყურე ამას, რა მოიგონა. რომელ ნათესავებზე ბოდავ, ბიჭო?

— აი, ოპრიჩნიკებმა მშობელი დედ-მამა რო დამიზოცეს და და-ძმანიც ზედ წააკლეს, მაშინ მომეწყინა მარტოკას ამ ქვეყნად. ჰოდა, ვიფიქრე გუნებაში: მოდი, კეთილ ხალხთან წავალ, ისინი არაფერს დამამადლიან, საჭმელსაც მინაწილებენ და სასმელსაც-მეთქი, ძმობასაც გამიწვევენ და მამობასაც-მეთქი! აი ამ ჯეელს გადავეყარე ღუქანში, მივხვდი, თქვენთან რომ იყო, ჰოდა, ვთხოვე წამოვეყვანე.



— კაი ბიჭი ჩანხარ! — უთხრეს ყაჩაღებმა: — მოდი აქ, ჩვენთან დაჯექი, ერთად გავინაწილოთ ლუკმა, ძმებად გვიგულე ყველანი!

— ეგ კი რაღას დგას, ცხვირჩამოშეებული, თითქოს ვიღაცას ხახა-მშრალი დაუტოვებიაო? შენ ეი, მტირალავ, ნეტავ რას გვებუტები? არ გვეტყვი, სადაური ხარ?

— კოლომნელი! — ძლივს მოაბრუნა ენა ზორზოხა ყმაწვილმა, სახედაძმარებული რომ იდგა ყველაზე უკან.

— რაო მერე, შენც ოპრიჩნიკებმა გაწყენინეს?

— საცოლე წამართვეს! — უგულოდ და ხმაგაჯანჯლებით უპასუხა ყმაწვილმა.

— აბა ერთი მოგიყევი, როგორ იყო საქმე?

— რა უნდა მოგიყვეთ! ჩამოიქროლეს და წაიყვანეს!

— ჰოდა, მერე?

— რა მერე? მერე არაფერი!

— როგორ თუ არაფერი! რატომ არ დაიხსენი საცოლე?

— ვინ გაცალა მერე! ჩამოიქროლეს თუ არა, მაშინვე გააქრეს.

— ჰოდა, შენც პირდაღებული უყურებდი, შე დოყლაპიავე?

— არა, მას უკან, რომ გაიქცნენ, ისე გავბრაზდი, ისე, რო ღმერთმა გაშოროს.

ყაჩაღები კვლავ ახარხარდნენ.

— შენ, ჩემო ძმაო, გეტყობა, გვიან ფხიზლდები!

ბიჭი ყეყერურად გაიღრიჭა და ხმას არ იღებდა.

— ეი, შენ, ბედოვლათო! — უთხრა ერთმა ყაჩაღმა, — საცოლე თუ წაგართვეს, მაგით ჯერ ქვეყანა არ დაქცეულა, რომ ცხვირ-პირი ჩამოგტვიროდეს! მეორეს მონახავ!

ბიჭი პირდაღებული იცქირებოდა და კრინტს არ ძრავდა.

ყაჩაღებს მისი სახე სასეირო ეჩვენათ.

— არ გეყურება? შენ გელაპარაკებიან! — უთხრა ერთმა მათგანმა და ფერდში უბიძგა.

ყმაწვილი ღუმდა.

ყაჩაღმა უფრო ძლიერად უბიძგა.

ყმაწვილმა ისე ყეყერურად შეხედა მას, რომ კვლავ ხარხარი აუტყვდა ყველას.

რამდენიმე კაცი მასთან მივიდა და მუჯღუგუნები წაჰკრეს აქეთ-იქიდან.

ბიჭმა არ იცოდა, გული მოსელოდა თუ რა ექნა, მაგრამ ერთმა სხვებზე ძლიერმა მუჯღუგუნმა ძილქუშური სიმშვიდე დააკარგინა.

— გეყოფათ ბლადუნე! — თქვა მან. — ფქვილის ტომარა გგონივართ თუ როგორაა თქვენი ამბავი? თავი გამანებეთ, გავბრაზდები!

ყაჩაღები ამაზე მთლად გადაბჟირდნენ.

ბიჭს მართლაც უნდოდა გაჯავრებულიყო, მაგრამ სიზარმაცე და ბუნებით მძინარა ზნე უცხრობდნენ სიბრაზეს. ფიქრობდა, არ ღირს ამ უბრალო თავის შექცევაზე გულის მოსვლაო, სხვა რამ საგულისხმო მიზეზს კი გასაბრაზებლად ვერას ხედავდა!

— გაბრაზდი მერე, შე ყეყეო! — უთხრეს ყაჩაღებმა, — რატომ არ ზრახვები?

— აბა ერთი კიდევ გამკარით!

— უყურე ამას, რა გაუმაძღარი ყოფილა! აჰა, ერთიც!

— აბა ერთიც კიდევ, უფრო გემოზედ!

— აი კიდევ ერთიც!

— აბა ახლა დამიდექით! — თქვა უკვე ზუმრობაგაშვებით გაბრაზებულიმა ყმაწვილმა.

მან მკლავები დაიკარწაზა, ხელისგულებზე დაიფურთხა და ღაერია განურჩევლად მტყუნან და მართალს. ყაჩაღები არ ელოდნენ ასეთ შემოტევას. მასთან ყველაზე ახლოს მდგომნი თვალისდახამხამებაში აყირავდნენ და ისე მიასკდნენ ამხანაგებს, რომ ისინიც მიწაზე გაშხლართეს. ეს ამოდენა დუნდგო ხალხი ცეცხლს მიაწყდა უკან გამხტარი; ქვაბი გადმოვარდა და ფაფა ნაკვერცხლებზე გაიღვარა.

— აბა, აბა, გეყოფა ახლა, გეყოფა, შე ტარტაროზო! გაგიჟდი თუ რა მოგივიდა! შენ გეუბნებიან, გეყოფა ახლა! — უყვიროდნენ ყაჩაღები.

მაგრამ ბიჭს უკვე აღარაფერი ესმოდა. ის გამწარებით იქნევდა მუშტებს მარჯვნივ და მარცხნივ და ყოველ დარტყმაზე აქცევდა თითო ყაჩაღს, ზოგჯერ კი ორსაც ერთად.

— დათვია, ეს ოხერი, ვილაცაა! — იძახდნენ ისინი, რომლებიც განზე გახტომას ასწრებდნენ.

ბოლოს ყმაწვილი გონს მოეგო, ჩხუბი მიატოვა, მიყრილ-მოყრილი და დამტვრეული ქოთნების გროვას გადახედა და კეფა მოიქექა, თითქოს უნდოდა ეთქვა: „მართლაც, ეს რა მივქარეო!“

— ერიჰა, ძმობილო! — გაიძახოდნენ ყაჩაღები, თან ფეხზე დგებოდნენ და გვერდებს იხელდნენ, — მაშინ რომ დროით გაბრაზებულყავ, ვერ წაგართმევდნენ იმ შენ საცოლეს! ბიჭოს, უყურეთ ამ ილია მურომელს!

— აბა ახლა შენი სახელიც გვითხარი, ვაჟკაცო! — უთხრა მოხუცმა ყაჩაღმა.

— მიტკა მქვია!

— ჰო-ო, მიტკა გქვია? ყოჩაღ, მიტკა!

— ბარაქალა, მიტკა!

— ბიჭებო! — ღაიძახა ერთმა მამაცმა, რომელიც ქოშინით მოვარდა მათთან, — ატამანი კვლავ ვოლგაზე ყაჩაღობის ამბებს ყვება. სუყველამ მიატოვა სიმღერაც, ზღაპრებიც და ატამანს შემოუსხდნენ. ჩქარა წავიდეთ, თორემ ადგილსაც ვეღარ ვიპოვით!

— წავიდეთ, წავიდეთ, ატამანს მოვუსმინოთ! — შესძახეს ყაჩაღებმა.

ვეება მუხის ჩრდილში საშუალო ტანის ბეჭბრტყელი ვაჟკაცი იჯდა კუნძულზე. მას ოქრომკედით ნაქარგი მდიდრული ზუბუნის ეცვა, თავზე კა ჩაჩქანი, ანუ რკინის მრგვალი ქული ეხურა, სკუფიისმაგვარი. ჩაჩქანზე ზარადი, ანუ ფოლადის ჯაჭვის ბადე იყო ჩამობმული, რომელიც ხმლისგან იცავდა კეფას, კისერსა და ყურებს. ბეჭბრტყელ ვაჟკაცს ხის ტარზე დაგებული, ერთ მხარეს მახვილჭვინტიანი კვერი — ურო ეჭირა ხელში. ამ მოკაზმულობაში ძნელი იყო ჩვენი ძველი ნაცნობის, ვანიუხა პერსტენის ცნობა. მოუსვენარი თვალები აქეთ-იქით დაურბოდა. მოკლედ შეკრეჭილი შავი უღვაშის ქვემოთ ისე უელავდა თეთრი კბილები, იფიქრებდით, მთელ სახეს უშუქებენო.

ყაჩაღები ხმაგაკმენდილნი უსმენდნენ ატამანს.

— ჰოდა ასე, ძმებო, — ამბობდა პერსტენი, — ეგ კიდევ არ არის გასაკვირველი, ალალს გადაუდგე ან ღიდკაცი გაპარცვო, როცა ათნი ერთზე მიდიხართ. გასაკვირველი ის იქნებოდა, ერთმა რომ გააჩეროს და გაპარცვოს ორმოცდაათი და თუნდ მეტი კაცი!

— ეგ კი მეტისმეტი მოგივიდა! — გამოეპასუხნენ ყაჩაღები, — იფ, რა ცოტა რამ მოგეგუნება?! იქნებ ისიც თქვა, მე გავაჩერებო?!

— მე ახლა ჩემ თავზე არ ვლაპარაკობ, ისეთ ვაჟკაცს კი ღიადაც ვიცნობ, მარტოკა რომ აჩერებდა ალაღებს.

— ეგ ვაჟკაცი, ნეტავ, ის შენი ვოლგელი გოლიათი ზომ არ არის, ჰა?

— სწორედ ის არის. აი, მაგალითად, ერთხელაც იყო, ასტრახანიდან ერთი ბაგირიანი გემი მოირწეოდა ამოღმა დედავოლგაზე. გემზე კი ბლომად ხალხია: ვაჭრები, სულ დარჩეული მამაცები, სიათებით, ხმლებით, გადაღელილი ხიფთანებით, გვერდზე მოგდებული ქულებით, ჩვენსავით ბიჭად-ბიჭები. ახლა ტვირთს არ იკითხავთ? ოქრო, თვალი პატიოსანი, მარგალიტი, ასტრახანული საქონელი და ათასნაირი რაგინდარა — სუ სავსეა ამეებით და რასაც კაცი მოინატრებს! ჰოდა, მოირწევა გემი, მდინარის ნაპირი კი ჩახრამულია, საბაგირო ბილიკი — წყრილი, ხოლო შუა ვოლგაში კუნძულია გაჩხერილი: შიშველი კლდე, თა-

ნაც დინების საპირისპიროდ, იფიქრებ, დანა მოუმარჯუებიაო, ისე აქვს წამოშვერილი ქიმი, ისე წამახული, რომ ღმერთმა გაშოროს.

ჰოდა, შეიტყო ამ ჩემმა მამაცმა, რითაც ღმერთს გამოესტუმრები-  
ნა ეს გემი. ხმა არ გაუღია არავისთან, წამოვიდა დილაადრიან, დაუდა-  
რავდა ბუჩქებში, ელოდება გულარხეინად. გამოხდა საათი, ერთი, მეო-  
რე, ხედავს — მოდიან დაძაგრული მეჭაპანეები, თორმეტიოდე კაცი,  
მწკრივად ჩარიგებულან, თავგადაკლულნი ეწევიან ღვედებს და ხმამალ-  
ლა ხენეშიან ენაგადმოგდებულნი. ჩანს, მსუბუქი არაა გემი, დინებაც  
სწრაფია და უჭირს ხალხს!

ჰოდა, ეს ჩემი მამაცი დაელოდა, რომ ერთი ორმოცდაათიოდ საყენ-  
ზე მაინც გასცდნოდნენ იმ წამახულ კლდეს. მაშინ კი ისკუპა ბუჩქები-  
დან, დაჰკრა ხმალი ამ შენ ბაგირს და, გაგიხარია, ყველივით გადაჭრა.  
მეჭაპანეები, როგორც მიდიოდნენ, საბრალოები, ისევე წაერჭვენენ ცხვი-  
რით მიწაში. ჰოდა მისდგა ეს ჩემი მამაცი ვის კისტანით, ვის მუშტე-  
ბით, ვინ კიდევ წამოხტა და, ჰაიდა, მოქუსლა თავქედმოგლეჯით! და-  
ითრია დინებამ გემი და მიაცურებს უკანვე, პირდაპირ კლდისკენ. შე-  
ფუცხუნდნენ ვაჭრები, არც გახსენებით ესროლათ ყაჩაღისთვის, მხო-  
ლოდ იმას ფიქრობენ, რა გზით ასცდნენ წამახულ კლდეს! ჩემმა მამაც-  
მა კი ამასობაში ერთი ხელი ბაგირს ჩასტაცა, მეორეთი ხეს მოეჭიდა,  
და გააჩერა გემი.

„ეი, თქვენ, მეარშინებო, ვაჭრებო! უშიშარო მამაცებო! აბა გადაუძა-  
ხეთ წყალში ეგ ხმლები და სიათები, ნამუსიანად გთხოვთ, თორემ გა-  
ეუშვებ ამ ბაგირს და მერე დაემშვიდობეთ თავსაც და ემაგ ტვირთსაც!“

ვაჭრებმა ერთი პირობა ლულებიც კი დაუღირეს გოლიათს, მაგრამ  
მაშინვე დაუშვეს, იფიქრეს: ეს რა გამოვა? ეგ რომ მოეკლათ, ბაგირს  
ვინდა დაიჭვრეს?

სხვა გზა არ იყო, გადაყარეს იარაღი, ოლონდ ყველამ არა. იფიქრეს:  
ამოდი ერთი გემბანზე, მამაცო, მაშინ გიჩვენებთ როგორ უნდა ძარცვაო!  
მაგრამ არც ჩემი გოლიათი იყო ბუზიყლაპია.

„კეთილი, — გასძახის ნაპირიდან, — ძვირფასო ვაჭრუკებო, იარაღი  
ზომ წავიდა ფსკერზე, ახლა ბარემ თქვენც მიყვით, ვისაც საით გაგე-  
ხარდებათ! ესე იგი, სხვანაირად რომ ვითხრათ: გადმოეშვით თავდაღმა  
სუყველანი ემაგ გემიდან!“

ერთი პირობა ვითომ გაჯიუტდნენ ჩვენი ვაჭრები, მაგრამ ამან, ძმე-  
ბო, ხეს გამოაბა ბაგირი, სიათას სტაცა ხელი და, ერთი და ორი, მისცხო  
ტყვიები.

მაშინ კი, იცოცხლე, იკადრეს და, რამდენიც იყვნენ, სულ ტყაპატყუპით გადაცვივდნენ წყალში ბაყაყებივით.

ის კი უყვირის:

„აქეთ ნუ მოცურავთ, იმ ნაპირს მიაღექით, თორემ სულ იხეებივით ამოგუუჟავთ ყველას!“

რაო, ბიჭებო, ყოფილა ვაჟკაცი?

— კაი დაგემართოს — თქვეს ყაჩაღებმა, — ვაჟკაცი მართლა ეგა ყოფილა! მერე იმ გემს რაღა უყო?

— გემს რაღა უყო? დაიხვია ხელზე ბაგირი, თითქოს ქალაღდის ფრანის თამასა ყოფილიყოს, და თავთხელზე ამოათრია გემი.

— კარგი ერთი, თუ ძმა ხარ, პოლკანის ოდენაა ის დალოცვილი, თუ რა?

— არა, პოლკანის ოდენა არ არის. ტანად ჩემოდენაა, მეტი არა, ოღონდ მხრები კი ექნება ჩემზე განიერი!

— შენზე განიერი! ახლა მთლად ნუ აგვიგდებ, კაცო! მაშინ რა გამოდის, ვის ემგვანება, ჰა?

— ვის უნდა ჰგაედეს, ვაჟკაცს ჰგავს: თმაგაბურძმნული, შავწვერა, მხრებში ოღნავ მოხრილი, სახე ისეთი, უმარილოს რომ ეტყვიან, მაგრამ, სამაგიეროდ, თვალეში შეხედავ — და შიში დაგივლის!

— ნება შენია, ატამანო, ისე ლაპარაკობ იმაზე, თითქოს რაღაც საოცრება იყოს, ჩვენ კი მინცდამინც არ გუჯერა. რაც გინდა თქვი, და შენზე მამაცი არავინ გვინახავს ჯერ!

— ჩემი მჯობნი არ გინახავთ?! ანკი უმაგისოდაც რა გინახავთ, თქვე შტერებო! ჰოდა, იცოდეთ ახლა მინც, — გატხარებით განაგრძობდა პერსტენი, — იცოდეთ, რომ მასთან სახსენებელიც არ ვარ! კაცუნა ვარ, საცოდავი კაცუნა, და მეტი არაფერი!

— მერედა, რა ჰქვია იმ შენ გოლიათს?

— მისი სახელი, ძმებო, ერმაკ ტიმოფევიჩია!

— უყურე შენ, რა სახელი რქმევია! მერე ასე მარტოდმარტო, უძმაკაცებოდ დაეხეტება?

— არა, მარტო რად იქნება! თავისი სანაქებო ბრბოცა ჰყავს და ერთგული იასაულებიც. ოღონდ ესაა, გაურისხდა იმათ მართლმადიდებელი მეფე, თავისი რაზმი გაგზავნა ეოლგაზე და უბრძანა, სახსენებელიც არ დატოვოთ იმათიო, ზოლო ერთი იასაული რომ ყავთ, ივან კოლცო, იმას კი თავი წაჭერით და მოსკოვში ჩამომიტანეთო.

— მერე დაიჭირეს?

— კინაღამ დაიჭირეს მეფის კაცებმა კოლცო, ოღონდ თვალსა და

ხელს შუა გაუძვრა იმათ და ღვთივდანაბად ქვეყანაზე სახეტილოდ გადაიხვეწა. სად არის ახლა, სვედამწვარი, ღმერთმა უწყის, ოლონდ, მიგრძნობს გული, მალე კვლავ ვოლგაზე განდება! ვინც ერთხელ მანაც ყოფილა ვოლგაზე, სხვა მხარეს ვეღარ შეეთვისება!

დადუმდა ატამანი და ფიქრს მიეცა.

ყაჩაღებიც ფიქრში წავიდნენ. ვეება მკერდებზე დაჰქინდრეს შფოთიანი თავები და დადუმებულნი აწვალდნენ გრძელ უღვაშებსა და გაფარჩხულ წვერებს. ნეტავ რაზე ფიქრობდნენ იმ მდელაზე, უღრანი ტყის გულში შეხიზნული მამაკები? თავიანთ დადუქულ ყმაწვილკაცობაზე ან იმ დროზე ხომ არა, როცა ჯერაც პატიოსანი მეომრები და მშვიდობიანი მხენელ-მთესველები იყვნენ? ვერცხლებერ გაღვრილ დედავოლგაზე ან იმ საოცარ გოლიათზე ხომ არა, ვის ვაჟკაცობაზედაც პერსტენი უამბობდათ? თუ, ეს ყოველივე არც ახსოვდათ, და თვალწინ ედგათ ტრიალ მინდორზე ამართული ორად-ორი სვეტი და ზედ გადებული ძელი, რომელზედაც ყველა გაეარდნილი, თავზეხელაღებული კაცი ფიქრობდა მაშინ სევდის მძიმე წუთებში?

— ატამანო! — შეჰყვირა ერთმა ყაჩაღმა, რომელმაც პერსტენთან მიიბრინა და სულს ძლივს იბრუნებდა ქოშინისგან, — აქედან ასე ხუთიოჯ ვერსზე, რიაზანის გზაზე, ოციოდე ცხენოსანი გამოჩნდა, მდიდრულა იარაღი ასხიათ, სულ ოქრომკედით უელავთ ხიფთანები! ისეთი ბედაურები და სინიბები ჰყავთ, თითო ასი მანეთი და მეტიც ელირება!

— საით მიდიან? — ჰკითხა პერსტენმა და წამოხტა.

— აი ეს არის წყეული ტბისკენ გაუზვიეს. დავინახე თუ არა, მაშინვე აქეთკენ მოვკურცხლე, პირდაპირ გადმოვვროდი ჭაობზე და ტყე-ტყე.

— აბა, ბიჭებო! — შესძახა პერსტენმა, — გეყოფათ ახლა კოდალების სტვენა! ოცი კაცი გაემზადეთ, ჩემთან წამოხვალთ!

— შენ კი, კორშუნ, — ახლა მოხუც ყაჩაღს მიუბრუნდა და განაგრძო მან, — კიდევ ოცი სხვა შეარჩიე, დაბრეცილ მუხასთან ჩასაფრდი და გზა მოუჭერი იმათ, თუ, ვინიცობაა, ჩვენ დავაგვიანეთ. აბა, ცოცხლად აისხით იარაღი!

პერსტენმა კვერი აიქნია და თვალეები ააელვარა. ახლა ის მრისხანე მხედართუფროსს ჰგავდა, მისი მორჩილი ლაშქრის წინამძღოლს.

ყაჩაღებმა ერთბაშად გადაივიწყეს ადრინდელი თამამი ქცევა და ახლა უდრტვინველი მორჩილებით ასრულებდნენ მის ნება-სურვილს.

წამის უმალ ორმოცი ავაზაკი გამოეყო ბრბოს და ორ რაზმად გაიყო.

— ეი, მიტკა! — უთხრა კორშუნმა იმ კოლომნელ ყმაწვილს, — აჰა

შენ კომბალი, ჩვენთან წამოდი, და გაიჭაჭე რაც შეგიძლია, იქნებ გაზრახდე!

მიტკა ბრიყვულად გაიღმიჭა, გულგრილად გამოართვა მოხუცს უშველებელი ხელკეტი, მხარზე მოიგდო და ბლაყუნით მიჰყვა თავის რაზმს დაბრეცილი მუხისკენ.

მეორე რაზმმა კი, პერსტენის წინამძღოლობით, წყველ ტბას მიაშურა გამალებით, უცნობი მხედრებისთვის გზის მოსაჭრელად.

#### XIV თ ა ვ ი

### ს ი ლ ა შ ი

სწორედ იმ დროს, როცა მალიუტასა და ხომიაკს, ოპრიჩნიკთა რაზმის თანხლებით, წყველი ტბისკენ მიჰყავდათ უცნობი, სერებრიანი სუფრას უჯდა, ნება-ნება ცლიდა თასებს და მეგობრულად საუბრობდა გოდუნოვთან.

— ჩემო ბორის, — ეუბნებოდა სერებრიანი, — ნეტავ რა შეემთხვა მეფეს წუხელ? რა იყო, მთელი სლობოდა რომ წამოიშალა შუალამისას? თუ ასეთი ამბავი ხშირია თქვენთან?

გოდუნოვმა მხრები აიჩეჩა.

— დიდი ხელმწიფე, — თქვა მან, — ხშირად ნანობს თავის ორგულთა სიკვდილით დასჯას და დასტირის მათ, ხშირად ლოცულობს მათი სულის საცხოვნებლად. ხოლო ღამით რომ გვიხმო ლიტანიასზე, ეგ სულაც არ არის გასაკვირი. თვითონ ვასილი დიდი ამბობს გრიგოლ ნაზიანზელისადმი თავის მეორე ეპისტოლეში: რაიც სხვებისთვის დილა, ღვთისმოსაობასა შინა მაშვერალათთვის შუალამეო. ღამის სიმყუდროვეში, როცა არც თვალი, არც ყური გულთან ახლოსაც არ აკარებს ავსა და ბოროტს, კაცის გონებას ღმერთთან ყოფნა მართებს.

— ბორის ფიოდორიჩ! მქონია შემთხვევა და მინახავს წინათ, როგორ ლოცულობდა მეფე; მაშინ ასე როდი იყო. ახლა ყველაფერი უკულმართადა. ამ ოპრიჩნიკისაც ვერაფერი გამიგია. ეგენი მონაზვნები კი არა, ყაჩაღები არიან. ორიოდე დღეა მოსკოვს დავბრუნდი, მაგრამ უკვე იმდენი სიაკვაცე შევიტყვე და ვიხილე, ვერც დაიჯერებ კაცი. როგორც ჩანს, გრძნებით შეკრეს ხელმწიფე. აი, შენ, ჩემო ბორის, ახლოს ხარ მასთან, უყვარხარ კიდევ, რა იქნება, ოპრიჩნიკაზე რომ გადაუკრა ერთი-ორი სიტყვა?

გოდუნოვს ღიმილი მოჰკვარა სერებრიანის გულუბრყვილობამ.

— მეფე ყველასადმი მოწყალეა, — მოჩვენებითი თვინიერებით თქვა მან, — და მეც იმაზე მეტ პატივში ვყავარ, ვიდრე ღირსეარ. რას ეშვანება, ხელმწიფის საქმეთა განსჯა რომ დავიწყო, მეფეს ჭკუის სწავლება რომ შევბედო. ხოლო ოპრიჩნინა კი ძნელი მისახვედრი არ არის: მთელი ქვეყანა ხელმწიფისაა, ჩვენ ყველანი კი მისი ღიღობის ქვეშევრდომნი ვართ; რასაც ხელმწიფე თავისთვის მიითვლის, მისია, ხოლო რასაც ჩვენ გვიწყალობებს, ჩენია; ვისაც თავისთან ყოფნას უბრძანებს, მასთან ახლოს არის, ხოლო ვისაც არ უბრძანებს, მისგან შორს არის. აი ესაა სულ ოპრიჩნინა.

— ჰო, ჩემო ბორის, როცა ასე ლაპარაკობ, კაცი იფიქრებს, უჩვეულო არაფერია ამ ამბავშიო, ნამდვილად კი ასე როდია. ოპრიჩნიკები თათრებზე უარესად არბევენ და აწიოკებენ ზემშჩინას. დაუსჯელად დათარეშობენ. ლამის დაღუპონ მთელი ქვეყანა! გეთქვა ეს მეფისთვის. შენ ნამდვილად დაგიჯერებდა!

— თავადო ნიკიტა, ბევრი ბოროტება ხდება ამ ქვეყნად. ადამიანები იმიტომ კი არ ღუპავენ ერთმანეთს, რომ ერთი ოპრიჩნიკია და მეორე ზემშჩინელი, არამედ იმიტომ, რომ ერთიცა და მეორეც ადამიანები არიან! ვთქვათ, ვუთხარი მეფეს; მერე რა გამოვა აქედან? ყველანი მე ამიმხედრდებიან, და თვითონ მეფეც მე შემომწყურება!..

— მერე რა? დაე შემოგწყურეს, სამაგიეროდ, პატიოსნად მოიქცევი, სიმართლეს ეტყვი!

— თავადო! სიმართლის თქმა ადვილია, მაგრამ კაცმა უნდა იცოდეს, სად და როგორ თქვა. მეფის ურჩობა რომ დამეწყოს, დიდი ხანია აქ აღარ ვიქნებოდი, ხოლო მე რომ არ ვყოფილიყავი, ვინ გიხსნიდა გუშინ თავსაკვეთი კუნძისგან?

— რაც მართალია, მართალია, ჩემო ბორის, ღმერთმა კარგად გამყოფოს, დაღუპვა არ ამცდებოდა უშენოდ!

გოდუნოვმა იფიქრა, ჩემს სიმართლეში დავარწმუნე თავადიო.

— აი, რა, თავადო, — განაგრძო მან, — კარგია სიმართლისთვის ღგობა, ოღონდ, ვაი რომ მარტოხელა კაცი ჭამაშიც ბრალია. რას იზამდი, მაგალითად, ორმოცი ქურდი რომ შენს თვალწინ სცემოდა მოსაკლავად უდანაშაულო კაცს?

— რას ვიზამდი? ცხადია, რასაც ვიზამდი: ვიშიშვლებდი ამ ჩეკხმალს, დავერეოდი ორმოცივეს და მანამ ვჩეხავდი, სანამ ღმერთს არ მივაბარებდი სულს!

გოდუნოვმა გაკვირვებით შეხედა თავადს.



— ჰოდა, მართლაც მიაბარებდი, თავადო, — უთხრა მან, — მეხუთე, დიდი-დიდი მეთე ქურდზე, დანარჩენები კი მაინც მოკლავდნენ იმ უღანაშუალო კაცს. არა, ისევე ის სჯობს, ხელი არ ახლო იმათ, თავადო; ხოლო როცა მსხვერპლის გაძარცვას შეუდგებიან, მაშინ კი დასძახო: სტეპკომ მიშკაზე მეტი ჩაიჯიბაო და, იცოცხლე, თვითონვე დალადრიან ყელს ერთი-მეორეს!

სერებრიანის არ მოეწონა მისი პასუხი. გოდუნოვმა შენიშნა ეს და საუბარი სხვა ამბავზე გადაიტანა.

— ოჰო, — თქვა მან, თან ფანჯარაში იცქირებოდა, — ნეტავ ვინ არის კისრისტეხით რომ მოაჭენებს ცხენს? აბა, გაიხედე, თავადო, თუ არ მეშლება, ეგ შენი ჯილავდარი უნდა იყოს?

— არა მგონია! — მიუგო სერებრიანიმ, — ის ამ დილით დამეთხოვა და სალოცავად წავიდა აქედან ოციოდ ვერსზე...

მაგრამ კარგად რომ დააკვირდა ცხენოსანს, თავადმა მართლაც მიხეიჩი შეიცნო. მოხუცს მკვდრისფერი ელო. უბელო ცხენზე იჯდა. ეტყობა, სიჩქარეში უანგარიშოდ მოახტა ზურგზე, ახლა კი წესი და თავაზიანობაც დაეიწყებოდა, ისე შემოიჭრა ეზოში და ზედ სადარბაზოს ფანჯრებთან მიაგლო ცხენი.

— ბატონო, ნიკიტა რომანიჩ! — შორიდანვე მოაყვირა მან, — შენ აქ პურ-მარილს შეექცევი, განცხრომაში ხარ, და უბედურება რომ არის ჩვენს თავს, არ იცი? აგერ ახლა, იმ ეკლესიას იქით, მალიუტა სკურატოვს და ხომიაკს გადავეყარე; ცხენებით მოდიოდნენ, შუაში კი გათოკილი მოჰყავდათ, შენ გგონია, ვინ? თვითონ ბატონიშვილი! თვითონ ბატონიშვილი, თავადო! შავი ყაბალახი მოუხვევიათ მისთვის, შეჩვენებულებს, მაგრამ ქარმა მოუფრიალა ის ყაბალახი და, ღმერთო დიდებულო, მაშინვე ვიცანი ბატონიშვილი! თვალებით ისეთნაირად შემომხედა, თითქოს შევლას მთხოვსო, მალიუტა კი, მგლის კბილი იმას, მაშინვე მიუხტა და ისევე ჩამოაფხატა ყაბალახი სახეზე!

სერებრიანი ფეხზე წამოიჭრა.

— გესმის, გესმის, ბორის ფიოდოროვიჩი! — შეჰყვირა მან და თვალელები დააკვესა. — ახლაც ველოდოთ, როდის დაერევიან ქურდები ერთი-მეორეს? — და ის კიბეზე დაეშვა.

— მომეცი ცხენი! — შეჰყვირა და ავშარა გამოსტაცა მიხეიჩის.

— აჰ, ღმერთო მომკალი, — უთხრა მიხეიჩმა, — ეგ ცხენი რა საშენოა, ბატონო, ეგ საჯაგვე ცხენია, უნაგირიც არ ადვას... როგორ იქნება ამნაირი ცხენით მეფესთან წასვლა?..

მაგრამ თავადი უკვე მოეწეო ცხენს და, მეფესთან კი არა, მალიუტას კვალზე გაფრინდა...

არის ერთი ძველი სიმღერა, შესაძლოა, იოანეს დროინდელი, რომელიც თავისებურად აღწერს ამ ამბავს:

როცა აგებდნენ ქვა-კირით მოსკოვს,  
იწყო მეფობა ხელმწიფე ივან ვასილევინმა,  
მან შეუტია ქალაქ ყაზანსა,  
ქალაქ ყაზანსა და ასტრახანსა;  
აილო გზაზე ჩაუღოთ ყაზანი,  
ტყვედ ჰყო ხელმწიფე და ღედოფალი;  
მოლაღატენი გაუუჟა ფსკოეში,  
გაუუჟა ფსკოეში და ნოვგოროდში.  
მაგრამ როგორღა ამოძირკევას დაღატს მოსკოეში?  
და უთხრა მაშინ მალიუტამ, აჟმა სკურლატოვიჩმა:  
„ეჰ, ბრალი შენი, ხელმწიფეე ჩემო!  
კერ ამოძირკევე შენს ღდეში დაღატს!  
შენი მოქიშე შენს წინ ნებიერობს,  
შენივე ჯამიდან საკმელს მხირთმეგს,  
შენივე თასიდან სეამს ღვინოს იგი  
და შენს შესაფერ სამოსს ატარებს!“  
და ყოეელივეს მყის მიხედა მეფე.  
ბატონიშვილზე განრისხდა მაშინ:  
„ჰე, თავადებო, ბოიარებო!  
ყრმა ბატონიშვილს წააეღეთ ხელი ქათქათა ხელზე,  
ჩააცვით იმას შაეი სამოსი  
და მყრალ ჭაობში ჩააეღეთ იგი,  
ჩააეღეთ იგი იმ წყეულ ტბაში  
და შიგ ჩაჰკალით, ჩაჰკალით სწრაფად!“  
ბოიარებმა კერ გაბედეს და გაიფანტნენ,  
და მალიუტამ, აეკაცმა, მარტომ  
ყრმა ბატონიშვილს გაუკრა ხელი,  
ჩააცვა ტანზე შაეი სამოსი  
და გააქროლა იმ მყრალ ჭაობთან,  
და მიიყვანა იმ წყეულ ტბასთან.  
მაშინ ნიკიტა რომანიჩის მსახური უმაღ  
შეჯდა საჯაგვე ცხენზე, წყლისმზიღზე,  
და მყის ნიკიტა რომანიჩთან მიიჭრა იგი:  
„ჰეი, ნიკიტა რომანიჩ, შენ აქ  
ხარ განცხრომასა და სმა-ჰამამში,  
ის კი არ იცი, უბედურება თაეს რომ დაგვატყვდა?  
ციღან ვარსკვლავი წყდება ბედისა,  
ქრება ნათელი ცვილის სანთლისა,  
არ გვეფოლება ბატონიშვილი!“  
მაშინ ნიკიტა რომანიჩი მსახურის ცხენზე,  
საჯაგვე ცხენზე ამხედრდა სწრაფად,  
და გააჭენა იმ ჭაობისკენ,  
ქროლვით გასწია იმ წყეულ ტბისკენ.

და მალიუტას გააწნა ხილა;

„შენ, მალიუტა, მალიუტა სკურლატოვინო,  
რომ ავიღა, საშენოა განა ეგ ლუკმა? –  
ყელს დაგადგება, დაგახრობს იგი!“

ეს სიმღერა იქნებ არც შეესაბამებოდეს ნამდვილ ამბებს, მაგრამ, სამაგიეროდ, იმ საუკუნის სულს შეესაბამება. კანტიკუნტად და ბუნდოვნად აღწევდა ხალხის ყურამდე ცნობები იმაზე, რაც მეფის კარზე ან მეფის მახლობელთა წრეში ხდებოდა, მაგრამ იმ დროს, როცა წოდებები ჯერაც არ იყვნენ ზნე-ჩვეულებით გამიჯნულნი და ერთიმეორისგან განთიესებულად არ ცხოვრობდნენ, ეს ცნობები, დამახინჯებულნიც კი, ნამდვილის საზღვრებს არ სცილდებოდნენ და საზოგადო ცხოვრებისა და საზოგადო წარმოდგენების დასს ატარებდნენ.

მართლაც ისეთი იყავი თუ არა, თავადო ნიკიტა, რანაირიც წარმომიდგენიხარ, – ეს მხოლოდ კრემლის კედლებმა და მოსკოვის გარემოთა საუკუნოვანმა მუხებმა უწყიან! მაგრამ შენ სწორედ ასე წარმომესახე მშვიდი ოცნების საათში, საღამო ჟამს, როცა მინდვრებს წყვდიადი ეუფლებოდა, შორით შფოთიანი დღის ხმაური ცხრებოდა, ხოლო მახლობლად ყოველივე მდუმარებდა და მხოლოდ ქარი დაშრიალებდა ფოთლებში, მხოლოდ კრაზანა დაბზუოდა სიბნელეში. ამ სიმშვიდის ჟამს ნაღველად და ტკივილად მეღვრებოდა სულში სამშობლოს სიყვარული, წყვდიადით დასშული მხედველობის სანაცვლოდ თითქოს რაღაც შინაგანი, საუკუნეთა მანძილების გადამლახველი თვალისჩინი მიჩნდებოდა არსებაში და ცხადად მეკლინებოდა ბურუსიდან ჩვენი მწარე და სახელოვანი წარსული. ასეთი წარმომესახე, თავადო ნიკიტა, ცხადად დაგინახე მალიუტას მადევრად ცხენით მიმქროლავი, და მეც მაგ შენს საშინელ დროში გადმოვინაცვლე, რომელშიც არაფერი იყო შეუძლებელი.

დაავიწყდა სერებრიანის, უხმლოდ და უდამბაჩოდ რომ იყო, და არც იმას ნაღვლობდა, საჯაგვე ბერკეციზე რომ იჯდა. ეჰ, დროს რა ეუთხარ, თორემ ოდესღაც ისიც სანაქებო ბედაური იყო; თითქმის ოც წელს იმსახურა ღირსეულად ომშიცა და ლაშქრობებშიც; მაგრამ სიბერეში მოსვენება მაინც არ ეღირსა; მხოლოდ წყალსაზიდრის უღელი, დამპალი თივა და შოლტის ცემა მოიმიკა ყველაფრის ჯილდოდ!

ახლა მან გულოვანი მხედარი დაიგულა ზურგზე და ოდინდელი დღეები გაიხსენა, როცა მამაც ვაჟკაცებს დააქროლებდა მრისხანე ბრძოლებში და საუკეთესო ქერით კვებავდნენ, თაფლწყალს ასმევდნენ. ბერკეციმა წითელი ნესტოები დაბერა, კისერი წაიგრძელა და მალიუტა სკურატოვის კვალზე გაფრინდა.

მალიუტა კი უღრან ტყეში მიჰქრის თავისი ოპრიჩნიკებითურთ. წყე-  
ული ტბისკენ აჩქარებს მათ, თან ყაბალახს უსწორებს ბატონიშვილს,  
რომ ოპრიჩნიკებმა ვერ შეიტყონ, თუ ვინ მიჰყავთ სასიკვდილოდ: ეს  
რომ შეეტყოთ, მიატოვებდნენ მალიუტას, თავის ტყავს გადაირჩენდნენ.  
მაგრამ ოპრიჩნიკებს უბრალო ვინმე ჰგონიათ ხომიაკსა და მალიუტას  
შუა მქროლავი მხედარი და მხოლოდ ის უკვირთ, ასე შორს რომ მიჰ-  
ყავთ დასასჯელად.

მალიუტა ოპრიჩნიკებს აჩქარებს, ტაიჭებზე წყრება, მათრახით უჭ-  
რელებს გაქაფულ ცხენებს ღონიერ გავებს.

— უჰ, თქვე მგლის კერძებო, ქერის ტომრებო! ნეტამც მეფემ არ გა-  
დაიფიქროს, ნეტამც მღევრები არ დაგვაღვენოს!

ავაკცი მალიუტა უღრან ტყეში მიჰქრის, მალლიდან ჩიტები გად-  
მოჰყურებენ, კისერწაწვდილნი, თავზე შავი ყორნები დასტრიალებენ —  
უკვე ახლოს არის წყეული ტბა!

— ჰეი, — ხომიაკს ეუბნება მალიუტა, — მგონი უცხო ნალების თქარა-  
თქური მოისმის უკან!

— არა, — მიუგებს ხომიაკი, — ჩვენი ცხენების თქარუნი ისმის ტყეში.  
და მალიუტა უფრო გაშმაგებული აჩქარებს ოპრიჩნიკებს, უფრო  
ხშირად სცხებს მათრახს ტაიჭთა ღონიერ გავებს.

— ჰეი, — ეუბნება იგი ხომიაკს, — მგონი ვილაც მოგვეძახის უკან!

— არა, — მიუგებს ხომიაკი, — მხოლოდ ჩვენი ხმის ექო მოგვესმის.  
და მალიუტა კვლავ ტაიჭებზე ბრაზობს.

— უჰ, თქვე მგლის კერძებო, ქერის ტომრებო! ნეტამც მღევრები არ  
დაგვაღვენონ!

უეცრად მალიუტას უკანიდან შემოესმა:

— შეჩერდი, გრიგორი ლუკიანიჩ!

სერებრიანი უკვე ზურგში მოჰყვებოდა სკურატოვს. არ უღალატა  
თავადს საჯაგვე ბერკეიცმა, წყლისმზიდავმა.

— შეჩერდი, მალიუტა! — გაიმეორა სერებრიანიმ, ამასობაში წამო-  
ეწია კიდეც და დეკაცის ხელი ლეწა სახეში.

საშინელი იყო თავადის გარტყმა. სილაქმა ისეთი ხმა გამოსცა, თით-  
ქოს სიათა გავარდნილიყოს; ტყემ დაიგუგუნა, ხეებს ფოთლები დას-  
ცვივდა; ნადირნი შლიგინით შეცვივდნენ ტვერში; თვალეზადმოკარ-  
კლული ბუები ფუღუროებიდან გამოფრთხილდნენ; გლეხებმა კი, იმ  
არემარიდან მოშორებით ლაფნის საძროხად რომ გამოსულიყვნენ, ერთ-  
მანეთს გადახედეს და გაკვირვებით თქვეს:

— ოპო, რამოდენა ლაწანი გაისმა! ნეტავ ბერმუხა ხომ არ გადატყდა წყეულ ტბაზე?

მალიუტა უნაგირიდან გადმონარცხა. სერებრიანის საბრალო ბერკეიცმა წაიფორხილა, მიწაზე დავარდა და სული განუტევა.

— მალიუტა! — შეჰყვირა თავადმა და ფეხზე წამოხტა, — ეგ საშენო ლუკმა ნუ გგონია! ეგ ლუკმა დაგახრჩობს!

ამის თქმაზე სკურატოვის ხმაღს მისწვდა, ქარქაშიდან ამოიტაცა და გაიმაღლა, რომ თავი გაეპო ავკაცისთვის.

უეცრად სერებრიანის თავზე მეორე ხმაღმა გაიშხულია. მატყვი ხომიაკი თავისი ბატონის საშველად მოფრინდა. მალიუტას ჯილავდარი და თავადი ხმაღლახმაღ შეებნენ ერთმანეთს. სერებრიანის ხმაღამოწვდილმა ოპრიჩნიკებმაც შემოუტიეს, მაგრამ ხეებმა და ხერგილმა დაიფარეს თავადი, არ დაანებეს მტერს ერთბაშად შემოხვეოდნენ ირგვლივ.

„ჰაი დედასა, — ფიქრობდა თავადი, თან დარტყმებს იგერიებდა, — ეტყობა, ისე მოვკვდები, ვერ გადავარჩენ ბატონიშვილს! ეჰ, ნახევარ საათს მაინც გამაძლებინებლეს უფალი ღმერთი, ეგებ მშველელიც გამოჩენილიყო საიდანმე!“

ამის გაფიქრება ძლივს მოასწრო, რომ გამაყრუებელი სტვენა გაისმა ტყეში; მას ხმამაღალი ყიფინით გაეპასუხნენ. ერთი ოპრიჩნიკი, რომელსაც უკვე ხმალი მოეღერებინა სერებრიანისთვის, ზღართანით დავარდა თავგაპობილი, მის გვამზე კი ვანიუხა პერსტენი აიძართა მრისხანედ შემართული გასისხლიანებული კვერით. იმავე წამს ყაჩაღება მგლების ხროვასავით შეესივნენ მალიუტას მსახურებს, და ხელჩართული ბრძოლა გააჩაღეს. იცოცხლე, უნდოდა მალიუტას მწყობრად შეეტია თავისიანებით და აეჩხა მტერი, მაგრამ ვაი რომ საძრაობა არსაით იყო, სულ ტყე და ხერგილი აჩხორილიყო გარშემო. ბევრი ოპრიჩნიკი დაეცა ადგილზევე, მაგრამ სხვები მალე გამოერკვნენ. ჰაი-და! — შეჰყვირეს და გადასათქერად შემოუტიეს მამაც ტყის შვილებს. თვითონ პერსტენი ხელში იყო დაჭრილი და უკვე ადრინდულად ვეღარ ატრიალებდა კვერს. მაგრამ ამ დროს ტყეში კვლავ გაისმა სტვენა.

— გამაგრდით, ბიჭებო! — შესძახა პერსტენმა, — გესმით, კორშუნ პაპა მოდის საშველად!

სიტყვის დამთავრებაც ვერ მოასწრო, რომ კორშუნი თავისი რაზმით დააცხრა ოპრიჩნიკებს, და დაიწყო შმაგი ბრძოლა, ჭიდილი, სისხლისღვრა უწყალო და დაუნდობელი.

უჭირდათ მხედრებს ტყეში ქვეითების პირისპირ დგომა. ცხენები

ყალბზე დგებოდნენ, ყირამალა ენარცხებოდნენ და მხედრებსაც ქვეშ იყოლიებდნენ. ილაჯგაწყვეტილი ოპრინიკები სასიკვდილო თავგამეტებით იგერიებდნენ თავდამსხმელთ. ზომიაკის ხმალი გრიგალივით სტვენდა, მის თავს ზემოთ ელვასავით კრთებოდა ფოლადი.

უეცრად მთელი ეს ზედახორა როგორღაც შეიძრა და შეტორტმანდა. ზორზოხა მიტკა ბრბოს მოარღვევდა, პირდაპირ ზომიაკისკენ მოიწვევდა და განურჩევლად ანარცხებდა იქით-აქეთ მტერსაც და თავისიანებსაც. მიტკამ თავისი საცოლოს მომტაცებელი იცნო. მან კეტი დაიორჩხელა, მალა შემართა და გამეტებით მოუქნია თავის მოძულეს. ზომიაკი უკან გახტა და კეტი ცხენს მოხვდა. თავგახეთქილი ბედაური უსულოდ დავარდა მიწაზე, კეტი კი გადატყდა.

— დამაცა! — თქვა მიტკამ და მთელი სხეულით გადაემხო ზომიაკს, — ახლა ველარსად წამიხვალ!

ბრძოლა გარდაწყდა. მტერი უკვე აღარ ჩანდა, ყველა ოპრინიკი მოკლული ეგდო, მხოლოდ მალიუტამ უშველა თავს ფეხმარდი ბედაურიით.

ყაჩაღებმა თავისიანებიც მოიკითხეს და ბევრი ველარ იხილეს ცოცხალთა შორის. თვითონაც ბევრი ამხანაგი დაჰკარგეს.

— აი... — თქვა პერსტენმა და სახეზე ოფლის მშრალეებით მიუახლოვდა სერებრიანის, — აი, თავადო, სად შეგვახვედრა ბედმა!

ჯერ კიდევ მაშინ, როცა პირველად გამოჩნდნენ ყაჩაღები, სერებრიანი ბატონიშვილთან მიიჭრა და ბრძოლის ადგილს გაარიდა მისი ცხენი; ბატონიშვილი უნაგირზე იყო მითოკილი. სერებრიანიმ ხმლით გადაჭრა თოკები, ბატონიშვილს ცხენიდან გადმოსულა უშველა და პირზე აკრული თავსაფარი შეხსნა. სანამ ზოცვა-ჟღელტა გრძელდებოდა, ნიკიტა რომანოვიჩი ნაბიჯზედ არ მოშორებია მას და საკუთარი სხეულით იცავდა.

— ბატონიშვილო, — უთხრა სერებრიანიმ, რაკი დაინახა, რომ ავაზაკები უკვე მკვდრების ძარცვას შეუდგნენ და გაქცეულ ცხენებს გამოუდგნენ დასაჭერად. — ბრძოლა დამთავრდა, შენს ავისმლომლებს მუსრი გაავლეს, მხოლოდ მალიუტამ უშველა თავს, მაგრამ, გული მეუბნება, არც იმას დაადგება კარგი ღლე, როცა ხელმწიფე-ბატონი მის მოძებნას ბრძანებს!

ბატონიშვილის სახელის გაგონებაზე პერსტენმა უკან დაიხია.

— როგორ? — წარმოთქვა მან, — ეგ თვითონ ბატონიშვილია? ხელმწიფის ვაჟი? აი თურმე ვისი გადარჩენა გვარგუნა ღმერთმა! აი თურმე ვინ მოჰყავდათ გათოკილი იმ ძაღლებს!

და ატამანი მუხლებში ჩაუვარდა ყმაწვილ იოანეს.

მისი იქ ყოფნის ამბავი სწრაფად მოედო ყაჩაღებს. ყველამ მიატოვა მოკლულთა ჯიბეების ქექვა და მოვიდნენ, რომ თაყვანი ეცათ ბატონი-შვილისთვის.

— მადლობელი ვარ თქვენი, კეთილო ხალხო! — აღერსიანად, მისთვის ჩვეული ამპარტაუნობის გარეშე თქვა ბატონიშვილმა იოანემ, — ეინც არ უნდა იყოთ, მადლობელი ვარ თქვენი!

— რას ბრძანებ, ხელმწიფეო! — მიუგო პერსტენმა, — ჰაი დედასა, ის რომ მცოდნოდა, შენ მოყავდით, ორმოცს კი არა, ორ ასეულ მამაცს მოვიყვანდი; მაშინ კი ველარ დაგვიძვრებოდა ის სკურლატინი; ცოცხალს შევიპყრობდით და შენ თვალწინ ვაჩვენებდით თავის სეირს. თუმცა, დაგვაცა, მგონი მისი ჯილაგდარი უნდა გეყავდეს აქ; მე და ის ვაჟბატონი ძველი ნაცნობები ვართ, პოდა, ნათქვამია, თუ არ გქონდეს ხაეიწიო, პური მარილს დააწეო... ეი, მამაცო, შენ გყავს ის ძაღლი თუ სადაა?

— აქა მყავს! — უპასუხა მიტკამ, რომელიც პირქვე გაწოლილიყო და ზედ დამხობოდა თავის მსხვერპლს.

— მოიყვა ეგ აქ, ნუ გეშინია, ველარსად წაგვივა! თქვენ კი, ძმებო, ერთი კოცონი გააჩაღეთ მაგის დასაკითხად და თოკი მოამზადეთ, ან არადა, კიდევ უკეთესი, აეშარის საბელი შეაჭერით აგერ იმ ცხენს.

მიტკა წამოდგა. მის ქვემოდან ზორბა ჯვეელი წამოხარბაცდა. მაგრამ როგორც კი სახით ყაჩაღებისკენ მობრუნდა, ყველამ გაოცებით შესძახა:

— ხლოპკო! — გაისმა ყოველი მხრიდან, — ეგ ხომ ხლოპკოა! ერი-პა-ა, ხლოპკო გაუგუდია ოპრიჩნიკის მაგიერ.

მიტკა პირდაღებული შეჰყურებდა მას.

ხლოპკო სულს ძლივს იბრუნებდა.

— ბიჭოს, — ჩაილაპარაკა ბოლოს მიტკამ, — შენ ამომადვიხარ ქვეშ? რატო ხმა არ ამოიღე, ნეტავი?

— აბა რანაირად ამომელო ხმა, როცა ზედ ყელზე მაჯექი, შე სელაპო, შენა! ფუი!

— კი, მარა, რატო მომხვდი ხელებში?

— რატო! რატო! იმ ცხენს რომ ლეწე შუბლში, შე დათვო, მისი მხედარი მე გადმომემხო, შენ კი, ბედოვლათო, იმის მაგიერ მე შემეჯექი და, არიქა, ოპრიჩნიკი მოვიგდე ხელთო, სიხარულით სულ გამოლენჩდი და კინაღამ დამახრჩე!

— უყურე შენ! — თქვა მიტკამ, — რა მომსვლია! — და კეფა მოიქექა.

ყანალებს ხარხარი აუტყდათ. თვითონ ბატონიშვილსაც გაედიმა. ხომიაკი ველარსად იპოვეს.

— რაღას ვიზამთ, — თქვა პერსტენმა, — ჩანს, არ დამღვარა ჯერ მისი საათი, საწყენი კია, ღმერთმანი! ეჰ, რაც მოხდა, მოხდა, კიდევ გვაღირსებს ღმერთი მასთან შეხვედრას და მაშინ ველარსად წაგვივა! ახლა კი ნება დამრთე, ხელმწიფო, გზამდე მიგაცილო ჩემი ბიჭებით. მრცხვენია შენტან, ხელმწიფო! არც უნდა მღირსებოდა მე, ცუდმად კაცს, შენს მოწყალეებასთან ლაპარაკი, მაგრამ აბა სხვა რა გზა არის, უჩემოდ აქედან თავს ვერ გააღწევ!

— აბა, ბიჭებო, — განაგრძობდა პერსტენი, — გაემზადეთ, სამშვიდობოს გავიყვანოთ მისი მეფური მოწყალეობა. შენ, თავადო, — განაგრძობ მან და სერებრიანის მიუბრუნდა, — შენ აგერ ამ ცხენზე შეჯექი, მე კი ჩემთვის, ასე იყოს, ამას ავიყვან. შენ, ძია კორშუნ, მგონი, ფეხით სიარულს ამჯობინებ, შენ კი, მიტკა, მით უმეტესად!

— აბა კი! — თქვა მიტკამ და ფაფარში წაეტანა ერთ-ერთ ცხენს, რომელიც ზორზოხას ხელის წავლებამ გვერდზე გადააქანა. — მეც დავჯდები!

მან უზანგისკენ აიშვირა ფეხი, ერთხანს იცოდავილა მის მოსახელთებლად, მერე ისევ მუცლით შეაბობდა ტაიჭს, რამდენიმე საუენი ასე იარა ჩორთით და, ბოლოს, ძლივსძლივობით გადააჯდა უნაგირს.

— აჩუ! — შესძახა გახარებულმა, თან ფეხებს ატლინკავებდა და ზემო-ქვემოთ იქნედა იდაყვებს.

მთელი ბრბო ბატონიშვილს შემოერთყა გარშემო და ტყიდან დაიძრა. კარგა ხნის შემდეგ, როცა უკვე მინდორი გამოჩნდა, ზოლო შორით ალექსანდრეს სლობოდის ჭრელაჭრულა სახურავები ალაპლაპდა, პერსტენი შეჩერდა.

— ხელმწიფო, — თქვა მან და ცხენიდან ჩამოხტა, — აი შენი გზა, შორით კი სლობოდაც მოჩანს. ამას იქით ჩვენ აღარ შევშვენით შენს მეფურ მოწყალეებას მხლებლებად. თანაც აგერ, გზაზე, მტვრის კორიანტელი დგება, ალბათ, მხედრიონი გვიახლოვდება. ნახვამდის, ხელმწიფე-ბატონო, ნუ გაგვიწყრები, რას იზამ, ჩვენს უნებურად შეგვახვედრა გამჩენმა ღმერთმა!

— მოითმინე, მამაცო! — უთხრა ბატონიშვილმა, რომელსაც, რაკი საფრთხემ ჩაიარა, კვლავ უბრუნდებოდა ადრინდელი უჯიათი საქციელი. — მოითმინე, მამაცო! ჯერ ეს მითხარი, რომელი ბოიარის გვარისა ხარ, ოქროქსოვილი ზუბუნი რომ ჩაგიცვამს?

— ხელმწიფო, — მორიდებით უპასუზა პერსტენმა, — ბლომად ვართ



ამ ტყეში უსახელო-უპატიო ბოიარები, ბლომად ვართ უგვარტომო თავადები. ჰოდა, ვიცვამთ იმას, რაც ღმერთმა ჩვენთვის გამოიმეტა!

— მერე არ იცი, განა, — მკაცრად განაგრძო ბატონიშვილმა, — შენნაირ თავადებს მოედნებზე რომ უდგამენ მაღალ სასახლეებს და შენ თვითონაც მაგ ზუბუნად არ ღირხარ? დღეს ჩემთვის ეგ სამსახური არ გაგეწია, იმ მხედრონს ვუბრძანებდი გაეთოკეთ ყველანი და სლობოდაში ჩამოერეკეთ. მაგრამ დღევანდელი ამბის სამაგიეროდ შენს ავაზაკურ ცოდვათა მიტევებას გპირდები და მამა-ხელმწიფეს შევავედრებ შენს თავს, თუ მონანიებით ეახლები და ქედს დაიდრეკ მის წინაშე.

— მაღლობა მაგ ალერსისთვის, ხელმწიფეო, დიდი მაღლიერი ვარ შენი; ოღონდ ჯერ არ დამდგარა იმის დრო, მონანიებით ვეახლო მეფეს. მძიმე ცოდვები მაქვს ღვთის წინაშე, დიდი დანაშაული მიმიძღვის ხელმწიფესთან; არა მგონია, მაპატიოს ახლა მეფე-ბატონმა, მაგრამ თუნდაც მაპატიოს, რა ექნა, ამხანაგებს ვერ მივატოვებ!

— ოჰო! — გაიოცა ბატონიშვილმა, — მამ შენ არ გინდა ქურდობის მიტოვება, როცა თავად გპირდები, ხელმწიფეს შევავედრებ-მეთქი? ჩანს, შარავზეზე ხალხის ძარცვა უფრო სარფიანია, ვიდრე პატიოსნად ცხოვრება?

პერსტენმა შავ წვერზე ჩამოისვა ხელი და ეშმაკური ღიმილით გამოაჩინა მოელვარე თეთრი კბილები, რისგანაც მისი ისედაც ნამზეური სახე კიდევ უფრო შავგვრემანი გამოჩნდა.

— ხელმწიფეო! — უთხრა მან. — მისთვის დაძრწის ცხვართან მგელი, მეცხვარეს არ დაეძინოს! მე კი ვერც მხედრულ მწყობრს ვეთვისები და ვერც სავაჭრო საქმეს. ნახვამდის, ხელმწიფეო; ავერ უკვე მტვერიც აქეთ მოიწევს. დროა უკან გავბრუნდეთ. თევზი ღრმა წყალს ეძებს, ჩვენი ძმა კი — საიმედო საფარს!

და პერსტენი ბუჩქებში გაუჩინარდა, თან ცხენიც წაიყვანა. ყაჩაღები ზედიზედ მიიმალნენ ხეებს შორის, ხოლო მარტოდ დარჩენილი ბატონიშვილი და სერებრიანი სლობოდისკენ წავიდნენ და მალე შეხვდნენ ცხენოსანთა რაზმს, რომელიც ბორის გოდუნოვს მოჰყავდა.

რა ყოფაში იყო მეფე მთელი ამ ხნის განმავლობაში? მოუესმინოთ, რას ამბობს სიმღერა და როგორ გამოხატავს იმ საუკუნის ხალხურ წარმოდგენებს.

ბრძანა ივანემ, მრისხანე მეფემ:

„თქვენ, თავადებო, ბოიარებო,

ჩაიცვით შავი ტანისამოსი,

ციხკრის ლოცვაზე წადით, ისმინეთ

იქ პანაშვილი ბატონიშვილზე,  
 თორემ სუყველას მოგზარშავთ ქვაბში!“  
 ბოიარები შეიპყრო შიშმა,  
 ჩაიცივეს შავი ტანისამოსი,  
 მიდიან ჩქარა, რომ მოისმინონ  
 იქ პანაშვილი ბატონიშვილზე.  
 ამ ღროს ნიკიტა რომანოვიჩი  
 ეოილა ფერად ტანისამოსით,  
 თან მოიყვანა ბატონიშვილი  
 და მოაფარა სამლოცველოს კარს.  
 და მას შესძახა მრისხანე მეფემ:  
 „ეჰა, ნიკიტა რომანოვიჩო,  
 რა ამბავია, ხომ არ დამცინი?  
 არ იცი, მოწყდა ციდან ვარსკვლავი,  
 ჩაქრა ნათელი ცვილის სანთლისა,  
 აღარ მყავს ნორჩი ბატონიშვილი“.  
 ჰკადრა ნიკიტა რომანოვიჩმა:  
 „ეჰა, მეფეო, იმელო ჩვენო, ყოელად ძლიერო,  
 დღეს პანაშვილი კი არადა, ბატონიშვილის  
 დღეგარბელობის საგალობელი უნდა ვიმღეროთ!“  
 ჩაჰკიდა ხელი ფაფუქ ხელზე მან ბატონიშვილს,  
 ჩაჰკიდა ხელი და მეფის წინ გამოიყვანა.  
 შესძახა მაშინ მრისხანე მეფემ:  
 „ეჰა, ნიკიტა რომანოვიჩო,  
 რა მოგიბოძო კიდეუ წყალობა?  
 თუ ნახეარი სამეფო მოცე?  
 ან იქნებ გინდა ოქროს საზინა?“  
 „ეჰ, მეფეე, ივან ვასილევიჩ, არ მინდა შენი  
 სამეფო, არცა ოქრო-ვერცხლის დიდი ხაზინა,  
 მხოლოდ ავკაცი სკურლატოვიჩი მომეცი ახლა,  
 ჩაეადებ იმას იმ მყრალ ჭაობში,  
 იმ მყრალ ჭაობში – დაწყველილ ტბაში!“  
 თქვა მეფემ, ივან ვასილევიჩმა:  
 „ჰა, მალიუტა ავკაცი, შენა  
 და რაცა გსურდეს, იგი უყავი!“

ასე ამბობს სიმღერა; მაგრამ ნამდვილად კი ასე არ ყოფილა. მატია-  
 ნეები გვამცნობენ, რომ მალიუტა კიდეუ დიდხანს ჰყავდა პატივში ივან  
 ვასილევიჩს 1565 წლის შემდგომაც. ბევრი რჩეული შეიწირა სზვადა-  
 სზვა ღროს მეფის ეჭვიანობამ. ბასმანოვებიც, გრიაზნოიც, ვიაზემსკაიც  
 სიცოცხლეს გამოასალმეს, მაგრამ მალიუტას ერთხელაც არ უწვნევია  
 შერისხვა. მას, ბებერი ონუფრევენას წინასწარმეტყველებისამებრ, ამ  
 ცხოვრებაში არ მიზღვევია სატანჯველი და საპატიო სიკვდილი ერგო.

წმიდა იოსებ ვოლოცკის მონასტრის ჟამნ-გულანში ნათქვამია, მალიუ-ტა, რომლის გვამიც ამ მონასტერშია დაკრძალული, პაიდასთან მოკლეს სახელმწიფო საქმეთა აღსრულებისასო.

რით იმართლა თავი მალიუტამ მეფის წინაშე, ჩვენ არ ვიცით.

შესაძლოა, იოანემ, როცა შემფოთებული სული დაუცხრა, თავისი რჩეულის მზაკვრობა შემცდარ გულმოდგინებას მიაწერა. ისიც შესაძლოა, რომ მას რაღაც ეჭვი მაინც ჩარჩა ბატონიშვილზე. ასე იყო თუ ისე, სკურატოვი არ აუთვალწუნებია მეფეს, არამედ, პირიქით, ამ დროიდან კიდევ უფრო ძვირფასი შეიქნა იოანესთვის. აქამდე მარტო რუსობას სძულდა მალიუტა, ახლა კი თვითონ ბატონიშვილმაც შეიძულა-ამიერიდან იოანე იყო მალიუტას ერთადერთი საყრდენი. საზოგადო სიძულელილს კი მისი ერთგულების საიმედო თავდებად მიიჩნევდა მეფე.

არც ბასმანოვზე სიტყვის გადაკვრას ჩაუვლია ამოდ. იოანეს გულში ეჭვი ჩაისახა და თუმცა მაშინვე არ გაუდგამს ფესვები, მაგრამ საკმაოდ გაანელა მერიქიფეთუხუცესისადმი მისი კეთილგანწყობილება, რადგან მეფე არასოდეს არ აპატიებდა იმ ადამიანს, ვისიც ერთხელ მაინც შეშინებია, თუნდაც შემდგომში თვითვე ელიარებინა თავისი შიშის უსაფუძვლობა.

## XV თ ა ვ ი

### პირზე კონცის აღათ-ჟისი

უკვე დროა მოროზოვი გავიხსენოთ. გამჭრიახ ბოიარს არ გამოჰპარვია სერებრიანის სტუმრობისას ელენას შეცბუნება. მართალია, თავდაპირველად ეგონა, რომ ვიაზემსკისთან შეხვედრა იყო ამის მიზეზი, მაგრამ მოგვიანებით ახალი ეჭვი ჩაისახა მის სულში.

თავადს რომ დაემშვიდობა და წინკარამდე მიაცილა, მოროზოვი შინ შემობრუნდა. ჩამოფხატული წარბები მრისხანედ შეჭმუხვნოდა; შუბლი ღრმა ნაოჭებს დაედარა; აღმური ასდიოდა, სული ეხუთებოდა. „ელენას ახლა სძინავს, — გაიფიქრა მან, — მე აღარ დამელოდება. ცოტას ბაღში გავივლი, ეგებ მოვმეჯობინდე“.

მოროზოვი გარეთ გავიდა; ბაღში ბნელოდა. მესერს რომ მიუახლოვდა, თეთრი ფერიაზი დალანდა. დრუჟინამ მხედველობა დაძაბა.

უეცრად სასიყვარულო სიტყვები მისწვდა მის ყურთასმენას. მოხუცი შეჩერდა. მან ცოლის ხმა იცნო. მესერს გადაღმა, ვარსკვლავიანი

ცის ფონზე ვილაც მხედრის ბუნდოვანი ხატება ჩანდა. უცნობი ელენასკენ დაიხარა და რალაცას ეუბნებოდა. მოროზოვი გაინაბა, მაგრამ ქარის წამოქროლებამ მძლავრად დაარხია ხეთა კენწეროები და თან წარიტაცა უცნობის სიტყვები და ხმა. ვინ იყო ეს მხედარი? ნუთუ ვიაზემსკიმ თავისი შეუპოვრობით მაინც მოინადირა ელენა? გამოუცნობია დიაცის გული! ქალს დღეს ის მოსწონს, რაც გუშინ სძულდა! მაგრამ იქნებ ვიაზემსკი არაფერი შუაშია და სერებრიანიმ დაუნიშნა პაემანი მის ცოლს? ვინ იცის? იქნებ თავადმა, რომელიც შვილივით მიიღო, სწორედ დღეს მიაყენა სისხლიანი შეურაცხყოფა მას, მამამისის საუკეთესო მეგობარს; მას, ვინც მზად იყო საფრთხეში ჩაეგდო საკუთარი სიცოცხლე, ოღონდ მეფის რისხვა აეცდინა მეგობრის შვილისთვის.

„არა, არა, — გაიფიქრა მოროზოვმა, — ეგ არ არის სერებრიანი! ეგ რომელიღაც ოპრიჩნიკია, ახალი რჩეულთაგანი მეფისა. მაგათთვის უცხო არაა შთამომავლობითი ბოიარისთვის ლაფის გადასხმა. მაგრამ, ვაი რომ ცოლიც ვერაგი მყოლია, ცბიერი გველი! განა სიყვარული აკლდა ჩემგან? განა ღვიძლი ქალიშვილივით არ ვანებიერებდი? და განა თავისი ნებით, თავისი სურვილით არ მომთხოვდა? ეგ არ იყო, სულ მადლობად რომ დნებოდა, ცბიერი? ეგ არ იყო, ერთგულებას რომ მეფიცებოდა? არა, დიაცის ერთგულების იმედი ნუ გაქვს, დრუჟინა! დიაცას ერთგულება — მაღალი კოშკი, მუხის კარები და რკინის ურდულია! აჩქარდი, ჩემო დრუჟინა, აჩქარდი, გომბიოს რომ ანდე შენი პატიოსნება! მხურვალე გულმა აგამჩატა მოხუცი კაცი! გაგაცურა შენმა ცოლმა, კეკლუცმა გველმა; სასაცილოდ გახდიან შენ სახელს მოსკოველები!“

ასე ფიქრობდა მოროზოვი და ვარაუდებით იტანჯებოდა. უნდოდა ჯიქურ მივარდნოდა თავლაფდამსხმელებს. მაგრამ მხედარს შეეძლო გაქცეულიყო და დრუჟინა ვერ გაიგებდა მტრის ვინაობას. ისევე ლოდინი ამჯობინა.

თითქოს მის ჯიბრზე, ამ ღამით მოუღლეღად ხმაურობდა ქარი, მთვარე კი ღრუბლებიდან არ გამოდიოდა. მოროზოვმა ვერც სახე გაარჩია მხედრისა და ვერც ხმა. მხოლოდ ის გაიგონა, რაც ელენამ უთხრა ცრემლების ფრქვევით:

— სიცოცხლეზე მეტად, ნათელ მზეზე მეტად მიყვარხარ! შენს გარდა არავინ მყვარებია, არც შემიძლია მიყვარდეს და არც შევიყვარებ!

მალე ელენამ გვერდით ჩაუარა მოროზოვს, მაგრამ არც შეუმჩნევია ქმარი. დრუჟინა ფრთხილი ნაბიჯით მიჰყვა უკან.

მეორე დღეს მოროზოვს ოდნავადაც არაფრით გამოუმყლავნებია, ელენაზე რომ ეჭვიანობდა. ის კვლავაც თავაზიანი და აღერსიანი იყო

მეუღლის მიმართ. მხოლოდ დროდადრო, როცა ქალს არ შეეძლო ამის შემჩნევა, იეიწყებდა მოხუცი სიფრთხილეს, წარბებს ჰყრიდა და რისხვით შეჰყურებდა ელენას. საშინელი ფიქრი ბურღავდა მაშინ მოროზოვის ტვინს. ის ფიქრობდა, რა გზით აღმოეჩინა თავისი თავლაფდამსხმელი.

ოთხიოდე დღე გავიდა. მოროზოვი ძელურ პალატში იჯდა მუხის მაგიდასთან. მაგიდაზე წიგნი ედო, აღისფერ ხავერდგადაკრული ყვით დაკაზმული, ვერცხლის ღილილოებითა და კუთხედებით. წიგნი გადაშლილი იყო, მაგრამ ბოიარს კითხვა არ ენაღვლებოდა ახლა. მისი თვალები ფერად-ფერად თავკაზმულობებზე და არშიების მცენარეულ ჩუქურთმებზე დაცოცავდა, გონება კი მეუღლის პალატსა და ბაღის მესერს შუა დაბორილობდა.

წინდლით სერებრიანი დაბრუნდა სლობოდიდან და, შეიპირებისამებრ, მოროზოვი მოინახულა.

ელენამ იმ დღეს შეუძლოდ ყოფნა მოიმიზეზა და თავისი პალატიდან არ გამოსულა. მოროზოვი ახლაც პატივით დახვდა სტუმრად მოსულ თავად ნიკიტას. მაგრამ, მშვიდობით დაბრუნებას რომ ულოცავდა და გულმოდგინედ მასპინძლობდა, თან გაფაციცებით აკვირდებოდა სახეში და ცდილობდა გამცემლობის ნიშნები ამოეკითხა მის ნაკეთებზე. სერებრიანი ფიქრიანი ჩანდა, მაგრამ აღრინდელივით უბრალო და გულღია იყო. მოროზოვმა ვერაფერი შეატყო თავადს.

აი ამაზედაც ფიქრობდა ახლა მაგიდაზე გადაშლილ წიგნთან მჯდარი ბოიარი.

ამ ფიქრებიდან ოთახში შემოსულმა მსახურმა გამოიყვანა. მოროზოვის მოღრუბლული შუბლი რომ დაინახა, მსახური მოწიწებით შეჩერდა. დრუჟინამ თვალებით ჰკითხა, რა ამბავიაო.

— ბატონო ჩემო! — უთხრა მსახურმა, — მეფის კაცები მოდიან აქეთ. წინ თავადი ვიაზემსკი მოუძღვით; უკვე ახლოს არიან; გვიბრძანებ მივეგებოთ?

სწორედ ამ დროს დაფის ხმაც გაისმა. მეწინავე მხედარი გასანთლული ტყავის მათრახით აჟღერებდა საკრავს, რომ მოსიერიანი გაეფანტა და გზა გაეთავისუფლებინა ბატონისათვის.

— ვიაზემსკი მოდის ჩემთან?! — წარმოთქვა მოროზოვმა. — ნეტა ხომ არ გაგიუბებულა? იქნებ გეჩვენება და გზად ჩამვლეღია მხოლოდ. გასწიჭიშკართან და დაელოდე! ჰოდა, თუ აქეთ გადმოუხვია, უთხარი, რომ ჩემი სახლი სამიკიტნო არ არის, რომ ოპრიჩინიკებს არ ეცნობ და მათთან პურ-მარილს არ ვჩვეულებარ! გასწი!

მსახური ყოყმანობდა.

— რაღას უდგებარ? — ჰკითხა მოროზოვმა.

— ბოიარო, შენი რისხვამც ნუ ამცდენია, მაგრამ ამას ვერ ვეტყვი ვიაზემსკის!

— გასწი! — დაუცაცხანა მოროზოვმა და ფეხი დაუბაკუნა.

— ბოიარო! — მოახსენა სირბილით შემოსულმა მსახურთუფროსმა, — თავადი ვიაზემსკი ოპრინიკებით საცაა ჩვენს ალაყაფს მოაღებთ! თავადი ამბობს, თვითონ ხელმწიფემ წარმომგზავნაო.

— ხელმწიფემო? ასე გითხრა — ხელმწიფემო? გახსენით ალაყაფის. კარები! პურ-მარილი შეაგებეთ ოქროს ლანგარით! შინ არავინ დარჩეს, ყველა ხელმწიფის წარმომგზავნილთ გამოეგებოს!

ამასობაში თანდათან მოახლოვდა დაფის გუგუნ-ქლარუნი. ოცამდე ოპრინიკი, რომლებსაც ვერცხლით დარახტულ მოხდენილ წაბლა-ულაყზე ამხედრებული აფანასი ვიაზემსკი მოუძლოდა წინ, ნელი რონინით შემოვიდა მოროზოვის კარ-მიდამოში. თავადს თეთრი ატლასის ხიფთანი ეცვა. ღრმად ამოჭრილი საყელოდან ხალათის მარგალიტის ფარღული მოუჩანდა. მარგალიტისავე სამაჯურებს მჭიდროდ მოეხვეჭათ მაჯებთან ხიფთანის ფართო სახელოები, წელზე კი დარდიმანდულად ერტყა ოქროსფოჩებიანი შინდისფერი აბრეშუმის სარტყელი, რომელშიც სახიანი ხელთათმანები იყო ჩაჩრილი აქეთ-იქიდან. შინდისფერი ხავერდის შარვალი ლაზათიანად ჰქონდა ჩატანებული ყვითელ ტარსიკონის წაღებში, რომლის ქუსლებს მოელვარე ვერცხლის კავები ამშვენებდა, ხოლო მარგალიტით მოოჭვილი ყელები ზამბარასებრ იყო ჩაკეცილი წვივებზე. ოქროსფერი აბრეშუმის მსუბუქი მოსასხამი მკერდზე ალმასის ორმაგი საკინძით იყო შებნეული, ხოლო თეთრი ფარჩის ქუდის ალმასის ჯილა მსუბუქად ირხეოდა მოძრაობისას და მზის სხივებზე ბრწყინავდა. შავი კულულები ქუდიდან ჩამოშლოდა თავადს და მოკლე, ზუჭუჭა წვერში ებლანდებოდა. თხელი უღვაში ზედა ბაგეზე შავ ზოლად კი არა, მხოლოდ მუქ ჩრდილად გადასწოლოდა. ახოვანი და ტანადი ვაჟკაცი იყო ვიაზემსკი; ახალგაზრდა და სასიამოვნო შესახედავი.

იმ დროის დიდკაცთა საზეიმო ჩვეულებისამებრ, თავადის უკან ქვეითად მომავალ მეჯინიბეებს სრულად აკაზმული ექვსი ტაიჭი მოჰყავდათ ლაგმებით. მათგან ერთი შავრა იყო, ერთი ჩალისფერი, ერთი ტრედანა, ხოლო სამი — უზადო თეთრონი. ცხენების თავებზე ფერად-ფერადი ჯიღები ირხეოდა, ქედებზე კი პატიოსანი თვლებით მოოჭვილი ფარჩის ორთუქები და ჩაღდარები, ან ნადირის ტყავები ბზინავდა. ექვსივე;

ტაიჭი უამრავ ვერცხლის ექვანს ან ჭრილებიან ოქროს ბურთულებს მოაჟღარუნებდა. საჟღარუნებლები ერთმანეთთან ხმაშეწყობით იყო შერწყმული და გრძელ მტვენებად ეკიდა საშუბლებების ორთავ მხარეს.

ბოიარ დრუჟინას გამოსინისთანავე ვიაზემსკი და ოპრიჩნიკები ცხენებიდან ჩამოხდნენ.

მოროზოვს ხელში ოქროს ლანგარი ეჭირა და დინჯად მიაბიჯებდა მათ შესახვედრად, უკან კი ყმა აზნაურები და მსახურები მოჰყევბოდნენ.

— თავადო, — წარმოთქვა მოროზოვმა, — შენ ხელმწიფემ წარმოგგზავნა ჩემთან. ვეშურები მოგეგებო პურითა და მარილით შენცა და შენიანებსაც! — ის ქედლადრეკით მიესალმა თავალს და ჭალარა თმა თვალეზზე ჩამოეძალა.

— ბოიარო, — უპასუხა ვიაზემსკიმ, — დიდმა ხელმწიფემ ინება მისო მეფური ბრძანება გაუწყო: „ბოიარო დრუჟინა! მეფე და დიდი მთავარი ყოვლისა რუსეთისა ივან ვასილევინი გაკმარებს წყრომას, შერისხვისგან გათავისუფლებს, გიწყალებს და მიგიტყვევებს ბრალთა შენთა; დღეის წალმართ დიდი ხელმწიფე კვლავ შენი მწყალობელია, ბოიარო დრუჟინა, კვალად მოგიბოძებს შენს აღრინდელ პატივ-ღირსებას და გიბრძანებს ოდინდელი ერთგულებით ემსახურო მის დიდობას!“

ეს რომ წარმოთქვა, ვიაზემსკიმ ცალი ხელი სარტყელში გაირჭო, მეორე წვერზე მოისვა, გაიჯგვიმა და არწივის თვალები მიაპყრო მოროზოვს პასუხის მოლოდინში.

სანამ თავადი აფანასი ლაპარაკობდა, მოროზოვი მუხლებზე იღგა. ახლა ყმა აზნაურები მხარში შეუდგნენ თავის ბოიარს და წამოაყენეს ის გაფითრებული იყო.

— დაე ლოცვა-კურთხევა ნუ მოუშალონ წმიდა სამებას და მოსკოვის საწაულთმოქმედებმა ჩვენს დიდ ხელმწიფეს! — მთრთოლვარებით წარმოთქვა მან. — დაე ყოვლად გულუბემა და ყოვლად მოწყალე ღმერთმა განამრავლოს მისი მეფობის დღენი! შენ როდი მოგელოდი ახლა, თავადო, მაგრამ ხელმწიფის წარმოგზავნილი ხარ და გთხოვ მეწვიო სახლში! მეწვიეთ, ბატონო ოპრიჩნიკებო! ვთხოვ თქვენს მოწყალებას! მე კი წავალ ახლა, სამადლობელო პარაკლისს გადავიხდი, ხოლო მერე თქვენთან დაჯგულები გვიან ღამემდე მოსალხენად.

ოპრიჩნიკებს თავპატიჟი არ დაუწყიათ.

მოროზოვმა მსახური მოიხმო:

— ცხენზე შეჯექი, თავად სერებრიანისთან გაფრინდი, მომიკითხე და უთხარი, ბოიარი ვთხოვს მასთან იზეიმო დღევანდელი დღე-თქო: მეფემ დიდი წყალობა უყო და შერისხვა ახსნა-თქო!

ეს ბრძანება რომ გასცა და სტუმრებიც სახლში შეაცილა, მოროზოვმა ეზოს გადავლით კარის ეკლესიას მიაშურა. ბოიარს წინ მისი ყმა აზნაურები მიუძღოდნენ, უკან კი მრავალრიცხოვანი მსახური მიაცილებდა. შინ მხოლოდ მსახურთუფროსი და ოპრიჩნიკთა მომსახურებისთვის საჭირო ფარეშნი დარჩნენ.

სტუმრებს სხვადასხვა საუზმეული და ნაყენები მიართვეს, მაგრამ სადილი ჯერ წინ ელოდათ.

მაღე სერებრიანიც მოვიდა. მასაც ყმა აზნაურები და მსახურები ახლდნენ, რადგან მაშინ ბოიარის ღირსების შერცხვენად მიიჩნევდნენ საპატიო წვეულებებში მარტოდმარტო ან მცირე ამალით მისულას.

სუფრა უკვე გაწყობილი იყო დიდ დარბაზში, მსახურნი თავ-თავის ადგილას იდგნენ, ყველანი მასპინძელს ელოდნენ.

ბოლოს მოროზოვიც მორჩა პარაკლისს და დარბაზში შემოვიდა. მას ძვირფასი ფარჩის ხიფთანი ემოსა, ხელში კი სიასამურის ქუდი ეჭირა. ჭაღარა გრუზა თმა შნოიანად შეეკრიჭა, წვერი საგულდაგულოდ ჩამოეკარცხნა. ბოიარი სტუმრებს მიესალმა, სტუმრებმაც საღმით უპასუხეს, და ყველანი სუფრას მიუსხდნენ.

საზეიმო ნადიმი დაიწყო, აწკარუნდა თასები და აზარფეშები, მაგრამ ამასთან ერთად გაისმა სხვა ჟღარუნიც, მზიარული ნადიმისთვის შეუფერებელი. ეს ოპრიჩნიკთა ხიფთანებს ქვეშ უჩინარი აბჯარ-აბგარის ჟღარუნის ხმა იყო.

მაგრამ მოროზოვს არ გაუგონია ეს ავბედითი ჟღარუნი. სხვა ფიქრი დაუფლებოდა ბოიარს. გუმანით გრძნობდა, რომ იმლამინდელი მისი შეურაცხმყოფელი მასთან ილხენდა სუფრაზე და მოროზოვმა, როგორც იქნა, მოიგონა მისი გამჟღავნების ხერხი. დრუჟინას აზრით, ეს ხერხი უტყუარი იყო.

ბევრი თასი დაილია. სტუმრებმა უკვე შესვეს ხელმწიფის სადღეგრძელო, დედოფლისა და მეფის მთელი სახლეულის სადღეგრძელო; ადღეგრძელებს მიტროპოლიტი და მთელი რუსეთის სამღვდლოება; ადღეგრძელებს ვიაზემსკი, სერებრიანი და კეთილი მასპინძელი; შესვეს სტუმრების საპატივცემლოდ, თვითულისა ცალ-ცალკე. როცა ყველა სადღეგრძელო დაილია, ვიაზემსკი წამოდგა და კიდევ ერთი სასმისი შესთავაზა თანამესუფრეთ. მან ახალგაზრდა დიასახლისი ადღეგრძელა.

მოროზოვიც ამას ელოდა.

— ძვირფასო სტუმრებო, — წარმოთქვა მან, — უხერხულია უდიასახლისოდ დაილიოს დიასახლისის სადღეგრძელო სთხოვეთ ბოიარინას, —



მსახურებს მიუბრუნდა და განაგრძო მან, — სთხოვეთ ბოიარინას, დაე ჩამოვიდეს და პატივი სცეს ძვირფას სტუმრებს!

— ვაშა, ვაშა! — ახმაურდნენ სტუმრები, — უდიასახლისოდ თაფლსაც სიტკბო აკლია!

მალე ელენაც გამოჩნდა ძვირფასი სარაფნით, ორი მოახლის თანხლებით; ხელში ოქროს სინი ეჭირა, სინზე კი ერთადერთი ფიალა იდგა. სტუმრები წამოდგნენ. მსახურთუფროსმა სამნახალი არყით აავსო ფიალა. ელენამ ბაგე შეახო სასმელს და მაგიდას მიუახლოვდა, რომ სუფრის გარშემო ჩამოეტარებინა სასმისი. ის რიგრიგობით ჩერდებოდა თვითეულ სტუმართან, წელმოზრით ესალმებოდა, უმცროსი წესისამებრ, და სასმისს აწვდიდა. დაცლილ ფიალას მაშინვე ავსებდა მსახურთუფროსი.

როცა ელენამ უკლებლივ ყველა სტუმარს ჩამოუტარა სასმისი, მოროზოვი, რომელიც მთელი ამ ხნის განმავლობაში ჩაციებით აკვირდებოდა ცოლს, წამოდგა და სუფრის წვევრების ყურადღება ითხოვა.

— ძვირფასო სტუმრებო, — წარმოთქვა მან, — ახლა, გთხოვთ, ძველი რუსული ადათისამებრ დამიფასოთ ოჯახი, პატივი მცეთ მასპინძელს, გთხოვთ, ძვირფასო სტუმრებო, არ იუკადრისოთ და აკოცოთ ჩემს ცოლს! ელენა, საჩინო ადგილზე დადექ და კოცინითვე უპასუხე ყველას, თვითეულს რიგრიგობით!

სტუმრები მადლობას სწირავდნენ მასპინძელს. ელენა ძრწოლვით დადგა ღუმელის გვერდით და თვალები დახარა.

— თავადო, შენ გეკუთვნის პირველი კოცნა! — უთხრა მოროზოვმა ვიაზემსკის.

— არა, არა, ადათს ნუ ეუღალატებთ! — ახმაურდნენ სტუმრები: — პირველად თვითონ მასპინძელმა აკოცოს დიასახლისს! ადათისამებრ მოვიქცეთ, ისე, როგორც წინაპრებს დაუდგენიათ!

— კეთილი, დაე ადათისამებრი იყოს, — თქვა მოროზოვმა, ცოლთან მივიდა და უდაბლესად ეთაყვანა. როცა ერთმანეთს აკოცეს, ელენას ცეცხლი ეკიდა ბაგეზე, ბოიარის ტუჩები კი ყინულივით ცივი იყო.

მოროზოვის შემდეგ ვიაზემსკი მიუახლოვდა ქალს.

მოროზოვი მზერად იქცა.

აფანასი ივანოვიჩს ნაკვერჩხლებივით უელავდა თვალები. მაგრამ ელენას ნაკვთიც არ შერხევია სახეზე. მეუღლის გვერდით, სერებრიანის თვალწინ, მას არ ეშინოდა უტიფარი თავადისა.

„არა, ეგ არ არის“, — გაიფიქრა მოროზოვმა.

ვიაზემსკი უდაბლესად ეთაყვანა ელენას და ბაგეზე ემთხვია. მაგრამ,

რაკი მისი კოცნა იმაზე მეტხანს გაგრძელდა, ვიდრე წესი მოითხოვდა, ქალს წყენა დაეტყო და სახე მოარიდა.

„არა, ევ არ არის!“ — გუნებაში გაიმეორა მოროზოვმა.

ვიაზემსკის შემდეგ ღიასახლისთან რიგრიგობით მივიდა რამდენიმე ოპრანინიკი. ყველანი, დიდი წესისამებრ, მიწიერ თაყვანს სცემდნენ და შემდეგ კოცნიდნენ ელენას; მაგრამ ღრუჟინა ანდრეევიჩმა ვერაფერი ვერ ამოიკითხა ცოლის სახეზე, გარდა შეშფოთებისა. ქალმა რამდენჯერმე შემართა გრძელი წამწამები, მისი თვალები თითქოს შიშით დაექბდნენ ვიღაცას სტუმართა შორის.

„ის აქ არის!“ — გაიფიქრა მოროზოვმა.

უცებ ელენას თავზარი დაეცა. მისი თვალები ქმრის თვალებს შეეფეთა და, ქალის გულისთვის დამახასიათებელი ალღოთი, უმაღლესი გამოიცნო ბოიარის ფიქრი. ქმრის მძიმე, გაქვავებულმა მხერამ ისე მონუსხა ელენა, რომ ამჟამად იგრძნო, ახლა თუ სერებრიანის აკოცებდა, უსათუოდ ეასცემდა თავს. მეხსიერებამ ცხადად წარმოუსახხა სერებრიანის პირველად მოსვლისას ბაღის მესერთან მათი შეხვედრის ყველა გარემოება. და მოეჩვენა, რომ თავისი ახლანდელი ყოფაც და მოსალოდნელი ამბორიც იმ დანაშაულებრივი შეხვედრისთვის, იმ დანაშაულებრივი კოცნისთვის მოვლენილი ღვთიური სასჯელი იყო. ელენას გააჟრჟოლა.

— შეუძლოდა ვარ... — წაიჩურჩულა მან, — გამიშვი, ღრუჟინა ანდრეიჩ...

— მოითმინე, ელენა, — მშვიდად უთხრა მოროზოვმა, — მოითმინე; ახლა შენი წასვლა არ შეიძლება; ჯერ არ ნახულა, არ გაგონილა ასეთა რამ; წინაპართა ადამ-წესი ბოლომდე უნდა ასრულდეს!

და მოხუცი გამომცდელი თვალებით ბურღავდა ცოლს.

— მუხლები მეკვეთება, ლამის ჩავიკეცო!.. — წარმოთქვა ელენამ.

— რაო? — ჩაჰკითხა მოროზოვმა, თითქოს მისი ნათქვამი ვერ გაიგო, — სული გეხუთება? არა უშავს! გთხოვთ, ბატონებო, ყურს ნუ ათხოვებთ ცოლს! ბავშვია ჯერაც; მეტისმეტად მორცხვობს, ეუცხოვება ეს ჩვეულება! თანაც სული შეეხუთა ამდენ ხალხში! მიდით, მიდით, ძვირფასო სტუმრებო, მორჩილად გთხოვთ!

„ნეტავ სად არის სერებრიანი, რომ ვერ ვხედავ?“ — გაიფიქრა ღრუჟინა ანდრეევიჩმა და სტუმრებს მოავლო თვალი.

თავადი ნიკიტა განზე გამდგარიყო. მას არ გამოჰპარვია, რა უჩვეულო ყურადღებით აკვირდებოდა მოროზოვი ცოლს და მასთან საკოცნელად მისულ თვითულ სტუმარს. თავადმა შიში და შფოთვა ამოიკითხა ელენას სახეზე. ნიკიტამ, რომელიც ყოველთვის გაბეღული იყო, როცა სინ-

ღისის ქენჯნას არ გრძნობდა, ახლა არ იცოდა, როგორ მოქცეულიყო. შიშობდა, ვაითუ მისვლით კიდევ უფრო შევაკართო ელენას; შიშობდა, ვაითუ ფეხის ათრევით ქმარს ეჭვი აღუძვარაო. იმის საშუალება მაინც რომ ჰქონოდა, თუნდ ერთი სიტყვა ენურჩულებინა ელენასთვის, გაამხნევებდა ქალს და, შესაძლოა, კვლავ მოაკრებინებდა გამოლულ ძაღლს, მაგრამ ელენას სტუმრები ეხვივნენ, ქმარიც თვალს არ აშორებდა; არადა, თავადს რაღაც უნდა ელონა, რაღაც უნდა გადაეწყვიტა.

სერებრიანი ელენას მიუახლოვდა და ეთაყვანა, მაგრამ აღარ იცოდა, თვალელებში ეტკირა, თუ მზერა აერიდებინა ქალისთვის. ამ ყოყმანმა გასცა ნიკიტა რომანოვიჩი. თავის მხრივ, ელენამაც ველარ აიტანა სატანჯველი, რაშიც მოროზოვმა ჩააყენა.

ელენას ქარაფშუტობით ან ბიწიერებით არ მოუტყუებია ქმარი. არა, ის თვითონ შეცდა, როცა იფიქრა მოროზოვის შეყვარებას შეეძლებო. როცა იმ დამით, ბაღის მესერთან, თავის სიყვარულში არწმუნებდა სერებრიანის, სიტყვები უნებურად წყდებოდა ბაგეთაგან; ის არც ფიქრობდა სათქმელზე, და მაშინვე რომ დაენახა თავისი ქმარი ზურგსუკან, არც შეყოყმანდებოდა, გულწრფელად გამოუტყდებოდა ყველაფერში. მაგრამ ელენას გული ჰქონდა მზურვალე, თორემ ხასიათით ბეჩავი იყო. სერებრიანისთან იმდამინდელი შეხვედრის მერე მუდმივი სინდისის ქენჯნით იტანჯებოდა. ნიკიტას ზეედრზე წუხილიც სიცოცხლეს უმწარებდა. ერთმანეთის საწინააღმდეგო გრძნობები უფლეთდა გულს; უნდოდა მუხლებში ჩაყარდნოდა ქმარს და პატიება და რჩევა ეთხოვა; მაგრამ დრუჟინა ანდრეიჩის რისხვისა ეშინოდა, იმის ფიქრი აძრწუნებდა, რამე არ დაუშაედეს სერებრიანისო.

ამ ბრძოლამ, ამ ტანჯვამ, ქმრის შიშით ძრწოლვამ, ქმრისა, რომელიც სიკეთესა და აღერსს არ იშურებდა, მაგრამ უღმობელი იყო ყოველივე იმისადმი, რაც მის ღირსებასა და პატიოსნებას ბღაღავდა, — ყველაფერმა ამან გამანადგურებლად შეარყია ელენას ძაღლს და მხნეობა. როცა ნიკიტა რომანოვიჩის ტუჩები მის ტუჩებს შეეხო, ელენას ციბიანივით შეაჟრჟოლა, მუხლები მოეკვეთა, ბაგეთაგან კი უნებლიეთ აღმოხდა:

— ყოვლადწმინდა ღვთისმობელო! შემიბრალო!

მოროზოვმა ორივე ხელი შეაშველა ელენას.

— ეჰ! — წარმოთქვა მან, — აი ეს არის ქალის სიმრთელე! შეხედავ, ვარდივით ღაღანებს, მაგრამ ოდნავი სულის ხუთვა და, მორჩა, მუხლები ეკეცება. მაგრამ არაუშავს, გაუეღისი მოდით, მოდით, ძვირფასო სტუმრებო!

მოროზოვს ოდნავ არ შეცვლია არც ხმა, არც ქცევა. ის კვლავინდებურად მშვიდი ჩანდა, კვლავინდებურად თავაზიანი და კეთილმოსურნე იყო.

სერებრიანი საგონებელში ჩავარდა, ვერ მიმხვდარიყო: ჩაწვდა თუ არა მოროზოვი მის საიდუმლოს?

როცა წესის აღსრულებას მორჩნენ და მოახლეებმა ელენა თავის პალატში აიყვანეს, მოროზოვმა კვლავ სუფრასთან მიიწვია სტუმრები.

ბოიარი კვლავაც გულუხვად შეაქცევდა და აღზენდა მეინახეებს და მცირედსაც არაფერს ივიწყებდა იმ ვალდებულებათაგან, რაც მაშინდელ დროში პურმარილიან მასპინძელს მოეთხოვებოდა.

უკვე გვიანი იყო. ღვინომ ხალხი შეახურა, და ოპრიჩნიკთა საუბარში ზოგჯერ რაღაც უცნაურ სიტყვებს გაიგონებდა ზოლმე კაცი.

— თავადო, — თქვა ერთმა მათგანმა და ვიაზემსკისკენ დაიხარა, — უკვე დროა საქმესაც მივხვლოთ!

— ჩუმაღ! — ჩურჩულით მიუგო ვიაზემსკიმ, — ბებერი გაიგონებს!

— გაიგონოს მერე, მაინც ვერაფერს მიხვდება! — ხმამაღლა განაგრძობდა ოპრიჩნიკი მთვრალის ასირებით.

— გაჩუმდი! — გაუმეორა ვიაზემსკიმ.

— გეუბნები, თავადო, დროა-მეთქი! ღმერთმანი, დროა! წაველ ახლა და ნიშანს მივცემ!

და ოპრიჩნიკმა წამოსადგომად გაიწია.

ვიაზემსკიმ მკლავში სტაცა მას ხელი და მერხზე მიაღურსმა.

— გონს მოდი, — ყურში ჩასჩურჩულა უდროოდ ასირებულ თანამზრახველს, — თორემ, იცოდე, ამ დანას გაგიყრი ყელში!

— ბიჭოს, შენ კიდევაც იმუქრები?! — შესძახა ოპრიჩნიკმა და სკამიდან წამოდგა, — ამას უყურე! კი ვამბობდი შენზე, კაცი ვერ ენდობა-მეთქი! შენ ხომ ჩვენიანი არა ხარ! ჰაი დედასა, გიჩვენებდით სეირს თქვენ ყველას, თავადებსა და ბოიარებს, ჩვენ ჯამაგირს რომ სულ თქვენა ნთქავთ! დამაცა ერთი, ახლავე ვნახავთ, ვინ რა ბიჭია. მოიშორე მაგ აბჯრიდან ეგ ზიფთან! ხმალი დააძვრე! ვნახავთ, ვინ რა ბიჭია!

ეს სიტყვები ენის ბორძიკით, საერთო ჟრიამულსა და ხმაურში წარმოითქვა; მაგრამ ზოგმა მათგანმა სერებრიანის ყურამდე მიაღწია და გულისხმაში ჩააგდო თავადი. დრუჟინა ანდრეევიჩს არაფერი არ გაუგონია. მან მხოლოდ ის დაინახა, სტუმრები რომ რაღაცაზე შელაპარაკდნენ და ერთმანეთს ედავებოდნენ.

— ძვირფასო სტუმრებო! — თქვა დრუჟინამ და ფეხზე წამოდგა, — გა-

რეთ უკვე ბნელი ღამეა! ეგებ მოგესვენათ? უკვე დაგებულია ყველა თქვენგანისთვის რბილი ლეიბი და ბუმბულის ბალიში!

ოპრიჩნიკები წამოდგნენ, მასპინძელს მადლობა მოახსენეს, ღამე მშვიდობისა უსურვეს და ეზოში მათთვის მომზადებულ საძილეებისკენ წავიდ-წამოვიდნენ.

სერებრიანც მასპინძელთან დამშვიდობებას აპირებდა.

მოროზოვმა მკლავში მოჰკიდა ხელი და შეაჩერა ნიკიტა რომანოვიჩი.

— თავადო, — უთხრა ჩურჩულით, — ცოტა ხანს აქ დამელოდე!

მერე სერებრიანი იქვე დასტოვა და ცოლის პალატისკენ გაემართა.

## XVI თ ა ვ ი

### მ ო ტ ა ც ე ბ ა

სანამ სუფრაზე პურ-მარილს შეექცეოდნენ, სახლის გარშემო რაღაც უჩვეულო ხდებოდა.

ბინდი რომ ჩამოწვა, ოპრიჩნიკებს ნელ-ნელა შემოუერთდნენ კიდევ სხვა ამხანაგებიც. ისინი თითო-თითოდ ჩნდებოდნენ ბაღის მესერთან, ეზოზე მოვლებულ გალავანთან და, ბოლოს, თვით ეზოშიც.

მოროზოვის მსახურებს ყურადღება არ მიუქცევიათ ამ ამბისთვის.

როცა მთლად დაბნელდა, სახლი ოპრიჩნიკებით იყო გარშემორტყმული ყოველი მხრიდან.

ვიაზემსკის ჯილავდარი სუფრიდან ადგა, ვითომც ცხენის დასარწყულეზბლად. მაგრამ საჯინიბომდე არც მისულა, მის შორიახლოს შედგა, მობრუნდა, აქეთ-იქით მიმოიხედა, ჭიშკართან მივიდა და რაღაც უცნაურად დაუსტვინა. მაშინვე ვილაც გაჩნდა მის გვერდით.

— ყველანი ზართ? — ჰკითხა ჯილავდარმა.

— ყველანი, — მიუგო უცნობმა.

— რამდენი მოხვედით?

— ორმოცდაათნი.

— კარგია, ნიშანს დაელოდეთ.

— მალე გვაღირსებთ? მოგვებზრდა ლოდინი.

— ეგ თავადმა იცის. ჰო, მართლა, გეყურება, ხომოიაკ, თავადმა ბრძანა, სახლის გადაწვა ან გაძარცვა არავინ გაბედოსო!

— თავადმა ბრძანა! ეგ რა, ჩემი ბატონია?

— ჩანს, ბატონია, რახან გრივორი ლუკიანიჩმა გიბრძანა მის სამსახურში იყო დღეს.

— სამსახურით კი, ბატონო, ვემსახურები, ოღონდ მარტო მაგას, ვანა მოროზოვსაც. შევეშველები თავადს ბოიარინას მოტაცებაში, მერე კი, ნურას უკაცრავად, რომ ვინმემ რამე დამიშალოს!

— ფრთხილად, ხომიაკ, თავადი არ ხუმრობს!

— შენ, ჩემო ძმაო, ტვინი ხომ არ გღრმობია? — უთხრა ზომიაკმა და ბოროტად გაიღმიჭა. — თავადმა თავის საქმეს მიხედოს, ჩემი საქმისა კი მე ვიცი. თუ გაჯირითება მომსურვებია, ამასთან ვის რა ხელი აქვს?

სწორედ იმ დროს, როცა ჭიშკართან ეს საუბარი იყო, მოროზოვი, რომელმაც სერებრიანი დარბაზში დატოვა, ელენას პალატში შევიდა.

ბოიარინა ჯერ არ დაწოლილიყო. კოკოშნიკი მოეხადა. სქელი, სანახევროდ ჩამოშლილი ნაწნავი ქათქათა მხრებზე დაჰფენოდა. კაბის საყელო მოედოდა. ელენა გახდას აპირებდა, მაგრამ თავი გვერდზე გადახარა და ბურანში გაეხვია. მისი ფიქრი წარსულში დაფარფატებდა. იგონებდა სერებრიანის გაცნობას, თავის იმედებს, სასოწარკვეთას, მოროზოვის წინადადებას და მისთვის აღთქმულ ფიცს. ცხადად წარმოუდგა კვირაცხოვლობის სამშაბათი, მიცვალებულთა ხსენების დღე, როცა, ჯერ ისევ გაუთხოვარი, დედის საფლავზე გავიდა ობლების ჩვეულებისამებრ, ჯურის ქვეშ ჯამი დადგა წითელი კვერცხებით, ფიქრში ეამბოროებოდა მშობელს „ქრისტე აღსდგას“ ბუტბუტით და სთხოვდა დრუჟინა ანდრეევიჩთან თავისი ქალიშვილის შეუღლება და სიყვარული დაელოცა.

იმ დროს ელენას ეგონა, მოერეოდა პირველ სიყვარულს, ეგონა ბედნიერი იქნებოდა მოროზოვთან; ახლა კი... ელენამ პირზე კოცნის ადათი გაიხსენა, და ცივმა ჟრჟოლვამ დაუარა. მას არც შეუმჩნევია, როდის შემოვიდა მოროზოვი. მკაცრი და ნაღვლიანი სახე ჰქონდა კარის ზღურბლთან შემდგარ დრუჟინას. ბოიარი ერთხანს მღუმარედ შეჰყურებდა ცოლს. ელენა ისე ყმაწვილი იყო, ისე გამოუცდელი, ისე გაუწაფავი ტყუილში, რომ მოროზოვმა უნებლიე სიბრალული იგრძნო მისადმი.

— ელენა! — უთხრა მან, — რატომ შეცბუნდი ადათ-წესის შესრულებისას?

ელენა შეკრთა და შიშით აღსაესე თვალები მიაპყრო ქმარს. უნდოდა მუხლებში ჩაეარდნოდა მას და დაუფარავად ეთქვა სიმართლე, მაგრამ იფიქრა, ეგებ ჯერ კიდევ არ აუღია ეჭვი სერებრიანიზეო, და შეეშინდა, ვაითუ მასზე შურისსაძიებლად ავამხედრო ქმარიო.

— რატომ შეცბუნდი? — გაუმეორა მოროზოვმა.

— შეუძლოდ ვიგრძენი თავი... — ჩურჩულთ მიუგო ელენამ.

— დიახ. შეუძლოდ იყავი, მაგრამ ჯანით კი არა, სულით. შენი სნე-  
: ელება სულისმიერია. შენ სულს წარიწყმედ, ელენა!

ქალი ცახცახებდა.

— როცა დღეს დილით, — განაგრძობდა მოროზოვი, — ვიაზემსკი  
-კვესტუმრა ოპრიჩნიკებით, მე საღმრთო წერილს ვკითხულობდი. იცი,  
რა სწერია იქ მოღალატე ცოლებზე?

— ღმერთო ჩემო! — წარმოთქვა ელენამ.

— მე ვკითხულობდი, — განაგრძობდა მოროზოვი, — თუ რა სასჯელი  
: მიეგება მრუშობისთვის...

— უფალო ჩემო! — ემუდარებოდა ელენა, — იყავ მოწყალე, დრუჟინა  
-ანდრეიჩ, შემიბრალე, იმოდენა ცოდვა არა მაქვს, შენ რომ გგონია... მე  
არ მიღალატნია შენთვის...

მოროზოვმა მრისხანედ შეჰყარა წარბები.

— ნუ ცრუობ, ელენა. ნუ ფარისევლობ. შენს ცოდვას ცბიერი სიტყ-  
-ვით ნუ გაამრავლებ. ჰო, არ გიღალატნია, რადგან, ადამიანს რომ უღა-  
-ლატო, სულ მცირე ხნით მაინც უნდა იყო მისი ერთგული, შენ კი არა-  
-სოდეს ყოფილხარ ჩემი ერთგული...

— დრუჟინა ანდრეიჩ, შემიბრალე!

— შენ არასოდეს ყოფილხარ ჩემი ერთგული! როცა გვირგვინს გვად-  
-კამდნენ, როცა სულის წარმწყმედი სიცრუით ჩემს ჯვარს ემთხვე, უკვე  
სხვა გიყვარდა... დიახ, სხვა გიყვარდა! — უკვე ხმაშემალღებით განაგ-  
-რძობდა მოროზოვი.

— ღმერთო ჩემო, ღმერთო ჩემო! — წაიჩურჩულა ელენამ და სახე  
ხელეებში ჩამალა.

— ელენა! ჰა, ელენა! რატომ არ მითხარი მაშინ, თუ ის გიყვარდა?

ელენა ტიროდა და სიტყვასაც არ სძრავდა საპასუხოდ.

— როცა ეკლესიაში დაგინახე უნუგეშო ობოლი, იმ დღით, ძალით  
: რომ ვიპირებდნენ ვიაზემსკიზე გათხოვებას, გადაეწყვიტე საქმულველი  
ქმრისგან გადამერჩინე, მაგრამ მინდოდა ფიცით აღგეთქვა, რომ ჩემს ჭა-  
-ღარას არ შეარცხვენდი. რატომ მომეცი მაშინ ის ფიცი? რატომ არ გა-  
-მიმხილე სიძართლევ? სიტყვით ჩემთან იყავი, გულით და ფიქრით კი  
სხვასთან! რომ მცოდნოდა, სხვა გიყვარდა, განა ვიფიქრებდი შენს შერ-  
-თვას?! სადმე მივარდნილ მაშულში გადაგკარგავდი, მოსკოვიდან შორს,  
ან მონასტერს შეგაფარებდი, მაგრამ ცოლად კი არ გითხოვდი, ღმერთია  
მოწამე, არ გითხოვდი! საქმულველის ხელში ჩავარდნას გერჩია სიცოცხ-  
-ლე მოვესპო. რატომ სიცოცხლე არ მოისპე? რატომ შეეფარე ჩემს სა-  
-ბელს, როგორც ქვის კედელს, მერე კი მასხრად მიგდებდი შენს საყვა-

რელთან ერთად? ფიქრობდი: მოროზოვი ბებერია, მოროზოვი უძლურია: რა დიდი ამბავია მისი გაბრწყინება!

— ოჰ, არა, უფალო ჩემო! — ამოიგმინა ელენამ და მუხლებზე დაეცა, — ეგ არასოდეს მიფიქრია! მაგნიური ცოდვა ახლოსაც არ გამკარებია გულთან! აზრადაც არ მომსვლია! თანაც, ის ზომ მაშინ ლიტვაში იყო...

სიტყვა ის... რომ გაიგონა, მოროზოვს თვალები აენთო, მაგრამ საკუთარ თავს მოერია და მწარედ ჩაიციხა.

— დიახ. თქვენ მაშინ კი არ დაახლოვდით, არამედ მოგვიანებით, როცა ის დაბრუნდა. თქვენ ღამით დაახლოვდით, ბაღის მესერთან, სწორედ იმ საღამოს, როცა შვილივით მივიღე და შევიტყპე ის ვაჟბატონი. მითხარი, ელენა, ნუთუ მართლა გეგონათ, ვერ გამოვიცნობდი თქვენს ზრახვებს, ასე იოლად გაგაბრწყინებდით თავს, ვერ შევძლებდი მუხანათი ცოლისა და ჩემი მაგინებელის, მისი არშიყის დასჯას? ნუთუ იმ ცინგლიანს ეგონა დაუსჯელად შერჩებოდა ეს სისაძაგლე? განა არ წაუკითხავს იმას, რაც ლევიტელთა წიგნში სწერია: რომელი შეეყოს სხვისა ქმრის ცოლსა, სიკვდილითა მოისრას კაცი იგი მემრუშე და დედაკაციც მრუშობასა შეთხივნული!

ელენამ ძრწოლვით შეხედა ქმარს. მის თვალებში ავისძომასწავებელი გაბედულება ჩაბუდებულიყო.

— დრუჟინა ანდრეიჩ! — შიშით წარმოთქვა მან, — რას აპირებ, ჰა? მოროზოვმა მოსასხამის ქვემოდან გრძელი დამბაჩა ამოაცურა.

— რას შვრები? — შეჰყვირა ელენამ და უკან დაიხია.

დრუჟინამ ჩაიციხა.

— ნუ გეშინია! — ცივად უთხრა ცოლს, — შენ არ მოგკლავ. სანთელი აიღე, წინ გამიძეხი!

მან დამბაჩა შეათვალიერა და კართან მივიდა. ელენა ადგილიდან არ იძვროდა. მოროზოვმა უკან მიიხედა.

— გამინათე! — მბრძანებლურად გაუმეორა მან.

ამ დროს ეზოდან ხმაური მოისმა. რამდენიმე ხმა ერთად ლაპარაკობდა. მოროზოვის მსახურნი ერთმანეთს უხმობდნენ: ბოიარმა მიაყურადა. ხმაური ძლიერდებოდა. კაცი იფიქრებდა, უამრავი ხალხი შემოცივდა პალატებშიო. უცებ სროლა გაისმა.

ელენამ წარმოიდგინა, სერებრიანი მოკლეს მოროზოვის ბრძანებით. აღშფოთებამ ძალ-ღონე დაუბრუნა მას.

— ბოიარო! — შეჰყვირა ელენამ და თვალებში ცეცხლი წაეკიდა, — მე, მე მომკალი! მარტო მე ვარ დამნაშავე!



მაგრამ მოროზოვს ყურადღება არ მიუქცევია ქალისთვის. ის თავ-  
წახრილი უსმენდა ხმაურს და სახეზე გაოცება ეხატა.

— მე მომკალი! — სასოწარკვეთით ემუდარებოდა ელენა, — არ მსურს,  
არ შემიძლია უმისოდ სიცოცხლე! მე მომკალი! მე მოგატყუე, მე  
გამასხრებდი! მომკალი ბარემ!

მოროზოვმა ელენას შეხედა და, ახლა რომ ვინმეს დაენახა დრუჟინა,  
გადაწყვეტილად ვერ იტყოდა, რა უფრო სჭარბობდა მის მზერაში: სიბ-  
რალული თუ აღშფოთება.

— დრუჟინა ანდრეიჩ! — მოისმა ქვემოდან. — ღალატია! გამცემლობა!  
ოპრიჩნიკები შენს ცოლთან შემოჭრას ლამობენ! გაფრთხილდი, დრუჟი-  
ნა ანდრეიჩ!

ეს სერებრიანის ძახილი იყო. მისი ხმა რომ იცნო, ელენა აუწერელი  
სიხარულით მივარდა კარებს. მოროზოვმა ხელისკერით მოიშორა ცო-  
ლი, საკეტი გადმოსწია და კარი რკინის რაზით გაამაგრა.

კიბეებზე აჩქარებული ნაბიჯების ხმა გაისმა, შემდეგ ხმლების ჩახა-  
ჩუხი, მერე ლანძღვა-გინება, შეხლა-შემოხლა, ხმამაღალი შეყვირება  
და ზღართანნი.

კარი ბრახუნმა შეაზანზარა.

— ბოიარო! — ყვიროდა ვიაზემსკი, — გააღე, თორემ სულ ნაფოტე-  
პად მოვანიავებ ამ შენს სახლს!

— არ მჯერა, თავადო! — დარბაისლურად გაეხმაურა მოროზოვი. —  
ჯერ არ ნახულა რუსეთში, სტუმარს მასპინძელი შეერცხვინოს, ძალით  
შეჭრილიყოს მისი ცოლის სამყოფში; მათრობელა იყო ჩემი თაფლუჭი,  
თავი გაგიხურა, თავადო, წადი ახლა და გამოიძინე; დილამდე ყველაფე-  
რი დაგაევიწყდება. ოღონდ მე არ დავივიწყებ, რომ სტუმარი ხარ.

— გააღე! — გაუმეორა თავადმა და კარს მოაწვა.

— აფანასი ივანჩიჩ! გაიხსენე, ვინცა ხარ! გაიხსენე, რომ ყჩაღი კი  
არა, თავადი და ბოიარი ხარ!

— მე ოპრიჩნიკი ვარ! გესმის, ბოიარო, ოპრიჩნიკი ვარ! აღარ გამაჩ-  
ნია ღირსება და პატიოსნება! შენი ცოლი მიყვარს, შენი ცოლი, გესმის,  
ბოიარო! არ მეშინია საძრახი საქმის; მთელ მოსკოვს გადავბუგავ,  
კვამლს გვატან, ელენას კი მაინც ჩაევიგლებ ხელში!

უეცრად სახლი გაკაშკაშდა. მოროზოვმა ფანჯრიდან დაინახა, რომ  
შრამელთა სახურავები იწვოდა. ამავე დროს, გახელებული დარტყმებით  
შეზანზარებული კარი ლაწანით შემოიძვრა და ზღურბლზე ვიაზემსკი  
ვამოჩნდა, ხანძრით გაშუქებული, ხელში ჩაბლუჯული გადამტყდარი  
ხმლით.

თავად სულ შემოფხრეწოდა თეთრი ატლასის ტანისამოსი. ზედ-სისხლი ჩამოსდიოდა. ჩანდა, უბრძოლველად არ ამოედწია ელენას სა-ძინებელში.

მოროზოვმა თითქმის მიბრჯნით ესროლა ვიაზემსკის, მაგრამ ხელ-მა უმტყუნა მოხუცს. ტყვია კარის წირთხლს მოხვდა. თავადი მორო-ზოვს ეძგერა.

დიდხანს არ გაგრძელებულა მათი ჭიდილი.

ხმლის ვადის ძლიერმა ჩარტყვამ მოროზოვი პირქვე დაამხო. ვია-ზემსკიმ ბოიარინასთან მიიბრინა; როგორც კი მისი გასისხლიანებული-ხელები ქალის სამოსს შეეხო, ელენამ სასოწარკვეთით შეჰყვირა და გრძნობა დაჰკარგა. თავადმა ხელში აიტაცა ბოიარინა და სწრაფად და-ეშვა კიბეზე, თან ქალის გაშლილი ნაწნავით საფეხურებს მიხვეტავდა.

ჭიშკართან მას ცხენები ელოდებოდნენ. თავადი უნაგირს მოახტა და გაფრინდა მკერდზე უსიცოცხლოდ მისვენებული ელენათი, უკან კი ია-რადის ჟღარუნით მიჰყვინნენ მისი მსახურნი.

მოროზოვის კარ-მიდამოში ჯოჯოხეთი დატრიალდა. ყველაფერი-ალში იყო გახეული. ისმოდა მძარცველთა ხმლებით დანეხილ შინამსა-ხურთა ღრიალი. მოახლე გოგოები წივილ-კივილით ასკდებოდნენ წინ-და უკან. ზომიაკის ამფსონები სახლს ძარცვავენ, ეზოში გამორბოდნენ და ერთად ახვეებდნენ ძვირფას ჭურჭლეულობას, ოქროს ფულებსა და მდიდრულ ტანსაცმელს. ეზოში, ვერცხლისა და ოქროს გროვასთან, წი-თელხიფთანინანი ზომიაკი იღვა და კმაყოფილი როზროხით ლამის ახ-შობდა ხმაურს, ყვირილსა და ცეცხლის ტაკატაკუსს.

— იფ, რა მზიარულებაა! — ამბობდა და ხელებს იფშენებდა. — აი-მესმის ნამდვილი ღზინი!

— ზომიაკ! — დაიყვირა ერთმა ოპრიჩნიკმა, — მსახურებმა მოროზო-ვი მდინარით გააპარეს. გამოუდგეთ თუ მოვეშვათ?

— ჯანდაბაშიც წასულა! ახლა მისთვის არ გვცხელა! ჰეი, თქვენ! ყველანი ეზოში გამოდით, თორემ საცაა გავიგულებით!

— ზომიაკ! — უთხრა მეორემ, — რას გვიბრძანებ, რა ვუყოთ სერებ-რიანის?

— თითიც არავინ ახლოთ! ყარაულები მიუჩინეთ, რომ წუთითაც არ-მოაცილონ თვალი. პატივით მივიყვანთ მის მოწყალებას ალექსანდრეს-სლობოდაში. ხომ დაინახეთ, რა უღმერთოდ შემოჰკრა თავად აფანასის? რა უღმერთოდ ჩეხავდა ჩვენს ბიჭებს?

— დავინახეთ, დავინახეთ!

— ჰოდა, ხომ დაიფიცებთ ამას ჯვარზე ხელმწიფის წინაშე?

— დაეფიცებთ, დაეფიცებთ! ყველანი ჯვარზე დაეფიცებთ!

— მაშ იცოდეთ, მერე არ გადახვიდეთ პირობას! ახლა კი არავინ გაბედოს მისი წყენინება, მაგრამ შინ რო მივალთ, მოგეცათ ღზენა, გრიგორი ლუკიანიჩმა მოაგონოს მაგას იმდღევანდელი სილაქი, მე კიდევ ის მათრახები!

კიდევ დიდხანს ხმაურობდნენ და ძარცვავდნენ ოპრიჩნიკები მოროზოვის სახლ-კარს, ხოლო როცა მძიმე ნაალაფევით დასაპალნებული ცხენები გზას გაუყვნეს, კიდევ დიდხანს ჩანდა მათი წასვლის შემდეგ ხანძრის არილი იმ ადგილზე, სადაც მანამდე მოროზოვის სახლი იდგა; მოსკოვ-მდინარე კი, იქვე ახლოს რომ მიედინებოდა, გათენებამდე მოათამაშებდა გამდნარ ოქროსავით მოლივლივე ცეცხლოვან ჭავლებს.

## XVII თ ა ვ ი

### სისსლის შელოცვა

მეზობლად მოსახლეებმა, ოპრიჩნიკების თავდასხმის ამბავი როც შეიტყვეს და მოროზოვის კარ-მიდამოზე აყარდნილი ხანძრის ალი დაინახეს, სანიქაროდ ჩარახეს ჭიშკრები და ჭრაქები ჩააქრეს.

— ღმერთო! — პირჯვრისწერით ბუტბუტებდნენ ისინი, ვის კარ-მიდამოსაც ჩაუქროლებდა ვიაზემსკი თავისი მსახურებით, — ღმერთო მოგვხედე, გვაშორე უბედურება!

ხოლო როცა ცხენების თქარათქური მინელდებოდა და უკაცრიელ ქუჩებში ჩაჩუმდებოდა ჯავშნების ჟღარუნი, მოსახლეები შეებით ითქვამდნენ სულს, კვლავ პირჯვარს იწერდნენ და ბუტბუტებდნენ: „დიდება შენდა, ღმერთო! აგვშორდა უბედურება!“

ამასობაში თავადი შეუსვენებლად მიაგეღვებდა ცხენს და უკვე საკმაოდ შორს გაუსწრო თავის მსახურებს. მას ფიქრად ჰქონდა გათენებამდე მიეღწია სოფლამდე, სადაც მარქაფა ცხენები ელოდებოდა, იქიდან კი რიაზანში, თავის სამკვიდრო მამულში გადაეყვანა ელენა. მაგრამ ხუთი ვერსიცი ძლივს ექნებოდა გავლილი, რომ შენიშნა, თურმე გზას ასცდენოდა.

ამავე დროს ვიაზემსკიმ იგრძნო, რომ აუტანლად უკენესოდა ნახმლეუები, რომელთათვისაც ცხელ გულზე ყურადღება არ მიუქცევია.

— ბოიარინა! — წარმოთქვა მან და ცხენი შეაყენა, — ჩემი ხალხი ჩამოგვრჩა... უნდა შევიცადოთ!

ელენას ნელ-ნელა უბრუნდებოდა ცნობა. თვალი რომ გაახილა, პირ-  
ველად შორეული არილი დაინახა, მერე ტყე და შარავზაც გაარჩია, შემ-  
დეგ კი იგრძნო, რომ ცხენის ქედზე იყო გადაწოლილი და ღონიერი  
მკლავები ჰქონდა შემოსალტული. ნელ-ნელა იმდღევანდელი ამბებიც  
გაიხსენა, უცებ ვიაზემსკიც იცნო და ელდნაკარავმა შეჰყვირა.

— ბოიარინა, — მწარე ღიმილით უთხრა აფანასიმ. — გეზარები განა?  
მწყევლი ხომ? მე ნუ მწყევლი, ელენა დმიტრიევნა! შენი ბედი დასწყევ-  
ლე! ამოდ ისურვე ჩემთვის გვერდის ავლა. ვერავინ აიცდენს, რაც მის  
თავზე მოსასვლელია; ღმერთს გავექეცი და ბედს კი — ვერაო! ჩანს, გა-  
ჩენის დღიდან გეწერა ასე, ელენა, რომ მე მრგებოდი!

— თავადო! — ჩაიჩურჩულა ელენამ, რომელიც მთლად ცაბცახებდა, —  
თუ სინდის-ნამუსი გამოგლევია, შენი ბოიარული ღირსება მაინც გაიხ-  
სენე, სირცხვილმა მაინც შეგაწუხოს...

— სადღა მაქვს ღირსება, სადღა მაქვს სირცხვილი! ყველაფერი, ყვე-  
ლაფერი შენ განაცეალე, ელენა დმიტრიევნა!

— თავადო, ღვთის სამსჯავრო გაიხსენე, სულს ნუ წაიწყმედ!

— რაღა დროსია, ბოიარინავ! — სიცილით უპასუხა ვიაზემსკიმ. —  
წარწყმედილი ვარ უკვე და ეგ არის! იქნებ გგონია, ვინც ისე იხდის პურ-  
მარილის სამაგიეროს, როგორც ახლა მე გადავიხადე, ოდესმე მაინც  
შეძლებს სულის ცბონებას? არა, ბოიარინა! ამ ღამით სამუდამოდ მო-  
ვიკეთე ყველა გზა! გუშინ კიდეც იყო დრო, დღეს კი ყველა იმედი გადა-  
ვიწურე, არ მიწერია ჩემ შესაჩვენარ საქმეთა მიტევება! და არცა მსურს  
სამოთხეში ნეტარება უშენოდ, ელენა დმიტრიევნა!

ვიაზემსკის თანდათან ელეოდა ძალ-ღონე. თავადი გრძნობდა თავის  
დაუძლურებას, მაგრამ ამოდ მაგრობდა. გონება დაენისლა და ბოდვას  
მოჰყვა.

— ელენა, — წარმოთქვა მან, — სისხლისგან ვიცლები, ჩემი მსახურ-  
ნი კი ჯერაც არ ჩანან... მშველელი ამ ახლომახლო არავინაა; ვაითუ აღ-  
სასრულის ჟამი დამიდგა და სადაცაა გადავეგო საუკუნო გეენიაში... შე-  
მიყვარე მე ცოდვილი, სულ ცოტა ხნით შემიყვარე... რომ ცუდუბრალოდ  
არ მივაბარო სული სატანას!.. ელენა! — განაგრძობდა ის და უკანასკნელ  
ძალას იკრებდა, — შემიყვარე, ჩემი გულის მზიბლავო, სულის წარ-  
მწყმედო!..

თავადს უნდოდა სისხლიანი ხელებით მოჰხვეოდა და ჩაჰკონებოდა  
ქალს, მაგრამ ძალა აღარ ეყო, სადავე ხელიდან გაუვარდა, შებარბაცდა  
და მიწაზე ჩამოეწარცხა. ელენა ფაფარში ჩააფრინდა ცხენს და თავი  
შეიმაგრა. მხედარი რომ ზურგზე ველარ დაიგულა, ბედაური დაფრთხა

და ადგილიდან მოწყდა. ელენამ მისი შეჩერება სცადა, მაგრამ ცხენი გვერდზე მიაწყდა, ტყეს შეერია და ქალიც თან, გაიტაცა.

დიდხანს მიჰქროდნენ ბნელ წიწვნარში. ერთ ხანს ელენა წვალობდა, ვეგებ როგორმე დავაოკო ცხენით, მაგრამ მალე მოელალა ხელები, ფაფარში ჩააფრინდა ბედაურს და ღვთის ნებას მიენდო. ცხენი შეუჩერებლად მიჰქროდა. სის როკები კაბაზე ედებოდნენ ელენას, ტოტები სახეს უკაწრავდნენ. როცა მთვარით გადასუქებულ მღელობზე მიჰქროდა, ეჩვენებოდა, თითქოს რძისფერ ნისლში ალები დახტოდნენ და მაცდურად უზმობდნენ თავისკენ. შორიდან რაღაც ერთფეროვანი ხმაური ჩაესმოდა, რომელიც გამოძახილებით მეორდებოდა. ქაჯის ხარხარი იყო თუ სხვა რამ ხმაური, მაგრამ ბგერები სულ უფრო ხმამაღლა მოისმოდა, შიშით დაზაფრულ ელენას გული ეყინებოდა, და უფრო მაგრად აფრინდებოდა ცხენის ფაფარს. თითქოს მის ჯიბრზეო, ბედაური პირდაპირ იმ ხმაურისკენ მიფრინავდა. აი, რაღაც შუქმა გაიელვა, აი, რაღაც ვერცხლისფერმა მოჩვენებამ თითქოს ფრთები დაიქნია... უეცრად ცხენი შედგა, და ელენას გული შეუღონდა.

მან ბიბინა ბალახზე იგრძნო თავი. ირგვლივ სასიამოვნო სიგრილე იდგა, ჰაერი მცენარეული სურნელებით იყო გაჟღენთილი. ხმაური კვლავ ჩაესმოდა, მაგრამ მასში აღარაფერი იყო შიშის აღმძვრელი. ის ძველ-თაძველ სიმღერასავით ანანავებდა და სასიამო თვლემას ჰკვრიდა ელენას.

ელენამ ძლივძლივობით გაახილა თვალები. წყლით აბრუნებული უზარმაზარი ბორბალი ხმაურით ტრიალებდა მის თვალწინ და მანანასავით აფრქვევდა გარშემო ცინცხალ შხეფებს. ისინი მთვარის სხივებში ლაპლაპებდნენ და ელენას იმ აღმასის თვლებს მოაგონებდნენ, რომლებითაც გოგოები ამკობდნენ ბაღში, იმ დღით, როცა ნიკიტა რომანოვიჩი დაბრუნდა ლიტვიდან.

„ნეტავ ჩემს ბაღში ხომ არა ვარ? — გაიფიქრა ელენამ. — ნუთუ კვლავ ბაღში გაუნდნი? გოგოებო! ჰამენკა! დუნიაშა! სადა ხართ?“

მაგრამ ქალიშვილების ქორფა სახის მაგიერ მოხუცის დანაოჭებული სახე დაიხარა ელენასკენ, თოვლივით ქათქათა წვერი თითქმის სახეზე მოელამუნა.

— ნახე; როგორ დაგიფარა. ღმერთმა, ბოიარინა, — წარმოთქვა უცნობმა მოხუცმა, თან ცნობისმოყვარეობით აკვირდებოდა ელენას ნაკვთებს, — სულ ერთ ბეწოზე მარცხნივ გაეხარა ცხენს და, მორჩა, პირდაპირ ნატბორში ამოყოფდი თავს; მარა არც ცხენია აქაურობის ხამი, —

განაგრძობდა ის თავისთვის, — იცნობს ამ არემარეს; მაღლობა ღმერთს, პირველად არ მოდის წისკვილში!

მოხუცის გამოჩენამ კინაღამ შეაშინა ელენა; გაახსენდა, რაც ქაჯებზე გაეგონა, თან უცნობის დანაოჭებულმა სახემ და თეთრმა წვერმაც უცნაურად იმოქმედა მასზე, მაგრამ ბერიკაცის ხმაში რაღაც გულკეთილობა იგრძნობოდა; ერთბაშად ელენა უეცარმა ფიქრმა შეიპყრო და მუხლებში ჩაუვარდა მოხუცს.

— ბაბუ, ბაბუ! — წამოიძახა მან, — მიშველე რამე, დამმალე სადმე!

მეწისკვილემ მაშინვე იაზრა, რა ამბავიც მომხდარიყო: ცხენი, რომლითაც ელენა მოვარდა, ვიაზემსკის ეკუთვნოდა. ყველა ვარაუდით, ეს ქალი ბოიარინა მოროზოვა იყო, სწორედ ის, რომლის მოჯადოებასაც თავადი ემუდარებოდა. მოხუცს არასოდეს ენახა ელენა, მაგრამ ბევრი რამ იცოდა მასზე ვიაზემსკისგან. ამ ქალს არ უყვარს თავადი, ახლა კი შეველას ითხოვს; მაშასადამე, ის, როგორც ჩანს, თავადს გამოექცა მისივე ცხენით.

მოხუცმა სწრაფად ივარაუდა გონებაში ყველა ეს გარემოება.

— ღმერთმა მოგხედოს, ბოიარინა! — მიუგო მეწისკვილემ. — აბა, მე რა გიშველო? ნამეტანი ძლიერია თავადი აფანასი ივანიჩი, ხელიც შორს მიუწვდება, დამლუპავს მოხუცს.

ელენამ შიშით შეხედა მეწისკვილეს.

— შენ იცი... — წარმოთქვა მან, — იცი, ვინცა ვარ?

— ეჰ, ცოდნით რა არ ვიცი, ქალბატონო ელენა დმიტრიენა! რა არ ჩამბუტბუტა წყალმა, რა არ მიჩურჩულეს ხეებმა ჩემ მოსწრებაში. ბევრი რამ ვიცი; ისეთებიც, რომ არ ითქმება!

— ბაბუ, რახან ყველაფერი გცოდნია, მაშ აბა ისიც გეცოდინება, რომ ვიაზემსკი ველარ დაგლუპავს, რომ გზაზე აგდია ახლა, ხმლით დაჩეხილი. მისი კი არ მეშინია, ბაბუ, ოპრიჩნიკებისა და თავადის მსახურებისა მეშინია... ყოვლად წმინდა ღვთისმობელს გაფიცებ, ბაბუ, დამმალე სადმე!

— ოჰ-ოჰ-ოჰ! — მძიმე ხვნეშით წარმოთქვა მოხუცმა, — გზაზე აგდია თავადი აფანასი, ხმლით დაჩეხილი! მარა ხმლით სიკვდილი არ უწერია იმას. წამოდგება თავადი, ცხენით მოფრინდება წისკვილთან და მეტყვის: სად არის ჩემი სულისდგმა ბოიარინა, ჩემი სატრფო, ჩემი მხურვალე გულის მაღამო? რა ვუპასუხო მაშინ მე იმას, რით მოვიცილო? იმნაირი კაცი არ არის თავადი, თქმით რამე შეასმენინო. სულ ნაკუწ-ნაკუწ ამკეპავს!

— ბაბუ, აი ჩემი ყელსაბამი! შენ გკონდეს! სხეასაც ბევრს მოგცემ, თუ გადამარჩენ!

მეწისქვილეს თვალები გაუბრწყინდა. მარგალიტის ყელსაბამი გამოართვა ელენას და ხარბად დაუწყო მთვარის შუქზე თვალიერება.

— ქალბატონო, ჩემო თვალისჩინო, — კმაყოფილებით უთხრა მოხუცმა, — დაე ლოცვა-კურთხევა ნუ მოგაკლონ ყოვლად გულუხვმა ღმერთმა და მოსკოვის სასწაულმოქმედებმა! ძნელია ჩემთვის თავადის კაცებისგან შენი გადამალვა, თუ ვინიცობაა აქეთ შემოეხეტნენ! მარა, რახან ასეა, თავს გადავღებ შენ სამსახურად, ეგებ ღმერთმა მომხელოს!

ამის თქმაც ვერ მოასწრო მოხუცმა, რომ ტყეში ცხენების თქარათქური გაისმა.

— მოდიან, მოდიან! — შეჰყვირა ელენამ, — ნუ ჩამაგდებ მაგათ ხელში, ბაბუ!

— კეთილი, ქალბატონო, აქეთ მომყევი!

მეწისქვილე ცუხცუხით გაუძღვა ელენას წისქვილისაკენ.

— აქ დაიმაღლე, ტომრების უკან, — უთხრა მოხუცმა, მერე კარი გაიკეტა და ცხენთან გავარდა.

— აჰ, ღმერთო ჩემო, რა ვიღონო, სად გავაქრო ეს ცხენი, რომ ვერაფერს მიხვდნენ!

მოხუცმა აღვირში ჩაავლო ხელი ბედაურს, წისქვილის იქითა მხარეს წაიყვანა, სადაც საფუტკრე ჰქონდა, და ბუჩქებში მიაბა სკებს უკან.

ამასობაში ცხენების თქარათქური და ადამიანთა ხმები მოახლოვდა. მეწისქვილე ნალიაში ჩაიკეტა და კვარი ჩააქრო.

მაღლე მდელიოზე ვიაზემსკის კაცებიც გამოჩნდნენ. ორი მსახური ქვეითად მოდიოდა და გადაწულ ტოტებზე უგრძნობლად დასვენებული თავადი მოჰყავდათ. ისინი წისქვილთან შეჩერდნენ.

— ნეტავ სად შემოვეხეტეთ, ხომ არ შეგვეშალა? — იკითხა უფროსმა მხედარმა.

— ცხენი აქეთ გამოიქცა! — უპასუხა მეორემ. — მე თვითონ ვნახე კვალნი! თან კიდევ მარჩიელიც ცხოვრობს აქ. ბარემ ნახოს თავადი!

— ძირს დაასვენეთ მისი მოწყალეობა, ოღონდ ფრთხილად, არ შეაწუხოთ! რაო, სისხლი არ უწყდება?

— არ აძლევს ღმერთი საშველს, — მიუგეს მსახურებმა, — ცოტას მოიხედავს და ისევე გადაიქცევა! რაც გზაში ვართ, ბარე სამჯერ მოუვიდა ასე. ამ მეწისქვილემ თუ არ შეუყენა სისხლი, მორჩა, ველარც ადგება თავადი, წვეთ-წვეთობით დაიცლება!

— ჰოდა, სადაა მერე ის შეჩვენებული, თქვენი ჯადოსანი? გაინძერით, ახლავე აქ გააჩინეთ!

ობრინნიკები წისქვილსა და ნალიას მისცვიდნენ და ბრახუნი ატე-  
ბეს. შო ბრახაბრუხსა და ყვირილს დიდხანს არავინ გამოხმაურებია.  
ბოლოს ნალიაში ხელება გაისმა და გამოჭრილ სამხერში მეწისქვილის  
თავი გამოინდა.

— ვის არ ასვენებს ღმერთი ამ უდროო დროს? — თქვა მოხუცმა ისე  
მძიმე ხელებით, თითქოს სული უნდა ამოახველოსო.

— გამოდი, ჯადოსანო, ჩქარა გამოდი, სისხლს შეულოცე! თავადი  
აფანასი ვიაზემსკი მოვიყვანეთ აგერ ხმლით დაჩეხილი!

— ვინ თავადი? — ისე იკითხა მოხუცმა, თითქოს ყურს აკლია და ვე-  
რაფერი გაიგონაო.

— უყურე ამ სამძილას, ამას! კიდევაც რომ კითხულობს: ვინაო? კა-  
რი შეამტვრიეთ, ბიჭებო!

— მოიცათ, მარჩენალებო, მოიცათ! თვითონ გამოვალ, კარის შემომ-  
ტვრევას რა გრჯით? თვითონ გამოვალ!

— აჰა, ახლა ხომ კარგად გაიგონე, შე ყრუანჩელავ, შენა!

— ნუ მიწყენ, ბატონო, — უთხრა მეწისქვილემ, როცა ფუთფუთით  
გამოდერა კარში, — მაპატიე, შენ შემოგველე, ყურს დამაკლდა, ზოგჯერ  
ერთბაშად ვერც კი ვარჩევ, რას მეუბნებიან! თან კიდევაც, ცოდვა გამო-  
ტეხილი სჯობია, კარზე და კედელზე ბრახუნი რომ დაიწყეთ, შემეშინდა,  
თქვენ შემოგველეთ. ვიფიქრე, ღმერთო მაშორე და, მძარცველები ხომ არ  
არიან-მეთქი! ეს არემარე ხომ, მარჩენალებო, სულ საესეა მაგათი ბუდე-  
ებითა და ბუნაგებით. სულ შიშსა და გულსხეტქვაში ხარ კაცი ამ ტყე-  
ში, სულ იმის ფიქრში: ვაითუ, ღმერთმა ნუ ქნას და, აქაც შემოეხე-  
ტონო!

— კარგი, კარგი, ენად ნუ გაიკრიფე! აქეთ მოდექი, ამას შეხედე: ხე-  
დავ, როგორ მოთქრიალებს სისხლი? რას იტყვი, შეაჩერებ?

— აი ვნახოთ, შემოგველე! უჰ, ეს რა მოსვლია ამ უბედურს! ვინ იყო  
ის უღმერთო, ასე რო გაუმეტებია? ნახევარი გოჯით ქვემოთ და, გათავ-  
და, საფეთქელსაც გაუპობდა! მარა, მადლობა უფალს, არ გაუწირავს!  
ერიპა-ე, ეს რაღაა? მხარი ლამის ძელამდეა ჩათლილი! ეჰ, ეტყობა, მარ-  
ჯვე მჩეხავია, ვილაცაა, ამ დღეში რომ ჩაუგდია მისი მოწყალება!

— შეიძლება სისხლის შეჩერება, მოხუცო?

— გაჭირდება, მარჩენალო, გაჭირდება. ხმალი ხომ შელოცვილი ყო-  
ფილა!

— შელოცვილი? გესმით, ბიჭებო, აკი ვამბობდი, შელოცვილია-მეთ-  
ქი. აბა ისე რანაირად მიჩეხ-მოჩეხდა მარტო თვითონ შვიდ კაცს!

— ჰო-ო! — გამოეპასუხნენ ობრინნიკები, — შელოცვილი ხმალი სჭე-



რია, შეიღოსან, და რას გააწყობდი იმასთან! თორე სერებრიან ვინ არი  
რო შეიდი კაცი აეჩხა!

მეწისქვილე კი ისმენდა და იმახსოვრებდა ყოველივეს.

— ხომ ხედავთ, როგორ მოთქრიალებს სისხლი! — განაგრძობდა ცო-  
ხუცი, — აბა რანაირად შეაჩერებ ამას? ხმალი რო შელოცვილი არ იყოს,  
კიდევ ჰო, შეაჩერებდა კაცი, მარა ახლა... არა, კაცმა რომ თქვას, ახლაც  
შეიძლება, მარა ძალიან მეშინია. როგორც კი შელოცვას დავიწყებ, მა-  
შინეე ენა წამერთმევა!

— არა უშავს, შეულოცე!

— იფ! არა უშავს! შენთვის, ჰო, არა უშავს, ჭირიმე, მაგრამ აბა ერთი  
ის იკითხე, მე რა დღეში ვიქნები!

— ისტომა! — უთხრა ოპრიჩნიკმა ერთ მსახურს, — მოიტა აქ მორო-  
ზოვის ოქროებიანი ქისა. აბა შენ, მოხუცო, ეს ერთი მუჭა ოქრო! თუ  
შეაჩერებ სისხლს, კიდევ ერთ ამდენს მოგცემ; ვერ შეაჩერებ და — სულს  
გაგაფრთხობინებ!

— მადლობელი ვარ, ბატონო ჩემო, მადლობელი! წყალობა ნუ მო-  
გაკლონ უფალმა ღმერთმა და ყველაწმინდამ! რახან ასეა, მარჩენალებო,  
თავს არ დაუზოგავ, ვეცდები გიშველოთ გაჭირვებაში. გვერდზე მიდე-  
ქით, თქვენ შემოგეველეთ, ამ საქმეს უცხო თვალი არ უყვარს!

ოპრიჩნიკები გვერდზე გადგნენ. მეწისქვილე ვიაზემსკისკენ დაიხარა,  
იარები შეუხვია, „მამაო ჩვენო“ წაიკითხა, მერე კი მუბღზე დაადო ხე-  
ლი და აბუტბუტდა:

— „ბერიკაცი მოდიოდა წაბლა ცხენითა, ჯირითით და ფრენითა,  
გზა-შარების, ხევ-ხუეების რბენითა. შენ, დედაო სისხლო ძარღვებისაო,  
სხეულისაო, შეწყდი ახლა, გეყოს წადენი. ბერიკაცი კიღობანში გამ-  
წყვდევს, მოსვენებას, თბილ ბუდეს გაძლევს. როგორც რომ მის ცხენს  
წყალი დაუშრა, ისევე შენც, დედაო სისხლო, ღარი დაგიშრეს! ცხრა ხა-  
ტო, ცხრა კლიტოსანო, მომეხმარე, ჰყავ ნება ჩემი! სიტყვა ჩემი მტკი-  
ცა!“

მოხუცის ბუტბუტის კვალობაზე, სისხლის დენა თანდათან დაცხრა  
და ბოლო სიტყვაზე სულაც შეწყდა. ვიაზემსკიმ ამოიხვნეშა, მაგრამ  
თვალი არ გაუხელია.

— მოდი, მოკეთებო, — თქვა მეწისქვილემ, — ახლოს მოდი, ნუ  
გეშინიათ; შედგა სისხლი, იცოცხლებს თავადი აფანასი; ოღონდ ახლა  
მე ვერ ვარ კარგად... უკვე ვატყობ, ენა მიშეშდება!

ოპრიჩნიკები თავადს შემოეხვივნენ. მთვარე სახეზე დანათოდა ვია-

ზემსკის, მკვდრისფერ სახეზე, მაგრამ სისხლი უკვე აღარ სდიოდა იარებიდან.

— მართლა შეუდგა, კაცო! უყურე ამ ბენრეკს, რა ყოფილა!

— აჰა შენ შენი ოქროები! — უთხრა ოპრიჩნიკების უფროსმა მხედარმა. — ოღონდ ამით კიდევ არ მთავრდება ჩვენი ამბავი. მისმინე, მოხუცო. ჩვენ კვალი ვნახეთ და ვიცით, რომ თავადის ცხენი ამ გზით გამოიქცა, იმ ცხენით კი, ეგებ, თვითონ ბოიარინაც აქეთ მოჰქროდა. ჰოდა, თუ დაინახე ისინი, იცოდე, არ დაგვიმალო!

მეწისქვილემ თვალეები დაჭყიტა, თითქოს ვერაფერი გაიგო.

— დაინახე ცხენი და ბოიარინა?

მოხუცი ოღნავ შეყოყმანდა, ეთქვა თუ არა? მაგრამ წამსვე ასე იანგარიშა გონებაში:

„ვიაზემსკი რომ საღ-სალამათი იყოს, მაშინ მისგან ბოიარინას დამალვა, ა-ჰა-ჰა, ძალიან საშიში იქნებოდა, მის ხელში გადაცემა კი, იცოცხლე, ხელსაყრელი! მაგრამ გამოძვრობინდება ვიაზემსკი თუ ჭირს მოგეჭამს, ეს ღმერთმა უწყის! მოროზოვი კი უსაჩუქროდ არ დატოვებს იმას, ვინც სამსახურს გაუწევს. და თვითონ სერებრიანისაც, ჩანს, სახუმაროდ არ ჰყვარებია ბოიარინა, რაკი ასე უღმერთოდ დაჩეხა თავადი მისი გულისთვის. მაშასადამე, — ფიქრობდა მეწისქვილე, — ვიაზემსკი ახლა ვერაფერს დამიშავებს, სერებრიანი და მოროზოვი კი თავ-თავის მხრივ მადლობას მეტყვიან, თუ ბოიარინას გადავარჩინ“.

ამ ვარაუდმა დაატოვებინა მოხუცს ყოყმანი.

— ყურითაც არ მსმენია, თვალითაც არ მინახავს, მოკეთებო! — თქვა მან, — არც ვიცი, რომელ ცხენზე, რომელ ბოიარინაზე ლაპარაკობთ!

— ვაი შენი ბრალი, თუ გვატყუებ, მოხუცო!

— შეჩვენებული ვიყო, თუ ვტყუოდე! ციური სასუფეველიც ნუ მღირსებია მაშინ! ა, აქვე დამხრუკოს მეხმა, თუ რამე ვიცოდე ან ცხენზე, ან იმ ბოიარინაზე!

— აბა მამ მოიტა კვარი, ვნახოთ ერთი, არის თუ არა კვალი სილაზე!

— ახლა რაღა დროსია მაგის ნახვა, კაცო! — გამოედავა ერთი ოპრიჩნიკი. — კიდევაც რომ ყოფილიყო რამე კვალი, უკვე გადათქერეს ჩვენმა ცხენებმა. ახლა ველარაფერს დავინახავთ!

— რახან ასეა, ნახვაც არ ღირს! ნალია გამოაღე, მოხუცო! თავადი გადავიყვანოთ!

— ახლავე, მოკეთებო, ახლავე, ეჰ, სიბერეს რა ვუთხრა, მარჩინალებო, თორემ გავიქცეოდი ხელათ ფუნდუკში, ლულსა და არაყს მოვირბენინებდით!

— გაიქცეოდი რა, შინ არა გაქვს?

— არა მაქვს, მოკეთებო. აბა საიდან, მე საპყარს! არც ღვინო მაქვს, არც შეჭამანდი, არც საკვები თქვენი ცხენებისთვის. აი, ფუნდუკში, გიყვარდეს, იქ ყველაფერი აქვთ. იქ ისეთ ღვინოს გამოგიტანენ, გინდაც მეფეს მიართმევ სუფრაზე. სივიწროვე შეგაწუხებთ ჩემთან, ღირსო ბატონებო, და კბილგასაკრავიც არაფერი მაქვს; მარა თქვენ ხომ ლაშქრის ხალხი ხართ, უვანშმოდაც გაძლებთ რამენაირად! თქვენი ბელაურები კი ბალახს მოწიწნიან... ოღონდ ცუდი ის არი, ეს ოხერი ბალახი ვერაა აქ მთლად ისეთი... რამდენჯერ ყოფილა, გამოძლება ცხენი და ისე ჩახურდება, ისე გაებერება, დოლივით გაუხდება მუცელი! დაბარბაცდება, დაბარბაცდება და, გასკდება უცებ!

— ეშმაკმა დაგლახვროს, შე წუწურაქა ბებერო, ეგებ ის გინდა, ჩვენი ცხენები მუცლებზე დასკდნენ?

— ღმერთმა ნუ ქნას, მოკეთებო! ცხენები შეიძლება დაეაბათ, რომ ბალახი ვერ მოძოვონ; ერთი ღამე რა გასაჭირია, ისედაც გაძლებენ! თქვენ კი, ბატონებო, უმორჩილესად გთხოვთ, დამაფასოთ ამ ჩემ ნალიაში მობრძანებით. შიგ არც თევია, არც ჩალა, ტიტველა სოხანეა მარტო. აბა ფუნდუკს კი ვერ შეედრება აქაურობა. ოღონდ, მოსვენებას რომ დააპირებთ, ძილის წინ ლოცვის წაკითხვა არ დაგავიწყდეთ, რო ღამის შიშში გააფრთხოთ... თორემ სუ არაწმინდებითაა სავესე აქაურობა!

— აი შე ეშმაკის ნათლიავ, შენა! ჯანდაბას შენი თავიცა და შენი ნალიაც! უყურე რით გვიპირებს გამასპინძლებას! ბიჭებო, წავედით ფუნდუკში!.. შორსაა აქედან, ბებერო?

— ახლოსაა, მოკეთებო, მთლათ ახლოს. გაყევით აგერ ამ ბილიკს. ვახზე რომ გააღწევთ, მარცხნივ გაუხვიეთ, ასე ერთ ვერსამდე გაივლით, პოდა იქვე დაინახავთ ფუნდუკსაც!

— წავედით! — თქვეს ოპრიჩნიკებმა.

ვიაზემსკი ისევ უგონოდ იყო. მსახურებმა ასწიეს თავადი და ფრთხილად წაიყვანეს საკაცით. ოპრიჩნიკები ცხენებზე შესხდნენ და უკან მიჰყვნენ.

როგორც კი შორს დაიგულა მიმავლები და ტყეში ადამიანის ხმა მიწყდა, მოხუცმა წისქვილი გამოაღო.

— ქალბატონო! წავიდნენ! — უთხრა მან. — ნალიაში წამობრძანდი. ეჰ, შე ტკბილო, კაკანათში გაბმულო იადონო, როგორ საწყლად ჩაცუცქებულხარ მაგ ტომრებში! ადექი, ნალიაში წამობრძანდი, ჩემო მტრედო, იქ ცოტა უკეთ იგრძნობ თავს!

მოხუცმა ნელღი ხავსი დაფინა ნალიის კუთხეში, კვარი აანთო და

გოლეული თაფლით სავსე ხის ჯამბი და პურის ყუა დაუდო წინ ელენას.

— მიირთვი, ნუ მოგერიდება, ქალბატონო, ღმერთმა შეგარგოს! — უთხრა მან და მდებლად დაუკრა თავი, — ახლავე ღვინოსაც მოგიტან.

მოხუცი წისქვილში გაცუხცუხდა და მოზრდილი დოქი და თიხის ტოლჩა გამოიტანა.

— შენი ღლეგრძელობისა იყოს, ქალბატონო!

მოხუცმა, მასპინძლის წესისამებრ, პირველმა დასცალა ტოლჩა. ღვინომ გაამხიარულა ბერიკაცი.

— დალიე, ბოიარინა! — თქვა მან, — ახლა ნურავის შიში ნუ გექნება! ისინი ფუნდუკს ეძებენ! მიაგნებენ თუ ვერ მიაგნებენ, სულ ერთია, უკან აღარ დაბრუნდებიან; იცოცხლე, კაი გზაზე მე ისინი გაუყენე... ხი-ხი! ე-ე, რა არი, შენ შემოგველე, ღვინოს რომ არ ეკარები? თუმცა, დამაცა, ნურც გაეკარები მაგას! ეგ მოხლეა, ღვინო კი არა! მიაფურთხე მაგას, მე ახლა სხვას მოგიტან!

მოხუცი კვლავ წისქვილში წაცუხცუხდა და ამჯერად ილღიაში ამოჩრილი მათარითა და ხელში ვერცხლის თასით დაბრუნდა.

— აი ღვინო ამას ჰქვია! — თქვა მეწისქვილემ, თან მათარას პირი გადმოუქცია. — შენი ღლეგრძელობისა იყოს, ქალბატონო ეს ღვინო, ამ თასიანად, ერთმა კეთილმა კაცმა მაჩუქა... პერსტენს ეძახიან... ხი-ხი! აქ ბევრი კეთილი კაცი ცხოვრობს ტყეში: ყველა მეგობრულადაა ჩემთან! მიირთვი, ქალბატონო! რა არი, პირს რომ არ აკარებ ამ გოლეულს? უბრალო გოლეული კი არ არი. ამნაირ გოლეულს, ასი ვერსიცი რომ ია-რო, ვერსად იშოვი. არ იკითხავ, რატომ არ არის უბრალო? იმიტომ, რომ ფუტკრის ამბავში მე მცოდნის მცოდნე ვარ. სხვებს კი არ ვგავარ! მე ნიადაგ ზაფხულს ყველაზე კარგ სკას ჭაობში ვუგდებ წყლის ბატონს: აჰა, შენ, ბატონო, მიირთვი-მეთქი! ხი-ხი! ის კი, ქალბატონო, ღმერთმა ჯანი მისცეს იმას, ჩემს საფუტკრეს მფარველობს. ფუტკარი ხომ ამ დე-დამიწაზე მისი გაჩენილია. როცა ჭუნებით დაადლო ცხენი და ჭაობში გადაუძახა, იმ ცხენიდან მერე ფუტკრებმა იბარტყეს, მეთევზეებმა კი, შენ ხარ ჩემი ბატონი, ბადე ისროლეს და თევზის მაგიერ ფუტკრები ამოიყვანეს... ეჰ, ბოიარინა! რა უგულოდ იციცქნები! აბა ნახე ახლა, თუ არ დაგაყენო მაგ ღვინის დაღვეის ხასიათზე... ყური მიგდე, ბოიარინა! ღლეგრძელი იყოს... ხი-ხი! ღლეგრძელი იყოს თავადი... თავადი, ის კი არა, აი ისა, რა ქვია, სერებრიანი! ღმერთმა ჯანზე ამყოფოს, ნახე, რა უღმერთოდ დაჩეხა ისა, რა ქვია, ვიაზემსკი! ახლა კიდე ბოიარი დრუ-ჟინა, ხი-ხი! ღლეგრძელი იყოს, ქალბატონო! იყავი ჩემთან დამალულად ერთი-ორი დღე, მერე კი ვისთანაც გინდოდეს, იმასთან წადი, გინდა

დრუჟინა ანდრეიჩთან, გინდა ნიკიტა რომანიჩთან, მე რა მენაღვლებას შენც იღლებგრძელებ, ქალბატონო!

უცნაურად და ტკივილით გაიხშიანეს ელენას გულში მთვრალი მეწისქვილის სიტყვებმა. ამ მოხუცმა თითქოს მის სულში ღრმად დაფლული ფიქრები იცოდა; თითქოს მის გულისთქმას კითხულობდა; კედელში ნარჭობილი კვარი მკაფიო შუქს ჰფენდა მის დაღარულ სახეს; ნაცრისფერი თვალები სიმთვრალისგან ამღვრეოდა, მაგრამ თითქოს შიგ სულში უცქერდნენ ელენას. ქალმა კვლავ შიში იგრძნო და ხმამაღალი ლოცვა დაიწყო.

— ხი-ხი! — უთხრა მეწისქვილემ, — ილოცე, ილოცე, ბოიარონა! მე მაგისი არ მეშინია... მე ლოცვით ვერ შემაშინებ, საკმევლით ვერ გამაძევებ... თვითონ ვიცი შელოცვაცა და გამოლოცვაც... უბრალო ვინმე კი არ გეგონო... მე წყლის ბატონიც მიცნობს, ტყის ბატონიც... მე ალებიც მიცნობენ... ქაჯებიც... ჭინკებიც... ყველა მიცნობს... მე... მე... აი, გინდა მოვიხმო ეგენი? შიკალუ! ლიკალუ!

— ღმერთო ჩემო! — წაიჩურჩულა ელენამ.

— შიკალუ! ლიკალუ! რაო? არ მოდიან? დამაცადე, ახლავე მოვიყვან ყველას! ბლუ, ბლუ!

მოხუცი წამოდგა და ბარბაცით და ბუქნა-ბუქნით გავიდა ნალიიდან. შიშით შეძრწუნებულმა ელენამ მაშინვე ჩაიკეტა კარი შიგნიდან. მეწისქვილე კიდევ დიდხანს ლაპარაკობდა თავის თავთან კარს იქით.

— მე ყველა მიცნობს! — იმეორებდა მოხუცი ტრაბახით, მაგრამ უკვე ენის ჩლიფინით, — ტყის ბატონიც... წყლის ბატონიც... ალებიც... ჭინკებიც... უბრალო ვინმე კი არ გეგონო!.. მე ყველა მიცნობს! ბლუ, ბლუ!

ისმოდა, როგორ ბუქნაობდა მოხუცი და აბაკუნებდა ფეხებს. მერე მისი ხმა თანდათან მისუსტდა, ის მიწაზე წაწვა, და მალე ხერხევაც ამოუშვა, რომელიც წისქვილის ბორბლის ხმაურთან ერთად ისმოდა მთელი ღამის განმავლობაში.

## XVIII თავი

### კველი ნაცნობი

მოროზოვის სახლ-კარის დარბევის მეორე დღეს შავრა ტაიჭზე ამხედრებული ერთი ჭარმაგი მეომარი უდაბურ ტყეში მიიკვლევდა გზას. ის წარამარა იხდიდა ქუდს და რაღაცას აყურადებდა.

— ჩუმად, გალკა, იკმარე ამდენი ფრუტუნი,—ამბობდა და ტაიჭს ღონიერ კისერზე უთათუნებდა ხელს,—უყურე ამას, რანაირად მოუსვენრობს, არ გაცლის კაცს რამის გაგონებას. ფუი, დასწყევლოს გამჩენმა, ადგილიც ვეღარ მიცვნია! სულ ცაცხვი და თხილნარია ამ არემარეზე, იმ ღამით რომ მოვდიოდი, მაშინ კი, მგონი, წიწვის სუნს ვგრძნობდი! და მხედარი გზას განაგრძობდა.

— მოიცა, გალკა! — უეცრად წარმოთქვა მან და სადავე მოზიდა, — აი ახლა, მგონი, ისევ მესმის! დამაცა, შე სამგლევე, რა ჯანდაბა აგიტყდა! არა, მართლა მესმის! ეს უკვე ფოთლების შრიალი არაა, ნამდვილად წისქვილის ბორბალი ხმაურობს! ვერ უყურებ, სად მიმალულა! მარა ვერ მოგართვი! ახლა ვეღარასად წამიხვალ, მგლის კბილი შენ და ქორის კლანჭი!

და მიხეიჩმა, თითქოს იმით შეშინებულმა, ახლაც არ აეცდევ გზასო, სადავე მიუშვა და ოთხახმით გააქროლა ცხენი ხმაურის მიმართულებით.

— უჰ, მადლობა ღმერთს, — შვებით წარმოთქვა, როცა ხეებს შორის ხავსმოდებული ძელური და მბრუნავი ბორბალი დალანდა, — ძლივს არ მივაგენი?! კინაღამ მთლად გავსავათდი: ხან წინიდან ისმოდა ხმაური, ხან უკნიდან, კაცი ვერაფერს გაუგებდა! აი ესეც წისქვილი! აგე, იმ მხრიდან მოგვიყვანეს მაშინ მე და ბოიარი იმ ყაჩაღებმა. ერიპა, რა გამოდის ახლა ეს? მაშინ ბორბალი მარჯვენა მხრით იყო, ახლა კი მარცხნიდანაა; მაშინ ნალიას ფანჯარა წისქვილისკენ ჰქონდა, კარი კი ტყისკენ, ხოლო ახლა ფანჯრით ტყისკენ დგას, კარი კი წისქვილისკენ მიუქცევია! ფუ, დალაზვროს ღმერთმა, ეს სულ იმ მეწისქვილის ოინეზია! ხედავ, როგორ გიხვევს თვალებს! იმიტომაც იყო, მთელი დღე რომ ვეხეტებოდი წალმა-უკუღმა; ვაი რომ ბატონი მყავს გადასარჩენი, თორემ არასდიდებით არ მოვიდოდი აქ!

მიხეიჩი ცხენიდან ჩამოვიდა, თავისი გალკა იქვე ხეზე მიაბა, ცოტა შიშნაკარავი მიუახლოვდა წისქვილს და კარზე დააკაკუნა.

— მასპინძელო, ჰეი მასპინძელო! — პასუხი არ ისმოდა.

— მასპინძელო, ჰეი მასპინძელო!

წისქვილში დუმილი სუფევდა: მხოლოდ დოლაბების დგანდგარი და სარეკელების რაკარუკი ისმოდა იქიდან.

მიხეიჩი კარს მიაწვა, ეგებ გავალოო; იგი შიგნიდან იყო ჩაკეტილი.

„ნეტავ რა მოუვიდა, სძინავს თუ მემალება, ეგ ბებერი ტარტაროზი?“ — გაიფიქრა მიხეიჩმა და გამეტებით მისცხო კარს მუშტები და წიხლები. პასუხი არ ისმოდა. მიხეიჩს ბრაზი წაეკიდა.

— ეი შენ, ბებერო! — დაიყვირა ჯილაუდარმა, — გამოეთრე, თორე, იცოდე, ცეცხლს შევეუნთებ ამ შენს წისქვილს!

გაისმა ხველება და კარს ზემოთ დატანებულ პატარა სამზერში თეთრი წვერი და დანაოჭებული სახე გამოჩნდა. ნაოჭებში ღრმად ჩაკარგულიყო ორი მოკიაფე ღიანაცრისფერი თვალი.

მეწისქვილის გამოჩენამ მიხეიჩი შეაცბუნა.

— გამარჯობა, მასპინძელო! — აღერსიანად უთხრა მან.

— ღმერთმა გამარჯვებული გამოყოფოს! — მიუგო მეწისქვილემ, — რაზე გარჯილხარ, კეთილო კაცო?

— ვერ მიცანი, მასპინძელო? მე ხომ ამას წინათ ღამე გავათიე აქ თავადთან ერთად.

— თავადთან ერთად? როგორ ვერ გიცანი, გიცანი. რაო, ჩემო ბატონო, რა გაგჭირვებია?

— აბა ეგ რა წესია, მასპინძელო, ჭოტივით შებუზულხარ მაგ ფულუროში! ან მე შემომიშვი, ან თავად გამოდი; ასე ლაპარაკი რას ემგვანება!

— დაიცა, ჩემო ბატონო, მადროვე ხორბალი ჩაუმატო ხვიმირაში და ახლავე გამოვალ!

„ჰო, აბა, — გაიფიქრა მიხეიჩმა, — ერთი დამანახვა, რანაირ ხორბალს ჩაუმატებ, შე ეშმაკის ნათლიავ, შენა? ალბათ, ურიების ძელებს უფქვავ სათქვლეფად ალქაჯებს! აქ საფქვავსაც არავენ მოიტანს, ამ დასაკარგავში, აკი ნაურმალებიც სულ ბალახითაა დაფარული!“

— აი, ჩემო ბატონო, მეც აქ ვარ, შენთან, — უთხრა მეწისქვილემ, თან საგულდაგულოდ გამოიკეტა კარი.

— ძლივს არ გამოხვედი?! კაი ხანს კი იჯანჯლე, მასპინძელო.

— რას იზამ, ნათლიმამ, ბაზარში კი არ ვცხოვრობ, ტყეში ვარ. გინდა-არგინდა, ყველას ვერ გაუღებ კარს; რა იცი, რა გულით მოდის: შეხედავ, კაცია, მარა რას გაუგებ, ღვთივ ნაკურთხი პური უღევს უბეში თუ რიყის ქვა!

„უყურე ამ ბუზიყლაპიას! — გაიფიქრა მიხეიჩმა. — ისე ისაწყლებს თავს, ვითომ ავაზაკების ეშინოდეს, მარა, მე რომ მკითხო, არც იქნება ქვეყანაზე ისეთი ქაჯი, ეგ რომ მისი ნათლიმამა არ იყოს!“

— აბა, ბატონო ჩემო, მითხარი, რაში დაგჭირვებივარ? შენ მოჰყევი, მე კი მოგისმენ!

— აი რა, მასპინძელო: უბედურება მოხდა, სიკვდილზე უარესი მჭირს; შეჩვენებულმა ოპრინიკებმა ჩემი ბატონი შეიპყრეს, ალექსანდრეს სლობოდაში წაიყვანეს გათოკილ-გაკოჭილი; ახლა, ალბათ, საპ-

ყრობილეში ზის, დარდით შეჭმული, გატანჯული და გაწამებული; მარარისთვის ზის, ერთმა ღმერთმა უწყის, სხვამ არავინ; ერთი ბეწო არაფერი დაუშავებია არც მეფის, არც ღვთის წინაშე; მხოლოდ სიმართლისთვის გამოიღო ხელი, ბოიარ მოროზოვსა და მის ცოლს გამოექომაგა, როცა უკუღმართი ოპრინიკები ღზინისა და მხიარულების ყამს ვერაგულად დაეცნენ დრუჟინას სახლ-კარს და დედაბუღიანად აიკლეს.

მეწისქვილეს უცნაური გამომეტყველება ჩაუდგა თვალებში.

— ოხ-ოხ-ოხ! — თქვა მან, — ცუდი ამბავია, მარჩენალო, ცუდი ამბავი; ვაი რომ ამოდენა მგლის ღმუილი უამბოდ არ გარდაწყდება; ვაი შენი თავადის ბრალი იმ დილეგში, ვაი საწყალი მოროზოვის ბრალი, ყმაწვილი ცოლის დამკარგავისა, ვაი და ვუი ვიაზემსკის სხვისი ცოლას გადამკიდეს!

მიხეიჩი გაოცდა.

— ერიჰაა, შენ რა იცი, ვიაზემსკიმ თუ მოროზოვის ცოლი მოიტაცა? მე ეგ არ მითქვამს შენთვის!

— ეჰ, ნათლიმამ, განა მარტო ის შეიტყობა, რაც ითქმება; ზოგჯერ შორს ტყეში დაიძახებს კუ-კუს, მაგრამ ყურისძირთან გაიგონებ; ბორბალზე წყალი რომ მოწყდება, იცოდე, ას ვერსზედაც გვალვა დამდგარა და პურის დიდი მოუსავლობა იქნება; ჩვენს ძმას კი, მოხუც კაცს, სხვა რა საქმე აქვს: იჯექი შენთვის წყნარად, უგდე ყური, როგორ იზრდება ბალახი და გულისხმაში ჩაიბეჭდე!

— კაი დაგემართოს, ჰოდა, ეგებ ისიც იცოდე, მასპინძელო, რა ეშველება ჩემს ბატონს? აი მე სულ ვფიქრობდი და ვმგონიაობდი, ისეც და ასეც ვიჭყლიტე ტვინი, მაგრამ ვერაფერი მოვისახსრე. მერე კი ვთქვი, მოდი, იმ კეთილ მოხუცთან წავალ, რჩევას ვკითხავ-მეთქი. თან კიდევ, რაღა დაგიმალო და, სულ ის მამაცი მიტრიალებდა გონებაში, აი შენთან რომ მოგვიყვანა იმ დამეს. თვითონ დამიბარა მაშინ: თუ შენს ბატონს დავჭირდეთ, მითხრა, წისქვილში მიდი და ბერიკაცს სთხოვე, ვანიუხა პერსტენის გზა მიგასწავლოსო, ხოლო მეო, მითხრა, მოხარული ვიქნები ბოიარს ვემსახუროო; მისთვის თავსაც გაეწირავო! ჰოდა, აი, მეც მოვედი შენთან, მასპინძელო; მიყავი ღვთის საამური მადლი, მასწავლე, როგორ დავიხსნა ჩემი ბატონი. თუ მასწავლი, იცოდე, თავადი ნიკიტა რომანიჩი არ დაგივიწყებს ამ სიკეთეს, და მე თვითონაც, მე ბედშავი, შენი სამუდამო მსახური ვიქნები.

„ნეტამც მიწამ პირი გიყოს და ბნელს ჩაგიტანოს, შე მგლის კერძო, — ფიქრში დაურთო მიხეიჩმა. — ჰაი დედასა, ვისთან მიხდება მუხლებზე ზოხვა!“



— რახან ასეა, ვცადოთ, ნათლიმამ, რატომაც არა, გაჭირვებულის შველა. ვერ არის საქმე კარგად, რაღა თქმა უნდა, მაგრამ, გაგეგონება, ქოთნები სატაცით ამოაქვთ მხურვალე ცეცხლიდან, ზოგჯერ კი ისედაც ხდება, პურის მარცვალი საღ-სალამათი გამოხტება დოლაბს ქვემოდან; ყველაფერი ხდება, ვისაც რა ბედი აქვს!

— ეგ პო ეგრეა, მასპინძელო, ბედი თქვი თორემ, კაცს მოზვერიც დაუმაკდება, ხოლო ბედი თუ გაგიწყრა, რწყილიც რქას გაგკრავს, მაგრამ ახლა თავმოდრეკილი გიკიდრები, რამე საშველი გამომიძებნო, მასწავლო, როგორ მოვიქცე, რ. ვიღონო?

მეწისქვილემ თავი დახარა, თითქოს ბორბლის ხმას მიუგდო ყურიო.

რამდენიმე წუთი გავიდა. მოხუცმა თავი გადააქნია და, მიხეიჩისკენ არც გაუხედავს, ისე დაიწყო ბუტბუტი:

— „ბრუნავს და ბრუნავს ეს ბორბალი, რაც მალლა იყო, დაბლა იქნება, რაც დაბლა იყო, მალლა იქნება; შორიდან ზარის რეკვა მომესმის, ვერ გამიგია, ასაფლაევენ ვინმეს, თუ ქორწილს იხდიან; ხოლო ჯვარს ვის დასწერენ, ვის დამარხავენ, არ ისმის, წყალი ხმაურობს, სქელ კვამლში არაფერი ჩანს!

შორიდან ყორნები მოიჩქარიან, მდიდრულ ნადიმზე უხმობენ ერთიმეორეს, ხოლო ვინ უნდა ჰკორტნონ, ვის თვალები დასჩიჩქნონ, თვითონაც ვერ გაუგიათ, მოფრინავენ და ჩხავიან! ნაჯახი აღესილია, ჯალათი მზადაა; თბილი სისხლი ნაკადულებად მოსკდება, მუხის ფიცრებზე ჩაედინება, მოკვეთილი თავები ძირს გაგორდება, ხოლო ვისი თავები, ეს კი არა ჩანს!“

მიხეიჩი დაფრთხა.

— აბა რეებს ამბობ, ბაბუ, თან ისე მოსთქვამ, გეგონება მიცვალებულზე ჰგოდებდე?

მეწისქვილეს თითქოს არც გაუგონია მიხეიჩის ნათქვამი. ის აღარ ლაპარაკობდა, მაგრამ ცხვირში ღუღუნებდა რაღაცას. ტუჩებს განუწყვეტილად ამოძრავებდა, ნაცრისფერ თვალეზე კი ბინდი გადაჰკეროდა, თითქოს ვერაფერს ხედავდა.

— ბაბუ, ჰა, ბაბუ! — და მიხეიჩმა სახელო დაჰქაჩა მოხუცს.

— ჰა? — გამოეხმაურა მეწისქვილე და მიხეიჩს შეხედა, თითქოს მხოლოდ ახლალა შენიშნაო.

— რას ბუტბუტებ, ბაბუ?

— ეჰ, ნათლიმამ! რაც ყურს ჩაესმის, განა ყველაფერი ენით ითქმება! ახლა კი წადი, შენს გზას დაადექი აგერ ამ ნაძვის ჩაღვენებაზე. სულ პირდაპირ იარე, ბევრი გადასახვევი შეგხვდება მარჯვნივაც და მარცხნი-

ვაც, მაგრამ შენ არსად გადაუხვიო; ხუთიოდე ვერსს რომ გაივლი, ერთ ქოხს დაინახავ განაპირას, იმ ქოხში ძეხორციელი არავინაა. იქ დაელოდე დაღამებამდე, კეთილი ხალხი მოვა და დანარჩენს მათგან შეიტყობ. აქეთობას კი წისქვილში შემოიარე, საქმე დაგზვდება; ფასკუნჯი შემოფრთხილდა მახეში; მეფე დაღმატს წაუყვან იმას, საჩუქარს კი შუაზე გაიყიფოთ!

ეს რომ თქვა, მოხუცს პასუხისთვისაც არ დაუცდია, წისქვილში შევიდა და კარი გაიკეტა.

— ბაბუ! — ყვირილით დაადევნა მიხეიჩმა, — ბარემ გამაგებინე ადამიანურად, რა ხალხზე მელაპარაკები ან რომელ ფასკუნჯზე?

მაგრამ მეწისქვილე აღარ გამოპასუხებია და მიხეიჩმა, თუმც დიდხანს აყურადა, მაინც ველარაფერი გაიგონა, წყლის ჩხრიალისა და ბორბლის ჭრიალის გარდა.

„მგლის კბილი შენა და ქორის კლანჭი! — გაიფიქრა ჯილაკდარმა. — უყურე მაგას, სად ოხრობაში მგზავნის! ხუთიოდე ვერსზე ქოხს დაინახავ, დაღამებამდე იქ დაველოდო, მერე კი ეშმაკმა იცის, ვინ მოვა დარას მეტყვის! შენ თვითონ უნდა წაგაცუხცუხოხოს იქ კაცმა, შე ტარტაროზო! თავადი რომ არა, მე ვიცი, რასაც გიზამდი! უყურე ამას, მართლა ვინ ყოფილა! ფუ შენს კაცობას! წავიდეთ, გალკა, სხვა რა ჩარაა, ვეძებოთ ის ეშმაკის ქოხი!“

მიხეიჩი ცხენზე შეჯდა, შეუსტვინა და ჩორთით წავიდა მეწისქვილისგან ნაჩვენები მიმართულებით.

## XIX თავი

### რუს კაცს სიკეთე ახსოვს

უკვე დღე იწურებოდა, როცა მიხეიჩმა განმარტოებული ქოხი დაინახა. მთლად შავი და ჩამჭვარტლული, ის სანახევროდ ჩამპალ-გალეულ სოკოს უფრო ჰგავდა, ვიდრე ადამიანის სამყოფს. მზე უკვე ჩავიდა. პატარა მდელოზე მობიბინე მაღალ ბალახს ზოლ-ზოლად ეფინა ნისლისასიამოვნოდ გრილოდა. ფრინველები აღარ ჟღერტულებდნენ, მხოლოდ დროდადრო რომელიმე მათგანი წამოიწყებდა ძილისპირულს და, ველარც ამთავრებდა, ისე იძინებდა ტოტებზე. ნელ-ნელა მათი ხმაც მიწყდა და ირგვლივ ჩამომდგარ მღუმარებაში უხილავი ნაკადულის სუსტი რაკრაკი და, დროდადრო, კრაზანების ზუილი ისმოდა მხოლოდ.

— ხედავ, სად შემოვებეტეთ, — თქვა მიხეიჩმა და იქაურობას მოავლო თვალი, — მართლაც კაცი არ ჭაჭანებს ამ არემარეზე! დავიცდი, ვნახავ ერთი, ვინ გამოჩნდება, რა რჩევას მომცემს? მაგრამ, ღმერთმა ნუ ქნას და, ვაითუ ვინმე იმნაირი მოვიდა, რომ... ფუი ეშმაკს! ჯვარი გვწერია ავისა და ბოროტისაგან! ეჰ, იცოცხლე, ავუგებდი წესს ამ მეწიისქეალებს, თავადი რომ არ მყავდეს გამოსახსნელი.

მიხეიჩი ცხენიდან ჩამოხტა, პალვანდით დაბორკა თავისი გალკა, აღვირი წაჰყარა და ნებაზე მიუშვა.

— წიწკნე შენთვის ბალახი, — უთხრა გალკას, — მე კი ქოხში შევალ, თუ კარი გამოკეტილი არაა, ვნახავ, წასახემსებელი ხომ არაფერია შიგ! საბუღარი, ეგებ, ვერ არის კაიკატური, მარა არც შიმშილია კეთილი ღეიდა!

მიხეიჩმა ფეხი ჰკრა მოღრეცილ დაბალ კარს; უცნაურად, თითქმის ადამიანის ტირილივით, გაისმა ამ უკაცრიელ მიდამოში მისი გაბმული ჭრიალი. ბოლოს, როცა ის ანჯამებზე შებრუნდა და კედელს მიენარცხა, მიხეიჩი დაიხარა და ქოხში შევიდა. მაშინვე ბნელში აღმოჩნდა და ჩაშმორებული კვამლის სუნმა აუწვა ნესტოები. მან ხელები მოაფათურა, მაგიდას წაეჩეხა, ზედ დაგდებული პურის ყუა მოჰყვა თითებში, და მაშინვე აამუშავა ყბები. კერიასთან მივიდა, ნაცარი გადაქექა, ნაკვერჩხლები იპოვა, წვალეებით გააჩაღა და ჯორკოზე მიგდებული კვარი აანთო. ღუმელსა და კედელს შუა ბალახანა იყო გაფიცრული. ზედ ნაირნაირი ტანისამოსი ეყარა, სხვათა შორის, ერთი ისეთი ფარჩის ხიფთანიც. ბოიარსაც რომ დამშვენდებოდა. კედელზე ოქროთი უცხოდ მოზარნიშული ჩაჩქანი ეკიდა. მაგრამ ყველაზე მეტად მიხეიჩის ყურადღება წირთხლზე შედგმულმა ხატმა მიიპყრო. კვამლისგან მთლად გაჭვარტლულმა ამ ხატმა უცნობ მასპინძელთან შეარიგა ის.

მიხეიჩმა რამდენჯერმე გამოისახა პირჯვარი მის წინ, მერე კვარი ჩააქრო, ბალახანაზე აბობლდა, გაიშოტა, ერთხანს იკრუსუნა და ვაჟკაცის ძილს მინებდა. კაი ტკბილ ძილში იყო, როცა ფერღში უეცარმა მუშტისკვრამ ბალახანიდან გადმოისროლა.

— რა ამბავია? — შეჰყვირა მიხეიჩმა, რომელსაც უკვე სოხანეზე დაგდებულს გამოელვია, — ვინაა, მუშტებს რო იქნევს? ჭკუით, თორე...

მის წინ წვერგაბურმენილი ბოღვერა იდგა, ქამარში გარჭობილი ფართო დანით, და კიდევ უპირებდა მუშტის მოქნევას.

— გასწიე იქით მუშტი! — უთხრა იმას ვილაც ზორზოხა ჯეელმა, რომელსაც ჯერ კარგად არც ამოსწევროდა უღვაში, — რა დაგიშავა ამან? ჰა? — თან მხარით გვერდზე მიაგლო ამხანაგი, თვითონ კი მიხეიჩს დააცქერდა და თვალები გადმოკარკლა.

— ხედავ, სუ ჭალარაა! — რაღაცნაირი კრძაღვითა და გაოცებით შე-  
ნიშნა მან.

— მერე შენ ვინ რას გკითხავს, შე სელაპო, რომ ეჩრები! — დაუყვი-  
რა იმ პირველმა, — ვინ არი შენი, მამა თუ სიმამრი?

— ვინ არი და, მოხუცია. ხედავ, სუ ჭალარაა, იმიტომ, რომ მოხუ-  
ცია. გეუბნები, ხელი არ დააკარო, გავბრაზდები!

ქოხში უწესრიგოდ შემოხვავებულ ხალხს ხარხარი აუტყდა.

— ეი, ხლოპკო, — თქვა ერთმა მათგანმა, — თავს გაუფრთხილდი!  
მიტკა თუ გაბრაზდა, ვაი შენი ბრალი მაშინ! გირჩევნია გაერიდო, ჩემო  
ძმაო!

— ჯანდაბას მაგისი თავი! — მიუგო ხლოპკომ და განზე გადავა. —  
ესეც ჩვენი ყისმათი ყოფილა, რაღა: ვჩხრიკეთ, ვჩხრიკეთ ეს ტყე და  
დათვი გამოვჩხრიკეთ!

სხვები, სულ ერთთავად იარაღსხმულნი, მიხეიჩს შემოეხვივნენ და  
არცთუ ალერსიანად შეპყურებდნენ.

— საიდან მოფრენილხარ, ღამურავ? — ჰკითხა ერთმა მათგანმა და  
თვალი თვალში გაუყარა.

ამასობაში მიხეიჩი უკვე გონს მოეგო.

„ბიჭოს! — გაიფიქრა მან, — ეგენი ხომ სწორედ ის ხალხია, ვისაც  
ვეძებდი, ავაზაკები!“

— გამარჯობა თქვენი, კეთილო ხალხო! ვერ მეტყვიით, ის სადღაა,  
ვანიუხა პერსტენს რო ეძახიან?

— მაშ შენ ატამანი გინდა? მერედა, რატომ აქამდე არ თქვი? თავი-  
დანვე ვგრე იტყოდი, და ფერდის ჩაზელასაც გადარჩებოდი!

— აი ატამანიც! — დაურთო მეორემ და ხელით ანიშნა პერსტენზე,  
რომელიც ის იყო შემოვიდა მოხუც კორშუნთან ერთად.

— ატამანო! — დაიყვირეს ყაჩაღებმა, — აი ვილაც კაცი მოვიდა, შენ  
გკითხულობს!

პერსტენმა სწრაფად აათვალიერა მიხეიჩი და მაშინვე იცნო.

— ოჰო, შენა ხარ, ამხანაგო?! — უთხრა მან, — მშვიდობა შენს მოს-  
ვლას! როგორ მყავს მისი მოწყალება ბოიარი, თავს როგორა გრძნობს  
იმ დღის მერე, ერთად რომ ვაგუნდავებდით მალიუტას ოპრიჩნიკებს?  
მოგეცა ლხენა, იმათ დღე ვაყარეთ წყეულ ტბასთან! მარტო იმაზე მწყდე-  
ბა გული, რომ მალიუტა გადაგვირჩა და ამ ბედოვლათმა მიტკამ ხომია-  
კი გაუშვა ხელიდან. იცოცხლე, ვანახებდი იმათ ორთავეს თავის სე-  
ირს! რაო, მგონი სიხარულით აღარ იყო ჩვენი ხელმწიფე, ბატონიშვი-  
ლი რომ დაინახა! მგონი, აღარც იცოდა, რა წყალობა ეყო თავად ნიკი-  
ტასთვის!

— ჰო! — ამოოხერით უპასუხა მიხეიჩმა, — მეფე კი სწყალობს, მაგრამ მისი ქოფაკი არ სწყალობს! ხელმწიფე-ბატონმა, ღმერთმა ჯანი მისცეს იმას, კი მოხელა მოწყალედ ჩემ ბატონს. ოღონდ, ჩანს, ოპრიჩნიკებს, იმ წყეულებს, ვერ აამა თავადმა, თუმცა, მართალი რომ ითქვას, ანკი რისთვის უნდა ეუყვარდეთ. ჯერ იყო და, მეღვედეკაში მათრახებით მივტყვიპეთ, მერე იმ წყეულ ტბასთან სილაქი ვლენეთ მალიუტას, ჰოდა, გუშინ კიდე, მოსკოვში, კაი გვარიანად ჩეხა ეგენი თავადმა. მაგრამ ის წყეულები, რახან კაცმრავლად იყვნენ, ზროვასავით შეესიენ, დაჯაბნეს, გათოკეს და სლობოდისკენ გაუყენეს. ამ ამბავს კიდე მოუვლებოდა, უსაშველო არაფერია ამაში, მარა ის მალიუტა, ძაღლის ნაშობი, უკუღმართი ენატანაია, ბოროტად შეგვასმენს ხელმწიფესთან, ჯავრს იყრის თავადზე სილაქისათვის!

— ჰო-ო, — თქვა პერსტენმა და ჯორკოზე ჩამოჯდა, — მაშ მეფემ არ ჩამოახრჩობინა მალიუტა? როგორ, კაცო? თუმცა, რა ჩენი საქმეა, მეფემ თავათ იცის, როგორ მოიქცეს. შენ ეს მითხარი, ახლა რას აპირებ?

— აბა რა გითხრა, ბატონო ივან... არც კი ვიცი, როგორ მოვიხსენიო ძეობით...

— უბრალოდ თქვი, ვანიუხა-თქო, მორჩა და გათავდა!

— ჰოდა, ბატონო ვანიუხა, თავათაც არ ვიცი, რა მოვიმოქმედო. ეგებ შენ მოისაზრო რამე, ჰა? ტყუილა ხომ არ უთქვამთ, ერთი ხატის ლოცვა კაცს არ ეყოფაო! მე მარტოკა, აბა, რას გაეზღები! მაგრამ, შენც თუ მომეშველები, ეგებ რამე გახერხდეს. აგე, მეწისქვილემაც სხვაგან კი არა, შენთან გამოგზავნა: ატამანთან წადიო, მითხრა, ის დაგეხმარებაო, მეო, მითხრა, იმნაირ ნიშნებს ვხედავ, ამ ამბავში ის ნამეტანი იღბლიანი იქნება და დიდ სიკეთესაც გამორჩებაო! ატამანთან გასწიო, მითხრა!

— მაშ ჩემთან გამოგზავნა! ნამდვილად ასე გითხრა, ჩემთან მოსულიყავი, ხომ?

— შენთან, ბატონო, შენთან. ატამანთან გასწიო, მითხრა, ჩემგან მოკითხვა გადაეცი და უთხარი უსათუოდ გამოიხსნას თავადიო. მეო, მითხრა, ცხადივით ვხედავ, რომ ამ ამბავში ის დიდ სიკეთეს გამორჩებაო, ნიშნებით ვხედავო, ერთი სიტყვიტ. ჰოდა, უსათუოდ გამოიხსნას თავადიო! მეო, მითხრა, ამ სამსახურს არ დაევიწყებო! მაგრამ თუ ატამანი არ გამოიხსნის თავადს, მაშინო, მითხრა, რაც კი ამ ქვეყნად ჭირია, ყველაფერი ერთად შეეყრებაო; ბალახის ღეროსავით ჩამოხმებაო; მისი საშველი აღარ იქნებაო, ასე მითხრა!

— ერიჰა-ა! — თქვა პერსტენმა და თავი ჩაჰქინდრა, თითქოს მოხუცის სიტყვებმა საგონებელში ჩააგდოვო, — ნამდვილად ასე თქვა, ჩამოხმებაო?

— ჰო, ბატონო, ასე მითხრა, ხელებიც შეახმება და ფეხებიცაო; თავზე კიო, მითხრა, იმნაირი სიპილწე გაუჩნდება, ღმერთმა ნუ მოასწროსო!

პერსტენმა თავი აიღო და ჩაცვიებით დააცქერდა მიხეიჩს.

— მეტი აღარაფერი უთქვამს მეწისქვილეს?

— როგორ არა, ბატონო! — განაგრძო მიხეიჩმა, თან ცერად გაჰხელა წვნიანით სავსე ქოთანს, რომელიც ის იყო მაგიდაზე შემოდგეს ყანალებმა და ცხელი ოხშივრით ბნელავდა იქაურობას, — კიდეც ესა თქვა მეწისქვილემ: ატამანს გადაეცი, კარგად გასვას და გაჭამოსო, ისეთი ყადრითო, ვითომც მე თვითონ ვსტუმრებოდეთო. ჰოდა, რაც მთავარიო, მითხრა, თავადი ნიკიტა რომანოვიჩი გამოიხსნასო. აი ასე მითხრა, ბატონო ვანიუხა, მეწისქვილემ.

და მიხეიჩი ქვეშ-ქვეშ გაჰყურებდა ატამანს, ცდილობდა მიმხედარიყო, რა შთაბეჭდილება მოახდინეს ჩემმა სიტყვებმაო.

მაგრამ პერსტენი კიდეც უფრო ჩააცვიდა თვალებით მოხუცს და უცებ გულიანად, უზომო მხიარულებით ახარხარდა.

— ეჰ, შე ძველო, შე ძველო! მამ მართლა ასე გითხრა მეწისქვილემ, რომ, თუ თავადს არ გამოვიხსნი, მორჩა, ჩემი საშველი აღარ იქნება?

— დიახ, ბატონო, — ოდნავი ენის ბორძიკით უპასუხა ჯილაუდარმა, — ხელებიც შეახმება და...

— კაი ეშმაკი ყოფილხარ, მძობილო! — შეაწყვეტინა პერსტენმა და მხარზე დაჰკრა ხელი, თან სიცილით იგულებოდა. — ოღონდ, ჩემი გაბრიყვება კი ტყუილად ინდომე! მოდი აქ, ჩვენთან დაჯექი, — დაურთო მან და მაგიდასთან მიიწია, — პურ-მარილზე დაგვეწვიე! აჰა კოვზი, წაევიახშმით ბარემ! თავადს კი, თუ რამენაირად მაინც იქნება მისი შეელა, შენი ხრიკების გარეშეც დავეხმარები. ოღონდ, რით და როგორ დავეხმარო? თავადი ხომ ციხეში ზის?

— ციხეში, ბატონო.

— იმაში, მოედანზე რომ არის მალიუტას სახლთან?

— სწორედ იმაში იქნება, სხვაგან არსად. ეგ უნდა იყოს ყველაზე მაგარი!

— მერე ვის აქვს მისი კლიტეები? მალიუტას?

— სლობოდაში რომ ვიყავით, მაშინ ვხედავდით ხოლმე ხანდისხან, ტუსალების საწამებლად ციხეში მიმავალს. კლიტეები მუდამ თან ჰქონდა ხოლმე. ღამით კი მეფესთან მიჰქონდა, მეფე კი, ყველამ იცის, სასთუმალქვეშ ინახავს.

— აი ხომ ხელავ! — თქვა პერსტენმა და კოვზი ქოთანში ჩაჰყო, —

რომელი ქაჯი უშველის შენს თავადს ამ ყოფაში? აბა თვითონ თქვი: რომელი ქაჯი უშველის?

მიხეიჩმა კეფა მოიქეჟა.

— ხედავ ახლა, რომ ვერაფერს უშველი?

— ეხედავ, — მიუგო ჯილავედარმა და კოვზი ხელიდან გააგდო. — რა-ხან ასეა, მამ ჩემი სიცოცხლეს აღარ იქნება ამ ქვეყნად! წავალ ჩემს ბატონთან, მეც მასთან დავდებ ამ ბებერ თავს, იმ ქვეყნად მაინც ვემსახურები, რაკი ამ საწუთროში არ მანებებენ!

— კარგი, კარგი, ნუ წამოიწყე ახლა სულთბრძოლის ლოცვა! ჯერ რა იცი, ეგებ სულაც არ არი ციხეში შენი თავადი და სატირალიც არაფერი გაქვს; ხოლო თუ ციხეშია, მაშინ გვაცალე ფიქრი, შე კაი კაცო... სლობოდას კარგად ვიცნობ მე. გასულ თვეში დათვით ვიყავი იქ, სასახლეს ვიცი, საგულდაგულოდ შევათვალიერე ყოველი მხრიდან; გუნებაში ვფიქრობდი: როცა იქნება, გამომადგება-მეთქი!.. მოითმინე, მაცალე ფიქრი...

პერსტენი ჩაფიქრდა.

— ვიპოვე! — უეცრად წამოიძახა მან და ზეზე წამოხტა. — ძია კორშუნ! მე და შენ თავადმა გადაგვარჩინა სიკვდილს — ჰოდა, ახლა ჩვენ გადავარჩინოთ თავადი; ახლა ჩვენი ჯერია! გინდა წამომყვე ძნელ საქმეზე?

მოხუცმა ყაჩაღმა შუბლი შეიკრა და ხუჭუჭა თავი გადააქნია.

— რაო, კორშუნ, იქნებ არ გინდა წამოსვლა?

— აბა რას ამბობ, ატამანო, ხომ არ შეიშალე? ვერ გაიგონე, სად ზის თავადი? ვერ გაიგონე, კლიტეები დღისით მალიუტას რომ აქვს, ღამით კი მეფეს უღევს სასთუმალქვეშ? აბა რას გააწყობ აქ კაცი? მახათზე მჯილი არ დაიკურის! განწირულია თავადი, თქმა არ უნდა, განწირულია! ჰოდა, ახლა ჩვენც გავიწიროთ მისი გულისთვის? ამით რომ რამე ეშველებოდეს, კიდეც ჰო, მარა იმას რაში წაადგება, ჩვენ რომ ტყავი გაგვაპრონ?

— ეგ ჰო ეგრეა, კორშუნ, მაგრამ არც ესაა ტყუილად ნათქვამი: ვალის პატრონს ვალაღა აყრიას! მაშინ რომ თავადს არ გადავერჩინეთ, ახლა სად ვიქნებოდით? სად და, სადმე არყის ხეზე დაკიდებული, დაუბერავდა ქარი და გვაკონწიალებდა აქეთ-იქით! ის კი რა დღეშია ახლა? მგონი, ზის და ფიქრობს გუნებაში: აი, მაშინ მე ვიხსენი ის ბიჭები განსაცდელისგან, ახლა ისინი მე დამიხსნიანო! მაგრამ ამ ვასაჭირში რომ მივატოვებთ და დასასჯელად წაიყვანენ: ფუჰ! — იტყვის, — რა ხალხი ყოფილან, ქურდობა და ძარცვა-გლეჯა შესძლებიათ, სიკეთე კი არ ახ-

სოვთო იტყვის, უბრალო ხალხის სისხლის დაღვრა მარჯვედ სცოდნიათ, ქრისტიანის გადარჩენა კი არ ენაღვლეებითო მეო, იტყვის, ერთ კეთილ სიტყვასაც არ გავიმეტებ მაგათთვის უფლის წინაშეო! დაე ასე სულწარწყმედილები იყვნენ ამ სოფლადაც და საიქიო ცხოვრებაშიცო! აი რას იტყვის თავადი!

კორშუნმა კიდევ უფრო შეჰყარა წარბები. პირქუს სახეზე შინაგანი ბრძოლა გამოესახა. შეეტყო, რომ პერსტენმა მარჯვედ შეარხია რომელიღაც მგრძნობიარე სიმი მის გახევებულ გულში.

მაგრამ დიდხანს არ გაგრძელებულა ეს ბრძოლა. მოხუცმა ხელი ჩაიქნია.

— არა, ძმობილო, — უთხრა მან, — ამოდ ირჯები; ჯერ თავო და თავო, მერე ცოლო და შვილოო! არ წამოვალ!

— კეთილი, რახან არ გინდა, ძალას ხომ ვერ დაგატან! — უთხრა პერსტენმა. — გათენებას დაველოდოთ, ეგებ სხვა რამ მოვიფიქროთ, დამე მაკეა და არავინ იცის, თუ დილა რასა შობს! ახლა კი, ბიჭებო, მგონი არ გვაწყენს ცოტა წაძინება! ვისაც შეუძლია, ღმერთს ევედროს, ილოცოს, ვისაც არა და, დაწვეს ბარემ!

ატამანმა ცერად გაჰხედა კორშუნს. ეტყობოდა, მოხუცის რაღაც გულისთქმა იცოდა, რადგან კორშუნი ოდნავ შეკრთა და სხევებს რომ არაფერი შეენიშნათ, ზამამალა დაამთქნარა ერთი-ორჯერ, მერე კი რალაცის გალობა დაიწყო ცხვირში ღუღუნით.

ყაჩაღები წამოიშალნენ. ზოგი მაშინვე აბობლდა ბალახანაზე; სხვები კიდევ დიდხანს ლოცულობდნენ ხატის წინ. მათ შორის იყო მიტკაც. ის გულმხურვალებდ მეტანიობდა მუხლმოდრეკილი და, მისი ხელობის გამთქმელი ჩაცმულობა და ტანზე ასხმული იარაღი რომ არა, ვერავინ იტყოდა, თუ ყაჩაღი იყო, ისეთი სიკეთე უშუქებდა სახეს.

სულ სხვა იყო ბებერი კორშუნი. როცა ყველანი დაწვნენ, მიხეიჩმა მბუჟტავი კვარის შუქში დაინახა, როგორ ჩამობობლდა მოხუცი საწოლიდან და ხატთან მივიდა. მან რამდენიმეჯერ გადაისახა პირჯვარი, რაღაც წაიბუტბუტა და ბოლოს გულჯავრიანად თქვა:

— არა, არ შემიძლია! მეგონა, დღეს ისე აღარ გამიჭირდებოდა!

კარგა ხანს ესმოდა მიხეიჩს, როგორ შფოთავდა კორშუნი, წარამარა ინაცვლებდა გვერდს, რაღაცას ბუზღუნებდა თავისთვის, მაგრამ ვერ იძინებდა. განთიადის წინ მოხუცმა ატამანი გააღვიძა.

— ატამანო, — უთხრა მან, — ჰა ატამანო!

— რა გინდა, ძიავ?

— რაც იყოს, იყოს, წამოვალ შენთან; გამიძეხი საითაც გსურდეს!



- აკი არ წამოვალო?
  - სულ ერთია, მაინც ვერ ვიძინებ, აგერ უკვე მერამდენე ღამეა ძილი არ მეკარება.
  - მერე თავის დაძვრენას არ მოინდომებ?
  - რაკი ვთქვი მოვლივარ-მეთქი, ესე იგი არ მოვინდომებ!
  - მაშ კარგი, მია კორშუნ, მადლობელი ვარი ახლა ერთი ამხანაგიც კიდევ, და მეტი არ გვინდა! ნეტავ ღამე მალე გათავდება?
  - აგერ უკვე ჩიტები აყდურტულდნენ.
  - ჰოდა, აბა გვეყოფა წოლა, დროა ჩვენც ავდგეთ. მიტკა! — თქვა პერსტენმა და ფერდში წაუმუჯღუგუნა მიტკას.
  - ჰა? — მძინარა ხმით შეეპასუხა ყმაწვილი და თვალი გაახილა.
  - გინდა ჩვენთან წამოსვლა?
  - საითკენ?
  - ეგ რა შენი საქმეა? შენ იმას გეკითხებიან, წამოგვყვები მე და პაპა კორშუნს?
  - რატო არა? — მთქნარებით უპასუხა მიტკამ და ფეხები ბალახანიდან გადმოჰკიდა.
  - აი ამისთვის კი მიყვარხარ. წადი საითაც წაგიყვანენ, იმას კი ნუ კითხულობ, საითკენო თავიც რო გაგიხუთქონ, შენი საქმე არაა, ეგ ჩვენ გვეცოდინება, შენ კი რა გრჯის? აბა მაშ იცოდე, რახან ჭაპანი აიკიდევ, აღარ თქვა მძიმეაო; თავის დაძვრენას მოინდომებ და, დედალს დაგიძახებ!
  - ვერ დამიძახებ! — უპასუხა მიტკამ და ფეხსახვევების ამოკვრა დაიწყო.
- ყაჩაღები ჩაცმას შეუდგნენ.
- რა მოიფიქრა პერსტენმა და იღბლიანად შეასრულა თუ არა თავისი განაზრახი, — ამას მომდევნო თავებიდან შევითვობთ.

## X I თ ა ვ ი

### ხ უ მ ა რ ე ბ ი

თავადი ნიკიტა ხელფეხშებორკილი იჯდა კედლებზე ხავსმოდებულ ნესტიან, ღრმა და ბნელ საკანში და სიკვდილს ელოდებოდა. მან დანამდვილებით არ იცოდა, რამდენი დღე იყო, რაც შეიპყრეს, რადგან შუქი არსაიდან აღწევდა ამ ბნელეთში; მაგრამ დროდადრო ეკლესიის ზარე-

ბის რეკვა სწვდებოდა მის სმენას შორიდან და ამ ყრუ, სუსტი გუგუნით გამოთვალა, რომ სამ დღეზე მეტი იყო, რაც ციხეში იჯდა. პურის ნატეხი, რომელიც ძალღვივით მიუგდეს, უკვე დიდი ხანია შემოეჭამა, კათხით დადგმული წყალიც რახანია შესვა, და უკვე შიმშილისა და წყურვილისგან ეწამებოდა, რომ უჩვეულო ხმაურმა მიიპყრო მისი ყურადღება. ნიკიტას თავს ზემოთ ბოქლომს ალებდნენ. უცებ დილეგის გარეთა კარმა გაიჭრიალა. მერე ხმაური უფრო ახლოს მოისმა. მეორე ბოქლომმაც დაინხარუნა და მეორე კარიც აჭრიალდა. ბოლოს მესამე კარიც გააღეს, და ბნელეთში ჩამომავალი ნაბიჯების ხმა გაისმა. შიგნითა კარის ჭუჭყრუტანაში შუქმა გაიელვა, გასაღები ღრჭიალით მობრუნდა, რამდენიმე ურდული გადაიწია, ჟანგიანმა ანჯამებმა დაიკვნესეს და სერებრიანი ჩახჩახა, თვალისმომჭრელმა შუქმა დააბრმავა.

როცა თვალებზე უნებლიეთ აფარებული ხელები დაუშვა, მის წინ მალიუტა სკურატოვი და ბორის გოდუნოვი იდგნენ. მათ თანმხლებ ჯალათს თავს ზემოთ მაღლა შემართული ჟინჟილილი ეჭირა ხელში.

გულხელდაკრეფილი მალიუტა სახეში შეპყურებდა სერებრიანის და ილიმებოდა, თვალის ბაიები კი თითქოს უპატარავდებოდა და უგანიერდებოდა.

— გამარჯობა, ბატონო თავადო! — ისეთი ხმით წარმოთქვა მან, ჯერ რომ არასდროს გაეგონა ნიკიტას. ეს იყო უჩვეულოდ გაბმულ-შემპარავი და ავებლითად მოღულუნე ხმა, იმ კატის სისხლმწყურვალ კრუტუნისმაგვარი, რომელიც სათაგურში გაბმული მსხვერპლის წინ ჩაცუცქებულა.

სერებრიანის უნებლიეთ გააჟრჟოლა, მაგრამ გოდუნოვის იქ ყოფნამ სიმშვიდე დაუბრუნა.

— ბორის ფიოდოროვიჩი, — წარმოთქვა მან და პირი შეაქცია მალიუტას, — მაღლობელი ვარ შენი, რომ მინახულე, ახლა სიკვდილიც ისე აღარ გამიჭირდება!

და თავადმა შებორკილი ხელი გაუწოდა. მაგრამ გოდუნოვი უკან მიდგა და მის გაყინულ სახეზე ნაკვთიც არ შეტოკებულა სერებრიანისადმი თანაგრძნობით.

თავადმა უღონოდ დაუშვა გაწვდილი ხელი, ბორკილის ჯაჭვმა ჟღარუნნი გაიღო.

— არ მეგონა, ბორის ფიოდოროვიჩი, — საყვედურით უთხრა მან, — რომ ხელს მკრავდი. მამ მხოლოდ იმისთვის მოხვედი, რომ ჩემს დასჯას უყურო?

— მე და გრიგორი ლუკიანოვიჩი, — მშვიდად მიუგო გოდუნოვმა, —

შენს დასაკითხავად მოვედით. ხოლო შენთვის ხელის კვრა რისთვის უნდა დამჭირებოდა, ვერ გამიგია. არასოდეს მიმიჩნევიხარ ჩემს მახლობლად, ხოლო მაშინ მხოლოდ იმიტომ შევაყოვნე შენი დასჯა, რისი ღირსი დიახაც იყავ, რომ კარგად ვუწყვი ჩემი ხელმწიფის გულმოწყალება!

სერებრიანის ტკივილით შეეკუმშა გული, და გოდუნოვის ასერივად შეცვლა თვით სიკვდილზე უფრო ძვირე ეჩვენა.

— ლმობიერების დრო წავიდა, — გულცივად განაგრძობდა გოდუნოვი, — გახსოვს, რაც ხელმწიფეს შეჰფიცე? მაშ ახლა მის ღვთიერებას უღ ნებას დაემორჩილე და, თუ ყოველივეს დაუფარავად აღიარებ ჩვენს წინაშე, წამებას აიცდენ, სწრაფი სიკვდილი მოგესჯება... შეუდგეთ დაკითხვას, გრიგორი ლუკიანოვიჩ!

— დამაცა, ცოტა ხანს დამაცა! — ღიმილით მიუგო მალიუტამ. — მის მოწყალებასთან მე სხვა ამბებიცა მაქვს მოსაკითხი!.. აბა, დაუმოკლე ამას ბორკილი, ფომკა, — უთხრა მან ჯალათს.

ჯალათმა ჟინჯილილი კედელში დატანებულ რკინის რგოლში ჩაარჭო და თითქმის ზედ კედელთან მიუბა ხელები სერებრიანის, ასე რომ, ახლა მათი გატოკებაც არ შეეძლო თავადს.

მაშინ მალიუტა უფრო ახლოს მივიდა ნიკიტასთან და დიდხანს შეკყურებდა სახეში იმ თავისი ავბედითი ღიმილით.

— ბატონო ჩემო, თავადო ნიკიტა რომანიჩ! — წარმოთქვა მან ბოლოს, — ნუ გამაწბილებ, ნუ მომაკლებ შენს დიდ წყალობას!

მალიუტა მუხლებზე დაეარდა და უმდაბლესად ეთაყვანა სერებრიანის.

— ჩვენ, ბატონო თავადო, — დამცინავი მორჩილებით განაგრძობდა ის, — ჩვენ შენი მოწყალების წინაშე საცოდავი ლიფსიტები ვართ; ისეთი დიდი ბოიარი, შენ რომ ხარ, ჯერ არასოდეს დაგვისჯია, არასოდეს გვიწამებია ამ ხელებით! დაკითხვის დაწყებაც ვერ გამიბედნია! ჩვენ ხომ, ბატონო, როგორც ამბობენ, ერთნაირი სისხლი არ გვიდუღს ძარღვებში...

აქ მალიუტა შეჩერდა და იმ ღიმილში უფრო მოუჭარბდა შხამი, თვალებიც უფრო გაუფართოვდა, ბაიებიც უფრო ხშირ-ხშირად აუტოკდა.

— ნება მიბოძე, ბატონო თავადო, — განაგრძობდა ის და ცდილობდა ვედრებით ელაპარაკნა, — ნება მიბოძე, სანამ დაკითხვას შეუდგებოდე, მანამდე, გამბედაობის მოსაკრებად, შენი ბოიარული სისხლი დაეინახო!

ეს რომ თქვა, მალიუტამ დანა ამოაცურა ქაშირიდან და სერებრიანისთან მიჩოჩდა მუხლებზე ხოხვით.

ნიკიტა უკან მიაწყდა და გოდუნოვს შეაცქერდა.

ბორისს ნაკუთიც არ გატოკებია სახეზე.

— მერე კი... — ხმაშემადლებით განაგრძო მალიუტამ, — მერე ნება მიბოძე, მე უგვარტომოს, ღვედები აგაჭრა მაგ თავადურ ზურგზე! ნება მიბოძე, შენს ყურმოჭრილ ყმას, ცხენის საოფლედ გაგაძრო ეგ ბოიარული ტყაეი! ნება მიბოძე, სულმყრალ მონას, ჩემი ძაღლები გამოეაძლო შენი ღიღკაცური ხორციით!

მალიუტას ხმა, ჩვეულებრივად ტლანქი და უხეში, ახლა ტურის კივილს წააგავდა, მოთქმასა და ხარხარს შუა რაღაც საშუალი იყო.

სერებრიანის თმა ყალფზე დაუდგა. როცა მაშინ იოანემ პირველად მიუსაჯა სიკვდილი, ის უშიშრად მიდიოდა თავსაკვეთი ძელურისკენ, მაგრამ აქ, ბნელ ღიღეგში, ბორკილებით გააკვებულს, შიშხილით გატანჯულს, აღარ ჰყოფნიდა ამ ხმისა და მზერის ატანის ძალა.

მალიუტა ერთ ხანს ტკბებოდა იმ ძრწოლვით, რაც მისმა ქცევამ მოჰგვარა თავადს.

— ბატონო თავადო, — უცებ დაიწვილა მან, დანა გააგდო და ფეხზე წამოიჭრა, — ნება მომეცი, ყოვლის უწინარეს, პატიოსნად დაგიბრუნო ვალი!

მალიუტამ კბილების ღრჭუნით შემართა ხელი და გასარტყმელად მოუღერა ნიკიტას.

სერებრიანის სისხლი თავში აუვარდა და, აღშფოთებასთან ერთად, ის შემზარავი ზიზღის გრძნობაც მოერია, რომელიც მაშინ გვიპყრობს, როცა რაღაც სიბილწე გვიახლოვდება და სადაცაა უნდა შეგვეხოს.

თავადმა სასოწარკვეთით შეხედა გოდუნოვს.

სწორედ ამ წუთში მალიუტას შემართული ხელი ჰაერში გაიყინა, გოდუნოვისგან გაკავებული.

— გრიგორი ლუკიანოვიჩი, — მშვიდად უთხრა გოდუნოვმა, — შენ რომ ახლა მაგას გაარტყა, ეგ თვითონ შეასკდება კედელს, თავს გაიხეთქავს და დასაკითხავიც აღარავინ გვეყოლება. ვიცნობ, რა კაციცაა ეგ სერებრიანი.

— მოწყდი აქედან! — დაიღრიალა მალიუტამ, — ხელს ნუ მიშლი, გული ვიჯერო მაგის გამასხრებით! სამაგიერო გადაუხადო წყეული ტბისთვის!

— გონს მოდი, გრიგორი ლუკიანოვიჩი! ჩვენ ხელმწიფის წინაშე ვაგებთ პასუხს თავადისათვის!

და გოდუნოვმა ორივე ხელი გაუკავა მალიუტას.

მაგრამ სკურატოვს, სისხლით გახელებული ტყის ნადირივით, უკვე

ალარაფერი აღარ ესმოდა. ის ღრიალითა და წყველა-კრულვით ეძგერა გოდუნოვს, რომ უკან მიენარცხებინა და თავის მსხვერპლს მივარდნოდა. ამ ჭიდილსა და ძიძგილაობაში რომელიღაც მათგანი ჟინჟილილს წამოედო, ის ძირს დავარდა და გოდუნოვის ფეხქვეშ ჩაქრა.

მალიუტა გონს მოეგო.

— ხელმწიფეს ვეტყვი, — სულშეგუბებით ამოიხრიალა მან, — რომ მის მოღალატეს ექომაგები!

— მე კი ხელმწიფეს ვეტყვი, — უბასუხა გოდუნოვმა, — რომ დაუკითხავად აპირებდი მოღალატის მოკვლას, რადგან მისი ჩვენებისა გეშინია!

მალიუტას რაღაც ღმუილისმაგვარი აღმოხდა და დილეგიდან გავარდა, თან ჯალათიც გაიყოლია.

სანამ ისინი ხელების ფათურით მიბობლავდნენ კიბეზე, სერებრიანი იგრძნო, რომ ბორკილი დაუგრძელეს და კვლავ შეუძლია მოძრაობა.

— სასოს ნუ წარიკვეთ, თავადო! — ყურში უჩურჩულა გოდუნოვმა და მაგრად ჩააელო ხელი მაჯაში. — მთავარია დრო მოვიგოთ.

და ბორისი სწრაფად მიჰყვა მალიუტას, მანამდე კი, გასვლისას, კარი გაიკეტა და საგულდაგულოდ გაამაგრა ურდულები.

— გრიგორი ლუკიანოვიჩ, — უთხრა სკურატოვს, როცა გასასვლელთან წამოეწია და ყარაულების თვალწინ მიაწოდა გასაღებები, — შენ საპატიმრო არ დაგიკეტია. ასე არ ვარგა; ვინმე იფიქრებს, თითქოს სერებრიანის თანამდგომი იყო!

იმ დროს, როცა საპყრობილეში ეს ამბავი ხდებოდა, იოანე თავის პალატში იჯდა, პირქეში და უკმაყოფილო. მეფეს ნელ-ნელა დაეუფლა უცნობი გრძნობა. ეს გრძნობა იყო უნებლიე პატივისცემა სერებრიანისადმი, რომლის გაბედული საქციელიც, მართალია, მის თვითმპყრობელურ გულს ალაშფოთებდა, მაგრამ არასგზით არ თავსდებოდა დალატზე მის პირად წარმოდგენაში. აქამდე იოანე მოწმე იყო ან აშკარა თავნებობისა, რითაც ასე გააშხამეს მისი ყრმობის ხანა ბოიარებმა, ან ზვიადი ქედუდრეკლობისა, რაც, მაგალითად, კურბსკიმ გამოიჩინა, ან კიდევ მონური პირმოთნეობისა, რასაც ახლა იჩენდა მისდამი ყველა, ვინც გარს ეხვია. მაგრამ სერებრიანი არც ერთ ამათგანს არ ეკუთვნოდა. ის, თავისი საუკუნის შვილი, იოანეს უფლებათა ღვთიური ხელშეუხებლობის რწმენას იზიარებდა; გონებით ემორჩილებოდა ამ რწმენას და, რაკი აზროვნებაზე უფრო მოქმედებას იყო ჩვეული, არასოდეს ეურჩებოდა წინაგანზრახვით თვით მეფეს, რომელიც ამ საწუთროში ღვთის ნების აღმსრულებლად მიაჩნდა. მაგრამ, ამისდა მიუხედავად, ყოველთვის, როცა აშკა-

რა უსამართლობის მოწმე ხდებოდა, თავადს აღშფოთებით უბორგდებოდა სული და მისი თანდაყოლილი პირდაპირობა რწმენით აღიარებულ ქცევის წესებზე იმარჯვებდა. მაშინ სერებრიანი, თავისდა გასაკვირველად და თითქმის შეუმეცნებლადაც, ამ წესების მიუხედავად მოქმედებდა და სინამდვილეში სულაც არ გამოსდიოდა ის, რასაც ისინი ავალდებულებდნენ. სერებრიანის ეს კეთილშობილური არათანმიმდევრულობა ეწინააღმდეგებოდა ადამიანებზე იოანეს შეხედულებებს და საკუთარი ძალის რწმენას ურყევად მას, რადგან ადამიანთა გულთამხილველად მიანდა თავი. სერებრიანი რომ გულწრფელი იყო, მიამიტად პირდაპირი და პირად გამორჩენაზე ზრუნვის უუნარო, ამას ცხადად გრძნობდა იოანე. მას ესმოდა, რომ სერებრიანი არ მოატყუებდა, რომ ის უფრო გულით მისანდო კაცი იყო, ვიდრე რომელიც გნებავთ ნაფიცო ოპრინიკი, და მისი დაახლოვებისა და საკუთარ იარაღად გამოყენების სურვილი უვლიდა; მაგრამ თან იმასაც გრძნობდა, რომ ეს იარაღი, თავისთავად უტყუარი და საიმედო, შეიძლება მოულოდნელად გასხლტომოდა ხელიდან, და ამგვარი შესაძლებლობის წამიერ გაფიქრებაზეც კი სერებრიანისადმი კეთილგანწყობილება სიძულვილით ეცვლებოდა. მართალია, ჭირვეულად ახირებული გრძნობიერება ზოგჯერ აფიქრებინებდა ხოლმე იოანეს ხელი აეღო სისხლისღვრაზე და მონანიებას დადგომოდა, მაგრამ ეს იშვიათად ემართებოდა; ჩვეულებრივ, ის თავისი უცოდველობის შეგნებით იყო გამსჭვალული, მტკიცედ სჯეროდა თავისი ხელისუფლების ღვთიური წარმომავლობა და გააღმასებული იცავდა მას სხვათა ხელყოფისგან; ხოლო ხელყოფად იოანე მიიჩნევდა სულ მცირე, თვით ფიქრში გამკრთალ გაკიცხვასაც კი. ახლაც ასე მოხდა. მას გულში გაუარა ფიქრმა — მიეტყევიან სერებრიანისთვის, მაგრამ ეს ფიქრი მაშინვე დაავიწყა რწმენამ, რომ თავადი ნიკიტა იმ ადამიანთაგანია, რომლებსაც არ უნდა ითმენდეს სახელმწიფოში.

„ოღეს ცხოვართა ფარას, — გაიფიქრა მან, — სწორს გზაზედ მავალს, გამოერჩეს ცხოვარი ერთი და სხვას გზით ვიდოღეს, მწყემსი ცხოვარსა მას შეცთომილსა განკვეთს ფარისა მისგან და მოაკვდინებს!“ ასე გაიფიქრა იოანემ და გუნებაში გადაწყვიტა კიდევაც სერებრიანის ზედრი. მისი დასჯა მეორე ღლით დანიშნა; მაგრამ ბრძანა ბორკილები შეეხსნათ თავადისთვის და ღვინო და საჭმელი გაუგზავნა მას სეფე სუფრიდან.

ამასთან, შინაგანი ბრძოლით მოგერილი შთაბეჭდილებები რომ გაეფანტა, მისთვის უჩვეულო შთაბეჭდილებები, რომელთა გამოც რცხე-

ნოდა კიდევ საკუთარ თავთან, მან ვერცელ მინდვრებზე გასეირნება მოინება და ქორ-შეყარდებით დიდი ნადირობა ბრძანა.

შესანიშნავი დილა იყო. ბაზიერთუხუცესი, უფროსი ბაზიერი, საბაზიეროს შიგამდეგები და ყველა ხარისხის მსახურეულნი, დარახტულ ბელაურებზე ამხედრებულნი, ბრწყინვალედ დამოსილნი, საფუხარებზე შემომჯდარი შეყარდნებით, სონღლებითა და კაპოეტებით, ადრიანად გაუდგნენ გზას და მინდვრად ელოდნენ ხელმწიფეს.

ტყუილა არ ამბობენ ძველთაგანვე, მინდვრად შექცევა შეებასა ვერის ნაღვლიან გულს, სონღლის ნანადირევი კი საამო მზიარულებით ალაღებს დიდს და პატარასო. ზომ ასე უგუნებოდ იყო მეფე, როცა სლობოდიდან გამოვიდა თავის ოპრიჩნიკებთან ერთად, მაგრამ ბაზიერთა ეს ამოდენა ბრწყინვალე გუნდი რომ დაინახა, სახე გაუხალისდა. გართობის ადგილად ნაკრძალი მდგლოები და ოლეები არჩიეს, სლობოდიდან ორი-ოდ ვერსზე, ვლადიმირის გზაზე.

ბაზიერთუხუცესი, რომელსაც უცხოდ ჰშვენოდა წითელი ხავერდის ოქრომკედით ნაქარგი ხიფთანი და ოქროქსოვილი სამხარილლიე, ფარჩის თავსარქმელი, ყვითელი წაღები და ლაზათიანი საფუხარი, ცხენიდან ჩამოვიდა და იოანეს მიეახლა უფროსი ბაზიერის თანხლებით. ბაზიერს ხელში ეჭირა თეთრი სონღული, რომელსაც თვალსაფარი ბარტყულა და ექვნები ეკეთა.

ბაზიერთუხუცესი უდაბლესად ეთაყვანა მეფეს და ჰკითხა:

— ხელმწიფეო, ზომ არ დამდგარა გართობის დრო?

— უკვე დროა, — მიუგო იოანემ, — დაიწყე გართობა!

მაშინ ბაზიერთუხუცესმა ოქრომკედით უცხოდ ნაქარგი ძვირფასი საფუხარი მიართვა მეფეს, მერე უფროს ბაზიერს სონღული ჩამოართვა და ხელზე დაუსვა ხელმწიფეს.

— ღირსეულო და ყოვლადქებულო მონადირენო! — ოპრიჩნიკთა ბრბოს მიმართა ბაზიერთუხუცესმა, — გაერთეთ და გაიხარეთ საამური, მშვენიერი და ყოვლად ბრძნული ნადირობით, დაე გაგიქარვდეთ ყოველი დარდი, დაე ილხინოს თქვენმა გულებმა!

მერე ბაზიერებს მიუბრუნდა:

— ქებულო და გამრჯე ბაზიერებო! — თქვა მან, — მიუტიეთ და მოინადირეთ!

მაშინ ბაზიერების ეს ამოდენა ჭრელაჭრულა ბრბო მინდორში მიმოიფანტა. ზოგმა ოლეებს მიაშურა ყიჟინით, ზოგმაც ბუჩქნარებში სარკის ნამსხვრევები იძიო: მიმობნეულ პატარა ტბებისკენ გაქუსლა ცხენებით.

მაღე ლელიანებიდან იხუების გუნდები წამოიშალა და ჰაერში გაიწელა.

მონადირეებმა შევარდნები ააფრინეს. იხვები უკანვე მიაწყდნენ ტბებს, მაგრამ იქ სხვა შევარდნები დახვდნენ და დამფრთხალი ფრინველები ისრებივით გაიფანტნენ აქეთ-იქით.

შევარდნები, გეზელები და ნაირნაირი კაპოეტები, რომლებსაც ბაზიერთა თანაშემწენი ამხნევებდნენ შეძახილებით, უმოწყალოდ ნადირობდნენ იხვებზე, ზოგნი დადევნებით, ზოგნი თავის დავლით, ზოგი კი ჯიქურ უტევდა, ქვასავით მოექანებოდა ზემოდან და ზედ ზურგზე ასკდებოდა დამფრთხალ მსხვერპლს.

ამ დღეს თავი ისახელეს ბედრიამაც და სმელიამაც, ციმბირულმა კაპოეტებმა, არბასმაც და ანპრასმაც, ველურად ნაზარდმა შევარდნებმა, ხორიაკმაც და ხუდიაკმაც, მალეცმაც და პალეცმაც. იცოცხლე, დღე დადგათ იმათგან იხვებსაც და როჭოებსაც, რომლებსაც შოლტებით აფრთხობდნენ შამბნარებიდან უმცროსი ბაზიერები. ლამაზი და უცხო სანახავი იყო ნაირნაირი ჯიშის შევარდნების ნავარდი. როჭოები ტრიალტრიალით მოცივივოდნენ ძირს წარამარა. რამდენჯერმე ისედაც მოხდა, რომ იხვები, სხვა საშველი რომ აღარ ჰქონდათ, ფეხებში შეუვარდნენ ცხენებს და მონადირეებმა ცოცხლად შეიპყრეს. თუმცა თვითონაც შეემთხვათ მარცხი. გამოუცდელი გამაიუნნი რომწყადარ ქვასავით დაექანა მადლიდან ბებერი ჟრუნისკენ, რომელიც მთლად დაბლა მიფრინავდა, მკერდით დაასკდა მიწას და იქვე განუტევა სული.

ასტრეცი და სოროდუმი, ყაზანური გავაზები, შორს გაფრინდნენ და, თუმცა დიდხანს უხმობდნენ სტვენით და მტრედების ფრთებიც ბევრი უქნიეს ბაზიერთა თანაშემწეებმა, მაგრამ მაინც გადაიკარგნენ მონადირეთა თვალთაგან.

მაგრამ ყველაზე სახელოვნად და გასაოცრად ნავარდობდა მეფის სონდული, რომელსაც ადრაგანს ეძახდნენ. ის ორჯერ ააფრინა მეფემ და ორჯერვე დიდხანს ლალობდა ჰაერში, აუცდენლად ლახვრავდა ყველანაირ ფრინველს და, ნავარდით გულნაჯერები, კვლავ მეფის ოქროქსოვილ საფუხარზე ჯდებოდა. მესამეჯერ ადრაგანი ისე გაშმაგდა, რომ მარტო მინდვრის ფრინველებს კი არა, თვით შევარდნებსაც უტევდა, როცა წინდაუხედავად ჩაიფრენდნენ მის სიახლოვეს. შევარდენი სმიშლიაი და შევარდნის კაპოეტი კრუჟოკი მიწას დაასკდნენ მისგან ფრთებდალეწილნი. ამაოდ ცდილობდნენ მეფე და მისი ბაზიერები წითელი მადლით და ფრინველთა ფრთებით ჩამოეტყუებინათ ადრაგანი. თეთრი სონდული ვრცელ კამარებს ჰკრავდა ცაში, თვალუწვდენ სიმადლეზე აიჭრებოდა და ელვასავით მოექანებოდა მსხვერპლისკენ; მაგრამ, იმის მაგიერ, რომ



ბოლოს მიწაზე დაშვებულიყო, ყოველი გამარჯვების შემდეგ კვლავ მალ-  
ლა ცაში მინაეარდობდა და შორს მიფრინავდა.

ბაზიერთუხუცესმა, რაკი დაინახა, ადრაგანის მობრუნების საშველ-  
აღარ იყო, საჩქაროდ მიჰგვარა მეფეს მეორე სონღული. მაგრამ იოანეს  
ადრაგანი უყვარდა და დანაღვლიანდა, საუკეთესო ფრინველი რომ დაე-  
კარგა. მან ბაზიერთუხუცესს ჰკითხა, რომელ რიგით ევალა ადრაგანის  
გეშვაო. ბაზიერთუხუცესმა მიუგო, რიგით ტრიშკას ევალო.

იოანემ ბრძანა ტრიშკა მოეხმოთ. უბედურების მომლოდინე ახალ-  
გაზრდა ბაზიერი მთლად გაფითრებული წარსდგა მეფის წინაშე.

— კაცუნავ, — უთხრა მეფემ, — ასე გეშავ შენ სონღულს? მამ რის-  
თვის გაქვს ეგ სატყუარა, თუ შევარდნის ჩამოტყუება არ შეგიძლია?  
მისმინე, ტრიშკა, შენთვისვე მომინდვია შენი ხვედრი: თუ ადრაგანს მო-  
იყვან, ისეთ წყალობას გიბოძებ, ვერც ერთი თქვენგანი რომ ვერ ეღირ-  
სება ვერასოდეს; ხოლო თუ სონღული დაიკარგა, ნუ გაწყრები, ვუბრძა-  
ნებ ეგ თავი წაგაგდებიონ, — იმიტომაც, რომ შიში იგრძნონ დანარჩე-  
ნებმა; თორემ კარგა ხანია ვატყობ, ბაზიერთა შორის რიგიანი წყობა არ  
არის და ლამის მოიშალოს ქორ-შევარდნებით ნადირობა-გართობა!

ბოლო სიტყვებზე იოანემ თვით ბაზიერთუხუცესს გაჰხედა ცერად,  
ის კი, თავის მხრივ, სულმთლად გაფითრდა, რადგან იცოდა, უამბოდ არ  
ჩაივლიდა მეფის აღმაცერი შემოხედვა.

ტრიშკა, იმის შიშით, დრო არ დაეკარგო, მაშინვე ცხენს მოახტა  
და ადრაგანის საძებრად გაფრინდა, ფიქრში კი თავის მფარველ წმინდა  
ტრიფონს ევედრებოდა, დაკარგული სონღულის გზა-კვალი ეჩვენებინა.

ამასობაში ნადირობა თავის რიგზე გრძელდებოდა. უკვე არა ერთი  
და ორი საათი ერთობოდა ხელმწიფე, უკვე ბლომად იყო ჩაკრული უნა-  
გირების საწყვეტებში რაგინდარა ნანადირევი, რომ ახალმა სანახაობამ  
მიიპყრო იოანეს ყურადღება.

ვლადიმირის გზაზე ორი ბრმა მოლასლასებდა: ერთი ასე შუახნისა  
იქნებოდა, მეორე კი მოხუცი, ჭაღარა გრუზათმიანი და გრძელწვერა  
იყო. მათ გაცვეთილი თეთრი პერანგები ეცვათ, მხრებზე კი ჯვარედინად  
ჰქონდათ გადატარებული ტილოები, რომლებზედაც ერთ მხარეს მოწყა-  
ლების შესაგროვებელი ბოხჩები ეკიდათ, მეორე მხარეს კი — დაკონკი-  
ლი ხიფთანები, სიცხის გამო გახდილი. დანარჩენი ავლა-დიდება: ბარ-  
ბითები, ბალაღაიკები და პურის თოფრა ერთი ზორზოხა ბიჭისთვის აე-  
კიდებინათ, რომელიც მეგზურად მოყვებოდა მათ. იმ ბრმას, რომელიც  
უფრო ახალგაზრდა ჩანდა, მეგზურის მხარზე ედო ხელი, თვითონ კი  
მოხუცს მოაკონწიალებდა. მაგრამ ყმაწვილს, ეტყობა, ნადირობის ცქე-

რამ მოსტაცა გულისყური და დაავიწყდა თავისი ამხანაგები. ბრმები თვალხილულს ჩამორჩნენ. ერთმანეთს აკიდებულნი, ისინი გრძელ ხელჯოხებს აცეცებდნენ მიწაზე და წარამარა ბორძიკობდნენ. მათ ცქერაში ივანე ვასილევინმა სიცილი ველარ შეიკაჟა. იგი ბრმებს მიუახლოვდა. ამ დროს წინ მომავალ უსინათლოს ფეხი დაუცდა, ტლაპოში ჩავარდა და ამხანაგიც გადაიყოლა. რომ წამოდგნენ, ორივენი მთლად ლაფში იყვნენ ამოსვრილნი, იფურთხებოდნენ და სწყევლიდნენ მეგზურს, რომელიც პირდაღებული აშტერდებოდა თვალისმომჭრელად დამოსილ ოპრიჩნიკებს. მეფე გულიანად იცინოდა.

— ვინა ხართ, მამაცებო? — ჰკითხა მან. — საიდან მოდიხართ, საით გაგიწევიათ?

— შენი გზა ნახე, ვილაცა ხარ! — უპასუხა უმცროსმა ბრმამ და ქუდიც არ მოუხადა, — ბევრის ცოდნა მალე დაგაბერებს, შეილოსან.

— რეგვენო! — დაუცაცხანა ერთმა ოპრიჩნიკმა, — განა ვერ ხედავ, ვინ გიდვას წინ?

— შენ თვითონ რეგვენო! — მიუგო ბრმამ და ჩამქრალი ბაიები გადმოუქაჩა ოპრიჩნიკს. — საიდან უნდა ვხედავდე, თუკი თვალისჩინი დამკარგვია. აი შენ კი — დიახაც უნდა ხედავდე; შენ ოთხზე ორით ნაკლები თვალი გაქვს, ჰოდა ჩემზე შორსაც იყურები და ჩემზე ვერცლადაც; მითხარი, ვინ მიდვას წინ, და მეცოდინება!

მეფემ გაჩუმება უბრძანა ოპრიჩნიკს და ალერსიანად გაუმეორა თავისი კითხვა.

— ჩვენ ხუმარები ვართ, — უპასუხა ბრმამ, — სოფლები და აგარაკები მოვიარეთ, მურომიდან მოვდივართ სლობოდაში, რომ ვინაღიწოთ, კეთილი ხალხი გავართოთ, ზოგი ცხენზე ავაბობლოთ, ზოგი მიწაზე ვაფორთხოთ.

— ოპო! — თქვა მეფემ, რომელსაც მოსწონდა უსინათლოს პასუხები, — მაშ თქვენ მურომელები ხართ, მეფუნთუშეები, ქარიხვეტიები? ერთი ეს მითხარით, კიდევ არიან თქვენთან, მურომში, გოლიათები?

— მაშ როგორ! — სხარტად უპასუხა ბრმამ. — ეგ საქონელი არ გველევა; გვეყავს იქ ერთი ძია მიხეი: თმაში დაივლებს ხელს და საქანელასავით დაეკიდება ზედ; გვეყავს კიდე დეიდა ულიანა: მარტო ერევა ბუზანკალას.

ოპრიჩნიკებს სიცილი აუტყდათ. მეფე კარგა ხანია არ ყოფილა ასე მხიარულ გუნებაზე.

„აი ნამდვილი ხუმარები, — გაიფიქრა მან, — ზედვე ეტყობათ, რომ აქაურები არ არიან. უკვე თავი მომაბეზრეს ჩემმა მეზღაპრეებმა; სულ

ერთსა და იმავეს ღეჭავენ უთავბოლოდ. ტაკიმასხარებიც ვეღარ მართობენ. მას აქეთ, რაც იმ ბედოვლათს წინდაუხედავად გავეხუმრე, ყველას ჩემი შიში ჩაუდგა; სასაცილო სიტყვა აღარ ამოსდით პირიდან; თითქოს ჩემი ბრალი იყოს, იმ ტუტუცს რომ მკვიდრად არ ედგა სული სხეულში!“ — გესმის, მამაცო: ერთი ეს მითხარ, ზღაპრები თუ იცი?

— გაანნია, რანაირი ზღაპარია, — მიუგო ბრმამ, — და ვის უყვები. აი, ამასწინებზე სტარიცკის ვოევოდას ეუამბეთ ცანცარა თხის ზღაპარი და თავში საცემად გავეიხდა საქმე: იმ ოხერ თხად, აბა საიდან უნდა გვცოდნოდა, თვითონ ვოევოდას ცოლი გამოგვივიდა, ჰოდა, ვოევოდამ ბრძანა კისრისტეხით გავეყარეთ სახლიდან და გემოზედაც მივებეგვეთ. ამას იქით აღარ მოვყვებით.

მნელი ასაწერია, რა ხარხარი აუტყდათ ოპრიჩნიკებს. მეფე გამწყრალი იყო სტარიცკის ვოევოდაზე და ბრმისგან მისი გაკენწვლა, მეტი რომ არ იქნება, ისე მოსწრებული იყო ახლა.

— გესმით, კაცნო, — უთხრა მეფემ, — გასწით სლობოდაში, პირდაპირ სასახლეში მიდით, იქ დაელოდეთ ჩემს დაბრუნებას, თქვით, მეფემ გამოგვგზავნა-თქო. ჰოდა, კარგად გასვან და გაჭამონ, ხოლო როცა შინ მოვალ, თქვენს ზღაპრებს მოვისმენ.

სიტყვა „მეფის“ გაგონებაზე ბრმებს ელდა ეცათ.

— მეფე-ბატონო, ჩვენო ხელმწიფე! — შეჰღალადეს და მუხლებზე დაცვიდნენ. — ნუ გავგირისხლები ჩვენი ბრიყვეული, ტეტიური სიტყვა-პასუხისთვის! ნუ ბრძანებ თავი მოგვკვეთონ, უცოდნელობით შეეცოდეთ შენს მოწყალეებას.

მეფემ ჩაიცინა შიშით დაზაფრულ ბრმებზე და კვლავ მინდორს მიაშურა სანადიროდ, უსინათლოები კი თავიანთი მეგზურიანად სლობოდის მიმართულებით წალოლიაღდნენ.

სანამ ოპრიჩნიკების ბრბოს კიდევ შეეძლო მათი დანახვა, ისინი ერთმანეთს არ შორდებოდნენ და წარამარა ბორძიკობდნენ, მაგრამ როგორც კი გზის მოსახარს გასცდნენ და თვალს მიეფარნენ, უმცროსი ბრმა შეჩერდა, ოთხივე მხრივ მიმოიხედა და ამხანაგს უთხრა:

— ჰა, რაო, მია კორშუნ, იქნებ დაიღალე ამდენი ფორხილით? ამ ჩვენ საქმეს კი ჯერ კაი პირი უჩანს; მაგრამ წინ რა მოგველის ნეტავ? ოჰო, შენ წარბები შეგიჭმუნნია, ძია? ეგებ ნანობ, ამ საქმეს რომ შეები?

— მაგას არა, — მიუგო მოხუცმა ყაჩაღმა, — რახან წამოვედი, მორჩა, თვალი უკან აღარ გამექცევა; მაგრამ თვითონაც ვერ გამიგია, რა მემართება; ისე დამძიმებული მაქვს გული, ჩემს დღეში რომ არ მქონია, ამეკ-

ვიატა ერთი ამბავი და რაზედაც უნდა ეფიქრობდე, მაინც სულ ის მიტ-  
რიალებს გონებაში, მიბურღავს და მიბურღავს ტვინს!

— მერე რა არის ასეთი, რო ტვინს გიბურღავს?

— ყური მიგდე, ატამანო. აი უკვე ოცი წელია მას მერე, რაც ერთი  
ნაღველი შემომაფრინდა, შემინჩნდა სულში. მაგრამ ეს ამბავი არავინ  
იცის არც ვოლგაზე, არც აქ, მოსკოვში; სიტყვაც არ დამცდენია ამბზე  
ვინმესთან; გულში მაქვს ჩამარხული ჩემი ნაღველი და ასე ვატარებ  
აგერ უკვე ოცი წელია, თითქოს წისქვილის ქვა მედოს კისერზე; ერ-  
თხელ, დიდმარხვის დღეებში, მარხვის შენახვაც ვცადე, მინდოდა ყვე-  
ლაფერი დაუფარავად მეთქვა მღვდლისთვის, მაგრამ ლოცვა ვერ შევძე-  
ლი — და მარხულობაც მივატოვე. ახლა კი ისევ სულს მიხუთავს ის  
ნაღველი; მგონია, თუ ამოვთქვამ, შეებას ვიგრძნობ-მეთქი. შენთან ხომ  
თქმაც ისე ძნელი არ იქნება, როგორც მღვდელთან: შენ ხომ თვითონაც  
ჩემფერი ხარ.

კორშუნს ღრმა წუხილი დააჩნდა სახეზე. პერსტენი უსმენდა და  
ღუმდა. ორივე ყაჩაღი გზის პირას ჩამოჯდა.

— მიტკა, — უთხრა პერსტენმა მეგზურს, — აბა ერთი ცოტა მოშო-  
რებით დაჯექი და ოთხი თვალი გამოიბი; თუ ვინმე შენიშნო, ხელით  
გვანიშნე; იცოდე, არ დაგაეიწყედეს: შენ ყრუ და მუნჯი ხარ, სიტყვა არ  
დაცდეს!

— კეთილი, — მიუგო მიტკამ, — არ დამცდება!

— ძირძიტა შენს ენას, შე ბოთვე, გაწყვიტე ეგ ხმა! ნურც ჩვენ გვე-  
ლაპარაკები. შეეჩვიე მუნჯად ყოფნას; თორე სწორედ ვინმესთან დაიყ-  
როყინებ რამეს და, მაშინ, გათავდა ჩენი ამბავი, ხელად გამოგვიყვანენ  
წირვას!

მიტკა ასიოდე ნაბიჯზე გაშორდა მათ, პირქვე გაწვა და ილაცყებით  
მიწას დაეხვინა, ნიკაპი კი ხელებზე დააყრდნო.

— კაი ბიჭია ჩენი მიტკა, — თქვა პერსტენმა, რომელიც უკნიდან  
გაჰყურებდა მიმავალს, — მარა ბოთეა, ეინდა მაგას ელაპარაკე და გინდა  
კედელს ცერცვი აყარე, სულ ერთია. წუთით რომ თვალი მოარიდო, მა-  
შინვე წამოაყრანტალეებს რამეს! მაგრამ რას იზამ, სხვებს ისევ ეგა  
სჯობს; სხვა რო არაფერი, არ გვიმტყუნებს მაინც; თავსაც დაიცავს და  
ჩვენც გვიშველის, თუ ვინიცობაა, ღმერთმა ნუ ქნას და, რამე გაგვიჭირ-  
და. აბა, რაო, ძია, ახლა ველარავინ გაიგონებს ჩვენ ლაპარაკს: მითხარი,  
რა ნაღველი გაგჩენია! ეჰ, უდროო ღროს მოგაკითხა მაგ ვერანამ!

მობუცმა ყაჩაღმა ხუჭუჭა თავი ჩაჰქინდრა და ხელით შუბლი მოის-  
რისა. უნდოდა ლაპარაკი, მაგრამ დაწყება უჭირდა.

— ჰოდა, ასე, ატამანო, — უთხრა მან, — საკმაოდ ბევრი ქრისტიანი-  
შვილი შემოვიმარცხე ჩემს სიცოცხლეში, რაღა თქმა უნდა! ჯველობი-  
დანვე შემივარდა გული სისხლიან ხალათზე! მქონია შემთხვევა, ან ვაჭ-  
რუკანა გაჭირვეულდებოდა, ან დედაკაცი აწივლდებოდა, ვკრავდი დანას  
ფერდში — და, მორჩა, გავუყენებდი მოუსავლეთში. ახლაც კი, თუ საქ-  
მემ მოიტანა ვინმეს გაწირვა, — ხელი არ ამითრთოლდება! თუმცა, რას  
ვაშობო! შენთან ამის ფიცელი რა საჭიროა; მგონი, შენც საკმაოდ ბევრი  
გაგიყენებია იმ ქვეყანას; უცხო არ არი ეს ამბავი შენთვის, ზომ ასეა?

— ვთქვათ ასეა, მერე რა? — შესამჩნევი უკმაყოფილებით უპასუხა  
პერსტენმა.

— ისა, რომ არც შენ და არც მე, ორთავენი, დედაკაცები, კოკობზიკა  
გოგოები არა ვართ; ბევრი სისხლი გვაწევს სულზე; ჰოდა, ერთი აი ეს  
მითხარი, ატამანო: თუ დაგმართნია ასე, რომ გაგახსენდება რომელიმე  
შენი ნამოქმედარი და მაშინვე მარწუხივით მოგეჭიდება რაღაც გულზე,  
შეგამცივნებს და შეგახურებს მთელ სხეულში, მერმე კი გხრავს და  
გხრავს ისე, რომ ინატრებ, ნეტავ სულაც არ გავჩენილიყავი ამ ქვეყა-  
ნაზეო?

— კმარა, ძია, რად გინდა მაგნაირ რამეს რომ შეკითხები, მაგის  
დრო არ არი ახლა.

— აი, — განაგრძობდა კორშუნი, — ბევრი ჩემი ნამოქმედარი უკვე  
დამავიწყდა კიდეც, მაგრამ ერთი კი ვერ დავივიწყე. მას აქეთ ოციოდე  
წელი იქნება, ვოლგაზე ვცხოვრობდით, ცხრა კანჯოთი დაეცურაედით;  
ატამანად დანილო კოტი გვყავდა ჩვენ; შენი ხსენებაც არ იყო მაშინ; მე  
უკვე მიცნობდნენ ბანდაში და უკვე მაშინ მეძახდნენ კორშუნს. მდიდარ  
გემებსაც ვესხმოდით და ნავმისადგომებსაც ვძარცვავდით, ნდავლს კი  
ყოველთვის თანაბრად ვიყოფდით, ერთცახე ცილობასაც ვერ ითმენდა  
დანილო კოტი. იტყვი, რაღა უნდა ისურვო კაცმა უკეთესიო? ვცხოვ-  
რობდით ჩვენ ქეიფზე, ჭამა არ გვაკლდა და ჩაცმა. რო დავიმოსებოდით  
ფერად-ფერადი ხიფთანებით, დარდიმანდულად მოვიგდებდით ქუდებს,  
მოვუსვამდით ნიჩბებს და შემოვძახებდით ლალ სიმღერას, სოფლებსა  
და ქალაქებში ხალხი ნაპირს აწყდებოდა, არიქა, მამაცები დავინახოთო,  
მზეჭაბუკების ყურებით დავტკბეთო! ჩვენ კი, გაგხარია, ვუსვამდით ნიჩ-  
ბებს და ვმღეროდით თავგადაკულნი, სიათების ბათქაბუთქით ვაყრუ-  
ებდით არე-მიდამოს, ლამაზ გოგოებს თვალს ეუპატუნებდით. ზოგჯერ  
კიდეც, შუბებსა და პოროლებსაც რომ დავიჭერდით, გეგონებოდა, ჩვენს  
კანჯოებზე ტყე წამოზრდილაო! კაი ცხოვრება გექონდა, მაგრამ მაცდუ-  
ნა ეშმაკმა, შეჩვენებულმა. ერთი დღეც იყო, ვიფიქრე გუნებაში: რათა  
12. ა. ტოლსტოი

და რისთვის? მე ხომ ყველაზე მეტს ვმუშაობ, მაშ ხეირი სხვების თანაბრად რად მხვდება-მეთქი. ჰოდა, ავიჩემე გულში: მარტოკა წავსულიყავი საშოვარზე და ნადავლი არტელში კი არ მიმეცა, ჩემთვის დამეტოვებინა. ჩაეცვი მათხოვარივით, აი, როგორც ახლა, ასე გადავიკიდე თოფრა, ფეხსახვევში დანა გავირჭე და წავხეტიალდი შარაგზაზე — ეგებ ვინმემ ჩამოიაროს-მეთქი. ველოდე დიდხანს, მაგრამ საქმე არა გაქვს? არც ალალი, არც ვაჭარი, არავინ არ ჩანს. ჯავრისგან ლამის გულზე გავსივდე. „კეთილი, ვიძახი გუნებაში, რახან ღმერთი ხეირს არ იმეტებს, ახლა მე მაცალეთ, სულ ერთია, ვინც ჩამოვიღის, თუნდაც მშობელი მამა იყოს ჩემი, ფრჩხილებამდე გავფცქენი-მეთქი!“ ეს გავიფიქრე და, ვხედავ, გზაზე ვილაც ლატაკი დედაკაცი მოდის, რალაც მოაქვს ხოკერით, ხოკერზე კი ტილო შემოუხვევია. როგორც კი ჩემ გამოსწორ მოაღწია, ბურჩიდან გამოვხტი. შესდექ-მეთქი, ვეუბნები, დედაკაცო! მოიტა ხოკერი! — ის კი მუხლებში ჩამივარდა: რაც გინდა წაილე, მაგრამ ხოკერს ხელს ნუ ახლებო! „ოჰო, ვფიქრობ გუნებაში, მაშ შენ, ჩანს, განძი გქონია მანდ დამალული“, ჰოდა, ვტაცე ხელი იმ ხოკერს. დედაკაცი კი მოთქვამს, მლანძღავს, ხელზე მკბენს. მე ისედაც ბოღმა მახრჩობდა, დღე რო ცუდუბრალოდ მოვაცდინე, ახლა კი უფრო გავმწარდი. ეშმაკი შემიჯდა ტანში, დანა დეაძრე და ყელში ვატაკე იმ დედაკაცს. ძირს რომ დავარდა, შიშმა ამიტანა. გულისხეთქით გავიქეცი, მაგრამ მალე მოვეგე გონს და უკანვე დავბრუნდი იმ ხოკერისთვის. ვიფიქრე: დედაკაცი ხომ მოკვალი და ხელცარიელი რაღაზე წავიდე-მეთქი! დავავლე ხოკერს ხელი, გახსნა არც მიფიქრია, და შევეარდი ტყეში. ერთხანს ვირბინე, ასე, ძაღლის ყეფის ხმა რომ მიწვდება, იმდენზე, მაგრამ მუხლები მომეკვეთა, ჰოდა ვიფიქრე: დავჯდები, სულს მოვიბრუნებ, თანაც ვნახავ, რა განძი ვიშოვე-მეთქი? გადავხსენი ხოკერი, ვხედავ: თოთო ბავშვი წევს შიგ, ცოცხალმკვდარი, ძლივს სუნთქავს. „უჰ, შე ჭინკავ შენა! — გავიფიქრე. — აი თურმე რატომ არ მანებებდა დედაკაცი ხოკერს! მაშ შენი გულისთვის დავიმძიმე სული ცოდვით, შე შეჩვენებულო?!“

კორშუნს უნდოდა განეგრძო ამბავი, მაგრამ დადუმდა და ჩაფიქრდა.

— მერე რა უყავი იმ ბავშვს? — ჰკითხა პერსტენმა.

— რა უნდა მექნა, ძიძად ხომ ვერ დავუდგებოდი? რა უყავი? ცხადია, რასაც ეუზამდი!

მოხუცი კვლავ დადუმდა.

— ატამანო, — უეცრად წარმოთქვა მან, — ამ ამბავზე რომ დავფიქრდები, მაშინვე გული ამიკენესდება. მაგრამ დღეს მაინც, მათხოვარივით რომ გადავიცვი, ისე ცხადად მახსენდება ყველაფერი, ვითომც გუშინ

მომხდარიყოს. და განა მარტო ეს ამბავი! არ ვიცი რისგან, მაგრამ ამ უცაბედად ის დღეებიც გამიცოცხლდა მახსოვრობაში, უკვე რახანია რომ არ მომგონებია. ამბობენ, სასიკეთო ნიშანი არ არი, კაცი რომ ასე უმიზეზოდ დაიწყებს გონებიდან ამოშლილი ამბების მოგონებასო!..

მოხუცმა ღრმად ამოიხენეშა.

ორივე ყაჩაღი ხმაგაკმენდილი იყო. უცებ მათ თავს ზემოთ ფრთებმა გაიტყლაშუნა, — და წაბლისფერი ძერა თავდაყირა დაენარცხა მოხუცის ფეხებთან. ამავე დროს ჰაერში ლაღად აიჭრა სონღული აღრავანი და, თავის მსხვერპლთან ჩამოსელაც არ იკადრა, ისე გაფრინდა საითკენღაც.

მიტკამ ხელი დაიქნია. შორს ბაზიერები გამოჩნდნენ.

— ძია! — აჩქარებით უთხრა პერსტენმა, — დაივიწყე წარსული; ჩვენ ზომ ახლა ყაჩაღები არა ვართ, ბრმა მეზღაპრეები ვართ. აი მეფის კაცები მოაჭენებენ აქეთ, საცაა აქ გაჩნდებიან. აბა, ჰე, ძიავე, გაყოჩაღდი, ერთი შენებურად დააყარე მაგათ ნართაულები.

მოხუცმა ყაჩაღმა თავი გადააქნია.

— ეჰ, წასულია ჩემი საქმე, — თქვა მან და მოკლულ ძერაზე ანიშნა. — ეგ მე დამლაზვრა თეთრმა სონღულმა. ხედავ, აღარც ჩანს. მომკლა, და თვითონ კი უკვალოდ გაქრა.

პერსტენმა თვალჩაყიებით შეხედა მოხუცს და სინანულით მოიქექა კეფა.

— აბა რა გითხრა, ძია, — უთხრა მან, — კაცი ვერ გაგიგებს, რა გემართება დღეს! ოღონდ მე ძალას არ დაგატან. ამბობენ, კაცის გული მისანიაო. ალბათ, შენც ტყუილა არ გიგრძნობს გული ფათერაკს. დარჩი, მე მარტო წაუვალ სლობოდაში.

— არა, — უპასუხა კორშენმა, — მაგისტვის კი არ წამომიწყია ეგ ლაპარაკი. თუ მართლა ის არი ჩემი ყისმათი, რომ სლობოდაში დავდო თავი, დარჩენა ვერაფერს მიშველის. ჩანს, ეგ ქუღბელი დამყვა დაბადებიდან. მე კი აი რისთვის გეუბნები ამას. იცი, ატამანო, ვოლგაზე სოფელი ბოგოროდიცკოე!

— როგორ არ ვიცი, ვიცი, ძია.

— იმ სოფლის მახლობლად, ხუთიოდ ვერსზე, ერთი ადგილი რომაა, პოპოვ კრუგს რომ ეძახიან, ისიც იცი?

— ვიცი.

— იქ რო ბერმუხაა, ისიც თუ გახსოვს?

— მუხაც მახსოვს; ოღონდ აღარ არის ის მუხა, მოჭრეს.

— მუხა კი მოჭრეს, მაგრამ კუნძი დატოვეს.

— მერე რა, რომ დატოვეს?

— აი რა, მე ზომ აწი ველარასოდეს ვნახავ დედა-ვოლგას, შენ კი,

ვინ იცის, ვეგბ კიდეუ დაბრუნდე მშობელ მხარეში. ჰოდა, როცა ვოლგაზე იქნები, პოპოვ კრუგს მიაკითხე. ბერმუხის კუნძი მოძებნე. იმ კუნძს რომ მიაგნებ, ოთხმოცდაათის ნახევარი ნაბიჯი გადათვალე მზის დასავლისკენ. ნაბიჯებს რო გადათვლი, მიწა ამოთხარე იმ ალაგას. იქ, — განაგრძო კორშუნმა და ხმას დაუდაბლა, — კაი ხნის წინათ დიდი განძი ჩავფალი მე. ბლომად არის ოქროს კორაბლენიკებიც, თუმნიანებიც, ვერცხლის მანეთიანებიც. თუ იპოვი იმ განძს — სულ შენი იქნება. მე ხომ ხაზინას იმ ქვეყნად ვერ წავიღებ. მაგრამ ზოგჯერ, ღამ-ღამობით, გამახსენდება ხოლმე, რომ იქ პასუხი უნდა ვაგო ყველაფრისთვის, რასაც აქ ვაკეთებდი, და ყრუანტელი დამიელის ტანში! მადლს მიზამ, ატამანო, თუ პანაშვიდს გადამიხდი, როცა აღარ ვიქნები. ეგ ყველაფერს ემჯობინება. ჰოდა, ფულს ნუ დაზოგავ პანაშვიდისთვის. ბლომად მიეცი მღვდელს; დე, როგორც წესია, ისე გადამიხადოს, ნურაფერს გამოოტოვებს. ჩემი სახელი კი, შენც იცი, ამელიანეა. კორშუნს ისე მეძახიან, ბიჭებმა შემარქვეს; ნათლობის სახელი კი ამელიანე მქვია. ჰოდა, მღვდელმაც ამელიანეს მოსახსენიებელი პანაშვიდი გადაიხადოს; შენ კი, იცოდე, ბარაქიანად მიეცი იმას ფული, ნუ დაგენანება, ატამანო; მე მდიდარ ხაზინას გიტოვებ, მთელ სიცოცხლეში გეყოფა!

ჭენებით მოვარდნილმა ბაზიერებმა კორშუნს სიტყვა გააწყვეტინეს.

— ეი, თქვენ, საყარნო! — დაიყვირა ერთმა მათგანმა, — თქვით, საით გაფრინდა სონღული?

— სიამოვნებით გეტყოდით, მოკეთებო, — უპასუხა პერსტენმა, — მაგრამ უკვე ორმოცი წელია დავსებული მაქვს თვალი!

— დავსებული? რამ დაგივსო, კაცო?

— რამ და, წავედი ერთხელ მთებში, მინდოდა ქვებზე ლაფანი ამეძრო, ვხედავ — მუხა წამოზრდილა, ფულუროში შემწვარი წიწილები წიაქობენ. შევძვერი იმ ფულუროში, მივაძეხი იმ წიწილებს, გავსუქდი, ჰოდა, ვეღარ გამოვდივარ იქიდან! რაღა მექნა? გავვარდი შინ, ნაჯახი მოვარბენინე, ჩამოვთალე ფულურო და გამოვძვერი როგორც იქნა; ოღონდ იმის თლაში, ჩანს, ნაფოტები ჩამიცვივდა თვალებში; მას მერე ვეღარაფერს ვხედავ. ზოგჯერ, წვენს როცა ვხვრეპავ, ყურში ვიჩრი კოვზს; ხოლო ცხვირი რომ მომექაეება, ზურგს ვიღლეტ ფხანით.

— ა-ა, ეს თქვენა ხართ, — სიცილით თქვა ბაზიერმა, — ის ბრმეა, მეფეს რომ ელაპარაკებოდით! ბოიარები ახლაც თქვენზე სიცილით იგულებიან. აბა, ბიჭებო, თქვენ იცით ახლა, დღისით ჩვენ გავართთ ხელმწიფე-ბატონი, თქვენ კი ღამით მოგიწევთ მისი მეფური მოწყალების შექცევა. ამბობენ, მეფეს თქვენი ზღაპრების მოსმენა ნებაესო.

— ღმერთმა კარგად ამყოფოს მისი მეფური მოწყალება, — აიტაცა



კორშუნმა, რომელმაც უეცრად იცვალა ქცევა, — რატომაც არ უნდა მოგვისმინოს! თუ საღამომდე ენა არ ვიღრმეთ, იცოცხლე, დილაამდე არ შემოგველევა საფქვაავი!

— კეთილი, კეთილი — უთხრეს ბაზიერებმა, — სხვა დროს გავერთობით თქვენთან. ახლა სონღლის საძებნელად მივდივართ, ამხანაგს უნდა ვუშველოთ. თუ ტრიფონმა ადრაგანი ვერ იპოვა, წასულია მისი საქმე, დარჩება უთავოდ; მეფე-ბატონს ხუმრობა არ უყვარს!

ბაზიერებმა მინდვრისკენ გაქუსლეს.

პერსტენი და კორშუნი კვლავ მიტკას მოეკიდნენ და სლობოდისკენ წალოლიაღდნენ.

პირველ ფუნდუკამდეც არ იყვნენ მისული, რომ ორი მოხეტიალე მესაკრავე დაინახეს. ისინი ბალაღაიკებს აჟღერებდნენ და მთელი ხმით გაჰკიოდნენ:

მეზობლებთან მხიარული  
იყო ჩვენი ჟრღამული!

როცა ყაჩაღები მათ გაუსწორდნენ, ერთ-ერთი მესაკრავეთაგანი, წითური ოტროველა, რომელსაც ქულში ფარშაუანგის ფრთა გაერჭო, პერსტენისკენ გადმოიხარა.

— უკვე ბარე ხუთი დღეა შენი თავადი ციხეში ზის! — წაუჩურჩულა მან, თან ბალაღაიკას აჟღერუნებდა, — ყველაფერი გამოვიკითხე. ხვალ წირვას გამოუყვანენ. დიდ ციხეში ზის, მალიუტას სახლის გაღასწორ. საიდან ავაფრინოთ წითელი მამალი?

— აი იქიდან! — მიუგო პერსტენმა და ციხის საპირისპირო მხარეს ანიშნა თვალით.

წითურმა მესაკრავემ ყველა თითი ერთად ჩამოჰკრა ბალაღაიკას, პერსტენს პირი შეაქცია, ვითომ არც დავლაპარაკებია, და გამყვიანო ხმით განაგრძო:

მეზობლებთან მხიარული  
იყო ჩვენი ჟრღამული!

XXI თავი

ზ ლ ა კ ა რ ი

ივან ვასილევინი, ნადირობით დაღლილი, ჩვეულებრივზე ადრე განმარტოვდა საწოლ დარბაზში.

მაღე მალიუტაც ეახლა ციხის გასაღებებით.

შეკითხვის პასუხად სკურატოვმა მოახსენა მეფეს, ახალი არაფერი მომხდარა დღეს, ხოლო სერებრიანი კი გამოტყდა, რომ მოროზოვის თანამდგომი იყო მოსკოვის ამბავში და შეიღი ოპრიჩნიკი მოკლა, ხოლო ვიახემსკის თავი გაუჩხაო.

— მაგრამ, — დაურთო მალიუტამ, — სერებრიანის არ სურს შენი მეფური დიდობისადმი ბოროტ ზრახვებში გამოტყდეს, და არც მოროზოვის გათქმას აპირებს. ცისკრის ლოცვის მერე წამებით დაკითხვას მოუწყობთ, ხოლო თუ ვერც საქაჯავით და ვერც შანთებით ვერ ვაიძულეთ მოროზოვის გათქმა, მაშინ ლოდინიც აღარ ღირს, მაშინ სჯობს მოვრჩეთ მის ამბავს.

იოანე სდუმდა. მალიუტას უნდოდა კიდევ რაღაც ეთქვა, მაგრამ საწოლ დარბაზში მოხუცი გადია შემოვიდა.

— ბატონო ჩემო, — უთხრა მან, — ამ დღლით შენ ორი ბრმა გამოგზავნე სასახლეში: მეზღაპრეები ვართო, უთქვამთ; აქვე იცდიან, წინკარში.

მეფეს იმ დილანდელი შეხვედრა გაახსენდა და ბრმების შემოყვანა ბრძანა.

— მერე, ვანია, იცნობ შენ იმათ? — ჰკითხა დედაბერმა.

— რად შეკითხები?

— ვითომ მართლა ბრმები არიან?

— რაო? — თქვა იოანემ და მყისვე ეჭვმა შეიპყრო.

— გაიგონე ჩემი სიტყვა, ხელმწიფეო, — განაგრძობდა გადია, — უფროთხილდი მაგ მეზღაპრეებს; გული მეუბნება, რაღაც უკეთურს უნდა აპირებდნენ; უფროთხილდი მაგათ, ვანია, დაიჯერე ჩემი სიტყვა.

— იცი რამე მაგათზე? მითხარი! — უთხრა იოანემ.

— მე ნურაფერს მკითხავ, ვანია. ჩემი ცოდნა სიტყვით არ გამოითქმება: ვგრძნობ, რომ ვიღაც უკეთურები უნდა იყვნენ, ხოლო რატომ ვგრძნობ, ამას ნუ მკითხავ. უმიზეზოდ ჯერ არავინ გამიფროთხილებია. ცხონებულ დედაშენს რომ ჩემთვის დაეჯერებინა, იქნებ ახლაც ცოცხალი ყოფილიყო!

მალიუტამ შიშით გადახედა გადიას.

— რას მომჩერებიხარ? — უთხრა ონუფრევენამ. — შენ მხოლოდ უდანაშაულოების დალუპვაში ხარ მარჯვე, ავისა და ბოროტის გამოცნობა კი, ჩანს, საშენო საქმე არ არის. ამის ალღო სად გექნება, ქეციანო ქოფაკო!

— ხელმწიფეო, — შესძახა მალიუტამ, — ნება მიბოძე, ჩვენებურად დაკითხო ეგ ხალხი! მაშინვე გავიგებ, ვინ არიან და ვის მოუგზავნია!

— არ არის საჭირო, — თქვა იოანემ, — მე თვითონ მოვეუკლი მაგათ. სად არიან?

— აქვე, ბატონო, კარს უკან, — მიუგო გადიამ, — წინკარში ღვანან.

— მალიუტა, ის ჯაჭვის პერანგი ჩამოიღე კედლიდან და აქ მომაწოდე, მერე კი გასწი აქედან, ვითომ შინ წახვედი, ხოლო როცა ისინი შემოვლენ, წინკარში მობრუნდი, მხედრებით ჩასაფრდი კარს უკან. როგორც კი გიხმობთ, მაშინვე შემოცვივდით და შეიპყარით... ონუფრენა, ეგ კვერთხი მომაწოდე.

მეფე ჯაჭვით შეიმოსა, ზემოდან შავი სტიქარი გადაიცვა, ლოგინზე წამოწვა და სწორედ ის კვერთხი დაიღო გვერდით, რომლითაც ამ ამბადღე ცოტა ხნით ადრე ფეხი გაუგმირა თავად კურბსკის მალემსრბოლს.

— აბა, უთხარით შემოვიდნენ! — წარმოთქვა მან.

მალიუტამ გასაღებები სასთუმალქვეშ ამოუღო მეფეს და გადასთან ერთად გავიდა. ხატის კანდელები მკრთალად ანათებდნენ დარბაზს. მეფე სარეცელზე იწვა. სახეზე მოღლილი კაცის იერი ედო.

— შედით, საპყარო, — უთხრა მათ გადიამ, — მეფემ ბრძანა!

პერსტენი და კორშუნი ფრთხილი ნაბიჯით, ხელის ცეცებით შელოღილდნენ საწოლ დარბაზში.

პერსტენმა თვალის სწრაფი მოვლებით შეათვალიერა იქაურობა.

კარის მარცხენა მხარეს საწოლი ღუმელი იყო; წინა კუთხეში მეფის სარეცელი იდგა; ღუმელსა და სარეცელს შუა კედელში ფანჯარა იყო დატანებული, რომელსაც არასოდეს არ კეტავდნენ დარბაზებით, რადგან მეფეს უყვარდა, მზის პირველი სხივები მის საძინებელში რომ აღწევდა. ახლა ამ ფანჯარაში მთვარე იცქირებოდა და ღამის მნათობის ვერცხლად გაღვრილი შუქი ღუმელის ფერად-ფერად შორენკეცებს დასთამაშებდა.

— გამარჯობა თქვენი, ბრმა მურომელო მეფუნთუშეებო, ქარიხვეტიებო! — წარმოთქვა მეფემ, თან ჩუმ-ჩუმად, მაგრამ დაჟინებით აკვირდებოდა სახეში ყაჩაღებს.

— მრავალჯამ გამარჯვება ნუ მოეშალოს შენს მეფურ მოწყალებას! — მიუგეს პერსტენმა და კორშუნმა და უმდაბლესად ეთაყვანენ ხელმწიფეს. — დედაღვთისა იყოს შენი მფარველი, მხსნელი და მწყალობელი, ასე რომ გვიცოდებ კარდაკარ მოხეტიალე, ღვთივდანაბადი ქვეყნის ვერმხილველ ბოგანო, საპყარ ხალხს! წმინდა პეტრე და პავლემ, იოანე ოქროპირმა, კოზმან და დამიანემ, ხუტინის სასწაულმოქმედებმა და ყველაწმინდამ დაგიცვან და დაგიფარონ! უფალმა მოგცეს რასაც ჰვედრი და შესთხოვ! ოქროში ცურვა, გემრიელი ჭამა-სმა და ტკბილი ძილი ნუ მოვეშალოს უკუნითი უკუნისამდე! შენს მტრებსა და მოძულეებს კი დღე-

ნიადავ ასლოკინებდეთ და შიმშილისგან ხდებოდეთ სული! ყოველ ცის-მარე დღე მუცლის გერემა და ერკემლის რქასავით გრეხვა ყოფილიყოს იმათი ხვედრი!

— გამაღობთ, გამაღობთ, საპყარნო! — თქვა იოანემ, თან ყაჩაღების თვალთვალს განაგრძობდა, — რაო, დიდი ხანია რაც დაბრმავდით?

— სიყმაწვილეშივე, მეფე-ბატონო, — მიუგო პერსტენმა, თან თავს ხრიდა და მუხლს იდრეკდა, — ორივენი სიყმაწვილეშივე დავბრმავდით! აღარც გვახსოვს, მზის შუქს როდის ვხედავდით!

— ეგ სიმღერები და ზღაპრები ვიღამ გასწავლათ?

— თვითონ უფალმა, ხელმწიფეო, თვითონ უფალმა გვიწყალობა ეგ სიკეთე ძველთაგანვე!

— ეგ როგორ? — ჰკითხა იოანემ.

— ჩვენი მოხუცები გვიამბობენ, — მიუგო პერსტენმა, — და მებარბითენიც ასე მღერიან: ძველად, სულ ძველად იყო ეგ ამბავი, როცა ქრისტე ღმერთი ცად ამაღლდა; მორთეს ტირილი ღატაკებმა, უპოვარებმა, უსინათლოებმა, საპყარებმა, ერთი სიტყვით, მთელი დუნის ბოგანოებმა: ვაი ჩვენს მოსწრებას, ქრისტე ღმერთო, საით მიფრინავ? ვის მიმღზე გვტოვებ საწყალობლებს? ვინლა მოგვხედავს მშიერ-მწყურვალთ? ჰოდა, იესო ქრისტემ, ცათა მეუფემ, უთხრა მაშინ იმ საბრალოებს: „თქვენო, უთხრა, ოქროს მთას მოგცემთ, თაფლოვან მდინარეს მოგცემთ, ბაღნარ ვენახებს, ვაშლით დახუნძლულ ქოჩორა ხეებს მოგცემთ; ჰოდა, იქნებით მაძღრად და ზარხოშად, ჩაცმული და დამოსილიო!“ მაშინ იოანე ღვთისმეტყველი ეუბნება: „ეჰა, შენ, გულმოწყალე მაცხოვარო! ნურც ოქროს მთებს მისცემ მაგათ და ნურც თაფლოვან მდინარეებს, ნურც ბაღნარ ვენახებს და ნურც ვაშლით დახუნძლულ ქოჩორა ხეებს. ვერ უპატრონებენ ბოგანოები მაგ სიკეთეს: ძლიერები, მდიდრები შეესევვიან და სულ მისტაცებენ. შენ მაგათ, ქრისტე ღმერთო, ცათა მეუფე, შენი ღვთისმიერი სახელი მიეცი, ტკბილსასმენელი სიმღერები მიეცი, გარდასულ დროთა და ღვთის კაცების საქებარი დიადი თქმულებები მიეცი. ღატაკები ქვეყანაზე იღოლიალებენ, დიად თქმულებებს დაამღერებენ კარიდან კარად და ყველა გაიმეტებს მაგათთვის გამონაცვალ შარვალ-ხალათს, ყველა გაუწვდის თითო ლუკმას გამოსაკებად“. მაშინ ასე თქვა ქრისტე ღმერთმა, ცათა მეუფემ: „კეთილი, ისე იყოს, როგორც შენ ამბობ, ივანე! ბარემ, სულ მაგათი იყოს ტკბილსასმენელი სიმღერები, წკრიალა ბარბითები, დიადი თქმულებები; ხოლო, ვინც მაგათ ლუკმას გაუწვდის, ბნელ ღამეში შეიფარებს, იმას სამოთხეში მივცემ ადგილს, იმისთვის ღია იქნება სამოთხის კარიო!“

— ამინ! — თქვა იოანემ, — აბა თქვით, რა ზღაპრები იცით?

— ბევრნაირი ვიცი, ხელმწიფე-ბატონო, ბევრნაირი, ოღონდ გვიბრძანოს შენმა მოწყალებამ და, რასაც ინებებ, იმას ვიამბობთ. გნებავს, ერშ ერშოვიჩზე, შჩეტინიკოვის ვაჟიშვილზე მოგიყვები, გნებავს შვიდ სიმეონზე, გველეშაპ გორინიჩზე, ჯადოსნურ ბარბითზე, ღობრინია ნიკიტინზე, აკუნდინზე...

— კეთილი, — შეაწყვეტინა იოანემ, — მერე მართო შენ ერთი ჰყვები მაგ ზღაპრებს? მაშ ეგ მოხუცი რილასთვის მოგვყა?

პერსტენს ახლალა გაახსენდა, რომ კორშუნი თითქმის სულ მღუმა-რედ იდგა და, მეზღაპრისთვის არაბუნებრივი მოწყენილობიდან რომ გამოეყვანა მოხუცი, უცბად იცვალა იღეთები და ნართაულებით ლაპარაკი დაიწყო.

— მოხუცი? — თქვა და შეუმჩნეველად დაადგა ფეხი კორშუნს, — ეგა, რა გითხრა, ჩემი ამხანაგია, ამელკა გუდოკი; გრძელწვერაა, ღვთის შეწევნით, მაგრამ ჭკუამოკლეა; სამარხულოს რომ დაევიწყებ და სახსნილოს გუდას მოვაპირქვავებ, ჩემს გუნებაზე ვმიეთ-ვმოეთობ და ენას ვიქავებ, ეგ მე კვერს მიკრავს, მაქეზებს და სტვენით მომყვება, სიტყვას მიქებს და ენას იკვნეტს... ასე არ არის, ძიავე, თეთრწვერავე, ბაჯბაჯა იხვო, ქათმის ჩინახვო; ნეტავე გზიდან არ გადავიჩხვოთ!

— ჰაი, ჰაი, რო ეგრეა, — აიტაცა მისი ნათქვამი გონს მოსულმა კორშუნმა, — ჩვენი ფიალა სავსეა წინწანაქართ და, რახან ავაესეთ, უნდა დავცალოთ, სხვა გზა არ არის! აი ასეა, ბიძიკო, მყივანა მამალო, თხუნელას თვალო; გავწიოთ გზაზე, სიარულში გავაღწევთ სადმე!

— ეი ლული ტარარა, ცეკვავს თხა წვერ-ცანცარა! — თქვა პერსტენმა ფეხებზე რწვეით, — ცეკვავს თხა წვერ-ცანცარა, ხნავს ბუზი-ნაცარა, ეფროსინე ბებიას კი ყური უწივის მარცხენა!..

— ეი ლული, ლული! — ჩაურთო კორშუნმა ასევე ფეხებზე რწვეით, — ეი ლული, ლული, რიყეზე კიბო გარჩენილა ეული; მაგრამ ფიქრიც არა აქვს, სტვენს არხეინად, მშრალზე დარჩენილი; იცის, მალე აღიღდება წყალი და განსაცდელს დაადგება ჭვალი!

— ეპ, ხელმწიფე-ბატონო, — დაამთავრა პერსტენმა და მორჩილად ეთაყვანა მეფეს, — ნუ გვიყურებ ცერად, ნუ ხარ გაუცინარი; ეს მხოლოდ წასამღერია, ზღაპარი კი წინ არი!

— კეთილი, — მთქნარებით თქვა იოანემ, — მიყვარს მამაცთა სილაღე; ღობრინიას ზღაპარი დაიწყეთ, საპყარნო; ეგებ თქვენ ყურისგდებაში ძილი წამომეპაროს!

პერსტენი კიდევ ერთხელ ეთაყვანა მეფეს, ჩაახველა და დაიწყო:

— „კიევის მთავრის, ვლადიმირის დიდებულ დარბაზში საპატიო სერობა იყო, ნადიმი იყო თავადების, ბოიარების, გულოვანი გოლიათების პატივსაცემად. დღე უკვე საღამოსკენ იყო მიხრილი, ნადიმი — მთავარ ემშში შესული, რომ, ყველასდა გასაკვირველად, საბრძოლო ბუკის ხმა მოისმა. მაშინ ვლადიმირმა, კიევის მთავარმა, მზენათელმა სვიატოსლავიჩმა ასე წარმოთქვა: „ეჰა, თქვენ, თავადებო, ბოიარებო, უძლეველო გოლიათებო! წარგზავნეთ ორი გულოვანი გოლიათი ამბის მცნობელად: ვინ გაბედა კიევის წინ ლაშქრით დადგომა? ვინ გაბედა მთავარ ვლადიმირის სასახლესთან ბუკის ცემა?“

ვრცელ ეზოში გულფიცხი მამაცები ახმაურდნენ, ფოლადის მახვილებმა დაიჟღარუნა, საღარბაზოს კიბეებზე რკინის გურზების ხათქიხუთქი გაისმა, შეიქნა ცაში ქულების სროლა. უძლეველი გოლიათები საომრად იკაზმებიან, დარჩეულ ბელაურებზე სხდებიან, გამლილ ველზე მიიჩქარიან...“

— მოიცა, მოიცა! — განზრახ შეაწყვეტინა იოანემ იმ ვარაუდით, რომ მეზღაპრეს უფრო გულდაჯერებით ეფიქრა, მეფე დიდი გულისყურით მისმენსო, — ეგ ზღაპარი ვიცი. სჯობს აკუნდინზე მიაბბო.

— აკუნდინზე? — აბნეულად თქვა პერსტენმა, რადგან გაახსენდა, რომ იმ ზღაპარში შერისხული ნოვგოროდი იყო ნაქები, — აკუნდინის ზღაპარი, ხელმწიფეო, რა საშენოა, ტეტიურია; ეგ ზღაპარი ბრიყვმა ნოვგოროდელმა ტეტიებმა გამოიგონეს; თან კიდევ, მეფეო, მგონი აღარც მახსოვს ეგ აბლაუბდა...

— მოყვე, ბრმავ! — მკაცრად უთხრა იოანემ, — თავიდან ბოლომდე მოყვე, როგორც გამოუთქვამთ, ჰოდა, იცოდე, სიტყვის გამოტოვებაც არ გაბელო!

და მეფემ გუნებაში ჩაიცინა, იმით კმაყოფილმა, რომ ასე სავალალო ყოფაში ჩააყენა მეზღაპრე.

პერსტენი საკუთარ თავზე ჯაერობდა, რა ჩემდა ჭირად შეეთავაზე ეს აკუნდინიო, მაგრამ, რაკი არ უწყოდა, რა შეიძლება სცოდნოდა იოანეს ამ ზღაპრისა, გადაწყვიტა მგონიაობა აღარ დაეწყო და დაურიღებლად ეამბნა ყოველივე, როგორც იცოდა.

— „იყო ერთი ძველი ქალაქი, — დაიწყო მან, — ძველი ქალაქი ნოვეგოროდი, და იმ ქალაქ ნოვეგოროდში, გარეთუბანში, ერთი აკუნდინ-მაცი ცხოვრობდა. ეს აკუნდინი, კაი ვაჟკაცი, არც ლუდსა ხდიდა, არც არაყს ხდიდა, არც ვაჭრობდა; აკუნდინი მეკობრე იყო და ნავეპით დანავარდობდა მდინარე ვოლხოვზე. ჰოდა, ერთხელ გამართა თავისი ნავი, ნეკერჩხლის ნიჩბები მუხის ბუდეებს მოარგო და თვითონ ტიმონთან მო-

იკალათა. ნავი მდინარე ვოლხოვს შეუყვება და ბოლოს ერთ ფრიალო ნაპირს მიაღება. ნაპირზე კი სწორედ ამ დროს ერთი მოხეტიალე ბრმა მესაკრავე მოლოდავდა. ბრმა მესაკრავე ქათქათა ხელში ჩაეჭიდა მამაც აკუნდინს, მაღალ ყორღანზე აიყვანა და, როცა ავიდნენ, ასე უთხრა: — აბა, გაჰხედე, კარგო მამაცო, ქალაქ როსტისლაველს, მდინარე ოკაზე, და, რომ გაჰხედავ, მითხარ, რა ხდება იმ ქალაქში, იმ როსტისლაველში? — აკუნდინმა მყისვე გაჰხედა ქალაქ როსტისლაველს, იქ კი დიდზე დიდი განსაცდელი აღგათ: რიაზანის ჭაბუკი მთავრის გლებ ოლეგოვიჩის ქვეშევრდომები შუა ბაზარში დამდგარიყვნენ, უნდოდათ ბრძოლით დაეცვათ ქალაქი, მაგრამ ძალა არ ყოფნიდათ. მდინარე ოკაზე საზარელი ურჩხული, გველეშაპი ტუგარინი მოცურავდა. ის გველეშაპი ტუგარინი სიგრძით ბარე სამასი საყენი იყო, კუდით მუსრავდა რიაზანის მხედრობას, ქედით ფრიალო ნაპირებს აშვაკებდა და, გამძვინვარებული, ძველი ზარკის გადახდას მოითხოვდა. მაშინ ბრმა მესაკრავემ აკუნდინს მოჰკიდა ხელი და ასე მიმართა: — ეჰა, შენ, კარგო მამაცო, მითხარ ვინა ხარ, ვისი შვილი ხარ! — და აკუნდინმაც ასე მიუგო: — ნოვეგოროდელი მამაცი ვარ, აკუნდინ აკუნდინიჩს მეძახიან სახელად.

— ეჰა, შენ მოგელოდი, აკუნდინ აკუნდინიჩ, სრული ოცდაათი წელიწადი და სამი წელი; აჰა, იცანი ბიძაშენი, ღვიძლი ბიძა ზამიატნია პუტიატიჩი; ჩემი ძმა ხომ, აკუნდინ პუტიატიჩი, შენი მშობელი მამა იყო! აჰა, შენ ბასრი მახვილი, მშობელი მამის, აკუნდინ პუტიატიჩის დანატოვარი! — ეს სიტყვები ვერც დაამთავრა, ზამიატნია პუტიატიჩის სიკვდილის ჟამი დაუდგა, ამ საწუთროდან გადასვლა იწყო; და სანამ სული ამოხდებოდა, ასე მოძღვრავდა საყვარელ ძმისშვილს: — ეჰა, შენ, ჩემო სათაყვანო ძმისშვილო, აკუნდინ აკუნდინიჩ! როცა სახელოვან ნოვეგოროდში მიხვიდე, მდაბლად ეთაყვანე და ასე უთხარი, უსათუოდ უთხარი იმას, ნოვეგოროდს: დე ღმერთმა გამყოფოს-თქო, ნოვეგოროდო, სალ კლდესავით უკუნითი უკუნისამდე, შენი შვილები და შენი მოღგმა კი სახელოვნად! დე იყაეი-თქო, ნოვეგოროდო, ძალმორჭმული, შენი შვილები და შენი მოღგმა კი სიკეთით და დოვლათით საეხე...“

— კმარა! — ბრაზიანად გააწყვეტინა მეფემ, რომელსაც ამ წუთში სულ გადაავიწყდა, რომ მისი მიზანი მხოლოდ მეზღაპრის თვალთვალა იყო. — სხვა ზღაპარი დაიწყე!

პერსტენი, ვითომც შიშით დამფრთხალი, მუხლებზე დავარდა და პირქვე წაემხო მის წინაშე.

— რომელ ზღაპარს ინებებ, ხელმწიფე-ბატონო? — ჰკითხა მან მოგონილი, ან იქნებ ნამღვილი შიშითაც, — იქნებ კუდიანი დედაბრის ზღა-

პარი გსურს? ან ჩურილა პლენკოვიჩის? ან ივან ოზერის? თუ იმას მიბრძანებ, შენს მოწყალებას რამე საღვთო ვუამბო?

იოანეს გაახსენდა, რომ ბრძემები არ უნდა დაეფრთხო, ამიტომ კიდევ ერთხელ დაამთქნარა და უკვე მძინარა ხმით ჰკითხვა:

— მერედა, რომელი საღვთო ზღაპარი იცი, საპყარო?

— ღვთის გლახა ალექსიზე, ბატონო, ეგორი მამაცზე, იოსებ მშვენიერზე ან, თუ გნებავს, მტრედის წიგნზე.

— კეთილი, — თქვა იოანემ, რომელსაც, იფიქრებდით, უკვე ეწებება ქუთუთოებიო, — მტრედის წიგნზე მიაბზე. ჩვენთვის, ცოდვილებისთვის, სჯობს კიდევაც რამე საღვთო მოვისმინოთ ძილის წინ!

პერსტენმა კიდევ ერთხელ ჩაახველა, წელში გაიმართა და წამღერებით დაიწყო:

— „ერთხელ, ოდესღაც, საშინელი ღრუბლიანი დღე გაათენა უფალმა ღმერთმა; და იმ საშინელ ღრუბლიან დღეს მტრედის წიგნი ჩამოვარდა მაღლა ციდან. იმ მტრედის წიგნთან უმაღ შემოკრბა: ორმოცი მეფე და მეუისწული, ორმოცი ხელმწიფე და ხელმწიფისწული, ორმოცი მთავარი და მთავრისწული, ორმოცი მღვდელი და მღვდლისწული, უამრავი ბოიარი, მეომარი ხალხი, მიღვთის ხალხი მთელ დუნიიდან, უგვარო ქრისტიანები, მართლმადიდებლები. მათ შორის ხუთი მეფე იყო ყველაზე სახელიანი: ისაია მეფე, ვასილეი მეფე, კოსტიანტინ მეფე, ვოლოდიმერ მეფე ვოლოდიმერიჩი, ჰოდა ბრძენთა ბრძენი მეფე დავით ეესიევიჩი.

ეუბნება მათ ვოლოდიმერ მეფე: — ვინ არის ჩვენ შორის, ძმებო, ისეთი, კითხვა იცოდეს? რომ ეს მტრედის წიგნი წაგვიკითხოს? და ამ ღვთივდანაბადი ქვეყნის ამბავი გვითხრას? გავვაგებინოს: რისგან გაჩნდა ვარვარა მზე? რისგან გაჩნდა ღამის მნათობი მთვარე? რისგან დაიბადა ურიცხვი ვარსკვლავები? რისგან მოგვევლინა ნათელი განთიადები? რისგან ატყდა მძვინვარე ქარები? რისგან შეიქმნა მრისხანე ღრუბლები? რისგან გაჩნდა ბნელი ღამეები? რისგან მომრავლდა ამ ქვეყნად ამოდენა მიღვთის ხალხი? რისგან მოველინენ ამ ქვეყანას მეფეები? რისგან ჩაისახნენ ბოიარ-მთავრები? რისგან დაიჩეკნენ მართლმადიდებელი გლეხიკაცები?

ამაზე ყველა მეფე დადუმდა. მაშინ ბრძენთა ბრძენმა მეფემ დავით ეესიევიჩმა მიუგო ყველას: — მე გეტყვით, ძმებო, ამ წიგნის, ამ მტრედის წიგნის ამბავს: ეგ პატარა წიგნი არ არის; მისი სიგრძე ორმოცი საყენია, სიგანე ოცამდე საყენი; მაგ წიგნის აწევა რომ მოინდომო, ვერ ასწევ; ხელში დაჭერა რომ ინდომო. ვერ დაიჭერ; ასო-ასო რომ ჩაუყვებ



წასაკითხავად, ვერ წაიკითხავ; ფურცელ-ფურცელ რომ გადაშალო, ბოლომდე მაინც ვერ გადაშლი; მაგას ვერავინ ვერ წაიკითხავს. ეგ წიგნი ივანე ლეთისმეტყველმა დაწერა, კითხვით კი ისაია წინასწარმეტყველა კითხულობდა სრულ სამ წელიწადს; კითხულობდა და მხოლოდ სამა ფურცელი ამოიკითხა; მე რომ მაგ წიგნის წაკითხვა ვინდომო — ვერ წაკითხავ ღვთიურად ნაწერს! წიგნი თვითონ გადაიშალა, ფურცლები თვითონ გადაიფურცლა, სიტყვები თვითონ წაიკითხნენ. მე შიგ ჩაუხედავად გეტყვით, ხელმწიფენო, წაუკითხავად გეტყვით, ძმებო, მაგ წიგნის ამბავს, მახსოვრობით, განაგონით გაიმბობთ იმ ძველთაძველ დროზე, როგორც ძველადვე თქმულა და დაუწერიათ.

ვარვარა მზე, ძმებო, ღვთის ნათელი სახისგან განჩნდა; ღამის მნათობი მთვარე მისი მკერდისგან; ურიცხვი ვარსკვლავები ღვთის თვალებისგან. ნათელი განთიადები მისი შესამოსელისგან; მძინვარე ქარები — ღვთის სუნთქვაა; მრისხანე ღრუბლები — ღვთის ფიქრებია; ბნელი ღამეები ისი მოსასხამისგანაა! ხალხი-ჯამათი ამ ქვეყნად აღამისგანაა; აღამის თავისგან მეფენი განჩნდენ; მის ნაწილთაგან — თავადები და ბოიარები; მუხლებისგან — მართლმორწმუნე გლეხიკაცები; აღამისგანეაა გაჩენილი დედათა სქესიცი!

ყველა მეფემ თავი დადრიკა მის წინაშე: — მადლობელი ვართ, სვენათელო ხელმწიფეო, ბრძენთა ბრძენო, უბრძენესო მეფეო, ღვთით ევსიევიჩი! შენ ბარემ, სვიანო, ესეც გვითხარი, გაგვაგებინე: — რომელი მეფეა მეფეთა მეფე? რომელი მიწაა მიწათა დედა? რომელი ზღვაა ზღვათა დედა? რომელი მდინარეა მდინარეთა დედა? რომელი მთაა მთათა დედა? რომელი ქალაქია ქალაქთა დედა?“

ეს რომ თქვა, პერსტენმა მალულად შეხედა ივან ვასილევინს, რომელსაც, იფიქრებდით, უკვე ძილი ერევაო. დროდადრო მეფე თითქოს გაჭირვებით ახელდა თვალებს და ისევე ხუჭავდა; მაგრამ ყოველ გახელაზე შეუმჩნევლად აპყრობდა მეზლაპრეს გამომცდელ, გამსჭვალავ მზერას.

პერსტენმა თვალი უყო კორმუნს და განაგრძო:

— „მაშინ ბრძენთა ბრძენმა მეფემ, ღვთით ევსიევიჩმა მიუგო ყველას: — მე, ძმებო, მაგასაც გეტყვით, ახლავე გეტყვით, გაგვაგებინებთ. მტრედის წიგნში ასე სწერია: ჩვენთან თეთრი მეფე იქნება მეფეთა მეფე; მას ნათელღებული რჯული სწამს, ნათელღებული და ღვთის მსასოვარი; ის დედაღვთისა ღვთიშობელსა და ერთარსება სამებას აღიარებს; მის წინაშე ყველა ურდომ ქედი დადრიკა, ყველა ხალხი მას დამორჩილდა; მისი მეფური ხელი, კეთილმორწმუნე და ღვთისმოსავი, ყველაზე მორჭმული და სვიანია ამ ქვეყანაზე, და ყველანი თეთრი მეფის წინ და-

იდრეკენ ქედს, რადგან თეთრი მეფე მეფეთ მეფეა! რუსეთის წმინდა მიწა ყველა მიწის დედაა; ამ მიწაზე აგებენ სამოციქულო ეკლესიებს, სამლოცველო საყდრებს, დედა ეკლესიებს — დიდ ტაძრებს. ოკეანე-ზღვა ზღვათა დედაა; მისგან ამოიზარდა დედა ეკლესია — დიდი ტაძარი; იმ ტაძარში განისვენებს რომის პაპის, რომის პაპა კლემენტის წმინდა ნაწილები, ის ზღვა მთელ დედამიწას აკრავს გარშემო; ყველა მდინარე იმ ზღვაში ჩაედინება, ყველა მდინარე ოკეანე-ზღვას უერთდება მდინარე იორდანე მდინარეთა დედაა; დიდებულ დედა-მდინარეში, იმ იორდანეში თვითონ იესო ქრისტემ, ცათა მეუფემ იღო ნათელი. ხოლო თაბორის მთა მთების დედაა; რადგან დიდებულ თაბორის მთაზე ამაღლდა ზეცად თვითონ მაცხოვარი, იესო ქრისტე, და სასწაული აჩვენა თავის მოწაფეთ. ქალაქი იერუსალიმი ქალაქთა დედაა; ის ქალაქი დედამიწის შუაგულში დგას, იმ ქალაქში კი დედა ეკლესია — ტაძარი დგას; იმ ტაძარში უფლის კუბოა დასვენებული, იმ კუბოში კი თვითონ ქრისტეს კვართია დაკრძალული, მის გარშემო გუნდრუკი იკმევა, ჩაუქრობელი წმინდა სანთლები ანთია...”

აქ პერსტენმა კვლავ იოანეს მიაპყრო მზერა. მას თვალები დაეხუჭა, მშვიდად სუნთქავდა. ხელმწიფე, თითქოს, ძილში იყო წასული.

ატამანმა იდაყვი წაჰკრა კორშუნს. მოხუცი წინ წაჩოჩდა ორიოდ ნაბიჯზე. პერსტენი კვლავ ღიღინით განაგრძობდა:

— „ყველა მეფემ თავი დადრიკა მის წინაშე: — მაღლობელი ვართ, სვენათელო ხელმწიფეო, ბრძენთა ბრძენო მეფეე, დავით ევისევინი! შენ ბარემ, სვიანო, ესეც გვითხარი: რომელი თევზია თევზების დედა? რომელი ფრინველია ფრინველთა დედა? რომელი მხეცია მხეცთა მეუფე? რომელი ქვაა ქვათა მამა? რომელი ხეა ხეების დედა? რომელი ბალახია ბალახთა დედა?

მაშინ ბრძენთა ბრძენი მეფე ასე მიუგებს: — მე, ძმებო, ახლა მაგასაც გატყვი: ჩვენთან ვეშაპ-თევზია თევზების დედა; დედამიწა სამ ვეშაპზე დგას; აქლემს სირია ფრინველთა დედა; ის ფრინველი ლურჯ ზღვაზე ცხოვრობს; როცა სირაქლემს შეიფრთხილებს, მთელი ლურჯი ზღვა აბობოქრდება და ფსკერზე ისტუმრებს სავაჭრო გემებს, ნაფოტებად აქცევს ზღვისპირელთა ზომალდებს. ხოლო როცა, ნაშუალამევს, სირაქლემს ფრთებს შეიქნევს, მაშინ მამლების ყიყლიყო ისმის მთელ დუნიაზე და შუქი მოადგება მთელ დედამიწას...”

პერსტენმა ცერად გაჰხედა იოანეს. მეფეს თვალები ეხუჭა; პირი მდინარესავით გაეღო. ამავე დროს ატამანმა, თითქოს თავისი სიტყვების დასტურად, ფანჯარაში დაინახა, როგორ გაშუქდა უცერად შორეული

ცეცხლის არილით სასახლის ეკლესია და ახლომახლო ნაგებობათა სა-  
ხურავები.

მან ფრთხილად უბიძგა კორშუნს, რომელიც კიდევ ერთი ნაბიჯით  
მიუახლოვდა ივან ვასილევჩის.

— „ჩვენთან, — განაგრძობდა პერსტენი, — მარტორქა ყველა მხეცთა  
მეუფეა; იგი ქვესკნელში დადის, როგორც ნათელი მზე ცის ზესკნელში;  
რქით ბურღავს დედამიწის გულს და ღრმა ბინულებს მოაჩქეფებს იქი-  
დან; მდინარეებსა და მოჩუხჩუხე დელეებს უჩენს სათავეს; ნაკადულებ-  
სა და მდინარეთა ტოტებს უკვლევს კალაპოტს, ადამიანებს სასმელ  
წყალს აძლევს, სასმელ და დასაბან წყალს. ალათირის ქვა ქვების მამაა;  
თეთრ ალათირზე თვითონ იესო ქრისტე, ცათა მეუფე, იყო დაბრძანებუ-  
ლი, თავის თორმეტ მოციქულს მოძღვრავდა, ქრისტიანულ სჯულს უქა-  
დაგებდა; ამ ქვაზე დასწერა მან სარწმუნოება, მთელ დედამიწას მოჰფი-  
ნა საღვთო წერილი. კვიპაროსის ზე ზეთა დედაა; იმ კვიპაროსის ხის-  
გან იყო გამოჭრილი ძელი პატიოსანი; იმ ძელზე, ჭეშმარიტზე, ჯვარს  
აცვეს თვითონ იესო ქრისტე, ცათა მეუფე, ორ ქურდთან ერთად, ორ ავა-  
ზაკთან. მტირალა ბალახი ბალახთა დედაა. როცა ქრისტე ღმერთი ჯვარ-  
ზე იყო გაკრული, მაშინ დედაღვთისა ღვთიშობელი თავის შვილთან,  
ჯვარცმულთან მივიდა; თვალთაგან ცრემლები გადმოსდიოდა, მიწაზე  
ეწვეთებოდა, და იმ ცრემლებისგან, უწმინდესთაგან, მტირალა ბალახი  
ჩაისახა და ამოიზარდა; იმ მტირალა ბალახის ფესვებისგან ჩვენთან,  
რუსეთში, ლამაზ ჯვრებს აკეთებენ, და იმ ჯვრებს ბერ-მონაზვნები, კე-  
თილმორწმუნე მამები ატარებენ“.

აქ ივან ვასილევჩიმ და ღრმად ამოისუნთქა, მაგრამ თვალი არ გაუხე-  
ლია. ხანძრის არილი უფრო ძლიერდებოდა. პერსტენს შიში გაუჩნდა,  
ვაითუ უკვე განგაში ატყდეს და გასაღებების აცლა ვერ მოეასწროთო.  
მაგრამ თვითონ ვერ ბედავდა ადგილიდან დაძვრას, რომ მეფეს ხმის მი-  
ხედვით არ ევრძნო მისი მოძრაობა, ამიტომ კორშუნს ანიშნა ხანძარზე,  
მერე მძინარე იოანეზე, და განაგრძო:

— „ყველა მეფემ თავი დადრიკა მის წინაშე: — მაღლობელი ვართ,  
სვენათელო ხელმწიფეო, ბრძენთა ბრძენო, უბრძენესო მეფეო, დავით  
ევსიევიჩი! შენ კარგად გხსომებია ყველაფერი, ისე ჰყვები, თითქოს კი-  
თხულობო! — მაშინ ასე უთხრა ვოლოდიმერ მეფემ: — ეჰა, შენ, უბრძე-  
ნესო მეფეო, დავით ევსიევიჩი! შენ ბარემ ესეც მითხარი, გამაგებინე: ლა-  
მით ძილი გამიტყდა, ცულად მეძინა, ჩვენება ვნახე: ვითომც ორი მხეცი  
მოდიოდა, ერთი თეთრი, მეორე რუხი, ჰოდა, შეეხნენ ერთმანეთს; ვითომ  
რუხ მხეცს თეთრი მხეცის მორევნა სურდა. — აი რა უპასუხა უბრძენეს-

მა მეფემ, ბრძენთა ბრძენმა დავით ევსიევიჩმა: — ეჰა, შენ, ვოლოდიმერ მეფე, ვოლოდიმერ ვოლოდიმეროვიჩი! რაც შენ გინახავს, ორი მხეცი კი არ იყო, ორი მხეცი კი არ ებრძოდა ერთიმეორეს; ეგ ამბავი ჩვენთან იყო, ჩვენს ქვეყანაში, წმინდა რუსეთში: სიმართლე და სიმრულე შეება ერთიმეორეს; ის თეთრი მხეცი — სიმართლე არის, რუხი მხეცი კი — სიმრულეა; სიმართლემ სიმრულე დაჯაბნა, და სიმართლე ღმერთთან ავიდა ზეტაში, სიმრულე კი ამ ქვეყნად დარჩა; ჰოდა, ვინც სიმართლით იცხოვრებს ამ საწუთროში, სასუფეველს მოიპოვებს ცათა შინა; ხოლო ვინც ამ სოფლად სიმრულით ივლის, სატანჯველად არის განწირულია უკუნითი უკუნისამდე“.

ამ დროს იოანეს მსუბუქი ხერინვა გაისმა. კორშუნმა მეფის სასთუმლისკენ გააპარა ხელი; პერსტენი კი უფრო ახლოს მიდგა ფანჯარასთან, მაგრამ, უცარი ღუმელით რომ არ გაეფრთხო იოანეს ძილი, კვლავ გალობით განაგრძობდა თავის ამბავს:

— „ყველა მეფემ თავი დადრიკა მის წინაშე: — მაღლობელი ვართ, სვიანო ხელმწიფე, უბრძენესო მეფე, დავით ევსიევიჩი! შენ, სვენათელო, ბარემ ახლა ისიც გვითხარი: რომელი ცოდვა მიეტყუება ადამიანს და რომელი არა? აი რა უპასუხა უბრძენესმა მეფემ, ბრძენთა ბრძენმა დავით ევსიევიჩმა: ყველა ცოდვა მიეტყუება, ოღონდ სამი ცოდვაა მძიმე მოსანანიებელი: ნათლიდელასთან მრუშობა, მშობელი დედ-მამის შეგინება და...“

ამ დროს მეფემ უეცრად გაახილა თვალი. კორშუნმა სწრაფად მოაცილა ხელი სასთუმალს, მაგრამ უკვე გვიანდა იყო: მისი თვალები იოანეს თვალებს შეეფეთა. ერთ ხანს ორივე გახვეებული შეჰყურებდა ერთიმეორეს, თითქოს მეფეცა და ყაჩაღიც ერთნაირად შებოჭა რაღაც მომწუსხველმა ძალამო.

— ბრმებო! — უცებ წარმოთქვა მეფემ და სწრაფად წამოხტა, — მესამე ცოდვაა: როცა ვინმე მათხოვარივით გადაიცვამს და მეფის საწოლში შევა!

ეს რომ თქვა, იოანემ წამახული კვერთხი შემართა და მკერდში აძგერა კორშუნს. ყაჩაღმა ხელი წაავლო კვერთხს, დაბარბაცდა და დაეცა.

— ჰეი! — დაიყვირა მეფემ, თან კვერთხი ამოადრო კორშუნის მკერდიდან.

ოპრიჩნიკები იარაღის ჟღარუნით შემოცვივდნენ.

— შეიპყარით ორივე! — თქვა იოანემ.

მალიუტა გააეებული ქოფაკივით მივარდა პერსტენს, მაგრამ ატამან-

მა საოცარი სიმარჯვით აძვერა მუშტი ვულის კოვთან, ფეხით გაამტვრია სარკმლის ჩარჩო და ბაღში გადახტა.

— ბაღს შემოერტყით! არ გაუშეათ ყაჩაღი! — დაიღრიალა მალიუტამ, რომელიც ტკივილისგან იკაკვებოდა და ორივე ხელს მუცელზე იჭერდა. ამასობაში ოპრიჩნიკებმა კორშუნი წამოაყენეს.

იოანე, რომელსაც შავი სტიქარის ქვეშ ჯაჭვის პერანგი უელავდა, სეღში კი კვერთხი უცახცახებდა, მრისხანე მხერით გმირავდა დაჭრილ ყაჩაღს. დამფრთხალ მსახურებს ანთებული სანთლები ეჭირათ. გატეხილი ფანჯრიდან ხანძარი მოჩანდა. სლობოდაში შფოთვა-წრიალი შეიქნა; სადღაც შორს საგანგაშო ზარი გუგუნებდა.

კორშუნი, რომელსაც ოპრიჩნიკები ამოსდგომოდნენ მხარში, წარბშეკმუნნილი და თვალუბნაბრილი იდგა; მისი პერანგი სისხლის ლაქებით იყო აჭრელებული.

— ბრმავე! — უთხრა მეფემ, — თქვე, ვინა ხარ და რას მიპირებდი?

— დასამალი არაფერი მაქვს! — მიუგო კორშუნმა. — შენი ხაზინის კლიტეები მიწოდდა, შენ თვითონ კი არაფერს არ ვიპირებდი!

— ვინ შემოგვზავნა ჩემთან? ვინ არიან შენი ამხანაგები?

კორშუნმა უშიშრად შეხედა იოანეს.

— ჩვენო იმედო, მართლმადიდებელო მეფეო! ჩემს ჯეელობაში ხშირად ვმღეროდი ზოლმე „ნუ შრიალებ, მშობლიურო მუხნაროს“. ჰოდა, იმ სიმღერაში მეფე ეკითხება უშიშარ მამაცს: ვისთან ერთად ავაზაკობდი? მამაცი კი ეუბნება: — მე ოთხი ამხანაგი მყავდაო: უპირველესი ამხანაგი ბნელი ღამე იყოო; მეორე ამხანაგი...

— კმარა! — გააწყვეტინა მალიუტამ, — ენახავთ, მაშინ რაღას იმღერებ, საწამებელზე რომ გაგაკრავთ, პალოზე რომ დაგსვამთ! დალახეროს ეშმაკმა! — განაგრძობდა მალიუტა და კორშუნს აკვირდებოდა, — სადღაც უკვე მინახავს ეს გაჩეჩილი თავი!

კორშუნმა ჩაიციინა და მძიმედ დაუკრა თავი მალიუტას.

— გვინახავს ერთმანეთი, ბატონო მალიუტა სკურლატიჩი, გვინახავს, თუ გაიხსენებ წყეულ ტბას...

— ზომიაკ! — აღარ დააცალა მალიუტამ და თავის ჯილავდარს მიუბრუნდა, — აბა, წაიყვანე ეს მოხუცი, შენებურად გაესაუბრე, სთხოვე, ვიამბოს რისთვის მოსულა მის მეფურ მოწყალებასთან. მე თვითონაც ახლავე მოვალ საწამებელში!

— წავიდეთ, ძველო! — უთხრა ზომიაკმა და საყელოში სწვდა კორშუნს, — წავიდეთ, დავსხდეთ მარტოკა მე და შენ, ტკბილად ვიჭუკჭუკოთ!

— მოიცა! — თქვა იოანემ. — შენ, მალიუტა, გაუფრთხილდი ამ მოხუცს; ეგ წამებით არ უნდა მოკვდეს. მე მაგისტვის სამაგალითო სასჯელს მოვიგონებ, ჯერაც არნახულს, გაუგონარს; ისეთ სასჯელს, რომ თვითონ შენც გაგაოცებ, შამაო პარაკლისიარქო!

— მადლობა მოახსენე მეფეს, შე ძაღლო! — უთხრა მალიუტამ კორშუნს და ხელი წაჰკრა. — როგორც ხედავ, კიდევ გწერებია ერთ ხანს სიცოცხლე. ამალამ კი მხოლოდ სახსრებს ამოგიბრუნებთ, მეტს არაფერს.

და მან ზომიაკთან ერთად გაიყვანა ყაჩაღი საძინებლიდან.

ამასობაში პერსტენმა საერთო არეულობით ისარგებლა, ბალის მესერზე გადაძვრა და სულმოუთქმელად მიიღრინა მოედანზე, სადაც საპყრობილე იყო. მოედანზე კაციშვილი არ ჭაჭანებდა: მთელი ხალხი ხანძარს მიაწყდა.

პერსტენი ფრთხილად გაჰყვა საპყრობილის კედელს, მაგრამ უცებ რაღაც რბილს წამოჰკრა ფეხი. ძირს დაიხარა და ვილაცის გვამს შეეხო ხელით.

— ატამანო! — უეცრად წასჩურჩულა სწორედ იმ წითურმა მესაკრავემ, რომელიც დილით გამოელაპარაკა და ახლა კი უჩინარივით ამოიზარდა მის გვერდით: — ეს ყარაული მე მოკვალი დანით! ჩქარა მომეცო გასაღებები, ციხე გავაღოთ და ბარემ მოვრჩეთ ამ საქმეს! ხანძარზე უნდა გავიქცე, ბიჭებს წავეშველო ძარცვაში! კორშუნი სადღაა?

— მეფის ხელში ჩაეარდა! — მიუგო პერსტენმა. — სულ წყალში ჩაგვიცივივდა ამდენი წვალება! ბიჭები შეკრიბე და მოვეუსვათ აქედან! ჩუმად, ეს ვინაა?

— მე ვარ! — მიუგო მიტკამ და კედელს მოსცილდა.

— გაშორდი აქაურობას, შტერო! თავს უშველე! ყველამ დატოვეთ სლობოდა! დაბრეცილ მუხასთან შევიკრიბებით!

— მერე თავადი? — გაბმით ჰკითხა მიტკამ.

— შტერო! ვერ გაიგონე? ყველაფერი წყალში ჩაგვიცივივდა! პაპა შეიპყრეს, კლიტეები ვერ ვიშოვეთ!

— მერე ციხე რო არაა დაკეტილი?

— როგორ თუ დაკეტილი არაა? ვინ გააღო?

— ვინ და მე!

— რას ბოდავ, ყეყეჩო! თქვი წესიერად!

— რა უნდა ვთქვა? მივედი, ვხედავ არავენაა; ყარაული მიწაზე აგდია, გაუშლართია ფეხები; გუნებაში ვთქვი: ვნახო ერთი, რამსიმავრეა ეს კარები-მეთქი. მივაწქეი მხრით და, რას ვხედავ, თავისი ბოქლომინად ჩამოვარდა ანჯამებიდან!

— დახეთ ამ სულელს! — სიხარულით თქვა პერსტენმა. — ღმერთმანი, მართალია, რომ ამბობენ: მანამ ჭკვიანი მოიფიქრებდა, სულელი ფონს გავიდაო! იფ, შენი სულისა! იფ, შე დოყლაპიავე, შე დოყლაპია ასეთ-ისეთო!

პერსტენმა საფეთქლებში დააელო ხელები მიტკას და ორივე ლოყა დაუკოცნა, თავის მხრივ მიტკამაც წკლაპუნით მიუშვირა სქელი ტურჩი-ზი, მერე კი მშვიდად შეიწმინდა ლოყები სახელოთი.

— აბა, ჰე, გამომყევი, შე მართლა ასეთ-ისეთის შვილო! შენ კი, ბა-ლალაიკავ, აქ მოიცადე. თუ რამე მოხდა, დაგვისტვიწე!

პერსტენი ციხეში შევიდა. მიტკაც მის კვალს მიჰყვა.

პირველ კარს იქით კიდევ ორი სხეაც იყო, მაგრამ ისინი ნაკლები სიმაგრისა გამოდგა და უფრო ადვილად დანებდნენ მიტკას გოლიათურ დაწოლას.

— თავადო! — თქვა პერსტენმა, როცა ბნელეთში შევიდა, — ადექი!

სერებრიანიმ იფიქრა, ალბათ მისთვის მოვიდნენ, დასასჯელად წა-მიყვანონო.

— განა უკვე დილაა? — იკითხა მან, — თუ, შენ, მალიუტა, გათენებამდე ველარ მოგიტმენია?

— მე მალიუტა არა ვარ! — მიუგო პერსტენმა. — მე ისა ვარ, ვინც შენ სიკვდილს გადაარჩინე. ადექი, თავადო! ნულარ აყოვნებ. ადექი, მე გაგიყვან სამშვიდობოს!

— ვინა ხარ? — უთხრა სერებრიანიმ, — ვერა ვცნობ შენს ხმას!

— ეგ არც გასაკვირია, ბოიარო; აბა მე ვინა ვარ, რო შენ გახსოვდე! ოლონდ ადექი ჩქარა! ჯანჯალის დრო არ არის ახლა!

სერებრიანი სდუმდა. მან იფიქრა, პერსტენი ალბათ მალიუტას ერთ-ერთი ჯალათთაგანიაო, და მისი სიტყვები დაცინვად მიიჩნია.

— მაშ არ გჯერა ჩემი, თავადო? — წყენით განაგრძობდა ატამანი. — გაიხსენე მედვედეკა, წყეული ტბა გაიხსენე: მე ვანიუხა პერსტენი ვარ!

სერებრიანის სიხარულით აუძგერდა მკერდი. გული აუჩქროლდა, თავისუფლებისა და სიცოცხლის სიყვარულით აუძგერდა. გონებაში რი-ალით მოეჯარა ტყეები, ველები, ახალი სახელოვანი ბრძოლები და დი-ლის მნათობივით დაუდგა თვალწინ ელენას ნათელი სახე.

თავადი ფეხზე წამოიჭრა და უკვე მზად იყო გაჰყოლოდა პერსტენს, რომ უცებ მეფისთვის აღთქმული ფიცის მოაგონდა და ერთბაშად დაუცხრა აღტკინება.

— არ შემძლია! — წარმოთქვა მან, — არ შემძლია შენთან წამოს-

ვლა. მეფეს აღუთქვი, არსად გავექცე მის ნება-სურვილს და მოთმინებით ველოდო მის სამსჯავროს, სადაც უნდა ვიმყოფებოდე!

— თავადო! — გაოცებით მიუგო პერსტენმა, — მე ახლა შენთან სამას-ლაათოდ არ მცალია. გარეთ ჩემი ბიჭები გველოდებიან; ყოველი წამი შეიძლება სიცოცხლედ დაგვიჯდეს; ხვალ შენ დაგსჯიან, ჯერ კიდევ არის დრო თავს უშველო; ადექი ახლა, მოგვეყვი უკან!

— არ შემიძლია! — პირქუშად გაიმეორა სერებრიანიმ, — მე ჯვარზე შეეფიცე ხელმწიფეს და ფიცს ვერ გადავალ!

— ბოიარო! — შეჰყვირა პერსტენმა და სიბრაზისგან ხმა შეეცვალა, — მასხარად მიგდებ თუ რა არი? მე ცეცხლი წაუკიდე სლობოდას შენი გულისთვის, საუკეთესო ძმაცატი გაეწირე შენი გულისთვის, ახლა კიდევ, შენი გულისთვის, ჩვენ ყველამ იქნებ თავიც წაუგოთ, შენ კი დარჩენა გინდა? გასართობად მოვედით აქ თუ რა არი? შენი ტაკიმასხარები ვართ თუ ვინა გგონივართ? ჰაი დედასა, მანახუა ერთი ის თავმოძულებული, ვინც ჩემ გამასხარავენას იფიქრებს! უკანასკნელად გეუბნები, მოდიხარ?

— არა! — გადაწყვეტით უპასუხა ნიკიტამ და ნესტიან მიწაზე დაწვა.

— არა? — გაიმეორა პერსტენმა კბილთა ღრჭენით, — არ მოდიხარ? მაშ იცოდე, ჩემთან არ გაგივა ეგ ახირება! მიტკა, დაითრიე ეგ შენებურად! — იმავე წამს ატამანიც თავადს მივარდა და სარტყელით აუკრა პირი.

— ახლა ველარ იჭირვეულებ! — ბრაზიანად თქვა მან.

მიტკამ ორივე ხელით ჩაბუბნა თავადი, პატარა ბავშვივით მოიგდო ილღიაში და ციხიდან გამოაძუნძულა.

— აბა, ჩქარა! წავედით! — თქვა პერსტენმა.

ერთ ქუნაზე ისინი ოპრიჩნიკებს გადაეყარნენ.

— ვინ მოგყავთ? — ჰკითხეს მათ.

— სლობოდელია, ხანძარზე დირემ დაიტანა! — მიუგო პერსტენმა. — ეგეტერში მიგყავს!

სლობოდიდან გასვლისას ისინი გუშაგმა შეაჩერა. უნდოდათ გვერდი აეველოთ მისთვის, მაგრამ გუშაგმა ყვირილი დააპირა; პერსტენმა კისტანი უთავაზა და იმ უბედურს კრინტიც არ გაუღია, ისე ჩაიკეცა.

ყაჩაღებს მეტი დაბრკოლება აღარ შეხვედრიათ, და თავადი მშვიდობით გაიყვანეს სლობოდიდან.



## მონასტერი

ჩვენ მაქსიმი ავღრიან ღამეში მივატოვეთ, როცა ალექსანდრეს სლობოდიდან გადიოდა. ბომბორა ბუიანი ყეფით დახტოდა მის ვარშემო და ხარობდა, ჯაჭვის აწყვეტა რომ შეძლო.

მაქსიმმა მშობლიური სახლი ისე მიატოვა, რომ ვერც მოასწრო რაიმეს მოსაზრება, მიზნის არჩევა. მას მხოლოდ ის სურდა, როგორმე გაცლოდა მეფის რჩეულთა საძულველ ცხოვრებას, მათ ბილწ დროსტარებას და ღლეშუღამ კაცისკვლით შექცევას. საშინელი სლობოდიდან რომ მიდიოდა, მაქსიმმა საკუთარ ბედს მიანდო თავი. ერთხანს ცხენს აჩქარებდა, რომ მამამისის მსახურები ვერ წამოსწეოდნენ, თუ მალიუტა მღევრების დადევნებას იფიქრებდა. მაგრამ მალე მაქსიმმა გადაუხვია სასოფლო გზაზე და წყნარად განაგრძო სვლა.

განთიადისას ჭექა-ქუხილი ჩადგა. აღმოსავლეთი ვარდისფრად გაშუქდა და ახლა მაქსიმი უფრო მკაფიოდ არჩევდა საგნებს. გზის ორთავ მხარეს ქოჩორა მუხები წამოზრდილიყო; მათ შორის თხილნარის ბუჩქები მოჩანდა. სასიამოვნო სიგრილე იდგა; წვიმის წვეთები ხეებზე მოცოცავდა და ზანტად ტყაპუნებდა ფართო ფოთლებზე. მალე ჩიტები აფრთხილდნენ და აჟღურტულდნენ მწვანეში. ხმელ ხეზე კოდალა ახმაურდა. მუხების კენწეროები ოქროსფრად მოავარაყა ამომავალმა მზემ. ბუნება თანდათან იღვიძებდა, ცოცხლდებოდა, ცხენი უფრო ხალისიანად მიაბიჯებდა. მაქსიმის თვალწინ მშობლიური რუსეთი გადაიშალა; ახლა მას შეეძლო ხალისიანად ესუნთქა მის ლალ სიერცეში, მაგრამ სევდა შემოაწვა გულზე, უსაზღვრო რუსული სევდა. თავისთავად, უზრახველად წამოეპარა ფიქრი მიტოვებულ ღელაზე, თავის მარტოობაზე და კიდევ ბევრ ისეთ რამეზე, რასაც ვერც თვითონ ითვალისწინებდა გარკვევით; ჩაფიქრდა მაქსიმი და, ბურანში წასულს, მკვნესარე სიმღერა მოსწყდა გულიდან.

მომზიბლავია რუსული სიმღერა! სასიმღერო სიტყვები ხშირად უბადრუკია; ისინი მხოლოდ საბაბს შეადგენენ; სიტყვებით კი არა, მხოლოდ ბგერებით გამოითქმება უსასრულო, ღრმა გრძნობა.

მაქსიმი გაჰყურებდა მწვანედ მოხასხასე მიდამოს, ცას, მთელ ამ მზის ქვეშეთს და თავის მწარე ხვედრზე, სანუკვარ თავისუფლებაზე, მშობლიურ მუხნარებზე მღეროდა; თავის მერანს მოუწოდებდა შორს, უცხო მხარეში გადაეხვეწა მხედარი, სადაც უქაროდ ხმება, უყინებოდ

ითოშება ადამიანი; ქარს ავალებდა მოეკითხა და კრძალვით დაეხარა თავი დედის წინაშე; თვალში მოხვედრილ პირველსავე საგანს ავედრებდა თავს და ალალი გულით ამოთქვამდა ყოველივეს, რაც ფიქრად მოსდიოდა; მაგრამ მისი ხმა სიტყვებზე ბევრად მეტს მეტყველებდა; ვინმეს რომ ეს სიმღერა გაეგონა, სულს აუფორიაქებდა, გულში ჩარჩებოდა და მერე ხშირად მოაგონდებოდა ხოლმე სევდის წუთებში...

ბოლოს, როცა ნაღველი ღრმად გაუჯდა მთელს არსებაში, მაქსიმმა სადავე მძლავრად მოზიდა, ქული მარჯვედ მოირგო, მამაცურად შეუსტვინა, ყიჟინა დასცა და ქარივით გააფრინა თავისი მერანი.

მალე წინ თეთრად გამოჩნდა მონასტრის კედლები.

სავანე მუხნარიანი გორაკის ფერდობზე იყო გაშენებული. მუხების სიმწვანესა და ცის სილურჯეში მკაფიოდ გამოირჩეოდა მონასტრის ოქროფერილი გუმბათები და შემკული ჯვრები.

მაქსიმს მონასტრის მსახურთა ცხენოსანი რაზმი შემოხვდა. მუხარაღებითა და ჯაჭვის პერანგებით შეჭურვილი მხედრები აუჩქარებლად მოემართებოდნენ და ფსალმუნს გალობდნენ: „შეგიყვარო შენ, უფალო, ძალო ჩემო“. საღვთო სიტყვები რომ გაიგონა, მაქსიმმა ცხენი შეაჩერა, ქული მოიხადა და პირჯვარი გადაისახა.

გორაკის ძირში პატარა მდინარე მოჩუხჩუხებდა. ზედ რამდენიმე წისქვილი იყო გამართული და ზანტად ბრუნავდა მათი ბორბლები. მდინარის ნაპირზე ჭრელ-ჭრელ გუნდებად მიმოფანტული ძროხები ძოვდნენ.

მონასტრის გარშემო ისეთი სიმშვიდე სუფევდა, რომ შეიარაღებული რაზმი ზედმეტი ჩანდა. მუხებზე შემომსხდარი ჩიტებიც კი თითქოს ხმადაბლა ეღურტულებდნენ; ქარიც ფოთლებში განაბულიყო და მხოლოდ ბალახებში მიმალული კუტკალიები ჭრიჭინებდნენ შეუსვენებლად. ძნელი საფიქრებელი იყო, რომ ამ სიმშვიდის დარღვევა გაებედნა ვინმე უკეთურს.

„აი, სად შევისვენებ! — გაიფიქრა მაქსიმმა. — ამ კედლებში გავატარებ რამდენიმე დღეს, სანამ მამაჩემი ძებნას მიატოვებდეს. აღსარებას ვეტყვი წინამძღვარს, გულს გადავუშლი, ეგებ თავშესაფარიც მომცეს ცოტა ხნით“.

მაქსიმო არ შემცდარა. მგზავრს ალერსიანად დახვდა მონასტრის იღუმენი, გრძელი ჭადარა წვერით მოსილი ღრმა მოხუცი, რომლის თვინიერ თვალებში ამქვეყნიურ ზრუნვათა ნასახიც არ იგრძნობოდა. ორმა მსახურმა დაღლილი ცხენი ჩამოართვა და ეზოში გაატარ-გამოატარა. მესამემ პური და რძე გამოუტანა ბუიანს; ყველანი გულითადი მას-

პინძლებივით ფუსფუსებდნენ მაქსიმის გარშემო. იღუმენმა სადილი შესთავაზა მგზავრს, მაგრამ მაქსიმმა უწინარეს ყოვლისა აღსარების თქმა ისურვა.

მოხუცმა გამომცდელად მიაპყრო ყმაწვილს კეთილი თვალები და სიტყვის უთქმელად გაუძღვა ვრცელი ეზოს გადავლით დაბალი, ერთ-გუმბათიანი ეკლესიისკენ. ისინი ყვავილებით შემორგულ საფლავთა ჯვრებისა და გრძლად ჩარიგებული სენაკების ჩავლით მიდიოდნენ. გზად შეხვედრილი ბერები მღუმარედ ესალმებოდნენ. საფლავის ქვები ყრუდ გუგუნებდნენ მაქსიმის ნაბიჯებისგან; ქვებს შორის მაღალ ბალახს ამო-ელწია და სანახევროდ დაეფარა უდრტივინელი მორჩილების მლაღადე-ბელი წარწერები; ირგვლივ ყველაფერი სიცოცხლის წარმავლობას მო-აგონებდა და ლოცვა-ვედრებისა და მსასოვარი ფიქრისთვის განაწყობ-და ადამიანს. ეკლესია, საითკენაც იღუმენს მიჰყავდა მაქსიმი, ძველთა-ძველი მუხებით იყო გარშემორტყმული. მათი ასწლოვანი ტოტები თით-ქმის მთლად ჩრდილადაა პაწაწინა ტყვიის ჩარჩოებიან ვიწრო, შეეულ სარკმლებს, რომლებშიც დამტკვერილი ქარსი იყო ჩასმული. საყდარში რომ შევიდნენ, სიგრილესა და სიბნელეში აღმოჩნდნენ ერთბაშად. მხო-ლოდ ერთი, სხვებზე ნაკლებ დაჩრდილული სარკმლიდან ჩამოდიოდა შუქის სვეტი და დამრეცად ეცემოდა კედელზე გამოსახულ სამინელ სამ-სჯავროს. საყდრის დანარჩენი ნაწილი ამის გამო კიდევ უფრო პირქუში ჩანდა; მაგრამ აქა-იქ მაინც კრთოდა ბრჭყვიალა შუქით ქორკანდელების ვერცხლის ბურთულები, ხატების გვირგვინები და მონასტრის დამაარ-სებელთა, თავად ვოროტინსკთა აკლდამებზე გადასუდრულ შავ ხავერ-დზე ვერცხლით ნაქარგი ჯვრები, ტროპარები და კონდაკები. კანკელის მცენარეთა ჩუქურთმების ოქროს ვარაყი ალაგ-ალაგ ისეთ შთაბეჭდილე-ბას ქმნიდა, თითქოს ნაცარში მღვივარი ნალვერდალია და საცაა უნდა აბრიალდესო. საყდარში ნესტისა და საკმევლის სუნი იდგა. მაქსიმმა ნელ-ნელა შეაჩვია თვალი ბინდ-ბუნდს და უკვე არჩევდა ტაძრის სხვა წერილმანებსაც. აღსავლის კარის თავზე მაცხოვარი მოჩანდა ძალნი-თურთ, ქერუბიმებითა და სერაფიმებით, მათ ზემოთ კი — თექვსმეტი სა-უფლო დღესასწაული. ვეება ადგილობრივ ხატზე იოანე წინამორბედი ფრთებით იყო გამოსახული, ხელში ლანგარი ეჭირა და ზედ მისივე მოკ-ვეთილი თავი იდო. გვერდით კარებზე ტლანქად და ულაზათოდ ეხატა უძღვები შვილის იგავი, სიკვდილისა და სიცოცხლის ცილობა, წმინდა-ნისა და ცოდვილის სულის ამოსვლა. ამ პირქუშმა სურათებმა ღრმად იმოქმედეს მაქსიმზე; ყმაწვილს გონებაში კვლავ გაუცოცხლდა, რასაც ზულის დათრგუნვაზე, მშობლებისადმი უცილობელ მორჩილებაზე ჩა-

ავგონებდნენ, ყველა მცნება, რომელთა ერთგულებასაც უნერგავდნენ. ის დაეჭვდა, ეგებ მართალი არ ვიყავი, მშობელ მამას რომ გავშორდი მის უნებურად. მაგრამ სინდისი ეუბნებოდა, მართალი ხარო. ეუბნებოდა და, ამავე დროს, მაინც უშფოთავდა, არ უმშვიდდებოდა. საშინელი სამსჯავროს სურათმა შეაძრწუნა მაქსიმი. ქარი რომ დაუბერავდა, სარკმლიდან შემოდრეული მუხის ფოთლების ჩრდილი მოძრავ ბადესავით დაცოცავდა კედელზე და მაქსიმს ეჩვენებოდა, ნამდვილ ადამიანთა ოღენად გამოსახული ცოდვილები და ეშმაკები სუნთქავენ და მოძრაობენო.

კრძალულმა შიშმა გაუმსჭვალა გული. მაქსიმი პირქვე დაემხო იღუმენის წინაშე.

— მამაო, — უთხრა მან, — მე ალბათ დიდი ცოდვილი ვარ!

— ილოცე, — თვინიერად მიუგო მოხუცმა, — უსასღეროა ღვთის გულმოწყალება; მონანიება დიდ შევებას მოგანიჭებს, შვილო ჩემო!

მაქსიმმა ძალა მოიკრიბა.

— მძიმეა ჩემი დანაშაული, — მთრთოლვარე ხმით დაიწყო მან. — მისმინე, მამაო! თქმაც კი შიშით მზარავს: ხელმწიფის სიყვარული დაშეშობდა, ჩემს გულს აღარა სწამს რა მეფისა!

იღუმენმა გაოცებით შეხედა ყმაწვილს.

— ნუ უარმყოფ, მამაო! — განაგრძობდა მაქსიმი. — მომისმინე! დიდხანს ვებრძოდი საკუთარ თავს, დიდხანს ელოცულობდი წმინდა ხატების წინაშე. ჩემს გულში მეფისადმი სიყვარულს ვეძებდი — და მაინც ვერ ვპოვე!

— შვილო ჩემო, — წარმოთქვა იღუმენმა და თანაგრძნობით დააცქერდა მაქსიმს. — ალბათ, სატანის მანქანებამ დაგიბნელა გონება; შენ ცილს სწამებ საკუთარ თავს. არასგზით არ შეიძლება, მეფე გძულდეს. ბევრი მძიმე დამნაშავის აღსარება მიმიღია ამ საყდარში: ეკლესიათა მძარცველებიც მოსულან და კაცისმკვლელებიც, მაგრამ ისეთი არავინ გამოჩენილა, რომ ხელმწიფე არ ჰყვარებოდეს!

მაქსიმი გაფითრდა.

— მაშასადამე, ეკლესიის მძარცველსა და კაცისმკვლელზე უფრო დიდი ცოდვილი ვყოფილვარ! — შესძახა მან. — მამაო, რა მეშველება? მასწავლე, შემაგნებინე, ლამის გული ორად გამეყოს.

მოხუცი მონანიეს შეჰყურებდა და უფრო და უფრო იბყრობდა ვაი-ცება.

მაქსიმის სწორნაკეთოვან სახეზე ბიწიერების ან სიაყვაცის ნასახიცი არ შეიმჩნეოდა. ყმაწვილს მშვიდი, სათნო სახე ჰქონდა, სიკეთითა და სიმამაცით გამომეტყველი, ერთი იმ რუსულ სახეთაგანი, ახლაც რომ

გვხვდება მოსკოვსა და ეოლვას შორის, დიდ გზებს დაშორებულ თემებში, საღაც ჯერაც არ შეუღწევია ქალაქის გავლენას.

— შეილო ჩემო, — განაგრძობდა ილუმენი, — არ მჯერა შენი; ცილს სწამებ საკუთარ თავს. არ მჯერა, რომ გული აიყარე მეფეზე. ეგ არასვხით არ შეიძლება. თავად დაფიქრდი: მეფე მამაზე მეტია ჩვენთვის, მეხუთე მცნება კი მამის პატივისცემას გვავალებს. აბა, მითხარი, შეილო ჩემო, ხომ ერთგული ხარ ამ მცნებისა?

მაქსიმი სდუმდა.

— შეილო ჩემო, შენ პატივს სცემ მამაშენს?

— არა, — ძლივს გასაგებად ამოილულულა მაქსიმმა.

— არა? — გაიმეორა ილუმენმა და უკან მიდგა, თან პირველი გამოიხსნა. — არც მეფე გიყვარს? არც მამის პატივისმცემელი ხარ? ვინ ხარ ასეთი?

— მე... — თქვა ყრმა ოპრინიკმა, — მე მაქსიმ სკურატოვი ვარ, სკურატოვ-ბელსკის ვაჟიშვილი!

— მალიუტას ვაჟიშვილი?

— დიახ! — თქვა მაქსიმმა და ტირილი წასკდა.

ილუმენს აღარაფერი უთქვამს. ის შეწუხებული იდგა მაქსიმის წინ. შემოდან უძრავად გადმოსცქერიოდნენ სახეპირკუში წმინდანები. სამინელი სამსჯავროს სურათზე გამოსახული ცოდვილები ცისკენ იწედიდნენ ხელებს საწყალობლად, მაგრამ მათ ვედრებას დუმილი ნთქავდა. მკლესიის სიმშვიდეს მაქსიმის ქვითინი და კამარებქვეშ შებუღებული მერცხლების ჟღერტული არღევდა მხოლოდ; ზოგჯერ კი მათ ოდნავ ხმა-მალალი სიტყვაც ერთეოდა, რომელიც თავისთვის წყნარად მლოცველი ილუმენს დასცდებოდა ხოლმე დროდადრო.

— შეილო ჩემო, — უთხრა ბოლოს მოხუცმა, — დალაგებით მიაბე ყოველივე, არაფერი დამიმალო: როგორ გადაიყვარე ხელმწიფე?

მაქსიმმა უამბო, თუ როგორ ცხოვრობდა სლობოდაში, რა საუბარი ჰქონდა მამასთან უკანასკნელად და როგორ მიატოვა სახლი იმ დამითვე.

ის აუჩქარებლად ლაპარაკობდა, სვენებ-სვენებით, და ხშირად იკრებდა ფიქრს, რომ მცირედიც არ დავიწყებოდა და არ დაემალა სულიერი მოძღვრისთვის.

თხრობა რომ დაამთავრა, თავი დახარა და, განაჩენის მოლოდინში, კარგა ხანს ვერ ბედავდა ილუმენისთვის თვალის გამართვას.

— ყველაფერი გამიმზილე, შეილო? — უთხრა ილუმენმა. — კიდევ ხომ არაფერი ამბიმებს შენს სულს? ხომ არაფერი სიავე გაგივლია გულში მეფეზე? რამე შინაგანზრახვა ხომ არ გაგჩენია წმიდა რუსეთზე?

მაქსიმს თვალეები წამოუნთო.

— მამო ჩემო, მიჯობს უმალ თავი მომკვეთონ, ვიდრე ისე წავხდე, სამშობლოს წინააღმდეგ რამე ვიზრახო! მე ის ცოდვა მაქვს, რომ ხელ-მწიფე არ მიყვარს, ღალატში კი ცოდვილი არ ვარ!

ილუმენმა ოლარი დააფარა მაქსიმს.

— განწმენდილ არს მონა ღვთისა, მაქსიმი! — თქვა მან. — მიეტყვენ ცოდვანი მისნი ნებითი და უნებლიენი!

მშვიდი სიხარული ჩაიღვარა მაქსიმის სულში.

— შვილო ჩემო, — უთხრა ილუმენმა, — შენმა აღსარებამ განგწმინდა შენ. წმიდა ეკლესია ბრალად არ გითვლის, სლობოდა რომ მიატოვე. ყოველ ჩვენგანს აქვს უფლება და მოვალეცაა ცდუნებას ეჯმნას. უფრთხოდე კაცთა მოღვმის მტრის საცთურთაგან მოხიბვლას. უფრთხოდე კურბსკის მაგალითს, რამეთუ აღმატებული რუსი ბოიარი პატივს წაუვიდა და ეშმაკს ებირა! ყოვლისმპყრობელმა ღმერთმა, — ამოოხვრით განაგრძობდა მოხუცი, — ძნელბედობა მოგვივლინა ჩვენს დიდ ცოდვათა გამო. მსჯავრნი და განგებულობანი ღმრთისანი გამოუკვლევად არიან და კაცნი ვერ განვსჯით მას ჩვენის კაცობრივის ამაობრძნობით. როცა უფალი ღმერთი ესევეითარ ჭირსა და ზეგარდმოძავალ რისხვას გვიგზავნის, რაღა დაგვრჩენია თვინიერ ლოცვისა და მისი წმიდა ნებისადმი მორჩილებისა? ასეა ახლაც: უწყალო, მრისხანე მეფე მოგვევლინა ჩვენდა მბრძანებლად. არც კი ვუწყით, რისთვის გვსჯის ან რისთვის გვდუპავს, მხოლოდ ის ვუწყით, რომ ღვთისგან არის ჩვენსა ზედა დადგინებული და მორჩილად ვართ ქედღადრეკილი არა ივან ვასილევინის, არამედ მისი მომგვინებელის წინაშე. გავიხსენოთ სიტყვა წინასწარმეტყველისა: „რომელმან ქვეყანამანც განიმართლოს წინაშე ღვთისა, მართლის მქნელი მეფე და მსაჯული განეჩინოს და ყოველი სიკეთე მიეგოს; ხოლო რომელმან ქვეყანამანც შესცოდოს წინაშე ღვთისა, უსამართლო მეფე და მსაჯულნი განეჩინოს და ყოველი ბოროტი მოველინენ ქვეყანას მას!“ ჩვენთან დარჩი, შვილო ჩემო; იცხოვრე ერთხანს ჩვენ შორის. როცა წასვლის დრო მოგივა, ძმებთან ერთად ვილოცებ, რომ სადაც წახვიდე, ღმერთმა ყველგან წალმართ გზაზე გატაროს! ახლა კი... — კეთილად განაგრძობდა ილუმენი და ოლარი შეიხსნა, — ახლა სატრაპეზოში წავიდეთ. სულიერი საზრდელის შემდეგ ზორციელზედაც ნუ ვიტყვიტ უარს. ჩინებული ქარიყლაპია გვაქვს, კარჩხანაც გვაქვს; ჩვენი ხაჭო გასინჯე, შოთხეზე ნახადი თაფლუჭი დალიე ჩვენთან ერთად ხელმწიფისა და ყოვლადუსამღვდელოესი არქიელის სადღეგრძელოდ!

და მოხუცი მეგობრული საუბრით გაუძღვა მაქსიმს სატრაპეზოსკენ.

## გ ზ ა ზ ე

მშვიდად და ერთფეროვნად მიედინებოდა მონასტრის ცხოვრება.

თავისუფალ დროს ბერ-მონაზვნები ბალახებს აგროვებდნენ და სამკურნალო მალამოებს ამზადებდნენ. სხვები მხატვრობით ერთობოდნენ, კვიპაროსის ჯვრებს ან ხატებს თლიდნენ, ხის ფიალებს ღებავდნენ და ოქროთი ფერავდნენ.

მაქსიმმა შეიყვარა კეთილი ბერები. ვერც ამჩნევდა, როგორ გადიოდა დრო. მაგრამ კვირის თავზე მაინც წასვლა გადაწყვიტა. ჯერ ისევ სლობოდაში ესმოდა მაქსიმს რიაზანის მიწა-წყალზე თათართა ახალი თარეშის ამბები და დიდი ხანია რიაზანელებისკენ მიუწევდა გული, მათთან ერთად მტერთან ბრძოლაში ბედის საცდელად. როცა ეს სურვილი იღუმენს გაანდო, მოხუცი დანაღვლიანდა.

— სად მიგეჩქარება, შვილო ჩემო? — უთხრა მან. — ჩვენ ყველას გვიყვარხარ, ყველანი შეგეჩვიეთ, ვინ იცის, იქნებ მოგეფინოს ღვთის მადლი და სამუდამოდ დარჩე აქ! გამიგონე, მაქსიმ, ნუ წახვალ ჩვენგან!

— არ შემიძლია, მამაო! უკვე დიდი ხანია შორი მხრისკენ მიმიხმობს ბედი. დიდი ხანია თათართა მშვილდის ზუილი მესმის, ზოგჯერ კი, ფიქრში წასულს, თითქოს ისარიც ჩამიშხუილებს ყურთან. აი ეს ზუილი, ეს შხუილი მხიბლავს, მამაო, და თავისკენ მიხმობს!

და იღუმენსაც აღარ უცდია მაქსიმის გადარწმუნება, გამოსათხოვარი პარაკლისი გადაუხადა, გზა დაულოცა და ძმანი გულდაწყვეტილნი დაემშვიდობნენ მას.

და, აი, მაქსიმში კვლავ ბედაურზე ზის, მწვანედ მოხასხასე ტყეში მიწნავარდობს. როგორც ყოველთვის, ბუიანი ახლაც ცხენის გარშემო დახტის და გახარებული შეჰყურებს მაქსიმს. უცებ მან ყეფა ატეხა და წინ გაუარდა. მაქსიმმა უკვე ხმაღზე გაივლო ხელი, უკეთური შეხვედრის მოლოდინში, რომ მოსახვევში ყვითელხიფთანიათი მხედარი გამოჩნდა გულზე ამოქარგული შავი ორთავიანი არწივით.

მხედარი ჩორთით მოდიოდა, მხიარულად უსტვენდა, ჭრელ საფუხარზე კი თეთრი სონღული ესვა, რომელსაც თვალსაფარი ბარტყულა და ეუვნები ეკეთა.

მაქსიმმა მეფის ერთ-ერთი ბაზიერთაგანი იცნო.

— ტრიფონ! — შეჰყვირა მან.

— მაქსიმ გრიგორინა! — მხიარულად უპასუხა ბაზიერმა. — გამარჯუ-

ბა, მაქსიმ გრიგორინი! როგორა მყავს შენი მოწყალეობა? აი თურმე სად ყოფილხარ, ჩვენ კი სლობოდაში ეფიქრობდით, შენს ასაველ-დასავალს ვეღარ იპოვიდა კაციშვილი! უკ, როგორ ვაშმაგდა მამაშენი! ღმერთმა დაგიფაროს! საშინელი სანახავი იყო! მერე კიდევ ათას რამეს ჰყვებოდნენ მამაშენზე, ბატონიშვილზე და თავად სერებრიანზე. ვერც ვაიგებ კაცი, რომელ ერთს ერწმუნო. მაღლობა ღმერთს, კარგია, რომ გამოჩნდი, მაქსიმ გრიგორინი! იცოცხლე, ვაიხარებს დედაშენი!

მაქსიმი უკვე ნანობდა ბაზიერთან შეხვედრას. მაგრამ ტრიფონი კეთილი ბიჭი იყო და მეგობრის ხვაშიადის შენახვაც იცოდა. მაქსიმმა ჰკითხა, სლობოდიდან როდის წამოხვედიო.

— აგერ უკვე ერთი კვირა იქნება, რაც აღრაგანი ვაგვიფრინდა! — უპასუხა ბაზიერმა და თავის სონღულზე მიუთითა. — ჰო, შენ, მგონი, არც იცი ეს ამბავი, მაქსიმ გრიგორინი! ეკ, იცოცხლე, შიში ვჭამე, მეფე რომ გამიბრაზდა! მაგრამ მომხელა მოწყალე ღმერთმა და წმიდა მოწამე ტრიფონმა! გამოაჩინა ჩემზე თავისი სასწაული!

ბაზიერმა ქული მოიხადა და პირჯვარი გამოისახა.

— აბა, მივლე ყური, მაქსიმ გრიგორინი: ამ ერთი კვირის წინათ მეფემ ქორ-შეგარდნებით ნადირობა მოიგუნება და მინდვრად გავიდა. ბარე ორჯერ ააფრინა აღრაგანი; ჩემდა ჭირად, მესამე აფრენაზე რაღაც ხუშტურმა მოუარა აღრაგანს. შევარდნებს დაერია, სმიშლიაი და კრუჟოკი ჩამოაგლო და, ჰაიდა, გაფრინდა იმ არემარედან! ათამლე დათვლასაც ვერ მოასწრებდი, რომ უკვე აღარსად ჩანდა. გამოუღდექი ცხენით, ეგებ დავეწიო-მეთქი, მაგრამ საქმე არა გაქვს? გაქრა, თითქოს ცამ ჩაყლაპაო. ჰოდა, ბაზიერთუხუცესმა მოახსენა მეფეს, აღრაგანი დაიკარგაო. მეფემ კი ბრძანა, ტრიშკა მომგვარეთ აქაო. ჰოდა, მითხრა, შენა, ტრიშკავ, შენი თავით გამცემ პასუხს აღრაგანისთვისო; მოიყვან — წყალობით მოგხედავ, ვერ მოიყვან და — თავს წაგაცლიო! რა მექნა! მეფე-ბატონმა ხომ ხუმრობა არ იცის! წავედი აღრაგანის საქებნელად: ექვსი დღე ვეწამე, ყელ-კისერზე უკვე ქავეილი ვიგრძენი: ვფიქრობ, არ ამცდება თავის წაცლა-მეთქი. ცრემლი მომერია, დიდხანს ვტიროდი და ბოლოს, დარდით გატანჯულს, ჩამძინა იმ ტყეში. ჰოდა, ახალი ჩამინებული ვიყავი, რომ მეშმანა მძინარეს: ხეებს შორის ნათელი გაიღვარა და ტყეში ჟღარუნის გაისმა. ის ჟღარუნი რომ მომესმა, ძილში ვეუბნები ჩემს თავს: ეს აღრაგანის ზანზალაკები ჟღარუნებენ-მეთქი. ვხედავ, ჩემ წინ მთლად ნათელში მცურავი ჭაბუკი მეომარი დგას, თეთრონზე ამხედრებული, ხელზე კი აღრაგანი უზის. „ტრიფონ! — მითხრა მეომარმა, — აქ ნუ ეძებ აღრაგანს. ადექი, მოსკოვს მიაშურე, ლაზარეს სამანებს. იქ ფიჭვი დგას



ერთი, იმ ფიჭვზე ზის აღრაგანი“. გამოძევიდა და, თეთონაც არ ვიცი რისგან, მიეხვდი, რომ ის მეომარი წმინდა მოწამე ტრიფონი იყო. მოვახტი ცხენს და გავფრინდი მოსკოვისკენ. აბა, რა ვითხრა, მაქსიმ გრიგორინი, დამიჯერებ ვითომ? როგორც კი მივედი იმ სამანებთან, ეხედავ: მართლაც დგას ერთი ფიჭვი, იმ ფიჭვზე კი ჩემი აღრაგანი ზის, მთლად ისე, როგორც წმინდანმა მითხრა!

ბაზიერს ხმა უთრთოდა, თვალთაგან მსხვილი ცრემლები სცვიოდა.

— მაქსიმ, — დაურთო მან და ცრემლები შეიმშრალა, — ახლა თუნდ მთელ საცხოვრებელს გავყიდი ძირისძირობამდე, თუნდ ჩემ თავსაც საუკუნო ყმობაში ჩავიგდებ, მაგრამ სამლოცველოს კი ავაგებ წმინდანის სახელობაზე! ზედ იმ ადგილას ავაგებ, სადაც აღრაგანი ვიპოვე. ხატსაც დაეახატვინებ კედელზე, მთლად ისე, როგორც წმინდანი გამოძეცხადა: თეთრონზე ამხედრებულს, მალლა ხელაღმართულს, ზედ შემოსმული თეთრი სონღლულით. ჩემს შვილებსა და შვილთაშვილებს ანდერძად დაეკუგდებ, მარად მისი მადიდებელნი იყვნენ, პარაკლისები გადაუხადონ და მოხატული სანთლები აუნთონ, რომ არ ინდომა ჩემი გაწირვა, თავსაკვეთი კუნძისგან რომ მიხსნა თვისი მონა! ხელავ, — განაგრძო ბაზიერმა და სონღლულს შეხედა: — აი ის, აღრაგანი, სალ-სალამათი! მოდი ერთი ეგ ბარტყულა მოგხადო! რას ყიპყიპებ? იქნებ განავარდება მოგინდა? არა, ძმობილო, მოითმინე! გეყო რაც იფრინე, აღარ გაგიშვებ!

და ტრიფონი თითით აჯავრებდა სონღლულს.

— ამას უყურე, როგორ ბრაზობს! ჩემი დაკორტენა უნდა! თან რამოდენას ყიპყიპებს! ალბათ ერთ ვერსზე გაიგონებს კაცი!

ბაზიერის ნაამბობი გულზე მოსვდა მაქსიმს.

— ბარემ ეს ჩემი შემოწირულებაც აილე! — უთხრა და პეშვით ჩასცალა ოქროები ტრიფონის ქულში. — აი ეს მაქვს სულ; მე არ მჭირდება, ხოლო შენ კიდევ ბევრი დაგჭირდება სამლოცველოსთვის.

— ღმერთმა წყალობა ნუ მოგიშალოს, მაქსიმ გრიგორინი! ამ ფულეებით მარტო სამლოცველოს კი არა, მთელ ეკლესიას ავაშენებ! შინ რომ მივალ, სლობოდაში, პარაკლისს გადავიხდი და სეფისკვერს ვაკვეთინებ შენ სახელობაზე! სამუდამოდ შენი მონა ვიქნები, მაქსიმ გრიგორინი! მიბრძანე რაც გსურდეს!

— მისმინე, ტრიფონ. ეს პატარა სამსახური გამიწიე: სლობოდაში რომ მიხვალ, ნურავისთან დაგცდება, მე თუ შემხვდი; სამიოდე დღის შემდეგ კი დედაჩემი ინახულე, უთხარი, ოღონდ მარტო იმას, რომ სხვამ ვერავინ გაიგონოს, შენი შვილი, ღვთის შეწევნით, კარგადაა, მოკითხვას კითვლის-თქო.

— მეტი არაფერი, მაქსიმ გრიგორინ?

— კიდეე აი რა, ტრიფონ: მე შორ გზას ვადგავარ. იქნებ, კაი ხანს ვერ დავბრუნდე. ჰოდა, თუ არ შეწუხდები, დროდადრო მიაკითხე ხოლ—  
მე დედანემს და უთხარი: ხალხისგან გავიგონე, რომ შენი შვილი, ლეთის  
მადლით, კარგადაა და იმაზე ნუ იდარდებ-თქო! ხოლო თუ დედანემმა  
გკითხოს: ვინ ხალხისგან გავიგონეო, ასე უთხარი: მოსკოველებისგან გა-  
ვიგონე-თქო, იმათთვის კი სხვებს უთქვამთ-თქო, ხოლო თუ ვის უთ-  
ქვამს, ეგ არ გააგებინო, რომ თავ-ბოლო ვერ შეიტყონ, ოღონდ დედანემ-  
მა იცოდეს, რომ ცოცხალი ვარ.

— მაშ შენ მართლა არ დაბრუნდები სლობოდაში?

— დავბრუნდები თუ არ დავბრუნდები, ერთმა ღმერთმა უწყის; შენ  
კი არავისთან დაგცდეს, მე რომ მნახე.

— მაგაში მენდე, კრინტსაც არ დავძრავ ვინმესთან! ოღონდ, თუ მარ-  
თლა შორ გზას ადგახარ, მაშინ შენს ფულს არ ავიღებ. ღმერთი დამ-  
სჯის, ეგ რომ ავიღო.

— აბა მე რაში მჭირდება ფული? ურჯულოთა მიწაზე კი არა ვართ!

— ნება შენია, მაქსიმ გრიგორინ, მაგრამ მე კი არა ვარ მაგ ფულის  
ამლები. შინ რომ მიდიოდე, სხვა ამბავია. ახლა კი, გზად მიმავალს ხომ  
არ გაგძარცვავ, ვილაც ავაზაკივით! ნება შენია, თუნდაც დამკლა, არ ავი-  
ღებ!

მაქსიმმა მხრები აიჩჩა და რამდენიმე ოქრო ამოიღო ტრიფონის ქუ-  
დიდან.

— რახან შენ არ მიგაქვს, — უთხრა მან, — ეგებ სხვა ვინმემ აიღოს,  
მე კი არ მჭირდება ეგ ფულები.

ის ბაზიერს დაემშვიდობა და გზა განაგრძო.

მზე უკვე დასავლეთისკენ ჩაეშვა. ხეთა გრძელი ჩრდილები უფრო  
დაგრძელდა და მღვლოებს დაეფინა. მაქსიმს შავი ბუმბერაზივით მო-  
აცილებდა მისივე ჩრდილი. იგი ხან ბალახებზე მოირწეოდა, ხა-  
ნაც, როცა გზას ტყე შემოადგებოდა, ბუჩქებსა და ხეებზე მიცოცავდა.  
ბუიანის ჩრდილი უზარმაზარ ზღაპრულ მხეცს მიაგავდა. ნელ-ნელა ბა-  
ლახებიდან და ხეებიდან ბუიანიც გაქრა, ცხენიცა და მაქსიმიც; ბინდი  
ჩამოწვა; აქა-იქ ნისლიც დაირწა რძისფრად; ღამის მწერები მიწიდან  
წამოიშალნენ და ბზუილით შეერივნენ ჰაერს. ტყის გადამიდან მთვარე  
გამოჩნდა; ცაზე, რომელსაც თანდათან ეძალებოდა წყვილიადი, ზედიზედ  
აენთო ვარსკვლავები; შორს ვერცხლისფრად ალივლივდა თვალუწვდე-  
ნელი ველი.

სამშობლოვ, ჩემო სამშობლოვ! მეც არაერთგზის გამივლია გვიანი

ღამით შენს უდაბურ ველებზე. უშფოთველად მიაბიჯებდა ცხენი, მაწუხელები და დღის პაპანებისგან მოსვენებული; თბილი ნიავე ყვავილები და ნელლი თივის სურნელს ჰფენდა არე-მიდამოს და, ოპ, რა ნეტარებას განვიცდიდი, რა სევდას ვგრძნობდი, რა მწარედ ვფიქრობდი ჩვენს წარსულზე, რა სასოებით ვოცნებობდი მომავალზე... კარგია, კარგი, უკაცრიელ მიდამოებში ღამით ხეტიალი, როცა ცხენით ხან ტყე-ტყე მიირწევი, ხანაც ყანებით, სადავეს მიუშვებ, ვარსკვლავებს შესცქერი და ფიქრს მიენდობი!

უკვე მთელი საათი იქნებოდა, რაც მაქსიმი გზად მოდიოდა, რომ უცებ ბუიანმა დრუნჩი ასწია, ჰაერი დაყნოსა და კუდი ააქიცინა. ქარს კვამლის სუნი მოჰქონდა საიდანაც. მაქსიმს გაახსენდა, ღამის გასათევზე რომ უნდა ეზრუნა. მან ცხენი ააჩქარა და მალე დაინახა გვერდზე წაფერდებული ქოხი. საკვამური არ ჰქონდა ამ ქოხს. კვამლი პირდაპირ სახურავიდან ამოდიოდა. დაბალ სარკმელში შუქი ბჟუტავდა. შიგნიდან მოსაწყენი ღიღინი მოისმოდა. მაქსიმი სარკმელთან მივიდა და ერთბაშად ეცა თვალში ღარიბული საცხოვრებლის უბადრუკობა. კვარის შუქზე ქოხის მთელი აელა-დიდება მოჩანდა; ყველაფერი უხეირო და დროჟამისგან გასაცოდაებული იყო. ჭერზე გადებული კოჭიდან ცერად ჩამოშეერილიყო მოქნილი ჭოკი, რომლის ბოლოზეც აკვანი ეკიდა. ოცდაათიოდე წლის ფერმკრთალი, ბეჩავი ქალი აკვანს არწევდა და ხმადაბლა მღეროდა. მის გვერდით თხელწვერა გლეხი იჯდა და, წელში მოკაკული, ლაფნის ქალამნების ამოსხმით იყო გართული. ორი ბავშვი მათ ფეხებთან დაბობლავდა.

მაქსიმს მოეჩვენა, რომ დედაკაცი სიმღერაში მამამისს ახსენებდა. ჯერ იფიქრა, სმენა მატყუებდა, მაგრამ მალე მკაფიოდ გაიგონა მალიუტა სკურატოვის სახელი. მოულოდნელობისგან გაოცებულმა, გაფაციცებით მიუგლო ყური ქალის სიმღერას.

— დაიძინე, შეილო ჩემო! — მღეროდა დედაკაცი.

დაიძინე, შეილო ჩემო,  
სანამ ქარი ჩადგებოდეს,  
სანამ ბელი დაცხრებოდეს!  
ნანა, ნანა, ნანინა,  
ნანა, ჩემო პატარავ!  
მოვეშორდება მალე ჳირი,  
მალე მეფე ბრძანებს — თაეი  
რომ მოკვეთონ აე სკურლატოვის!  
ნანა, ნანა, ნანინა,  
ნანა, ჩემო პატარავ!

მაქსიმოს სისხლი მოაწვა სახეში. ის ჩამოიკვეითდა და ცხენი ღობეზე  
.მიიბა.

... ქალი მღერას განაგრძობდა:

ვით ფილიპე, წმინდა ბერი,  
წმინდა ბერი მოაკვლინა  
აემა ძაღლმა მალიუტამ!  
ნანა, ნანა, ნანინა,  
ნანა, ჩემო პატარავ!

მაქსიმმა მეტი ვეღარ აიტანა და კარს წიხლი ჰკრა.

ოპრიჩნიკის მდიდრული სამოსისა და ოქროჭედილი ხმლის დანახ-  
ვაზე მასპინძლებს ელდა ეცათ.

— ეინ ხართ თქვენ? — ჰკითხა მაქსიმმა.

— ბატონო! — მიუგო გლეხმა, თან წელში ოთხად იკეცებოდა მის წი-  
ნაშე და შიშისგან ენა ებმოდა, — ნუ გაგვირისხდები, შენი ჭირიშე, მე ფე-  
ლოტი მქვია, ამ ჩემ დედაკაცს კი, ნუ გაგვირისხდები, ბატონო, ჩემ დე-  
დაკაცს მარია ჰქვია!

— რით ირჩენთ თავს, კეთილო ხალხო?

— ლაფანს ვაძრობთ ტყეში, შემოგველე, ქალამნებს ვაცოდვილებთ  
და საცრებს ვაკეთებთ. ვაჭრები ჩამოივლიან სოლმე და ყიდულობენ.

— ჩანს, იშვიათად გაკითხავენ ის ვაჭრები?

— იშვიათად, ბატონო, მთლად იშვიათად! ხანდახან, ის კი არა, ხმე-  
ლა პურიც არ მოგვეძევა. ლამის შიმშილით ან სიტიტვლით დავ-  
წყდეთ. ცხენიც აღარა გვყავს, რომ საქონელი ქალაქში ჩავეიტანოთ.  
მგელმა შეგვიჭამა შარშანწინ.

მაქსიმმა სიბრაღულით შეხედა მასპინძელსა და მის დედაკაცს და  
ოქროს თუმნიანები გადმოაპნია მაგიდაზე.

— ღმერთმა მოგხედოთ, ლატაკებო! — თქვა მან და კარს შეავლო ხე-  
ლი, რომ გასულიყო.

მასპინძლები მუხლებში ჩაუცვივდნენ.

— ბატონო, ჩვენო გამკითხავო, ის მაინც გვითხარი, ვინა ხარ? შენი  
ვინაობა მაინც გაგვაგებინე! ვისთვის ვილოცოთ ღვთის წინაშე?

— ჩემთვის კი არა, მალიუტა სკურატოვისთვის ილოცეთ, ლატაკე-  
ბო. ახლა კი მითხარით, შორსაა აქედან რიაზანის გზა?

— სწორედ ეს არი, ჩვენო შევარდენო, სწორედ ეს არი რიაზანის  
გზა. ჩვენ ზედ მის გასაყარზე ვცხოვრობთ. პირდაპირ მურომის გზა მი-  
დის, მხარმარცხნივ — ვლადიმირისა, აქეთ კი, მხარმარჯვნივ, რიაზან-  
სა! მაგრამ ნუ წახვალ ახლა, შემოგველე, ნუ წახვალ ახლა, ამ ბნელა-

ში; ნამეტანს დათარეშობენ ამ ბოლო დროს გზებზე. გუშინღამაც ღვინის უშველებელი ალალი გაძარცვეს. ახლა კიდევე, ამბობენ, ისევე გამოჩნდნენ თათრებიო. ჩვენთან გადიღამე, ჩვენო ბატონო, ჩვენო მწყალობელო, ჩვენო შევარდენო; ღმერთმა გაშოროს, ხიფათი წამისაა!

მაგრამ მაქსიმს არ სურდა იმ ქოხში დარჩენა, სადაც სულ ახლახან წყევლა-კრულვით ახსენებდნენ მამამისს. იგი სხვა თავშესაფრის საძებრად წავიდა.

— ბატონო! — ყვირილით მისძახოდნენ მასპინძლები, — დაბრუნდი, შემოგვევლეთ, გაიგონე ჩვენი სიტყვა! ხიფათი არ ავცდება გზაზე ამ ბნელ ღამეში!

მაგრამ მაქსიმმა არ შეისმინა მათი და გზა განაგრძო.

სულ რამდენიმე ვერსი ექნებოდა გავლილი, რომ უცებ ბუიანი ერთ ბნელ ბუჩქს მივარდა და ისე ავად აყეფდა, ისე გახელებით, თითქოს ეიღაც ფარული მტრის სიახლოვე იგრძნო.

ამაოდ უხმობდა მაქსიმი სტეენა-სტეენით. ბუიანი ბუჩქს აწყდებოდა, აღრენილი, ბალანაშლილი ბრუნდებოდა პატრონთან და კვლავ წინ მიეკანებოდა გახელებით.

როცა ვეღარაფერი შეასმინა, გაბეზრებულმა მაქსიმმა ხმალი იშიშვლა და პირდაპირ ბუჩქისკენ გააჭვნა ცხენი. რამდენიმე კაცი შემართული კომბლებით გამოხტა ბუჩქიდან და წამსვე გაისმა უხეში შეძახილი:

— ჩამოდი ცხენიდან!

— აჰა შენ! — დასძახა მაქსიმმა და ხმალი მოუქნია იმას, რომელიც სხეებზე ახლოს იყო.

ავაზაკი დაბარბაცდა.

— პატივისცემა ახლა იკითხე! — განაგრძობდა მაქსიმი და უნდოდა მეორედ შემოეკრა მისთვის, მაგრამ მოქნეული ხმალი სიბრტყით მოხვდა სხვა ყაჩაღის შემართულ კომბალს და შუაზე გადატყდა.

— ბიჭოს, ერთი ამის აკაზმულობას შეხედეთ! ეგ ხომ ოპრიჩნიკია! ცოცხლად შევიპყროთ, ბიჭებო! — გაისმა იგივე უხეში ხმა.

— მართლაც ოპრიჩნიკია! — აჭყვირდა მეორე. — უჰ, რას ვისეირებთ მაგაზე ბიჭებთან!

— რალა გიჭირს, ხლოპკო! იშოვე საშენო საქმე და ეგ არი!

იმავე წამს ყველანი ერთად მისცვივდნენ მაქსიმს და ცხენიდან გადმოათრიეს.

## ავაზაკების ჯანყი

იმ ადგილიდან ასე ვერსნახევარზე, სადაც მაქსიმს დაესხნენ, შეიარაღებული ხალხი ძირგაგდებულ ღვინის კასრებს შემოსხდომოდა. თასები და არყის ხის ზაპები ხელიდან ხელში გადადიოდა. მოგიზგიზე კოცონების შუქში ტლანქი სახეები, გაბურძენილი წვერები და ნაირნაირი ტანსაცმელი ხედებოდა თვალს. აქ ჩვენთვის ნაცნობ სახეებსაც დაინახავდით: ანდრიუშასაც, ვასკასაც, წითურ მესაკრავესაც; მაგრამ მოხუცი კორშუნი არსად ჩანდა. ყაჩაღები ხშირად ახსენებდნენ მას, როცა ზაპებს გადახვრეპდნენ და თასებს დაცლიდნენ.

— ეჰ, — ამბობდა ერთი, — ნეტა რა დღეშია ახლა ჩვენი პაპა?

— ეგ რაღა საკითხავია, — მიუგებდა მეორე, — საწამებელზე ჯიჯგნიან ან, იქნებ, ძელზე აკონწიალებენ.

— ჯიჯგნიან თორემ, ერთბაშად ვინმე არ გაათქმევიონ; განა არ ვიცო, სიტყვასაც ვერ დააცდენინებენ!

— პაი, პაი, რო ვერ დააცდენინებენ! ეგ გინდაც ასო-ასო აქნან, არ გაგთქვამს!

— პაი დედასა, ძალიან საწყენია ბერიკაცის ამბავი! ეს ჩვენი ატამანიც კაი ვინმე ბრძანებულა! თვითონ არხეინადაა, ბერიკაცი კი გაყიდა.

— ერთი შენც, ეგ რა ატამანია! განა ატამანი ეგეთი უნდა, რო ტყუილუბრალოდ დაღუპოს თავისიანები ვილაც თავადის გულისთვის?

— იცი რა, ეგა და თავადი ძმაკაცები არიან. აი ახლაც, ზომ ხედავთ, ერთ ფაცხაში სხედან. თავადზე ნურაფერს იტყვი, თორემ, ატამანმა თუ გაიგონა, ვაი შენი ბრალი მაშინ!

— თუნდაც გაიგონოს, მერე რა! მე იმას პირშიც ვეტყვი, რომ ეგ ატამანი არ არის. აი კორშუნი, ჰო, ნამდვილი ატამანია! პაი დედასა! ალბათ ეკალივით ჩხვლეტდა თვალებში პერსტენს, ჰოდა, ჩააგლო კიდეც იმათ ხელში ძალათი!

— ერიპა-ა, ბიჭებო, რას იტყვით, იქნებ მართლაც განგებ გაჰყიდა იმან კორშუნი, პა?!

ყრუ ღრტივნვამ დაუარა ყაჩაღებს.

— განგებ, განგებ გაჰყიდა! — დაუდასტურა ბევრმა მათგანმა.

— გამაგებინეთ, ხალხნო, ეგ თავადი ვინ ოხერია? — იკითხა ერთმა. — რისთვის გეყავს აქა? გამოსასყიდელს ელის ატამანი მაგისთვის თუ რა არი?

— არა, გამოსასყიდს არა! — უპასუხა წითურმა მესაკრავემ. — თავადი, ბიჭებო, მეფემ დაჩაგრა, სიკვდილით დასჯა უნდოდა მაგისი; ჰოდა ვგვეც მეფეს გამოექცა და ჩვენთან მოვიდა; ამბობს: მე თვითონ გაგიძღვებით, ბიჭებო, სლობოდისკენო; მე ვიცი ხაზინა საცა დევსო. ოპრიჩნიკებსო, ამბობს, სუ ყელს გამოვჭრით, ხაზინას კი ერთმანეთში გავიყოფთო!

— ბიჭოს! მერე რაღას უცდის, გაგვიძღვეს ბარემ! უკვე მესამე დღეა უქმად ვყრივართ აქ!

— იმიტომ არ მიგვიძღვის, რომ ატამანი გვეყავს დედალი!

— არა, ეგრე ნუ იტყვი, პერსტენი დედალი არ არი!

— ჰოდა, თუ დედალი არ არი, ეგ მთლად უარესი. მაშინ ჩვენი გაბრიყვება ჰქონია გუნებაში!

— ეტყობა, — თქვა ვილაცამ, — იმას უნდა მარტოკამ ჩაიგდოს ხელში მეფის ხაზინა, ჩვენ კი მშრალზე დაგვტოვოს!

— ჰო, ჰო, პერსტენს ჩვენი გაყიდვა უნდა, როგორც კორშუნი გაყიდა!

— ვერ მივართვით! ჩვენთან ეგ არ გაუვა!

— ბერიკაცის გამოხსნას არც ფიქრობს!

— მერე ეგ ვინ არი, რომ მაგას შევეყურებდეთ! უმაგისოდაც დაეიხსნით პაპას!

— უმაგისოდაც მოვუვლით ხაზინას; დაე მარტო თავადი გაგვიძღვეს!

— ჰოდა, სწორედ ახლაა მაგის დრო: მეფე, ამბობენ, სალოცაეშია წასულიო; სლობოდაში ოპრიჩნიკების ნახევარიც არ დარჩენილა!

— კიდე გადაეწვათ სლობოდა!

— გაეჭუჭოთ სლობოდელები!

— ძირს პერსტენი! დაე თავადი გაგვიძღვეს!

— დაე თავადი გაგვიძღვეს! დაე თავადი გაგვიძღვეს! — გაისმა ყოველი მხრიდან.

მეხვიით გადაიგრუხუნა ამ სიტყვებმა გუნდიდან გუნდში, სულ განაპირა კოცონებამდე მიადწია და მთელი ურდო წამოშალა, ააშფოთა. მაღლე ყველანი იმ ფაცხას შემოეჯარნენ, სადაც პერსტენთან ცხარედ მოდავე სერებრიანი იჯდა.

— ნება შენია, თავადო, — ეუბნებოდა ატამანი, — გინდ გეწყინოს, გინდ არა, მაგრამ გაშვებით, სულ ერთია, არსად გაგიშვებ! იმისთვის არ დამიხსნინხარ ციხიდან, რომ ისევ ჯალათს წაუღო თავი!

— ჩემი უფალი მე თვითონა ვარ! — წყენით მიუგებდა თავადი. — რა გრჯიდა ციხიდან ჩემს დახსნას, თუ ისევ ტყვეობაში ჩამაგდებდი.

— ეჰ, თავადო, დრო დიდი მკურნალია. აცალე, მეფე შეიძლება სხვა ჭკუაზე დადგეს, შეიძლება იმ ქვეყნის გზას გაუდგეს; აბა, რა იცი, რა მოხდება; ხოლო განსაცდელი რომ გადაივლის, ვინ დაგაკავებს, წაღა, ბატონო, საითაც გენებოს. — რას იზამ, — დაუმატა მან, რაკი შეატყო, რომ სერებრიანის უფრო მოერია წყენა, — ჩანს, ბედად გწერებია ამ ქვეყნად კიდევ სიცოცხლე. შენ ფიცხი კაცი ხარ, თავადო, მაგრამ მეც მაგრად ვდგავარ ჩემ ნათქვამზე; ჩანს, ჩვენი საქმე ისე გამოდის, რომ იტყვიან — მოვიდა სეტყვა, დახვდა ქვაო!

იმავ წამს ზედ ფაცხასთან ყაჩაღების გნიასი გაისმა.

— სლობოდისკენ! სლობოდისკენ! — ყვიროდნენ გამომთვრალი გულადები.

— გადავწვათ სლობოდა!

— გადავბუგოთ იქაურობა!

— კორშუნი დავიხსნათ!

— პაპა დავიხსნათ!

— სარდაფებიდან კასრები გამოვავოროთ!

— ოქროულობა მოვხვეტოთ!

— ოპრიჩნინა ამოვწყვიტოთ!

— მთელი სლობოდა ამოვწყვიტოთ!

— სადაა თავადი? დაე გაგვიძღვეს!

— დაე თავადი გაგვიძღვეს!

— ხოლო თუ არ სურს, ვერხვზე დავეკიდოთ!

— ვერხვზე დავეკიდოთ! ვერხვზე დავეკიდოთ!

— პერსტენიც იმასთან!

— პერსტენიც ვერხვზე!

პერსტენი ფეხზე წამოიჭრა.

— აი თურმე რას აპირებენ! — თქვა მან. — არ გამიკვირდა?! რახანია ვაყურადებ, ამდენს რას ყაყანებენ-მეთქი. ზედავ, რა ამბავი აქვთ, ოხრის-შვილებს! ახლა მაგათ თვითონ ეშმაკიც ვერ დაამშვიდებს! აბა, თავადო, რა გაეწყობა, შენებურად გამოვიდა; ამას იქით აღარ გაკავებს: ა დათვი და ა კვალიო! გზა ხსნილი გაქვს. გადი მათთან, უთხარი, რომ წაუძღვები სლობოდისკენ!

სერებრიანი გაცეცხლდა.

— რაო, მე წავიძღვეთ საძარცველად? — თქვა მან. — უმალ ასო-ასო ამქნით, ვიდრე მაგას ეღირსებოდეთ!

— ეჰ, თავადო, მოსაჩვენებლად მაინც შეპირდი. ხომ ხედავ, მთვრალია ხალხი, გათენდება და ჭკუაზე მოვლენ!



— თავადო — ისმოდა ყვირილი, — შენ გეძახიან, გამოდი!  
— გადი, თავადო, — გაუმეორა პერსტენმა, — თორემ ფაცხაში შემოც-  
ვივლებიან და უარესი იქნება!

— კეთილი, — უთხრა თავადმა და გასასვლელისკენ წავიდა, — ვნა-  
ხთ ერთი, როგორ მაიძულებენ, რომ სლობოდის საძარცკავად ვუწი-  
ნამძღვრო მაგათ!

— აგე! — დაიყვირეს ყაჩაღებმა, — გამოძერა!

— გაგვიძებ სლობოდის ასაკლებად!

— გვიატამანე, თორე ყელზე ყულფი არ აგცდება!

— ეგრე, ეგრე! — ისმოდა ღრიალი.

— მორჩილად გთხოვთ! — ყვიროდნენ სხვები. — ატამანად დაგვიდექი,  
თორე ხეზე დაგვიდებთ!

— ღმერთმანი, ხეზე დაგვიდებთ!

პერსტენმა კარგად იცოდა სერებრიანის გულფიცხობის ამბავი და,  
ამ სიტყვების გაგონებაზე, თვითონაც სწრაფად გავიდა ფაცხიდან.

— რა მოგივიდათ, ძმებო, — დაიწყო მან, — გაგიჟდით თუ რა არი? რა  
გაღრიალებთ? გაგიძღვებათ თავადი, საითაც გინდათ; გათენდება დილა,  
და გაგიძღვებათ; ახლა კი აცალეთ მის მოწყალებას გამოძინება, თქვენც  
დაისვენეთ, უკვე საკმარისად იმზიარულეთ!

— ნეტავ შენ რაღას გვეუფროსები! — ხრინწიანად წამოიძახა ერთ-  
მა. — განა ჩვენი ატამანი ხარ!

— გეყურებათ, ძმებო, — დაიყვირეს სხვებმა, — ამას არ სურს ატამა-  
ნობა დათმოს.

— ჰოდა, ვერხეზე დავიდლოთ!

— ვერხეზე, ვერხეზე!

პერსტენმა თვალი მოავლო ურდოს და ყველგან მტრულ სახეებს  
შეხვდა.

— ეჰ, თქვე ბრიყვებო, ბრიყვებო! — თქვა მან. — ვინ მოგახსენათ, რომ  
თქვენს ატამანობას ვერ ველევი? ვინც გეამებოდეთ, ის დაისვით თავზე,  
მე კი თვითონაც აღარ მსურს; ფურთხადაც აღარ მიღირხართ!

— ჰოდა კარგი! — დაიყვირა ვიღაცამ.

— იცოცხლე, ენა კი უჭრის! — დაურთო მეორემ.

— ფურთხადაც აღარ მიღირხართ! — განაგრძობდა პერსტენი. — განა  
ცოტაა ამ ქვეყნად თქვენნიარი? დიდი რამეა, თქვენმა მზემ, თქვენი ატა-  
მანობა! ოღონდ მოვიწოდო და, წავალ ვოლგაზე, ისეთ ბიჭებს შევკრებ,  
იმათ ფრჩხილადაც არ ეღირებით არც ერთი!

— ვერ მოგართვით, ძმობილო, ეგ საკენკი სხვას დაუყარე. არსადაც

არ გაგიშვებთ; რა ვაცი, ეგებ გაგეყილო კიდეც, როგორც კორშუნი გაყიდე!

— არ გაგიშვებთ, არ გაგიშვებთ; ჩვენთან დარჩი; ახალ ატამანს დაემორჩილე!

ველურმა შეძახილებმა ჩაახშეს პერსტენის ხმა.

ერთი მთასავით აზვინული ყაჩაღი, რომელსაც ცალ ხელში თასი ეჭირა, სერებრიანის მიუახლოვდა.

— მამილო! — უთხრა მან და მზარზე დაჰკრა ვეება თათი. — მორჩა, შენც ხელი აუქნიე ამ ცხოვრებას, ჩვენი ძმა გახდი; მოდი ძმაცუცურად დავლიოთ და ერთმანეთი გადავკოცნოთ!

ღმერთმა იცის, რას მოიმოქმედებდა სერებრიანი. ალბათ, ხელს აუკრავდა იმ თასზე და გაღეშილი ბრბო ასო-ასო დაფლეთდა ნიკიტა რომანოვიჩს, მაგრამ, საბედნიეროდ, სწორედ ამ დროს ამტყდარმა ზმაურმა მიიპყრო ყაჩაღების ყურადღება.

— შეხედეთ, შეხედეთ! — გაისმა აქეთ-იქიდან, — ოპრიჩნიკი შეუპყრიათ! ოპრიჩნიკი მოჰყავთ! შეხედეთ, შეხედეთ!

ტყის სიღრმიდან სამოსშემოფხრეწილი, კომბლებიანი ყაჩაღები მოდიოდნენ. მათ გათოკილი მაქსიმი მოჰყავდათ. ყაჩაღი, რომელსაც მან ხმალი დაჰკრა, მაქსიმის ცხენზე იჯდა. წინ ხლოპკო მოდიოდა სტვენასტვენითა და ბუქნაობით. დაჭრილი ბუიანი უკან მოლასლასებდა.

— ჰეი, ძმებო, — მღეროდა ხლოპკო და თითებს ატკაცუნებდა:

ეზოებში ქვრივთ ვსტუმრენ ყაჩაღები  
და ერთმანეთს დერივნენ ნაჯახებით!..

და ხლოპკო მალაყებს გადადიოდა, ტაშს უკრავდა, ბზრიალასავით ტრიალებდა.

ამის შემხედვარე წითურმა მესაკრავემ ველარ მოითმინა, ბალაღიკას დაავლო ხელი და ბუქნა-ბუქნით გასწია ამხანაგის შესაშველებლად. ორივემ გამალებით დაიწყო მაქსიმის გარშემო ტლინკაობა და მანჭვა-გრეხა.

— ხედავ ამ ტარტაროზებს! — უთხრა პერსტენმა სერებრიანის. — ეგენი ახლა უბრალოდ კი არ მოკლავენ ამ ოპრიჩნიკს, საშინელი წამებით ამოხდიან სულს; ორივეს ვიცნობ, რა ბიჭებიც არიან: რახან თავი აიწყვიტეს, მორჩა, წასულია საქმე, შავი ღლე დაადგება მამაცს!

მართლაც, ოპრიჩნიკის შეპყრობა ნამდვილი ღღესასწაული იყო მთელი ბანდისტვის. ახლა ისინი აპირებდნენ მაქსიმზე ეყარათ ჯაერი ყველაფრისთვის, რაც მისი ამხანაგებისგან გადახდნოდათ.

რამდენიმე კაცი, პირწავარდნილი ტყის ნადირი, მაშინვე შეუდგა დასჯის თადარიგს.

ჯერ ოთხი პალო ჩაარჭვეს მიწაში, მერე ზედ ლატანები დაამაგრეს გარდიგარდმო და ლურსმნები გაახურეს.

მაქსიმი მშვიდად შეპყურებდა ამ სამზადისს. მას არ აშინებდა ტანჯვით სიკვდილი; მხოლოდ იმას ნაღვლობდა, ასე უხმლოდ, ხელბეგაკოჭილი რომ უნდა მომკვდარიყო და, საბრძოლო ყიჟინისა და ცხენთა ჭიხვინის ნაცვლად, თავის მტანჯველთა ველური სიმღერა და მთვრალი ხორხოცი უნდა ესმინა სიკვდილის წინ.

„წინათგრძნობამ მილალატა, — გაიფიქრა მან, — ასეთ დასასრულს არ მოველოდი. მაგრამ რას ვიზამ, ღმერთს ასე უნებებია ჩემთვის. დაე აღსრულდეს მისი განგება!“

ამ ფიქრში მყოფმა, უცებ სერებრიანი შენიშნა, იცნო და მასთან მისვლა დააპირა, მაგრამ წითური მესაკარავე საყელოში სწვდა.

— ლოგინი დაგებულია, — უთხრა მან, — ხიფთანი გაიხადე, დაწექი რაღა!

— ხელები შემიხსენით! — მიუგო მაქსიმმა, — ასე პირჯვარს ვერ გადავიწერ!

ხლოპკომ დანის დაქნევით ჩასხიპა თოკები, რომლებითაც ხელები კქონდა გაკოჭილი მაქსიმს.

— ილოცე, ოღონდ ჩქარა! — უთხრა მან, ხოლო როცა მაქსიმი ლოცვას მორჩა, ხლოპკომ და წითურმა სამოსი შემოაძარცვეს მას და ფაცაფუცით გაუკრეს ხელ-ფეხი ლატანებზე.

ამ დროს სერებრიანი წამოღდა წინ.

— ბიჭებო! — ისეთი ხმით დასჭექა თავადმა, როგორც საბრძოლო მწყობრში იყო ნაჩვევი, — მისმინეთ!

ამ სიტყვებმა ქუხილივით გადაუარა მთელ ბანაკს და, მიუხედავად ხმაურისა და ღრინანცელისა, ყველაზე შორს მყოფ ყაჩაღებამდეც მიადწია.

— მისმინეთ! — განაგრძობდა თავადი. — მითხარით, ყველას გსურთ თქვენი მოთავე ვიყო? იქნებ არიან თქვენს შორის ისეთებიც, რომ არ ეუნდივარ?

— ერიპაა, — დაიყვირა ვილაცამ, — შენ, ვინიცობაა, თავის დაძვრენას ხომ არ აპირებ?!

— შენ, ეი, გეყურება? ჩვენთან ხუმრობა არ გარგია!

— მოგვიცია ატამანობა და ჩაიბარე, თავპატიჟს ნუ დაგვიწყებ!

— შეიფერე პატივი, სანამ თავი მხრებზე გაბია!

— მაშ მომაწოდეთ ატამანის კვერი! — თქვა სერებრიანიმ.

— აი ეგ მესმის! — დასძახეს ყაჩაღებმა. — ჯანჯალსა და გაქირს ეგ გირჩევნია!

თავადს პერსტენის კვერი მიაწოდეს.

სერებრიანი პირდაპირ წითური მესაკრავისკენ წავიდა და მის წინ დადგა.

— ახსენი ოპრიჩნიკი! — უთხრა მან.

წითურმა გოცებით შეხედა თავადს.

— ახსენი ახლავე! — მკაცრად გაუმეორა სერებრიანიმ.

— ერიპა! — თქვა წითურმა. — შენ რა, ამის ქომაგი ხარ? ჭკუით იყავ, შვილოსან, გირჩევნია შენ თავს მიხედო!

— წყეულო! — შეჰყვირა თავადმა, — ნუ ყბელობ, როცა მე გიბრძანებ! — ეს რომ თქვა, სერებრიანიმ კვერი მოიქნია და თავი გაუპო წითურს.

მესაკრავემ ამოკვნესაც ვერ მოასწრო, უსულოდ გაგორდა ძირს.

სერებრიანის მოქმედებამ შეაკერთო ყაჩაღები. თავადმა გონს მოსვლა არ აცალა მათ.

— შენ ახსენი! — უთხრა ხლოპკოს და კვერი შემართა მის თავზე.

ხლოპკომ თავადს შეხედა და სწრაფად გაათავისუფლა მაქსიმი.

— ბიჭებო! — განაგრძობდა ნიკიტა, — ეს მამაცი იმათგანი არ არის, ვინც თქვენ გაწყენინათ; მე ვიცნობ ამას; ეგ ოპრიჩნიის ისეთივე მტერია, როგორც თქვენ ხართ. ღმერთმა ნუ ქნას, ვინმე თქვენგანმა ხელი ახლოს ამას! ახლა კი ზოზინის ღრთ აღარაა. იარაღი აისხით, ასეულეზად დაეწყვეთ, მე გაგიძღვებით!

სერებრიანის მტკიცე ზმამ, მბრძანებლურმა ქცევამ და მოულოდნელმა გაბედულებამ ძლიერ იმოქმედა ყაჩაღებზე.

— ოპო, — ხმადაბლა თქვეს ზოგიერთებმა, — ეგ, ჩემო ძმაო, არ ხუმრობს!

— ნამდვილი ატამანია! — ამბობდნენ სხვები, — ვინც გინდა, იმას წამოიკიდებს!

— მაგასთან ფხიზლად უნდა იყო, შვილოსან, ენას კბილი დააჭირო! ნახე, როგორ უთავაზა მესაკრავეს!

ასე მსჯელობდნენ ყაჩაღები და უკვე აღარავის მოსდიოდა ფიქრად სერებრიანისთვის მხარზე ხელის დარტყმა ან მისი გადაკოცნა.

— ბარაქალა შენ, თავადო! — ჩაიჩურჩულა პერსტენმა, რომელიც მოწინებით შეჰყურებდა ნიკიტას. — იფ, გენაცვალე, როგორ მოთოკე ეგენი! ოღონდ ახლა გონს მოსვლას ნულარ დააცლი, ბარემ წაიყვანე სლობოდის გზაზე, მერე კი ღმერთი გამოაჩენს რამე საშველს!

დიდ გასაჭირში იყო ჩავარდნილი სერებრიანი. ავაზაკების მოთავეობა რომ იკისრა, ამით მაქსიმში გადაარჩინა და დრო მოიგო; მაგრამ ყველაფერი წყალში გადაიყრებოდა, ამ აბორგენული ხროვის გამძლეობა რომ უარი ეთქვა. თავადმა ფიქრში ღმერთს მოუხმო მშველელად და მის ნებას მიენდო.

ავაზაკები კი ამასობაში უკვე ლაშქრობის სამზადისში იყვნენ და მხოლოდ იმას წუხდნენ, რომ ვიღაც ფედკა პოდლუბნი აკლდათ. ის დღითივე წასულიყო სადღაც თავისი რაზმით და ჯერაც არსად ჩანდა.

— აი ფედკაც! — წამოიძახა ვიღაცამ. — აგე, მოდის ბიჭებთან ერთად!

პოდლუბნი ხმელ-ხმელი, კუნთმაგარი ჯეელი იყო, ცალთვალა და სახენაიარევი.

ტანთ შემოფხრეწილი ზუბუნი ეცვა. მძიმედ მოაბიჯებდა და სიარულში მუხლები ეკეცებოდა, როგორც მთლად ქანცგაწყვეტილ ადამიანს.

— რაო? — ჰკითხა ერთმა ყაჩაღმა.

— კიდევ ხომ არ გაჩვენეს თამაშა? — დაურთო მეორემ.

— ჩვენ ვერა, და ერთ ვინმეს კი ვუყავით სეირი! — თქვა პოდლუბნიმ და ცეცხლს მიუჯდა. — აი, ბიჭებო, ბევრი ცოდვა მაწვა სულზე, მაგრამ დღეს, მგონი, ნახევარი ჩამოვიბერტყე!

— რა ქენი ასეთი, ფეღია?

პოდლუბნი თავის რაზმს მიუბრუნდა:

— ბიჭებო, აბა მოიყვათ აქ ეგ მოენე!

კოცონთან ვიღაც გათოკილი ოტროველა მოიყვანეს. მას ზოლიანი ხიფთანი ეცვა, ვეება თავზე ფარფლამობრუნებული წოწოლა ქუდი ეხურა; ჩაჭყლეთილი ცხვირი, წამოცვენილი ყვრიმალეები და წვრილი თვალები მის არარუსულ წარმომავლობას მოწმობდნენ.

პოდლუბნის ერთმა ამხანაგთაგანმა ტყვისთვის ართმეული შუბი და მშვილდ-კაპარჭი მოიტანა.

— ვაი, ეგ ხომ თათარია! — შეჰყვირა ბრბომ.

— თათარია, — გაიმეორა პოდლუბნიმ, — და მერე რა თათარი! ძლივს მოვერიეთ, ისეთი ჯანიანია! მიტკა რომ არა, ნამდვილად წაგვივიდოდა ხელიდან!

— გვიამბე, კაცო, გვიამბე! — დასძახეს ყაჩაღებმა.

— პოდა, ასე, ძმებო, ამ დღით რიაზანის გზაზე გავედით, ერთ ვაჭარს გადავუდექით, დაუწყეთ ჩხრეკვა; ის კი გვეუბნება: რაღა უნდა წაიღოთ, ძმებო, როცა აღარაფერი გამაჩნიაო! მეო, გვეუბნება, რიაზანიდან მოვდივარ, იქ მთელი გზა ურჯულო თათრებითაა სავსე, კუდის რი-

კამდე გამფქვენეს, ოხრებმა, და ისიც აღარ ვიცი, მოსკოვამდე როგორ ჩავაღწიო.

— უყურეთ მაგ ყაჩაღებს! — თქვა ვილაცამ.

— მერე იმ ვაჭარს რაღა უყავით? — ჰკითხა მეორემ.

— ერთი უზალთუნი მივეციტ საეზაოდ და გაეუშვით, — უპასუხა პოდღუბნიმ. — მერე ერთი გლეხიკაცი შემოგვეყარა, გვითხრა, გუშინ თათრები ჩვენს სოფელს შემოესივნენ და მთლად გადაბუგესო. მალე ჩვენ თვითონაც გადავიარეთ უშველებელი ქაშანი: სულ ცოტა, ათასი ცხენის ნავალი მაინც იქნებოდა ის ადგილი. ამასობაში კი სხვა გლეხებიც გამოჩნდნენ დედაკაცებითა და ბაღღებით, ტირიან და მოსთქვამენ: ვაი ამ მოსწრებას, ჩვენი სოფელიც გადაწვეს თათრებმა, ეკლესიაც გაძარცვეს, წმინდა ხატები დაჩეხეს, შესამოსელთაგან ჩულები გააკეთესო...

— დახეთ მაგ უწმინდურებს! — შეჰყვირეს ყაჩაღებმა, — არა, რატომ მიწა არ ეწვით ფეხქვეშ მაგ წყეულებს!

— მღვდელიო, — განაგრძობდა პოდღუბნი, — ცხენის კუღზე გამოაბესო...

— მღვდელიო? მერეღა რატომ მეხმა არ დალახვრა ეგ ძაღლიშვილები?

— ღმერთმა უწყის!

— მერეღა, განა რუს კაცს ხელები შეახმა, რომ საკადრისად ვერ დახვდეს წყეულ თათრებს?

— აი სწორედ ეგ არი, რო ხელები არ ყოფნის; ყველა პოლკი დაშლილია, მარტო გლეხები, დედაკაცები და მოხუცები დარჩნენ; ურჯულეობს კი უხარიათ, მეომრებს რომ ვერსად ხედავენ, დამშლელი რომ არავინ ხვდებათ ამ ჩვენს რუსეთში!

— ეჰ, ვანახებდი მაგათ სეირს!

— მეც ვანახებდი!

— მერე ეგ მოენე როგორღა იშოვეთ?

— აი როგორ. გზაზე ცხენების თქარათქური მოგვესმა, პოდა, ბიჭებს ვეუბნები: ბურჩებში დავიმალოთ, ვნახოთ ერთი, რა ხალხი მოდის-მეთქი. დავიმაღეთ და ვხედავთ: ოცდაათიოდე ცხენოსანი მოჯირითობს აი ეგეთი ქუღებით თავზე, შუბებით, კაპარჭებით, მშვილდებით. ძმებო, ვეუბნები ბიჭებს, ეგენი ზომ სწორედ ის ჩვენი სანატრელები არიან-მეთქი? აფსუს, რომ ცოტანი ვართ, თორე დავუფრთხოზოდით ახლა ანგელოზებს-მეთქი! უცებ ერთ მათგანს რაღაც ბოხჩა დაუეარდა ძირს. ისიც შეჩერდა და ცხენიდან ჩამოხტა, რომ თავისი ბოღჩა აეღო და მარჯვედ

ჩაეკრა უნაგირში, ამასობაში კი მისი ამხანაგები შორს წავიდნენ. ძმებო, ვეუბნები ბიჭებს, რა იქნება, იმას რომ მიუხეხტეთ-მეთქი? აბა, შევარდნებო, მომყევით-მეთქი! ვთქვი ესა და, ყველა ერთად დაეაფრინდით თათარს. მაგრამ, საქმე არა გაქვს?! ერთი კი შეიბერტყა მხრები და სულ პანტასავით მიგვეყარ-მოგვეყარა აქეთ-იქით. ისევე მივცვივდით, მაგრამ ისევე მიგვეყარ-მოგვეყარა და შუბი აიტაცა. მაშინ მიტკა გვეუბნება: გზა მიტივით, ძმებო, გვეუბნება, ხელს ნუ შემიშლით! ჩვენც შემოვცალეთ, ამან კი უცებ შუბი გამოსტაცა თათარს, ქეროში დასწვდა და მიწას გააკრა. ჩვენც მაშინვე ხელთათმანი ჩაეჩარეთ იმას პირში და ცხვარივით გავთოკეთ.

— ბარაქალა, მიტკა! — თქვეს ყაჩაღებმა.

— ჰო, ეგ, კაცო, ხარსაც დასცემს რქებით! — შენიშნა პოდლუბნიმ.

— ეი, მიტკა! — ჰკითხა ვილაცამ, — მართლა დასცემ ხარს?

— რატო არა! — უპასუხა მიტკამ და გვერდზე გადაა, რათა ლაზლანდარა საუბარს გარიდებოდა.

— ყველა ყველაო, მარა რა ჰქონდა თათარს იმ ბოლჩაში? — იკითხა ხლოპკომ.

— აი, ნახეთ, ბიჭებო!

პოდლუბნიმ ბოლჩა გახსნა და იქიდან შესამოსელის ნაჭერი, ძვირფასად შეჭვდილი სანაწილე, ორი-სამი პანაგია და ოქროს ჯვარი ამოიღო.

— უჰ, ეგ ძალღი, ეგა! — შეჰყვირა მთელმა ბრბომ. — მაშ მაგას ეკლესია გაუძარცვავს?!

სერებრიანიმ ყაჩაღების აღშფოთებით ისარგებლა.

— ბიჭებო! — თქვა მან, — ხედავთ, როგორ გვიგინებს წყეული თათარი ქრისტეს სარწმუნოებას? ხედავთ, როგორ ბილწავს ურჯულოთა მოდგმა წმინდა რუსეთს?! ჰოდა, ბიჭებო, განა ჩვენც ურჯულოები გავხდით? განა ასე უნდა ვითმენდეთ წმინდა ხატების წარყვანას? განა ისე წაეხდით, რომ ქრისტეს რჯულის მაგინებლებს რუსეთის სოფლების ცეცხლში დაბუკვა და ჩვენი ძმების გაჟლეტა დავანებოთ?

ბრბოს ყრუ დრტივნვამ დაუარა.

— ბიჭებო, — განაგრძობდა თავადი, — ღვთის წინაშე უცოდველი არავინა ვართ! მაშ, მოდით, გამოვისყიდოთ ჩვენი ცოდვები, დავიმსახუროთ ყოვლადმღიერთან შეცოდებათა მიტევება, ყველამ, ვინც აქ ვართ, ერთობლივ დავცხოთ ეკლესიისა და რუსეთის მტრებს!

სერებრიანის სიტყვამ ძლიერ იმოქმედა მთელ ურდოზე. ვაჟკაცურმა მოწოდებამ ბევრი გახევებული გული შეათბო, ბევრ ჯაგარა მკერდში

შეატოკა სამშობლოს სიყვარული. ხნიერმა ყაჩაღებმა თავი გადააქნიეს ფიქრიანად, ახალგაზრდებმა ერთმანეთს გადახედეს. საერთო მიტქამ-მოთქმაში ხმამაღალი შეძახილები გაისმა.

— მართალს ამბობს! — თქვა ერთმა. — სხვა კიდევ ჰო, მაგრამ ღვთის ეკლესიებსაც ხომ ვერ დავანებებთ წასაბილწად!

— ჰაი, ჰაი, რომ ვერ დავანებებთ, ვერ დავანებებთ! — გაიმეორა სხვამაც.

— ყველანი სიკვდილის შვილები ვართ! — დაურთო მესამემ. — ჰოდა, სჯობს ისევ ბრძოლაში მოვკვდე, ვიდრე სახრჩობელაზე!

— მართალია! — შეეხმიანა ერთი ხნიერი ყაჩაღი. — ბრძოლის ველზე სიკვდილი სასახელოცაა!

— ეჰ, რაც იყოს, იყოს! — თქვა ერთმა ახალგაზრდა თავზეხელაღებული და წინ წამოდგა. — სხვებისა არ ვიცი, მაგრამ მე კი წავალ თათრუკებთან საომრად!

— მეც წავალ! მეც! მეც! — შესძახეს სხვებმაც.

— თქვენზე ამბობენ, — განაგრძო სერებრიანიმ, — ღმერთი დაივიწყეს, აღარც სინდისი შერჩათ, აღარც ნამუსიო. მაშ, დაუმტკიცეთ ახლა ყველას, რომ ცილს გწამებენ, რომ სინდისიც გაქვთ და ნამუსიც! დაუმტკიცეთ, რომ რახან საქმე რუსეთისა და სარწმუნოების დაცვაზე მიდგა, მოისარები ან ოპრიჩნიკები ვერ გაჯობებენ მათ დაცვაში!

— ჰაი, ჰაი, რომ ვერ გვაჯობებენ, ვერ გვაჯობებენ! — ერთხმად შესძახა ყველა ყაჩაღმა.

— არ დავანებებთ სულმყრალებს წმინდა რუსეთის წაბილწვას!

— დავცხოთ უღმერთოებს!

— გაგვიძებ თათრუკების საჟლეტად!

— გაგვიძებ, გაგვიძებ! ვიბრძოლოთ წმინდა სარწმუნოებისთვის!

— ბიჭებო! — თქვა სერებრიანიმ, — თუ ჩვენ კუდით ქვა ვასროლინეთ უწმინდურებს და მეფემ დაინახა, რომ ოპრიჩნიკებზე ნაკლებნი არა ვართ, მაშინ გვაპატიებს კიდევ ჩვენს დანაშაულს, ჰოდა გვეტყვის: აღარ მინდა ამას იქით ოპრიჩნინა; უმისოდაც მყვანან ერთგული მსახურებიო!

— ოღონდ კი თქვას და, — შესძახეს ყაჩაღებმა, — ყველანი თავს დავდებთ მის სამსახურში!

— ჰაი გიდი, განა მეხალისებოდა ავაზაკობა! განა ჩემი ნებით მოვედი აქ! — თქვა ვიღაცამ.

— მე კი მეხალისებოდა? — გამოეპასუხა მეორე.

— მაშ შევეწირით, თუ დავგჭირდა, რუსეთის მიწა-წყალს! — თქვა სერებრიანიმ.



— შევეწიროთ! — გაიმეორეს ყაჩაღებმა.  
— რახან ასეა, — განაგრძო თავადმა, — რახან რუსეთის მტრებთან საბრძოლველად მივდივართ, რუსეთის მეფის სადღეგრძელოს დალევაც გემართებს!

— დავლიოთ!  
— მაშ აავსეთ თასები და მეც მომაწოდეთ!  
თავადს მაღალი სასმისი მიაწოდეს; ყაჩაღებმა თავისთვის თასები აავსეს.

— დღეგრძელი იყოს დიდი ხელმწიფე, სრულიად რუსეთის მეფე ივანე ვასილევინი! — წარმოთქვა სერებრიანიმ.

— დღეგრძელი იყოს მეფე! — გაიმეორეს ყაჩაღებმა.  
— გაუმარჯოს ჩვენს რუსეთს! — თქვა თავადმა.  
— გაუმარჯოს ჩვენს რუსეთს! — გაიმეორეს ყაჩაღებმა.  
— დაე მოისრას წმინდა რუსეთისა და მართლმადიდებელი ქრისტიანობის ყველა მოძულე! — განაგრძობდა ნიკიტა რომანოვიჩი.

— დაე მოისრას თათრობა! დაე მოისრას ქრისტეს რჯულის მოძულეები! — გაიძახოდნენ ყაჩაღები.

— გაგვიძებ თათრების საჟღეტად! დაგვანახე ერთი ის ურჯულოები, ცეცხლში რომ ბუგავენ ჩვენს ეკლესიებს!

— გაგვიძებ, გაგვიძებ! — ისმოდა ყოველი მხრიდან.  
— კოცონზე დაწვით ეს თათარი! — შეჰყვირა ვილაკამ.  
— კოცონზე დაწვით! ცეცხლში დავხრუკოთ! — გაიმეორეს სხვებმაც.  
— დაიცათ, ბიჭებო! — თქვა სერებრიანიმ, — ჯერ კარგად უნდა დაეკითხოთ ეგ. გვიპასუხე, — ტყვე თათარს მიუბრუნდა თავადი, — ბევრნი ხართ წამოსულნი? სად არის თქვენი ბანაკი?

თათარმა თავი გაიქნია, ვითომ არაფერი მესმისო.

— მოიცა, თავადო, — უთხრა პოდლუბნიმ, — მაგას ჩვენ ამოვადგმევენებთ ენას! ზლოპკო, აბა ერთი მუგუზალი მოიტა აქ. ასე. აბა, რაო, გვეტყვი?

— გითხრამ, ზმობილო! — სიმწრით შეჰყვირა კანდაფუფქულმა თათარმა.

— ჰოდა გვითხარი ბარემ, ბევრნი ხართ?  
— ზალიან ბევრი, ზმობილო, ზალიან ბევრი!  
— მაინც რამდენი?  
— ათი ათასა, ზმობილო; ახლა ათი ათასა, ხვალ კი ასი ათასა მოვიდა!

— მაშ თქვენ მხოლოდ მეწინავენი ხართ? ვინ მოუძღვის ლაშქარს?

- ხანმა მოუზღვის!
  - თვითონ ხანი?
  - თვითონ არა! ხანმა ხვალ მოვიდა; ახლა შირინის მთავარმა შიხ-მატმა მოვიდა!
  - სად არის მისი ბანაკი?
- თათარმა კვლავ ანიშნა, არ მესმის, რას მეკითხებიო.
- ეი, ხლოპკო, მოიტა აქ მუგუზალი! — დაუყვირა პოდღუბნიმ.
  - ახლოს ხარ ბანაკი, ზმობილო, ახლოს! — აღარ დააყოვნა პასუხი თათარმა. — ათ ვერსზე სოტა იქნება თქონგან, ზმობილო.
  - მაშ წაგვიძებ გზაზე! — უთხრა სერებრიანიმ.
  - ვერ საგიზღვე, ზმობილო! ახლა ვერ იხნო გზა! ხვალ იხნო, ზმო-ბილო!
- პოდღუბნიმ გახურებული მუგუზალი გათოკილ ხელლებთან მიუტანა თათარს.
- მოძებნი გზას?
  - მოზებნი, ზმობილო, მოზებნი!
  - კეთილი, — თქვა სერებრიანიმ, — ახლა დანაყრდით, ძმებო, ამ თათარსაც აჭამეთ, და მაშინვე გაეწიოთ სალაშქროდ. ვანახოთ მტრებს, რას ნიშნავს რუსი კაცის ძალა!

## XXV თავი

### ბრძოლის სამუხადისი

ბანდაში ისეთი ფუსფუსი, რბენა და გნიასი ატყდა, რომ მაქსიმმა სერებრიანისთვის მადლობის თქმაც ვერ მოასწრო. ბოლოს, როცა ავაზაკები მწყობრში ჩადგნენ და ტყიდან დაიძრნენ, მაქსიმში, რომელსაც ცხენიც დაუბრუნეს და იარაღიც მისცეს, თავადს წამოეწია და მხარდამხარ მიჰყვა.

— ნიკიტა რომანიჩ, — უთხრა მან, — შენ დღეს იმ დათვის სამაგიერო სიკეთე მიყავი!

— მაშ როგორ, ჩემო მაქსიმ, — მიუგო სერებრიანიმ, — იმისთვის ვცხოვრობთ ამ ქვეყნად, რომ ერთიმეორეს ვეზმარებოდეთ!

— თავადო, — სიტყვა შეაგება პერსტენმა, რომელიც აგრეთვე სერებრიანის მხარდამხარ მოდიოდა ცხენით, — აი, გიყურებდი დღეს და ვფიქრობდი: ეჰ, აფსუს, რომ ამას ვერ ხედავს ახლა ერთი ქვემოური მამაცი,

რომელიც ვოლგაზე დავეტოვე კაი ხანია! თუმცა მდაბიო კაცია, აი თითქმის ჩემნაირი, მაგრამ ნამდვილად შეიყვარებდი იმას, თავადო, და ისიც შეგიყვარებდა! საწყენად ნუ დაგრჩება და ერთმანეთს გაეხართ ხასიათით. წმინდა რუსეთზე ლაპარაკი რომ წამოიწყე და თვალეში ცეცხლი წაგეკიდა, მაშინვე ერმაკ ტიმოფეევიჩი გამახსენდა. უყვარს იმას სამშობლო, უზომოდ უყვარს, მერე რა, რო ყაჩაღია. ბევრჯერ უთქვამს ჩემთვის, მესირცხვილება ამ ქვეყნად უქმად ყიალი, ნატვრადა მაქვს რამე სამსახური გაუწიო სამშობლოსაო. ეპ, იცოცხლე, კარგი იქნებოდა ახლა ისიც ჩვენთან მოდიოდეს თათრების საყლელად! მარტოკა ღირს მთელ ასეულად. ერთს რომ შესძახებს: მომყეთ, ბიჭებო! — მორჩა, იფიქრებ, ერთბაშად გავიზარდე, ღონე მომემატაო, და უკვე ველარაფერი ვეღარ გაკავებს, გარშემო ყველას ზურგზე ბოლს ადენ. შენც იმას ჰგაეხარ, ღმერთმანი ჰგაეხარ, თავადო; საწყენად არ ვამბობ!

პერსტენი ჩაფიქრდა. სერებრიანის ფრთხილად მიჰყავდა ცხენი და ბნელ შორეთს აკვირდებოდა; მაქსიმი დუმდა. ყრუდ გაისმოდა გზაზე ყაჩაღების ფეხის ხმა; ვარსკვლავიანი ღამე მღუმარედ გადასუდროდა მძინარე დეღამიწას. დიდხანს მიაბიჯებდა ბრბო იქითკენ, საითაც ხმალამოწვდილ ხლოპკოსა და პოდლუზნის შუა ჩამდგარი თათარი უჩვენებდათ გზას.

უცებ შორიდან რაღაც უცნაური, წყობილი ბგერები მოისმა.

ეს არც ადამიანის ხმა იყო, არც საყვირის, არც ბარბითისა, ეს იყო ლერწმოვანში მონავარდე ქარის ზუზუნისმაგვარი, თუ მინის ან სიმის წკრიალისმაგვარი რაღაც.

— რა ხმა ისმის? — იკითხა თავადმა და ცხენი შეაჩერა.

პერსტენმა ქუდი მოიხადა და ზედ უნაგირის ტახტამდე წახარა თავი.

— დამაცა, თავადო, ერთი კარგად მივაყურადლო!

ბგერები მწყობრად და სვედიანად მოიღვრებოდა, ხან ეერცხლივით ჩხრიალა ტალღებად, ხანაც მონანავე ტყის შრიალისდაგვარად — და უცებ მოწყდა, თითქოს ველის ქარმა დაუბერაო!

— მორჩა! — სიცილით თქვა პერსტენმა, — ხედავთ, რა მკერდის პატრონია ვიღაც არის! მგონი ნახევარ საათს მაინც უბერავდა სულმოუთქმელად!

— მერედა რა არის ეგ? — ჰკითხა თავადმა.

— ჩ ე ბ უ ზ გ ა! — მიუგო პერსტენმა. — ეგ, როგორა ვთქვა, აი ჩვენებური საყვირის ან სალამურისმაგვარი რაღაცაა. ალბათ, ბაშკირები არიან. მაგათ რას გაუგებ, ამ ხანთან ხომ მთელი მილეთის ვიგინდარაა

შეყრილი: ყაზანელები, ასტრახანელები და მთელი მაგათი ნოღაური სიმყრალე. გესმის, აი ისევე წამოიწყევს.

შორს თითქოს კვლავ დაჰქროლა გრიგალმა, გაბმულ, ტკბილ-სევდიან რაკრაკად იქცა და რამდენიმე ხნის შემდეგ უეცრად მოწყდა, ცხენის ფრთხვინვასავით.

— აჰა! — თქვა პერსტენმა, — ეს მუხლი უფრო მოკლე გამოუვიდა; ეტყობა, არაქათი გამოელია ძალღიშვილს.

მაგრამ ახლა სხვა ბგერები გაისმა, გაცილებით უფრო ჟღერადი. კაცი იფიქრებდა, უამრავი პატარა ზარი წკრიალებს შეუსვენებლად.

— ახლა უკვე ყელი აამუშავეს! — თქვა პერსტენმა. — შორიდან რას არ იფიქრებ კაცი; ეგენი კი სულ ყელით არაკრაკებენ ასე. ხედავ, რანაირად იჭაჭებიან, ოხრისშვილები!

სევდიან, გულისმომწყველელ ბგერებს მზიარული ხმები ენაცვლებოდა, მაგრამ ეს არ იყო არც რუსული სევდა და არც რუსული სილაღე. ამ ბგერებში ხმიანობდა მომთაბარე ტომის ველური სიდიადე, ჯოგების თქარათქური, მამაცური ლაშქრობები და თარეში, ხალხების ხეტიალი კიდით კიდემდე და უცნობ, თავდაპირველ სამშობლოზე სევდაც.

— თავადო, — თქვა პერსტენმა, — ეტყობა, ახლოს უნდა იყოს მათი ბანაკი; გული მიგრძნობს, ამ გორაკს გადაღმა კოცონებსაც დაინახავს კაცი. მომეცი ნება, წავალ, შევათვალე რამე იქაურობას, მე ნაჩვევი ვარ ამას, ბევრჯერ შევხვედრივარ მაგათ ვოლგაზე; შენ კი მანამდე ბიჭებს ზულს მოათქმევინებ და ბარემ აქაურობასაც შეეჩვევიან.

— გასწი, ღმერთმა ხელი მოგიმართოს, — უთხრა თავადმა.

პერსტენი ცხენიდან ჩამოხტა და სიბნელეში გაუჩინარდა.

ყაჩაღებმა თავი მოიწესრიგეს, იარაღი შეამოწმეს და მიწაზე დასხდნენ ისე, რომ საბრძოლო რიგი არ დაურღვევიათ. ღრმა მღუმარებას მოეცვა ბანდა. ყველას ესმოდა, რომ საპატიო საქმე წამოიწყევს და აუცილებელი იყო უსიტყვო მორჩილება. შორიდან კვლავ მოისმოდა ჩებუზგის ხმა, მინდორს მთვარე და ვარსკვლავები დაჰნათოდნენ, ირგვლივ საზეიმო სიმშვიდე სუფევდა, და მხოლოდ მობიბინე ვაციწვერას აშფოთებდა ვერცხლის ტალღებად დროდადრო მობერილი მსუბუქი ნიავი.

თითქმის ერთი საათი გავიდა; პერსტენი არსად ჩანდა. თავადს უკვე მოთმინება ელეოდა, მაგრამ უცებ, მისგან სამიოდ ნაბიჯზე, ვილაც ამომართა ბალახებიდან. სერებრიანნი ხმაღზე გაივლო ხელი.

— დამშვიდდი, თავადო, ეს მე ვარ! — წარმოთქვა პერსტენმა და ჩაიცინა. — აი ზუსტად ასე მივუცოცდი თათრებსაც; ყველაფერი შევათვალე; ახლა მათ ბანაკს ჩემს ფაცხაზე ნაკლებად არ ვიცნობ. თუ ნებას

დამრთავ, თავადო, ათიოდე მამაცს წაეიყვან, ჯოგს დაეაფრთხობ და ში-  
შით დაეზაფრავ თათრებს; შენ კი მაშინ, თუ ინებებ, ორი მხრიდან და-  
არტყი იმათ, თან ომახიანი ყიჟინაც დაეც; ჰოდა, თათარი ვიყო, თუ მა-  
გათი ნახეარი მინც არ გაეჟლიტოთ! ამას ისე ვამბობ, ამ ჩვენი ამბის  
თავმოსაბმელად; ნათქვამია, ღამის საქმეს მისი ოსტატი უკეთ მოუვლი-  
სო; ხოლო მზე რო ამოცურდება, მაშინ უკვე შენ თვითონ იცი შენი საქ-  
მისა, თავადო, ჩვენ კი მხოლოდ სმენა და გაგონება გვმართებს, სხვა  
არაფერი!

სერებრიანი იცოდა პერსტენის საზრიანობისა და მოხერხებულო-  
ბის ამბავი და ნება დართო საკუთარი შეხედულებისამებრ ემოქმედა.

— ბიჭებო, — უთხრა პერსტენმა ყაჩაღებს, — ცოტა კი ვაწყენინეთ  
ერთმანეთს, მაგრამ ვინც ძველი გაიხსენოს, არაკაცი იყოს! იქნება  
თქვენს შორის ათიოდე მოხალისე, რომ თათრების ბანაკში გამომყვეს?

— ამოირჩიე ვინცა გსურს, — უპასუხეს ყაჩაღებმა, — ყველანი მზად  
ვართ.

— მაღლობელი ვარ თქვენი, ბიჭებო; ჰოდა, რახან პატივი დამდეო,  
აი ვინ მიმყავს: მოღეკი აქეთ, პოდლუბნი, შენც ამასთან, ხლოპკო, შენ-  
ცა, დიატელ, შენც, ლესნიკოვ, შენც, რეშეტო, თქვენც სტეპკა, მიშკა,  
შესტოპერ, ნაკოვალნია, სარანჩა! შენ სადღა მოძვრები, მიტკა? მე შენ-  
თვის არ დამიძახნია: დარჩი აქ, თავადთან, ჩვენ საქმეში შენ არ გა-  
მოღგები. ხმლები შეიხსენით, ბიჭებო, ცოცვაში ხელს შეგიშლით, ახლა  
დანებიც გვეყოფა. ოღონდ, ბიჭებო, იცოდეთ, უნდა გამიგონოთ, უჩემოდ  
ნაბიჯიც არ წადგათ! რახან ნებით მოღიხართ, რასაც გეტყვიოთ, უნდა  
აასრულოთ. ოდნავადაც რომ გაჯანჯლდეს რომელიმე, მაშინვე წესს  
აუუგებ!

— კეთილი, კეთილი! — მიუგეს პერსტენის არჩეულებმა. — როგორც  
გვეტყვი, ისე მოვიტყევით. რახან წმინდა საქმეზე წასვლა დავთქვით,  
ნუ გეშინია, არ წავეკინელავდებით!

— ხედავ, თავადო, იმ გორაკს? — განაგრძობდა ატამანი. — იქამდე  
რომ მიხვალთ, იმათ კოცონებსაც დაინახავთ. გირჩევ — გორაკთან დაი-  
ცადოთ, სანამ ჩემ ყიჟინას არ გაიგონებთ. ხოლო როგორც კი ჯოგს და-  
ეაფრთხობ და კივილი და ყიჟინა შემოგესმებათ, მაშინ კი დააცხერით  
ურჯულობებს; წასვლით ვერსად წაგვივლენ: ცხენები ხომ აღარ ეყოლე-  
ბათ; თანაც ერთი მხრიდან ჩვენ ვიქნებით, მეორიდან კი მდინარეა და  
ჭაობი.

თავადმა აღუთქვა პერსტენს, რომ ყველაფერს მისი განკარგულები-  
სამებრ აასრულებდა.

ამასობაში ატამანი ათი მამაცითურთ ჩებუზგის ხმას მიჰყვა და მალე ყველანი ბალახებში ჩაიკარგნენ. ზოგი იფიქრებდა, მიმავლები იქვე ახლოს ვაყურდნენო; მაგრამ მახვილი თვალი შენიშნავდა, რომ იმ ადგილას ბალახი ქარისგან დამოუკიდებლად და მის მიმართულებასთან შეუსაბამოდ ირხეოდა.

ნახევარი საათის შემდეგ პერსტენი და მისი ამხანაგები უკვე ახლოს იყვნენ თათრების კიბიტებთან.

ბალახში გაწოლილმა პერსტენმა თავი წამოჰკოცა.

მისგან ორმოცდაათიოდე ნაბიჯზე კოცონი ენთო და მის შუქზე რამდენიმე ბაშკირელი მოჩანდა. ისინი წრედ შეეგუფებულებოდნენ და ფეხმორთბმით ისხდნენ. ზოგს ჭრელი ხალათი ეცვა, ზოგს ცხურის ტყაპუჭი, ზოგსაც აქლემის მაუდის დახეული ხიფთანი. შუბები იქვე ჩაერჭოთ მიწაში და მათი გრძელი ჩრდილები ლამის პერსტენამდე წვდებოდა. რამდენიმე ათასი ცხენი, რომელთაც ბაშკირელები დარაჯობდნენ, შორიახლოს ძოვდა ერთად შექუჩებული. ასიოდე ნაბიჯზე სხვა კოცონები ენთო და მათ შუქზე უთვალავი ნაბდის კიბიტა მოჩანდა.

ფხიზლად არ დარაჯობდნენ ბაშკირელები თავის რემას. მათ ისე გადმოლახეს მთელი გზა ვოლგიდან რიაზანამდე, რომ არსად წაწყდომიან წინააღმდეგობას; იცოდნენ, რუსთა ლაშქარი დაშლილი რომ იყო და არ ელოდნენ, თუ დამხდური გამოუჩნდებოდათ საიდანმე; მგლებისგან კი ჩებუზგითა და ყრონტით დავიცავთ თავსო, ფიქრობდნენ. და, აი, ოთხ მათგანს პირზე მიეზჯინა სამკაულებიან-ჩუქურთმებიანი გრძელი დუღუკი, ვეება მკერდში ქარი ჩაეგუბებინა და თითების თამაშით სულმოუთქმელად აჭყვირებდა საკრავს ქანცის გადალევაამდე. სხვები ყივიანა ხმით მღეროდნენ და კოცონის შუქში კარგად ჩანდა მეტისმეტი დაძაბვისგან მთლად წამოჭარხლებული, ყვრიმალწამოშვერილი სახეები.

პერსტენი რამდენიმე წუთს სიამოვნებდა ამ სურათის ცქერით და ეუნებაში ფიქრობდა: ახლავე მივეზტე დანით ბაშკირელებს და, გონს მოსვლა არ ვაცალო, ისე გამოვჭრა ყელი სუყველას, თუ ჯერ ცხენები გაგაფრთხო და მხოლოდ მერე დავერიო მათო.

ერთიცა და მეორეც მაცდუნებელი იყო მამაციისთვის. „იფ, რა ჯოგია! — ფიქრობდა სულგანაბული, — ერთი მარჯვედ რომ დააფრთხო ეგ, მოგეცა ლხენა, სულ შლიგინ-შლიგინით გადათქერავს მაგათ კიბიტებს; ისეთი ალიაქოთი ატყდება, ერთმანეთს ველარ იცნობენ. მაგრამ ეს ოზრისშვილებიც კოხტად სხედან, ნამეტანი კოხტად! იფ, რანაირად გაჰყივიან; შეიძლება ორ ნაბიჯზე მიუცოცდე კაცი!“

და ატამანი ვეღარ მოერია ბაშკირელებისთვის სისხლიანი სერიის გამართვის ცდუნებას.

— რეშეტო, — ჩასჩურჩულა იქვე გვერდით გატრუნულ ამხანაგს, — ყელი რა დღეში გაქვს? დაჭყვივლებას შეძლებ?

— შენ თვითონ რაღა მოგივიდა? — ჩურჩულით გამოეპასუხა რეშეტო.

— რა და, მგონი, ხრინწი შემეპარა ცოტა.

— თუ ეგრეა, დავიჭყვივლებ, რატო არა. უკვე დროა?

— დაიცა, ჯერ ადრეა. შენ აი იმ მხრიდან მიუცოცდი ჯოგს, რაც შეიძლება ახლოს; მანამ იცოცე, სანამ ცხენები იგრძნობდნენ მიახლოებას; პოდა, როგორც კი ყურებს დააცქევეტენ, მაშინვე დასჭყვივლე, რაც შეგიძლია საზარლად. და პირდაპირ კიბიტებისკენ გამორეკე!

რეშეტომ თავი დაუქნია და ბალახებში გაქრა.

— აბა, ბიჭებო, — დანარჩენ ამხანაგებს უჩურჩულა პერსტენმა, — ცოცვით მომყევით ურჯულოებისკენ, ოღონდ, იცოდეთ, ფრთხილად. ხედავთ, იქ სულ ოციოდე კაცი იქნება, ჩვენ კი ცხრანი ვართ; თვითეული ორ-ორს მოუუვლით, ნე კი ოთხს ვიტოვებ საჩემოდ. რეშეტო რომ დასჭყვივლებს, მაშინვე ჩვენც ყველამ ზაფად შეუუძახოთ და დავერიოთ ოხრისშეილებს! აბა, მზადა ხართ?

— მზად ვართ! — ჩურჩულით მიუგეს ყანალებმა.

ატამანმა სული მოითქვა, შეემზადა და ნელ-ნელა დაიწყო სარტყელიდან გრძელი დანის ამოცოცება.

## XXVI თ ა ვ ი

### ქ მ ა დ ბ ა შ ი ც ვ ა

სანამ თათრების ბანაკთან ეს ამბავი ხდებოდა, იქიდან ნახევარ ვერსზე მყოფი სერებრიანი ზოუთმენლად ელოდა დათქმულ ნიშანს.

— თავადო, — უთხრა მაქსიმმა, რომელიც გვერდიდან არ მოშორებია მას მთელი ამ ხნის განმავლობაში, — დიდხანს ლოდინი აღარ მოგვიწევს, მალე ბრძოლა დაიწყება; მზე რომ ამოვა, ბევრი ჩვენგანი უკვე ცოცხალი აღარ იქნება, მე კი ერთი სათხოვარი მქონდა შენთან...

— რა სათხოვარი, ჩემო მაქსიმ?

— დიდი არაფერი, თავადო, მაგრამ არ ვიცი, როგორ გითხრა, გამხელა მრცხენია...

— მითხარი, ჩემო მაქსიმ, ოღონდ შევიძლო და, უარს როგორ ვუტყვი!

— აი რა, თავადო, უნდა სიმართლე გითხრა გულახდილად! მე გამოპარული ვარ სლობოდიდან, მამაჩემის უნებურად, დედის უკითხავად წამოვედი. ოპრინიკობა ველარ ავიტანე; ისე შემზიზლდა იქაურობა, მერჩია წყალში გადავეარდნილიყავი. მე ერთი ვაჟი ვყავარ დედ-მამას, ბოიარო, ძმა არასოდეს მყოლია. უკვე მეცხრამეტე წელში გადავდექი, მაგრამ, თუ დამიჯერებ, დღემდე არ მყოლია ვინმე გულით მახლობელი. ეულივით მარტოდ-მარტო ვცხოვრობ, უამხანაგოდ, ყველასთვის უცხო. იმათი საფიქრალი მხოლოდ ისაა, რამენაირად სხვა იმსხვერპლონ, რომ თვითონ მოექცნენ პატივში. დღე არ გავა, ვინმე არ აწამონ და არ მოაკვდინონ. თითქმის სულ ეკლესიაში ათენებენ და აღამებენ, ხალხს კი ავაზაკებზე უარესად იმეტებენ სასიკვდილოდ. ოღონდ რაც შეიძლება მეტი ოქრო და მამული იგდონ ხელთ, და თუნდ მთელი რუსეთი წყალს წაუღია! მეფე ხომ ასე უსაშველოდ მრისხანეა, მაგრამ ზოგჯერ ისიც შეისმენს ხოლმე სიმართლეს; იმათ კი არც ერთს არ მოუბრუნდება ენა მართლის სათქმელად! მარტო ის იციან, ყველაფერზე კვერი დაუკრან და ფინიებივით ელაქუცონ, რომ მისი წყალობა ეღირსოთ! არ ვიცი, დამიჯერებ თუ არა, თავადო, და რომ დაგინახე, მაშინვე გული გამიხალისდა, თითქოს მოკეთეს შევხვედროდე! არც ვიცოდი, ვინ იყავი, მაგრამ უკვე შემეყვარდი; შენ თვალებიც ისეთი არა გაქვს, როგორც იმათ, და ხმაც სხვანაირად გიჟღერს. აი, გოდუნოვი, მართალი ითქვას, ყველას სჯობია იმათში, მაგრამ შენთან მაინც ვერ მოვა. გიყურებდი, როგორ იდექი, უიარალო, დათვის პირისპირ; როგორ მოგაწოდა მაშინ ბასმანოვმა, იმ ბოიარის მოწამელის შემდეგ, ღვინის თასი; როგორ მიყავდით თავსაკვეთ მოედანზე; როგორ ელაპარაკებოდი დღეს ავაზაკებს. გიყურებდი და გული სულ შენკენ მომიწევდა, ლამის მოგვარდნოდი და კისერზე შემოგჭდობოდი! ნუ გიკვირს, თავადო, ჩემი ბრწყინვალე ბოდვა, — დაურთო მაქსიმმა და თვალები დახარა. — მე არ გაძალებ ჩემს მეგობრობას, ვიცი, შენი ტოლი არა ვარ; მაგრამ რა ვქნა, თუ თავს ველარ ვიკავებ; სიტყვები უნებლიეთ ამომდის პირიდან, გული თვითონ მოიწევს შენკენ!

— ჩემო მაქსიმ, — უთხრა ნიკიტა რომანოვიჩმა და ღონიერად ჩამოართვა ხელი, — მეც ღვიძლ ძმასავით შემეყვარდი!

— მადლობელი ვარ, თავადო, მადლობელი! პოდა, რახან ასეა, ბარემ ყველაფერი მათქმევინე, რაც გულში მიდევს. შენ, როგორც ეხედავ, არ გეთაკილები. მამ ნება მომეცი, თავადო, ახლა, ბრძოლის წინ, ძმად გავეფიცო ძველი ქრისტიანული ადათისამებრ; აი სულ ესაა ჩემი სათხოვა-



რი; ნუ გამირისხდები ამისთვის, თავადო. დანამდვილებით რომ ვიცოდე, კიდეც ღიღხანს მოგვიწევს ერთად ყოფნა, მაშინ არ ვიქნებოდი ამის მთხოვნელი; მეძახსოვრებოდა, რომ არ შეგფერის ჩემნაირი ძმადნაფიცი; მაგრამ ახლა...

— ღმერთს ნუ არისხებ, მაქსიმ! — სიტყვა შეაწყვეტინა სერებრიანი. — ვითომ რატომ არა ხარ ჩემი ძმა? ვიცი, ჩემი გვარი შენსაზე ღირსეულია, მაგრამ ეს როცა დარბაისელთ საკრებულოსა და აზნაურულ რიგობაზე მიდგება საქმე; აქ კი, თათრების პირისპირ, ტრიალს მინდორზე, ჩვენ თანასწორნი ვართ, ჩემო მაქსიმ, და ყველგან თანასწორნი ვართ, სადაც კი ღვთის წინაშე ვდგავართ და არა ხალხისა. დაეძმობილდეთ, ჩემო მაქსიმ!

და თავადმა შემკულ ოქროს ძეწკვზე შებმული გულისჯვარი შეიხსნა და მაქსიმს გაუწოდა.

მაქსიმმაც აგრეთვე შეიხსნა აბრეშუმის ყაითანზე შებმული უბრალო, სპილენძის ჯვარი, ეამბორა მას და პირჯვარი გამოიხსნა.

— აჰა, ეს ჯვარი, ნიკიტა რომანიჩ; ამით დამლოცა დედაჩემმა, როცა ჯერ კიდეც ღარიბად ვცხოვრობდით და პატივში არ ვყავდით ივან ვასილევინს. გაუფრთხილდი ამ ჯვარს, ეგ ყველაზე ძვირფასია ჩემთვის.

მაშინ ორივემ კიდეც ერთხელ გადაიხსნა პირჯვარი, ჯვრები გაცვალეს და ერთმანეთი გადაკოცნეს.

მაქსიმს სახე გაეხადრა.

— ახლა შენ ჩემი ძმა ხარ, ნიკიტა რომანიჩ! — სიხარულით თქვა მან. — რაც გინდა მოხდეს, მუდამ შენთან ვიქნები განუყრელად; ვინც შენი მეგობარია, ამიერიდან ჩემი მეგობარიც იქნება; ვინც შენი მტერია, ამიერიდან ჩემი მტერიცაა; ღლეის იქით, რაც შენ გეყვარება, მეც ის მეყვარება, რაც შენ გაგარისხებს, მეც რისხვით ამანთებს, შენი ფიქრი ჩემი ფიქრიც იქნება! ამიერიდან სიკვდილსაც ღიმილით შევხვდები და სიცოცხლეს სანაღვლო აღარ მექნება: გვერდით მყავს ძმა, ვისთანაც უნდა ვიცოცხლო, ვისთვისაც უნდა მოვკვდე!

— მაქსიმ, — უთხრა ღრმად აღელვებულმა სერებრიანიმ, — ხედავს ღმერთი, რომ მეც სულითა და გულით გიწამე ძმად; მინდა შენთან ვიყო, სანამ სული მიდგას!

— მადლობელი ვარ, მადლობელი, ძმავო ნიკიტა; ნამდვილად არ გემართებს ჩვენ დაშორება! თუ ღმერთმა ქნა და ცოცხალი დაერჩით, კარგად მოვიფიქროთ, ერთად ვისაზროთ, რა ვიღონოთ სამშობლოსთვის, რით ვემსახუროთ წმინდა რუსეთს! ვერ დავიჯერებ, რომ სულმთლად წახდეს ჩვენი რუსეთი, რომ მეფის სამსახურიც მხოლოდ ოპრიჩნიკობით შეიძლებოდეს და სხვა გზა არ იყოს!

მაქსიმი უჩეულო გზებით ლაპარაკობდა, მაგრამ უცებ შეჩერდა და სერებრიანის ჩააკლო ხელი.

შორიდან გულგამგირავე ჭყვივილი მოისმა. თითქოს ჰაერი შეზანზარდა, მიწა იძრავს; თათრების ბანაკიდან შემფოთებული ყვირილი, გაურკვეველი დრტვინვა დაირბა და სერებრიანისა და მაქსიმის შორიხლოს რამდენიმე ფაფარაშლილმა ცხენმა ჩაიქროლა.

— დროა! — თქვა სერებრიანიმ, უნაგირს მოეგლო და ხმალი იშიშვლა. — აბა, მისმინეთ ახლა, ბიჭებო, ერთმანეთში ნუ აირევეთ, ნურც აქეთ-იქით გაიფანტებით, თითოეულმა თქვენი ადგილი იცოდეთ! ღვთის შეწევნით, მომყევით მტრისკენ!

ყაჩაღები მარდად წამოხტნენ.

— დროა, დროა! — გაისმა ყველა რიგში. — თავადს ვუსმინოთ!

მთელი ღუნდგო სერებრიანის მიჰყვა უკან, ფერდობს შეუდგნენ და სულ მალე გადაიარეს ბორცვი, რომელიც აქამდე მოწინააღმდეგის კოცონებს ფარავდა მათგან.

აქ ახალი, მოულოდნელი სანახაობის ხილვამ გააოცა ყველანი.

თათართა ბანაკის მარჯვენა მხრიდან ველზე ცეცხლი მოიკლავებოდა. მისი უსწორმასწორო ტბორები თანდათან იზრდებოდა, ერთმანეთს ერთვოდა და უღმობლად მოცოცავდა ბანაკისკენ.

— შენი სულისა, პერსტენ! — შეჰყვირეს ყაჩაღებმა. — თქვენი ჭირი-მე, ბიჭებო, თქვენი! ხედავთ, ველს ხანძარი გაუჩინებს, ცეცხლი ქარს გამოაყოფის, პირდაპირ ურჯულო თათრებისკენ!

ხანძარი წარმოუდგენელი სისწრაფით ძლიერდებოდა; ბანაკის მარჯვნივ მთელი ველი ცეცხლის ზღვად იქცა; სულ მალე მისმა ტალღებმა განაპირა კიბიტები ააბრიალა და აწრიალებულ ჭიანჭველების ბუდეც დამსგავსებული ბანაკი გადაანათა.

ცეცხლით დამფრთხალი თათრები უწესრიგოდ გამობრუნდნენ პირდაპირ ყაჩაღებისკენ.

— ჰკა მაგათ, ბიჭებო! — დაიქუხა სერებრიანიმ. — წყალში გადაყარეთ, ცეცხლში შერეკეთ!

თავადის საპასუხოდ ერთსულოვანი ყიჟინა გაისმა. ყაჩაღები თათრებს ეკვეთნენ და ხოცვა-ჟლეტა გაჩაღდა...

მზე რომ ამოიწვერა, ბრძოლა ისევ გრძელდებოდა, მაგრამ მინდორი თათართა გვაგებით იყო მოფენილი.

მტერმა, რომელსაც ერთი მხრიდან ხანძარი, მეორედან კი სერებრიანის რაზმი ავიწროვებდა, გონს მოსვლაც ვერ მოასწორო და მდინარის

ჭაობიან ნაპირს მიაწყდა, სადაც ბევრი დაიხრჩო. სხვები ცეცხლის ალ-  
ში დაიღუპნენ ან კვამლმა გაგუდა. დამფრთხალმა ჯოგმა ადრევე გადაი-  
ჯირითა ბანაკზე, კიბიტები გადათქერა და ისე დაარეტიანა თათრები,  
რომ ისინი ერთმანეთს თელავდნენ და, ცნობადაკარგულნი, თვითვე ჩე-  
ხავდნენ ერთიმეორეს. ერთმა ნაწილმა ცეცხლიდან გაღწევა მოასწრო  
და უწესრიგოდ მიმოიფანტა ველზე. მეორემ კი, რომელიც თვითონ ში-  
რინის მურხამ შახმატმა შეაკოწიწა ძლივძლივობით, მდინარე გადაცუ-  
რა და გაღმა ნაპირზე გამართა საბრძოლო რიგი. ათასობით ისარი მო-  
ზუზუნებდა იქიდან მოზვიძვ რუსებისკენ. ყაჩაღები, რომლებსაც მხო-  
ლოდ ხელჩართული ბრძოლის იარაღი გააჩნდათ, უკვე ველარაფერს აკ-  
ლებდნენ ჭაობიანი მდინარით დაცულ მტერს და, ისრების სეტყვით გა-  
წამებულნი, შედრკნენ და აირივნენ.

ამაოდ ცდილობდა სერებრიანი ხვეწნითა და მუქარით მათ შეჩერე-  
ბას. თათართა რაზმებსა, რომლებმაც მოზუზუნე ისრები ისაფრეს, უკ-  
ვე მდინარის გაღმოსურვაც დაიწყეს და უნდოდათ ზურგიდან დაერ-  
ტყათ სერებრიანისთვის, რომ უეცრად პერსტენი გაჩნდა თავადის გვერ-  
დით. შავგვრემანა სახე მთლად გაფიცებოდა, ხალათი შემოფხვრეწოდა,  
დანიდან სისხლი მოუწვეთავდა.

— შეჩერდით, ძმებო! შეჩერდით, შევარდნებო! — დასჭყვილა ყაჩა-  
ღებს. — თვალები დაგვესოთ თუ რა? ვერ ხედავთ, საშველად რომ მოდიან?  
მართლაც, გაღმა ნაპირს ლაშქარი მოუყვებოდა საბრძოლო მწყობ-  
რით; მათი შუბები და ბერდიშები ამომავალ მზის სხივებში ელავდა.

— ეგენი ხომ ისევ თათრები არიან! — თქვა ვილაცამ.

— თვითონ ხაი თათარი! — აღშფოთებით გამოედავა პერსტენი. — გა-  
ნა ურდო ასე მოდის? სად გინახავს ქვეითად მომავალი თათარი? იმას კი  
ვერ ხედავთ, წინ რომ მოუძღვით ტრედანა ცხენით? განა იმას თათრუ-  
ლი აბჯარი აცვია?

— ქრისტიანები მოდიან! — გაისმა ყაჩაღთა შორის. — შესდექით,  
ძმებო, შესდექით, ქრისტიანები მოდიან ჩვენს საშველად!

— ხედავ, თავადო, — უთხრა პერსტენმა, — ისე გახელებით აღარ ის-  
ვრიან უკვე ის ოხრისშვილები — ჩანს, იაზრეს, რა დღეც მოელით! ახლა  
ვადროვოთ, სანამ ის რაზმი შეებმებოდეს, მერე კი ფონს განახებ, გაღმა  
გავიდეთ და გვერდიდან დავარტყათ!

ამასობაში ახალი ლაშქარი თანდათან მოახლოვდა და უკვე შეიძლე-  
ბოდა მათი შეიარაღებისა და ტანსაცმლის გარჩევა. მათაც თითქმის ისე-  
ვე ჭრელად ემოსათ, როგორც ყაჩაღებს. მოლაშქრეთა თავებს ზემოთ  
ხელკეტები ქანაობდა, ცელები და ოროლები აშვერილიყო. ისინი ნაუც-

ბათევად შეიარაღებულ გლეხებს ჰგავდნენ, და მხოლოდ მეწინავეებს ეცვათ ერთფერი ხიფთანები, ხელში კი ბერდიშები და შუბები უელავდით. მათთანვე მოდიოდა ასიოდე მხედარიც, ასევე ერთფერი ხიფთანებით დამოსილი. ამ ლაშქარს ტანადი ჭაბუკი მოუძლოდა. მოელვარე ჩაფხუტიდან გრძელი ქერა თმა ჩამოშლოდა. მარჯვედ მოათამაშებდა ცხენს და ვერცხლებერ მოლაპლაპე ტრედანა ტაიჭიც ხან ყალყზე ღებოდა, ხან კობტა, მოზომილი ნაბიჯებით მოგოგავდა და მტერთან შეხვედრის მოლოდინში ჭიხვინებდა.

ისრების ღრუბელი შეეგება ბელადსა და მის ლაშქარს.

ამასობაში სერებრიანიმ თავისი ხალხით ფონი გადაიარა, გაღმა გავიდა და მტრის ღუნდგოში შეიჭრა. იმავე ღროს მეორე მხრიდან თათრებს ახლად მოსულმა მაშველმა ლაშქარმაც შემოუტია.

უკვე ერთი საათი გავიდა ცხარე ბრძოლაში.

თავადი წამით გამობრუნდა მდინარისკენ, რომ ცხენი დაერწყულებინა და მოსართავეები მოენაცვლებინა. მაქსიმმა ძმადნაფიცი დაინახა და ჭეუნებით გამოსწია მისკენ.

— რას იტყვი, ნიკიტა რომანინ, — მხიარულად უთხრა მან, — ჩანს, ღმერთი იცავს კურთხეულ რუსეთს. ნახე, თუ ჩვენ არ ვაჯობოთ!

— ჰო, — მიუგო სერებრიანიმ, — მადლობა აი იმ ბოიარს, სულზე რომ მოგვისწრო საშველად. ხედავ, როგორ ჩეხავს მარჯვნივ და მარცხნივ! ნეტავ ვინ არის? მგონი სადღაც უნდა მენახოს ეგ.

— როგორ, თავადო, ვერ იცანი?

— შენ კი იცნობ განა?

— ეჰ, მე როგორ არ ვიცნობ, ღმერთო ჩემო! ბევრი ცოდვა მიეტყევა მაგას ღღევანდელი საქმისთვის. შენც იცნობ მაგას, თავადო. ეგ ფედაკა ბასმანოვია.

— ბასმანოვი? ეგა?! ნუთუ ის არის?

— სწორედ ის არის. მართლაც ვეღარ იცნობს კაცი, ისეა გამოცვლილი. რამდენჯერ მინახავს, ვაი სირცხვილო, კაბაგადაცმული, გოგოსავით რომ ცეკვავდა; ახლა კი, ჩანს, ჯავრზე მოსულა: გლეხები და შინამსახურნი შეუკრებია და თათრებთან საბრძოლველად წამოსულა; ალბათ, მაგაშიც გაიღვიძა რუსულმა სულმა. ეგ ძალა მაინც საიდან გაუჩინდა, საკვირველია! თუმცა, რას ვამბობ, აბა როგორ არ შეიცვლება კაცი ამნაირ ღღეს! — აღტყინებით განაგრძობდა მაქსიმე და თვალები სინარულით უელავდა. — დამიჯერებ თუ არა, თავადო, მეც ვეღარ ვცნობ საკუთარ თავს. სლობოდიდან რომ წამოვედი, სულ ის მეგონა, დიდხანს ვეღარ ვიცოცხლებდი ამ ქვეყნად. ურჯულოებთან საომრად მიმიწევდა

გული, ოღონდ ის კი არ შეონია გუნებაში, რომ მე დავამარცხებდი. სა-  
ამისოდ ჩემზე ღირსეულები გამოჩნდებიან-მეთქი, ვფიქრობდი; მე მხო-  
ლოდ ის მინდოდა, თათრის ხმლისგან მეპოვა სიკვდილი. ახლა კი სხვა  
გუნებაზე ვარ; ახლა სიცოცხლე მწყურია! ზომ გესმის, თავადო, როცა  
ქარი ბრძოლის გუგუნს იტაცებს, როგორ გალობენ ცაში ტოროლები?  
აი მეც ასე მხიარულად მიგალობს გული! ისეთ ღონესა და ხალისს  
ვგრძნობ, მთელი საუკუნეც მოკლედ მომეჩვენებოდა. ეჰ, რა არ ვიფიქრე  
მას აქეთ, რაც ცისკარი ამოშუქდა! და ისე ცხადად, ისე მკაფიოდ ვიგ-  
რძენი, კიდევ რამდენი სიკეთე შეიძლება გააკეთო კაცმა სამშობლოში!  
შენ მეფე წყალობით მოგხედავს; ყოვლად წარმოუდგენელია, არ შეგი-  
წყალოს. ღმერთმანი, შეგიყვარებს კიდევ. პოდა, მეც შენთან წამიყვანე;  
ერთად ვიფიქროთ და გავისარჯოთ, ადაშევისა და სილვესტრიით. ყვე-  
ლაფერს, ყველაფერს გეტყვი, რაც გულში მიდევს, ახლა კი ნახვამდის,  
ნიკიტა რომანიჩ, დროა კვლავ იქით გავწიო; ბასმანოვი, მგონი, რკალში  
მოიმწყვდიეს. თუმცა არაკაცია, მაგრამ მაინც შველა უნდა!

თავადმა თითქმის მამობრივი ზრუნვით შეხედა მაქსიმს.

— თავს გაუფრთხილდი, მაქსიმ, — უთხრა მან, — შლეგივით ნუ მიე-  
ძალები ხმლების ჩახაჩუხს; ხედავ, ისედაც სისხლი გდის უკვე!

— ეგ, ალბათ, მტრის სისხლია, — მიუგო მაქსიმმა და მხიარულად  
შეათვალიერა თავისი ხალათი, — მე ნაკაწრიც არსად მატყვია; შენმა  
ჯვარმა დამიფარა!

ამ დროს ლელიანში მიმალული თათარი ამოცოცდა ნაპირზე,  
მშვილდი მოზიდა და მაქსიმისკენ სტყორცნა ისარი.

თათრის დაჭიმულმა მშვილდმა დაიზუზუნა, ლარმა დაიმღერა, ისარ-  
მა გაიწვილა და მაქსიმის თეთრი მკერდი დალაზერა, შიგ გულში გაუ-  
არა შანთივით ვარვარამ. მაქსიმი უნაგირზე შეტორტმანდა, ცხენის ფა-  
ფარს ჩააფრინდა; არ სურს მამაც ჭაბუკს ძირს დაცემა, მაგრამ გას-  
რულდა მისი საათი, ახლა, რაც ბედად ეწერა, და იგი ნესტიან მიწაზე  
გადმოემხო, ცალი ფეხი კი უზანგში ჩარჩა. დამფრთხალმა ცხენმა ლორ-  
თქო მინდორზე აითრია თავისი მხედარი და, აი, მიფრინავს ვილზე გუ-  
ლადმა გაშხლართული, ფართოდ ხელებგაშლილი მაქსიმი, ხუჭუჭი თმე-  
ბით მიხვეტავს მშობლიურ მიწას, მის უკან კი მინდორზე სისხლის კვა-  
ლი მიიკლაკნება.

სლობოდაში სამწუხარო ამბავი მივა, ატირდება მაქსიმის დედა, რომ  
ალარა ჰყავს სანთლის ამნთები თავისი სულის მოსახსენებლად, რომ  
არავინ ჰყავს, უკანასკნელად დაუხუჭოს მოხუცს თვალები. ატირდება  
მდულარე ცრემლით: თავის შვილს კი ვერ დაიბრუნებს!

სლობოდაში სამწუხარო ამბავი მია, მალიუტა ველურ კბილებს და-  
აზრციანებს, ტყვე თათრებს მოუვარდება, ციხეებში ზვინებად დადგამს  
წასხეპილ თავებს და სისხლის მწყურვალ სულს მოიოხებს: თავის  
შვილს კი ვერ დაიბრუნებს!

სერებრიანის ბრძოლაც გადაავიწყდა და თათრებიც; ველარ ხედავს,  
როგორ მიდენის ბასმანოვი ურჯულოებს; როგორ ცელავენ პერსტენი  
და ყანალები ოტებულ მტერს; თავადი მხოლოდ იმას ხედავს, რომ ცხე-  
ნი მინდორზე მიათრევს მის ძმადნაფიცს. და სერებრიანი უნაგირს მო-  
ველო, ცხენს გამოენთო, წამოეწია, აღვირში მისწედა, ძირს ჩამოხტა,  
მაქსიმი უზანგიდან გაათავისუფლა.

— მაქსიმ, მაქსიმ! — ჩასძახა მუხლებზე ჩაჩოქილმა და თავი წამოუ-  
წია, — ხომ ცოცხალი ხარ, ჩემო ძმადნაფიცო? თვალი გაახილე, ხმა გა-  
მეცი!

მაქსიმმა დანისლული თვალეები გაახილა და თავადისკენ გაიწვინა  
ხელები.

— მშვიდობით, ჩემო ძმადნაფიცო! არ გვეღირსა ერთად ცხოვრება.  
შენ ერთმა მაინც აასრულე, რის გაკეთებაც ორთავეს გვსურდა!

— მაქსიმ, — უთხრა სერებრიანიმ და მომაკვდავის გაზურებულ  
შუბლს ეამბორა, — ანდერძად ხომ არაფერს დამიტოვებ?

— ჩემი უკანასკნელი სალაში გადაეცი დედაჩემს, უთხარი, რომ მის  
ხსენებაში დავლიე სული...

— ვეტყვი, მაქსიმ, ვეტყვი, — მიუგო სერებრიანიმ, რომელიც ცრემ-  
ლებს ძლივს იკაუებდა.

— ჯვარიც, — განაგრძობდა მაქსიმი, — ის, რომელიც მე მაქვს, მას  
გადაეცი... ჩემი კი თვითონ ატარე შენი ძმის სახსოვრად...

— საყვარელო ძმაო, — უთხრა სერებრიანიმ, — კიდევ ხომ არაფერს  
ინახავ გულში? ვისიმე ტრფობა ხომ არ მიგყვება? ნუ გერცხვინება, მაქ-  
სიმ, დედის გარდა, კიდევ ვისი დარდი გაწუხებს?

— ჩემი სამშობლოს დარდი მაწუხებს, კურთხეული რუსეთის დარ-  
დი! დედაზე ნაკლებ არ მყვარებია ჩემი ქვეყანა, სხვა ტრფიალება კი არ  
მქონია!

მაქსიმმა თვალეები დახუჭა. სახე უხურდა, სუნთქვა გაუხშირდა.

რამდენიმე წამს ასე იყო, მერე კვლავ თავადს მიაპყრო შზერა.

— ძმაო, — უთხრა მან, — წყალს რომ დამალევიანებდე, სულს მოვით-  
ქვამდი, კამკამა ცივ წყალს!

მდინარე იქვე იყო; თავადი წამოდგა, ჩაფხუტით წყალი ამოხაა და  
მაქსიმს მიაწოდა.

— ახლა თითქოს შეება ვიგრძენი, — თქვა მომაკვდავმა. — აბა ერთი წამომაყენე, მინდა პირჯვარი გადავისახო!

თაყაღმა მაქსიმე წამოაყენა. მან ჩამქრალი მზერა მოავლო მიდამოს, გაქცეული თათრები დაინახა და გაიღიმა.

— ხომ ვამბობდი, ნიკიტა რომანიჩ, ღმერთი ჩვენსკენაა-მეთქი, უყუ-რე, როგორ მიმოფანტულან... მე კი უკვე თვალთ მიბნეულდება... ეჰ, არ მინდოდა ახლა სიკვდილი!..

მაქსიმს პირიდან სისხლი წასკდა.

— ღმერთო, შენ მიიბარე სული ჩემი! — ამოთქვა მაქსიმმა და უსუ-ლოდ დავარდა მიწაზე.

## XVII ტ ა ვ ი

### ბ ა ს მ ა ნ ო ვ ი

ბასმანოვის ხალხი და ყაჩაღები სერებრიანის შემოეხვივნენ.

თათრებმა მწარე დამარცხება იგემეს, ბევრი მათგანი ტყვედ ჩაბარდა, სხვები გაიქცნენ. მაქსიმს სამარე გაუთხარეს და პატივით დაასაფლავეს. ამასობაში ბასმანომა მდინარის პირას თავისი სპარსული კარავი და-ადგმევინა, ხოლო მისმა მსახურთუფროსმა, ლაშქრის ერთ-ერთმა მე-თაურთავანმა, სერებრიანის მოახსენა, ბოიარა სალამს გიძღვის და გთხოვს ნუ იუკადრისებ სალაშქრო სადილსო.

ბასმანოვი, უკვე თმადავარცხნილი და სურნელნაპკურები, აბრეშუმის ბალიშებზე წამოწოლილიყო და სარკეში იცქირებოდა, რომელიც მის წინ მუხლებზე ჩაჩოქილ ყმაწვილ ჯილაღდარს ეჭირა ხელში. ბასმანო-ვის გარეგნობა ცბიერების, მედიდურობის, ნებიერი გარყვნილებისა და ლალი სიმამაცის უცნაური ნარევი იყო; და ამ ნარევეში ის არაკეთილ-მოსურნეობაც იგრძნობოდა, რომელიც მუდამ და ყოველთვის ემჩნეოდა ოპრიჩნიკს ზემშჩინელის დანახვისას. ბასმანოვი გუნებაში ვარაუდობდა, სერებრიანის უნდა ვეპულდო, და ახლაც კი, მასპინძლობის წესის აღ-სრულებისას, იმაზე ფიქრობდა, როგორ მიეზლო სამაგიერო სტუმრის-თვის, თუ ვინიცობაა იგი ამ სიძულვილს აგრძნობინებდა. კარავში შე-მოსულ სერებრიანის ბასმანოვი თავის დახრით მიესალმა, მაგრამ აღ-ვილიდან არ დაძრულა.

— დაჭრილი ხარ, ფიოდორ ალექსეიჩ? — გულუბრყვილოდ ჰკითხა სერებრიანი.

— არა, დაჭრილი არა ვარ... — მიუგო ბასმანოვმა, რომელმაც დაცინვად მიიჩნია ეს სიტყვები და გადაწყვიტა ურცხვობით მიეზლო სამაგიერო, — არა, დაჭრილი არა ვარ, ოღონდ ცოტა შევღონდი და, მგონი, სახეც დავიწვი მზეზე; როგორ ფიქრობ, თავადო, — დაურთო მან, თან სარკეში იცქირებოდა და მარგალიტის საყურეებს ისწორებდა, — როგორ ფიქრობ, მალე გადამივა ნამზეური?

სერებრიანიმ არ იცოდა, რა ეპასუხნა.

— აფსუს, — განაგრძობდა ბასმანოვი, — ღლეს აბანოში ვეღარ მოვასწრებთ, ჩემ მამულამდე ბარე ოცდაათიოდე ვერსი იქნება; ზვალ კი, თავადო, გთხოვ მეწვიო, ღღევანდელზე უკეთ გიმასპინძლებ, ჩემს მროკველებს გაჩვენებ: სულ საგანგებოდ დარჩეული გოგოები მყავს, ბიჭები კი — ყველაზე უფროსი ოცი წლისაც არ იქნება.

ამას რომ ამბობდა, ბასმანოვი ძლიერად იჩლექდა ენას.

— მადლობელი ვარ, ბოიარო, მე სლობოდაში მივიჩქარი, — ცივად უპასუხა სერებრიანიმ.

— სლობოდაში? მაგრამ, შენ, მგონი, ციხიდან გაიქეცი?

— კი არ გავიქეცი, ფიოდორ ალექსეიჩი, ძალით გამიტაცეს. რახან აღუუთქვი მეფეს, ჩემით არსად წავიდოდი. ჰოდა, ახლა კვლავ მას ვაბარებ ჩემს ბედს.

— შენ, გეტყობა, სახრჩობელა მოგნატრებიან? თუმცა რა, კაცია და გუნებო! აი მე კი აღარ ვიცი, დავბრუნდე თუ არა?

— მაგას რათ ამბობ, ფიოდორ ალექსეიჩი?

— რატომ არ უნდა ვამბობდე, — თქვა ბასმანოვმა სინანულით ან, იქნებ, მხოლოდ იმ განზრახვით, რომ სერებრიანის ნდობა მოეპოვებინა, — თავდაუზოგავად ემსახურები მეფეს, სულს და ხორცს მას ანაცვალებ, ის კი, ვითომ არაფერიო, ერთ მშვენიერ ღლეს ვიღაც გოდუნოვს წამოგასკუპებს თავზე!

— მაგრამ შენ, მგონი, გწყალობს მეფე.

— მწყალობს! აგერ აქამდე ოკოლნიჩობაც არ მადირსა. ჰოდა, რათა მერე, მე თუ არა ვარ მისი ყურმოჭრილი მონა, მამ სხვა ვინლა? ერთბაშად გოდუნოვი არ ემსახუროს ჩემებურად. ეგ თავს უფროთხილდება, აქაოდა ზემშინელებმა ცუდი არაფერი იფიქრონ ჩემზეო. — ეი, ბორის, საწამებელში გასწი, ბოიარი დაჰკითხე! — მივდივარ, ხელმწიფე, ოღონდ ვაითუ გამაცუროს იმან, არა ვარ ამ საქმეს ჩვეული, გრიგორი ლუკიანიჩსაც უბრძანე ჩემთან წამოვიდეს! — ეი, ბორის, ეგერ იმ მაგიდასთან ზემშინის ბოიარი ცოტას სვამს, ღვინო მიართვი იმას, გამიგე? — გაგიგე, ხელმწიფე, ოღონდ იმას რაღაც ეჭვი აქვს ჩემზე, სჯობდა ფედკა



ბასმანოვი გაგეგზუნა! — ფედკა კი არაფერს ირიდებს, საითაც გაგზავნიან, იქით მიდის. ოღონდ კი მეფემ თვალი უყოს — ღვიძლ ძმას შეასმევს სამსალას და არც იკითხავს, რისთვის და რატომო. გახსოვს, მაშინ ივან ვასილევინისკან მოკითხული თასი რომ მოგაწოდებ? მე მეგონა სამსალიანი იყო ის თასი, ღმერთმანი, ასე მეგონა, თავადო!

სერებრიანიმ ჩაიცინა.

— ახლა ისიც იკითხოს... — განაგრძობდა ბასმანოვი, თითქოს უფრო მეტი თავხედობისთვის წაქეზებული, — ისიც იკითხოს, სად იპოვის ჩემზე ლამაზ მსახურს? გინახავს, თავადო, ვინმე ჩემნაირი წარბების პატრონი? რით არ არის ეს წარბები სიასამურის? ახლა თმები? ერთი შეავლე ხელი, თავადო, მოსინჯე, ნამდვილი აბრეშუმი... ღმერთმანი, აბრეშუმი!

სერებრიანის ზიზღი გამოეხატა სახეზე. ბასმანოვმა შენიშნა ეს და კვლავ თავისებურად განაგრძო, თითქოს სტუმრის გაღიზიანება სურსო:

— ახლა ჩემს ხელებს არ იკითხავ? ნახე, თავადო, რით არ არის ეს ქალწულის ხელი? ოღონდ, დღეს დავიკოჟრე ცოტათი. რას იზამ კაცა, ასეთი ზნე მაქვს, ყველაფერში თავდაუზოგავი ვარ!

— მართლაც თავდაუზოგავი ხარ, — უთხრა სერებრიანიმ, რომელიც უკვე აღშფოთებას ვეღარ იკავებდა. — თუ ყველაფერი მართალია, რასაც შენზე ამბობენ...

— მაინც რას ამბობენ ჩემზე? — აღარ დააცალა ბასმანოვმა და ცბიერად მოჭუტა თვალები.

— კაცმა რომ თქვას, ისიც საკმარისია, რასაც თვითონ ამბობ; ისე კი ლაპარაკობენ, რომ, ღმერთო ნუ მიწყენ, გოგოსავით კაბაგადაცმული ცეკვაე მეფის წინაშე!

ბასმანოვს აღმური წაეკიდა სახეზე, მაგრამ ამჯერადაც მისთვის ჩვეული ურცხვობა მოიშველია.

— მერე რა, — თქვა მან და უღარდელი იერი გამოისახა, — თუ მართლაც ვცეკვაე?

— მაშინ, ნახვამდის, — უთხრა სერებრიანიმ, — მე არათუ შენთან პურის ჭამა, შენი ცქერაც კი მერცხვინება!

— აჰა! — შეჰყვირა ბასმანოვმა და ერთბაშად გაუქრა მოგონილი უღარდელობა, თვალებიც წამოენთო, ენის ჩლეკაც გადაავიწყდა, — აჰა! ბოლოს მაინც დაგცდა! კარგად ვიცი, რასაც თქვენ ფიქრობთ ჩემზე! ჰოდა, მართალი თუ გინდა, ჩემდათვად მიმიფურთხებია თქვენთვის სუყველასთვის!

სერებრიანიმ წარბები შეჰყარა და უნებლიეთ ხმლის ვადისკენ წაუ-

ვიდა ხელი, მაგრამ წიაგონდა, ვისაც ელაპარაკებოდა, და მხოლოდ მხრები აიჩინა.

— რაო ვითომ, ხმლისკენ რომ გაგიბის ხელი? — განაგრძობდა ბასმანოვი. — მაგით ვერ შემაშინებ, შვილოსან. თუ მეც ხმალი ავიღე, მაშინ ვნახავთ, ვის რა დღე დაადგება ჩვენ ორში!

— მშვიდობით! — უთხრა სერებრიანიმ და კარვის კალთა გადასწია, რომ გასულიყო.

— ყური მიგდე! — შეჰყვირა ბასმანოვმა და ხიფთანის კალთაში სწვდა თავადს, — სხვა ვინმეს რომ შეეხედა ჩემთვის მაგნაირი თვალებითა, ღმერთია მოწამე, არ ვაპატიებდი, მაგრამ შენთან ჩხუდი არ მინდა! ერთობ მარჯვედ ჩეხავ თათრებს!

— არც შენ ყოფილხარ ჯაბანი... — გულკეთილად უთხრა სერებრიანიმ, რომელსაც უცებ გაახსენდა, როგორ იბრძოდა ბასმანოვი, და გასასვლელში შეჩერდა, — არც შენ ჩეხავდი ურჯულოებს ჩემზე ნაკლებად. ჰოდა, რა არი, კვლავ მანჭვა-გრეხა რომ მოგიწინა, თათქოს ვილაც კოკობზიკა იყო!

ბასმანოვს კვლავ უდარდელი იერი დაედო სახეზე.

— კარგი, ჰო, ნუ ჯავრობ, თავადო! მე განა მუდამ ასეთი ვიყავი; სლობოდაში კი, შენც იცი, ძალაუნებურად დაეჩვევი კაცი ყველაფერს!

— ღმერთს ნუ სტოდავ, ფიოდორ ალექსეიჩი! როცა ცხენზე ზიხარ, ხმალამოწვდილი, გული ხარობს, შენი მაყურებელი; სიმამაცეც გამოიჩინე დღეს, არაფერი სჯობდა შენს ყურებას. ჰოდა, ბარემ დაივიწყე ეგ დიაცური საქციელი, თმა შეიკრიჭე, როგორც ღმერთს უბრძანებია, კიევში ან სოლოვეცში წადი მოსანანიებლად და ქრისტიანი დაბრუნდი მოსკოვს.

— კარგი, ნუ ბრაზობ, ნუ ბრაზობ, ნიკიტა რომანიჩი! დაჯექა, ჩემთან ისადილე, ძალდი ხომ არა ვარ, მართლა და მართლა, ჩემზე უარესებიც იპოვებინა; ესეც არა, განა ყველაფერი მართალია, რასაც ჩემზე ამბობენ; ხმებს ნუ აჰყვები. ჯავრიან გულზე ზოგჯერ თვითონაც ეუგონებ ხოლმე საკუთარ თავს ზოგ-ზოგ რაღაცებს.

სერებრიანის შვება აგრძნობინა იმან, რომ საშუალება მიეცა უფრო კარგი თვალით შეეხედა ბასმანოვის საქციელისთვის, და სწრაფად ჰკითხა მასპინძელს:

— მაშ დიაცის კაბით შენი ცეკვის ამბავი მოგონილია?

— ეჰ, ნეტავ რას ჩააცვდი ამ დიაცის კაბას! ხომ არ გგონია, მეხალისებოდეს იმისი ჩაცმა! განა არ იცნობ მეფეს? ან ისედაც, წმინდანობას ვაპირებ, თუ რა? უმაგისოდაც, იცოცხლე, ვმარხულობ სლობოდაში

მის საამებლად; ერთი ცისკრის ლოცვაც არ გამიცდენია; ყოველ ოთხშა-  
ბათობითა და პარასკეობით ას-ასჯერ მაინც ვმეტანიობ მუხლმოდრე-  
კილი; მიკვირს, აქამდე შუბლი როგორ არ გავიხეთქე! აბა ერთი შენ გა-  
მოსცადე მთელი კვირაობით სტიქარში სიარული და ნახავ მაშინ, თუ  
გაბეზრებულმა თვითონაც არ გადაიცვა ღიაციის კაბა.

— უმალ თავსაკეთე კუნძზე დაუდებდი თავს! — თქვა სერებრიანიმ.

— ვითომ? — დამცინავად წარმოთქვა ბასმანოვმა, ბოროტი მხერა  
შეავლო თავადს და მინდობილად განაგრძო: — ხომ არ გგონია, ნიკიტა  
რომანიჩ, მსიამოვნებდეს, მეფის წყალობით უკვე ფიოდორს კი არა, ფე-  
დორას რომ მემახიან? რამე სარგებელი რომ მქონდეს ამისგან, კიდეც  
ჰო! მაგრამ სარგებელი მთლად მისია, მე კი მხოლოდ შერცხვენა მრჩე-  
ბა! აი თუნდ ამასწინებზე, დოროგომილოვის სლობოდაზე ჩავიარე, გლე-  
ხუჭები კი თითს იშვერდნენ ჩემკენ, ხოლო ვიღაცამ კიდეც დაიყრანტა-  
ლა: „აგე, მეფის ფედორა მოდისო!“ იცოცხლე, დავედევნე იმათ, მაგრამ  
გამექცნენ. მივედი მეფესთან, ვეუბნები: ასე და ასეა-მეთქი, ნუ დაანებებ  
დოროგომილოველებს შენი მონა-მსახურის აბუჩად აგდებას, აგერ ერთ-  
მა იმათგანმა უკვე ფედორა დამიძახა-მეთქი. „მერმე ვინ დაგიძახაო?“ —  
ეგ რომ ვიცოდე, განა შენ შეგაწუხებდი ჩივილით; თვითონვე გამოვლად-  
რიდი-მეთქი ყელს. „მაშ, წადიო, მეუბნება, სიასამურის ბეწვი აიღე ჩე-  
მი საჭურჭლედან სათბუნებელისთვისო“. — რა ჭირად მინდა-მეთქი! ჰაი  
დედასა, გოდუნოვს ალბათ არც აკადრებდი სათბუნებელის ჩაცმას, მე კი  
აბა რითი ვარ იმაზე ნაკლები-მეთქი? „მაშ რა გსურს, ფედია, რა გიწყა-  
ლობოო?“ — რა მსურს, და ოკოლნიჩობა მიბოძე, რომ ხალხი პირში ვე-  
ლარ მძრახავდეს-მეთქი! „არაო, მეუბნება, ოკოლნიჩობას ვერ ეღირსე-  
ბიო; შენ ჩემი შემაქცევარი ხარ, გოდუნოვი კი მრჩეველიო; შენ ხაზინა,  
იმას კი პატივიო. ხოლო დოროგომილოველებმა რომ ფედორა დაგიძა-  
ხეს, ამისთვის მთელი სადოროგომილოვო ჩემს სამეფო მფლობელობაში  
გადმოიწეროსო!“ აი რა ფასი აქვს მის შემაქცევარს! თუმცა რა, მას  
აქეთ, რაც მოსკოვი დავტოვეთ, შექცევაც არ გვღირსებია. სულ ემარ-  
ხულობთ და ვლოცულობთ. მოწყენილობით ილაჯამაწყდარმა, სამკვიდ-  
რო მამულში დაბრუნება ვთხოვე, მაგრამ იქაც მომბეზრდა. მთელ ცხოვ-  
რებას კურდღლებსა და მწყერებზე ნადირობას ხომ ვერ გადააყოლებე კა-  
ცი! ღმერთმანი, გამიხარდა კიდეც, თათრების ამბავი რომ მოვიდა.  
იცოცხლე, კარგად კი დავცხუთ იმათ, ღმერთმანი, კარგად! ტყვეებსაც  
ბლომად მივრეკავთ მოსკოვს! ჰო, კინალამ დამაეიწყადა ეგ ტყვეები!  
მშვილდის სროლა თუ იცი, თავადო?

— რათ მეკითხები?

— ისე. ნასადილევს თათარი მივაბათ ასიოდ ნაბიჯზე და გავეჯრბროთ: პირველად რომელი მოვარტყამთ გულში. რაც გულს ასცდება, არ ითვლება. თუ მოკვდა, სხვას მივაბამთ.

სერებრიანის უბოროტო სახე მოედრუბლა.

— არა, — უთხრა მან, — გათოკილ კაცს მე არ ვესვრი.

— მაშინ გაქცევა ვუბრძანოთ: ვინც პირველი წააქცევს გაქცეულს.

— არც მაგას ვიზამ, და შენც არ დაგანებებ! მადლობა ღმერთს, აქ ალექსანდრეს სლობოდა არ არის!

— არ დამანებებ? — შეჰყვირა ბასმანოვმა და კვლავ წამოენთო თვალები, მაგრამ, ეტყობა, გუნებაში არ ჰქონდა ახლა თავადთან ჩხუბი, ამიტომ უეცრად შეიცვალა საქციელი და მხიარულად უთხრა: — ეჰ, თავადო! განა ვერ ხედავ, რომ გეხუმრები? დიაცის კაბის ამბავიც კი დაიჯერე! აი უკვე ნახევარი საათია ვქილიკობ, შენ კი ყველაფერს, რასაც ვამბობ, სიმართლედ მიიჩნევ! ჰოდა, რომ იცოდე, შენზე მეტად მომძაძულა თავი სლობოდის ჩვეულებებმა! შენ გგონია, გულზე მახატია გრიანზონი, ან ვიაზემსკი, ან მალიუტა? ღმერთს გეფიცები, ეკალივით მჩხვლეტს თვალში მაგათი დანახვა! ყური მიგდე, თავადო, — შემპარავად განაგრძო მან, — იცი რას გეტყვი? მოდი, ჯერ მე მადროვე სლობოდაში მიბრუნება, მეფეს შენს პატიებას გამოვთხოვ, ზოლო როცა კვლავ მის წყალობას ეღირსები და დაგიახლოვებს, მაშინ შენც გამიწიე სამაგიერო სამსახური. საკმარისია ერთი-ორი სიტყვა უჩურჩულო მეფეს ჯერ ვიაზემსკიზე, მერე მალიუტაზე, მერე კიდევ სხვებზეც, და ნახავ, თუ მართო მე და შენ არ დავრჩეთ მის სიახლოვეს. ვისზე რა ვუთხრა, იცოცხლე, მე თვითონაც არ შემეშლება, ოღონდ სჯობს ჩემგან კი არა, სხვისგან გაიგონოს. ფიქრი ნუ გაქვს, მე გასწავლი, რა და როგორ ელაპარაკო, მერე თვითონ მეტყვი მადლობას.

უცნაური გრძნობა იპყრობდა ბასმანოვის მაცქერალ სერებრიანის ამ კაცის სიმაძაქე და თავისი სამარცხვინო ცხოვრების გამო ყრუ წუხილი მისდამი თანაგრძნობას უღვიძებდა თავადს. ერთი პირობა ღამის ისიც იფიქრა, აქამდე ბასმანოვი მართლაც ხუმრობდა ან ბოლმისგან ჭორავდა საკუთარ თავსო, მაგრამ ბოლო წინადადება, რომელიც, ეტყობა, სახუმაროდ არ იყო ნათქვამი, ადრინდელი ზიზღი გაუღვიძა სერებრიანის.

— აბა, — თქვა ბასმანოვმა და უტიფრად შეაცქერდა თვალებში, — რას იტყვი, თანაბრად გავინაწილოთ მეფის წყალობა? რას გაჩუმებულხარ, თავადო? იქნებ არ გჯერა ჩემი?

— ფიოდორ ალექსეიჩი... — უთხრა სერებრიანიმ, თან ცდილობდა აღ-

შვოთება დაეკებინა და რაც შეიძლება თავანაიანი ეოვილიყო მასპინ-  
ქელთან, — ფიოდორ ალექსეინ, რასაც შენ მთავაზობ, ეგ ხომ... აბა რო-  
გორ ვითხრა?.. ეგ ხომ...

— ჰო, რაო? — ჰკითხა ბასმანოვმა.

— ეგ ხომ სიმდაბლეა! — ამოთქვა სერებრიანიმ და გუნებაში გაიფიქ-  
რა, რაცი ხმა შეევარბილე, ამიხ ჩემი ნათქვამიც შევალამაზო.

— სიმდაბლეა! — გაიმეორა ბასმანოვმა და შეეცალა გაოცების ნიღაბ-  
ში დაეძალა ყელს მოწოლილი სიბრაზე. — შენ, ჩემო კარგო, ხომ არ გა-  
ვიწყდება, ვისზე გელაპარაკები? განა რამე გწამს ვიაზემსკის ან მალი-  
უტასი?

— ღეთის რისხვაც დასტყდომია მაგათ და მთელ ოპრინინასაც! —  
უთხრა სერებრიანიმ. — ნეტავ მეფემ მათქმევინოს და თვითონ იმათ  
თვალწინ ვეტყვი დაუფარავად ყველაფერს, რასაც ვფიქრობ და რაც ვი-  
ცი, მაგრამ წურში ჩურჩულს კი არავიზე არ დაუწყვებ, მით უმეტეს, შე-  
ნი რწვეით, ფიოდორ ალექსეინ!

შხამიანმა მზერამ დაჰკვესა ბასმანოვის თვალებში.

— მაშ არ გინდა ჩემთან გაინაწილო მეფის წყალობა?

— არა, — მიუგო სერებრიანიმ.

ბასმანოვმა თავი ჩაჰკიდა, ორივე ხელი ზელ წაივლო და აქეთ-იქით  
რწვეა დაიწყო.

— ვაი შენ, ობოლო ჩემო თავო, ობოლ-ოხერო! — გაბმით წამოიწყო  
მან, თითქოს მოსთქვამსო, — ობოლი ვარ, ბედშაეი, ბედუკულმართი! მას  
აქეთ, რაც მეფემ გადამიყვარა, ყველა იმის ცდაშია, რამენაირად დამჩაგ-  
როს და დამიბრიყვოს! კაცი არ არის ამ ქვეყნად, მომეფეროს, ალერსი  
გამოიმეტოს, მხოლოდ ფურთხი ემეტებათ ჩემთვის, სხვა არაფერი! ვაი  
ამ ყოფას, გაუზარელ, უმაღურ ყოფას! უკვე მომბეზრდი, ძალღურო ყო-  
ფაე! სარტყელს შევიხსნი, კადონზე გამოვაბამ და ყულფში გავყოფ ამ  
ბედოვლათ თავს!

სერებრიანი გაოცებით შეჰყურებდა ბასმანოვს, რომელიც ისე მოს-  
თქვამდა და ჰგოდებდა, როგორც მოზარე დედაკაცები მიცვალებულებზე,  
და მხოლოდ დროდადრო, მალულად, აპარებდა უტიფარ მზერას თავა-  
დისკენ, თითქოს იმის შეტყობა სურდა, აბა, რა შთაბეჭდილება მოვახ-  
დინეო.

— ფუჰ! — თქვა ბოლოს სერებრიანიმ და გასვლა დააპირა, მაგრამ  
ბასმანოვი კვლავ კალთაზე წაეპოტინა.

— ჰეი! — დასძახა მან. — მომღერლებს უხმეთ!

კარავში რამდენიმე კაცი შემოილაღა. ისინი, ალბათ, გარეთ ელოდე-

ბოდნენ მის დაძახილს. ამ ხალხმა გასასვლელი გადაუღობა სერებრი-  
ანის.

— ძმებო, — დაიწყო ბასმანოვმა იმავე მტირალა ხმით, — აბა ერთ-  
სიმღერა დააკენესეთ, ნაღვლიანი სიმღერა, ისეთი, რომ სული დამი-  
დარდიანოს, ამიფორიაქოს და სხეულს გამაცალოს!

მომღერლებმა გაბმით წამოიწყეს გრძელი, სევდიანი სიმღერა, სულ-  
თათანასავით, ბასმანოვი კი ჰანგის აყოლებით ნელ-ნელა ირწეოდა აქეთ-  
იქით და გაიძახოდა:

— უფრო სევდიანად, უფრო მკენესარედ! კიდევ უფრო მკენესარედ,  
ძმებო! წესი აუგეთ თქვენს ბოიარს, გამოიტირეთ! აი ასე! აი ეგ მომ-  
წონს! ბიჭოს, რატომ არ ეცლება, ნეტავ, ეს ჩემი სული ამ ოხერ სხე-  
ულს? თუ, აერ კიდევ არ დამდგარა მისი საათი? ნუთუ ჯერ კიდევ მი-  
წერია ქვეყნად ჯახირი? ჰოდა, თუ მიწერია, მაშინ ბარემაც ვიჯახირო!  
თუ დათქმული მაქვს კიდევ სიცოცხლე, ბარემ ვიცოცხლო! საცეკვაო! —  
უცებ დასჭყვილა მან, ყოველგვარი შემზადების გარეშე, და ამგვარ ფე-  
რისცვალებას ნაჩვევმა მომღერლებმაც საცეკვაო დააგუგუნეს. — აბა,  
ცოცხლად! — ყვიროდა ბასმანოვი, რომელმაც ახლა ვერცხლის სასმისე-  
ბი აიტაცა ორივე ხელში და ერთმანეთს ახლიდა მათ: — უფრო ცოცხ-  
ლად, შევარდნებო! ცოცხლად-მეთქი, თქვე ეშმაკის ნაშიერებო! მე თქვენ  
გინევენებთ, ყაჩაღებო!

ბასმანოვს სულ შეეცვალა გარეგნობა. დედაკაცური იერის ნასახილ  
აღარ შერჩა სახეზე. სერებრიანიმ ის მამაცი იცნო, რომელიც დილით  
სწორედ იქ ეძალებოდა, სადაც უწყალო ხოცვა-ჟლეტა იყო გაჩაღებუ-  
ლი, და ფარასავით მიდენიდა ლტოლვილ თათრებს.

— აი ეს უკვე სხვა ამბავია! — ჩაილაპარაკა თავადმა და მოწონებით  
დაიქნია თავი.

ბასმანოვმა მხიარულად გადმოჰხედა მას.

— შენ კი წელანაც დაიჯერე ჩემი, თავადო! გეგონა, მართლა ვიცრემ-  
ლებოდი! ეჰ, ნიკიტა რომანიჩ, რა იოლია შენი გაცურება! მაშ, მოდი,  
ჩვენი გაცნობისა დაველიოთ. თუ ერთად ვიქნებით, ნახავ, რომ ის არა  
ვარ, რაც შენ გეგონე!

უზრუნველმა ღრეობამ და შმაგმა მხიარულებამ გული აუჩქროლა  
ნიკიტა რომანოვიჩს. მან თასი ჩამოართვა ბასმანოვს.

— შენსას რას მიხვდება კაცი, ფიოდორ ალექსეიჩი! არც შევხვედრი-  
ვარ ოდესმე შენნაირს. რა გითხრა, ეგებ, მართლაც კი ხარ იმაზე უკე-  
თესი, როგორიც ჩანხარ. აღარც ვიცი, რა ვიფიქრო შენზე, მაგრამ

ღმერთმა ბრძოლის ველზე შეგვახვედრა ერთმანეთს და რახან ასე მოხდა: შენი დღეგრძელობისა იყოს!

და თავადმა ძირამდე დასცალა თასი.

— ასე, თავადო! ასე, ჩემო სულს და გულს! ხედავს ღმერთი, რომ მიყვარხარ! ახლა ეს ერთი სასმისიც ავწიოთ და რუსთა მიწაზე ყველა თათრის გადაშენების დავლიოთ ბარემ!

სერებრიანი კარგი მსმელი იყო, მაგრამ მეორე სასმისმა გონება დაუბინდა. სასმელი იყო ჩვეულებრივზე უფრო მათრობელა თუ ბასმანოვმა შეურია რამე, ვინ რა იცის, მაგრამ თავადს კი თავბრუ დაესხა; თავბრუ დაესხა და უკვე ვეღარაფერს ვეღარ ხედავდა; ყურში კი კვლავ ჩაესმოდა შმაგი სიმღერა, ზედ აყოლებული სტვენა, ფეხების ბაკუნი და ბასმანოვის შეძახილები:

— ცოცხლად, ბიჭვებო! გეძინებათ თუ რა დაგემართათ? ვის ასაფლავებთ, ქურდ-ბაცაცებო!

როცა სერებრიანი გონს მოეგო, კვლავ გაისმოდა სიმღერა, მაგრამ თვითონ ფეხზე აღარ იდგა, სპარსულ ბალიშებზე იყო წამომჯდარი თუ წამოწოლილი. ბასმანოვი კი თავისი ჯილავდარის დახმარებით ცდილობდა ქალის კაბა ჩაეცმია მისთვის.

— ჩაიცვი ბარემ შენი ხიფთანი, ბოიარო! — ეუბნებოდა ის, — უკვე აგრილდა, ვაითუ შეგცივდეს!

ამასობაში მომღერლებმა ერთი მუხლი ჩაათავეს და ახლა სულს იბრუნებდნენ.

სერებრიანის ჯერ კიდევ უჭრელდებოდა თვალები, გონებაც მთლად არ დაწმენდოდა, და უკვე აპირებდა კაბის ჩაცმას, რომელიც მართლა ხიფთანი ეგონა ბურანში მყოფს, რომ წამიერ სიჩუმეში გაბმული ყმუილი გაისმა.

— ეს რაღაა? — ბრაზიანად იკითხა ბასმანოვმა.

— ქოფაკი ყმუის სკურატოვის საფლაგზე! — უპასუხა ჯილავდარმა, რომელმაც ყმუილის გაგონებისთანავე გაჰყო თავი კარეიდან.

— აბა მომანოდე მშვილდ-ისარი, მე მაგას ვასწავლი ყმუილს, როცა ჩვენ აქ სტუმართან ეილხენო.

მაგრამ სკურატოვის ხსენებაზე სერებრიანი მთლად გამოფხიზლდა:

— მოიცა, ფიოდორ ალექსეიჩი, — თქვა მან და წამოდგა, — ეგ მაქსიმის ბუიანია, ხელი არ ახლო; ჩემი ძმადნაფიცის საფლაგზე მიხმობს; მეტიხმეტად გავერთე შენთან ქეიფით; ნახვამდის, უკვე დროა გზას გაუღაპე!

— ბარემ ხიფთანი ჩაგეცვა ჯერ, თავადო!

— საჩემოდ არ შეუკერავთ ეგ, — უთხრა სერებრიანიმ, რომელმაც უკვე გამოიცნო ღიაციხის კაბა, ბასმანოვს რომ ეჭვითა გამოწვდილ ხელში, — თვითონ ატარე, როგორც აქამდე გიტარებია.

ეს რომ თქვა, პასუხსაც არ დალოდებია, გააფურთხა და კარვიდან გავიდა.

მიმავალს ბასმანოვის წყევლა-კრულვა, გინება და უღვთო მუქარა ესმოდა; მაგრამ თავადს ყურადღება არ მიუქცევია მათთვის, მაქსიმის საფლავთან მივიდა, მუხლი მოიყარა, ღმერთს შეავეღრა მისი სული, გამოეთხოვა მძაღნაფიცს და ბუიანის თანსლებით მიაშურა ყაჩაღებს, რომლებსაც პერსტენის მეთაურობით უკვე კოცონები აეგინგზებინათ და, ცეცხლის პარას მიწოლილებს, ძილისთვის მიეცათ თავი.

## XXVIII თ ა ვ ი

### ბ ა ნ უ რ ე ბ ა

ირიურაჟა თუ არა, პერსტენმა მაშინვე წამოშალა ბრბო.

— ბიჭებო! — უთხრა ყაჩაღებს, როცა ყველამ მასთან და თავადთან მოიყარა თავი, — აი თქვენთან განშორებას საათიც ღამიღვა. ნაზვამლის, ბიჭებო! კვლავ ვოლგაზე მივდივარ. ავად ნუ მომიგონებთ, თუ თქვენთვის რაჟე ღამიშაეებია.

და პერსტენმა მღაბლად დადრიკა თავი ყაჩაღების წინაშე.

— ატამანო! — ერთხმად ალაპარაკუნენ ტყის შვილები: — ნუ მიგვატოვებ! აბა სად უნდა წავიდეთ უშენოდ?

— თავადს გაჰყევით, ბიჭებო. გუშინდელი საქმით უკვე გამოისყიდეთ თქვენ-თქვენი დანაშაული; შეგიძლიათ კვლავ იმაღ იქცეთ, რაც წინათ იყავათ; ხოლო თავადი არ მიგატოვებთ თქვენ!

— მამაცებო, — წარმოთქვა სერებრიანიმ, — მე ფიცით აღვუთქვი მეფეს, რომ მის სამართალს არ გავექცეოდი. თქვენც იცით, ჩემი ნებით არ წამოვსულვარ საპყრობილედან. ჰოდა, ახლა ჩემი სიტყვა უნდა ავასრულო, მეფესთან წარვსდგე მის სამსჯავროზე. გსურთ თუ არა ჩემთან წამოსვლა?

— მერმე გვაპატიებს მეფე ჩვენს დანაშაულს? — ჰკითხეს ყაჩაღებმა.

— ეგ ღმერთმა უწყის და სხვამ არავინ; მე კი ტყუილს ვერ გეტყვით. შეიძლება გვაპატიოთ, შეიძლება — არა. იფიქრეთ, მოისაუბრეთ ერთმან-



ნეთში და მერე მითხარით, ვის გსურთ წამოსვლა, ვის კიდეც აქ დარჩენა.

ყაჩაღებმა ერთმანეთს გადახედეს, გვერდზე მიღვნენ და ხმაღაბალი ბჭობა დაიწყეს. ერთხანს იწურწურულეს და მერე კვლავ სერებრიანისთან დაბრუნდნენ.

— მოვდივართ შენთან, თუ ატამანიც წამოვა!

— არა, ბიჭებო, — თქვა პერსტენმა, — მე თხოვნას ნუ დამიწყებთ. თავდასაც რომ არ გაჰყვეთ, სულ ერთია, ჩვენი გზები გაყრილია. მეყოფა, რაც აქ გავერთი, უკვე დროა სამშობლოში დაებრუნდე. ესეც რომ არა, ჩვენ ცოტათი წავკინკლაუდით ერთმანეთში, ერთხელ გაწყვეტილ თოკს კი, როგორც უნდა გადააბა, მაინც კვანძი ექნება. თავადს გაჰყვევით, ბიჭებო, ან არადა სხვა ატამანი ამოირჩიეთ; თუმცა არა, მაინც ისა სჯობს. ჩემი რჩევა ისმინოთ და თავადს გაჰყვეთ; ვერ დავიჯერებ, რომ ჩვენი საქმის მერე მეფემ ან ეგ, ან თქვენ არ შევიწყალოთ!

ყაჩაღებმა კვლავ ბჭობა გამართეს და ხანმოკლე დათათბირების შემდეგ ორ ნაწილად გაიყვნენ. უფრო დიდი ჯგუფი სერებრიანისთან მივიდა.

— გაგვიძებ! — უთხრეს მათ: — დაე ჩვენც ის დღე გველოდეს, რაც შენ მოგელის!..

— კი მაგრამ სხვები რაღას აპირებენ? — იკითხა თავადმა.

— სხვებმა ხლოპკო აირჩიეს ატამანად; ჩვენ არ გვინდა მასთან დარჩენა!

— იქ ვინც მავნე და უნდელი იყო, ისინი დარჩნენ, — უწერწულა თავადს პერსტენმა, — იმათ არც გუშინ გამოუდევიათ თავი ამ ბიჭებივით!

— შენ რაღას იზამ? — უთხრა სერებრიანიმ, — არასდიდებით არ წამოხეალ ჩემთან?

— არა, თავადო, ჩემი ამბავი სხვებისას არ ჰგავს. მე არ მაპატოებს მეფე, მძიმეა მის წინაშე ჩემი ცოდვები. თანაც, რაღა დავიმალო, და უზომოდ მომენატრა ერმაკ ტიმოფეიჩი: უკვე რამდენი წელიწადია აღარ მინახავს. ნახვამდის, თავადო, ნუ დამპრაზავ, კეთილად მომიხსენებდე!

სერებრიანიმ მაგრად ჩამოართვა პერსტენს ხელი და მსურვალედ გადაეხვია მას.

— ნახვამდის, ატამანო, — უთხრა მან, — არ მეთმობა შენი თავი, მწყინს, რომ ვოლგაზე მიდიხარ; ღმერთმანი, სულ სხვანაირი საქმე შეგუფერის!

— ვინ იცის, თავადო, — მიუგო პერსტენმა და უშიშარ თვალებში უცნაური გამომეჩყველება ჩაუღვა, — ღმერთი მოწყალეა, იქნებ ინებოს და ოდესმე ის აღარ ვიქნე, რაც ახლა ვარ!

ყანალები ლაშქრობის სამზადისს შეუდგნენ.

მზე რომ ამოიწვერა, მდინარის ნაპირას უკვე აღარ ჩანდა არც ბას-მანოვის კარავი, არც მისი ხალხი. ფილოდორმა ჯერ კიდევ ღამით წამოშალა ბანაკი, რათა გუშინდელი გამარჯვების ამბავი პირველად თვითონ მიეტანა მეფისთვის.

ამბანაგებთან დამშვიდობებისას პერსტენმა შენიშნა, რომ მიტკა ამოდგომოდა გვერდით.

— აბა, შენც ნახვამდის, დოყლაპიავ! — მხიარულად უთხრა მან: — გუშინ, იცოცხლე, ოთხი კაცის ოდენად გაისარჯე მეფის სამსახურში, ნამდვილად არ აგცდება ხელმწიფის წყალობა!

მაგრამ მიტკამ, თითქოს რაღაც საგონებელშია ჩავარდნილიო, კეფა მოიკეკა.

— ჰა, რაო? — ჰკითხა პერსტენმა.

— არაფერი! — ზანტად მიუგო მიტკამ, თან ერთი ხელით კეფას იქეკავდა, მეორეთი კი წელს.

— ჰოდა, თუ არაფერი, მაშინ კიდევ ნახვამდის! — და პერსტენი უკვე გაცლას აპირებდა, რომ მიტკამ, რომელმაც მთელი გამბედაობა მოიკრიბა, ზღაზვნით უთხრა:

— ატამანო, ჰა ატამანო!

— რაო?

— არ მინდა სლობოდაში წასვლა!

— მაშ სად გინდა?

— სადა და შენთან!

— ჩემთან არ შეიძლება; მე ვოლგაზე მივდივარ.

— ჰოდა, მეც ვოლგაზე წამოვალ!

— კი, მაგრამ თავადთან რატომ არ გინდა?

მიტკამ ცალი ფეხი წინ წადგა და, თითქოს ამ კითხვამ თავგზა აუბნიაო, თავის ქალამანს დააშტერა თვალები.

— შენ, ნეტაი, ოპრიჩნიკებისა ხომ არ გეშინია? — დაცინვით ჰკითხა პერსტენმა.

მიტკა ხან კეფას იქეკავდა, ხან ფერდებს, ხანაც წელს, მაგრამ პასუხს კი ავკიანებდა.

— ვითომ ჯერ არ გინახავს ისინი? — განაგრძობდა პერსტენი: — ხომ არ შეუჭამინხართ, შე კაი კაცო?

— საცოლე წამართვეს! — უხალისოდ ჩაიდუღუნა მიტკამ.

პერსტენს გაელიმა.

— უყურეთ ამას, რა გულღრმო ყოფილა! იმათთან ლუკმის გატეხვა არ სურს! რახან ასეა შენი საქმე, აგერ ხლოპკოს მიემხრე!

— არ მინდა! — გადაწყვეტით თქვა მიტკამ: — შენთან მინდა, ვოლვაზე!

— მე ჯერ სხვაგან მივდიეარ, ჩემო ძმავო!

— ჰოდა, მეც სხვაგან წამოვალ!

— აბა სად სხვაგან?

— სად სხვაგან და, სადაც შენ წახვალ!

— ეჰ, ვხედავ, იოლად არ ჩამომეხსნები! მაშ იცოდე, მე ჯერ სლობოლაში უნდა მივიდე!

— რისთვის? — ჰკითხა მიტკამ და თვალები მიაჭყვითა ატამანს.

— რისთვის! რისთვის! — გამოაჯავრა პერსტენმა, რომელსაც უკვე მოთმინება აღარ ჰყოფნიდა: — იმისთვის, რომ შარშან თხილს ეაკნატუნებლი იქ და ნაჭუჭები დამრჩა.

მიტკამ ჯერ კინალამ გაიოცა, მაგრამ მაშინვე ჩაიციინა და ყურებამდე გაიღრიჭა, ხოლო თვალთა კილოებიდან ისრებივით გაზიდა ნაოჭები საფუთქლებისკენ და სახეზე უზომოდ ეშმაკური იერი დაიდო, თითქოს ის უნდა უთხრას: ცდები, ძმობილო, ასე იოლად ვერ გამასულელებ; კარგად ვიცი, თხილის ნაჭუჭებისთვის კი არა, სხვა რამისთვის რომ მიდიხარ სლობოლაშიო!

მაგრამ მიტკას ეს არ უთქვამს; მან მხოლოდ ერთხელ აჩემებული გაიმეორა ღრეჭით:

— ჰოდა, მეც შენთან წამოვალ!

— აბა რას გახლები კაცი ამასთან! — თქვა პერსტენმა და მხრები აიწეინა. — ჩანს, ეგ აღარ ჩამომეხსნება; დე ასე იყოს, წამოდი ჩემთან, შე პენტერავ, ოღონდ მერე ჩემი ბრალი ნუ იქნება, თუ ვინიცობაა ძელზე დაგვიდეს!

— ჰოდა, დამკიდონ! — გულღრილად მიუგო მიტკამ.

— კეთილი და პატიოსანი! აი მაგისთვის მიყვარხარ! აბა, ახლა სწრაფად დაემშვიდობე ამხანაგებს და გავუდგეთ ჩვენს გზას!

მიტკას მძინარა სახეს სიზალისე არ დასტყობია, მაგრამ იგი მაშინვე შეუდგა ამხანაგებთან დამშვიდობებას: ბაჯბაჯით მიდიოდა რიგრიგობით ეველასთან და, სურდათ თუ არ სურდათ, სამ-სამჯერ ლოშნიდა თითო-ეკულს, ზოგს ნებით, ზოგს ძალით, ზოგს დევის მკლავებში ბუბნიდა, ზოგსაც თავზე ტორებს ავლებდა.

— ატამანო, — უთხრა სერებრიანიმ, — მაშ ჩვენ ერთი გზა გვქონია.

— არა, ბოიარო. სადაც მე გავადწეე, შენ იქ ვერ გაივლი. მე შენზე

ადრე ვიქნები სლობოდაში და, თუ ვინიცობაა შემხვედ კიდევ, არ გამო-  
მეცნაური; თუმცა, ვერ შევხვდებით ჩვენ ერთმანეთს; მე შენს ჩამოს-  
ვლაძლე წავალ იქიდან; ერთი-ორი პატარა საქმე მაქვს მოსაბოლოებე-  
ლი, სხვა არაფერი.

სერებრიანი იმ იაზრა, რომ პერსტენს რაღაც-რაღაცები ჰქონდა და-  
მალული ან ჩაფლული სლობოდის მიდამოებში, და აღარ ჩასძიებია.

მალე ორი რაზმი გაუდგა ვზას ორი სხვადასხვა მიმართულებით.

უფრო დიდი რაზმი სერებრიანის მიჰყვებოდა მღინარის გაყოლებით.  
მწვანე მდელოზე, რომელსაც ჯერაც მრავლად აჩნდა გუშინდელი ბრძო-  
ლის კვალი; რაზმის უკან თავნაქინრდული და კუდამოძუებული ბუიანი  
მილასლასებდა. იგი ხშირ-ხშირად შირბოდა სერებრიანისთან, საწყა-  
ლობლად ყმუოდა და მერე ახალი სამარის ბორცვისკენ იხედებოდა, სა-  
ნამ ბოლოს მაღალმა ლელიანმა არ დაკარგა იგი თვალთახეღვიდან.

მეორე, მცირე რაზმი ხლოპკოს გაჰყვა.

პერსტენი მესამე მხარეს გაუყვა, მის უკან კი აუჩქარებლად, რწვეა-  
რწვევით მილაყუნობდა მიტკა.

დაცარიელდა ფართო ველი და ზედ კვლავ ადრინდელმა მდუმარებამ  
დაისადგურა, თითქოს ბრძოლის ჟრიამულს არც გაეყრუებინოს იქაურო-  
ბა წინდლით. მხოლოდ აქა-იქ ჩანდა უკვე მშვიდად მობალახე, გამოქ-  
ცეული თათრული ცხენები და ნახანძრალეებზე უწესრიგოდ მიმობნეუ-  
ლი აბჯარ-აბგარი. მწვანედ მოხასხასე ნაპირის გაყოლებით, ცის ლაჟ-  
ვარდში კვლავინდებურად წკრიალ-წკრიალით დანავარდობდნენ ტორო-  
ლები, სქელ ლელიანს გადაძახილებით აცოცხლებდნენ მელოტები. ხო-  
ლო პატარა ჩიტუნები ჟიჟივით დაფრთხილებდნენ ლერწმიდან ლერ-  
წამზე ან ჭიკჭიკ-გალობით ასკუბდებოდნენ ფრთიან ისრებს, რომლებიც  
ბრძოლის დროს ჩარჭობოდნენ მიწას და ახლა ისე აშვერილიყვნენ ამ  
მწვანე მდელოებზე, ჭაობის ყვავილებს შორის, თითქოს თვითონაც ყვა-  
ვილები იყვნენ და აქვე იზარდნენ, ღმერთმა უწყის როდიდან.

## XXIX თავი

### პირში წადგოვა

თათრების დამარცხებიდან დაახლოებით ერთი კვირის შემდეგ მეფემ  
თავის საწოლ დარბაზში იწვია ბასმანოვი, რომელიც ის იყო ეახლა რა-  
აზანიდან. იოანემ უკვე დაწვრილებით იცოდა ბრძოლის ამბავი, მაგრამ

ბასმანოვს ეგონა, თვითონ იქნებოდა პირველი მაცნე. ის იმელოვნებდა, სულ თვითონ დაეჩემებინა გამარჯვების მთელი პატივი და გუნებაში ფიქრობდა, ისეთ შთაბეჭდილებას მოვახდენ ჩემი ნაამბობით, რომ მევე კვლავ წყალობით მომხედავს და ძველებურად დამიახლოვებსო.

ივან ვასილევიჩი ყურადღებით უსმენდა მას, თან კრიალოსანს მარცხავდა და საჩვენებელ თითზე წამოცმულ აღმასისთვლიან ბეჭტებს დაჰყურებდა; მაგრამ როცა ბასმანოვმა ყველაფერი უამბო, კულუღუბი შეარხია და თვითკმაყოფილებით წარმოთქვა:

— რას იტყვი, ხელმწიფეო, მგონი, გავისარჯუეთ შენი მოწყალებისთვის!

იოანემ თვალი შეავლო მას და ჩაიცინა.

— თავი არ დაგვიზოგავს, — შემპარავად განაგრძობდა ბასმანოვი, — მაშ შენც ნუ დაზოგავ, ხელმწიფეო, მეფურ საბოძვარს შენი მსახურისთვის!

— შენ თვითონ რას ისურვებდი, ფედიკა? — ჰკითხა იოანემ ლა გულითადად იერი მიიღო.

— აი თუნდაც ოკოლნიჩობა მიბოძე, რომ ხალხი აგრერიგად ვეღარ მძრახავდეს.

იოანემ თვალი თვალში გაუყარა ბასმანოვს.

— კეთილი, მაგრამ სერებრიანის რაღა ვუბოძო? — მოულოდნელად ჰკითხა მან.

— შენგან შერისხულ ბოიარს? — ჩაჰკითხა ბასმანოვმა, რომელიც მისთვის ჩვეული ურცხვობის ნიღაბში მალავდა შეცბუნებას: — სხვა რა უნდა უწყალობო იმას, სახრჩობელის მეტი? ის ხომ ციხიდან გაიქცა და თავისი ავაზაკებით კინალამ წაახდინა საქმე. იმას რომ თათრები არ აეფორიაქებინა, ჩვენ იმათ, როგორც მწყერებს, ისე წავადგებოდით და სულ გავჟუჟავდით.

— ვითომ ეგრე იქნებოდა? მე კი მგონია, თათრები უნაგირში ჩაგაკრავდნენ, როგორც მაშინ, გახსოვს? პირველად ხომ არ გემართება ასეთი რამ, ნაცნობი ხილია შენთვის!

— დიახ, ნაცნობი ხილია შენთვის ჭირთა თმენა, — კადნიერად განაგრძობდა ბასმანოვმა, — ის კი უცნობია, რომ შენგან მადლობას ველირსო. ერთბაშად, გოდუნოვი ან მალიუტა, ან ვიაზემსკი არ გემსახურონ ჩემნაირად, მაგრამ იმათთვის არ გეშურება საბოძვარი.

— აი ეგ კი ჭეშმარიტია, მართლაც ვერ მემსახურებიან შენნაირად: აბა, სად შეუძლიათ იმათ შენსავით ცეკვა!

— მეფე-ბატონო, — უპასუხა ბასმანოვმა, რომელიც უკვე მოთმინები-

დან გამოდიოდა, — თუ აღარ გიყვარვარ, მაშინ ბარემ სულ დამითხოვე!  
ბასმანოვს იმედი ჰქონდა, იოანე არ გამიშვებსო; მაგრამ სლობოდაში არყოფნამ, იმის მაგიერ, რომ მისდამი სიყვარული გაეცხოველებინა მეფის გულში, კიდევ უფრო გააგრილა იგი; იოანე ამასობაში შეეჩვია უმისობას, ხოლო სხვა რჩეულებმა, განსაკუთრებით მალიუტამ, რომელსაც ბასმანოვის ამპარტავენება შეურაცხყოფდა, ისარგებლეს მისი არყოფნით და ყველაფერი იღონეს, რომ იოანეს გული აეყარა მასზე.

ბასმანოვის ვარაუდი მცდარი გამოდგა. აშკარა იყო, რომ მეფე მისი განაწყენებით ერთობოდა.

— დაე ეგრე იყოს, — უთხრა მან თვალთმაქცური წუხილით, — თუმც გამიჭირდება უშენოდ, უნუგემო ობოლს, და სახელმწიფო საქმენიც, ალბათ, ამეწეწება, მაგრამ სხვა რა გზა მაქვს, ვიჯახირებ როგორმე ჩემი უღონო ჭკუით. გასწი, ფედია, ოთხივ მხრივ ხსნილი გაქვს გზა! რაკი არ გინდა, ძალას ვერ დაგატან.

ახლა კი ველარ მოერია ბასმანოვი თავის სიბრაზეს: იოანეს ადრინდელი დამოკიდებულებით განებივრებულმა, დაურიდებლად ამოანთხია, რაც გულში ჰქონდა.

— მადლობელი ვარ შენი, ხელმწიფეო, — უთხრა, — მადლობელი ვარ პურ-მარილისთვის! მადლობელი ვარ, ასე უპატიურად რომ მაგდებ შენს მსახურს, წუნკალი ძაღლივით! ყველგან... — წინდაუხედავად დაურთო მან, — ყველგან საქებრად მექნება, ამ ჩვენ რუსეთში, შენი ალერსიანობა! ამიერიდან სხვები გემსახურონ ისე, როგორც ფედორა გემსახურებოდა! ბევრი ცოდვით დავიმძიმე სული შენს სამსახურში, ოღონდ ერთი ცოდვა არ მიტვირთია: ჯადოსნობით არ დამიმძიმებია სული!

ივან ვასილევიჩი ბასმანოვს უსმენდა და გამჭირდავად იღიმებოდა, მაგრამ ბოლო სიტყვებმა იერი უცვალა მას.

— ჯადოსნობით? — გაოცებით ჩაჰკითხა ხელმწიფემ და ცხადად შეეტყო, რომ მრისხანება წაეკიდა: — მერე ვინ ჯადოსნობს აქ?

— ვინა და, თუნდაც ის შენი ვიაზემსკი! — მიუგო ბასმანოვმა და წარბიც არ შეუხრია მეფის ჩაცეხული მზერის წინაშე. — დიახ, — განაგრძო მან ისე, რომ ოდნავადაც არ კრთებოდა მეფის მრისხანე გამომეტყველებით, — ჩანს, მხოლოდ შენ ერთს ვერ შეგიტყვია მაგის ამბავი. როცა ეგ მოსკოვს ჩადის, ღამ-ღამობით ტყეში დამძვრება, წისქვილში, ჯადოსანთან; ჰოდა, აბა რისთვის უნდა მაგას ჯადო, თუ შენი მეფური მოწყალების მტრობა არ უდევს გულში?

— მერე შენ საიდანღა იცი ეგ? — ჰკითხა მეფემ და გამომცდელი მზერა მიაყინა ბასმანოვს.

ამჯერად ბასმანოვს შიშმა დარია ხელი.

— მე, ხელმწიფეო, მხოლოდ გუშინ შევიტყვე ეს მისივე მსახურე-პისგან, — ნაჩქარევად უთხრა მან: — აღრე რომ გამეგო, მაშინვე მოვახსენებდი შენს მოწყალებას.

მეფე ჩაფიქრდა.

— გასწი, — უთხრა მან ხანმოკლე დუმილის შემდეგ, — მე ამ საქმეს გამოვიძიებ; შენ კი ჯერ ნუ წახვალ სლობოდიდან, ჩემს ბრძანებას დაელოდე.

ბასმანოვი წავიდა. ის კმაყოფილი იყო იმით, რომ მეფის უნდო გულს ეჭვი შეაპარა თავის ერთ-ერთ მოქიშპეზე, მაგრამ ძლიერ შეაფიქრიანა ხელმწიფის გულცივმა მოპყრობამ.

მალე მეფე საწოლიდან მისაღებ დარბაზში გამოვიდა, სავარძელში ჩაჯდა და, ოპრიჩნიკებით გარშემორტყმული, მოსკოვიდან და სხვა ქალაქებიდან ჩამოსულ ზემშინის ბოიართა მიღებას შეუდგა. მან რიგრიგობით მოისმინა მათი მოხსენებები და, როცა თითოეულს თავ-თავისი უბრძანა, ხოლო ბევრ მათგანს დაწერილებით ესაუბრა სახელმწიფოს საჭიროებებზე, უცხო ქვეყნებთან ურთიერთობაზე და მომავალში თათართა კვლავ შემოსევის აღსაკვეთ ღონისძიებებზე, იოანემ იკითხა, კიდევ ხომ არავენ ითხოვს მიღებასო.

— ბოიარი დრუჟინა ანდრეევიჩი მოროზოვი, — უპასუხა ერთმა მესუფრემ, — მოწინებით იღრეკს ქედს შენი მეფური მოწყალების წინაშე და გეაჯება შენს ნათელ თვალთა ხილვა აღირსო.

— მოროზოვი? — თქვა იოანემ: — განა ისევ ცოცხალია? არ დახრუკულა იმ ხანძარში? იღბლიანია, ბებერი ქოფაკი! რა გაეწყობა! მე მას შერისხვა ვაპატიე, დაე შემოვიდეს!

მესუფრე გავიდა; მალე კარისკაცთა გუნდი გაიპო, და დრუჟინა ანდრეევიჩი, რომელსაც ორი ყმა აზნაური ამოსდგომოდა მხრებში, მეფეს მიეახლა და მის წინ მუხლი მოიყარა.

ყველამ მოხუც ბოიარს მიაპყრო მზერა.

ის ფერმიხდილი იყო, საგრძნობლად მოტეხილიყო. შუბლზე ვიაზემსკის ნახმლევი აჩნდა, მაგრამ ჩაცვივრულ თვალებში კვლავ შეუპოვრობა ეხატა, შეყრილ წარბებზე კი აღრინდელი უღრეკი სიჯიუტის ნიშანი აჩნდა.

მეფის კარზე დამკვიდრებული წესის მიუხედავად, მოროზოვს თაღ-ხი სამოსი ეცვა.

იოანე მოხუცს შეჰყურებდა და ხმას არ იღებდა. ვისაც მეფის თვალებში აზრის ამოცნობა შეეძლო, ის ახლა მასში ფარულ სიძულვილსა

და იმით კმაყოფილებას ამოიკითხავდა, თავის მტერს რომ დამცირებულს ხედავდა; მაგრამ გულუბრყვილო დამკვირვებელი იოანეს გამომეტყველებას კეთილმოსურნედ მიიწინედა.

— დრუჟინა ანდრეევი, — ზვიადად, მაგრამ ალერსიანად წარმოთქვა მან, — მე შერისხვა გაკმარე; რატომ ხარ კვლავ თალხ სამოსში?

— ხელმწიფეო, — მიუგო მოროზოვმა, რომელიც ისევ მუხლმოყრილი იდგა მის წინაშე, — დიბა-ფარით მორთვა არ შეენის იმას, ვისაც შენმა ოპრინინკებმა სახლ-კარი გადაუწვეს და ცოლი წაპვევარეს ძალადობით. ხელმწიფეო, — განაგრძო მან მტკიცე ხმით, — ქელღადრეკილი გეაჯები და მოგახსენებ, ჩემი წყენა და შერცხვენა მოჰკითხო შენს მე-აბჯრეთუხუცესს აფონკა ვიაზემსკის!

— ადექი, — უთხრა მეფემ, — და დალაკებით მომახსენე შენი სატკივარი. თუ ჩემი კაცთაგანი რომელიმე უკადრისად მოგეპყრა, სრულად პოვეითხავ დანაშაულს, თუნდაც ის ჩემი უახლოესთაგანი იყოს.

— ხელმწიფეო, — განაგრძო მოროზოვმა, რომელიც კვლავ მუსკლებზე იდგა, — ბრძანე აფონკას უხმონ. დაე ჩემს პირისპირ ვასცეს პაპუსი. შენს მოწყალეებას!

— რა მეთქმის, — წარმოთქვა მეფემ თითქოს ოღნავი ფიქრის შემდეგ, — შენი თხოვნა საქმიანია. მოპასუხებ უნდა უწყოდეს, რასაც მომნივანი ამბობს. უხმეთ ვიაზემსკის. თქვენ კი, — მიმართა მან მოროზოვის აზნაურებს, რომლებიც მოსარიდალ მანძილზე გამდგარიყვნენ, — წამოაყენეთ თქვენი ბოიარი, სკამზე დასვით; დაე მოპასუხეს დაელოდოს!

მოროზოვის სახლზე თავდასხმის დღიდან ორ თვეზე მეტი იყო გასული. ვიაზემსკი უკვე გამომრთელდა ჭრილობებისგან. ის კვლავაც სლობოდაში ცხოვრობდა, მაგრამ, რაკი არაფერი იცოდა ელენასი, რომლის გზა-კვალსაც მისმა ვერც ერთმა მზირმა ვერ მიაკვლია, წინააღმდეგე უფრო პირქუში გახდა, იშვიათად ჩნდებოდა მეფის კარზე, ზოლო თავის გასამართლებლად უღონობას იმიზეზებდა, აღარც ნადიმეუში მონაწილეობდა და ზოგ-ზოგნი შეშლილობის ნიშნებსაც ხედავდნენ მის საქციელში. იოანეს არ მოსწონდა საერთო წირვა-ლოცვისა და შექცევისგან აფანასის განაპირება; მაგრამ, ბოიარინას უიღბლო მოტაცების ამბავი რომ იცოდა, ტრფობისგან შეღონებას მიაწერდა თავადის საქციელს და შემწყნარე იყო მის მიმართ. მხოლოდ ბასმანოვთან საუბრის შემდეგ დააფიქრა მეფე ვიაზემსკის ამბავმა. მოროზოვის საწივარი კი მარჯვე საბაბი იყო ზოგ-ზოგი რამის ვასარკევეად. აი რატომ დახვდა ის მოროზოვს უკეთ, ვიდრე კარისკაცები ვარაუდობდნენ.

მალე ვიაზემსკიც ძოვიდა. გარეგნულად ისიც საგრძნობლად შეცვლი-



ლაცა. ბათქოს რამდენიმე წლით დაბერებულიყო, სახე გაუხეშებოდა და იფიქრებდით, სიცოცხლე მხოლოდ მოუსყენარ ცეცხლოვან თვალებშია შერხისნებიაო.

— აჰ, მოდი, ჩემთან, აფონაა, — წარმოთქვა მეფემ. — შენც აქ მოდი, დრუვანა. თქვი, რა საჩივრით მოსულხარ. დაურიდებლად ილაპარაკე, ყველაფერი მიაღებ, რა და როგორ იყო.

მაროზოვი მეფეს მიუახლოვდა, ვიაზემსკის გვერდით დადგა და, ზედაც არ შეუხედავს მისთვის, ისე მოახსენა ხელმწიფეს თავლასმის ყველა გარემოება.

— მართლა ასე იყო თქვენი ამბავი? — იკითხა მეფემ ვიაზემსკის გასაგონად.

— ასე იყო! — თქვა ვიაზემსკიმ, რომელიც გააოცა იოანეს შეკითხვამ, რადგან მეფემ დიდი ხანია იცოდა ყველაფერი.

იოანეს სახე მოექუფრა.

— რამ გაგაბედვინა ამის ჩადენა? — თქვა მან და მკაცრად დააცქერდა ვიაზემსკის. — განა მე ავაზაკობის ნებას ვაძლევ ჩემს ოპრიანნიკუს?

— შენ უკვე უწყი, ხელმწიფეო, — უპასუხა მთლად გაოცებულმა ვიაზემსკიმ, — რომ სახლი ჩემი ბრძანებით არ გაუძარცვავთ, ხოლო ბოიარინა რომ გავიტაცე, ამაზე შენი დასტური მქონდა!

— ჩემი დასტური? — სიტყვების ტკეპნით წარმოთქვა მეფემ. — როდის მოგეცი ეგ დასტური?

ახლა კი მიხვდა ვიაზემსკი, რომ ამაოდ ინდომა ივან ვასილევინის ვადაკრულ ნათქვამზე, ნადიმის დროს ქარაგმულად ჩამოარაკებულ სიტყვაზე დაყრდნობა, სიტყვაზე, რომელმაც აფიქრებინა, ელენას ძალით გატაცების უფლება მომცესო. მართალია, ჯერ ვერ მიმხვდარიყო, რა მიზეზით გადათქვამდა ახლა მეფე, თვითონვე რომ წააქეზა ამ ნაბიჯის გადასადგმელად, მაგრამ ის კი იაზრა, სხვა გზით უნდა დავიცვა თავიო. ვიაზემსკის სილაჩრით არ გადაუწყვეტია თავის მართლება, არც იმის ფიქრით, საკუთარი სიცოცხლე შეენარჩუნებინა, თუმცა მშვენივრად გრძნობდა, რომ მეფის ჭირეული ზნის გამო შესაძლო იყო მართლაც დიდი განსაცდელი დასტყდომოდა. მაგრამ მას ჯერაც არ გადაეწურა ელენას დასაკუთრების იმედი და ყველა საშუალება გამოსადეგად მიაჩნდა.

— ხელმწიფეო, — თქვა მან, — დამნაშავე ვარ შენს წინაშე, შენ არ მოგიცია ბოიარინას გატაცების დასტური. აი როგორ იყო ჩენი საქმე. შენ მოსკოვს წარმგზავნე, რომ ბოიარ მოროზოვისთვის შერისხვის პატიება მეუწყებინა, ბოიარს კი, თვითონაც იცი, კარგა ხანია ჩემი მტრო-

ბა აქვს გულში, რადგან ჯერ კიდევ გათხოვებამდე ვიცნობდი მაგის ცოლს. პოლა, რაკი მასთან მივედი სახლში, ჩემი დაღუპვა გადაწყვიტა და ნიკიტა სერებრიანის გაენდო. სუფრიდან რომ ავღექით, ეგენი მუხანათურად დაგვეხსნენ თავიანთი კაცებით; ჩვენ მხოლოდ თავს ვიცავდით, ბოიარინა მოროზოვამ კი, ქმრის სიავის შიშით, ველარ გაბედა სახლში დარჩენა და მუდართით მთხოვა, თან წამიყვანეო. ის საკუთარი ნებით, თავისი სურვილით წავიყვანე მაგისგან, მაგრამ მძიმედ დაჭრილმა გონი დავკარგე ტყეში და მას აქეთ დღევანდლამდე აღარ ვიცა, საღ გაქრა. ალბათ, ბოიარმა იპოვა და სადღაც ჰყავს გამომწყვდეული ან, იქნებ, სულიც ამოხადა უკვე! ეგ კი არ უნდა ეძიებდეს... — განაგრძო ვიაზემსკიმ და იჭვნეულად აათვალიერა მოროზოვი, — ეგ კი არ უნდა ეძიებდეს სამართალს შერცხვენისთვის. მე თვითონ, ხელმწიფეო, ქედღადრეკილი ვეაჯები შენს მოწყალებას ჩემი დასახინრება მოჰკითხოს მოროზოვს, რომელიც ნიკიტა სერებრიანისთან ერთად დამესხა თავს მასთან სტუმრად მისულს!

მეფე არ ელოდა ასეთ აბრუნდს. ვიაზემსკი რომ ცილს სწამებდა ბოიარს, აშკარა იყო, მაგრამ იოანეს რაღაც სხვა ზრახვა ელო გულში და არც უცდია ამ ცილისწამების მხილება. მოროზოვმა ახლა კი შეხედა თავის მტერს.

— სერუობ, წყეულო ძაღლო! — წარმოთქვა მან და ზიზლით ჩაათვალიერა ვიაზემსკი თავით ფეხამდე. — უტიფარი სიცრუეა შენი ყოველი სიტყვა; მე კი მზად ვარ ჯვარზე დავიფიცო ჩემი სიმართლე! ხელმწიფეო, უბრძანე ამას, ამ შეჩვენებულს, დამიბრუნოს ჩემი ცოლი, რომელთანაც ქრისტიანული წესითა ვარ ჯვარდაწერილი!

იოანემ ვიაზემსკის შეხედა.

— აბა, რას უპასუხებ ამაზე? — ჰკითხა მან და თავი კვლავ ისე დაიჭირა, როგორც მიუკერძოებელმა მსაჯულმა.

— უკვე გითხარი, ხელმწიფეო, რომ ბოიარინა მისივე თხოვნით წავიყვანე; ხოლო როცა გზაზე სისხლისგან ვიცლებოდი, ჩემმა მსახურებმა უგონოდ მყოფი მიპოვეს ტყეში. არც ცხენი უნახავთ ჩემთან, არც ბოიარინა, მე კი წისქვილში გადამიტანეს, მკითხავთან; სწორედ იმან შემილოცა სისხლი. ამის მეტი არაფერი ვიცი.

ვიაზემსკის არც უფიქრია, თუ წისქვილის ხსენებით იოანეს გულში ჩასახულ ეჭვს გააძლიერებდა და სიმართლედ გამოაჩენდა ბასმანოვის დასმენას; მაგრამ მეფემ თავი ისე დაიჭირა, თითქოს ყურადღებაც არ მიექციოს ამ ამბისთვის, ოღონდ მეხსიერებაში კი ჩაიბეჭდა, რომ შემ-

თხვევის კვალბაზე გამოეყენებინა; მანამდე კი, სანამ ამის დრო არ დამდგარიყო, თავისი ფიქრი მიუკერძოებლობის ნიღბით შესუდრა.

— ხომ გაიგონე? — უთხრა მან ვიაზემსკის: — ბოიარი დრუჟინა მზად არის ჯვარზე დაიფიცოს თავისი სიმართლე! რით აპირებ მის წინაშე თავის მართლებას?

— ბოიარი, რაც თვითონ სურს, იმას ამბობს, — მიუგო ვიაზემსკი, რომელმაც გადაწყვიტა, რაღაც არ უნდა დასჯდომოდა დაეცვა თავი, — მაგას ყველაფერი შეუძლია დამწამოს, მე კი ჩემი დასახინრება მაქვს მოსაკითხი მაგისტვის და თვითონ დავიფიცებ ჯვარზე ჩემს სიმართლეს.

ღარბაზში დრტვინვა დაირხა. ყველა ოპრიჩნიკმა იცოდა თავდასხმის ნამდვილი გარემოებები და, ხომ ასე გამგადარი ჰქონდათ ძვალ-რბილშე-ავაზაკობა, მაინც ყველა მათგანი ვერ გაბედავდა ცრუ ფიცის.

თვითონ იოანეც გააოცა ვიაზემსკის უტიფრობამ, მაგრამ მეფემ ერთ-ბაშად იაზრა, რომ თავადის მეშვეობით შეეძლო საძულველი მოროზოვი დაეღუპა და, ამასთან, მართლმსაჯულადაც მოეჩვენებინა თავი.

— ძმანო — მიმართა მან ღარბაზში მყოფთ: — თქვენ ხართ მოწამე, რომ სიმართლის შეტყობა მსურდა. ჩვეული არ ვარ კაცის განსჯას, თუ მისგან თავის მართლება არ მოვისმინე. მაგრამ ერთსა და იმავე ამბავში ორთავ მხარეს არ შეუძლია ჯვარზე დაფიცება. ერთ-ერთი მოცილე ცრუ იქნება თავის ფიცში. მე კი, ვითარცა მწყემსი კეთილი, მაშვრალი ჩემთა ცხოვართა სიკეთისათვის, თავს ვერ ვიღებ სულის წარწყმედა დაჯანებო ვინმე თქვენთაგანს. დაე ღვთის სამართლით განისაჯონ მოროზოვი და ვიაზემსკი. ღვთის წალმართ ათი ღღის შემდეგ განსასჯელ ასპარეზს ვუნიშნავ მაგათ, აქვე, სლობოდაში, წითელ მოედანზე. დაე თავ-თავისი მოსარჩლეებითა და ხელქვეითებით წარმოსდგნენ. ვისაც ღმერთი ძლევას არგუნებს, პირნათელიც ის იქნება ჩემს წინაშე, ხოლო ვინც დამარცხდება, თუნდაც ცოცხალი დარჩეს, იქვე ჰპოვებს სიკვდილს ჯალათის ხელით!

იოანეს გადაწყვეტილებამ ძლიერი შთაბეჭდილება მოახდინა შეკრებილებზე. ბევრის ფიქრით, ეს სასიკვდილო განაჩენს ნიშნავდა მოროზოვისთვის, რადგან ძნელი დასაჯერებელი იყო, ღრმად მოხუცებულ ბოიარს ჯან-ღონით სავსე ჭაბუკი ვიაზემსკისთვის გაეძლო ორთაბრძოლაში. ყველა მოელოდა, მოროზოვი უარს იტყვის შერკინებაზე ან არადა დაქირავებული მეზობლის გამოყვანის ნებას ითხოვსო. მაგრამ მოროზოვმა თავი დადრიკა და მშვიდად წარმოთქვა:

— ხელმწიფეო, დაე ისე იყოს, როგორც შენ ბრძანებ! მე მოხუცი და სნეული ვარ, ღიღი ხანია აღარ ამისხამს საომარი აბჯარი; მაგრამ

ღვთის სამსჯავროზე ღონე კი არ სძლევეს, არამედ სიმართლე! მწამს, რომ ღმერთი მომხედავს, არ მიმატოვებს მართალ საქმეში და ჩემი მტრას სიმტყუვნეს ვამოაჩენს შენი მოწყალებისა და ხალხის წინაშე!

მეფის განაჩენი რომ მოისმინა, ვიაზემსკიმ სიხარული იგრძნო და თვალეები იმედით წამოენთო; მაგრამ მოროზოვის გულმაგრობამ ცოტათი შეაკრთო. გაახსენდა, რომ, საზოგადო რწმენით, განსასჯელ ბრძოლაში ღმერთი ყოველთვის მართლის შემწეა და უნებლიეთ შეეჭვდა თავის განარჯუებაში.

თუმცა, წუთიერი შეკრთომა რომ დაიცხრო, მანაც თავი დადრიკა მეფის წინაშე და წარმოთქვა:

— დაე ისე იყოს, როგორც შენ ბრძანებ, სელმწიფო!

— გასწიო, — თქვა იოანემ, — თქვენ-თქვენი მოსარჩლეები ამოირჩიეთ, ათი ღლის შემდეგ კი, მზე რომ ამოვა, ორივენი წითელ მოედანზე გამოდით, და ვაი იმას, ვინც გამტყუნდება!

მეფემ ღრმა იღუმალებით აღსავსე მზერა მოავლო ორთავეს, წამოდგა და საძინებლისკენ გაემართა, მოროზოვი კი ამაყად გავიდა დარბაზიდან ლავისი აწნაურების თანხლებით და, მიმავალს, თვალიც არ შეუვლია ოპრიჩნიკებისთვის.

### XXX თავი

## რკინის შელოცვა

მეორე ღღეს ვიაზემსკი მოსკოვისკენ გაემგზავრა.

სხვა დროს, რა შემთხვევაც არ უნდა ყოფილიყო, აფანასი თავისი მარჯვენისა და სიმამაცის მოიმედე იქნებოდა შერკინების წინ; მაგრამ ახლა საქმე ელენას შეეხებოდა. ორთაბრძოლა ჩვეულებრივი არ იყო; მისი ბედი ღვთის სამართალზე ეკიდა, თავადმა კი იცოდა თავისი სიმტყუვნე და, თუ ჩვეულებრივ შერკინებაში მოროზოვს არაფრად ჩაავლებდა, სამაგიეროდ, ახლა ღვთის რისხვისა ეშინოდა და იმის ფიქრი აძრწუნებდა, ვაითუ ბრძოლის დროს მარჯვენა გამიშეშდეს ან სულაც წამერთვასო. ამ შიშს ისიც უძლიერებდა, რომ ახლახან მოშუშებული ჭრილობები ჭერაც უკვნესოდა და დროაადრო უღონობასაც გრძნობდა. თავადს სურდა ყველაფერი ეღონა ორთაბრძოლაში გასამარჯვებლად და გადაწყვიტა მეწისქვილე ენახა, რაიმე ჯადო გამოერთმია და გრძნებით

მიეცა ისეთი ძალა თავისი ხმლისთვის, რომ წინ ველარაინ დადგომოდა.

დაფიქრებული და აფორიაქებული მიუყვებოდა ტყვეს ვიაზემსკი. დროდარო უნაგირზე იხრებოდა, რომ გვიმრებში ჩაკარგული ბილიკი გაერჩია. ბევრჯერ შეუხვია ხან იქით, ხან აქეთ, ბოლოს შედარებით უკეთ გაკვალულ გზაზე გააღწია, მიიხედ-მოიხედა, ხეებზე შეგულეებული ნიშნები იცნო და ცხენი ჩორთით მიუშვა. მალე ბორბლის ხმაურიც მოისმა. წისქვილს რომ მიუახლოვდა, თავადმა ამ ხმაურთან ერთად ადამიანის ხმაც გაარჩია. ის შეჩერდა, უნაგირიდან გადმოვიდა, ცხენი თხილნარში დააბა და ფეხით მივიდა წისქვილთან. ზედ ძელურთან ვილაცის დარახტული ცხენი იდგა. მეწისქვილე მოხდენილი ანაგობის კაცს ელაპარაკებოდა, მაგრამ ვიაზემსკიმ ვერ დაინახა მისი სახე, რადგან უცნობი ზურგიით მობრუნდა თავადისკენ და უნაგირზე დასაჯდომად შეემზადა.

— მადლიერი დარჩები, ბოიარო, — ეუბნებოდა იმ კაცს მეწისქვილე და დასტურის ნიშნად უკანტურებდა თავს, — მადლიერი დამრჩები! ისევ წყალობით მოგხედავს მეფე და, ახლავე დამატყდეს მეხი, თუ ვიაზემსკიცა და ყველა შენი ავის მღომელიც არ გატიალდეს! ფიქრი ნუ გაქვს, შხამა ბალახი უბრალო რამე ნუ გგონია, მაგას ვერაკაცი ვერ დაუდგება წინ!

— კეთილი, — მიუგო მოსულმა და ცხენზე შეჯდა, — ოლონდ შენ, ბებერო ტარტაროზო, ჩვენი პირობა არ დაივიწყო: თუ ბედი არ მომიბრუნდა, ძაღლივით მიგახრჩობ!

მისი ხმა ნაცნობი ეჩვენა ვიაზემსკის, მაგრამ ბორბალი ისე ძლიერ ხმაურობდა, ვერ გაარჩია, სახელდობრ ვინ უნდა ყოფილიყო მოლაპარაკე.

— როგორ არ მოგიბრუნდება ბედი, როგორ არ მოგიბრუნდება, ბატონო, — განაგრძობდა მეწისქვილე და მდაბლად ხრიდა თავს, — ოლონდ შენ ეგ შხამა არ შეიხსნა; ხოლო როცა მეფესთან ილაპარაკებ, შიგ თვალეებში უყურე, წარბშეუხრელად და მხიარულად; გაბედულად უყურე თვალეებში, ბატონო, შიშს ნუ აჩვენებ: სახუმარო ამბებით, ნართაულეებით შეიქციე, როგორც ადრევე შეგიქცევია, და, წყეული ვიყო, თუ ისევ პატივი არ გაღირსოს!

მხედარმა ცხენი მოაბრუნა და ჩორთით ჩაუარა ვიაზემსკის თითქმის ზედ ცხვირწინ, მაგრამ თავადი არც შეუმჩნევია.

თავადმა ბასმანოვი იცნო და ცეცხლი შემოენთო ეჭვიან გულზე. მხოლოდ ელენაზე ფიქრით შეპყრობილმა, გულისყური ველარ მიადევნა

მეწისქვილის ლაპარაკს, მაგრამ, თავისი სახელი რომ შემოესმა, უცბად იფიქრა, ბასმანოვი გამოძინებია მოულოდნელ მოცილებო.

ამასობაში კი მეწისქვილე, რომელმაც თვალთ გააცილა ბასმანოვი, ზეინულზე ჩამოჯდა და ოქროს ფულების თვლას შეუდგა. ის ხალისიანად ქირქილებდა და ხელისგულებში აჩხრიალებდა ოქროებს, რომ უცებ ვილაციის მძიმე ხელი შეეხო მხარზე.

მოხუცი შეკრთა, ზეზე წამოხტა და შიშით კინალამ გათავდა, როცა თვალეებით თავადის კუპრივით თვალებს შეეფეთა.

— რას ყბელობდი, ჯადოსანო, ბასმანოვთან? — ჰკითხა ვიაზემსკიმ.

— ბა... ბა... ბატონო! — წარმოთქვა მეწისქვილემ და იგრძნო, რომ მუხლები ეკვეთებოდა. — ბატონო, თავადო აფანასი ივანიჩი, ზომ მშვიდობით ბრძანდები?

— მითხარი! — შეჰყვირა ვიაზემსკიმ, ყელში სწვდა მეწისქვილეს და ბორბლისკენ წათრია, — მითხარი, რას ყბელობდით ჩემზე?

და მან ზედ ბელღარზე გადააყუდა მოხუცი.

— შემოგველე! — დაიკვნესა მეწისქვილემ, — ყველაფერს გეტყვი, მოწყალეო ბატონო, ყველაფერს გეტყვი, შენი ჭირიმე, ოღონდ ახლასულს ნუ ამომხდი!

— რა უნდოდა შენთან ბასმანოვს?

— ჯადო, ბატონო, ჯადო უნდოდა! მაგრამ მე ზომ ვიცოდი, შენ რომ აქ იყავი, ვიცოდი, რომ ყველაფერი გეყურებოდა, ბატონო; იმიტომაც ვლაპარაკობდი ასე ხმამაღლა, გცოდნოდა, ბასმანოვს შენი მოწყალების დაღუპვა რომ უნდა!

ვიაზემსკიმ საგუბარიდან მოისროლა მეწისქვილე.

მოხუცი მიხვდა, რომ თავადს სიბრაზის პირველმა შემოტევა გაუარა.

— საშინელი ბრაზიანი ხარ, შემოგველე! — უთხრა მან და ფეხზე წამოდგა. — ზომ გეუბნები, ვიცოდი-მეთქი, შენი მოწყალება ახლოს რომ იყო; ჯერ კიდევ დიდიდან მოგელოდი, ბატონო!

— ჰოდა, რა მინდაო, ბასმანოვმა? — ჰკითხა თავადმა გულდაცხრობით.

ამასობაში მეწისქვილეს უკვე გაუარა ელდამ.

— რა მინდაო და, — დაიწყო მოხუცმა, თან მესაიდუმლე კაცის იერი მიიღო, — ბასმანოვი ამბობს, მეფემ გადამიყვარაო, ვითომ შენ უფრო უყვარხარ ხელმწიფეს და მართო შენთვის, ჰოდა, ბორის ფილოროვიჩი; გოდუნოვისა და მალიუტა სკურატოვისთვის იმეტებს ალერსს. ჰოდა, ჩამაცივდა, გინდა თუ არა, შხამა ბალახი მიშოვეო. ასე მითხრა, შხამა:

მომეცი, რომ მეფემ წყალობით მომხედოს, ისინი კი შეიძულოს და შე-  
რისხოსო! აბა, რას გააწყობ კაცი ამისთანასთან! დანა მომაბჯინა ყელზე,  
გინდა თუ არა, ახლავე გამიჩინეო; დავას ხომ ვერ დავუწყებდი! ჰოდა,  
ძივეცი ფესვი, მარა განა რამედ წაადგება, ბატონო, ერთი რაღაც უმაქ-  
ნისი ფესვი შევაჩერე, ეგებ ცოცხალი მაინც გადავრჩე-მეთქი. აბა, მისმა  
მზემ, მსამას მიეცემდი სწორედ, რომ შენდა სავალალოდ ეგ შეიყვაროს  
მეფემ!..

— ჯანდაბას მაგისი თავი! — გულგრილად თქვა თავადმა. — მე რას  
ვინაღვლი უყვარს თუ არ უყვარს ეგ მეფეს! მაგისთვის როდი მოვსულ-  
ვარ აქ. შეიტყვე რამე ბოიარინასი?

— ვერა, შემოგველე, ვერაფერი შევიტყვე. აქი შენს მზირებსაც  
ვუთხარი, შეუძლებელია შეტყობა-მეთქი. თორემ რაღა არ ვიღონე შენი  
მოწყალებისთვის! ზედიზედ შვიდ ღამეს ბორბალზე ვიყავი დაშტერე-  
ბული, მაგრამ რა გამოვიდა! ჩაზხედავ, გამოჩნდება ბოიარინა, ტყეში  
მოდის, გვერდით მოხუცი კაცი მოჰყვება; სულ დარდად არი ქცეული  
საბრალო, ბერიკაცი კი ანუგეშებს; მაგრამ ამის მეტი ვერა და ვერ და-  
ვინახე: წყალი იმღვრევა და აღარაფერი ჩანს!

— ბერიკაცი მოჰყვებაო? ვინა, მოროზოვი? თავისი ქმარი?

— არა, ის არ უნდა იყოს: მოროზოვი უფრო წარმოსადგეია, თან კი-  
დევე ტანისამოსსაც სხვანაირს ატარებს. ხოლო ამას უბრალო ხიფთანი  
აცვია, ბოიარინა კი არა; ჩანს, მდაბიოთაგანია ვილაც!

ვიაზემსკი ჩაფიქრდა.

— მოხუციო! — თქვა მან უეცრად: — ხმლის შელოცვა იცი?

— რატომაც არ ვიცი, ბატონო, ვიცი. მერედა შენ რისთვის გინდა,  
თავადო? რომ გაჭრას ხმაღმა თუ დაჩლუნგდეს?

— ცხადია, რომ გაჭრას, ოხერმა!

— თორემ ზოგჯერ მტრის ხმაღს შეულოცავენ, რომ ჯავშანზე დაჩ-  
ლუნგდეს ან გადატყდეს...

— მტრის ხმლის შეკვრა კი არა, ჩემსას მინდა შეულოცო. განსას-  
ჯელ ასპარეზზე უნდა ვიბრძოლო, ჰოდა, მინდა უსათუოდ მოვკლა ჩემი  
მოქიშპე. გესმის?

— მესმის, ბატონო, მესმის! როგორ არ მესმის! — და მოხუცმა გუნე-  
ბაში დაიწყო ფიქრი: „ნეტავი ვის უნდა ებრძოლოს? ვინაა ამისი მტე-  
რი? ბასმანოვი ხომ არა? არა მგონია! ამან ახლა აგდებულად ახსენა ის,  
თავადი კი ისეთი კაცი არ არის, თავისი ზვაშიადის დამალვა შეძლოს.  
ნუთუ სერებრიანი?“ მაგრამ მეწისქვილემ მიხეიჩისგან იცოდა, რომ  
სერებრიანის საპყრობილეში უკრეს თავი, ხოლო ვიაზემსკის მზირები-

სა და პერსტენის ზოგიერთი ამხანაგისგან გაიგონა, რომ თავადი ნიკიტა ავაზაკებმა გაათავისუფლეს და თან წაიყვანეს; მაშასადამე, არც სერებრიანი იყო ის მტერი. ვილა დარჩა? მხოლოდ ბოიარი მოროზოვი. იმას ცოლის გატაცებისთვის დიალაც შეეძლო ვიაზემსკის გამოწვევა. მართალია, გვარიანი მოხუცი კია, მაგრამ განსასჯელ შერკინებაში შეიძლება სხვა მებრძოლი დააყენო შენს მაგიერ. „მაშ, ეტყობა, — ივარაუდა მეწისქვილემ, — თავადი ან მოროზოვთან იბრძოლებს, ან მის დაქირავებულთან.“ — ნება მომეცი, ბატონო, — უთხრა მან, — წყალი ამოვზაპო, შენი მოძულე დავინახო!

— რაც გინდა, ის ჰქენი, — ცალკებად უთხრა ვიაზემსკიმ და წამოქცეულ კუნძზე ჩამოჯდა დაფიქრებული.

მეწისქვილემ ბადია გამოიტანა ნალიიდან, ბორბლის ქვემოთ ჩაუშვა, წყლით აავსო და თავადის გვერდით დადგა.

— ეჰ, ეჰ, — თქვა მან, როცა ბადიაზე გადაიხარა და წყალს ჩააშტერდა, — ვხედავ შენს მოძულეს, ბატონო, ოღონდ ვერ გამირჩევია, ვინ უნდა იყოს! ნამეტანი მოხუცებულია... აი ახლა კი შენცა გხედავ, ბატონო, როგორ უახლოვდები იმას...

— რაო მერე? — ჰკითხა ვიაზემსკიმ, რომელიც ამაოდ ცდილობდა ბადიაში რამის დანახვას.

— ანელოზები ღვანან მოხუცის შემწედ, — განაგრძობდა მეწისქვილემ იდუმალად და თითქოს იმით გაოცებული, რასაც ხედავდა, — ციურნი ძალნი უღვანან შემწედ; გაძნელდება შენი ხმლის შელოცვა!

— ჩემს შემწედ არაინ დგას? — უნებლიე თრთოლვით ჰკითხა თავადმა.

მეწისქვილემ უფრო და უფრო დაუინებით ჩაჰყურებდა ბადიას, თვალები სულმთლად გაუხვედა; იფიქრებდით, ვიაზემსკის გაბრეყება რომ დაიწყო, ახლა მართლა გააოცა ნამდვილმა ჩვენებამ და რალაც საშინელება დაუდგა თვალწინო.

— კი, — ჩურჩულით თქვა მან, — შენს მოწყალებასაც ჰყავს დამცველები... ახლა კი ველარას ვხედავ, წყალი ჩაშავდა!

მან თავი აიღო, და ვიაზემსკიმ შენიშნა, რომ შუბლზე ხვითქი გადასდიოდა.

— შენცა გყავს დამცველები, ბატონო, — შიშნეულად წაიჩურჩულა მან. — შეიძლება შენი მახვილის შელოცვა.

— აჰა... — უთხრა თავადმა და მძიმე ხმალი ამოიღო ქარქაშიდან, — აჰა, შეულოცე!

მეწისქვილემ სული მოითქვა, ხელებით ორმო ამოაღრმავა, შიგ ხმლის



ვადა ჩასდო, მიწა დატკეპნა და მახვილი წვერაშვერილი დაამაგრა. მერე მის ირგვლივ სიარულს მოჰყვა და თან ხმადაბლა ულოცავდა:

— „ზვალინის ზღვიდან მზე ამოცურდა, ქვით ნაგებ ქალაქის თავზე მთვარე ამოდის და იმ ქალაქში, ქვით ნაგებში, დამბადა მე მშობელმა დედამ. და რომ მბადებდა, ჩამითქვამდა: შვილო ჩემო, ვერც ისარი, ვერც მახვილი ვერ მოგეკაროს, ვერც მორკინალი, ვერც ფალავანი ვერ მოგერიოს. მშობელმა დედამ ბასრი ხმალი შემაბა წელზე. შენ, ჩემო ხმალო, პირბასრო ხმალო, სულ იბრუნე და იტრიალე, სულ იბრუნე და იტრიალე, როგორც წისქვილის ქვები ბრუნავენ, დაფშვენ-დაფშვენი ყველანაირი ფოლადი — ნაწრთობიცა და უწრთობიც, ყველანაირი რკინა და სპილენძი; გასჭერ, გაჰკვეთე ყველანაირი ხორცი და ძვალი; მტრის მახვილი კი ისე აგსხლტეს, როგორც ქვას ისხლტეს წყლის ზედაპირი, და არც ნაკაწრი, არც ნაკბილარი არ დაგტყობოდეს! შეეულოცავ მონა აფანასის, პირბასრ ხმალს ვარტყამ წელზე. ჰეიზე, ჰოიზე, იყავ ჩემსა ნებასა! სიტყვა გასრულდა, ჩემი საქმე ასრულდეს!“

მან ხმალი ამოაძრო, ვადაზე მიწა შემოაბერტყა, ფრთხილად გაწმინდა კალთით და თავადს მიაწოდა:

— აილე, ბატონო, თავადო აფანასი ივანიჩი. არ გიღალატებს ეს ხმალი, შენი მსახური იქნება, თუ ვინიცობაა შენმა მოძულემ ნაკურთხ წყალში არ ამოავლო თავისი მახვილი!

— თუ ამოავლო?

— რას ეიზამთ, ბატონო! ნაკურთხ წყალთან შელოცვილ რკინას ძალა არა აქვს. თუმცა, დამაცა, მგონი ამასაც ეშველოს რამე. ბარემ ჭაობის ცისფერას მოგცემ, ყელზე შეიბი პარკით, ჰოდა იმით შენს მტერს თვალებს აუხევე.

— მოიტა ცისფერა! — უთხრა ვიაზემსკიმ.

— ინებე, ბატონო, ინებე; შენი მოწყალებისთვის ცისფერასაც არ დავიშურებ.

მოხუცი კვლავ ნალიაში შებრუნდა და თავადს ჩვარში გამოკრული რაღაც მოუტანა.

— ძვირად კი მიღირს ეგ, — უთხრა მან, თითქოს ენანება ამ ჩვრის ხელიდან გაშვებო, — ძნელი საშოვარია. თუ უდროო ღროს შეაბოტე ამისთვის ჭაობში, ისეთ შიშს გამოსცდი, ღმერთმა გაშოროს!

თავადმა ჩვარში გამოკრული ნივთი გამოართვა და ოქროებიანი ქისა მიუგდო მეწისქვილეს.

— ღმერთმა საბოძვარი ნუ მოაკლოს შენს მოწყალებას! — უთხრა მეწისქვილემ და მდაბლად ეთაყვანა. — ოღონდ, ბატონო, ნება მომეცი ერ-

თი სიტყვაც მოგახსენო. ახლა ასპარეზზე გასვლამდე ნულარ წახვალ ეკლესიაში, ნურც წირვას მოისმენ; თორემ, ფუი ეშმაკს, შელოცვა ახლტება ხმლის პირს.

ვიაზემსკის არაფერი უპასუხნია და უკვე აპირებდა კიდევ იქით წასვლას, სადაც ცხენი ჰყავდა მიბმული, მაგრამ უცებ შეჩერდა.

— ის თუ შევიძლია, — უთხრა მან, — დანამდვილებით შეიტყო, ჩვენ ორში ვინ ვადარნება?

მეწისქვილე შეყოყმანდა.

— ცოცხალი, ალბათ, შენ დარჩები, ბატონო! საცა სამართალია, შენ უნდა დარჩე! აკი წინათაც მითქვამს: მახვილით სიკვდილი არ უწერია შენს მოწყალეებას!

— კიდევ ჩახედე იმ ბადიას!

— კიდევ ჩახედვა რის მაქნისია, ბატონო, ახლა ველარაფერს დაეინახავ, თან წყალიც აიმღვრა უკვე.

— წყალი ხელახლა ამოხაპე, — მბრძანებლურად უთხრა ვიაზემსკიმ. მეწისქვილე უგუნებოდ დაემორჩილა.

— ჰა, რა ჩანს მანდ? — მოუთმენლად ჰკითხა თავადმა.

მოხუცი შესამჩნევი გულზიზლობით დაიხარა ბადიაზე.

— არც შენ ჩანხარ, ბატონო, არც შენი მოძულე! — წარმოთქვა მან და გაფითრდა. — მოედანი ჩანს, აუარება ხალხია შეყრილი; უამრავი თავია ჩამოცმული მარგილებზე; ცოტა მოშორებით კი კოცონი იფერფლება და ბოძზე კაცის ძვლებია მიჯაჭვული!

— ვისი თავებია მარგილებზე? — ჰკითხა ვიაზემსკიმ, რომელიც ძლივს ერეოდა უნებლიე შიშს.

— ვერ ვხედავ, ბატონო, ისევ აიმღვრა ყველაფერი; მხოლოდ კოცონი ბუშტავს კიდევ და ვიღაცის ძვლები ჰკიდია ბოძზე!

მეწისქვილემ ძლივს აიღო თავი და, კაცი იფიქრებდა, გაუჭირდა ბადისთვის თვალის მოწყვეტაო. მოხუცს კრუნჩხვები უვლიდა, საბეზოფლი მოსწურწურებდა; ის ოხვრითა და კვნესით მილასლასდა ზეინულამდე და გასავათებული ჩაიკეცა მიწაზე.

ვიაზემსკიმ ცხენი მოძებნა, უნაგირზე შეჯდა და, ფიქრად ქცეული, მოსკოვისკენ გაემართა.

## ღვთის სამსჯავრო

ვიაზემსკის არყოფნაში მალიუტას ძნელი საქმე გაუჩინეს. მეფემ უბრძანა თავად აფანასის უახლოესი მსახურები შეეპყრო, დაუნდობლად ეწამებინა და გამოეტეხა, მართლა დადიოდა მათი ბატონი წისკვილში საჯადოსნოდ თუ არა, რამდენჯერ იყო იქ და სახელდობრ რას იზრახავდა ხელმწიფის წინააღმდეგ?

მსახურთა მეტი წილი არაფერში არ გატყდა, მაგრამ ზოგიერთმა ვერ აიტანა წამება და ყველაფერი აღიარა, რასაც კი მალიუტა ჩააგონებდა. ასე, თქვეს, რომ თავადი ხელმწიფის წასახდენად დადიოდა წისკვილში; რომ მის ნაფეხურებს ჩიჩქნიდა და ცეცხლზე სწავდა მათ; ზოგმა კი ისიც განაცხადა, ვიაზემსკი მთავარ ელაღიმირ ანდრეევიჩის თანამზრახველია და მეფის ტახტზე მისი დასმა სურსო. ხომ ასე უაზრო და შეუსაბამო იყო ეს ყოველივე, მაგრამ დიაკები საგულდაგულოდ იწერდნენ წამებით გატანჯულთა თითოეულ ჩვენებას და მეფეს უკითხავდნენ. სჯეროდა მათი ივან ვასილევინს თუ არა — ღმერთმა უწყის! მაგრამ მან მკაცრად უბრძანა მალიუტას დაემალათ ვიაზემსკისთვის, როცა დაბრუნდებოდა, მისი მსახურების შეპყრობის მიზეზი და ეთქვათ, მეფის საჭურჭლის გაქურდვაში მიიტანეს მაგ ხალხზე ეჭვი და იმიტომ დააკავესო.

მაგრამ მათ ჩვენებებში მაინც ბევრი შეუსაბამობა იყო და იოანემ ბრძანა ბასმანოვი ეხმოთ, რათა მას გაემეორებინა ყველაფერი, რაც, როგორც თვითონ თქვა, ვიაზემსკის მსახურებისგან გაიგონა.

ბასმანოვი ვერ იპოვეს სლობოდაში. ის წინდლით წასულიყო მოსკოვს და მეფე განრისხდა, როგორ გაბედა ჩემს უნებურად სლობოდიდან ფეხის მოცვლაო. მალიუტამ ისარგებლა ამით და თვითონ ბასმანოვზეც შეაპარა ხელმწიფეს ეჭვი.

— ვინ იცის, ხელმწიფეო, — უთხრა სკურატოვმა, — რისთვის ეურჩა შენს მოწყალებას? იქნებ თვითონაც ვიაზემსკის თანამდგომელია და მხოლოდ თვალის ასახვევად დააბეზლა, რომ უფრო მარჯვედ მოგილოს პოლო!

მეფემ მალიუტას უბრძანა ჯერ ხმა არ გაეღო ამ ამბავზე და, როცა ბასმანოვი დაბრუნდებოდა, არასგზით არ ეგრძნობინებინა, თუ რამე იცოდნენ მის არყოფნაზე.

ამასობაში განსასჯელი ორთაბრძოლის დღეც დადგა. ხალხი ჯერ

კიდევ მზის ამოსვლამდე მოჯარდა წითელ მოედანზე; ყველა ფანჯარა და სახლების სახურავები მოსიერიებით იყო გამოჭედული თუ მოფენილი. მომავალი შერკინების ამბავი კარგა ხანია მოედო იმ არემარეს. მორკინალთა სახელოვნებამ მრავალი სოფლიდან და ქალაქიდან მოიზიდა ცნობისმოყვარენი და მოსკოვიდანაც კი მოვიდა ყველა წოდების ხალხი იმის საცქერლად, თუ ვის გაამარჯვებინებდა უფალი ღმერთი ამ საქმეში.

— აბა, ძმობილო, — ეუბნებოდა ერთი კობტად ჩაცმული მეზარბითე თავის ამხანაგს, ზორზოხ ყმაწვილს, რომელსაც კეთილი, მაგრამ ბრიყული სახე ჰქონდა, — წინ გამიძეხი, ეგებ შენ მაინც შეძლო ჯაჭვთან გაღწევა. ეჰ, რა ზღვა ხალხი შეყრილა, გენაცვათ! გზა გვიტიეთ, ქრისტიანებო, გაგვატარეთ, ჩვენც დაგვანახეთ, ვლადიმირელებს, ღვთის სამსჯავრო!

მაგრამ მის შეგონებას არავინ უსმენდა. ბრბო ისე შენივთებულიყო, ძალიანაც რომ სდომოდა კაცს, ვერ შეძლებდა გვერდზე მიდგომას.

— ვაჰ, გაინძერი, რომ გეუბნები, შე სელაპო! — გაუმეორა მეზარბითემ და ზურგში უბიძგა ამხანაგს. — ნუთუ ვერ შეძლებ გაძრომას?

— რატო ვერ შევძლებ! — ზანტად უპასუხა ზორზოხამ.

ამის თქმაზე მან წინ წაიგდო ვეება მხარი, ღონიერად აამუშავა და, თითქოს რკინის სოლს უმარჯვებსო, ისე მიარღვევდა ბრბოს. გაისმა ყვირილი და ლანძღვა-გინება, მაგრამ ორივე ამხანაგი მაინც წინ მიიკვლევდა გზას და აინუნშიც არ აგდებდა ხალხის ყაყანს.

— მარჯვნივ, მარჯვნივ უსწორე! — ამბობდა უფროსი. — მარცხნივ რას აწვები, ყყეერო? იქით შებრუნდი, საცა შუბებია აშვერილი!

აღგილი, რომელზედაც მეზარბითე უთითებდა, თვითონ მეფისთვის იყო მომზადებული. იქ შემალლებული ფიცარნაგი გაეკეთებინათ და ზედ მეწამული ფერის მაუდი დაეფინათ. მაუღზე მეფის სავარძელი იდგა, ხოლო აშვერილი შუბები და ოროლები ფიცარნაგის გარშემო შემოჯარულ ოპრიჩნიკებს ეკუთვნოდა. დანარჩენი ოპრიჩნიკები კი ა ს ს პ ა რ ე - ზ ი ს ირგვლივ შემოჭიმული ჯაჭვის გაყოლებით ჩარიგებულიყვნენ. ისინი ბერდიშებს უღერებდნენ ხალხს, რომ ჯაჭვს გარიდებოდნენ და არ გადმოეთელათ მოედანი, რომელსაც წინასწარ ამზადებდნენ ხოლმე ცხენდაცხენ ან ქვეითად სარკინებლად, მოასპარეშეთა სურვილისამებრ.

მეზარბითე და ზორზოხა ბიჭი ნაბიჯ-ნაბიჯ მოიწევდნენ წინ და, ბოლოს, როგორც იქნა, ასპარეზამდეც გამოაღწიეს.

— საღ მოძვრებით! — დაიყვირა ერთმა ოპრიჩნიკმა და ბერდიში მოუღერა მათ.

ყმაწვილმა პირი დაალო და თავგზააბნეული მიუბრუნდა თავის ამხანაგს, მაგრამ იმან ორივე ხელით მოიშეღიპა ოქროქსოვილი არშიითა და ფარშავანგის ფრთით დამშვენებული კრაველის ქუდი, წელში გაიღუნა, თავის ქნევას მოჰყვა და ვედრებით უთხრა ოპრიჩნიკს:

— ნება დაგვრთეთ, ღირსეულო ბატონებო, ჩვენც ვუყუროთ, ვლადიმირელმა მებარბითებმა, ღვთის სამსჯავროს! იმ სიშორიდან, ქალაქ ვოლოდიმირიდან მოვსულვართ! ნება დაგვრთეთ, აქ დავდგეთ, ღირსეულო ბატონებო!

და ცბიერ-პირფერულად მოღიმარი აჩენდა შავს წვერ-ულვაშში ჩამალულ ბროლივით კბილებს.

— ჯანდაბას თქვენი თავი! — თქვა ოპრიჩნიკმა. — უკან, სულ ერთია, ველარ გაძვრებით, იდექით აქ; ოღონდ, იცოდეთ, ფეხი არ წამოღვათ წინ, თორემ მაგ გოგარებს გაგიპობთ!

ჯაჭვმოვლებულ ასპარეზზე ორივე მხარის მოსარჩლეები და ხელქვეითები მიმოდოდნენ. იქვე იდგნენ ასპარეზობის გამრიგე ბოიარი და ოკოლნიჩი, აგრეთვე ორი დიაკი, რომლებსაც მათთან ერთად უნდა ედევნებინათ თვალყური ორთაბრძოლის წესების დაცვისთვის. ერთ-ერთ დიაკს ვლადიმირ გუსევის სამართლის წიგნი გადაეშალა, ჯერ კიდევ ღიღი მთავრის იოან ვასილევჩი მესამის დროს გამოცემული, და ორთაბრძოლისას მოსალოდნელ შემთხვევებზე ბჭობდა თავის ამხანაგთან.

— „ზოლო თუ ასპარეზობამდე განისჯებიან, — კითხულობდა ის და თითს აყოლებდა ერთ ადგილს სამართლის წიგნში, — მაშინ ასპარეზზე არ იბრძობლებენ, ისე შერიგდებიან...“ — მაგრამ დიაკს ბრბოს შეძახილებმა გააწყვეტინეს სიტყვა:

— მეფე მოდის! მეფე მოდის! — იძახდნენ ყველანი, დელავდნენ და ქულებს იხდიდნენ.

უამრავი ოპრიჩნიკით გარშემორტყმული იოანე ასპარეზობის ადგილს მიუახლოვდა, ცხენიდან ჩამოვიდა, ფიცარნაგის საფეხურები აიარა, ხალხს მიესალმა და სუარძელზე დაბრძანდა იმ ადამიანის იერით, რომელიც თავშესაქცევი სანახაობის მოლოდინშია.

მის უკან და აქეთ-იქით ფეხზე მდგარი კარის დიდებულები განლაგდნენ.

ამავე დროს სლობოდის ყველა ეკლესიის ზარებმაც დაიგუგუნა და ჯაჭვმოვლებულ ასპარეზზე საბრძოლოდ შეჭურვილი ვიაზემსკი და მოროზოვი შემოჯირითდნენ ორი საპირისპირო მხრიდან. მოროზოვს ეცვა ფიცროვანი ჯავშანი, ანუ ფოლადის ბეგთარი — მრთელი პოლოტიკი. ჯაჭვებით ერთიმეორეზე აკინძული; ჯაჭვის თვლები რიგგამორჩენით

იყო მოვერცხლილი. სამკლავენი, საფუხრენი და საბარკულნი ვერცხლის ვარაყით ბრწყინავდა. თავზე მოვერცხლილ-მოსევადებული მაღალწვერიანი მუზარადი ჰქონდა დარქმული. ზედ მოვლებული ჯაჭვის ბადე ანუ ზარადი მხრებზე ეფინა ბოიარს, ხოლო მკერდთან გადაჯვარედინებული იყო და ვერცხლის მრგვალი ბალთით დამაგრებული. მოსახულ სარტყელზე, რომელიც კაუჭით იყო შეკრული, ფართე დაშნა ეკიდა, რომლის ტარი, ქარქაშის თარანგები და ბუნიკი აგრეთვე ვერცხლისა იყო. უნაგირის მარჯვენა მხარეს, ბოლოთი ქვემოთ, მოოქროვილი ვოგუთი ეკიდა. ეს იარაღი და ღირსების ნიშანი, გარდასულ წლებში ბოიარის განუყრელი თანამგზავრი იყო სახელოვან ბრძოლებში, მაგრამ ახლა, თავისი სიმძიმის გამო, საეჭვოა ვინმეს დაეჭირა მარჯვენაში.

მოროზოვი მკერდფართე, ფორეჯებიან შავ-ამლავ იაბოზე იჯდა. მას ვერცხლის ბალთებდასხმული შინდისფერი ზავერდის ჩალდარი ეფარა, მოჭედილი საშუბლეს ორთავ მხარეს ვერცხლის სირმებზაწნული შინდისფერი აბრეშუმის ფოჩები ერხეოდა, ხოლო კისერს ქვემოთ, ზედ შეკრდამდე, ასეთივე, ოღონდ უფრო დიდი და ხშირი ფოჩი ეკიდა. ალვირი და სადავე სხვადასხვა სიდიდის ბრტყელი ნაჩუქურთმევი ვერცხლის რგოლებისგან იყო ასხმული.

მწყობრი ნაბიჯით მოირწეოდა ცხენი, ლამაზად აღგამდა ვერცხლის სამუხლებებიან გაბანჯვგლულ ფეხებს, სქელი კისერი მოერკალა და, როცა მოროზოვმა მოწინააღმდეგისგან ხუთიოდ საყენზე გააჩერა, მოუთმენლად აატოკა თითქმის მიწამდე ჩამოშლილი სქელი, ტალღისებური ფაფარი, ლაგამის ღრღნა დაიწყო და ფიცხად ტორავდა ქვიმას მძლავრი ფლოქეებით, თან ყოველ დარტყმაზე ფართო ნალის ელვარე კბილებს აჩენდა. იფიქრებდით, მძიმე ცხენი ზედგამოჭრილია ახოვანი მხედრისთვისო და მისი თეთრი ფაფარიც კარგად ეხამებოდა ბოიარის ჭალარა წვერს.

ვიაზემსკი ბევრად უფრო მსუბუქად იყო შეიარაღებული. მას ჯერაც აწუხებდა ამასწინანდელი ჭრილობები და არ ისურვა არც ჯაჭვ-ბეგთარი, არც ბეგთარი, თუმცა ისინი ყველაზე საიმედო ჯავშნად ითვლებოდა. მან მსუბუქი ჯაჭვის პერანგის ჩაცმა ამჯობინა. მისი გულისპირი, კალთა და სამაჯურები პატიოსანი თვლებით ბრწყინავდა. მუზარადის მაგიერ თავადს დაბალი, მოხდენილად მოკვერცხილი ჩაფხუტი ეხურა, რომელსაც გვირგვინზე და ყურებთან ოქროს ზარნიში ამშვენებდა, ხოლო წვერზე ოქროს მავთულების მაღალი ჯიდა უელავდა, იაგუნდით სქლად დაწინწკლული და სხივებივით მთრთოლავი. ჩაფხუტს წინიდან ისარივით ჰქონდა ჩამოზრდილი რკინის მოოქროვილი საცხვირე, რო-

მელიც გარდიგარდმო დარტყმისგან იცავდა სახეს; მაგრამ ვიაზემსკის კი არ ჩამოეშვა ისარი, არამედ, მამაცთა ჩვევისამებრ, პირიქით, მალლა აეხიდა, იაგუნდის ჯიდასთან, ასე რომ, მუქი წვერით მოჩრდილული მისი ფერმკრთალი სახე მთლად დაუცველი იყო, ხოლო ისარი ჩაფხუტში მოხდენილად გარტყობილ ოქროს ფრთას ჰგავდა. ჯაჭვის პერანგზე შემორტყმულ ბალთიან სარტყელზე, რომელსაც ნაირნაირი სამშვენისები, საწკარუნოები და საწახარუნებლები ამკობდა, პატიოსანი თვლებით მოჭედილი გახრილი ხმალი ეკიდა, სწორედ ის, რომელსაც მეწისქვილემ შეულოცა და რომლის დიდი მოიშედეც იყო ახლა ვიაზემსკი. დაწინწკლული ვერცხლის სამსჭვალეებითა და ასეთივე ჭედური კავეებით დამშვენებულ იისფერ ხავერდის უნაგირზე ფოლადის პატარა ცული ეკიდა, რომელსაც ტარზე იისფერი ხავერდი და ოქროს თარანგები ჰქონდა შემოჭერილი. ძვირფასი ჯაჭვის პერანგის ქვემოთ თავადს შარვალზე გადმოშეებული ოქროქსოვილი თეთრი აბრეშუმის ხალათი ეცვა, ხოლო ნაღვერდლისფერი ფარჩის შარვალი კი ჩატანებული ჰქონდა მწვანე ტარსიკონის წაღებში, რომელთა სახიანი ყელებიც, საბარკულებით დაუცავი, მუხლებზე იყო ამოჭიმული და მოსახართან და კოჭებთან მარგალიტის თასმებით გადაჭერილი.

ვიაზემსკის ცხენს, ოქროსფერდაკრულ ზერდაგს, თავიდან მოყოლებული კულამდე უამრავი ვერცხლის ეჟვანი ჰქონდა შებმული. ზურგზე ორთუქის ან ჩაღდარის ნაცვლად ჯიქის ტყავი ეფარა. მოსევადებულ საშუბლზე ოქროს ბუდეებში ჩასმული მსხვილი იაგუნდები უბრწყინავდა. მთის ბედაური დაუნალავი იყო, მაგრამ ხმელ-ხმელ შავ ფეხებზე, საოლავს ქვემოთ, თითო ვერცხლის ეჟვანი უწკარუნებდა.

უკვე კარგა ხანია ისმოდა მოედანზე ბედაურის ხმამაღალი ჭიხვინი. ახლა კი მას თავი შეემართა, ცეცხლოვანი ნესტოები დაებერა, შავი კუდი უკან გაედრიკა და მსუბუქი ნავარდით, თითქმის მიწაზე ფეხის დაუკარებლად, მოემართებოდა მოროზოვის ცხენთან შესაგებებლად; მაგრამ, როცა თავადმა მოწინააღმდეგის შორიახლოს ზინზილებიანი სადავე მოზიდა, ბედაური განზე გახტა და კიდევაც გადაეგლებოდა ჯაჭვს, რომ მხედარს არ ემარჯვა და წინანდელ ადგილზე არ მოებრუნებინა იგი. მაშინ ცხენი ყალყზე შედგა, უკანა ფეხებზე დატრიალდა და გულაღმა ამობრუნებას ლამობდა, მაგრამ თავადი უნაგირის ტახტაზე გადმოიხარა, სადავე მიუშვა და წამახვეული ყიზილბაშური უზანგები ჰკრა ფერდებში. ბედაურმა კამარა შეჰკრა და ერთბაშად გაქვავდა ადგილზე. მის შავ ფაფარზე ღერიც აღარ ირხეოდა, ჩასისხლული თვალები იქით-აქეთ გაურბოდა და ოქროსფერ ბალანზე ბადესავით უცახცახებდა დაბერილი ძარღვები.

როცა ვიაზემსკი წკრიალ-ჯღარუნითა და ელვა-ბრწყინვით, ოქროსა და ალმასის წვიმანაკურები შემოჯირითდა ასპარეზზე, ვლადიმი-რელმა მებარბითემ ალტაცება ველარ დაიოკა; მაგრამ მისი გაცეების საბაბი ბელაური უფრო იყო, ვიდრე მხედარი.

— იფ, რა ცხენია! — იძახდა ის, თან ფეხებს აბაკუნებდა და თავზე ივლებდა ხელებს ალტყინებული: — ცხენი ვარო, მაგან უნდა დაიქადნოს! გენაცვა! არც მინახავს ამნაირი ბელაური! ბევრი კაი ცხენი შემხვედრია, მაგრამ ასეთის ნახვა ჯერ არ უღირსებია გამჩენს! „რა ღლე დაადგებოდა... — დაურთო მან გუნებაში, — რა ღლე დაადგებოდა მაშინ ამ მხედარს, ახლა როგორც არის, ასე რომ გამოჩენილიყო წყეულ ტბაზე!“ გესმის შენ, — მხიარულად განაგრძო მან და იდაყვი წაჰკრა ამხანაგს, — გესმის, ბენტერავ, რომელი ცხენი უფრო მოგდის თვალში?

— აი ისა! — მიუგო ზორზოხამ და მოროზოვის ცხენზე ანიშნა თითით.

— ისა? რატომ მაინცდამაინც ის?

— რატო და, უფრო ჯანაირია! — ზანტად მიუგო ყმაწვილმა. მებარბითეს სიცილი წასკდა, მაგრამ ამ დროს გზირების ხმა გაისმა.

— ხალხო და ჯამათო! ქრისტიანებო! — გაიძახოდნენ ისინი მოედნის სხვადასხვა მხარეს, — იწყება სამსჯავრო ბრძოლა მეფის მეაბჯრეთ-უხუცეს თავად აფანასი ვიაზემსკისა და ბოიარ დრუჟინა მოროზოვს შორის. უნდა მოჰკითხონ ერთიმეორეს სახელის შერცხვენა, თავდასხმა და დასახინრება, ბოიარინა მოროზოვას მოტაცება! ხალხო და ჯამათო! ქრისტიანებო! ევედრეთ ყოვლად წმინდა სამებას, მართალ მხარეს არგუნოს ძლევა!

მოედანი გაირინდა. ყველა მაყურებელი პირჯერის წერას მოჰყვა. ხოლო ასპარეზობის გამრიგე ბოიარი მეფეს წარუდგა, მდაბლად ეთაყვანა და შეეკითხა:

— რას გვიბრძანებ, ხელმწიფეო, ზომ არ ღავიწყოთ ღვთის სამსჯავრო?

— დაიწყეთ! — წარმოთქვა იოანემ.

ბოიარი, ოკოლნიჩი, მოსარჩლენი, ხელქვეითნი და ორივე დიაკი-კვერღზე გადგნენ.

ბოიარმა ნიშანი მისცა.

მოწინააღმდეგეებმა იარაღი იშიშელეს.

მეორე ნიშანზე ისინი ჭენებით უნდა დაძრულიყვნენ ერთმანეთისკენ. მაგრამ, ყველასდა გასაკვირველად, ვიაზემსკი უნაგირზე შეტორტმანდა და სადავე გაუვარდა ხელიდან. ის მიწას დაენარცხებოდა, რომ მოსარ-



ჩლე და ხელქვეითი არ მივარდნოდნენ და ცხენიდან ჩამოსვლაში არ შეშველებოდნენ. მეჯინიბენიც მყისვე იქ განდნენ და, იმდენი იმარჯვეს, ბედაურისთვის ლაგამში ხელის ჩავლება მოასწრეს.

— წაიყვანეთ ცხენი! — თქვა ვიაზემსკიმ და ჩამქრალი მზერა მოავლო იქაურობას, — ქვეითად ვიასპარეზებ!

რაკი დაინახა, თავადი ცხენიდან გადმოვიდაო, მოროზოვი თვითონაც ჩამოქვეითდა და თავისი იაბო მეჯინიბეებს გადასცა.

მოსარჩლემ მოროზოვს სპილენძის ბალთებიანი დიდი ტყავის ფარი მიაწოდა, რომელიც თადარიგიანად გაემზადებინათ იმ შემთხვევისთვის, თუ ვინიცობა ქვეითად მოუწევდათ შერკინება.

ვიაზემსკისაც მიაწოდა მისმა მოსარჩლემ მოსევალებული, ოქროს ზარნიშინი და ოქროს ფორებიანი ფარი.

მაგრამ თავად აფანასის აღარ ჰქონდა იმის ძალა, რომ ხელზე წამოეცვა ფარი. მას მუხლები მოეკვეთა და ისევ წაიქცეოდა, მაშინვე რომ არ მიშველებოდნენ.

— რა გემართება, თავადო? — ერთხმად მიამახეს მოსარჩლემ და ხელქვეითმა, თან გაოცებით შეკყურებდნენ თვალებში: — ღონე მოიკრიბე, თავადო! ასპარეზზე რომ არ დადგე — ეგ იგივეა, მტყუანი დარჩე!

— ჯაჭვი გამხადეთ! — სულის ხუთვით ჩაილაპარაკა ვიაზემსკიმ. — ჯაჭვი გამხადეთ! ლამის დამახრჩოს ოხერმა ჯადომ!

მან ჩაფხუტი წაიძრო, ჯაჭვის პერანგის გულისპირი მოიღელდა და ყელზე შებმული ყაითანი მოიგლიჯა, რომელზედაც ჭაობის ცისფერას ღეროებიანი აბრეშუმის ავეგაროზი ეკიდა.

— ღმერთმა შეგაჩვენოს, ჯადოსანო! — შეჰყვირა მან და შორს მოისროლა ყაითანი. — ღმერთმა შეგაჩვენოს ჩემი მოტყუებისთვის!

მოროზოვი გაშიშვლებული დაშნით მიუახლოვდა ვიაზემსკის.

— დამნებდი, ძაღლო! — შესძახა მან და დაშნა მოულერა. — გამოტყედი შენს უკუღმართობაში!

მოსარჩლეები და ხელქვეითები მყისვე იქ განდნენ და თავადსა და მოროზოვს შუა ჩადგნენ.

— არა! — თქვა ვიაზემსკიმ და აღრინდელი სიბოროტით წამოენთო დანისლული თვალები: — ჯერ აღრეა ჩემი დანებება! შენ, ბებერო ყვავო, გრძნებით წამახდინე! შენ ნაკურთხ წყალში ამოავლე დაშნა! მე ახლა მებრძოლს დაეაყენებ ჩემს მაგიერ და მაშინ ენახავთ, ვინ გამოვა მართალი!

ორივე მხარის მოსარჩლეებს დავა შეექნათ. ერთი ამტკიცებდა, სამ-

სჯავრო მოროზოვის სასარგებლოდ დამთავრდაო; მეორე კი იხეშება, სამსჯავრო არც შემდგარა, რადგან ბრძოლა არ გამართულაო.

ამასობაში მეფემ ვიაზემსკის მოძრაობა შენიშნა და ბრძანა, თავადისგან მოსროლილი ავეაროზი მომიტანეთო. მან ცნობისმოყვარედ და უნდობლად შეათვალა ის და მალიუტა იხმო.

— აჰა, შეინახე, — უჩურჩულა მან, — მანამ მოგკითხავდე! ახლა კი, — ხმამაღლა წარმოთქვა, — ვიაზემსკი მომგვარეთ აქ.

— რაო, აფონია? — წარმოთქვა მეფემ და ორაზროვნად ჩაიციხა, როცა ვიაზემსკი მის წინ შეჩერდა. — თურმე არ შეგძლება მოროზოვთან გამკლავება?

— ხელმწიფეო, — მიუგო თავადმა, რომელსაც სახე მომაკვდავივით გაფითრებოდა, — ჩემმა მოძულემ გრძნებით წამასდინა! თან კიდევ, მას მერე, რაც გამოვმრთელდი, ერთხელაც არ მცმია აბჯარი. ახლა კი ჭრილობებიც გამეხსნა: ხედავ, როგორ მოთქრიალებს სისხლი ჯაჭვის პერანგიდან! ნება დამრთე, ხელმწიფეო, გზირები ჩამოვატარო, მოხალისე ვიხმო, რომ ჩემს მაგიერ დადგეს ასპარეზზე!

ვიაზემსკის სულმდაბლური თხოვნა წესების საწინააღმდეგო იყო. ვისაც თვითონ არ სურდა ბრძოლა, ადრევე უნდა განეცხადებინა ეს, ხოლო რაკი ასპარეზზე გამოვიდოდა, უკვე აღარ შეიძლებოდა მაგიერის დაყენება. მაგრამ მეფეს მოროზოვის დალუპვა ელო გულში და შეიწყნარა თავადის თხოვნა.

— ჩამოატარე გზირები, — უთხრა მან, — ეგებ გამოჩნდეს ვინმე შენზე მამაცი! ხოლო თუ არკენ გამოჩნდა, მოროზოვი პირნათელი იქნება, შენ კი ჯაღათს გადაგცემ!

ვიაზემსკის თავისი ხელქვეითები შეუდგნენ მხარში და უკან წაიყვანეს, მალე კი მისი ბრძანებით გზირები ჯაჭვის გაყოლებით განრიგდნენ, წინ და უკან სიარულს მოჰყვნენ და ხმამაღლა გაიძახოდნენ:

— სლობოდელეზო, მოსკოველეზო, ან სხვა თემის კაცნო! ვის სურს ბოიარ მოროზოვთან შერკინება? რომელ თქვენგანს სურს თავად ვიაზემსკისთვის ასპარეზობა? გამოდით, მორკინალეზო, გამოდით, ვიაზემსკი დაიცავით!

მაგრამ მოედანი დუმდა და მოხალისეც არავინ ჩანდა.

— გამოდით, მოხალისენო, მამაცო მორკინალეზო! — ყვიროდნენ გზირები. — გამოდით! ვინც მოროზოვს დაამარცხებს, იმას თავადი სამკვიდრო მამულებს მისცემს, ხოლო თუ თვითონ მოხალისე დაამარცხდა, თავადი საკუთარ ხაზინას უწყალობებს, მთლიანად, რაც გააჩნია!

მოხალისე მაინც არ ჩნდებოდა; ყველამ იცოდა, რომ მოროზოვი პირ-

ნათელი იყო ღვთის წინაშე, და მეფე, მიუხედავად ბოიარ დრუჟინასად-  
მი სიძულვილისა, უკვე აპირებდა მართალ მხარედ მის გამოცხადებას,  
რომ უცებ შეძახილები გაისმა:

— მოდის მოხალისე! მოდის! — და ჯაჭვმოვლებულ ასპარეზზე მატ-  
ვეი ხომიაკი გამოჩნდა.

— ჰაი-და! — შესძახა მან და ჰაერში ხმალი გააშხულია. — აბა, მო-  
დი, ბოიარო, მე ვიბრძვი ვიაზემსკისთვის!

ხომიაკის დანახვაზე მოროზოვმა, რომელიც აქამდე მოთმინებით იც-  
დიდა, შიშველ დაშნას დანდობილი, აღშფოთებით მიმართა ასპარეზო-  
ბის გამრიგეებს:

— დაქირავებულთან არ ვიბრძოლებ! — ამყად წარმოთქვა მან. —  
ბოიარ მოროზოვს არ შეჰფერის გრიშკა სკურატოვის ჯილავდართან  
თავის გაყადრება!

ეს რომ თქვა, მახვილი ქარქაშში ჩააგო და იქით მიაშურა, სადაც  
მეფე იჯდა.

— ხელმწიფეო, — წარმოთქვა მან, — შენ ჩემს მოძულეს ნება მიეცი  
მაგიერი მებრძოლი გამოიყვანოს; მაშ, მეც დამრთე ნება, დაქირავებული-  
დაუყუყუნო დაქირავებულს, თუ არადა მაშინ ბრძანე, მეფეო, სხვა დრომ-  
დე გადაიდოს ეს ორთაბრძოლა.

მართალია, ივან ვასილევინს მოროზოვის დაღუპვის უზომო სურვი-  
ლი ჰქონდა, მაგრამ თხოვნა მეტისმეტად სამართლიანი იყო. მეფემ არ  
ისურვა ღვთის სამსჯავროზე მიკერძოება დაეწამებინათ მისთვის.

— უხმე გზირებს! — გაბრაზებით უთხრა იოანემ: — ხოლო თუ მოხა-  
ლისეს ვერ იპოვი, თვითონ იბრძოლე, ან არადა, შენი სიმრუდე აღიარე,  
და თავსაკვეთ კუნძთან დადექი.

ამასობაში ხომიაკი ჯაჭვის მახლობლად მიმოდიოდა, ხმალს იქნევ-  
და და მაყურებლებს დასცინოდა.

— აბა, — იძახდა ის, — ბლომად კი შეყრილხართ აქ, ყვავებო, მაგრამ  
მზეჭაბუკი არავინ ჩანს თქვენს შორის. ერთი ვინმე მაინც გამოდით, ეს  
ჩემი ხმალი გავახალისო, ხელმწიფე გავართო! პურის ლეწვაში, ჩანს,  
მკლავები დაგაწყდათ ქნევით! ღუმელზე გღებით გვერდები დაგბუჟე-  
ბიათ!

— უჰ, შე ტარტაროზო! — ხმადაბლა ჩაილაპარაკა მეზარბითემ. — ჰაი-  
დედასა, გაჩვენებდი ახლა სეირს, ჩემი ხმალი რომ თანა მქონდეს! აბა.  
კარგად დააკვირდი! — განაგრძო მან და იდაყვი წაჰკრა ამხანაგს: — ვერ  
იცანი განა?

მაგრამ ყმაწვილს არც გაუგონია, რას ეკითხებოდნენ. მას პირი დაელო და თვალები მონუსხულივით მიეშტერებინა ხომიაკისთვის.

— რაო? — განაგრძობდა ხომიაკი, — არავინაა თქვენ შორის მოხალისე? ჰეი, თქვენ, მეარშინეებო, მეფუნთუშეებო, მრთველებო, მქსოველებო! ვის გინდათ ჩემთან მკლავის გამოცდა?

— ვისა და, მე! — მოულოდნელად გაისმა ყმაწვილის ხმა. ამის თქმაზე, მან ორივე ხელი დაავლო ჯაჭვს, თავზე გადაიტარა და კინაღამ მოტხარა მუხის პალოები, რომლებზედაც ეს ჯაჭვი იყო დამაგრებული.

იგი ასპარეზზე გავიდა და ისე დადგა, თითქოს თვითონვე უკვირს საკუთარი გამბედაობაო: თვალები გადმოკარკლა, პირი დაალო და ხან ხომიაკს შეჭყურებდა, ხან ოპრიჩნიკებს, ხანაც თვითონ მეფეს, მაგრამ კრინტსაც არ ძრავდა.

— ვინა ხარ, ყმაწვილო? — ჰკითხა ასპარეზის გამრიგე ბოიარმა.

— მე-ე? — თქვა მან, ოდნავ დაფიქრდა და ჩაიცინა.

— ვინა ხარ? — გაუმეორა ბოიარმა.

— ვინა და, მიტკა! — უპასუხა გულკეთილად და თითქოს გაოცებითაც, რომ ასეთი კითხვით მიმართავენ.

— მაღლობელი ვარ შენი, ვაჟკაცო! — უთხრა მოროზოვმა: — მაღლობელი ვარ, სიმართლის დაცვა რომ ინდომე. თუ მტერს დამიმარცხებ, არ დავიშურებ შენთვის ხაზინას. მთლად ვერ გაიტაცეს ჩემი ქონება. ღვთის შეწევნით, კიდევა მაქვს იმის შეძლება, ჩემი მეზობლი დევასაჩუქრო!

ხომიაკმა წყეულ ტბაზე ნახა მიტკა, სადაც ყმაწვილმა კომბლით მოუკლა ცხენი და მასაც მიწაზე მიასრესდა, რომ შეცდომით თავისსავე ამხანაგს არ გადამხობოდა. მაგრამ იმ ზედახორაში ხომიაკმა ვერ გაარჩია მისი სახე და, ისედაც, მიტკას გარეგნობაში არაფერი იყო გამოსარჩევი. ხომიაკმა ვერ იცნო ის.

— რით გინდა ბრძოლა? — ჰკითხა ასპარეზის ზედამხედველმა ბოიარმა, თან ცნობისმოყვარედ შეჭყურებდა ყმაწვილს, რომელსაც არც ჯავშანი ჰქონდა და არც იარაღი.

— რით მინდა? — გაიმეორა მიტკამ, უკან მიბრუნდა და თვალებით დაუწყო ძებნა მეზარბითეს, რომ რჩევა ეკითხა მისთვის.

მაგრამ მეზარბითეს, ჩანს, ადგილი ეცვალა და მიტკამ, თუმცა კარგა ხანს აცეცა თვალები, ველარსად იპოვა თავისი ამხანაგი.

— მაშ ასე, — თქვა ბოიარმა, — აიღე, ბარემ, ხმალი და ჯავშანი და ასპარეზზე დადექი!

მიტკამ დაბნეულად მიმოიხედა გარშემო.

მეფეს სასეიროდ ეჩვენა მისი ქცევა.

— იარაღი მიეცით მამას! — წარმოთქვა მან. — ვნახოთ, რა მებრძო-  
ლიცაა!

მიტკას სრული აღჭურვილობა მოუტანეს; მაგრამ მან, თუმც ბევრი  
იწვალა, ვერასგზით ვერ შეძლო ჯაჭვის პერანგის სახელოებში ხელის  
გაყოფა, ხოლო ჩაფხუტი ისე პატარა იყო მისთვის, რომ მხოლოდ კინ-  
კრიხოზე ჰქონდა შემოდებული.

ასე მორთული მიტკა თავგზააბნეული ტრიალებდა მარჯვნივ თუ  
მარცხნივ, კვლავ იმ იმედით, ეგებ როგორმე ეპოვა მებარბითე და ეკი-  
თხა მისთვის, რა ვიღონო.

მის შემხედვარე იოანეს გულიანად გაეცინა. მეფის მაგალითს ჯერ  
ოპრიჩნიკებმა მიბაძეს, მერე კი მწყურებლებმაც.

— რას ზორხოცობთ, თუ იცით? — უკმაყოფილოდ თქვა მიტკამ: —  
სულ არ მჭირდება ე თქვენი ჩაჩი და რკინის პერანგი. ისედაც დავეჭვი-  
ლები ამას!

მან ზომიაკს მიაშვირა თითი და ჯავშნის გახდა დაიწყო.

კვლავ ხარზარი გაისმა.

— მაშ, აბა, რით გინდა ბრძოლა? — ჰკითხა ბოიარმა.

მიტკამ კეფა მოიქექა.

— კომბალი არ გაქვთ? — გაბმით იკითხა მან და ოპრიჩნიკებს მიუბ-  
რუნდა.

— ვინაა ეს ყეყეჩი? — აყაყანდნენ ისინი: — ნეტავი საიდან გამოტყ-  
ვრა? ვინ შემოაგდო აქ? ხომ არ გგონია, რეგვენო, გლეხუჭებივით ჩვენც  
კომბლებით ვიბრძოდეთ?

მაგრამ იოანეს ართობდა მიტკას საქციელი და არ დაანება ოპრიჩნი-  
კებს მისი გაგლება.

— მიეცით მაგას კეტი, — წარმოთქვა მან, — დაე ისე იბრძოლოს, რო-  
გორც ემარჯვება!

ზომიაკი განაწყენდა.

— ხელმწიფეო! ნუ დაანებებ გლეხუჭას შენი მონა-მსახურის გამას-  
ხარავებას! — წამოიძახა მან. — მე ერთგულად ვემსახურები ოპრიჩნიანში  
შენს მეფურ მოწყალებას და ჩემს დღეში კეტით არ მიბრძოლია!

მაგრამ მეფე მხიარულ გუნებაზე იყო.

— შენ ხმლით იასპარეზე, — თქვა მან, — ჯეელმა კი დაე მისებურად  
იბრძოლოს. მიეცით მაგას კეტი. ვნახოთ, როგორ გამოიღებს თავს გლე-  
ხი მოროზოვისთვის!

მაშინ რამდენიმე კომბალი მოიტანეს. მიტკამ აუჩქარებლად შეავლო

ხელი რიგრიგობით ერთს თუ მეორეს, სათითაოდ შეათვალიერა ისინი და, როცა ამრიგად გადასინჯა ყველა, პირდაპირ მეფეს მიუბრუნდა.

— უფრო მაგარი არ გაქვთ? — ზღაზვნით წარმოთქვა მან და კითხვის გამომეტყვეელი მზერა მიაპყრო ივან ვასილევს.

— ხელნა მოუტანეთ ამას! — ბრძანა მეფემ, რომელსაც უკვე ამთავითვე ართობდა მოსალოდნელი სანახაობა.

მალე მიტკას ხელში მართლაც გაჩნდა მძიმე ხელნა, რომელიც ოპრიჩნიკებმა სასეიროდ მოაგლიჯეს ბაზარში დაყენებულ ურემს.

— აბა, რას იტყვი, ვეულო, გამოდგება? — ჰკითხა ივან ვასილევსმა.

— რატო არა! — უპასუხა მიტკამ: — მგონია, გამოდგება. — ეს რომ თქვა, ერთი ბოლოთი აიტაცა ხელნა და სასინჯად მოიქნია ჰაერში ისე მძლავრად, რომ ირგვლივ ქარმა დაიზუზუნა და ისეთი კორიანტელი დადგა, თითქოს ქარბორბალა მოვარდნილიყოს.

— ბიჭოს, ეს ვინ ყოფილა! — ჩაილაპარაკეს ოპრიჩნიკებმა და ერთმანეთს გადახედეს.

მეფე ხომიაკს მიუბრუნდა.

— დადექი! — მბრძანებლურად უთხრა მან და დამცინავად დაურთო: — ვნანო, როგორ დაუძვრები გლეხის კეტს.

ამასობაში მიტკამ მკლავები დაიკარწახა, ხელისგულებზე დაიფურთხა, ხელნა დაიორხელა და ჰაერში დაატრიალა, თან ხომიაკს შეჰყურებდა. ახლა გაუბედაობისა და დაბნეულობის ნასახიცი აღარ ეტყობოდა სახეზე.

— აბა, შენ! დადექი, ბარემ! — გაბედულად წარმოთქვა მან. — მე გასწაველი როგორ უნდა საცოლეების მოტაცება!

ხომიაკი, მისთვის უჩვეულო იარადისა და მიტკას არაჩვეულებრივი ძალ-ღონის გამოისობით, ერთობ დიდ გასაჭირში იყო ჩავარდნილი, მაყურებლები კი, როგორც ჩანდა, ყმაწვილის მხარეს იხრებოდნენ და ზოგ-ზოგნი უკვე სასაცილოდაც იგდებდნენ ხომიაკს.

ჯილავდარის დაბნეულობა ამხიარულებდა მეფეს, მოსალოდნელი ბრძოლა მას ახლა ისეთივე ცნობისმოყვარეობას აღუძრავდა, როგორსაც ტაკიმასხარების წარმოდგენები ან დათვების ჭიდილი.

— დაიწყეთ ბრძოლა! — წარმოთქვა მან, რაკი შეატყო, რომ ხომიაკი ჭოჭმანობდა.

მაშინ მიტკამ ხელნა აიქნია, თავს ზემოთ დაატრიალა და სკუპ-სკუპით იწყო ხომიაკთან მიახლოება.

ამაოდ ცდილობდა სკურატოვის ჯილავდარი მარჯვე წამის მოხელეობას, რომ ხმლით მისწვდომოდა მიტკას. მას მხოლოდ ისლა დარჩენო-

და, სასწრაფოდ გარიდებოდა ან დაძვრომოდა ხელნას, რომელიც ვეება კამარებს ხაზავდა მიტკას გარშემო და მასთან მიახლოების მცირე იმედსაც უსპობდა მოპირისპირეს.

მაყურებელთა გულგასახარად და მეფისდა სამხიარულოდ, ზომიაკმა უკანდახვეა იკადრა და მხოლოდ იმაზე დაიწყო ფიქრი, როგორმე თავი გადაერჩინა; მაგრამ მიტკა დათვის სიმარჯვით უახლოვდებოდა სკუპ-სკუპით, ხოლო ხელნა ქარიშხალივით ზუზუნებდა მის თავზე.

— მე გასწავლი საცოლეების მოტაცებას! — იძახდა და, უკვე სიბრაზით გახელებული, ცდილობდა თავში, ფეხებში ან, სულ ერთია, სადაც მისწვდებოდა, მოერტყა ზომიაკისთვის.

მაყურებლები მოწონების შემახილებით თანაუგრძნობდნენ მიტკას, ბოლოს კი აღტაცებაშიც მოვიდნენ.

— ეგრე! ეგრე! — ყვიროდა ზალხი და, ეშხში შესულს, მეფის იქ ყოფნაც ავიწყდებოდა. — მისცხე მაგას! ბიჭი ხარ, ბიჭი! გაამარჯვებინე მოროზოვს, მაგრად იდექ სიმართლისთვის!

მაგრამ მიტკა მოროზოვზე როდი ფიქრობდა.

— მე გასწავლი საცოლეების მოტაცებას! — იძახდა ის და თავს ზემოთ ხელნის ტრიალით დასდევდა ზომიაკს, რომელიც ხლაკნით გაურბოდა იქით თუ აქით.

ხელნამ რამდენჯერმე ზუზუნით გადაიქროლა ჯაჭვის გაყოლებით ჩარიგებულ ოპრინიკთა თავებზეც და ბევრ მათგანს სიკვდილი არ ასცდებოდა, რომ არ ემარჯვათ და მიწაზე ჩაჯდომა არ მოესწროთ.

უცებ ყრუ დარტყმის ხმა გაისმა, ხოლო ფერდშელეწილი ზომიაკი რამდენიმე საჟენზე გაფრინდა და მიწას დაასკდა, ხელებგაშლილი.

მოედანი მხიარულმა ყიჟინმა გააყრუა.

მიტკა მაშინვე ზედ გადაემხო ზომიაკს და ყელში ჩააფრინდა ორივე ხელით.

— გეყოფა! გეყოფა ახლა! — დაიყვირეს ოპრინიკებმა. მალიუტა კი ივან ვასილევინისკენ დაიხარა და შემფოთებით უთხრა:

— ხელმწიფეო, ბრძანე გადმოათრიონ ეგ ტარტაროზი! თორემ ზომიაკის ფასი ჩვენ სხვა არავინ გეყავს მთელს ოპრინინაში.

— ფეხებით დაითრიეთ ეგ უტვინო! — დაიყვირა ივან ვასილევინმა, — წყალი გადაავლეთ, ოღონდ, ფრთხილად, არ შემოგაკედეთ!

დიდი ვაი-ვაგლაზი გადახდათ ოპრინიკებს, სანამ მიტკას დაითრევდნენ, მაგრამ ზომიაკი უკვე მკვდარი ასწიეს და, როცა ყველას ყურადღება მისმა ჩალურჯებულმა სახემ მიიპყრო, მიტკას ვლადიმირელი მებარ-

ბითე დაუდგა გვერდით, კალთა დაჰქანა და ჩურჩულით უთხრა:

— აბა, ბენტერაუ, ჩქარა, უკან მომყევი! თავს უშველე!  
და ორივენი ხალხის ბრბოში გაუჩინარდნენ.

## XXXII თ ა ვ ი

### ვიაზემსკის ავგაროზი

ივან ვასილევინამ ბრძანა მოროზოვი მოეხმოთ მასთან.

მოედანი კვლავ გაუჩნდა. ყველამ მოლოდინად ქცეული მზერა მიაჰყრო მეფეს და სული განაბა.

— ბოიარო დრუჟინა! — ზეიმურად წარმოთქვა იოანემ და სავარძლიდან წამოდგა: — შენ ღვთის სამსჯავრომ გაგამართლა ჩემს წინაშე. უფალმა ღმერთმა, მტერსა ზედა ძლევის ბოძებით, გამოაჩინა შენი სიმართლე, და არც მე მოგაკლებ ჩემს წყალობას. სლობოდიდან ნურსად წახვალ ჩემს უბრძანებლად. მაგრამ ეს, — პირქუშად განაგრძო იოანემ, — მხოლოდ ნახევარია ჩვენი საქმისა. უმთავრესი სასამართლო ჯერაც წინ გველის. ვიაზემსკი მომგვარეთ აქ.

როცა თავადი აფანასი მის წინ წარმოდგა, მეფე დიდხანს შეჰყურებდა მას არაფრისმთქმელი თვალებით.

— აფონია, — წარმოთქვა მან ბოლოს, — შენ უწყვი, რომ ჩემი სიტყვა მტკიცეა და უცვალებელი. მე გავარიგე, ვინც თქვენ ორში, პირადად ან დაქირავებული მებრძოლის სახით, დამარცხდება ღვთის სამსჯავროზე, სიკვდილით დაისჯება-მეთქი. შენი მებრძოლი დამარცხდა, აფონია!

— რა გაეწყობა, — გულმტკიცედ უპასუხა ვიაზემსკიმ, — უბრძანე, თავი მომკვეთონ, ხელმწიფეო!

იოანეს უცნაურმა ღიმილმა გაუელვა ბაგეებზე.

— თავი მოგკვეთონ, სხვა არაფერი? — ბრაზიანად წარმოთქვა მან. — შენ გგონია, მხოლოდ თავს წაგაცლიან? ალბათ, მართლა ასე იქნებოდა, მართო მოროზოვის წინაშე რომ გქონოდა დანაშაული, მაგრამ შენ სხვა სიმრუდე და უწმინდურებაც უნდა მოგკითხოთ. მალიუტა, მომაწოდე მავის ავგაროზი!

და, როცა მალიუტამ ვიაზემსკის ყაითანი გაუწოდა, იოანემ თითის წვერებით აიღო ის და მადლა ასწია.

— ეს რა არის? — ჰკითხა მან და რისხვით ჩააშტერდა ვიაზემსკის შიგ თვალებში.



თავადი პასუხის გაცემას აპირებდა, მაგრამ მეფემ ხმის ამოღებაც არ დააცალა.

— ცბიერო მონავ! — მრისხანედ წარმოთქვა იოანემ და მის შემყურე ხალხს ცივმა ჟრჟოლვამ დაუარა ძარღვებში: — ცბიერო მონავ! მე შენ ჩემს ტახტთან დაგიახლოვე; აგალზევე და წყალობით აგავსე; შენ კი რა გააკეთე?! მაგ მყარალს გულში, ვით ასპიტი, ჩემი დაღუპვა, შენი მეფის დაღუპვა განიზრახე, გრძნეულებით მოინდომე ჩემი წახლენა და, ალბათ, კიდევ ამიტომ მეაჯებოდი ოპრიჩინინაში ჩაწერას. რა არს ოპრიჩინინა? — განაგრძო იოანემ, გარშემო მოავლო. მზერა და ხმას შეუმაღლა, რომ ყველას გაეგონა მისი ნათქვამი. — მე, ვითარც უფალი სავენახისა, უფალი ღმრთისგან ვარ დადგინებული ჩემს ხალხსა ზედა, რათა ვიქმოდე ვენახსა ჩემსა. მაგრამ ჩემმა ბოიარებმა, დარბაისლებმა და მრჩეველებმა არ ისურვეს დამხმარებოდნენ და ჩემი დაღუპვა განიზრახეს; მაშინ მე წარუეტაცე მათ ვენახი ჩემი და სხვათ ქვეყნის მოქმედთ გადავეცი. და ესე არს ოპრიჩინინა! ვისაც მოუხებე, მათ არ ინებეს მწვეოდნენ ნადიმსა ჩემსა, და მაშინ მონანი ჩემნი წარვაგლინე მეზომირთა გზათასა და მოვუწოდე, რამეთუ შეკრიბონ ყოველი, რაოდენიცა ჰპოვონ. და ესე კვლავ არს ოპრიჩინინა! ახლა გეკითხებით ყველას: რისი ღირსია მეინახე, რომელი მოვიდა ნადიმსა შინა, გარნა არა ჰმოსიეს სამოსელი საქორწინე? რას ამბობს მასზე ჩვენი წმინდა სახარება — სამღვთო წერილი? „შეუკრენით მაგას ხელნი და ფერხნი და განაგდეთ ეგე ბნელსა მას გარესკნელსა: მუნ იყო ტირილი და ღრჭენა კბილთა!“

ასე ამბობდა იოანე და ხალხი მდუმარედ ისმენდა სახარების ამ იგავს, რომელსაც ასე უკუღმართად იშველიებდა ახლა ზელმწიფე. არავინ თანაუგრძნობდა ვიაზემსკის, მაგრამ ყველა ღრმად იყო შეძრწუნებული მეფის ერთ-ერთი ძლიერი რჩეულთაგანის უეტარი დაცემით.

არც ერთ ოპრიჩინიკს არ გაუბედნია ან არ სურდა ვიაზემსკის დასაცავად სიტყვის დაძვრა. ყველა თავზარდაცემული იყო. მხოლოდ მალისუტას მხეცურ თვალებში არ იდგა შიში, იგი მზად იყო თუნდაც მზლავე შედგომოდა მეფის ბრძანების აღსრულებას; და კიდევ ბასმანოვის სახეს ეხატა ბოროტი სიხარული, თუმცა ის გულგრილობის ნიღაბით ცდილობდა მის დაფარვას.

ვიაზემსკიმ უმაქნისად მიიჩნია თავის მართლება. ის კარგად იცნობდა იოანეს და ვადაწყვეტა მოთმინებით გადაეტანა მოსალოდნელი ტანჯვა-წამება. თავადს მტკიცედ და ღირსეულად ეჭირა თავი.

— წაიყვანეთ! — წარმოთქვა მეფემ. — მე მაგას ისეთივე სასჯელს გადაუწყვეტ, როგორსაც იმ ავაზაკს, ჩემს საწოლ დარბაზში რომ შემო-

აღწია და ახლა თავის მისაგებელს ელოდება. ჯადოსანი კი, ვისაც ეგ გაენდო, მოძებნეთ და სლობოდაში ჩამოიყვანეთ. დაე საწამებელში დაკითხვით მოგვცეს ახალი ჩვენება. დიდ არს სიბოროტე უკეთურისა მაცდურისა ამა სოფლისა, — განაგრძობდა იოანე ზეცისკენ თვალაპყრობილი; — იგი, ვითარცა ლომი მყვირალი, მიმოვალს გარშემო ჩემსა და ეძიებს, ვითარცა შთანთქმას, და ჩემ სინკლიტს შინაც პოულობს გულმოდგინე მსახურთა თვისთა. მაგრამ მე ღვთის მოწყალებას ვარ მინდობილი და, ყოვლადძლიერი უფლის შეწევნით, არ ვაღირსებ ღალატს, რომ რუსეთში ფესვი გაიდგას!

იოანე ფიცარნავიდან ჩამოვიდა, ცხენზე შეჯდა და, მღუმარე ოპრიჩნიკთა ამალით გარშემორტყმული, სასახლისკენ გაემართა.

მალიუტა, რომელსაც ხელში თოკი ეჭირა, ვიაზემსკის მიუახლოვდა.

— ნუ მიწყენ, თავადო! — გამჭირდავად უთხრა, თან ზურგსუკან უგრეხდა ხელებს: — მე ვინ რას მკითხავს, საცოდავ მონას! რაც მიბრძანეს, იმას ვასრულებ!

ეს რომ უთხრა, ვიაზემსკი მცველებს გადასცა და საპყრობილესკენ გაუყენა.

ხალხი ნელ-ნელა დაიძრა წასასვლელად. ზოგნი მღუმარედ მიაბიჯებდნენ, ზოგნიც ჩურჩულით მსჯელობდნენ მომხდარ ამბავზე და მალე მთლად დაცარიელდა ჯერ კიდევ ახლახან ხალხმრავალი მოედანი.

### XXXIII ტ ა 30

## ბასმანოვის ავბაროზი

ვიაზემსკის დაკითხვა მოუწყვეს, მაგრამ ვერავითარი წამებით ვერ დააცდენინეს ვერც ერთი სიტყვა. გასაკვირველი სულის სიმედგროთ, ხმაგაკმენჯილი იტანდა არაადამიანურ წამებას, რითაც მალიუტა ხელმწიფის საწინააღმდეგო ზრახვებში მის გამოტეხას ცდილობდა. სიამაყის, ზიზღისა და იმის გამო, რომ სიცოცხლე აღარაფრად უღირდა, მას ბასმანოვის ცილისწამების შემსუბუქებაც არ უცდია და არ დაუმალავს, რომ სწორედ მას შეხვდა წისკვილში.

მეფის ბრძანებით მეწისკვილეც შეიპყრეს და საიდუმლოდ ჩამოიყვანეს სლობოდაში, მაგრამ საწამებლად ჯერ არ გამოჰყავდათ.

ბასმანოვმა თავისი შესმენის წარმატება შხამა ბალახის ძალას მიაწერა. ის მუდამ თან ატარებდა ავგაროზს და იმიტომაც უფრო ირწმუნა

მისი ჯადოსნური ძალა, რომ იოანე ოდნავ ეჭვსაც არ ამქადავებდა და, თუმცა კვლავინდებურად დასცინოდა ბასმანოვს, მაგრამ საკმაოდ ალერსიანი იყო მისდამი.

რაკი თავისი ერთ-ერთი მოქიშპე დაღუპა და ისიც დაინახა, რომ ივან ვასილევინი კვლავ მოწყალედ აპყრობდა მზერას, ბასმანოვი, რომელსაც ეჭვადაც არ გაუვლია, თუ მეწისქვილე უკვე სლობოდის საპყრობილეში იჯდა, კიდევ უფრო გაამპარტავანდა. ჯადოსანის დარიგებისამებრ, ის წარბსაც არ უხრიდა მეფის შემოხედვას, დაურიღებლად ხუმრობდა მასთან და კადნიერად მიუგებდა დაცინვაზე.

ივან ვასილევინი მოთმინებით იტანდა მის საქციელს.

და, აი, ერთხელ, როცა თავის უახლოეს რჩეულებთან ერთად, მათ რიცხვში ორივე ბასმანოვითურთ, ჩვეულებისამებრ მოგზაურობდა სამეფოს მოსახილველად, იოანემ მეზობელ მონასტერში შეიარა და დილის წირვა მოისმინა, ხოლო შემდეგ წინამძღერის სენაკში შევიდა და პატივი დასდო მოძღვარს, მასპინძლობა გაეწია მეფისთვის.

იოანე სკამზე იჯდა ხატების ქვემოთ; რჩეულნი, გარდა სკურატოვისა, რომელიც ამჯერად სლობოდაში დასტოვა მეფემ, კედლებთან იდგნენ, იღუმენი კი მოწიწებით იდრეკდა ქედს მეფის წინაშე და სუფრაზე აწყობდა თაფლის პურებს, ნაირნაირ მურაბებს, რძიან ჯამებს და ახალთ-ახალ კვერცხებს.

მეფე მშვენიერ გუნებაზე იყო; არც ერთ კერძს არ ტოვებდა გაუსინჯავს, მოწყალედ ხუმრობდა და სულის საცხონებელი საუბრით იქცევდა შეინახებს. ბასმანოვთან ჩვეულებრივზე უფრო ალერსიანი იყო და ამან კიდევ უფრო დააჯერა ფიოდორი შხამას უტყუარ ძალაში.

ამ დროს გალავანს გადაღმით ცხენის თქარათქური გაისმა.

— ფეღია, — უთხრა იოანემ, — გახედე ერთი, ნახე ვინ მოვიდა?

ბასმანოვმა კართან მისვლაც ვერ მოასწრო, რომ იგი გაიღო და ზღურბლზე გრიგორი სკურატოვი გამოჩნდა.

მალიუტას იღუმალი იერი ეღო სახეზე, მის თვალებში კაცი ბოროტ სიხარულს ამოიკითხავდა.

— შემოდი, ლუკიანინი! — საღმიანად უთხრა მეფემ: — რა ამბით მოსულხარ?

მალიუტამ ზღურბლზე გადმოაბიჯა, მეფეს თვალებით გამოელაპარაკა და ხატის წინ პირჯერის წერას მოჰყვა.

— საიდან მოხვედი? — ჰკითხა იოანემ ისე, თითქოს სულაც არ ჰქონდა ახლა მისი მოლოდინიო.

მაგრამ მალიუტა არ ჩქარობდა პასუხის მიცემას. ის ჯერ მეფეს ეთაყვანა, მერე კი ილუმენს მიუახლოვდა.

— დამლოცე, მამაო! — უთხრა და ქედი დაიდრია მის წინაშე, თან ფიოდორ ბასმანოვს გაჰხედა ცერად, რისგანაც იმას უცებ ავი წინათ-გრძნობით შეუქანდა გული.

— საიდან მოხვედი? — გაუმეორა იოანემ და მალულად ჩაუკრა თვალი სკურატოვს.

— საპყრობილედან, ხელმწიფეო, ჯადოსანს ვაწამებდი.

— ჰოდა, რაო მერე? — ჰკითხა მეფემ და ბასმანოვს შეავლო თვალი.

— ბუტბუტებს რაღაცას; ვერაფერს გაუგებ კაცი, მხოლოდ ეს ერთი გაუგებთ წესიერად, როცა მენჯის ძვლების მტვრევა დაეუწყეთ: „მარტო ვიაზემსკი არ დადიოდა ჩემთანო, ფიოდორ ალექსეევიჩ ბასმანოვიც დადიოდაო, იმან თილისმაც კი წაიღო ჩემგან ამასწინებზე და ის თილისმა ახლა ყელზე ჰკიდიაო“.

და მალიუტამ ცერად გაჰხედა ბასმანოვს.

ბასმანოვს ნირი ეცვალა. სითავხედის ნატამალიც აღარ შერჩა.

— ხელმწიფე-ბატონო, — თქვა მან და მთელი თავისი სიმხნევე მოიკრიბა, რომ მშვიდად მოეჩვენებინა თავი, — ის ალბათ იმისთვის მღებს შარს, შენს მეფურ მოწყალეხსთან რომ გავთქვი!

— ხოლო როცა ფეხისგულელებიც დაუხრუკეთ, — განაგრძობდა მალიუტა, — მაშინ იმაშიც გამოტყდა, იმ თილისმით ბასმანოვს ხელმწიფის წახდენა უნდოდაო.

იოანე ჩაცვიბით დააცქერდა ბასმანოვს, რომელსაც რეტი დაასხა მისმა მზერამ.

— მეფე-ბატონო! — წარმოთქვა მან: — ყურს ნუ ათხოვებ იმ მეწისქვილის რატრატს! მე რომ იმას სიახლოვეს გავკარებოდი, მაშინ განა შენთან დავასმენდი?

— მაგასაც ვნახავთ. აბა ეგ ხიფთანი შეიხსენი, მაჩვენე, რა გკიდია ყელზე?

— აბა რა მექნება, ჯვარისა და ხატის მეტი, ხელმწიფეო? — წარმოთქვა ბასმანოვმა ისე, რომ სიმტკიცის ნასახიც აღარ ერია ხმაში.

— ხიფთანი შეიხსენი! — გაუმეორა ივან ვასილევჩიმა.

ბასმანოვმა ცახცახით შეიხსენა სამოსის ზედა ღილები.

— ინებე, — თქვა მან და პაწია ხატებასხმული ძეწკვი გაუწოდა იოანეს.

მაგრამ მეფემ, ძეწკვის გარდა, აბრეშუმის ყაითანსაც შეასწრო თვალი ბასმანოვის ყელზე.

— ეგ რაღაა? — ჰკითხა იოანემ, თან თვითონვე შეუხსნა საყელოზე იაგუნდის საკინძი და ავეგაროზიანი ყაითანი ამოაცურა მისი პერანგიდან.

— ეგ, — ჩაილაპარაკა ბასმანოვმა და თავგანწირვით მოიკრიბა უკანასკნელი სულის მხნეობა, — ეგ, ხელმწიფეო... დედაჩემის ლოცვა-კურთხევაა.

— ეგ ლოცვა-კურთხევაც ვნახოთ! — იოანემ გრიაზნოის გადასცა ავეგაროზი. — აბა, გაარღვიე ეგ, ვასიუკ.

გრიაზნოიმ დანით გამოარღვია პარკუჭის პირი, შიგ ჩაკერებულ ტილოს ნაჭერი გახსნა და რაღაც გაღმოაპნია მაგიდაზე.

— აბა, რა არის ეს? — ჰკითხა მეფემ; ამ სიტყვებზე ყველანი მაგიდაზე წაიხარნენ და ცნობისმოყვარედ დააქკერდნენ გომბეშოს ძვლებში არეულ რაღაც ფესვებს.

იღუმენმა პირჯვარი გადაისახა.

— ამით დაგლოცა დედაშენმა? — დამცინავად ჰკითხა ივან ვასილევინმა.

ბასმანოვი მუხლებზე დავარდა.

— მომიტევე, ხელმწიფეო, შენს უღირს მონას! — შიშით შეჰყვირა მან. — რაკი ვხედავდი, აღარ გიყვარდი, გული მიკვდებოდა და, შენი წყალობა რომ კვლავ მღირსებოდა, ეს ჯადო გამოეთხოვე მეწისქვილეს. ეგ შხამა ბალახია, ხელმწიფეო! მეწისქვილემ იმისთვის მომცა, რომ კვლავ შეგყვარებოდა შენი მონა, შინაგანზრახვა კი შენს მომართ, ხედავს ღმერთი, არ მქონია!

— მაშ ეგ გომბეშოს ძვლები რისთვის გინდოდა? — ჰკითხა იოანემ და შეეცყო, რომ ტკბებოდა ბასმანოვის სასოწარკვეთილებით, ვისმა კანნიერებამაც დიდი ხანია თავი მოაბეზრა.

— ძვლები თუ ერია, არც ვიცოდი, ხელმწიფეო, ხედავს ღმერთი, არც ვიცოდი!

ივან ვასილევინი მალიუტას მიუბრუნდა.

— მაშ, შენ ამბობ, — უთხრა მან, — რომ ჯადოსანი ფედკას ადებს ხელს; თითქოს ფედკა ჩემს წასახდენად მისულა მასთან, ზომ?

— ასე ამბობს, ხელმწიფეო! — და მალიუტამ ტუჩები დაბრიცა, იმით გაზარებულმა, რომ განსაცდელში ხედავდა თავის ძველ მტერს.

— აბა, რა გითხრა, ფელიუშა, — მქირდავი ღიმილით განაგრძო მეფემ, — სხვა რა ჩარაა, პირისპირ უნდა წაგაყენოთ ჯადოსანთან. ის უკვე დაჰკითხეს; ახლა ბარემ შენც გამოსცადე წამება, თორემ იტყვიან: მეფე

მხოლოდ ზემწინელებს აწამებს, თავის ოპრიინიკებს კი უფრთხილდებაო.

ბასმანოვი მუხლებში ჩაუვარდა იოანეს.

— ჩემო მზეო, მანათობელო! — შეპღრიალა მან და ხიფთანის კალთებში ჩააფრინდა მეფეს: — ჩემო თვალისჩინო, ხელმწიფე-ბატონო, ნუ დამღუპავ, ჩემო მზეო, ჩემო მთვარეე, ჩემო შევარდენო, სიქადულო და სასოებავე! გაიხსენე, რა ერთგულად გამსახურებდი, შენს ნება-სურვილს რომ არასდროს არ ვეურჩებოდი!

იოანემ ზურგი შეაქცია მას.

სასოწარკვეთილი ბასმანოვი მამამისს მივარდა.

— მამაჩემო! — შეპღრიალა მან; — ევედრე მეფეს, სიცოცხლე აჩუქოს თავის მონას! დაე ამას იქით სარაფანი კი არა, მასხარას სამოსი ჩამაცვას ბარემ სიხარულით ვემსახურები ხუშარად მის მეფურ მოწყალებას!

მაგრამ აღექსეი ბასმანოვისთვის ერთნაირად უცხო იყო მშობლიური გრძნობაც და ადამიანური სიბრაღეც. მას ეშინოდა, ვაითუ შევიღისადმი თანაგრძნობით თვითონაც დაეიტეხო მეფის რისხვაო.

— გამშორდი, — უთხრა და ხელი ჰკრა ფილოროს, — გამშორდი, უკეთურო! ვისაც მეფისთვის არ უცემს გული, იმას ვერც შეილად ვიწამებ! გასწი, საითაც მისი მეფური მოწყალება გიბრძანებს!

— წმიდაო იღუმენო... — აღრიალდა ბასმანოვი და მუხლებზე ხოხვით წალოლიადა იღუმენისკენ, — წმიდაო იღუმენო, შენ მაინც ევედრე ხელმწიფეს ჩემთვის!

მაგრამ იღუმენს თვითონაც კაცის ფერი აღარ ელო, თვალებით მიწას დაშტერებოდა და მთელი სხეული უცახცახებდა.

— ჩამოეხსენი მამა იღუმენს! — ცივად უთხრა იოანემ. — თუ საჭირო იქნა, ეგ მერე პანაშვიდს გადაიხდის შენი სულის მოსახსენებლად.

ბასმანოვმა მავედრებელი მზერა მოავლო იქაურობას, მაგრამ მხოლოდ მტრულ ან დამფრთხალ თვალებს წააწყდა ყველგან.

მამინ მას უცებ ეცვალა გული.

ის მიხვდა, რომ ვედარსად გაექცეოდა წამებას, რომელიც ისევე სასტიკი იყო, როგორიც სიკვდილით დასჯა, და, ჩვეულებრივ, ასედაც ბოლოვდებოდა; მიხვდა, რომ დასაკარგავი აღარაფერი ჰქონდა, და ამის შეგნებამ მხნეობა დაუბრუნა.

ბასმანოვი ფეხზე წამოდგა, წელში გაიმართა, ხელი სარტყელში გაირჭო და თავხედური ღიმილით მიატკერდა ივან ვასილევინს.

— ხელმწიფე-ბატონო! — კადნიერად უთხრა და თავი აიქნია, რომ

აწეწილი კულულები შეესწორებინა: — ხელმწიფე-ბატონო! შენი ბრძანებით წამებისა და სიკვდილის გზაზე მივდივარ. მაშ, ნება დამრთე, უკანასკნელი მადლობა გითხრა იმ ალერსისთვის, რაც შენ ჩემთვის გიღირსებია! შენდა მომართ არავითარი შინაგანზრახვა არ გამკარებია, ცოდვები კი მე და შენ საზიარო გვაქვს! როცა დასასჯელად წამიყვანენ, ყველაფერს გამოუკლებლად ჩამოემარცვლავ ხალხის წინაშე! შენ კი, მამა ილუმენო, ისმინე ახლა ფედკა ბასმანოვის აღსარება!..

მაგრამ მას სიტყვის გაგრძელება აღარ დაანებეს. ოპრიჩნიკებმა და თვითონ ალექსეი ბასმანოვმა სენაკიდან ეზოში გააცუხცუხეს იგი, ზოლო მალიუტამ ცხენზე შესვა, უკვე გათოკილი, და მაშინვე სლობოდისკენ გაუყენა.

— თვითონ ხედავ, მამაო, — უთხრა იოანემ ილუმენს, — რამდენი აშკარა თუ ფარული მტერი მყავს გარშემო! ილოცე ჩემთვის, უღირსისთვის, რომ უფალმა ღმერთმა კეთილი ბოლო მოჰმადლოს ჩემს წამოწყებებს, რომ მისი ლოცვა-კურთხევით ამოვიძირკვო, მრავალცოდვილმა, ლაღატის ფესვი!

მეფე წამოდგა, ხატების წინ პირჯვარი გამოისახა და ილუმენთან მივიდა ლოცვა-კურთხევის მისაღებად.

ილუმენმა და ძმათა კრებულმა ცახცახით გააცილეს ის გალაენის გარეთ, სადაც მეფის მეჯინიბენი მდიდრულად აღკაზმული ცხენებით ელოდნენ მის გამობრძანებას; და, აი, მეფე და მისი ასაბია უკვე კარგა ხანია მტვრის ღრუბელში მიიმალა, აღარც ცხენთა ნალების თქარათქური მოისმოდა, მაგრამ მონაზვნები კი ისევ ისე უძრავად იდგნენ, თვალეზი ძირს დაეხარათ და თავის აწევასაც ვერ ბედავდნენ.

#### XXXIV თ ა ვ ი

### სუმარას სივთანი

სწორედ იმ დღით მოროზოვს, რომელიც იოანეს ბრძანებისამებრ სლობოდაში დარჩა, ორმა მესუფრემ მოაკითხა და მეფის სუფრაზე მიწვევა აუწყა.

როცა დრუჟინა ანდრეევიჩი სასახლეში მივიდა, პალატები უკვე ოპრიჩნიკებს აევსოთ, სუფრები გაეწყოთ, ბრწყინვალედ დამოსილ მსახურებს საუზმეული გამოჰქონდათ.

ბოიარმა იქაურობა მოათვალიერა, თავის გარდა ვერც ერთი ზემშჩინელი ვერ დაინახა წვეულთა შორის და მიხვდა, რომ მეფეს განსაკუთრებული პატივი დაედო მისთვის.

აი, სასახლის ზარებმა დაიგუგუნეს, ბუკებმა დასჭექქეს და დარბაზში მოწყალედ მოღიმარი ივან ვასილევინი შემობრძანდა. მას ჩუდის არქიმანდრიტი ლეკვი, ვასილი გრიაზნოი, ალექსეი ბასმანოვი, ბორის გოდუნოვი და მალიუტა სკურატოვი ახლდნენ თან.

როცა წვეულნი მდებლად ეთაყვანნენ და თვითონაც სალამი ჩამოარიგა, მეფე თავის ტაბლას მიუჯდა და ყველანი ზარისხისდა მიხედვით შემოუსხდნენ მის მაგიდას. მხოლოდ ერთი თავისუფალი ადგილია დარჩა გოდუნოვის შემდეგ.

— დაჯექი, ბოიარო დრუჟინა! — ალერსიანად უთხრა მეფემ და თავისუფალ ადგილზე მიუთითა.

მოროზოვს სახე წამოენთო.

— ხელმწიფეო, — უპასუხა მან, — მოროზოვი თავის ჩვევებს არ უღალატებს; როგორც მივლია ჩემს სიცოცხლეში, სიკვდილამდე ისევე ვივლი. უკვე მოხუცი ვარ საიმისოდ, ხელმწიფეო, რომ ახალი წესები შევითვისო. გნებავს კვლავ შემრისხე, კვლავ გამამძევე შენს თვალთაგან, — მაგრამ გოდუნოვის შემდეგ არ დაეჯდები!

ყველამ გაოცებით გადახედა ერთიმეორეს. მაგრამ მეფე თითქოს ელოდა ასეთ პასუხს. მას კვლავ მშვიდი იერი შერჩა სახეზე.

— ბორის, — უთხრა მან გოდუნოვს, — მალე ორი წელი იქნება მას აქეთ, რაც ბოიარი დრუჟინა ასეთივე პასუხისთვის შენს სამსჯავროს გადმოვაბარე. მაგრამ, ჩანს, უკვე დროა ხელი ავიღო ჩემს ჩვევებზე. როგორც ვატყობ, ამიერიდან უკვე ზემშჩინელები იქნებიან ჩენი უფროსნი და მბრძანებლები! როგორც ვატყობ, უკვე ჩემს ქოხშიც აღარ მქონია რამე უფლება! ალბათ, ისევ მომიწევს მე საწყალობელს გუდანაბადის აკურა და ჩემი ჯამათიანად სადმე შორს გადაკარგვა! ნამდვილად გამამძევებენ აქედან, გლახაკ-მესტვირეს, კარიდან კარად მოხეტიან-ლეს, როგორც მოსკოვიდან გამომამძევეს!

— ხელმწიფეო, — თვინიერად უთხრა გოდუნოვმა, რომელსაც მოროზოვის შეველა ეწადა, — ჩვენ არ ვარგივართ იმის განმსჯელად, ვინ რის ღირსია. ამის განმსჯელი მხოლოდ შენა ხარ. მაგრამ ძველი ხალხი მტკიცედ ადგას ძველ ადათებს და შენც ნუ გაურისხდები ბოიარს, რომ აზნაურული რიგობა ახსოვს. თუ ნებას დამრთავ, ხელმწიფეო, მე დაეჯდები მოროზოვის შემდეგ; შენს სუფრასთან ყველა ადგილი ღირსეულია!



იგი ისე შეტოკდა, თითქოს წამოდგომას აპირებდო, მაგრამ იოანემ თვალთ ანიშნა, ადგილზე მჯდარიყო.

— ბოიარს ჭეშმარიტად სიბერე სჭირს! — გულცივად თქვა მან და აშკარა ურჩობის წინაშე მისმა აღუშფოთრობამ მოლოდინით ადაესო დარბაზში მყოფნი. ყველა გრძნობდა, რომ რაღაც უჩვეულო უნდა მომხდარიყო, მაგრამ იმას კი ვერავინ ხედებოდა, როგორ გამოვლინდებოდა მეფის მრისხანება, რომლის მოახლოვებასაც მისი სახის ძლივს შესამჩნევი, შორეულ მნათობთა ციალის მსგავსი კრუნჩხვა-ცახცახი ააშკარავებდა.

ყველა სუნთქვაშეკრული, გულშეჭირებული იყო, როგორც მოახლოებული ქარიშხლის წინ.

— დიახ, — მშვიდად განაგრძობდა იოანე, — ბოიარს ჭეშმარიტად სიბერე სჭირს, მაგრამ გონება კი მისი ასაკისთვის უჩვეულოდ საღი აქვს. ძალიან უყვარს ხუმრობა. მე თვითონაც მიყვარს ხუმრობა და, როცა საზრუნავისა და წირვა-ლოცვისგან მოვიცილი ხოლმე, არ გავურბივარ მხიარულებას. მაგრამ მას აქეთ, რაც ჩემი ხუმარა ნოგტევი გარდაიცვალა, აღარავინ მყავს გამართობი და შემაქცევარი. ხოლო დრუჟინას, როგორც ვხედავ, გულით სწაღია ეს ხელობა; მე კი აღვუთქვი, წყალობას არ მოგაკლებ-მეთქი, პოდა, ამიტომ ჩემი პირველი ხუმარას პატივი მინდა ვუბოძო ახლა. ნოგტევის ხიფთანი მოგვართვით აქ და ბოიარს ჩაატევი!

მეფეს უფრო ჩქარ-ჩქარა დაუწყო ტოკვა სახის კუნთებმა, მაგრამ მისი ხმა კვლავ მშვიდად ჟღერდა.

მოროზოვი მეხდაკრულივით იდგა. აღმურმოდებული პირისახე გაუფითრდა, სისხლი გაეყინა, თვალები წამოენთო, ხოლო წარბები ჯერ აუტოკდა, მერე კი შეეჭმუნა ისე მრისხანედ, რომ ივან ვასილევინის გვერდითაც კი შემზარავი გამოჩნდა მისი იერი. იგი თავის ყურებს არ უჯერებდა; ვერ ერწმუნებინა, თუ მართლა აპირებდა მეფე საქვეყნოდ შეერცხვინა ის, მოროზოვი, ზვიადი ბოიარი, რომლის დამსახურება და ოდინდელი სიმამაცეც დიდი ხანია საყოველთაოდ იყო ცნობილი.

ის ხმაგაკმენდილი იდგა და გახევებული, კითხვადქცეული თვალებით შეჰყურებდა იოანეს, თითქოს ელოდა, საცაა გონს მოეგება მეფე და უკანვე დაიბრუნებს თავის ნათქვამსო. მაგრამ ამ დროს, მეფის ნიშანზე, ეასილ გრიაზნოი წამოდგა სუფრიდან და მოროზოვისკენ გაემართა. მას დიბა-ფარჩისა და უხეში მაუდის ჭრელაჭრულა ხიფთანი ეჭირა გაწვდილ ხელებში. ხიფთანზე უამრავი კონკი ეკერა და ზანზალაკები ჟღარუნებდა.

— ჩაიცვი, ბოიარო! — უთხრა გრიაზნოიმ. — დიდმა ხელმწიფემ თანისი აწ გარდაცვლილი ზუმარას — ნოვტევის ეს ხიფთანი გიბოძა შენ!

— შორს ჩემგან! — შესძახა მოროზოვმა და ხელისკვრით მოიშორა გრიაზნოი; — ახლოსაც არ გამეკარო, შე წყეულო, ბოიარ მოროზოვს, ვის წინაპრებსაც მემალღეებად და შინაყმებად მსახურებდნენ შენი მამანი!

ეს რომ თქვა, იგი იოანეს მიუბრუნდა და აღშფოთებისგან მთრთოლვარე ხმით მიმართა:

— ხელმწიფეო, უკან წაიღე შენი სიტყვა! ბრძანე, სიკვდილით დამსაჯონ! ჩემი სიცოცხლე შენს ხელთაა, გინდ მომკლავ და გინდ დამარჩენ, მაგრამ ჩემს ღირსებას და პატიოსნებას კი ძეხორციელი ვერ შეეხება!

ივან ვასილვევიჩმა ოპრიჩნიკებს გადახედა.

— ხომ მართალი ვთქვი, დრუჟინას ზუმრობა უყვარს-მეთქი? გესმით, რას ამბობს? თურმე უფლება არ მქონია ხიფთანი ვუბოძო ჩემს ბოიარს!

— ხელმწიფეო, — განაგრძო მოროზოვმა, — სახელითა ღმრთისათა, უფლისა ჩვენისა, გვედრები, უკან წაიღე შენი სიტყვა! დაბადებულიც არ იყავი, რომ ცხონებული მამაშენი წყალობას არ მაკლებდა, როცა მე, ხაბარ სიმსკისთან ერთად, ჩუვაშები და ჩერემისები დავამარცხე სვიაგაზე, როცა ოდოევსკისა და მსტიხლავსკის მხარდამხარ მდგომმა ყირიმელი ბატონიშვილი ვაოტე ოკიდან და მარბიელი თათრებისგან ვიხსენი მოსკოვი! ბევრჯერ დავჭრილვარ, ბევრი სისხლი დამიქცევეია მამისშენისა და შენს სამსახურში, ხელმწიფეო! თავს არ ვზოგავდი არც ბრძოლის ველზე, არც ბოიართა დუმაში, შუისკებსა და ბელსკებს შენთვისა და შენი მშობელი დედისთვის ვედავებოდი ჯერ ისევ მამინ, როცა უასაკო ბაღლი იყავი! ერთადერთი, რასაც მუდამ ვუფრთხილდებოდი, ჩემი ღირსება და სახელი იყო, სხვა არაფერი, და ისე გავლიე ცხოვრების დღენი, არც დავანებე ვინმეს მისი შებღალვა; ნუთუ ახლა შენ შეარცხვენ ჩემს ჭადარას? ნუთუ შენ დაამცირებ ასე მწარედ შენი მშობელის ერთგულ მსახურს? ბრძანე დამსაჯონ, ხელმწიფეო, ბრძანე ჯალათმა მომკვეთოს თავი, და სიზარულით წავალ საწამებლად, როგორც წინათ საბრძოლველად მივდიოდი!

ყველანი სდუმდნენ, მოროზოვის ძლიერი სიტყვით გაოგნებულნი; მაგრამ საერთო დუმილში იოანეს ხმა გაისმა:

— კმარა ყბედობა! — მრისხანედ წარმოთქვა მან და, უკვე დაცინვით კი არა, აშკარა სიბრაზით განაგრძო, — შენი ბრიყვული ლაპარაკი ცხად-  
286

ყოფს, ბებერო, რომ დიღებული ხუმარა იქნები. ჩაიცივი მასხარას სამოსი! ჰეი, თქვენ! — ოპრინიკებს მიუბრუნდა და განაგრძო მეფემ, — დაეხმარეთ ბოიარს; ეგ დაჩვეულია, რომ სხვები ემსახურებოდნენ.

მოროზოვი რომ მორჩილად შეხვედროდა ამ ამბავს ან მუხლებში ჩაყარდნოდა მეფეს და დამამცირებლად შევედრებოდა პატიებას, ვინ იცის, ივან ვასილევინს ეგებ ღმობიერება გამოეჩინა. მაგრამ მოროზოვს უზომოდ ზვიადი იერი ელო, ზმაც უზომოდ მტკიცე და გაბედული ჰქონდა; თვით მის თხოვნაშიც შეუპოვრობა მოისმოდა და იოანეს არ შეეძლო ამის ატანა. მას დაუძლეველი სიძულვილი ჰქონდა ყველა ძლიერი ბუნების კაცისა და სწორედ ეს იყო იმის ერთ-ერთი მიზეზი, რომ სულ ახლახან ასე ანგარიშმიუცემლად გასწირა ვიანემსკი, რომლის თვითორჯულ ხასიათსაც კარგად იცნობდა იოანე.

ოპრინიკებმა უმაღლეს მამარცვეს მოროზოვს ზედა სამოსი და ზანზალაკებიანი ხიფთანი ჩააცვეს.

მას შემდეგ, რაც იოანემ ბოლოს აკადრა, მოროზოვმა ამაოდ ჩათვალია ურჩობა. ბოიარმა ადროვა ოპრინიკებს, რომ ხიფთანი ჩაცემიანთ მისთვის, და მღუმარედ იღვა, სანამ ისინი სიცილ-ზორზოცით ასწორებდნენ და ქაჩაუდნენ მის ტანზე ახალ სამოსს. მოროზოვი მთლად ფიქრად იქცა. იგი მთელი თავისი გრძნობა-გონებით საკუთარ არსებაში ჩაღრმავდა.

— ეჰ, ქული კი დაგავიწყდათ? — თქვა გრიაზნოიმ და ჭრელი ჩაჩი ჩამოაფხატა მოროზოვს, მერე კი უკან გადაა და, წელში გამტყდარი, უმდაბლესად ეთაყვანა ბოიარს.

— დრუჟინა აღნრეინ! — უთხრა მან: — მოწინებით გეთაყვანებით და გილოცავთ ახალ თანამდებობას! გაგვართე და შეგვაქციე, როგორც ცხონებული ნოგტევი გვართობდა!

მაშინ მოროზოვმა თავი ასწია და თვალი მოავლო შეკრებილთ.

— კეთილი და პატიოსანი! — ხმამაღლა და მტკიცედ წარმოთქვა მან: — ვღებულობ მეფის ახალ წყალობას. ბოიარ მოროზოვს არ შეჰფეროდა გოდუნოვის გვერდით დაჯდომა; მაგრამ მეფის ხუმარას მართებს კიდევაც მეფის სუფრაზე გრიაზნოებისა და ბასმანოვების მხარდამხარყოფნა. აბა, მიიწ-მოიწით, გავრიებო! აღვილი დაუთმეთ ახალ ტაკიმასხარას! გაატარეთ ხუმარა და ისმინეთ ყველამ, როგორ გაართობს ივან ვასილევინს!

მოროზოვმა მბრძანებლურად აიქნია ხელი და ოპრინიკებმა თავისდაუნებურად უტიეს გზა.

ბოიარი ზანზალაკების ჟღარუნით მივიდა მაგიდასთან და იოანეს

პირისპირ დაეშვა მერხზე ისეთი მედიდურობით, თითქოს ხუმარას ჭრე-  
ლაჭრულა ხიფთანი კი არა, დიდებული სამეფო მანტია სცმოდეს.

— აბა, რით გაგართო, ხელმწიფო? — ჰკითხა მან, მკლავები მაგი-  
დაზე შემოაწყო და შიგ თვალებში შეაცქერდა ივან ვასილევინს. — ერ-  
თობ უცნაურად ახირებული გართობა დაგჩემდა, კაცი ველარაფრით გა-  
გაკვირვებს! რალანაირი ხუმრობა არ გავიგონეთ რუსეთში მას აქეთ,  
რაც შენ ხელმწიფობ! ჯერაც ყმაწვილი იყავი, რომ უკვე გართობას მიჰ-  
ყავი ხელი და ცხენით თქერავდი ხალხს ქუჩებში; მაშინაც ერთობოდი,  
როცა ნადირობისას მემძალეებს ასო-ასო ააქნევინე თავადი შუისკი;  
შენთვის ისიც გართობა იყო, როცა ფსკოველთა წარმოგზავნილნი  
თვალცრემლიანნი მოვიდნენ, რომ შენს ნაცვალზე შემოეჩივლათ, შენ კი  
ბრძანე წვერ-ულვაში დაეტრუსათ მათთვის მღულარე კუპრით!

ოპრინიკებმა ადგილიდან წამოხტომა დააპირეს, რომ ხროვასავით  
შესეოდნენ მოროზოვს; მაგრამ მეფემ ანიშნა, მშვიდად მსხდარიყვნენ.

— მაგრამ, — განაგრძობდა მოროზოვი, — ეს ყველაფერი ბავშური  
ცელქობა იყო; ჰოდა, მალე მოგებურდა. მაშინ სახელოვან დიდებულთა  
ბერად აღკვეცას მიჰყავი ხელი, მათ ცოლებსა და ასულებს კი თავლაფს  
ასხამდი შენს გასართობად. მაგრამ ესეც მოგწყინდა. მაშინ შენს საუკე-  
თესო მსახურებს დარჩე ხელი და ტანჯვა-წამებით უღებდი ბოლოს. ამან  
უფრო გაგართო და გაგახალისა, ოლონდ დიდხანს ვერც ამით შეიქციე  
თავი. სულ ხომ ხალხზე და ბოიარებზე არ ვიავკაცებ, მოდი ახლა ქრის-  
ტეს ეკლესიასაც გავამასხრებო, თქვი გუნებაში! ჰოდა, შეჰყარე თუ სად-  
მე იყო სამიკიტნოებში ნათრევი არაკაცები, წუნკალი ვიგინდარები, ბე-  
რის ანაფორით დამოსე ისინი, თვითონაც ბერივით შეიმოსე და დაიწყე  
გართობა: დღისით ხალხის კვლა, ღამით კი აკათისტოს გალობა. შენ  
თვითონ, სისხლით გათხერილი, კიდევ გალობდი, ზარებსაც რეკდი და  
ლამის წირვაც აგესრულებინა. ეს ყველაზე მზიარული გასართობი გა-  
მოდგა; ამნაირს, შენს მეტი, ვერა კაცი ძეხორციელი ვერ მოიფიქრებდა!

— რაღა გითხრა ამის მეტი, ხელმწიფო? კიდევ რით გაგიხალისო გუ-  
ლი? ჰო, ბარემ ამ ერთსაც გეტყვი: სანამ შენ ამ შენი ოპრინინით ნი-  
ლაბაკრული ჩარფუზანობ, ცისკრის ზარებს რეკავ და სისხლით ითვრე-  
ბი, დასავლეთიდან ჟიგიმონტი შემოგიტევს, ჩრდილოეთიდან გერმანე-  
ლები და ჩუდელნი მოგესევნიან, ზოლო სამხრეთიდან და აღმოსავლეთი-  
დან ხანი წამოვა შენს შესამუსრად. მოსკოვს ურდო შემოესევვა და აღარ-  
სად გეყოლება ვოევოდები, რომ წმინდა ეკლესიას მცველად დაუდგნენ  
ცეცხლის ალში გაეხვევა ღვთის ტაძრები წმინდა ნაწილებითურთ,  
კვლავ მობრუნდება ბათო ყაენის დროება და ჟამიანობა. შენ კი, სრული-

აღ რუსეთის მეფე, მორჩილად დაიდრეკ ქედს ხანის წინაშე და, მუხ-  
ლებზე მდგარი, მის უხანგებს დაუწყებ ლოკვას!

მოროზოვი დადუმდა.

არაეინ ცდილა სიტყვა გაეწყვეტინებინა მისთვის; ყველა სუნთქვა-  
შეკრული შეჭყურებდა ბოიარს. მეფე წინ იყო გადმოზრდილი და სახეგა-  
ფითრებული, თვალანთებული, პირზე ღორბლმომდგარი უსმენდა მორო-  
ზოს. იოანე კრუნჩხვაშეყრილივით ჩაჰფრენოდა სავარძლის სამკლავეებს  
და იფიქრებდით, მხოლოდ იმას ცდილობს, ერთი სიტყვაც არ გამოიჩინოს  
მოროზოვისა, რომ სათითაოდ ჩაიბეჭდოს ისინი მუხსიერებაში და მერე  
ეპორჩიეული სატანჯველით მიუსწლოს თვითულისთვისო.

ყველა ოპრიჩინაიკი გაფითრებული იყო; ვერაეინ ბედავდა მეფისკენ  
გახედვას. გოდუნოვიც თვალები დახარა და სუნთქვაც კი შეიკრა, რომ  
ესიმე ყურადღება არ მიეპყრო. თვით მალიუტაც შეცბუნებული იყო.

უცებ გრიაზნოიმ დაწა იშეშელა, იოანესთან მიიბრინა და აღელვე-  
ბათ უთხრა, თან მოროზოვისკენ იშვერდა ხელს:

— ნება მომეცი, ხელმწიფეო, ხმა გაეუწყვიტო!

— არ გაბეღო! — თითქმის ჩურჩულით ამოიხრიალა მღელვარების-  
გან სულშეგუბებულმა მეფემ: — აღროვე მის მოწყალებას ბოლომდე  
კვითხრას თავისი სათქმელი!

მოროზოვიც ამაყად მოავლო თვალი იქაურობას.

— კიდევ გსურს ხუმრობა, ხელმწიფეო? ინებე, კვლავაც გავართობ!  
შენს ერთგულ მსახურთაგან კიდევ გყავდა შემორჩენილი ერთი, ძველი  
გვარის ბოიარი; მაგრამ ღრომდე თავს იკაეებდი მისი დასჯისგან, კაცმა  
არ იცის, იმის გამო, რომ ღვთის რისხვისა გეშინოდა, თუ იმიტომ, რომ  
აქამდე ვერ მოიგონე ღირსეული სასჯელი მისთვის. შენგან შორს ცხოვ-  
რობდა ის ბოიარი, შერისზული, და დიახაც შეგეძლო მისი გადავიწყება;  
მაგრამ შენ, ხელმწიფეო, არავის იფიწყებ! ჰოდა, აი, ერთ მშვენიერ  
ღღეს ის შენი წყეული ვიაზემსკი მიუგზავნე იმას სახლ-კარის გადასა-  
ბუგად და ცოლის გასატაცებლად. ხოლო როცა შენთან მოვიდა და ვი-  
აზემსკისთვის დანაშაულის მოკითხვა გთხოვა, მაშინ გართობა მოგეგუ-  
ნება და ასპარეზზე დააყენე ორივე, რადგან გეგონა, ვიაზემსკი წესს აუ-  
გებდა შენს ძველ მსახურს. მაგრამ ღმერთმა არ ინება მისი გაწირვა და  
გამოაჩინა მისი სიმართლე.

მაშინ რაღა მოიმოქმედე შენ, ხელმწიფეო? მაშინ... — თრთოლვით  
ვანაგრძო მოროზოვიც და მის სამოსზე ზანზალაკები აჟღერიალდა, — მა-  
შინ იფიქრე, ვერ არ კმარა, რაც ჩემს მსახურს აქამდე ჭირი ვაწვნიეო,  
და გადაწყვიტე არგაგონილი, არნახული უმსგავსობით დაგემცრო მისი  
ღირსება!

მაშინ!.. — შესძახა მოროზოვმა, მაგიდას ხელი ჰკრა და ფეხზე წამოდგა, — მაშინ შენ, ხელმწიფეო, ხუმარას ხიფთანი გადააცვი ბოიარ მოროზოვს და უბრძანე მას, ტულისა და მოსკოვის გადამრჩენელს, მასხარაობით გაერთე შენს თახსირ ღვთის გარეგნებთან ერთად!

მრისხანე შესახედავი იყო მხცოვანი ვოევოდა მღუმარე ოპრინიკთა შორის. ხუმარას საპოსს უკვე ველარაჲინ ამჩნევდა მის ტანზე. ხშირ წარბებს ქვემოთ ელგებს აკვესებდა გაალმასებული თვალები. თეთრა წვერი დიდებულად ეფანა მკერდზე, რომელიც ბევრჯერ დალაზერულა მტრის მახვილით, მაგრამ ახლა ფერად-ფერადი ნაჭრებით იყო აჭრელეული; აღშფოთებული გამოხედვა კი იმდენ ადაშიანურ ღირსებას, ისეთ დიდბუნებოვნებას გაგრძნობინებდათ, რომ მასთან შედარებით იოანე კაცუნა ჩანდა.

— ხელმწიფეო, — განაგრძო მოროზოვმა და ხმას შეუმალლა, — შენი ახალი ხუმარა შენს წინაშე დგას. ახლა მის ბოლო ხუმრობასაც დაუგდე ყური! სანამ შენ ცოცხლობ, ბაგენი რუსი ხალხისა შიშით არის დადუმებული; მაგრამ გადაივლის შენი მხეცური ხელმწიფება და შენს საქმეთა მხოლოდ მოგონებალა დარჩება ამ ქვეყანაზე, შენი სახელი კი საუკუნო წყევლა-კრულვისთვის გადავა თაობიდან თაობაში, სანამ ღვთის საშინელი სამსჯავროს დღე დადგებოდეს! და მაშინ შენგან მოკვდინებულთა ასეულნი და ათასეულნი, ურიცხვი მამანი და დედანი, ბაღნი და მოხუცებულნი, შენგან ტანჯულთა და გაუბედურებულთა სრული კრებული, უკლებლივ ყველა ღვთის წინაშე წარსდგება და მხურვალედ შეჰლადადებს შენს მტარვალობას! იმ საშინელ დღეს მეც წარესდგები საუკუნო მსაჯულის წინ, აი ასე შემოსილი, და უკანვე გამოვიტხოვ ჩემს ღირსებას, რაიც შენ მიმტაცე ამ საწუთროში! მაშინ გვერდით აღარ გეყოლებიან შენი თახსირი ღვთის გარეგნები, რომ მალადადებულთა ბაგენი დაადუმო, მსაჯული გაიგონებს ჩვენს ვედრებას და შთაგავდებს ცეცხლსა მას საუკუნოსა, რომელი განმზადებულ არს ეშმაკისათვის და ანგელოზთა მისთა!

მოროზოვი დადუმდა, ზიზღით მოავლო თვალი მეფის რჩეულებს, ზურგი აქცია მათ და დინჯად მიაშურა გასასვლელს.

არავის უფიქრია მისი შეჩერება. მოროზოვმა ამაყად ჩაუარა მაგიდებს და, როცა მისი ზანზალაკების უღარუნიც მიწყდა, მხოლოდ მაშინ გამოფხიზლდნენ გაოგნებული ოპრინიკები; მალიუტა კი ფეხზე წამოდგა და ივან ვასილევჩის უთხრა:

— რას გვიბრძანებ, ხელმწიფეო, ახლავე მოვეუღოთ ბოლო, თუ ჯერ საპყრობილეში ჩავაგდოთ?

— საპყრობილეში! — წარმოთქვა იოანემ და სული მოითქვა, — ფრთხილად მოეპყარით! ასეთ და აჭამეთ! საწამებლად ნუ გაიყვანთ, რომ ნადრევად არ ჩაძაღღდეს: იცოდეთ, მხრებზე თავი აღარ შეგრჩება, მაგას რომ რამე დაჰართო!

სალამოს მეფე საგანგებოდ ეთათბირა მალიუტას.

კოლიჩეები, რომლებიც უკვე დიდი ხანია ციხეში ჰყავდათ გამომწყვდეული და ბევრი წამება გამოიარეს მალიუტასგან, ნაწილობრივ უკვე აღიარებდნენ მათთვის შეწამებულ ღალატში დამნაშავეობას, ნაწილობრივ კი, იოანეს აზრით, უკვე საკმაოდ იყვნენ მხილებულნი მეგობრებისა და მსახურებისგან, რომლებიც წამებას ველარ იტანდნენ და ცრუ ჩვენებებს იძლეოდნენ.

მათ გარდა, კიდევ ბევრი სხვაც იყო ჩათრეული ამ საქმეში. ეს უბედურნი, რომლებიც მეფის ბრძანებით შეიპყრეს და უწყალოდ აწამებდნენ ზოგს მოსკოვში, ზოგსაც სლობოდაში, თავის მხრივ, სხვებსაც მრავლად ასახელებდნენ, ასე რომ, წამებულთა რიცხვი დღითი დღე მატულობდა და, ბოლოს, სამას კაცამდე გაიზარდა.

მეფემ, რომელსაც ძვირად უღირდა უცხო სახელმწიფოების აზრი, ამჯობინა იმხანად მოსკოვს მყოფი ლიტვის ელჩების გამგზავრებას დალოდებოდა და ყველა სიკვდილმისჯილი ერთად მოეკვდინებინა წინასწარ დანიშნულ დღეს; ხოლო ამ სისხლისღვრის ზემოქმედება რომ უფრო შემადრწუნებელი ყოფილიყო და შიშით დაეთრგუნა მემამოხენი მომავალშიც, დასჯა მოსკოვს უნდა აღსრულებულიყო, მთელი ხალხის თვალწინ.

მეფემ გადაწყვიტა ამ დღით დაესაჯა, აგრეთვე, ვიაზემსკიცა და ბასმანოვიც. მეწისქვილეს, როგორც გრძნეულს, კოცონზე დაწვა დაუდეს სასჯელად, ხოლო კორშუნს კი, რომელმაც მეფის საძინებელში შეპარვა გაბედა და რომელსაც აქამდე უფრთხილდებოდნენ საზეიმო შემთხვევისთვის, იოანე განსაკუთრებულ, ჯერ გაუგონარ სატანჯველს უმზადებდა. ასეთივე ზვედრისთვის გასწირა მან მოროზოვიც.

ამ ერთობლივი დასჯის წერილმანებზე მეფე გვიან ღამემდე საუბრობდა და მამლებმა უკვე მეორედ იყვილეს, როცა მალიუტა გაუშვა, თვითონ კი თავის სახატეში განმარტოვდა.

## სიკვდილით დასჯა

ლიტვის ელჩები რომ გაემგზავრნენ და განზრახული საზეიმო დასჯის წინაღვე გათენდა, მოსკოველებმა ძრწოლვით დაინახეს მისი სამზადისი.

დიდ სავაჭრო მოედანზე, კიტაი-გოროდის შუაგულში, უამრავი სახრჩობელა აღმართეს. მათ შორის რამდენიმე ფიტარნავი იღვა თავსაკვეთი კუნძებით. ცოტა მოშორებით ბოძებზე გადებული კაღონი მოჩანდა და ზედ ვეება რკინის ქვაბი ეკიდა. თავსაკვეთებს იქით კენთად აემართათ ბოძი, რომელზედაც ბორკილები იყო მიმაგრებული, ხოლო ბოძის გარშემო კოცონის დასანთებ ფიჩხსა და შეშას აზვინებდნენ მუშაკაცები. სახრჩობელებს შორის რაღაც უცნობი იარაღები ეწყო, რომელთა დანახვაც ხალხს გუმანით ახვედრებდა რაღაც საშინელს და წინდაწინვე უკენებსება გულს.

სავაჭროდ მოსული ხალხი დაფრთხა ამ სანახაობით და ნელ-ნელა გაიკრიბა ბაზრიდან. მარტო მოედანი კი არა, ახლომახლო ქუჩებიც დაცარიელდა. მცხოვრებლები სახლებში გამოიკეტნენ და ჩურჩულით ლაპარაკობდნენ მოსალოდნელ ამბავზე. მთელ მოსკოვში დაირხა ხმა საშინელი სამზადისის შესახებ და ყველგან მკედრულმა სიჩუმემ დაისადგურა. დუქნები გამოიკეტა და ქუჩებშიც აღარავინ ჩნდებოდა, გარდა თითო-ოროლა თქარათქურით ჩამოქროლილი მალემსროლინისა, რომლებსაც დროდადრო გზავნიდნენ ბრძანებებით არბატიდან, სადაც იოანე იყო დაეანებული თავის საყვარელ კოშკში. კიტაი-გოროდში უკვე აღარ ისმოდა სხვა ხმა, გარდა ხუროების ნაჯახთა ჩახაჩუხისა და სამუშაოების ზედამხედველ ოპრიჩნიკთა ლაპარაკისა.

როცა ღამე ჩამოდგა, ეს ხმებიც მიყუჩდა და კიტაი-გოროდის ქონგურებიანი კედლების გადღმა ამოცურებულმა მთვარემ მქრქალ შუქში გაპხვია უკაცრიელი მოედანი და ზედ ანხორილი მარგილები და სახრჩობელები. ერთი ფანჯარაც არსად ჩანდა გაშუქებული; ყველა დარაბა ჩაგმანული იყო, მხოლოდ აქა-იქ ბუტუტავდა უღონოდ ეკლესიების გარეთა ხატების კანდელები. მაგრამ ძილი არავის ეკარებოდა ამ ღამით; ყველა ლოცულობდა და გათენებას ელოდებოდა.

ბოლოს საბედისწერო დიღაც გათენდა და ცაში ყვავ-ყორნებისა და ჭიფყავების ძლიერი ჩხაეილი გაისმა. ონავრებს ეგრძნოთ, რომ სულ მალე სისხლი უნდა დაღვრილიყო და ყოველი მხრიდან მოფრინავდნენ



კიტი-გოროდისკენ, გუნდ-გუნდად კრავდნენ კამარას მოედნის თავზე და შავ მწკრივებად სხდებოდნენ ეკლესიების ჯვრებზე, სახურავების ბიბილოებსა და ნაწიბურებზე და თვით სახრჩობელების კაღონებზედაც.

სიჩუმეში დაირებისა და დაფდაფების შორეული ხმა დაირხა. ეს ხმანელ-ნელა უახლოვდებოდა მოედანს და, ბოლოს, ხუთ მწკრივად მომავალ ცხენოსან ოპრიჩნიკთა რაზმიც გამოჩნდა. წინ მესაკრავენი მოდიოდნენ, რომ ხალხი გაეფანტათ და გზა გაეკვლიათ ხელმწიფისთვის, მაგრამ ისინი ცუდუბრალოდ არხევდნენ დაირებს და აგრილებდნენ დაფდაფებს ლითონის ბურთულიანი ჩხირებით: ძეხორციელი არსად ჩანდა იმ არემარეზე.

ოპრიჩნიკთა შემდეგ თვითონ მეფე ივან ვასილევინი მოათამაშებდა ცხენს, საზეიმოდ მორთულ-შეჭურვილი, უნაგირზე მიკრული კაპარჭითა და ზურგზე მოგდებული ოქროფერილი მშვილდით. მის მუზარადს ამშვენებდა ღეისუსი, ანუ მინანქარზე გამოყვანილი მაცხოვრისა და მის ორთავ მზარეს ღვთისმშობლის, იოანე წინამორბედისა და სხვადასხვა წმინდანთა გამოსახულებები. ასალი უნაგირის ქვეშ პატიოსანი თვლებით ბრწყინავდა, სამკერდულზე კი შავრა ბედაურს ზინზილის ნაცვლად ძაღლის თავი უკონწიალებდა.

მეფეს იოანე ბატონიშვილი მოჰყვებოდა მზარდამზარ, უკან კი სამ მწკრივად ჩარიგებულ უახლოეს კარისკაცთა ამაღა მოაცილებდა. კარისკაცთა შემდეგ სამას კაცზე მეტი სიკვდილმისჯილი მოლასლასებდა. ბორკილებით ხელ-ფეხ გაკრულთ, წამებით გატანჯულთ, უჭირდათ ბაჯის წაღმა, მაგრამ ოპრიჩნიკები ძალით მოერეკებოდნენ მათ.

მსვლელობას მხედარ-ცხენოსანთა მრავალრიცხოვანი რაზმი აბოლოებდა.

როცა ეს ამოდენა ქარავანი კიტი-გოროდში შევიდა, მთელი ლაშქარი ჩამოქვეითდა და სახრჩობელებთან განლაგდა, იოანემ, რომელიც კვლავ ცხენზე იჯდა, იქაურობას მოავლო თვალი და გაოცებულმა დაინახა, რომ მოედანზე ერთი მაყურებელიც არ მოსულიყო.

— შეჰყარეთ ხალხი! — უთხრა მან ოპრიჩნიკებს. — დაე, ნურავის შეეშინდება! აუწყეთ მოსკოველთ, რომ მეფე თავის მოღალატეებს სჯის, ბრალის არმქონეთ კი შეწყალებას აღუთქვამს!

მაღე მოედანზე ხალხმა იწყო თავმოყრა, დარაბები გამოიღო და ფანჯრებში ფერდაკარგული, დამფრთხალი სახეები გამოჩნდა.

ამასობაში ქვაბქვეშ შენთებული კოცონი აგიზგიზდა და თავსაკვეთ ფიცარნაგებზე ჯალათები ავიდნენ.

ივან ვასილევინმა ბრძანა ამოერჩიათ რამდენიმე სიკვდილმისჯილი, რომლებიც დიდი დამნაშავენი არ იყვნენ და წინ გამოეყვანათ.

— კაცნო! — უთხრა იოანემ მათ ხმამაღლა და მკაფიოდ, რომ მოედანზე ყველას გაეგონა მისი სიტყვები: — თქვენ ჩემს მოლაღატებთან მეგობრობითა და აუანაუნობით მათივე ღირსი სასჯელი დაიმსახურეთ; მაგრამ მე, თქვენი სულის წარწყმედის გამო გულანაკენესმა და მწუხარებასა შინა მყოფმა, გადაეწყვიტე მიგიტევოთ ბრალნი თქვენნი და სიცოცხლე გიბოძოთ, რათა მონაწიებით გამოისყიდოთ დანაშაული და ილოცოთ ჩემთვის, უღირსისთვის!

მეფემ ნიშანი მისცა და შეწყალებულნი გვერდზე გაიყვანეს.

— მოსკოველნო! — თქვა მაშინ იოანემ: — ახლა თქვენ სიკვდილით დასჯასა და წამებას იხილავთ; მაგრამ ესჯი ოდენ ბოროტის მოქმედთ, რომელთაც სურდათ მტრების საჯიჯგნად გაეყიდათ სახელმწიფო! ცრემლდამდინარი ვწირავ მათ ზორციელი სატანჯველისთვის, რამეთუ მე ვარ მსაჯული, უფლის მიერ დადგინებული განსასჯელად ჩემი ხალხისა! ჩემს სამართალში კი წვეთიც არ არის მიკერძოების, რამეთუ ვით აბრაამი, თავის შვილზე რომ შემართა დანა, მეც ჩემს უახლოესთ ვიმეტებ მსხვერპლად! დაე ეს სისხლი ჩემს მტერთ და ორგულთ მოეკითხოთ!

მაშინ სიკვდილით დასასჯელთა გუნდიდან პირველად ბოიარი მოროზოვი გამოიყვანეს.

იოანემ, სიშმაგის პირველ შემოტევაზე, უსაშინელესი წამება გადაუწყვიტა დრუჟინას; მაგრამ, გუნება-განწყობილების უცნაური ცვალებადობის გამოისობით ან, იქნებ, ბოიარისადმი მოსკოველთა საყოველთაო სიყვარულის მიზეზითაც, დასჯის წინაღლით შეცვალა თავისი განკარგულება და უფრო ღმობიერი სიკვდილი დაუდგინა მას.

ხელმწიფის ღუმის დიაკმა, როქელიც ფიტარნაგთან იდგა, გრძელი გრაგნილი გაშალა და ხმამაღლა წაიკითხა:

— ყოფილო ბოიარო დრუჟინა! შენ ქადილით იმუქრებოდი შფოთი ჩამოგეგდო სახელმწიფოში, ყირიმის ხანი და ლიტვის მეფე ჟიგიმონტი შემოგესია და სხვა მრავალი ჭირი და განსაცდელი დაგეტეხა რუსეთისთვის. შენვე გაკადნიერდი და გესლიანი, კბენია სიტყვებით ლანძღე ხელმწიფე, მეფე და დიდი მთავარი სრულიად რუსეთისა, სცადე საურჩოდ აგეშფოთებინა კეთილნი მსახურნი მისნი. შენ სიკვდილზე უარესი გვემა-წამება დაიმსახურე; მაგრამ დიდმა ხელმწიფემ, ახსოვს რა შენი უწინდელი სიამაყენი, შენზედ გულმტკივნეულმან, ბრძანა სხვებისგან გამორჩეულად და სხვა სატანჯველთა განუცდელად დაგსაჯოს სწრაფი

სიკვდილით — თავი მოგკვეთოს, ხოლო შენი ქონება და მამული თავის სამეფო მფლობელობაში არ გადმოსწეროს!

მოროზოვმა, რომელიც უკვე ფიცარნაგზე იყო ასული, პირჯვარი გამოისახა.

— უბრალო და უცოდველი ვარ ღვთისა და ხელმწიფის წინაშე, — მშვიდად მიუგო მან, — დაე სული ჩემი უფალმა ღმერთმა იესო ქრისტემ მიიბაროს, ხელმწიფეს კი მხოლოდ ერთ წყალობას ვთხოვ. ჩემს შემდგომ რაც ავლა-დიდება დარჩება ჩემი, დაე სამ ნაწილად გაიყოს: ერთი წილი ღვთის ეკლესიებისთვის და ჩემი სულის მოსახსენებლად იყოს; მეორე გლახაკთა და არას მქონეთ დაურიგდეს; მესამე კი ჩემს ერთგულ მსახურთ და ყმებს გაუნაწილდეს; ხოლო ჩემს კაბალაში მყოფთ და მონებს სამუდამოდ ვათავისუფლებ! დაქვრივებულ მეუღლეს კი შეცოდებას მივუტყეებ და, ვისაც ისურვებს, მას მისთხოვდეს!

ეს რომ თქვა, მოროზოვმა კიდევ ერთხელ გამოისახა პირჯვარი და თავსაკვეთ კუნძზე დაღო თავი.

გაისმა ყრუ დარტყმა, დრუჟინა ანდრეევიჩის თავი ძირს გაგორდა და ფიცარნაგი წითლად შეიღება მისი კეთილშობილი სისხლით.

შემდეგ ოპრიჩნიკებმა, ხალხისდა გასაოცრად, დასახველად გამოიყვანეს ხელმწიფის მეაბჯრეთუხუცესი თავადი ვიაზემსკი, მერიქიფეთუხუცესი ფიოდორ ბასმანოვი და მამაპისი ალექსეი, რომელიც ფიოდორმა დააბეზლა წამებისას.

— მოსკოველნო! — წარმოთქვა იოანემ და მსჯავრდადებულებზე მიუთითა: — ესენი, ვისაც აქ ხედავთ, ჩემი და თქვენი ბოროტისმოქმედნი არიან! ამათ ჯვარზე ფიცილი გადაივიწყეს და ჩემი სახელით ძალადობდნენ, ხალხს იკლებდნენ, იმ ხალხს, ვის ქომაგადაც თვითონ იყვნენ ჩემს მიერ დაყენებულნი. ახლა თითოეულ მათგანს ღირსეულად მიეზღეება მათ საქმეთათვის!

ვიაზემსკისა და ორივე ბასმანოვს, როგორც მეფის ნდობის გამცრუებელთ, სასტიკი წამებით სიკვდილი ჰქონდათ მისჯილი.

ღიაკმა მათ წაუკითხა, რომ ბრალად ედოთ გრძნეულებით მეფის წახდენის შინაგანზრახვა, სახელმწიფოს მტრებთან დანაშაულებრივი ურთიერთობა და იოანეს სახელით ხალხის რბევა-შევიწროება.

როცა ჯალათებმა ფიოდორ ბასმანოვს ჩაავლეს ხელი და ფიცარნაგზე აიყვანეს, ის მაყურებლებს მიუბრუნდა და დაიყვირა:

— ხალხო და ჯამათო, ქრისტეიანებო! სიკვდილის წინ მინდა ჩემი ცოდვები მოვინანიო! მინდა ყველამ იცოდეთ ჩემი აღსარება! მისმინეთ, ქრისტეიანებო...

მაგრამ მალიუტამ, რომელიც მის უკან იდგა, სიტყვის განგრძობა აღარ აცალა. ხმლის მარჯვე მოქნევით თავი წაასხიბა ფიოდორს სწორედ იმ წამს, როცა იგი თავისი აღსარების დაწყებას აპირებდა.

ბასმანოვის გასისხლიანებული გვამი ფიცარნაგზე დავარდა ზღართანით, წასხებილი თავი კი საყურეების წკარუნით შეუგორდა ფეხებში მეფის ცხენს, რომელიც გვერდზე გახტა, ფრუტუნს მოჰყვა და ცერად აპარებდა მისკენ დამფრთხალ თვალს. თავისი უკანასკნელი თავხედობით ბასმანოვმა აიცილინა საშინელი გვემა-წამება, რომელიც მას ელოდა.

მამამისი ალექსეი და თავადი ვიაზემსკი ვერ ეღირსნენ ასეთ ბედნიერებას. ისინი ავაზაკ კორმუნთან ერთად აიყვანეს ფიცარნაგზე, სადაც საშინელი იარაღებით წამება ელოდათ. ამავე დროს მოხუცი მეწისქვილე კოცონისკენ წაათრიეს და ბოძზე მიაბეს.

ვიაზემსკი, რომელსაც, წამებით გატანჯულს, ფეხზე დგომის ღონეც აღარ ჰქონდა და მხრებში ამომდგარი ჯალათები შეელოდნენ, ნადირით ავლებდა მზერას იქაურობას. მის თვალებში არც შიში იხატებოდა, არც სინანული. ბოძზე მიკრული მეწისქვილე და მის გარშემო უკვე მხრჩოლავი კვამლის ბოლქვები რომ დაინახა, თავადს ერთბაშად გაახსენდა მოხუცის უკანასკნელი სიტყვები, როცა ის, ხმლის შელოცვის მერე, წყლით სავსე ბადიას ჩასცქეროდა; გაახსენდა, აგრეთვე, ის ჩვენებაც, რაც წისქვილში ნახა, როცა მთვარიან ღამით გაფაციცებული ჩაჰყურებდა წყალს მოხმაურე ბორბლის ქვეშ და ცდილობდა თავისი მომავალი ესილა, მაგრამ მხოლოდ ის დაინახა, როგორ ჩამუქდა წყალი მეწისქვილისფრად, თითქოს სისხლივით, და ამომრავდა კბილანა ზერხები, გადაიხსნა და ჩაიწმინხნა რკინის მარწუხები...

მეწისქვილემ ვერ შენიშნა ვიაზემსკი. თავის საფიქრალში ჩაღრმავებული, ის რაღაცას ლულლუდებდა ცხვირში და ჭკუაარეულივით ბუქნაობდა ბორკილების ჟღარუნით.

— შიკალუ! ლიკალუ! — ამბობდა მოხუცი: — ნდიდრულ ნადიმზე ყორნები მოფრინდნენ! ბორბალი აბრუნდა, დაბრუნდა! რაც მალლა იყო, ის ძირს მოექცა! შიგადამ! დაჰქროლე, ქარო, წისქვილიდან, ჩემს მტრებს ებგერე! კულა! კულა! კოცონი დაანიავე, ცეცხლი ჩაფშუკე!

და, მართლაც, თითქოს ჯადოსიტყვის ძალას ემორჩილებო, მოედანზე ქარმა დაუბერა, მაგრამ, კოცონის ჩაქრობის ნაცვლად, მან ქვემოდან შენთებული ფიჩხი გააჩაღა და მეწისქვილე ხმელი შეშიდან ავარდნილ ალში შთაინთქა.

— შიგადამ! კულა! კულა! — კიდევ ერთხელ მოიხმა კვამლის ღრუბლიდან მისი ხმა და უცებ დადუმდა მოგიზგიზე კოცონის ტკაცატკუცში.

კორშუნის გარეგნობა თითქმის სულ ვერ შეეცვალა ვერც წამებას, ვერც დილეგში დიღხანს გდებას. ძლიერი ბუნების წყალობით მან გაუძლო დაუსრულებელ დაკითხვებს, მაგრამ სახეზე კი ცვლილება დაეტყო. იერი უფრო რბილი გაუხდა; თვალებში მშვიდი გამომეტყველება ჩაუღმა.

იმ დამიდან მოკიდებული, რაც მეფის საძინებელში შეიპყრეს და ციხეში ჩასვეს, უკვე აღარ სტანჯავდა სინდისის ქენჯნა. მოსალოდნელი სიკვდილით დასჯა ოდესღაც ჩადენილ ბოროტებათა გამოსყიდვად მიიჩნია თავიდანვე და, დამპალ თივაზე წამოწოლილმა, როგორც იქნა, მშვიდად დაიძინა პირველად ამდენი ხნის შემდეგ.

ღიაკა კორშუნის დანაშაული და მოსალოდნელი სასჯელი წაუკითხსა ხალხს.

ფიტარნაგზე ასულმა კორშუნმა ეკლესიების გუმბათებს მიაპყრო თვალი, პირჯვარი გამოისახა და უდაბლესი თაყვანი სცა ხალხს, რიგრიგობით მოედნის ოთხსაე მხარეს.

— მომიტევეთ, ხალხნო, მართლმადიდებელნო! — თქვა მან. — მომიტევეთ ჩემი ცოდო-ბრალი, ძარცვა-გლეჯა, ქურდობა, კაცის კვლა! მომიტევეთ ყოველივე, რაც თქვენს წინაშე შემიცოდავს! ჩემს ცოდვათათვის მე ღირსი ვარ სიკვდილის სატანჯველისა, შემინდეთ ჩემი დანაშაულნი, ხალხნო, მართლმადიდებელნო!

ეს თქვა, ჯალათებისკენ შებრუნდა და თვითონვე გაჰყო ხელები მისთვის მოწმადებულ მარყუჟებში.

— ჰა, მიმებით ბარემ! — თქვა მან, ხუჭუჭა თავი აიქნია და ამის მეტად სიტყვაც აღარ დასცუნია.

მაშინ, იოანეს ნიშანზე, ღიაკი ღანარჩენ სიკვდილმისჯილებს მიუბრუნდა და წაუკითხა მათ, რომ ბრალად ეღოთ ხელმწიფის წინააღმდეგ შეთქმულება, ლიტვის მეფისთვის ნოვეგროდისა და ფსკოვის გადაცემის შინაგანზრახვა და თურქეთის სულთანთან დანაშაულებრივი ურთიერთობა.

მათ სხვადასხვა სატანჯველი ელოდათ — ვის სახრჩობელებთან, ვის მღულარე ქვაბთან, ვის კიდევ დასჯის სხვა იარაღებთან.

ხალხმა ხმამაღალი ლოცვა დაიწყო.

— ღმერთო დიდებულო, ღმერთო დიდებულო! — გაისმოდა მოედანზე: — შეიწყალე ეს უბედურები, ღმერთო! დროზე მიიბარე ამათი სული!

— ილოცეთ ჩვენთვის, წმინდა მოწამენო! — ყვიროდა ზოგი. — ჩვენც მოგვიხსენიეთ, როცა სასუფეველში დაემკვიდრებით!

ოპრიჩნიკებმა, ეს ხმები რომ ჩაესმოთ, ხმამაღლა შეჰყვიინეს:

— ჰაიდა! ჰაიდა! დაე მოისრან ხელმწიფის მტრები!

მაგრამ უცებ ბრბო შეტორტმანდა, ყველამ ერთ მხარეს იბრუნა თავი და გაისმა შეძახილები:

— ნეტარი მოდის! შეხედეთ! ნეტარი მოდის!

მოედნის ბოლოში ორმოციოდე წლის წვერმენხერი, ფერმკრთალი, ფეხშიშველი, ტილოს პერანგამარა კაცი გამოჩნდა. მას გასაოცრად თვინიერი სახე ჰქონდა, ტუჩებზე კი უცნაური, ბავშვურად კეთილი ღიმილი დასთამაშებდა.

მისი სახე მკვეთრად გამოირჩეოდა მოედანზე თავშეყრილი ხალხის შეძრწუნებულ, დამფრთხალ ან მხეცურ სახეთაგან და მისმა გამოჩენამ ძლიერ იმოქმედა ყველაზე. მოედანი გაირინდა, დასჯა შეწყვიტეს.

ყველა იცნობდა ნეტარს, მაგრამ ჯერ არავის ენახა მის სახეზე ისეთი გამომეტყველება, როგორც დღეს ჰქონდა. მოღიშარი ბაგეები უჩვეულოდ ებრიცებოდა და კრუნჩხვიანივით უტოკავდა, თითქოს მის ბუნებით თვინიერებას სხვა, უცხო გრძნობა ებრძვისო.

წინ წამოხრილი ნეტარი ტანზე ასხმული ჯაჭვებისა და რკინის ჯვრების ჟღარუნით მოიკვლევდა გზას მის წინ გარღვეულ ბრბოში და პირდაპირ იოანესკენ მოეპართებოდა.

— ივაშკო! ივაშკო! — შორიდანვე ყვიროდა ის, თან კრიალოსანს მარცვლავდა და იღიმებოდა: — ივაშკო! მე დაგავიწყდი, მე!

მის დანახვაზე იოანემ ცხენის შებრუნება და მოშორებით ვადგომა დააპირა, მაგრამ სალოსი უკვე მის გვერდით იდგა.

— აბა, შემოხედე ნეტარს! — უთხრა მან და ლაგამში სწვლა მეფის ცხენს. — რატომ არ ბრძანებ, ნეტარიც დასაჯონ? რით არის ვასია სხვებზე ნაკლები?

— ნეტავე შენ! — თქვა მეფემ, თან მუჭით ოქროს ფულები ამოიღო სარტყელზე შემბული ქისიდან. — აჰა, ვასია, წადი, ჩემთვის ილოცე!

ნეტარმა პეშვი შეუშვირა ოქროებს, მაგრამ მაშინვე უკან დაიქნია ხელები და ფული მიწაზე დაცვივდა.

— ვაი, ვაი! ხელები დამფუფქა! — დაიყვირა, თან სულს უბერავდა თითებს და ჰაერში ასახსავებდა: — რატომ გაახურე ცეცხლში ეს ფულები? რატომ გაახურე ჯოჯოხეთის ცეცხლში?

— წადი, ვასია! — მოუთმენლად გაუმეორა იოანემ: — თავი დაგვანებე, შენ აქ არაფერი გესაქმება!

— არა, არა! მე სწორედ აქ მაქვს საქმე, წამებულებთან! ბარემ მეც დამადგი წამებულის გვირგვინი! რატომ მივიწყებ? რისთვის მჩაგრავ? მეც მომეცი ისეთი გვირგვინი, სხვებს რომ ურიგებ!

— წადი ახლა, წადი! — უკვე გაბრაზებით უთხრა ივანე ვასილევინმა.

— არ წავალ! — ჯიუტად წარმოთქვა სალოსმა და ცხენის მოსართავეებს ჩააფრინდა, მაგრამ უცებ სიცილი ასტეხა, იოანეს მიაშვირა თითი და წამოიწყო: — შეხედეთ, შეხედეთ! ეს რა გამოსვლია ამას შუბლზე? რა გაქვს ეგ, ივაშკო? რქები გაქვს შუბლზე! თხის რქები გამოვსვლია! და თავიც ძაღლისა გამოვბმია.

იოანეს თვალები წამოენთო.

— შორს ჩემგან, გადარეულო! — შეჰყვირა მან, გვერდით მდგომ ოპრიჩნიკს შუბი წაჰგლიჯა და სალოსს მოუღერა.

ხალხს აღშფოთების ძახილი აღმოხდა.

— ხელი არ ახლო! — გაისმა ბრბოში. — ხელი არ ახლო ნეტარს! ჩვენს თავზე სრული უფალი ხარ, ნეტარს კი ხელი არ ახლო!

მაგრამ სალოსი კვლავინდებურად ილიმებოდა, ნახევრადბავშეურად, ნახევრადგიჟურად.

— განმგმირე, საულ მეფე! — ამბობდა და გვერდზე იხვეჭდა გულზე დაკიდებულ ჯვრებს. — განმგმირე აი აქ, შიგ გულში! მე რითი ვარ ამ წმინდანებზე უღირსი? მეც გამისტუმრე ზეციურ სასუფეველში! იქნებ გშურს, ჩვენთან ყოფნა რომ არ გელირსება, საულ მეფე, პეროდე მეფე, ჯოჯოხეთის მეფე?

იოანეს შუბი აუძაგაგადა ხელში. კიდევ წამი და — იგი გულს გაუპობდა სალოსს, მაგრამ ხალხის ახალმა შეძახილებმა გააშეშა ჰაერში. მეფემ ნებისყოფა დაძაბა და თავს მოერია, მაგრამ ქარიშხალს გზა უნდა ეპოვა.

პირზე ქაფმორეულმა, თვალანთებულმა და შუბშემართულმა იოანემ ქუსლები შემოჰკრა ცხენს და ისე შმაგად მოსწყვიტა ადგილიდან, რომ ბედაურს ნაპერწკლები გასცვივდა ნალებზე. მეფე სიკედლიმისჯილთა ბრბოს მიაწყდა და შუბით განგმირა პირველივე, ვინც ხელში მოჰყვა.

სანამ იოანე ნელი სვლით ბრუნდებოდა თავის ადგილზე, ძირს დახრილი წვერგასისხლიანებული შუბით, ოპრიჩნიკებმა მოასწრეს ნეტარის გარიდება იმ არემარიდან.

მეფემ ხელი აიქნია, და ჯალათებმა კვლავ განაგრძეს თავისი საქმე.

იოანეს გაფითრებული სახე წამოუწითლდა; თვალები კაკლისოდენა გაუხდა, შუბლზე ლურჯად დაებურცა ძარღვები და ნესტოები დაებერა...

ბოლოს, როცა მტარვალობით გაძდა, ცხენი მოაბრუნა და მოედნის გარშემოვლით ვაეცალა იქაურობას, სისხლით შესვრილი და თავისი გა-

სისხლიანებული ლაშქრით გარშემორტყმული. ეკლესიების ჯვრებზე და სახურავების ქიმებზე ჩამომსხდარმა ყვავ-ყორნებმა ზედიზედ დაიქნიეს ფრთები და ერთმანეთის მიყოლებით მოაშურეს უმოწყალოდ დაჯიჯვნილ-დაფლეთილ სხეულთა გროვებს და სახრჩობელებზე დაკონწიალებულ უსულო გვამებს.

ბორის ვოდუნოვი ამ დღეს არ იყო მეფის თანმხლებთა შორის. მან, ჯერ კიდევ რამდენიმე დღით ადრე, თავს იდო მოსკოვიდან ლიტვის ელჩების გაცილება.

ამ სასაკლავო გამართვის მეორე დღეს მოედანი გაასუფთავეს, დასჯილთა გვამები კრემლის თხრილთან მიზიდეს და შიგ ჩაყარეს.

შემდგომში მოსკოვის მოქალაქეებმა იქ რამდენიმე ხის ეკლესია ააგეს, ძველებსა და სისხლსაზედა, როგორც ძველი მატინაეები ამბობენ.

წლები გავიდა; საშინელი დასჯის შთაბეჭდილება წარიხოცა საღვთის ნებხიერებიდან, მაგრამ კრემლის თხრილის გაყოლებით კიდევ დღისხანს იდგა ის უბრალო ეკლესიები და სალოცავად მოსულ ხალხს შეეძლო ესმინა იმათი სულის მოსახსენებელი პანაშვიდები, ვინც მეფისა და დიდი მთავრის იოან ვასილევინ მეოთხის ბრძანებით აწამეს და მოაკვდინეს.

## XXXVI თავი

### სლობოდაში დაბრუნება

მოსკოვს რომ შიშის ზარი დასცა, მეფემ ისურვა მოწყალე და დიდსულოვან მსაჯულად სჩვენებოდა ხალხს. მისი ბრძანებით დილეგები გახსნეს და ერთბაშად გაათავისუფლეს ტუსაღები, რომლებსაც უკვე გადაწურული ჰქონდათ შეწყალების იმედი. ზოგიერთს იოანემ საჩუქარიც გაუგზავნა. კაცი იფიქრებდა, მის არსებაში რახანია მბორგავი და დიდხანს მღვივარი სიშმაგე უკანასკნელ სისხლისღვრად აბობოქრდა და ისე ამოინთბა მისი სულიდან, როგორც ვარვარა ლავა ცეცხლმურქვევი მთიდანო. ფიქრი და გონება დაუცხრა, ყველგან და ყველგანში ღალატის ჩხრეკა მიატოვა.

უბრალო სისხლის დათხვევის შემდეგ ყოველთვის როდი ეუფლებოდა იოანეს სინდისის ქენჯნა. ეს სხვა გარემოებებზედაც იყო დამოკიდებული. ზეციური სასწაულები, უეცარი მეხისტება, საზოგადო ჟამიანობა შიშით აძრწუნებდა მას, გრძნობიერ წარმოსახვას უფორიაქებდა და



ზოგჯერ ხალხის წინაშე მონანიებას აიძულებდა; მაგრამ როცა არც სასწაულები ზღებოდა, არც შიმშილობა, არც ხანძრები, მისი შინაგანი ხმა სდუმდა და სინიღისი სთვლემდა. ასევე, ახლაც, იოანე სულიერად უღრტივნიველი იყო. ჩაღვნილ მკვლელობათა შემდეგ ის რალაცნაირ კმაყოფილებასა და სიმშვიდეს გრძნობდა, როგორც კარგად დანაყრებული ნაშიმშილევი კაცი. სლობოდისკენ გამობრუნებულმა მეფემ, უფრო ჩვეულებისა და მიღებული წესის გაუღენით, ვიდრე გულის ძახილით, რამდენიმე დღე სამებას ლაერაში დაჰყო სალოცავად.

მის წინამცველად მომავალი ქეშიკები უშურველად უყრიდნენ ვერცხლის ფულს გხალ შეხვედრილ მათხოვრებს, ხოლო ლაერიდან წამოსვლისას იოანემ უბვი შეწირულება დაუტოვა არქიმანდრიტს თავისი სადღეგრძელო პარაკლისების გადასახდელად.

ამ დროს კი სლობოდაში ისეთი ამბავი მზადდებოდა, რომლის მოლოდინიც არავის ჰქონდა.

გოდუნოვი, რომელიც წინასწარ გამოგზავნეს სლობოდაში, რათა ხელმწიფის სახეამო დახვედრის თადარიგი დაეჭირა, უკვე მორჩა საქმეს და ახლა თავის ძელურ ქობში იჯდა მუხის მაგიდას დანდობილი, ხელზე თავდაყრდნობილი. ის ფიქრობდა ბოლო დღეების ამბებზე, სიკვდილით დასჯაზე, რომელსაც მოხერხებულად გაერიდა, მრისხანე მეფის უცნაურ ზნეზე და ოპრინინის საქმეებში გაურველად მისი წყალობის შენარჩუნებას ხერხებზე, რომ შემოსულმა მსახურმა მოახსენა — წინკარში თავადი ნიკიტა რომანოვიჩ სერებრიანი ველოდებო.

ამ სახელის ხსენებაზე გოდუნოვი გაოცებით წამოდგა სკამიდან.

სერებრიანი ხელმწიფისგან შერისხული დამნაშავე იყო, სიკვდილმისჯილი. ის ციხიდან გაიქცა და მასთან ყოველგვარი ურთიერთობა შეიძლება სიცოცხლედ დასჯდომოდა ბორისს. მაგრამ სტუმრად მოსული თავადის შემოპატიჟებაზე უარის თქმა ან მეფის ხელში მისი გადაცემა უღირსი საქციელი იქნებოდა. გოდუნოვი კი არ ჩაიდენდა ასეთ საქცაელს იმის შიშით, რომ ხალხის ნდობა არ დაეკარგა, ნდობა, რომელსაც ყველაზე მეტად უფრთხილდებოდა. ამავე დროს მას გაახსენდა, რომ მეფე ახლა მოწყალე გუნებაზე იყო, და მყისვე მოისაზრა როგორ მოქცეულიყო ამ შემთხვევაში.

ის არ გასულა წინკარში სერებრიანის შესაგებებლად, მაგრამ ბრძანა. დაუყოვნებლივ შემოეყვანათ სტუმარი. გარეშე შემსწრე ამ ამბისა არავინ იყო და გოდუნოვმა გუნებაში გადაწყვიტა, რაკი უარს არ ეუბნებოდა მასპინძლობაზე, ბარემ არც გულგრილობა ეგრძნობინებინა სტუმრისთვის და ხელგაშლით დახვედროდა მას.

— გამარჯობა, თავადო, — უთხრა და გადაეხვია სერებრიანის, — გთხოვ, დაბრძანდე; რა ამბავია, რამ გავაბედვინა სლობოდაში დაბრუნება ნიკიტა რომანინი? მაგრამ ჯერ ნება მომეცი გაგიმასპინძლდე, თორემ შენ, როგორც გატყობ, დაღლილი ხარ ნამგზავრზე.

გოდუნოვის განკარგულებით სუფრა გაშალეს და ღვინო გამოიტანეს აზარფეშებით.

— მითხარი, თავადო, — მზრუნველად ჰკითხა გოდუნოვმა, — დაგინახა ვინმე, ჩემთან რომ მოდიოდი?

— არ ვიცი, — გულუბრყვილოდ მიუგო სერებრიანიმ, — იქნებ დამინახეს კიდეც; მე არავის ვეძალეობოდი, პირდაპირ მოვადექი შენს დარბაზს. ვიცი, რომ არც შენ გეხატება გულზე ოპრინინა.

გოდუნოვი შეიჭმუხნა.

— ჩემო ბორის, — გულდანდობით დაურთო სერებრიანიმ, — მე განა მარტო ვარ: ჩემთან ერთად ორასამდე ყაჩაღიც მოვიდა რიაზანიდან.

— რას მეუბნები, თავადო? — წამოიძახა გოდუნოვმა.

— ისინი, — განაგრძობდა სერებრიანი, — საგუშაგოს მახლობლად დარჩნენ. ჩვენ ყველანი ერთად ვბარდებით ხელმწიფეს; დაე ყველანი დაგვსაჯოს ან შეგვიწყალოს, როგორც თვითონ ნებაეს!

— გავიგე, თავადო, გავიგე, რა ღლეც აყარე მაგ ლაშქრით თათრებს; მაგრამ შენ თუ იცი, რა ამბავი დატრიალდა მას მერე მოსკოვში?

— ვიცი, — მიუგო სერებრიანიმ და მოიღუშა, — აქეთ რომ მოვდიოდი, სულ ვფიქრობდი: მორჩა, დათვლილია ოპრინინის ღლეები-მეთქი, თქვენ კი აქ აღრინდელზე უარეს ამბებში ხართ. დაე ღმერთმა მიუტევოს ხელმწიფეს! შენ კი ცოდვას ჩადიხარ, ბორის ფიოდორიჩ, რომ მხოლოდ სდუმხარ და შეჰყურებ ყველაფერ ამას!

— ეჰ, თავადო, შენ, ვხედავ, იგივე დარჩი, რაც წინათ იყავი! აბა რა უნდა მეთქვა ხელმწიფისთვის? შეისმენდა ჩემს ნათქვამს, თუ რა?

— თუნდაც არ შეესმინა, მერე რა, — ჯიუტად გამოედავა სერებრიანი, — შენ მაინც თქმა გმართებდა. აბა ვილასგან უნდა შეიტყოს იმან სიმართლე, თუ შენგან არა?

— მერედა, შენ გგონია, არ იცის იმან სიმართლე? შენ გგონია, მართლა სჯერა იმ დასმენებისა, რომელთა მიზეზითაც მოაკვდინა ამდენი ხალხი?

და, ეს რომ თქვა, გოდუნოვმა კინალამ ენაზე იკბინა, მაგრამ გაახსენდა, სერებრიანის რომ ელაპარაკებოდა, მისი ალალმართალი სახე კი გამცემლობაში დაეჭვების ოდნავ საბაბსაც არ აძლევდა ადამიანს.

— არა, — ხმადაბლა განაგრძო მან, — ტყუილა მადანაშაულებ, თავა-

დო. მეფე იმათ სჯის, ვისი ჯაგრიც სჭირს, მის გულს კი ჩვენ ვერაფერს დაუშლით. „გული მეფისა ხელთა შინა ღმრთისათა არსო“, გვეუბნება საღვთო წერილი. აი, მოროზოვმა სცადა მასთან პირში მთქმელობა; მერე რა გამოვიდა? მოროზოვი სიკვდილით დასაჯეს, სხვებს კი ამით საშველი არ დასდგომია. მაგრამ შენ, ნიკიტა რომანიჩი, ჩანს, არაფრად გიღირს შენი თავი, თორემ მოსკოვს გამართული სისხლისღვრის მცნობელი, როგორ არ შეუშინდი სლობოდაში მოსვლას?

მოროზოვის ხსენებაზე სერებრიანი ამოიხვნეშა. მას უყვარდა ღრუჟინა ანდრეევიჩი, თუმცა სწორედ ბოიარმა წაართვა მას ბედნიერება.

— რას ვიზამთ, ჩემო ბორის, — მიუგო მან გოდუნოვს, — რაც ჩვენს თავზე მოსასვლელია, იმას, სულ ერთია, ვერსად წაუუვალთ! და, მართალი გითხრა, ეს ძალღუჟადური სიცოცხლაც მოპვებრდა უკვე; აბა რა სახალისო ცხოვრება ჩვენა გვაქვს ახლა რუსეთში!

— გამიგონე, თავადო, შენ თვითონ არ უფრთხილდები საკუთარ თავს; ჩანს, ასეთი ბუნება გქონია; მაგრამ ღმერთი გყავს მფარველი. რა არ იღონე აგერ ეს ერთი ხანია, რომ ყულფში წაგეყო თავი, მაგრამ მაინც საღ-სალამათი დარჩი. ეტყობა, არ გიწერია ცუდებრალოდ თავის წაგება. ამ ერთი კვირის წინათ რომ დაბრუნებულიყავი, არ ვიცი, რა ყოფაში ჩავარდებოდი; ახლა კი, მგონი, არის რაღაც იმედი, ოღონდ ნუ იჩქარებ ივან ვასილევითან გამოჩენას; ჯერ მე მადროვე მისი ნახვა.

— მაღლობელი ვარ შენი, ბორის ფიოდოროვიჩი; ოღონდ ჩემთვის ჯაინცდამაინც ნუ გაირჯები; მაგრამ თუ ყაჩაღებს იხსნი როგორმე გასაჭირისგან, მართლაც კარგს იზამ. ისინი თუქცა ცუდმაღი ხალხია, მაგრამ თავისი ცოდვები კაცურად გამოისყიდეს!

გოდუნოვმა გაოცებით შეხედა ნიკიტას. მისთვის ჯერაც უჩვეულო იყო თავადის უბრალოება და საკუთარი სიცოცხლისადმი მისი გულგრილობა არაბუნებრივი ეჩვენა.

— რა მოგდის, თავადო, — ჰკითხა მან, — იმედი ხომ არ გადაგეწურა, რომ ასე აადე ხელი სიცოცხლეს?

— ალბათ მაგისგანაც, რომ იმედი გადამეწურა. აბა რისთვისღა იცოცხლოს კაცმა ახლა? იცი რა, ბორის, ზოგჯერ ჩემდაუნებურად კურბსკი ამეკვიატება გონებაში; ვფიქრობ იმაზე და მე თვითონაც შიში მზარავს: ლამის მეც დავკრა ფეხი, მივატოვო სამშობლო და ლიახებთან გადავიხვეწო, თურომ ისინი ჩვენი მტრები არ იყვნენ.

— აი მეც მანდა ვარ, თავადო! ახლა ჩვენ ისეთი ღროების შემსწრე ვართ, მხოლოდ ორი გზაღა დაგვრჩენია: ან ისე მოვიქცეთ, როგორც კურბსკი და სამუღამოდ გადავიხვეწოთ სამშობლოღან, ან არაღა, ისე, რო-

გორც მე — მეფესთან დავრჩეთ და მისი წყალობა მოვიპოვოთ. შენ კი არც იქითა ხარ, არც აქეთ; არც მეფისგან გარბიხარ და არც მეფესთან დგახარ; ასე არ შეიძლება, თავადო; ორში ერთი უნდა ირჩიო. რაკი რუსეთში დარჩენას ამჯობინებ, მამასადამე, მეფის ნებასაც უნდა დაემორჩილო. ხოლო თუ ვინიცობაა იმან შეგიყვარა, მაშინ, ეგებ, თვითონაც აიყაროს გული ოპრიჩინაზე. აი, სიტყვაზე, ჩვენ ორნი რომ ვყოფილიყავით მის სიახლოვეს, მხარში ამოვუდგებოდით ერთმანეთს; დღეს შე გადავუკრავდი სიტყვას, ხვალ შენ; ჰოდა, რაღაც მაინც ჩარჩებოდა გულში; ხომ გაგიგონია, წვეთი წყალი, თუ მუღამ ერთ ადგილზე ეცემა, ქვას გახვრეტსო. ძალით კი, თავადო, ვერაფერს გახდები!

— ეგ რომ მეფე არ იყოს, — პირქუშად წარმოთქვა სერებრიანიმ, — მე ვიცი, რასაც ვიზამდი; ახლა კი თვითონაც ვეღარ მივმხვდარეარ, რა გზას დავადგე; მის წინააღმდეგ წასვლას ღმერთი გვიკრძალავს, მისი თანამდგომობა კი არ შემიძლია; ნაკუწ-ნაკუწადაც რომ დამკეპოს, სულ ერთია, ოპრიჩინასთან მაინც ვერ შემარიგებს!

— მოთმინება იქონიე, თავადო, სასოს ნუ წარიკვეთ. გაიხსენე, რასაც მაშინ გეუბნებოდი. თავი დავანებოთ ოპრიჩნიკებს; სუ დავიწყებთ მეფის ურჩობას; ისინი თვითონ გამოსჭრიან ყელს ერთიმეორეს! აი სამი მოთავეთაგანი უკვე აღარ ჰყავთ: აღარც მამა-შვილი ბასმანოვება, აღარც ვიაზემსკი. ადროვე ცოტა, ნიკიტა რომანოვიჩ, და მთელი ოპრიჩინა უჩვენოდაც ერთმანეთს დაჭამს!

— მანამდე კი რა ექნათ? — უთხრა სერებრიანიმ.

— მანამდე... — უპასუხა გოდუნოვმა, რომელმაც ამჯობინა ერთბაშად არ დაეძალებინა ის აზრები, რომელთა შთაგონებაც სერებრიანისთვის უნდოდა, — მანამდე კი, თუ ვინიცობაა წყალობით მოგხედა მეფემ, შეგიძლია კვლავ თათრებს ეომო; ისინი კი, იცოცხლე, ლოდინით არ დაგვლლიან!

სერებრიანის გონებაში ძნელად თავსდებოდა ერთბაშად ორი შთაბეჭდილება და თათრებზე გალაშქრების იმედმა ღროებით გადააიწყა გულს მოწოლილი ნაღველი.

— ჰო, — წარმოთქვა მან, — მეტი მართლაც აღარაფერი დაგვრჩენია, გარდა იმისა, რომ თათრები ეყუყუოთ! აი, მათ სტუმრობას რომ არ დაველოდოთ და ჩვენ თვითონ დავარტყათ ერთბაშად ყველა პოლკით ყირიმს, თან კაზაკებიც მოვიშველიოთ, მაშინ, მგონი, ყირიმსაც ავიღებდით!

ამის გაფიქრებამ ისეთი კმაყოფილება აგრძნობინა, რომ თავადმა კადევეც ჩაიცინა.

გოდუნოვი ახლა ციხიდან გატაცებაზე და რიაზანის ხოცვა-ჟლეტაზე

გამოესაუბრა სტუმარს. უკვე საღამოედებოდა, ისინი კი კვლავინდებურად ისხდნენ, აზარფეშებს სცლიდნენ და საუბრობდნენ.

ბოლოს სერებრიანი წამოდგა.

— ნახვამდის, ბოიარო, — უთხრა მან, — გამიგრძელდა სტუმრობა, სადაცაა დაღამდება კიდეც!

— საღ მიღიზარ, თავადო? დარჩი ჩემთან, გადილამე; ხვალ მეფე ჩამოვა და ბარემ შენს ამბავსაც მოვახსენებ.

— არ შემიძლია, ბორის ფიოდოროვიჩ, დროა ჩემებს მივხედო! მეშინია, ვაითუ რაღე ხიფათი შეიმთხვიონ. მეფე რომ სლობოდაში იყოს, პირდაპირ წარვსდგებოდიტ მის წინაშე ზონანიებით და, ბარემ, მომხდარიყო, რაც ღმერთსა ნებავს; აქაური სულმყარლებისგან კი ფაიერაკს ვერ აიცდენ კაცი. თუმცა ჩვენ მყუდრო ალაგას, შიგ ტყეში, გავჩერდით, მაგრამ მაინც შესაძლებელია რომელიმე მზვერავი რაზმი წამოგვეფეთოს!

— აბა, ნახვამდის, ნიკიტა რომანიჩ! ოღონდ იცოდე, თვალში არ წაეჩხირო ახლა მეფეს, მოითმინე, სანამ ჩემი კაცი მოგაკითხავდეს.

— არა, მოიცა, მანდეთ ნუ, აქეთ წამოდი, თავადო, — დაურთო გოდუნოვმა, რაკი დაინახა, რომ სერებრიანი სადარბაზო ღერუფნისკენ გაემართა; ამ სიტყვებზე, მან ხელი გამოსდო თავადს და უკანა კარამდე მიაცილა.

— ნახვამდის, თავადო, — გაიმეორა და სერებრიანის გადაეხვია, — ღმერთს წყალობა არ დაეღუვა, იქნებ შენს საქმესაც დააყენოს საშველი!

გოდუნოვი დაელოდა, რომ თავადი ცხენზე შემჯდარიყო და, როცა ის უკანა ჭიშკრით გავიდა გზაზე, შინ შემობრუნდა იმით ერთობ კმაყოფილი, რომ სერებრიანიმ უარი უთხრა შეპატივებაზე და მასთან არ დაჩაღამის სათევად.

მეორე დღილას მეფე ისეთი ზარ-ზეიმით შემოვიდა სლობოდაში, თითქოს დიდი გამარჯვება მოეპოვებინოს. ოპრიჩნიკებმა „ჰაიდა! ჰაიდას!“ ძახილით მოაცილეს ის საგუშაგოდან თვით სასახლეამდე.

მხოლოდ ბებერი გადია დახვდა იოანეს წყევლა-კრულვით.

— შე ნადირო! — უთხრა ონუფრეენამ, როცა მეფე წინგარდაზე ამოვიდა: — ნეტავ როგორ გიძლებს დედამიწა, შე მხეცო, ზორციტ გაუმადლარო! სისხლიტ ყარხარ, შე სულთამხუთავო! რა პირით გაბედე წმიდა სერგის ლავრაში მისვლა მას მერე, რაც მოსკოვში მოიმოქმედე? ღმერთი დაგმეზავს, შე წყეულო, შენს ეშმაკეულ ამქართან ერთად!

მაგრამ ამჯერად გადიას შეგონებებმა ოდნავადაც ვერ შეაკრთეს მეფე. გარეთ არც ჭეჭა-ქუხილი იყო, არც ქარიშხალი. მზე დიდებულად

ჩახჩახებდა უღრუბლო ცაზე და სასახლის ჭრელაჭრულა კოშკურებსა და უცხოდ ნახელავ გუმბათებზე ხალისიანად ლივლივებდა საღებავები და ვარაყები. იოანეს სიტყვაც არ დაუძრავს, ისე ჩაუარა დედაბერს და გასწია სამეფო პალატებისკენ.

— მოიცა, მოიცა! — განაგრძობდა გადია, თან მიმავალს გაჰყურებდა და იატაკზე აბაკუნებდა თავის ჯოხს: — ღმერთი დამეხავს შენს ციხე-კოშკს, სულერთიანად გადაბუგავს შენს ცოდო-ბრალიან სლობოდას!

და დედაბერი ყანყალით გაემართა თაღისი პალატისკენ, თან ბრაზიანი თვალებით გმირავდა მეფის კარისკაცებს, რომლებიც უნებლიე ცრუმორწმუნეობრივი შიშით ერიდებოდნენ გზიდან.

იმავე დღეს, ნასადილევს, გოდუნოვი, რომელმაც შეატყო, რომ მეფე მხიარული და კმაყოფილი იყო და, ჩვეულების მიუხედავად, მოსვენებას აპირებდა, უკან გაჰყვა იოანეს განსასვენებელში. ივან ვასილევჩის კეთილგანწყობილება ამის უფლებას აძლევდა გოდუნოვს, განსაკუთრებით მაშინ, თუ ისეთი რამ ჰქონდა მოსახსენებელი, რაიც ყველას გასაგონად არ უნდა თქმულიყო.

მეფის განსასვენებელში ორი საწოლი იდგა: ერთი უქვეშაგებო იყო, შიშველა ფიცრები, რომელზედაც ივან ვასილევჩი ხორცის საგვემად წვებოდა, სულიერი შფოთვისა და მწარე სინანულის წუთებში; მეორე უფრო ფართო იყო და ზედ რბილი ცხვრის ტყავები, ბუმბულის ლეიბი და აბრეშუმის ბალიშები ეგო. მასზე მეფე მაშინ ისვენებდა, როცა არაფერი უშფოთებდა ფიქრს. თუმცა, ასეთი რამ იშვიათობა იყო და ეს საწოლიც უმეტეს წილად ხელუხლებელი იდგა.

კარგად უნდა გყოლოდა შესწავლილი ივან ვასილევჩი, რომ შეუმცდარად გამოგეცნო მისი ნამდვილი გუნება-განწყობილება. სინდისის ქენჯნის დროს მეფე ყოველთვის როდი იყო იმ ხასიათზე, რომ ღმობიერება გამოეჩინა. ხშირად თავის სულიერ ტანჯვას იგი სატანის მძლავრებას მიაწერდა, — აქაოდა, ეშმაკი ცდილობს ღალატის დევნაზე ამადლებინოს ხელიო, — და მაშინ, ნაცვლად იმისა, რომ გული მოეღბო, მხურვალე ლოცვა-ვედრებითა და მეტანიობით გართული, კიდევ უფრო მეტ სიაკაკეს სწადიოდა მაცდურის ჯიბრზე. ასევე, იოანეს სახეზე გამოხატული მშვიდი იერიც ყოველთვის როდი იყო მისი შინაგანი უშფოთველობის უტყუარი ნიშანი. ხშირად ეს მხოლოდ ნიღაბი იყო და მეფეს, რომელსაც საოცრად გამჭრიახი გონება და სხვათა ფიქრის გამოცნობის იშვიათი უნარი ჰქონდა, ზოგჯერ უყვარდა კიდევ მასთან მოსაუბრეთა ვარაუდების გაცრუება და მოულოდნელი რისხვით მათი დაზაფვრა სწორედ იმ დროს, როცა მისგან წყალობას ელოდებოდნენ.

მაგრამ გოდუნოვმა კარგა ხანია ზედმიწევნით შეისწავლა მეფის ჭირვეული ზნე-ხასიათი და უჩვეულო აღდლოთი კითხულობდა მის სახეზე სხვებისთვის თვალშეუვლებ ცვლილებებს, შეუმცდარად ხვდებოდა მათ მნიშვნელობას.

ბორისი დაელოდა, რომ იოანე ბუმბულის სარეცელზე წამოწოლიყო, და რაკი დაღლილობის მეტი ვერაფერი შენიშნა მის ნაკვთებზე, მიუკიბ-მოუკიბავად, პირდაპირ უთხრა:

— იცი თუ არა, ხელმწიფეო, შენგან შერისხული რომ მოიძებნა?

— რომელი? — მთქნარებით ჰკითხა იოანემ.

— ნიკიტა სერებრიანი, სწორედ ის, შენი ორგული ვიაზემსკი ხმლით რომ დაჩეხა და საპყრობილეში იჯდა ამისთვის.

— აჰა! — თქვა იოანემ. — გაბმულა ბელურა მახეში! ვინ შეიპყრო?

— არავინ, ხელმწიფეო. თვითონ მოვიდა და ის ავაზაკებიც თან მოიყვანა, რომლებმაც მისი წინამძღოლობით თათრები დაამარცხეს რიაზანთან. ისინი სერებრიანისთან ერთად მოვიდნენ, რომ მონანიებით ჩაბარდნენ შენს მეფურ მოწყალებას.

— ჩანს, გონს მოსულან! — თქვა იოანემ. — რაო მერე, ნახე იგი?

— ენახე, ხელმწიფეო; პირდაპირ ჩემთან მოვიდა; ეგონა, შენი მოწყალება სლობოდაში იყო და მთხოვა, მისი ამბავი მომეხსენებინა შენთვის. მინდოდა დამეპატიმრებინა, მაგრამ ვიფიქრე — ვაითუ გრიგორი ლუკიანინმა იწყინოს, გოდუნოვი ჩემ საქმეში რად ერევაო; სერებრიანი კი არსად არ წავა, რაკი თვითონ მოვიდა მონანიედ შენს წინაშე.

გოდუნოვი თამამად ლაპარაკობდა, შუბლგახსნილი, ოდნავი დაბნეულობაც არ ეტყობოდა, თითქოს არც სიეშმაკე გააჩნია, არც სერებრიანისადმი თანაგრძნობის ნატამალიო. როცა წინადლით უკანა კარში გააცილა თავადი, იმ განზრახვით კი არ მოიქცა ასე, რომ მეფისგან დაემაღლა მისი სტუმრობა (ეს ერთობ საშიში ნაბიჯი იქნებოდა), არამედ იმიტომ, რომ ვინმეს ენა არ მიეტანა იოანესთვის და, როგორც პირველ მაცნეს, თვით გოდუნოვის წინააღმდეგ არ განეწყო მეფე. ვიაზემსკიზე სიტყვის გადაკვრა კი, რამაც დასჯილი თავადის მტრად გამოაჩინა სერებრიანი, წინასწარ მოიფიქრა და გაიაზრა ბორისმა.

მეფემ კიდეც ერთხელ დაამთქნარა, მაგრამ პასუხი არ უთქვამს, და გოდუნოვმა, რომელიც გაფაციცებით აკვირდებოდა მისი სახის თითოეულ ნაკვთს, მცირე ნიშანიც ვერ ამოიკითხა მათზე აშკარა ან ფარული სიბრაზისა. პირიქით, შენიშნა, რომ მეფე აამა სერებრიანის განზრახვამ მის ნება-სურვილზე მიენდო თავისი ბედი.

იოანეს, ხისხლს რომ ღვრიდა და ძრწოლვით აცახცახებდა ყველას,

ამავე დროს ისიც სურდა, სამართლიანი და გულმოწყალე მეფის სახელი ჰქონოდა ხალხში; მის მტარვალობას ყოველთვის მკაცრი მართლმსაჯულების საძირკე ებურა და მეფის დიდსულოვნებისადმი ნდობა მით უფრო საამო იყო მისთვის, რომ ასეთ ნდობას იშვიათად ავლენდა ვინმე.

გოდუნოვმა ერთ ხანს აღმოაჩინა, მერე კი გაბედა საპასუხოდ გამოეწვია ივანე ვასილევსი.

— რას მიბრძანებ, ხელმწიფეო, — ჰკითხა მან, — გრიგორი ლუკიანინი ვინაა?

მაგრამ ბოლო ხანებში იოანემ უკვე საკმაოდ იოხა გული სისხლისღვრით; კიდევ ერთი-ორი თავის მოკვეთა კი ვერც მის კმაყოფილებას შემატყობდა რაიმეს და ვერც მის სულში დრომდე მიძინებულ სისხლის წყურვილს გააღვიძებდა.

ის ჩატიებით დააცქერდა გოდუნოვს.

— ნუთუ შენ ფიქრობ, რომ უსისხლოდ სიცოცხლე არ შემიძლია? — მკაცრად უთხრა მან, — სხვანი არიან ორგულნი, ძირს რომ ურყევენ სახელმწიფოს, და სხვა არის ნიკიტა, აფონკა რომ დაასახინრა. ზოლო ავაზაკებს თავათ განვსჯი და ვნახავ, ვინ დავსაჯო, ვინ შევიწყალო. დაე ყველანი, და ნიკიტაც მათთან, ეზოში შეიკრიბონ, სადარბაზო შემოსასვლელთან. განსასვენებლიდან როცა გამოვალ, ვნახავ, როგორ მოვექცე!

გოდუნოვმა ძილი ნებისა უსურვა მეფეს, მდაბლად ეთაყვანა და პალატიდან გავიდა.

ახლა ყველაფერი იმაზე იყო დამოკიდებული, რა ხასიათი აჰყვებოდა გამოძინებულ იოანეს.

## XXXVII თავი

### კ ა ტ ი მ ბ ა

გოდუნოვის კაცი რომ მოუვიდა, ნიკიტა სერებრიანი სასახლის ეზოში გამოცხადდა თავისი ყაჩაღებითურთ.

დაჭრილ-დაჩეხილი, შემოფხრეწილ-ჩამომონძილი ზუბუნებითა თუ ცხერის ტყაბუჭებით მოსილი, ლაფნის ქალამნებიანი თუ სულაც ფეხშიშველა ავაზაკები, რომელთა შორისაც ბევრი იყო თავშეხვეული, უქულოდ და უიარაღოდ იდგნენ ერთმანეთის მხარი-მხარ და ხმაგაკმენდილი ელოდნენ მეფის გამოღვიძებას.

პირველად არ ხედავდნენ მამაცები სლობოდას; მოსულან ზოლმე აქ



მებარბითეებადაც, მათხოვრებადაც, დათვების დამტარებლებადაც. ზოგიერთი იმ ხანძრის მონაწილაც იყო, რომელიც პერსტენისა და კორშუნის საშველად დააგიზგიზეს სლობოდაში, როცა ისინი სერებრიანის გასათავისუფლებლად მოვიდნენ. ბევრი ნაცნობი სახე ერია მათში, მაგრამ ბევრიც არ ჩანდა. არ ჩანდნენ ისინი, რომლებიც რუსეთის მიწაწყლის დასაცავად იბრძოდნენ და რიაზანის ველებმა მიიბარა ახლახანს, არც ისინი, რომლებმაც გამარჯვების შემდეგ ვეღარ დათმეს მოხეტიალე ცხოვრების სილაღე და არ მოისურვეს მეფის წინაშე მონაწილებით თავის დადრეკა. არც პერსტენი, არც მიტკა, არც წითური მესაკრავე, არც პაპა კორშუნი არ იყო ახლა მათ შორის. პერსტენი, რომელიც განსასჯელი ორთაბრძოლის დღეს გამოჩნდა სლობოდაში უკანასკნელად, ღმერთმა უწყის საით გადაიკარგა; მიტკაც მასთან ერთად გაქრა იმ არემარიდან; მესაკრავე ჯერ კიდევ ადრე შემოაკვდა სერებრიანის, ხოლო კორშუნს კი ახლა ქოფაკები ჯიჯგინდნენ და ყვავ-ყორნები კორტნიდნენ კრემლას კედელთან.

უკვე ორი საათი იქნებოდა, რაც მეფის მოლოდინში იყვნენ თავჩაქინდრული მამაცები და ფიქრადაც არ მოსდიოდათ, თუ ხელმწიფე ზედ სადარბაზო შესასვლელის თავზე გამოჭრილი პაწია სარკმლიდან უთვალთვალებდა მათ. არც ერთი მათგანი არ ძრავდა კრინტს ამხანაგთან ან იქვე გვერდით გამდგარ სერებრიანისთან გამოსალაპარაკებლად, ყველანი ჩაფიქრებული იდგნენ და ყურადღებასაც არ აქცევდნენ ჭიშკრებთან და კუტიკარებთან გამოფენილ უამრავ ხალხს. ცნობისმოყვარეთა შორის ხელმწიფის გადიაც ერია. დედაბერი კიბისთავზე იდგა, ჯოხს დაყრდნობილი, და, იოანეს გამოჩენის მოლოდინში, უსიცოცხლო თვალებით გაყურებდა იქაურობას, იქნებ იმის ფიქრითაც, რომ თავისი აქ ყოფნით ახალი სისასტიკის ჩადენა არ დაენებებინა ხელმწიფისთვის.

როცა, თავის სამალავ სარკმელს მოფარებულმა, გული იჯერა ამ შერისხულთა ცქერით და ბოლომდე დატკბა იმის ფიქრით, რომ ახლა ისინი სიკვდილ-სიცოცხლის შუა იდგნენ და, ალბათ, ლოდივით ჰქონდათ გული დამძიმებული, ივან ვასილევინი უცებ გამოჩნდა კიბისთავზე რამდენიმე მესუფრის თანხლებით. მეფეს ძვირფასი სტავრა ემოსა და ნაწუქურთმევი კვერთხი ეჭირა ხელში.

მეფე რომ დაინახეს, ყაჩაღები მუხლებზე დაეცნენ და თავი დადრიკეს მის წინაშე.

იოანე ერთ ხანს მღუმარედ იდგა.

— გამარჯობა თქვენი, კონკიაჟლარუნებო! — წარმოთქვა მან ბოლოს, მერე კი სერებრიანის გადახედა და დაურთო: — შენ რიაზოვის გინებუბია. სლობოდაში მოსვლა? დილეგი ხომ არ მოგნატრებია?

— ხელმწიფეო, — რიდით უპასუხა სერებრიანიმ, — დილეგიდან ჩემი ნებით არ წაესულვარ; ძალით წამიყვანეს ავაზაკებმა. მათვე დაამარცხეს შირინის მურზა შიხმატი, რაც შენს მოწყალეებას, ალბათ, უკვე მოეხსენება. ერთად ვურტყით თათრებს და ახლაც ერთად ვბარდებით შენს ნება-სურვილს; დაგვსაჯე ან შეგვიწყალე, როგორც შენი მეფური მოწყალეობა განსჯის!

— მაშ თქვენ ამის გულისთვის მოხვედით მაშინ სლობოდაში? — ჰკითხა იოანემ ყაჩაღებს. — მერედა, საიდან იცნობთ ამას?

— შეფეე-ბატონო, — გაუბედავად უპასუხეს ყაჩაღებმა, — მაგან ჩენი ატამანი გადაარჩინა, როცა იმას ჩამოხრჩობას უპირებდნენ მეღვედეკაში. ჰოდა, სწორედ ატამანმა გაიტაცა ეგ ციხიდან!

— მეღვედეკაში? — თქვა იოანემ და ჩაიცინა. — ესე იგი, როცა ხომიაკი და მისი რაზმი გაამათრახე? ეგ ამბავი მახსოვს. მაშინ გააპატიე ეგ პირველი დანაშაული, ხოლო დილეგში კი, ჩენი პირობისამებრ, ახალი დანაშაულისთვის ჩაგსვეს, როცა ჩემს ხალხს დაესხი მოროზოვთან. ამაზე რაღას იტყვი?

სერებრიანი პასუხის თქმას აპირებდა, მაგრამ გადაიამ დაასწრო მას.

— იკმარე ახლა მაგისი შეცოდებების ჩხრეკვა! — გაჯავრებით უთხრა დედაბერმა იოანეს. — წყალობით უნდა აავსო თავადი, ურჯულოები რომ დაგიმარცხა, ქრისტეს ეკლესია რომ დაიცვა, შენ კი ამის მაგიერ სულ იმას ჩაჰკირკიტებ, როგორმე დანაშაული გამოუჩხრიკო. არ გეყო, რაც მოსკოვში ცოდობრალი დაატრიალე, შე მეგელო, შენა?

— გაჩუმდი, დედაბერო! — მკაცრად უთხრა იოანემ. — ისლა მაკლია, ახლა დედაკაცებმაც დამიწყოთ ჭკუის სწავლება!

მაგრამ, ონუფრეენაზე განაწყენებულმა, მაინც აღარ ინდომა მისი გაღიზიანება, პირი შეაქცია სერებრიანის და მუხლებზე დაჩოქილ ყაჩაღებს მიმართა:

— სად არის თქვენი ატამანი, სათოკეებო? დაე წინ წამოდგეს.

ყაჩაღების მაგიერ თვითონ სერებრიანიმ უპასუხა მეფეს.

— ამათი ატამანი აქ არ არის, ხელმწიფეო. ის რიაზანის ბრძოლის დამთავრებისთანავე წავიდა სადღაც. ვურჩევდი ჩვენთან წამოსვლას, მაგრამ არ ისურვა.

— არ ისურვა! — გაიმეორა იოანემ. — გული მიგრძნობს, სწორედ ეგ ატამანი უნდა იყოს ის ბრმა, მოხუცთან ერთად რომ შემოძვრა ჩემს საძინებელში. მაშ იცოდეთ, კონკიაჟღარუნებო! თქვენს ატამანს მოვაძებნინებ და ვბრძანებ სარზე დააგონ!

— აი ნახავ, — ჩაიბუზღუნა გადიამ, — თუ შენ თვითონ იმ ქვეყნად სარზე არ დაგაგონ ტარტაროზებმა!

მაგრამ მეფემ ისე დაიჭირა თავი, თითქოს არც გაუგონია დედაბრის სიტყვებით, და წარბშეუხრელად განაგრძო თავისი სიტყვა, თან თვალი არ მოუწყვეტია ყაჩაღებისთვის:

— ხოლო თქვენ კი, იმისათვის, რომ თქვენით მოენდეთ ჩემს ნებასურვილს, არ გააწბილებთ და, რაც იყოს იყოს, შეგიწყალებთ. გამოუგორეთ ამათ ხუთი კასრი თაფლუჭი ეზოში! ჰა, რაო? კმაყოფილი ხარ, გამოჩერჩეტებულო დედაბერო?

გადიამ ტუჩები ააცმაცუნა.

— დღეგრძელი იყოს ჩვენი მეფე! — შესძახეს ყაჩაღებმა. — შენი მსახურები ვიქნებით, ხელმწიფე-ბატონო! თავს განაცვალებთ და ამ პატიკბას კი დავიმსახურებთ!

— მიეცით ამათ, — განაგრძობდა იოანე, — თითო რიგიანი ხიფთანი და თითო უზალთუნი კაცზე. მე ამათ ოპრიჩინაში გავამწყსებ. გსურთ, სათოკეებო, ოპრიჩნიკებად მემსახუროთ?

ზოგიერთი ყაჩაღი შეყოყმანდა, მაგრამ მეტმა წილმა შესძახა:

— სიხარულით გემსახურებით, მეფე-ბატონო, სადაც შენი მოწყალება გვიბრძანებს!

— როგორ ფიქრობ, — კმაყოფილი გამომეტყველებით უთხრა იოანემ სერებრიანის, — გამოდგებიან ესენი მხედრულ მწყობრში?

— მხედრულ მწყობრში დიახაც გამოდგებიან, — უპასუხა თავადმა. — ოღონდ, ხელმწიფეო, ნუ ბრძანებ ოპრიჩინაში ამათ გამწყსებას!

მეფემ იფიქრა, სერებრიანი ასეთი პატივის ღირსად არ თვლის ყაჩაღებსო.

— როცა შეწყალებას აღუუთქვამ ვისმე, — ზეიმურად წარმოთქვა მან, — მე არ მჩვევია სანახევროდ შეწყალება!

— აბა ეგ რაღა შეწყალებაა, ხელმწიფეო! — უნებლიეთ აღმოხდა სერებრიანის.

იოანემ გაოცებით შეხედა თავადს.

— ამ ხალხმა... — ოდნავი ენის ბორძიკით განაგრძო სერებრიანი, — ამ ხალხმა, ხელმწიფეო, კეთილი საქმე გააკეთა; ეგენი რომ არა, ვინ იცის, თათრები ალბათ რიაზანსაც დალაშქრავდნენ!

— პოდა, რატომ არ უნდა იყოს ეს ხალხი ოპრიჩინაში? — ჰკითხა იოანემ, თან თვალებით გმირავდა სერებრიანის.

— იმიტომ, ხელმწიფეო, — ამოთქვა თავადმა, რომელიც ამოდ ცდილობდა უფრო რიგიანი გამოთქმების შერჩევას, — იმიტომ, ხელმწიფეო,

რომ ესენი, მართალია, ავაზაკები არიან, მაგრამ შენს ტარტაროზებს მაინც სჯობნიან!

სერებრიანის ამ მოულოდნელმა და უნებლიე გაბედულებამ საგონებელში ჩააგდო იოანე. მან გაიხსენა, რომ ეს პირველი შემთხვევა არ იყო, როცა თავადი ასე გულლიად და პირდაპირ ლაპარაკს უბედავდა. მაგრამ, ამავე დროს, სერებრიანიმ არაფრად ჩააგდო ის ამბავი, რომ სიკვდილი ჰქონდა მისჯილი და საკუთარი ნებით დაბრუნდა სლობოდაში, რათა მეფეს წაჰპარებოდა. ასე რომ, ჭირვეულობას ვერ შესწამებდი თავადს, და ჰყუფ ყოყმანობდა, როგორ მიეღო ეს კაღნიერი პასუხი, მაგრამ ამ დროს ვიკატო უცხო კაცმა მიიპყრო მისი ყურადღება.

ყაჩაღების ბრბოში მალვით შემოერია ვილაც უცხო, სამოციოდე წლის, სუფთად ჩაცმული მოზუცი და ცდილობდა მეფისდა შეუმჩნეველად მიეპყრო სერებრიანის ყურადღება. წინა რიგს ამოფარებულმა უცნობმა უკვე რამდენჯერმე გამოაპარა ხელი, რომ ხიფთანის კალთაში სწვლომოდა თავადს, მაგრამ ვერ ახერხებდა ამას და კვლავ ყაჩაღების ზურგსუკან იმალებოდა.

— ვინაა ის ვირთხა? — იკითხა მეფემ და უცნობს მიაშვირა ხელი.

მაგრამ მოზუცი სწრაფად მიიმალა ბრბოში.

— მიდექ-მოდექით, ხალხნო! — თქვა იოანემ: — აქ მომგვარეთ ის მამაცი, უკან რომ იმალება!

რამდენიმე ოპრიჩნიკმა ბრბო გაარღვია და დამნაშავე გამოათრია.

— ვინა ხარ, მოზუცო? — ჰკითხა იოანემ და ეჭვით დააცქერდა უცნობს.

— ეგ ჩემი ჯილავდარია, ხელმწიფო! — აჩქარებით უთხრა სერებრიანიმ, რომელმაც ახლალა დაინახა მოზუცი მიხეიჩი: — მაგას მას აქეთ არ ვუნახივარ, რაც...

— სწორია, სწორი, ხელმწიფე-ბატონო! — დაუდასტურა მიხეიჩმა, რომელსაც შიშისა და სიხარულისგან ენა ებმოდა: — მართლის თქმას ნებულობს მისი მოწყალება თავადი!.. ჩვენ იმ დღის მერე აღარ გვინახავს ერთმანეთი, რაც მისი მოწყალება დაატუსაღეს. ნება მომეცი, მეფე-ბატონო, ახლა მაინც შევხედო ჩემს ბოიარს! დიდება ღმერთს, ნიკიტა რომანიჩ! უკვე ვფიქრობდი, მეტად აღარ მეღირსებოდა შენი დანახვა!

— რა უნდა გეთქვა თავადისთვის? — ჰკითხა მეფემ, რომელიც კვლავ უნდობლად შეჰყურებდა მიხეიჩს. — რატომ იმალებოდი ყაჩაღების ზურგსუკან?

— შიშის გამოისობით, ხელმწიფე-ბატონო ივან ვასილევჩი, შენი ოპრიჩნიკების შიშის გამოისობით! ეგენი ხომ, თვითონაც იცი... ეგენი ხომ, ხელმწიფო, ყველანი ისეთი ხალხია...

და მიხეიმა ენაზე იკბინა.

— როგორი ხალხია? — ჰკითხა იოანემ, თან ცდილობდა მოწყალედ ეტკირა მოხუცისთვის. — თქვი, მოხუცო, ნუ გერიდება, როგორი ხალხია ჩემი ოპრიჩნიკები?

მიხეიმა მეფეს შეავლო თვალი და დამშვიდდა.

— როგორი და, ლიტვაში ლაშქრობამდე თვალითაც რომ არ გვინახავს, ბატონო! — უცებ წარმოთქვა მან, ხელმწიფის მოწყალე გამომეტყველებით გამხმნეებულმა. — ყვედრებით არ ვამბობ, და ვერ არიან სანდო ხალხი, მგლის კბილი და ქორის კლანჭი მაგათ!

მეფე ჩაცვივებით დააცქერდა მიხეიმს, იმით გაოცებული, რომ მსახური თავის ბატონს არ ჩამორჩებოდა გულახდილობაში.

— აბა, რას აწყვეტავ თვალებს მ.ა. ადამიანიშვილს? — უთხრა გადიამ. — შეჭმას ხომ არ უპირებ? განა მართალს არ გეუბნება? განა უნახავს ვინმეს აქამდე რუსეთში ტარტარიოზები?

მიხეიმა გაიხარა, მხარდამჭერი რომ გამოუჩნდა.

— ეგრეა, ბებო, ეგრე! — თქვა მან. — სწორედ მაგათგან დაიწყო ყველა სიგლაზე რუსეთში! სწორედ მაგათ უმარეს ბოიარსს ნუ გჯერა მაგათი, ხელმწიფეო, ნუ გჯერა! ძალღის დრუნჩი ჰკიდიათ ცხენებზე და თვითონაც ძალღებივით უღრინავთ ენა! ჩემი ბატონი მუდამ ერთგულად გემსახურებოდა, სულ იმ ვიანემსკიმ და ხომიაკმა მოსდეს შარი. აი, ბებომაც მართალი თქვა, მაგათნაირი ტყიურები არც კი გვსმენია წმინდა რუსეთში!

და მიხეიმი უფრო ახლოს მიდგა სერებრიანისთან, თან გარშემო მყოფ ოპრიჩნიკებისკენ აცეცებდა თვალს. აქაოდა, თუმცა მგლები კიხართ, მაგრამ ახლა მაინც ვერ შემჭამთო!

როცა მეფე წინგარდაზე გამოვიდა, უკვე გადაწყვეტილი ჰქონდა გუნებაში ყანალების პატიება. ოღონდ უნდოდა საგონებელში ჰყოლოდა ისინი ცოტა ხანს მაინც. ასე რომ, გადაის შეგონებები ახლა სულაც არ იყო დროული. პირიქით, მათ კინაღამ გააღიზიანეს იოანე. მაგრამ, საბედნიეროდ, მეფე ახლა გულმოწყალე ხასიათზე იყო და, იმის მაგივრად, რომ ბრაზი წაჰკიდებოდა, ხუმრობის გუნებაზე დადგა. იოანემ უეცრად მოიფიქრა ოინი ეყო ონუფრენასთვის და დაემცირებინა ის კარისკაცთა თვალში, თან სერებრიანის ჯილავდარიც გაემასხარავებინა.

— მაშ შენ არ გიყვარს ოპრიჩნინა? — გულითადად ჰკითხა მან მიხეიმს.

— აბა ვის უყვარს იგი, ხელმწიფე-ბატონო? იმ საათიდანვე, რაც ლიტვიდან დაებრუნდით, სულ მისგან ატყდება განსაცდელი და ფათერა-

კები ჩემს ბოიარს, ეგენი რომ არა, ღმერთო შემინდე, ეგ კაციჭამიები, ჩემი ბატონი ახლაც აღრინდელ პატივში ეყოლებოდა შენს მეფურ მოწყალებას.

და მიხეიჩმა კვლავ მფრთხლად გაჰხედა მეფის ქეშიკებს, მაგრამ მაშინვე გაიფიქრა: „ეჰ, მგლის კბილი და ქორის კლანჭი თქვენ! თუნდაც სული გამაფრთხობინოთ, ჩემს ბატონს მაინც გავაპატიოსნებ მეფის წინაშე!“

— კარგი ჯილავდარი გყოლია! — უთხრა მეფემ სერებრიანის. — ნეტავი ჩემს მსახურებსაც ასე უცემდეთ გული ჩემთვის! დიდი ხანია შენთან არის?

— ოო, მე, ბატონო ივან ვასილევჩი, — აიტაცა მიხეიჩმა, მეფის შექებით მთლად გამხნეებულმა, — მე ჯერ კიდევ იმ ხნიდან ვემსახურები თავადს, როცა ეგ ბაღლი იყო; სულკურთხეულ მამამაგისსაც მე ვემსახურებოდი, მამაჩემი კიდევ მაგის პაპას ემსახურებოდა, და ჩემი შვილებიც, ნეტავი მყავდნენ და, მაგისი შვილების მსახურები იქნებოდნენ!

— განა არ გყავს შვილიკოები, მოხუცო? — კიდევ უფრო მოწყალედ ჰკითხა იოანემ.

— ორი ვაჟიშვილი მყავდა, ბატონო, და ორივენი უფალმა წამართვა. შენს სახელმწიფო საქმეზე დადევს თავი პოლოცკთან, როცა ჩვენ ნიკიტა რომანიჩთან და თავად პრონსკისთან ერთად პოლოცკს ვათავისუფლებდით. უფროს ვაჟს, ვასილის, მტრის ღიახმა გამოუქროლა და თავი გაუპო მახვილით, ხოლო უმცროსს, სტეფანეს, სიათით გაუგმირეს გული, შიგ ბეჭქვეშ გაუტარეს ტყვია, აი ამდენზე მარცხენა ძუძუს ზემოთ.

და მიხეიჩმა თითით აჩვენა თავის მკერდზე ადგილი, სადაც ტყვია მოხვდა სტეფანეს.

— აფსუს! — ჩაილაპარაკა იოანემ და თავი გაიქნია, თითქოს დიდად შეაწუხა მიხეიჩის შვილების ამბავმაო: — რას იზამ, მოხუცო, გულს ნუ გაიტეხ, ისინი თუ ღმერთმა წაიყვანა, ახლა სხვებს გაიჩენ!

— აბა საიდან გავიჩენ, ბატონო? ჩემი დედაკაცი ცოცხალი აღარა მყავს, სახელოდან კი ახალ შვილებს ვერ გამობერტყავ!

— არა უშავს, — თქვა მეფემ, თითქოს ჯილავდარის ნუგეშისცემა უნდაო, — ღმერთი მოგხედავს, კიდევ იპოვი სხვა დედაკაცს!

მიხეიჩი არცთუ მცირედ სიამოვნებდა მეფესთან საუბრით.

— ეგ სიკეთე რა დიდი საძებარია, — ღმეჭვით უპასუხა მან, — ოღონდ მაინცდამაინც არ ვიკლავ თავს დედაკაცებისთვის, ხელმწიფე-ბატონო, თან კიდევ ჩემი ხნის კაცს აღარც შეშვენის მაგნაირი საქმით შექცევა!

— დედაკაციც არის და დედაკაციც, — შენიშნა იოანემ და სათბუნებელში დაავლო ხელი ონუფრეენას: — აი შენ ცოლიცო! — უთხრა მან და წინ გამოათრია გაღია. — წაიყვანე, მოხუცო, იცხოვრე ამასთან სიამტკბილობით და შეილებიც დაისიე რამდენიც გენებოს!

ოპრიჩნიკები მიხვდნენ მეფის ზუმრობას და გულიანად ახარხარდნენ, მიხეიჩმა კი გაოცებული მხერა მიაპყრო მეფეს, იქნებ მანაც გაიცინოსო, მაგრამ იოანეს სახეზე ღიმილის ნასახიც ვერ დაინახა.

გაღიას უსიცოცხლო თვალებს ცეცხლი წაეკიდა.

— შე ურცხო! — დაუცაცხანა მან იოანეს. — ღვთის გარეგანო! მე შენ გიჩევენებ ჩემს გამასხარავენას! შე ურცხო, ფუი! ნამუსგარეცხილო უღმერთო!

დედაბერმა ჯოხი დააბაკუნა იატაკზე და კიდე უფრო გულმოსულად ააცმაცუნა ბაგეები, ცხვირი კი გაულურჯდა.

— კარგი ახლა, ნუ ინაზები, ბებიეო, — უთხრა მეფემ, — მე შენ ნანატრი საქმრო გამოგირჩიე; ალერსს არ მოგაკლებს, საჩუქრებით აგავსებს, ჭკუაზე მოგიყვანს! ქორწილს კი ღღესვე გავმართავთ, მწუხრის ლოცვას როგორც მოვრჩებით! აბა, როგორია შენი ცოლიცო, ბებერო?

— ნუ გამწირავე, ხელმწიფე-ბატონო! — ამოთქვა მიხეიჩმა, შიშისგან მთლად თავგზააბნეულმა.

— რაო? იქნებ თვალში არ მოგღის ეს დედაკაცი?

— რა თვალში მოსასულელი ეგ არის, ბატონო! — ამოიგმინა მიხეიჩმა და უკან დაიხია.

— შეეჩვევი — შეგიყვარდება! — თქვა იოანემ. — მე კი გულუხვად გავამზითვებ ამ ქალს!

მიხეიჩმა თავზარდაცემით შეხედა ონუფრეენას, რომლისთვისაც ჯერაც არ შეეშვა ხელი მეფეს.

— ბატონო ივან ვასილევოჩი, — უცებ შესძახა მან და მუზღებზე დავარდა, — უბრძანე თავი წამაგდებინონ, ოღონდ ამნაირი თაულაფის დასხმას ნუ ინებებ! უმალ ჯალათის ლუკმა გავხდები, ვინმემ მის მოწყალებას შევირთავდე, მგლის კბილი და ქორის კლანჭი მაგას!

ივან ვასილევოჩი ერთ ხანს ხმას არ იღებდა და უცებ გულიანად ახარხარდა.

— რა გაეწყობა, — თქვა მან ბოლოს, როცა სული მოითქვა და ხელი უშვა ონუფრეენას, რომელიც მაშინვე გაეცალა წყევლა-კრულვითა და ფურთხებ-ფურთხებით, — ჩემი მხრივ პატივი მოგავეთ, ხარჯისგან კი ღმერთმა დამიფარა! მე თქვენ ბედნიერება მიწოდდა, მაგრამ გვირგვინს ძალით ვერ დაგადგამთ! კვლავაც ემსახურე შენს ბოიარს, მოხუცო, შენ

კი, ნიკიტა, მომიახლოვდი. მიპატიებია შენთვის ეს მეორე დანაშაულიც. ამ ჩამოკონკილებს კი ოპრიჩინინაში არ გავამწესებ. ჩემს მამაცებს ვაითუ ეწყინოთ კიდევ. დე ჟიზდრას წავიდნენ, სადარაჯო პოლკში. თუ თათრებზე ერჩით გული, იქ არ დაუძვირდებათ იმათი ნახვა. შენ კი, — განაგრძო მან გამორჩეულად მოწყალე ხმით, მისთვის ჩვეულებრივი დამცინავი კილოს გამოურეველად, თან მხარზე ჩამოადო ხელი სერებრიანის, — შენ ჩემთან დარჩი. მე შეგარიგებ ოპრიჩინინასთან. როცა უფრო ახლოს გავვიცნობ, მაშინ აღარ გვიუცხოვებ. თათრების რბევა კარგი საქმეა, მაგრამ ჩემი მტრები მხოლოდ თათრები როდი არიან; მათზე უარესებიც მყვანან. ჰოდა, ისწავლე ამ ორგულების კბილებით დაღრღნა და ცოცხით გახვეტა.

და მეფემ მხარზე მოუთათუნა ხელი სერებრიანის.

— ნიკიტა, — კეთილმოწყალედ დაურთო მეფემ და კვლავ მხარზე ჩამოადო ხელი თავადს, — შენ გულმართალი კაცი ხარ და ცბიერება არ გჩვევია; მე კი სწორედ ასეთი მსახურები მინდა რომ მყავდეს. ჩაეწერე ოპრიჩინინაში; მოღალატე ვიაზემსკის ადგილს გიბოძებ! შენი მჯერა, შენ არ გამყიდი!

ყველა ოპრიჩნიკმა შურით შეხედა სერებრიანის; ისინი უკვე ახალ, ამომავალ ვარსკვლავს ხედავდნენ მასში და, ვინც მოშორებით იდგა იონანესგან, ჩურჩულიც შექმნეს ერთმანეთში იმით უკმაყოფილოებმა, რომ მეფეს არაფრად მიაჩნია მათი დამსახურება და სურს შევრდომებული გარისხული, შთამომავლობით ბოიარი, ძველი გვარის დიდებული დაასვას თავზე ერთგულ მსახურებს.

მაგრამ სერებრიანის გული დაუმძიმა იონანეს სიტყვებმა.

— ხელმწიფეო, — თქვა მან და ძალა დაატანა თავს, — მადლობას მოგახსენებ წყალობისთვის; მაგრამ სჯობს მეც სადარაჯო პოლკში გამგზავნო. აქ ვერაფერს გარეგებთ, სლობოდის ჩვევები უცხოა ჩემთვის, იქ კი მანამ ვემსახურები შენს მოწყალებას, სანამ ძალა მეყოფა!

— ოჰო! — თქვა იონანემ და ხელი მოაშორა სერებრიანის მხარს: — ესე იგი, ჩვენ არ ვსურვართ მის თავადურ მოწყალებას! ჩანს, ქურდებთან ყოფნა უფრო საპატიო ყოფილა, ვიდრე ჩემი მეაბჯრეთუხუცესობა! რა გაეწყობა, — დაცინვით განაგრძო მან, — მე არავის ვაძალებ ჩემს მეგობრობას და არც ძალით ვაკავებ ვინმეს. რაკი ერთმანეთს შეჩვევიხართ, ბარემ ერთადაც იმსახურეთ. კეთილი მგზავრობა, ყაჩაღების ვოევოდაე!

ეს რომ თქვა, მეფემ ზიზღით შეხედა სერებრიანის, ზურგი შეაქცია მას და სასახლეში შებრძანდა.



## სლობოდინან გამგზავრება

გოდუნოვმა სერებრიანის შესთავაზა მისი სტუმარი ყოფილიყო სალაშქროდ გამგზავრებამდე. ამჯერად ეს წინადადება გულით იყო შეთავაზებული, რადგან ბორისმა, რომელიც მეფის თითოეულ სიტყვას და თითოეულ მოძრაობას აკვირდებოდა, დაასკვნა, რომ ქუხილმა უკვე გადაიარა, რომ ამიერიდან იოანე აღარაფერს აენებდა ნიკიტას და მხოლოდ მისდამი გულცივიობას დასჯერდებოდა.

მაქსიმისთვის მიცემული პირობა რომ შეესრულებინა, სერებრიანი მეფის სასახლის ეზოდან პირდაპირ თავისი ძმადნაფიცის დედასთან გაენართა და მაქსიმის ჯვარი გადასცა მას. მალიუტა შინ არ იყო. მოხუცმა დედამ უკვე იცოდა შვილის სიკვდილის ამბავი და სერებრიანი მახლობელივით მიიღო; მაგრამ, როცა თავადმა დავალება შეასრულა და დაემშვიდობა, ქალმა, ქმრის დაბრუნების შიშით, ვერ გაბედა მისი შეპატიჟება და მხოლოდ წინგარდამდე გამოაცილა ლოცვა-კურთხევით.

სალამოს, როცა გოდუნოვმა მოსასვენებლად დასტოვა სერებრიანი და ძილი ნებისა უსურვა, მიხეიჩმა ფართოდ გაუხსნა სადინარი თავის სიხარულს.

— მადლობა ღმერთს, ბოიარო, — თქვა მან, — ბოლოს მაინც დამიდგა სალხინო დღე ამდენი წვალების მერე! მას აქეთ, რაც შეგიპყრეს, ნიკიტა რომანიჩ, თითქოს მზის ნათელსაც ვეღარ ვხედავ! სულ მოსკოვსა და სლობოდაში დავწანწალებ, ეგებ შენს ამბავს მოვკრა ყური-მეთქი. როგორც კი გავიგონე დღეს, ყაჩაღებთან ერთად დაბრუნდა თავადიო, მაშინვე თავქუდმოგლეჯით გამოვქანდი სასახლის ეზოსკენ; მარა, ვხედავ, მეფე უკვე კიბისთავზე დგას! რალა მექნა, შევეერიე ყაჩაღებში და ძრომაძრომით გამოვადწიე შენამდე, ჰოდა, ვეღარ მოვითმინე, დავიწყე ხელის ფათური, მინდოდა როგორმე ხიფთანის კალთაში წაგპოტინებოდი, მაგრამ მეფემ შემასწრო თვალი ამ დღეში მყოფს. იცოცხლე, შიში ვჭამე! ჩემს დღეში არ დამავიწყდება! ორ პარაკლისს გადავიხდი ხვალ: ერთს შენს სადღეგრძელოდ, მეორეს კი — იმ კუდიანისგან რომ დამიხსნა ღმერთმა, ჩემი თავლაფლასხმა რომ არ ინება!

და მიხეიჩმა წამოიწყო გრძელი ამბავი იმაზე, თუ რა შეემთხვა მოროზოვის სახლ-კარის დარბევის შემდეგ, როგორ მოინახულა პერსტენი, მერე კი კვლავ წისქვილში მიბრუნდა, იქ ელენა დმიტრიენა იპოვა და იკისრა მისი წაყვანა ქმრის სამკვიდრო მამულში, სადაც თვითონ მოროზოვი გააპარეს მისმა მსახურებმა ხანძრის დროს.

სერებრიანი თმენაგადალეული ისმენდა მიხეიჩის უთავბოლოდ გაჭია-  
ნურებულ ლაპარაკს.

— მე ხომ, ნიკიტა რომანიჩი, — ამბობდა მოხუცი, — მე ხომ ბრმა არა  
ვარ, მართალია, ხმას არ ვიღებ, მაგრამ ყველაფერს ვხედავ. გამოგიტყე-  
ლები, ბატონო, ნამეტანი არ მომწონდა, დრუჟინა ანდრეიჩთან რომ და-  
დიოდი. ამ ამბავს კეთილი ბოლო არ ექნება-მეთქი, ვფიქრობდი, თან,  
მართალი ვითხრა, მრცხვენოდა კიდევ შენს გამო, მასთან ერთად რომ  
უჯექი სუფრას და ერთი აზარფეშიდან სვამდი. შენ, ბატონო, გესმის ჩე-  
მი ნათქვამი. თუმცა, კაცმა რომ თქვას, თვითონ არცა ხარ დამნაშავე.  
ამაში; ვინ რა იცის, რანაირად ჩაუძვრება ეგ ოხერი ადამიანს! მარა მის  
წინაშე მაინც ცოდვა იყო ეგ. ახლა კი, ცხადია, სხვა ამბავია; ახლა ქალს  
ალარავინ ჰყავს პასუხის მოპკითხველი, ღმერთმა სასუფეველი დაუშ-  
კვიდროს იმას! თან კიდევ, ნამეტანი ახალგაზრდაა ის მტრედუნია, ცო-  
ლოა ქვრივად რომ დარჩეს!

— ნურაფერს მყვედრი, მიხეიჩი, — უკმაყოფილოდ უთხრა სერებრია-  
ნიმ, — შენ ის მითხარი, სად არის ახლა ბოიარინა და რა იცი მისი?

— მათქმევინე, ბატონო, სული ნუ მიგდის; მაცალე, ყველაფერს და-  
ლაგებით მოგახსენებ. აი, შენ ხარ ჩემი ბატონი, იმ ავაზაკებისგან ისევ  
წისქვილში რომ მივბრუნდი, მეწისქვილე მეუბნება: ფასკუნჯი შემოფ-  
რინდა ჩემთანო; მეფე დალმატთან წაიყვანეო! ჯერ ვერც მივხვდი, ნე-  
ტავ რა ფასკუნჯზე, ვინ დალმატზე რატრატებს ეს მოხუცი-მეთქი; მა-  
რა, მერე, როცა ბოიარინა დამანახვა, მერე კი ვიაზრე, რომ იმაზე მია-  
რაკებდა! ჰოდა, გაუუღქით ჩვენ, მე და ბოიარინა, დრუჟინა ანდრეიჩის  
სამკვიდრო მამულისკენ. პირველად არა უშავდა, მოდიოდა თავისთვის  
წყნარად, თვალედახრილი; მერე ნელ-ნელა ამოიღგა ენა, ქმრის ამბავ-  
გამომკითხა; მერე კი, ბატონო, იქითურიო, აქეთურიო და შენი ამბავიც  
იკითხა. ოღონდ, პირდაპირ კი არა, ისე, ვითომც, სხვათა შორის, ცალ-  
ყბად. მოგეხსენება ღელაკაცის ზნე! მეც ყველაფერი ვუამბე, რაც ვიცო-  
დი, ის კი, საბრალო, აღრინდელზე უფრო დანადვლიანდა, თავი ჩაჰქინ-  
დრა და, მთელი გზა ისე გავლიეთ, ენა აღარ დაუძრავს. მარა მამულს  
რომ დავეუახლოვდით, ასე ათიოდე ვერსი იქნებოდა დარჩენილი, ვხედავ,  
წუხილი დაიწყო. რა არის, ქალბატონო, რამ შეგაწუხა-მეთქი? იმას კი,  
ბატონო, ცრემლი წასკდა. რაღას ვიზამდი, დავუწყე ნუგეშისცემა. „ნუ  
ნადვლობ, ვეუბნები, ბოიარინა, დრუჟინა ანდრეიჩი ცოცხალია-მეთქი!“  
ის კი, დრუჟინა ანდრეიჩის ხსენებაზე, უფრო მწარედ ატირდა. ვუყურებ  
გაოგნებული და აღარ ვიცი, რაღა ვუთხრა. „თავადი ნიკიტა რომანიჩიც,  
ვეუბნები, ციხეში კია, მაგრამ, ეტყობა, ისიც ცოცხალი უნდა იყოს-მეთ-

ქი!“ თვითონაც აღარ ვიცოდი, ბატონო, რა მეთქვა მისთვის; ვგრძნობ, რომ იმას არ ვეუბნები, რაც საჭიროა, მაგრამ რაღაცა მაინც უნდა მეთქვა. მაგრამ შენ გახსენე თუ არა, ბატონო, უცებ, ვხედავ, ცხენი დააყენა საბრალომ. „არა, ძიაო, მეუბნება, არ შემძლია მამულში დაბრუნებაო!“ — „რას ამბობ, ბოიარინა, მაშ სად უნდა წახვიდე-მეთქი?“ — „ძიაო, მეუბნება, მოოქროვილი ჯვრები რომ მოჩანს ტყის გაღალმა, ხელავ იმათო?“ — „ვხედავ, ქალბატონო-მეთქი“. — „ისაო, მეუბნება, დელათა მონასტერიო; მე ვიცნობ იმ ჯვრებს, იქ მიმიყვანეო!“ მინდა რამენაირად დავიძვინრო თავი, რა არ მოვიმიზუზე, მაგრამ შენც არ მომიკვდე, აიჩემა: მიმიყვანე და მიმიყვანეო „მე ერთ კვირას დავიცდი იქ, ვილოცებ-მერე კი დრუჟინა ანდრეიჩს შევატყობინებ ჩემს ამბავსო; ის გამოგზავნის გამცილებლებსო!“ რაღას ვიზამდი, მივიყვანე იქამდე, ბატონო; ჰოლად, იქვე დავტოვე იღუმენის ხელში.

— შორს არის ის მონასტერი? — ჰკითხა სერებრიანი.

— წისქვილიდან ორმოციოდე ვერსზე იყო, ბატონო; მოსკოვიდან, მგონი, უფრო შორს იქნება. თუმცა, რაღა მაგის თელა გვინდა, გზა სწორედ იქითა გვაქვს, თუ ჟიზდრაზე წავალთ.

— მიხეიჩი! — უთხრა სერებრიანამ, — გამიწიე სამსახური. მე დილაამდე ვერ წავალ აქედან: ჩემმა ხალხმა ჯვარზე უნდა შექჟიცოს მეფეს. მაგრამ შენ ამ ლამითვე გასწი, მარქაჟა ცხენიც გაიყოლიე, ნუ დაზოგავ ნურც თავს, ნურც ცხენებს; ბოიარინა ინახულე და ყველაფერი უამბე; შეიპირე, რომ მიმიღოს, რომ არაფერი გადაწყვეტოს ჩემს უნახავად!

— მესმის, ბატონო, მესმის; შენ, ვინცობაა, იმისი შიში ხომ არა გაქვს, რომ მოლოზნად შედგეს? ეგ არ მოხდება, ბატონო. გაივლის ეს ერთი წელი, იგლოვებს ქალი, ცხადია; უამისობა არ იქნება; აბა როგორ არ იგლოვებს დრუჟინა ანდრეიჩს, ღმერთმა სასუფეველი დაუმკვიდროს იმას! მერე კი, ნახავ აგერ, ქორწილსაც გავმართავთ. აბა, ჩენი დდე და მოსწრება სულ ჭირსა და განსაცდელში ხომ არ ვიქნებით, ბატონო!

მიხეიჩი იმ ლამითვე გაემგზავრა მონასტერში, სერებრიანი კი გარიჟრაჟზე ადგა და გოდუნოვთან შევიდა გამოსამშვიდობებლად.

ბორისი უკვე დაბრუნებულყო ცისკრის ლოცვიდან, რომელსაც, ჩვეულებრივ, მეფესთან ერთად ისმენდა.

— რა გეჩქარებოდა, უთენია რომ ამდგარხარ, თავადო? — ჰკითხა სტუმარს, — ადრე ადგომა ჩვენ გემართებს, სლობოდელებს, შენ კი შეგეძლო კარგად გამოგეძინა გუშინდელი ამბის მერე. იქნებ ვერ მოისვენე ჩემთან?

მაგრამ გოდუნოვის მახვილი მზერა ცხადყოფდა, რომ იცოდა თავადის უძილობის მიზეზი.

ის ამბავი, რომ ბორისი გულთბილად, წრფელი თანაგრძნობით ეპყრობოდა, ამდენ სიკეთეს უშვებოდა და, რაც მთავარია, არაფრით არ ჰგავდა მეფის სხვა კარისკაცებს, მასთან სამმო-სამეგობროდ განაწყობდა სერებრიანის. თავადი ელენას სიყვარულში გამოუტყდა ბორისს.

— ებ ყველაფერი უკვე დიდი ხანია ვიცი, თავადო! — ღიმილით უთხრა გოდუნოვმა. — ამას ჯერ კიდევ სლობოდაში შენი პირველად მოსვლისას მივხვდი, როცა შევნიშნე, რა თვალებით უყურებდი ვიაზემსკის. ხოლო როცა განზრახ ჩამოგიგდე სიტყვა მოროზოვზე, უხალისოდ ლაპარაკობდი მასზე, თუმცა მეგობრულად კი იყავით ერთმანეთთან. შენ, თავადო, სულ არ იცი გულისნადების დამალვა. რასაც გაიფიქრებ, მაშინვე ყველაფერი სახეზე დაგეხატება. და, საერთოდაც, მეტისმეტად გულმართალი ლაპარაკი იცი, ნიკიტა რომანიჩი, ნუ მიწყენ სიმართლეს. გუშინ შემამინა შენმა საქციელმა და ვჯავრობდი კიდევაც შენზე, ასე დაურიდებლად რომ ეუბნებოდი მეფეს, ოპრიჩინაში ყოფნა არ მსურსო.

— მაშ რა უნდა მეთქვა, ბორის ფიოდორიჩ?

— მადლობა უნდა გეთქვა მეფისთვის და მისი წყალობა მიგელო.

— ხუმრობ, ჩემო ბორის, თუ მართლა მეუბნები მაგას? ასეთ წყალობაზე როგორ უნდა მეთქვა მადლობა მეფისთვის? შენ თვითონ განა სწერიხარ ოპრიჩინაში?

— ჩემი ამბავი სხვა არის, თავადო. მე ვიცი, რასაც ვაკეთებ. მე მეფეს არ ვეურჩები; ის თვითონაც არ ისურვებს ჩემს ჩაწერას; ისე მიჭირავს თავი მის წინაშე. შენ კი, ვიაზემსკის ადგილი რომ მიგელო, მეფის მებაბჯრეთუხუცესობა გეტვირთა და ივან ვასილევინის დაახლოვებოდი, ამით მთელ ქვეყანას გაუწევდი სამსახურს. ჩვენ, მე და შენ, მხარში ამოვუდგებოდი ერთმანეთს და ოპრიჩინას, ალბათ, ძირს გამოვუთხრიდით!

— არა, ჩემო ბორის, ვერ შევძლებდი მე მაგას. აკი თვითონ მეუბნები, ყველაფერი სახეზე გაწერიაო.

— იმიტომ, რომ არ გსურს თავს ძალა დაატანო, თავადო. შენ რომ საკუთარი პირდაპირობის მოთოკვა გადაწყვიტო და თუნდაც მოსაჩვენებლად შეხვიდე ოპრიჩინაში, მაშინ, ეპ, რას არ გავაკეთებდით მე და შენ ერთად! თორემ ისე, აბა შემხედუე, რა დღეში ვარ! მართლმე ერთი ვახლი თავს ამათ, როგორც ქარიყლაპია ყინულს; ყველასი უნდა მეშინოდეს, ყოველი სიტყვა უნდა მოვზომო; ზოგჯერ ლამის თავს რეტი დამესხას! ხოლო ორნი რომ ვიყოთ მეფის გვერდით, მაშინ ძალაც გაგვი-

ორკეცდებოდა. შენისთანები თითზე ჩამოსათვლელნი არიან, თავადო. გულახდილად გეტყვი: პირველი შეხვედრიდანვე შენი მოიბეღე ვიყავი!

— არ გამოვდგები მაგ საქმისთვის, ჩემო ბორის. ბევრჯერ ვცადე სხვა ზნის ხალხთან ხასიათის შეწყობა, მაგრამ არაფერი გამომივიდა. აი შენ კი, ღმერთმა ხელი მოვიმართოს, შენ ჭიპი გაქვს მოჭრილი ამ საქმეში. მართალი ვითხრა, პირველად არც მსიამოვნებდა გულში, ზოგჯერ ერთს რომ ფიქრობ და სხვას ლაპარაკობ; მაგრამ ახლა კი ვხვლავ, საითაც უმიზნებ, და ვხვდები, რომ შენებურად მოქცევა სჯობს. მე კი, ძალიანაც მოვინდომო, არაფერი გამომივა; ღმერთმა არ მომცა მაგის უნარი. თუმცა, ახლა ანკი რის მაქნისია ამაზე ლაპარაკი! თავათ იცი, მეფე, ჩემივე თხოვნით, საღარაჯო პოლკში მაგზავნის.

— ეგ არაფერია, თავადო. შენ კიდევ დაამარცხებ თათრებს, მეფე კიდევ მოგიხმობს თავის მოწყალე თვალთა წინაშე. მეაბჯრეთუხუცესობას, რაღა თქმა უნდა, ვეღარ ეღირსები, მაგრამ, ოპრიჩინნას თუ ინდომებ, ჩაგწერს. მაგრამ კადევაც რომ აღარ შეგემთხვევს თათრების დამარცხება, სულ ერთია, მაინც ჩამოხვალ მოსკოვს, როცა ელენა დმიტრიევნას გლოვის დრო გაუვა. იმის შიში ნუ გექნება, რომ მოლოზნად შედგეს: ეს არ მოხდება, ნიკიტა რომანიჩ; მე შენზე უკეთ ვიცნობ ადამიანის გულს; ზიყვარულათ არ მისთხოვებია ის მოროზოვს და სულაც არ ეგუნებება ახლა მოლოზნად შედგომა. ოლონდ, აღროვე, სისხლი დაუცხრეს და ცრემლი შეიშროს; მე კი, თუ ისურვებ, მაყრად დაგიდგები.

— მადლობელი ვარ შენი, ბორის ფიოდორიჩ, მადლობელი ვარ. კიდევაც მრცხვენია, უკვე ამდენი სიკეთე მიყავი და მე კი ვერაფრით გადაგიხადე სამაგიერო. შენი გულისთვის, არც დავფიქრდებოდი, ისე წავიდოდი საწამებლად ან ბრძოლის ველზე თავის გასაწირად. ოპრიჩინნაში კი ნუ მიმიხმობ, და მეფის გვერდით ჩემი ყოფნაც არ შეიძლება. ამისთვის ან მთლად უნდა დაივიწყოს კაცმა სინდის-ნამუსი, ან არადა შენი უნარი ჰქონდეს. მე კი ცუდუბრალოდ უნდა ვიცნო და ვითვალთმაქცო. ღმერთმა ყველას თავისი ნიჭი გაუჩინა, ჩემო ბორის: შევარდენი შევარდნულად დაფრინავს, გედი — გელურად; მთავარია, კაცი მართალი იყოს.

— მაშ შენ აღარ ჯავრობ ჩემზე, თავადო, სწორ გზას რომ არ მიეყვები და შემოსავლელებით სიარულს ვამჯობინებ?

— ცოდვას ჩავიდენდი, შენ რომ რამეში დაგადანაშაულო, ბორის ფიოდოროვიჩ. ჩემზე აღარას ვიტყვი; მაგრამ რამდენი სიკეთე უყავი სხვებს! და ჩემს ბიჭებსაც უშენოდ, მართალი ვითხრა, ცუდი დღე დაად-

გებოდათ. ტყუილად არ არის, რომ ხალხს შენი სიყვარული აქვს. ყველა შენი მოიმედება; მთელი ქვეყანა უკვე შენ გააყრობს თვალს!

გოდუნოვს მსუბუქმა სიწითლემ დაუარა შავგვრემან სახეზე და თვალბეჭებში კმაყოფილებამ გაუელვა. თავის საქციელთან და მოქმედების გეზთან ისეთი ადამიანის შერიგება, როგორადაც სერებრიანი მიაჩნდა, არცთუ მცირე ზეიმი იყო მისთვის და ეს თავისი შთამბრუნებელი ძალის საზომად მიიჩნია ბორის ფილოლოგიჩიმა.

— ჩემის მხრიავაც მადლობა მომიხსენებია შენთვის, თავადო, — უთხრა მან. — მხოლოდ ერთსა გთხოვ: რახან არ გსურს დამეხმარო, ეს მაინც აღმიტყვი, — როცა ჩემს აუგს გაიგონებ, ნუ ირწმუნებ იმ ხმებს და დაუფარავად უთხარი ჩემს ცილისმწამებლებს ყველაფერი, რაც ჩემზე იცი!

— მაგისტრის ნურც შეიწუხებ თავს, ჩემო ბორის! შენი აუგის თქმას კი არა, გაფიქრებასაც არავის დავანებებ. ჩემი ყაჩაღები უკვე ახლა ლოცულობენ შენი დღეგრძელობისთვის, ზოლო თუ სამშობლოში დაბრუნდნენ, მაშინ ხომ ყველა თავისიანსაც ამას დაავალებენ! ოღონდ, ღმერთმა შენ ნურაფერი გაგიჭიროს.

— უფალი იცავს სათნოებას შინა მავალთა! — თქვა გოდუნოვმა დაკრძალვით დახარა თვალები. — თუმცა ყველაფერი მისი წმინდა ნებაა! მაშ, ნახვამდის, თავადო; მალე ნახვამდის; აბა შენ იცი, თუ ქორწილში არ დამივიწყებ.

ისინი მეგობრულად გადაეხვივნენ ერთმანეთს და ნიკიტა რომანიჩს გული გაუხალისდა. თავადი შეეჩვია იმის ფიქრს, რომ გოდუნოვის ვარაუდები იშვიათად ცრუვდებოდა, და ელენას გამო ამასწინანდელი შიში გაუქრა.

მალე ის გზას გაუდგა თავისი ქვეითი რაზმით; მაგრამ სლობოდინს გასვლაც ვერ მოასწრეს, რომ ერთ ამბავს შეესწრნენ, რომელიც იმ დროის წარმოდგენებით ავის მომასწავებელი ნიშანი იყო.

ერთი ეკლესიის მახლობლად რაზმი აწრიალებული მათხოვრების ბრბომ შეაყვანა. ისინი ტაძრის კარიბჭესთან შექუჩებულიყვნენ, ქუჩა ჩაეხერგათ და, ეტყობა, უხვ მოწყალეებს ელოდნენ ეკლესიაში მყოფი ვიღაც დიდკაცისგან.

სერებრიანიმ, რომელიც ფრთხილად მიიწევდა წინ, რომ ვეერდზე მიდგომა ეცლია ბრბოსთვის, საპანაშვილო გალობა გაიგონა და იკითხა, ვის იგლოვენო. მას უპასუხეს — გრიგორი ლუკიანოვიჩ სკურატოვ-ბელსკის ალაპი აქვს თათრებთან ბრძოლაში მოკლული ვაჟიშვილის მოსახსენებლად. ამ დროს შემზარავი კივილი მოისმა და გულშეღონებული მოზუცი ქალი გამოასვენეს ეკლესიიდან; ჩამომდნარი სახე ცრემლებით

ჰქონდა დაღობილი, ჭადარა თმა კი უწესრიგოდ ჩამოშლოდა ხავერდის თავსაბურველიდან. ეს ქალი მაქსიმის დედა იყო. წინგარდაზე შავებში ჩაცმული მალიუტა გამოჩნდა და მისი თვალები სერებრიანის თვალებს შეეფეთა; მაგრამ მალიუტას ამჯერად აღარ ეტყობოდა ჩვეულო სიმხეცე. იგი როგორღაც გაშტერებული იყო, უაზროდ და ჩლუნგად გამოიყურებოდა. მან ბრძანა სტოვაზე დაესვენებინათ მოხუცი და კვლავ ეკლესიაში შებრუნდა პანაშვილის სასმენად, ქუდმოხდილმა ყაჩაღებმა და სერებრიანიმ კი პირჯვრის წერით ჩაუარეს ტაძარს და მიმავლებს ესმოდათ, როგორ ირხეოდა ეკლესიაში ზეიმურად და გაბმით: „განუსვენე წმინდათა თანა!“

ამ ნაღვლიანმა გალობამ და მაქსიმზე ფიქრმა გული დაუძძიმა სერებრიანის, მაგრამ გოდუნოვის ნუგეშიანი სიტყვები გაახსენდა და მალე გაუნელდა პანაშვილის შემადონებელი შთაბეჭდილება. მოსახვევთან, საიდანაც გზა ბურვილ ტყეში შედიოდა, მან აღექსანდრეს სლობოდისკენ მიიხედა და, როცა იოანეს სასახლის მოოქროვილი გუმბათები თვალსაგან მიეფარა, შვება იგრძნო, თითქოს მძიმე ლოდი მოსწყდა გულიდანო.

საამო, მზიანი დილა იყო. ყოფილი ყაჩაღები, კარგად ჩაცმულნი და შეიარაღებულნი, მწყობრი ნაბიჯით მიჰყვებოდნენ სერებრიანის და მის თანმხლებ მხედრებს. ზღვა სიმწვანე ეხვია მათ ყოველი მხრიდან. სერებრიანის ცხენი, ლალი და დაუდგრომელი, გზადაგზა აკნეტდა ფოთლებს ძირს დაშვებულ ხეთა ტოტებს; ბუიანი კი, რომელიც მაქსიმის სიკვდილის შემდეგ ნაბიჯზეც აღარ შორდებოდა თავადს, წინ-წინ მირობოდა და დროდადრო მალლა იშვეერდა გაბანჯგვლულ დრუნჩს, რომ ქარი დაეყნოსა, ან არადა გვერდზე იღრცდა თავს და ფხიზლად ცქეპტდა ყურებს, როცა ტყეში რამე შორეული ხმა დაირხეოდა.

XXXIX თ ა 30

## უკანასკნელი კაემანი

სერებრიანიმ რამდენიმე დღე იარა თავისი რაზმით. ერთ-ერთ ღამაზე სათევთან, საიდანაც დედათა მონასტრისკენ გადასახვევი იწყებოდა, მან თავისი ხალხი დასტოვა და მარტოდმარტო გაემგზავრა მიხეიჩის შესაგებებლად, რომელმაც ბოიარინასგან პასუხის მოტანა აღუთქვა.

მთელი ღამე შეუსვენებლად იარა ნიკიტამ. განთიადისას, როცა ერთ

ჭზავარედინს უახლოვდებოდა, უკვე მისუსტებული კოცონი და მის მახლობლად ჩამოძვლარი მიხეიჩი დანინახა. შორიახლოს მშვიდად მოვდნენ ბალახს უნაგირიანი ცხენები.

ცხენის თქარათქური რომ გაიგონა, მიხეიჩი ფეხზე წამოხტა.

— ბატონო, თავადო ნიკიტა რომანიჩი! — შეჰყვირა მან, როცა სერებრიანი იცნო: — ნულარ მიდიხარ იქით, ბატონო! უკან დაბრუნდი, იქ ალარაფერი გესაქმება შენ!

— რა მოხდა? — ჰკითხა სერებრიანმა და გული შეუქანდა.

— ყველაფერი გათავდა, ბატონო! ღმერთს ჩვენთვის ბედნიერება არ მოუსვია.

სერებრიანი ცხენიდან ჩამოხტა.

— მითხარი, — წარმოთქვა მან, — რა მოუვიდა ბოიარინას?

მიხეიჩი ღუმდა.

— რა მოუვიდა ელენა დმიტრიევნას? — შიშის თრთოლვით გაიმეორა სერებრიანმა.

— უკვე აღარ არის ელენა დმიტრიევნა, ბატონო! — პირქუშად თქვა მიხეიჩმა. — ის ახლა და ევლოკიაა!

სერებრიანი დაბარბაცდა და ხეს მიეყრდნო.

მიხეიჩი ნალვლიანად შეჰყურებდა თავადს.

— რა გაეწყობა ნიკიტა რომანიჩი! ჩანს, ღმერთს ასე ნებავეს. ჩანს, უბედურ დღეზე ვყოფილვართ დაბადებული!

— მიაბზე ყველაფერი! — თქვა სერებრიანმა და სიმხნევე მოიკრიბა. — ნუ შემიცოდებ! როდის აღიკვეცა ბოიარინა?

— როცა დრუჟინა ანდრეიჩის დასჯის ამბავი შეიტყო, ბატონო; როცა მონასტერში აღაპის წიგნი მიიღეს ყველა დასჯილის გვართა და მეფის ბრძანებით — მათი სულის მოსახსენებლად ელოცათ; მე რომ მივედი, სწორედ იმის წინააღმდეგ.

— თუ ნახე ბოიარინა?

— ვნახე, ბატონო.

სერებრიანის უნდოდა რაღაც ეთქვა, მაგრამ ვერ შეძლო.

— სულ ცოტა ხნით ვნახე, — დაურთო მიხეიჩმა, — პირველად არც უნდოდა ჩემი დანახვა.

— რა დაგაბარა ჩემთან? — ძლივს ამოთქვა სერებრიანმა.

— რომ მისთვის ილოცო, ბატონო.

— მეტი არაფერი?

— არაფერი, ბატონო.



— მიზეზი! — წარმოთქვა თავადმა ხანმოკლე ღუმლის შემდეგ: — მიყვანე მონასტერში; უნდა დავემშვიდობო ბოიარინას...

მოხუცმა თავი გააქნია უარის ნიშნად.

— რაღად გინდა მისი ნახვა, ბატონო? ნულარ შეაწუხებ ამიერიდან; ახლა იგი, კაცმა რომ თქვას, წმინდანივითაა. ისევ ისა სჯობს რაზმში დაუბრუნდეთ და პირდაპირ ეიზლრას მივაშუროთ!

— არ შემიძლია! — უთხრა სერებრიანიმ.

მიზეზიმა კვლავ თავი გადაიქნია და თავისი ერთ-ერთი ცხენი მიჰგვარა თავადს.

— აბა მაშინ ამაზე შეჯექი, — უთხრა მან და ამოიხენეშა, — შენი მთლად გაქაფულია.

ისინი მღუმარედ დაადგნენ მონასტრის გზას.

გზა სულ ტყე-ტყე მიემართებოდა. მალე წყლის რაკარაკი გაისმა და სქელ სიმწვანეში ვერცხლისფრად გამოკრთა ნაკადული, რომელიც ლელიანში მოჩუხჩუხებდა.

— ცნობ ამ ადგილს, თავადო? — ნაღვლიანად ჰკითხა მიზეზიმა.

სერებრიანიმ თავი ასწია და ახალი ნახანძრალი დაინახა. ალაგ-ალაგ მიწა ორიოდე ღლის გადათხრილი მოჩანდა, ხოლო შენობის ნანგრევები და დამტვრეული წყლის ბორბალი ამბობდნენ, რომ აქ წისკვილი მდგარა.

— ეგ მაშინდელი ამბავია, ჯადოსანი რომ შეიპყრეს, — შენიშნა მიზეზიმა, — იმ უკულმართებმა მისი სადგომიც დაანიავეს; ეგონათ, განძს იპოვიდნენ აქ, მგლის კბილი და ქორის კლანჭი იმათ!

სერებრიანიმ დაბნეული მზერა მოავლო ნახანძრალს და მათ მღუმარედ განაგრძეს გზა.

რამდენიმე საათის შემდეგ ტყე შეთხელდა. ხეებს შორის თეთრად დაილანდა ქეიტკირის გალავანი და გაკაფულ მღელღოზე მონასტერი გამოჩნდა. ის, სხვა სავანეთა მსგავსად, არ იღვა ზეგანზე. გისოსიანი ვიწრო სარკმლებიდან არ ჩანდა ვრცელი სამონასტრო ადგილ-მამული და მზერა ოთხივ მხრივ ებჯინებოდა ფიჭვების შემოძარცულ ტანსა და ბნელ სიმწვანეს, რომელიც მჭიდროდ შემოსალტვოდა გალავანს. მთელი არემარე ირგვლივ უდაბური და სევდიანი იყო; მონასტერი, ეტყობა, ღარიბ სავანეთა რიცხვს ეკუთვნოდა.

ცხენოსნები ჩამოქვეითდნენ და კუტიკარზე დააკაკუნეს.

რამდენიმე წუთი გავიდა; გასაღებების უღარუნი მოისმა.

— ღიღება უფალსა ღმერთსა ჩვენსა, იესო ქრისტეს! — წყნარად წარმოთქვა მიზეზიმა.

— აწ და მარადის და უკუნითი უკუნისამდე. ამინ! — გამოეპასუხა მეკარე მოლოზანი და კუტიკარი გამოაღო. — ვინ გნებათ, ხელმწიფენო?

— დაი ევდოკია, — ხმადაბლა წარმოთქვა მიხეიჩმა, რომ ამ სახელის ხსენებით სულის იარა არ აეკვნესებინა თავისი ბატონისთვის. — შენ მიცნობ მე, ღირსო დედაო; მე ახლახან ვიყავი აქ.

— არა, ხელმწიფეო, არ გიცნობ; მე მხოლოდ დღეს დამაყენეს მეკარედ, ჩემამდე კი დაი ავნია იყო...

და მოლოზანმა ფრთხილად შეაელო თვალი მოსულთ.

— არა უშავს, დედაო, — განაგრძო მიხეიჩმა, — შემოგვიშვი. მოახსენე ილუმენს, თავადი ნიკიტა სერებრიანი გახვალა-თქო.

მეკარე მოლოზანმა მფრთხალად აათვალიერა სერებრიანი, უკან მიდგა და კუტიკარი გამოიკეტა.

მიხეიჩს ესმოდა, აჩქარებით რომ გაშორდა დედაკაცი გალავანს და ბუტბუტებდა: „უფალო შეგვიწყალე, ღმერთო მოგვხედე მოწყალე თვალით!“

„ნეტავ რა ამბავია? — გაიფიქრა ჯილავდარმა: — რატომ ეშინია ამ დედაკაცს ჩემი ბოიარის?“

მან თავადს შეხედა და მიხვდა, რომ მეკარე მოლოზანი მისმა დამტყერილმა საჭურველმა, ეკალ-ბარდებით დაფხრეწილმა სამოსელმა და შემფოთებულმა გამომეტყველებამ დააფრთხო. და, მართლაც, სერებრიანის გარეგნობა ისე შეცვლილიყო, რომ ალბათ თვითონ მიხეიჩიც ვერ იცნობდა თავის ბატონს, მასთან ერთად რომ არ მოსულიყო.

რამდენიმე ხნის შემდეგ კვლავ გაისმა მეკარის ნაბიჯების ხმა.

— ნუ გვიწყენთ, ხელმწიფენო, — კუტიკარს უკნიდან წარმოთქვა მანენის ბორძიკით, — ახლა ილუმენს არ შეუძლია თქვენი მიღება; სჯობს ხვალ მოხვიდეთ, ცისკრის ლოცვის მერე!

— მე ვერ მოვიცდი! — შეჰყვირა სერებრიანიმ, წიხლი ჰკრა კუტიკარს, საკეტები შეგლიჯა და გალავანში შევიდა.

მის წინ ილუმენი იდგა, თითქმის ისევე გაფითრებული, როგორც თვითონ სერებრიანი.

— სახელითა ღვთისათა, მაცხოვრისა ჩვენისა, — წარმოთქვა მან მთრთოლვარე ხმით, — შეჩერდით! ვიცი, რისთვისაც მოსულხარ აქ... მაგრამ ღმერთი არ გააპტიებს კაცისკვლას და უდანაშაულო სისხლს შენვე მოგკითხავს!

— ღირსო დედაო! — მიუგო სერებრიანიმ, რომელიც ვერ მიმხვდარიყო, რა აშინებდა ილუმენს, გაოცებას კი მეტისმეტი მღელვარებისგან ვერ ახერხებდა: — ღირსო დედაო, შემეშვი და ევდოკიასთან! ნება მომე-

ცი მხოლოდ თვალი შევაგლო! მხოლოდ იმის ნება მომეცი, დავემშვიდობო!

— დაემშვიდობო? — გაიმეორა ილუმენმა: — შენ მართლა მასთან დამშვიდობება გინდა, სხვა არაფერი?

— ოღონდ მასთან დამშვიდობების ნება დამრთე, ღირსო ღედაო, და მთელ ჩემს ქონებას შენს მონასტერს შემოვწირავ!

ილუმენმა უნდობლად შეხედა მას.

— შენ ძალით შემოიჭერი მონასტერში, — თქვა წინამძღვარმა, — შენ თავადად მოგაკვს თავი, მაგრამ ღმერთმა უწყის, ვინ ხარ, ღმერთისა უწყის, რისთვის მოხვედი... კარგად ვიცი, რომ ახლა ოპრიჩნიკები დაძრწიან წმინდა მონასტრებში და ამას წინათ მოსკოვს დასჯილ მოწამეთა ცოლებსა და ასულებს კლავენ!.. დაი ევდოკია სიკედილით დასჯილი ბოიარის მეუღლე იყო...

— მე ოპრიჩნიკი არა ვარ! — შეჰყვირა სერებრიანიმ: — თვითონ დავანთხვედი ჩემს სისხლს უკანასკნელ წვეთამდე ბოიარ მოროზოვისთვის! შემისვი ბოიარინასთან, ღირსო ღედაო, შემისვი მასთან!

ეტყობა, სიმართლე და გულწრფელობა დაიწერა სერებრიანის სახეზე. ილუმენი დამშვიდდა და თანაგძნობით შეხედა თავადს.

— ეჰ, შეეცოდე თურმე შენს წინაშე! — თქვა მან. — მაგრამ, დიდება ქრისტე ღმერთსა და ყოვლად წმინდა ღვთისმშობელს, ვხედავ ახლა, რომ შეეცდარე. დიდება ქრისტე მაცხოვარს, ყოვლად დაუსაბამო სამებასა და ყველაწმინდას, რომ ოპრიჩნიკი არა ხარ! გული გამიხეთქა მეკარე მოლოზანმა; იმას ვფიქრობდი, რამენაირად დრო მომეგო, დაი ევდოკია გადამეძალა! მძიმე წლები დაგვიდგა, ხელმწიფეო! ღვთის საყანებშიც ვეღარ აფარებენ თავს შერისხულები. დიდება შენდა, ღმერთო, რომ შეეცდი! თუ შენ მოროზოვების მეგობარი ან ნათესავი ხარ, მე წაგიძღვები ევდოკიასთან. აქეთ გამომყევი, ბოიარო, იმ საძვალესკენ; მისი სენაკი შიგ ბაღშია.

ილუმენმა თავადი ბაღზე გადავლით წაიყვანა განმარტოებული სენაკისკენ, რომელსაც სქლად ნაზარდი ასკილი და ჩიტავაშლა ჰქონდა შემორგული გარეშემო. აქ, მერხზე, შესასვლელის წინ, ელენა იჯდა შავი სამოსითა და საბურველით. ხშირ ნეკერჩხლებში გამოღწეული ჩამავალი მზის სხივები ნათლის სვეტივით ადგა საბრალოს და ოქროსფრად ავარაყებდა მის თავს ზემოთ ხეთა ჭკნობაშეპარულ ტოტებს. ზაფხულის მიწურული იყო; ასკილს უკანასკნელი ყვავილები სცვიოდა; მოლოზნის შავი სამოსი მათი ალისფერი ფურცლებით იყო მოფენილი. ნაღვლიანად შეჰყურებდა ელენა ნეკერჩხლის მოფარფატე ყვითელი ფოთლების ერთ-

ფეროვან ცვენას და მხოლოდ მოახლოებული ნაბიჯების ხმამ შეაწყვეტინა ფიქრი. მან თავი ასწია, წინამძღვარი იცნო და წამოდგა, რომ მიგებებოდა, მაგრამ უეცრად ნიკიტა რომანოვიჩი დაინახა, უღონოდ შეჰყვირა, გულზე იტაცა ხელი და ღონემიხდილი დაეშვა მერსზე.

— ნუ გეშინია, შვილო ჩემო! — ალერსიანად უთხრა ილუმენმა. — ეს შენი ნაცნობი ბოიარია, შენი ცხონებული მეუღლის მეგობარი, შენთან გამოსამშვიდობებლად მოვიდა!

ელენას ხმა არ ამოუღია. ის მხოლოდ ცახცახებდა და თითქოს შიშით შეჰყურებდა თავადს. დიდხანს ორივენი სდუმდნენ.

— აი... — ამოთქვა ბოლოს სერებრიანიმ, — აი როგორ შევხვდით ერთმანეთს!

— სხვანაირად ჩვენი შეხვედრა აღარ შეიძლებოდა!.. — ძლივს გასაგონად თქვა ელენამ.

— რატომ არ დამელოდე, ელენა დმიტრიევნა? — უთხრა სერებრიანიმ.

— შენ რომ დაგლოდებოდი, — წაიჩურჩულა მან, — ძალა აღარ მეყოფოდა... შენ არ დამანებებდი ამას... ისედაც ბევრი ცოდვა მაღვეს, ნიკიტა რომანიჩ...

კვლავ სიჩუმე ჩამოვარდა. სერებრიანიმ ძლიერად უცემდა გული.

— ელენა დმიტრიევნა! — თქვა მან მღელვარებისგან ჩაწყვეტილი ხმით: — მე სამუდამოდ უნდა გამოგეთხოვო, სამუდამოდ, ელენა დმიტრიევნა... ნუ მეტყვი უარს, უკანასკნელად შემახედე შენი სახისთვის... გამხადე ღირსი, უკანასკნელად დავინახო შენი თვალები... ეგ საბურველი მოიშორე, ელენა!

ელენამ ჩამომდნარი ხელებით აიწია შავი ქსოვილი, სახის ზედა ნახევარს რომ უფარავდა, და ცრემლებით დაწითლებული მშვიდი თვალები გამოაჩინა. თავადს გული აუჩქროლა ნაცნობმა თვინიერმა მზერამ, რომელიც უძილო ღამეებსა და სულიერ ტანჯვას დაენისლა.

— მშვიდობით, ელენა! — შეჰყვირა მან და პირქვე დაემხო მის წინაშე: — მშვიდობით სამუდამოდ! ეგებ ღმერთმა შემაძლებინოს და გადავივიწყო, რომ შეგვეძლო ბედნიერი ვყოფილიყავით!

— არა, ნიკიტა რომანიჩ! — ნაღვლიანად თქვა ელენამ, — ჩვენ არ გვიწერა ბედნიერება. დრუჟინა ანდრეიჩის სისხლი იქნებოდა ჩამდგარი ბედნიერებასა და ჩვენს შუა. ჩემი გულისთვის ის შერისხვასაც არ შეუშინდა, მე კი შევცოდე მის წინაშე. ჩემი ბრალია მისი სიკვდილი! არა, ნიკიტა რომანიჩ, ჩვენ არ ვიქნებოდით ბედნიერები. ანკი ვინღაა ახლა ბედნიერი?

— ანკი ვინღა ახლა ბედნიერი! — გაიმეორა სერებრიანიმ, — ღმერთი არ სწყალობს წმინდა რუსეთს; მაგრამ მაინც არ მეგონა, თუ სიცოცხლე-შივე მოგვიწევდა სამუდამოდ განშორება!

— სამუდამოდ არა, ნიკიტა რომანიჩ, — ნაღვლიანად გაიღიმა ელენამ, — მხოლოდ აქ, ამ საწუთროში. და ასედაც უნდა მომხდარიყო. სამრახისიცი იქნებოდა მხოლოდ ჩვენ ორის მოღბენით ყოფნა, როცა მთელი ქვეყანა კვნესის და ჰგოდებს უღმობელი ჟამთა სიავით სასომიხდელი!

— რატომ... რატომ ამცდა თათრის მახვილი! — პირქუშად თქვა სერებრიანიმ, — რატომ არ დამსაჯა ხელმწიფემ, როცა მის ნება-სურვილს ჩაუბარდი! რაღა დამრჩენია ამ ქვეყნად სანუგეშო?

— ზიდე ჯვარი შენი, ნიკიტა რომანიჩ, როგორც მე ჩემს ჯვარს ვზიდავ. შენი ხვედრი ჩემსაზე მსუბუქია. შენ სამშობლოს დაცვა მაინც შეგიძლია, მე კი მხოლოდ ისღა დამრჩენია, შენთვის ვილოცო და ჩემი ცოდვა დავიტირო!

— რომელი სამშობლო? სად არის ჩენი სამშობლო! — შეჰყვირა სერებრიანიმ. — ვისგან დავიცვათ ის? თათრები კი არა, მეფე ღუპავს სამშობლოს! აღარ ვიცი, რა ვიფიქრო, ელენა დმიტრიევნა... შენ ერთი მიწათებდი კიდე გონებას; ახლა კი ყველაფერი ბნელმა მოიცვა ჩემს წინაშე; უკვე ვეღარ ვხედავ, სად სიცრუეა, სად სიმართლე. თუ რამ კეთილია, სულ იღუპება, ყველგან ბოროტი მძლავრობს! ხშირად, ელენა დმიტრიევნა, კურბსკი მახსენდებოდა უნებლიეთ და თავიდან ვიცილებდი ამ ცოდვილ ფიქრებს, სანამ კიდე მქონდა ცხოვრების მიზანი, სანამ კიდე გამაჩნდა ძალა; მაგრამ ახლა უკვე აღარა მაქვს მიზანი, ძალა კი მთლად გამომელია... გონება მერევა...

— ღმერთმა გაგანათლოს, ნიკიტა რომანიჩ! ნუთუ იმის გამო, რომ შენი ბედნიერება დაიდუპა, მტრად მოეკიდები ხელმწიფეს, ზურგს შეაქცევ მთელ ქვეყანას, რომელიც მორჩილად დგას მის წინაშე ქედღადრეკილი? გაიხსენე, რომ ღმერთმა ჩვენ განსაცდელში ჩაგვყენა, რათა იმ ქვეყანას ერთმანეთთან შეხვედრა შევძლოთ! გაიხსენე მთელი შენი ცხოვრება და ნუ ეცრუები შენსავე თავს, ნიკიტა რომანიჩ!

სერებრიანიმ თავი დახარა. გულს შემონთებული აღშფოთება დაუცხრა და ერთბაშად მოაგონდა მოვალეობის მკაცრი მცნებები, რომელთა სულისკვეთებითაც იყო აღზრდილი და რომლებსაც შეუბღალავად ერთგულებდა აქამდე, თუმცა ყოველთვის არ ჰყოფნიდა მათდამი დამორჩილების ძალა.

— ზიდე ჯვარი შენი, ნიკიტა რომანიჩ! — გაიმეორა ელენამ. — წადი, სადაც მეფე გიბრძანებს. ოპრიჩინაში ჩაწერაზე შენ უარი თქვი და სინ-

დისი შეუბღალავი გაქვს. მამ წადი რუსეთის მიწა-წყლის მტრებთან სა-  
ომრად; მე კი დღენიადაგ ვილოცებ ორივესთვის, ვიდრე სული ამომ-  
ხდებოდეს!

— მშვიდობით, ელენა, მშვიდობით, დაო ჩემო! — შესძახა სერებრი-  
ანიმ და ქალთან მიიჭრა.

ელენამ მშვიდი თვალები მიაგება მის სასოწარკვეთილ მზერას, ძმა-  
სავით მოეხვია და სამჯერ აკოცა უშიშრად და შეუცბუნებლად; რადგან  
ამ გამოსათხოვარ ამბორში უკვე აღარ ერია ის გრძნობა, რომელმაც  
ორი თვის წინათ, მოროზოვის ბაღის მესერთან, მისდაუნებურად და შე-  
უმეცნებლად მოაქცია ის თავადის მკლავებში.

— მშვიდობით! — გაიმეორა ელენამ, საბურველი ჩამოიფარა და აჩ-  
ქარებით მიაშურა თავის სენაკს.

უკვე მწუხრის ლოცვის ზარებს ჩამოჰკრეს. სერებრიანი დიდხანს  
გაჰყურებდა ელენას. მას არ ესმოდა, რას ელაპარაკებოდა წინამძღვარი,  
არც ის უგრძენია, როგორ გამოსდო მან ხელი და გალაენამდე გამოაცი-  
ლა. მღუმარედ შეჯდა ნიკიტა ცხენზე. მღუმარედ გამობრუნდა უკან მი-  
ხეიჩთან ერთად ხშირი ფიჭვნარით. მონასტრის ზარის გუგუნმა გამო-  
იყვანა ის გარინდებიდან და მხოლოდ ახლა შეიგნო თავისი უბედურე-  
ბის მთელი სიმძიმე. გულს უფლეთდა ეს გუგუნი, მაგრამ მაინც სიყვა-  
რულით აყურადებდა მას, თითქოს მასში ელენას უკანასკნელი დამშვი-  
დობება მოესმისო და, როცა თანაბარი რეკვა ნელ-ნელა შორეულ გუგუ-  
ნად შენივთდა, ბოლოს კი მთლად მიიღია საღამოს ჰაერში, თავადს მო-  
ეჩვენა, რომ მის ცხოვრებას ყოველივე მშობლიური მოსწყდა და ცივი,  
უიმედო მარტოობა შემოეხვია ყოველი მხრიდან.

მეორე დღეს სერებრიანის რაზმი კვლავ გაუდგა გზას და სულ უფრო  
და უფრო ღრმად შედიოდა ბურვილ კორომებში, რომლებიც მოკლე-  
მოკლე გადასარბენებით უერთდებოდნენ ბრიანსკის უღრან ტევრს. თავადი  
წინ მიუძღოდა რაზმს, მიხეიჩი კი მოსარიდალ მანძილზე მოჰყვე-  
ბოდა უკან და კრინტის დაძვრასაც ვერ ბედავდა, რომ მისი დუმილი არ  
დაერღვია.

სერებრიანი თავჩაქინდრული მიუყვებოდა გზას და, უამური ფიქრე-  
ბით, სასოწარმკვეთი უიმედობით გულდამძიმებულს, შორეული გარიჟ-  
რაჟის ნათელივით მიუძღოდა ერთი მანუგემებელი გრძნობა. ეს იყო  
იმის შეგნება, რომ შეძლებისამებრ პატიოსნად მოიხადა ქვეყნის წინაშე  
თავისი ვალი, რომ მართალი გზით იარა ამქვეყნად და ერთხელაც არ  
გაუმრუდებია ეს გზა წინაგანზრახვით. ნათელივით მიუძღოდა ეს უძ-  
ვირფასესი გრძნობა, რომელიც მძიმე ნალველისა და უბედურების ჟამს

ხელშეუვალ სიმღიდრესავით ცოცხლობს პატიოსანი კაცის გულში და რომლის წინაშეც ყველა ამქვეყნიური სიკეთე, ყველაფერი, რაც მოკვდავთა ვნებათაღელვის მიზანს შეადგენს, — ამაო და ფუჭი გარჯა!

მხოლოდ ამის შეგნება აძლევდა სერებრიანის ძალას, გაეძლო ცხოვრებისთვის, ხოლო როცა ელენასთან გამოთხოვების ყველა გარემოებას იხსენებდა და მის თითოეულ სიტყვას იმეორებდა, სევდიან ნუგეშს პპოვებდა იმის ფიქრში, რომ ამ ძნელბედობის ჟამს, როცა მართლაც საძრახვისი იქნებოდა მოლხენით ყოფნა, ზურგი არ შეაქცია თავის თვისტომთ და მათთან ერთად ეზიდებოდა თავის წილ საზოგადო ჟამიანობას.

ახლა გოდუნოვის სიტყვებიც გაცოცხლდა მის მეხსიერებაში და თავადმა მწარედ ჩაიციინა იმის მოგონებაზე, თუ რა თავდაჯერებით ამბობდა გოდუნოვი, კარგად ვიცნობ ადამიანის გულსო. „ჩანს, — გაიფიქრა მან, — ყველაფრის გამოცნობა არ შეძლება ბორის ფიოდორიჩს! სახელმწიფო საქმეებში და ივან ვასილევინის გულში ის არ შეცდება; მან წინასწარ იცის, რას იტყვის მალიუტა, რას მოიმოქმედებს მავანი და მავანი ოპრინიკი; მაგრამ იმათი გრძნობები, ვინც პირად გამორჩენას არ ეძებს, — წყვლიაღია მისთვის!“

სერებრიანის მაქსიმი გაახსენდა უნებლიეთ და გაიფიქრა, გოდუნოვივით არ განსჯიდა ჩემი ძმადნაფიცო. ის არ ეტყოდა: ელენა სიყვარულით არ მისთხოვებია მოროზოვს, ელენა შენ დაგელოდებო! ის ეტყოდა: იჩქარე, ძმაო! წამსაც ნუ დაკარგავ; გაქაფე ცხენი და შეაკავე შენი სატრფო, სანამ ღრო არის!

და ძმადნაფიცზე ფიქრისას თავად ნიკიტას კიდევ უფრო უნუგეშოდ წარმოესახა თავისი მარტობა, რადგან იცოდა, რომ უკვე ველარავის შეხედებოდა მაქსიმივით მაზლობელს, აღარავინ ეყოლებოდა მაქსიმივით მოზიარე და შემავსებელი თავისი სულისა, ველარავინ დაეხმარებოდა ბევრი ისეთი რამის გარკვევაში, რასაც თვითონ ბუნდოვნად გრძნობდა უმწიკვლო გულში, მაგრამ, მოვლენათა დელვაში, ვერ შეძლო მკაფიო სახედ გამოეკვეთა.

მისი ცხოვრება კვლავაც თავისი გზით, თავისი რიგით წაედინება, მაგრამ არც იკითხავს, ეთვისება თუ არა თავადის საუკეთესო მისწრაფებანი მის მძიმე მოთხოვნებს და, ვინ რა იცის, ცხოვრებამ იქნებ კიდევ დიდხანს ზღართოს თავისი ჭრელი ქსელი, სადაც თითოეულ წერილმანს, ცალკე აღებულს, გასაგები აზრი არა აქვს, მაგრამ, სამაგიეროდ, ყველა მოვლენა უწყვეტ ჯაჭვად არის გადაბმული ერთმანეთზე და მკაცრი თანამიმდევრობით გამომდინარეობს ურთიერთისგან.

სერებრიანიმ თავი ჩაჰქინდრა, სადავე გააგდო და მშვიდად განაგ-

რომ ვზა უსიერ ფიჭვნარში, რომელიც ისევე პირქუში იყო, როგორც თვითონ მისი ფიქრები. უკაცრიელი ტევრის მღუმარებას ყაჩაღების მწყობრი ნაბიჯი არღვევდა მხოლოდ. ტყის გარეული ბინადრები, ციყვები და ხეპრომიები, რომლებსაც ამ უდაბურებაში ჯერაც არ გამოეცადათ ადამიანის შიში, მეომართა დანახვაზე არც ფიქრობდნენ დამალვას და ცნობისმოყვარედ გადმოსცქეროდნენ მიმავლებს. ხეთა ზავსიან ქერქებს ჩაბლაუჭებული ჭრელი კოდალები ლამაზ თავებს აბრუნებდნენ ამ უცხო არსებებისკენ და კვლავ განაგრძობდნენ ხმელ ხეებზე ნისკარტის კაკუნს.

ერთ-ერთი მეომარი, ბუნების ზეიმურობით გულაჩქოროლებული, ხმადაბლა და გაბმით ამღერდა; მას ნელ-ნელა სხვებიც აჰყენენ და მალე ყველა ხმა მწყობრ გუნდად შენივთდა, ლალად მოზვირთდა და მძლავრ ტალღებად დაირხა ხეთა გაუვალი საფართო დაბურულ ტევრში...

აქ შეიძლებოდა დაგვესრულებინა ეს სევდიანი ამბავი, მაგრამ უთქმელი დავერჩა, რა ბედი ეწიათ ჩვენს სხვა ნაცნობებს, რომლებიც, შესაძლოა, სერებრიანისთან ერთად ინაწილებენ მკითხველის გულისყურს. თვითონ ნიკიტა სერებრიანის ამბავს ერთხელ კიდევ გავიგონებთ ჩვენი მოთხრობის დასასრულს; მაგრამ ამისთვის ჩვიდმეტი მძიმე წელიწადი უნდა გამოვტოვოთ და იმ სახელოვანი დღეების მოსკოვში გადავინაცვლოთ, როცა ციმბირი დავიპყარით.

## XL თავი

### ერმაკის ელჩები

დადი დრო გავიდა იმ დღიდან, რაც სერებრიანიმ სლობოდა მიატოვა შეწყალებულ ავაზაკთა რაზმითურთ. ბევრი რამ შეიცვალა მას მერე რუსეთში. მაგრამ იოანე კვლავინდებურად ხან ეჭვებად იქცეოდა და უწყალოდ სჯიდა ყველაზე ღირსეულ, ყველაზე სახელოვან მამულიშვილებს; ხანაც გონს ეგებოდა და საჯაროდ ინანიებდა თავის სიავკაცეს, თან უხვ შეწირულობებსა და მოკვდინებულთა სახელებით სავსე გრძელ აღაპის წიგნებს გზავნიდა მონასტრებში და ბრძანებდა მათი სულის მოსახსენებლად ელოცათ. მეფის ადრინდელ რჩეულთაგან აღარავინ დარჩენილა ცოცხალი. უმთავრესი მათგანი, მალიუტა სკურატოვი, რომელსაც ერთხელაც არ უწვენვია შერისხვა, სულ ბოლოს მოკლეს პაიდის,



ანუ ვაისენშტაინის გარემოცვისას, ლივონიაში, და იოანემ მის პატივსაცემად კოცონზე დასწვა ყველა გერმანელი და შვედი ტყვე.

ასობით და ათასობით რუსმა საბოლოოდ გადაიწურა უკეთესი დროების დადგომის ყოველგვარი იმედი და, თმენის ილაჯგამწყდარმა, ბრბობად მიაშურა ლიტვასა და პოლონეთს.

მხოლოდ ერთი ბედნიერი ამბავი მოხდა ამ წლებში: იოანე მიხვდა, რა უსარგებლოც იყო ორ ნაწილად ქვეყნის გაყოფა, რომელთაგან უმცირესი უმეტესს სტანჯავდა, და გოდუნოვის ჩაგონებით მოსპო საძულველი ოპრიჩნინა. მეფე მოსკოვს დაბრუნდა. ალექსანდრეს სლობოდის საშინელი სასახლე კი სამუდამოდ გაუკაცრიელდა.

ამასობაში ბევრი უბედურება დაატყდა რუსეთს. ქალაქებსა და სოფლებს შიმშილი და ჭირი აპარტახებდა. ჩვენს საზღვრებში რამდენჯერმე შემოიჭრა ხანი და ერთ-ერთი თავდასხმის დროს სულერთიანად გადამხუტა მოსკოვის გარეუბნები და თვით ქალაქის უმეტესი ნაწილი. ჩრდილოეთიდან შვედები არ გვასვენებდნენ; სტეფან ბატორმა, რომელიც ჟიგომონტის შემდეგ აირჩია სეიმმა, ლიტვის ომი განაახლა და, მიუხედავად ჩვენი ჯარების სიმამაცისა, თავისი სარისტიანობით დაგვეჯანა და პირწმინდად წარგვეტაცა ყველა სამფლობელო, რაც დასავლეთითა ვექონდა.

იოანე ბატონიშვილმა, თუმცა პირწავარდნილი მამამისი იყო მტარვალობაში, მაგრამ ამჯერად სახელმწიფოს დამცრობა იგრძნო და ჯარი სთხოვა მეფეს ბატორზე გასალაშქრებლად. იოანემ იფიქრა, ტახტიდან ჩემი ჩამოგდება განუზრახავსო და ბატონიშვილი, რომელიც ოდესღაც სერებრიანიმ გადაარჩინა წყეულ ტბაზე, ამჯერად უკვე ველარ ასცდა უღმობელ სიკვდილს. გააფთრებულმა მამამ წამახვეული კვერთხით განგმირა იგი. ამბობენ, გოდუნოვი შუაში ჩაუხტა მამა-შვილს და, მეფისგან საშინლად დაჭრილი, მხოლოდ პერმელი სტუმრის სტროგანოვის დასტაქრული ხელოვნების წყალობით გადარჩა ცოცხალიო.

ამ მკვლელობის შემდეგ იოანემ, რომელიც მწარე სასოწარკვეთამ შეიპყრო, ღუმა შეჰყარა, მონასტერში წასვლას ვაპირებო, გამოუცხადა ბოიარებს და ბრძანა სხვა მეფის არჩევას შედგომოდნენ. მაგრამ მერე მაინც შეისმინა ბოიართა დაჟინებული თხოვნა, ტახტზე დარჩენას დათანხმდა და მხოლოდ მონანიებასა და უხვ შეწირულობებს დასჯერდა; ცოტა ხნის შემდეგ კი ისევ მიჰყო ხელი მტარვალობას. ასე, როგორც ოდებორნი წერს, მან ორი ათას სამასი კაცი მოაკვდინა იმისთვის, რომ სხვადასხვა სიმაგრეები ჩააბარეს მტერს, თუმცა თვითონ ბატორსაც აოცებდა ამ ხალხის სიმამაცე.

თავის სამფლობელოთა ზედიზედ დაკარგვამ, ყოველი მხრიდან მტრებისგან შევიწროვებამ, სახელმწიფოს შინაგანი მოშლილობის ცქერამ იოანეს სასტიკად შეულახა სიამაყე და ეს მტანჯველი გრძნობა მის ქცევასა და გარეგნობასაც დაეტყო. მეფეს დაუდევრად ეცვა, ახოვანი ტანი მოედუნა, თვალები ჩაუქრა, ქვედა ყბა ბერიკაცისებრ ჩამოუვარდა და მხოლოდ სხეულის დასანახავად იკრებდა მხნეობას, ამაყად იჭერდა თავს და ეჭვით აკვირდებოდა გარშემო მყოფთ, ზომ არავინ მამჩნევს სულის სიძაბუნესო. ასეთ წუთებში ის გაცილებით უფრო საშინელი იყო, ვიდრე თავისი დიდების დღეებში. მოსკოვი არასდროს ყოფილა უნუგეშობითა და შიშით ისე დათრგუნვილი, როგორც იმ ხანებში.

ამ ძნელბედობის ჟამს მოულოდნელი ცნობა მოვიდა უკიდურესი აღმოსავლეთიდან და ყველა გაამხნევა, საყოველთაო მწუხარება სიხარულად შეატრიალა.

კამის შორეული ნაპირებიდან დიდვაჭარი სტროგანოვები ეწვივნენ მოსკოვს. ეს სტროგანოვები, სწორედ იმ სტუმრის ნათესავეები, რომელმაც გოდუნოვი გამოამრთელა, მეფის წყალობის სიგელებით ფლობდნენ პერმის მხარის ცარიელ მიწებს და მთავრებივით ცხოვრობდნენ იქ, პერმის მეფისნაცვლებისგან დამოუკიდებლად. მათ საკუთარი გამგებლობა და საკუთარი მხედრობა ჰყავდათ და მხოლოდ ის ევალბოდათ, რომ ციმბირის ველური ხალხებისგან, ჩვენი ახალი და საეჭვო მოხარკეებისგან, დაეცვათ საზღვრები. თავიანთ ძელურ ციხე-სიმაგრეებზე ქუჩუმ ხანის ხშირი თავდასხმებით შეწუხებულმა სტროგანოვებმა ბოლოს გადაწყვიტეს ურალის ქედი გადაელახათ და თვითონ დაელაშქრათ მტრის მიწა-წყალი. ხოლო ეს საქმე რომ უფრო წარმატებით განეხორციელებინათ, ყაჩაღთა, ანუ როგორც ისინი თვითონ ეძახდნენ საკუთარ თავს, კახაკთა რამდენიმე ატამანს მიმართეს, რომლებიც იმ ხანებში ვოლგასა და დონზე თარეშობდნენ თავისი ბანდებით. ამ ატამანთა შორის უმთავრესნი იყვნენ ერმაკ ტიმოფეევი და ივან კოლცო, რომელსაც ოდესღაც სიკვდილი ჰქონდა მისჯილი, მაგრამ სასწაულებრივად დაუძვრა მეფის მოისარებს და კარგა ხანს უგზო-უკვლოდ იყო გადაკარგული. როცა სტროგანოვების საბოძვარი და სიგელი მიუვიდათ, რომლითაც მათ სასახელო და საპატიო საქმეზე იხმობდნენ, ერმაკმა და კოლცომ სამ სხვა ატამანთან ერთად თავიანთი დროშა აღმართეს ვოლგაზე, მამაც ტყის შვილთა რაზმი შეკრიბეს და სტროგანოვებს წარუდგნენ. სწრაფად დატვირთეს ორმოცი ორჩხომელა საგზლითა და იარაღით, პარაკლისი გადაიხადეს და მცირერიცხოვანი რაზმი, რომელსაც ერმაკი ვოევოდობდა, მხიარული სიმღერებით შეჰყვა მდინარე ჩუსოვაიას ურალის უდაბური

მთებისკენ. რაზმი გზადაგზა იმორჩილებდა მტრულ ტომებს, ხმელეთით მიათრევდა თავის ნავეებს ერთი მდინარიდან მეორეზე და ასე მიაღწია ირტიშის ნაპირებს, სადაც დაამარცხა და დაატყვევა ციმბირის მთავარი ვოევოდა მამედყული და დაიპყრო ქალაქი სიბირი, რომელიც ირტიშის მაღალ ნაპირზე იყო გაშენებული. ერმაკი არც ამას დასჯერდა, უფრო შორს წავიდა, მთელი მხარე დაიმორჩილა მდინარე ობამდე და დამარცხებული ხალხები თავის გასისხლიანებულ მახვილს ამთხვია სრულიად რუსეთის მეფის ივან ვასილევჩის წინაშე მორჩილების ნიშნად. მხოლოდ მაშინ აცნობა მოპოვებული გამარჯვების ამბავი სტროგანოვებს, ხოლო თავისი საყვარელი ატამანი ივან კოლცო კი მოსკოვს გაგზავნა დიდ ხელმწიფესთან ქედღადრეკით წარსადგომად და მისთვის ახალი სამეფოს მისაძღვნელად.

აი ამ სასიხარულო ამბით ჩამოვიდნენ სტროგანოვები იოანესთან, ხოლო სულ მალე ერმაკის ელჩებმაც ჩამოაღწიეს.

ქალაქში აუწერელი სიხარული სუფევდა. ყველა ეკლესიაში პარაკლისებს იხდიდნენ, ყველა ზარი რეკდა, როგორც ქრისტეს აღდგომას დღესასწაულზე. მეფემ ალერსით შეიტკბო სტროგანოვები და საზეიმო მიღება დაუნიშნა ივან კოლცოს.

ივან ვასილევჩი კრემლის დიდ დარბაზში იჯდა ტახტზე თავისი მეფური სიდიადის მთელი ბრწყინვალეობით გარემოსილი, თავზე მონომახის ქული ეხურა, ტანთ კი ხატებითა და პატიოსანი თვლებით დამშვენებული ოქროქსოვილი ანაფორა ემოსა. მის მხარმარჯვენე ბატონიშვილი ფიოდორი იდგა, მხარმარცხნივ კი — ბორის გოდუნოვი. ტახტის გარშემო და შემოსასვლელებთან რინდები იდგნენ ვერცხლით მოსირმულ თეთრ ატლასის ხიფთანებში გამოწყობილნი, მხრებზე მიყრდნობილი მოსახული ცულებით. მთელი დარბაზი თავადებითა და ბოიარებით იყო სავსე.

სტროგანოვების მიერ ჩამოტანილი ამბით გამხნეებული იოანე უკვე აღარ გამოიყურებოდა ისე პირქუშად, მის ბაგეებზე ღიმილიც კი ჩნდებოდა ხოლმე, როცა გოდუნოვს გამოელაპარაკებოდა ერთი-ორი სიტყვით. მაგრამ სახე ძლიერ მობერებოდა, ნაოჭები უფრო გაღრმავებოდა, თავზე თმა კანტიკუნტად შერჩენოდა, წვერი კი სულმთლად გასცვენოდა.

ბორის გოდუნოვი ბოლო წლებში სწრაფად აღზევდა; ის უკვე ცოლისძმა იყო ფიოდორ ბატონიშვილისა, რომელსაც მისი და ირინა მისთხოვდა, და ახლა საჯინიბოთა ბოიარის ფრიად მაღალი ხარისხი ჰქონდა. იმასაც ამბობდნენ, მეფე ივან ვასილევჩიმა, იმისთვის, რომ ყველას

ევგრძნო, რაოდენ მახლობელი იყო მისი გულისთვის გოდუნოვი და პატარძალი, ერთხელ სამი თითი შემართა მალლა, ზოლო მეორე ხელი რიგ-რიგობით შეაზო მათ და წარმოთქვა:

„ეს ფიოდორია, ეს ირინა, ეს ბორისი; და როგორც ერთნაირად ეტკინებოდა ჩემს ხელს ამ თითთაგან რომელიმეს მოკვეთა, სწორედ ასე ერთნაირად დაამძიმებდა ჩემს გულს ამ სამთაგან ერთი რომელიმე საყვარელი შვილის დაკარგვა“.

ასეთ უჩვეულო წყალობას არც გაუმედიდურებია, არც გაუამპარტავენებია გოდუნოვი. ის კვლავაც მოკრძალებული, ყველასთან თავაზიანი, სიტყვა-პასუხში თავდაჭერილი იყო და მხოლოდ მიხრა-მოხრაში და ეტყო მეტი სიღარბაისლე და ის უშფოთველი სიზვიადე, რაც მის მაღალ მდგომარეობას შეჰფეროდა.

თუმცა, თავისი ზნეობრივი ღირსებების შეუბღალავად არ მიულწევია გოდუნოვს ასეთი გავლენისა და ესოდენი პატივისათვის. ყოველთვის ვერ შეელოდა ბოიარს თავისი მოქნილი ჭკუა და ბუნება, რომ იმ საქმეებს გარიდებოდა, რასაც მისი სინდისი არ იწონებდა. ასე, რაკი მალიუტას საზით ფრიად ძლიერ მეტოქეს ხედავდა, ზოლო იოანეს თვალში მისი დამცრობის ყოველი იმედი გადაიწურა, ბორისმა ახლო მეგობრული ურთიერთობა დაამყარა მასთან და, კიდევ უფრო მტკიცედ დაახლოების მიზნით, მისი ქალიშვილი დაისვა ცოლად. ოც წელიწადს ისეთი მეფის ტახტთან ყოფნა, როგორიც ივანე მრისხანე იყო, უკვალოდ ვერ ჩაივლიდა ბორის გოდუნოვისთვის, და მასში უკვე მოხდა ის საყალალო ფერისცვალება, რამაც, თანამედროვეთა აზრით, ბოროტმოქმედად აქცია ადამიანი, რომელსაც ფრიად მაღალი თვისებები ჰქონდა მომადლებული ბუნებისგან.

ფიოდორ ბატონიშვილის შემყურე კაცი უსათუოდ იფიქრებდა, რომ უღონო იყო ის ხელები, რომელთაც იოანეს სიკვდილის შემდგომ უნდა ემართათ სახელმწიფო. მის კეთილ, მაგრამ უსიცოცხლო სახეს ოღნავი ნიშანწყალიც არ ეტყობოდა გონებრივი ან სულიერი ძალისა. ის უკვე ორი წელია ცოლიანი იყო, მაგრამ გამომეტყველება კვლავაც ბავშვური შერჩა. ტანდაბალსა და ანაგობით დონდლოს, სახე ფერმკრთალი და შესუბებული ჰქონდა. თანაც, გამუდმებით იღიმებოდა და გაუბედავი და დამფრთხალი კაცის თვალებით გამოიყურებოდა. ტყუილა არ დადიოდა ხმები, რომ მეფე, რომელიც ნანობდა უფროსი ვაჟის დაკარგვას, ზოგჯერ ეტყოდა ზოლმე ფიოდორს: „ნეტავი რამ გაგაჩინა ბატონიშვილად, ფედაია, შენ ეკლესიის მნათედ უნდა დაბადებულიყავი!“

„მაგრამ ღმერთი მწყალობელია, — ფიქრობდა ბეერი, — დაე უღონო

იყოს ბატონიშვილი; სამაგიეროდ, არც მამამისს, არც უფროს ძმას არ გამოემგვანა! ისე კი თავისი ცოლისძმა დაეხმარება, ბორის გოდუნოვი. ეგ არავეს დაანებებს სახელმწიფოს დაძაბუნებას!”

უცებ ბუკებმა დასჭექეს, ზარებმა დაიგუგუნეს და სასახლეში შეკრებილმა კარისკაცებმა ერთბაშად შეწყვიტეს ჩურჩული. დარბაზში ერმაკის მოციქულები შემოვიდნენ. მათ წინ ექვსი მესუფრე მოუძლოდათ, უკან კი ფეხდაფეხ შემოჰყვნენ მაქსიმ და ნიკიტა სტროგანოვები თავიანთ ბიძა სემიონითურთ. სულ ბოლოს ძვირფასი ბეწვეული, უცნაური ჭურჭლეულობა და აუარებელი უცხოოდ ნახელავი, თვალით უნახავი იარაღი მოჰქონდათ.

ივან კოლცო, რომელიც ელჩების თავში მოაბიჯებდა, ორმოცდაათი-ორდე წლის ვაჟკაცი იყო, ტანად საშუალო, მკერივი აღნაგობისა. მას ცოცხალი, გამჭრიახი თვალები ჰქონდა და მსუბუქად შეჭალარავებული შავი, სქელი, მაგრამ მოკლე წვერი უმშვენებდა სახეს.

— დიდო ხელმწიფევ! — წარმოთქვა მან და ტახტის საფეხურებს მიუახლოვდა: — შენი კაზაკთა ატამანი ერმაკ ტიმოფეევი და, მასთან ერთად, შენგან შერისხული ყველა ვოლგელი კაზაკი, რომლებსაც შენი მეფური მოწყალებისგან სიკვდილი აქვთ მისჯილი, თავიანთი დანაშაულის გამოსყიდვას შეეცადნენ და ქედღადრეკილნი მოგიძღვნიან ახალ სამეფოს. შეჰმატე, დიდო ხელმწიფეო, შენგან დაპყრობილ ყაზანისა და ასტრახანის სამეფოებს ბარემ ეს ციმბირისაც, ვიდრემდე უფალი ღმერთი ქვეყნიერების ღვომას ინებებს!

ეს რომ თქვა, კოლცო ამხანაგებთან ერთად მუხლებზე დაეცა და მდაბლად დადრია თავი.

— ადექით, ჩემო კეთილო მსახურნო! — თქვა იოანემ. — ვინც ძველი გაიხსენოს, თვალმც წაუარდეს, ის აღრინდელი შერისხვა კი, ჩათვალეთ, რომ წყალობად მოგიბრუნდათ ამიერიდან. ჩემთან მოდი, ივან!

და მეფემ ხელი გაიწოდა მისკენ, კოლცო კი წამოდგა და, ტახტის მეწამულისფერ საფეხურს რომ არ შეხებოდა ფეხით, ჯერ თავისი კრაველის ქუდი დააგდო მასზე, ცალი ფეხი დაადგა ზედ, წინ წაიხარა და ხელზე ეამბორა იოანეს, რომელმაც ხელი მოჰხვია მას და თავზე აკოცა.

— მადლობას ეწირავ ყოვლადმღიერ და ყოვლად დაუსაბამო სამებას, — თქვა მეფემ და ზეცად აღაპყრო თვალნი, — ახლა კი ვხედავ ყოვლისშემძლე ღვთის განგების გარდმოვლინებას, რადგან სწორედ იმ

დროს, ოდეს მტერნი მმძლავრობენ და უახლოესი მსახურნიც კი განმძვინვარებით იზრახავენ ჩემს დაღუპვას, ყოვლადმოწყალე ღმერთმა უწმინდურთა ზედა გამარჯვება და ჩემს სახელმწიფოთა სახელოვანი გამრავლება მიწყალობა!

ეს რომ თქვა, მოზეიმე მზერა მოავლო ბოიარებს და მუქარით დაატანა:

— ვიღრე უფალი ღმერთი ჩვენს თანა არს, ჩვენსა ზედა ვერავის ხელწიფების! ვისაც ყურნი აქვს სასმენლად, დაე ესმოდეს!

მაგრამ ამავე დროს იგრძნო, რომ ტყუილუბრალოდ შხამავდა საერთო სიხარულს, და კოლცოს მიუბრუნდა, თან წუთის წინ მუქარით გამომზიარალ თვალეში მოწყალე გამომეტყველება ჩაიყენა.

— რაო, გსიამოვნებს მოსკოვს ყოფნა? გინახავს სადმე ასეთი სასახლეები და ეკლესიები? თუ უკვე ნამყოფი ხარ აქ?

კოლცომ კრძალვით, თან როგორღაც ეშმაკურად ჩაიღიმა და ქათქათა კბილებმა თათქოს გაუნათეს შავგვრემანი, ნამზეური სახე.

— აბა სად ვნახავდით ჩემისთანა ბეჩავეები ასეთ სასწაულებს! — თქვა და მორჩილად აიჩეჩა მხრები. — ძილშიც არ დაგვისზმრებია ამნაირი წნულ-ჩუქურთმები, დიდო ხელმწიფე! ვცხოვრობთ ჩვენთვის ვოლგაზე გლესურად, მოსკოვზე მხოლოდ ყურმოკვრით თუ გავიგონებთ რამეს, ამ მხარეში კი ფეხიც არ დაგვიდგამს არასოდეს!

— იცხოვრე აქ ერთ ხანს, — კეთილმოწყალედ უთხრა იოანემ, — ვუბრძანებ სანაქებოდ გიმასპინძლონ. ერმაკის სიგელი კი წავიკითხეთ და შევისმინეთ და უკვე ვუბრძანეთ თავად ბოლხოვსკისა და ივან გლუხოვს ხუთასი მოისარით წამოვიდნენ თქვენს დასახმარებლად.

— დიდ მადლობას მოგახსენებთ, — უპასუხა კოლცომ და მდაბლად ეთაყვანა, — ოღონდ, ცოტა ზომ არ იქნება ეგ, დიდო ხელმწიფე?

იოანე გააოცა კოლცოს გაბედულებამ.

— ბიჭოს, დახეთ ამ შეუპოვარს! — თქვა მან და მკაცრად დააცქერდა ატამანს. — ეგებ ისიც ბრძანო, მეც თქვენს საშველად გამოვეშურო? შენ გგონია, სხვა საზრუნავი აღარა მაქვს, თქვენი ციმბირის მეტი? ზალხი ხანთან და ლიტვასთან საომრად მჭირდება. დასჯერდი, რასაც გაძლევენ, უკან მიბრუნებულმა კი გზადაგზა მოკრიბე მოხალისენი. ბევრია ახლა რუსეთში ყველანაირი ბოგანო. ჰოდა, იმის მაგიერ, რომ დღენიდაგ ლუკმაპურის თხოვნით გამაბეზრონ, დაე იმ ახალ მიწებზე წავიდნენ და იქ დასახლდნენ! ვოლოგდის არქიელსაც მივწერეთ, ათი ხუცესი წარმოგზავნოს თქვენთან წირვა-ლოცვისა და ყოველი საეკლესიო წესის აღსასრულებლად.

— მაგისტვისაც მადლობას მოვახსენებთ შენს მეფურ მოწყალებას, — მიუგო კოლცომ და კიდევ ერთხელ ეთაყვანა. — ეგ კეთილი საქმეა; ოღონდ, რასან სიკეთეს გვიშვრები, ნუ დაიშურებ, დიდო ხელმწიფეო, და ხუცების გარდა, ბარემ იარალიც მოგვეცი რამდენიც არ გეზოგებოდეს, და ცეცხლსასროლი წამალიც ხეავრიელად!

— არც მაგაზე დაგტოვებთ გულნაკლულს. ეგ უკვე ნაბრძანები აქვს ჩემგან ბოლონოვსკის.

— თან კიდევ ტან-ფეხიც ნამეტანი შემოგვაცვლა, — შეაპარა კოლცომ და პირფერული ღიმილით აიჩეჩა მხრები.

— რაო, ციმბირის გზებზე აღარავინ გხვდებათ გასაძარცვაე? — თქვა იოანემ, ატამანის აბეზარობით უკმაყოფილომ: — შენ, როგორც ვხედავ, თქვენი სახმარ-საყოფის არც ერთი მუხლი არ გავიწყდება, ოღონდ ჩვენც უკვე ვიფიქრეთ ჩვენის სუსტი ჭკუით ზოგ-ზოგ რამეზე: ტანსაცმლით სტროგანოვები დაგმოსავენ; მე კი სამეფო ჯამაგირი დავუწუხე მეუფროსე და რიგით კაცებს. ხოლო შენ თვითონ რომ შეუმოსელი არ დამრჩე, ბატონო მრჩეველო, ჩემი ქურქი მიბოძებია შენთვის!

მეფის ნიშანზე ორმა შესუფრემ სტავრაგადაკერებული ძვირფასო ქურქი მოიტანა და ივან კოლცოს ჩააცვა:

— ენა რომ მჭრელი გაქვს, კარგად ვხედავ, — უთხრა იოანემ, — მაგრამ ხმალი თუ გაქვს, ნეტავი, მჭრელი?

— სამდურაეი არ ეთქმოდა, დიდო ხელმწიფეო, ოღონდ ცოტათი დაცვდა ფხა ციმბირელთა თავებზე!

— ჩემს სააბჯრეში აირჩიე ხმალი, რომელიც თვითონ მოგივა თვალში; იცოდე, გულით მოწონებული ამოირჩიე, ყველაზე ლამაზი. თუმცა, შენ, არა მგონია, თავპატიჟი დაიწყო!

ატამანს სიხარულით გაუბრწყინდა თვალები.

— დიდო ხელმწიფეო! — წამოიძახა მან: — შენ ბევრი წყალობა გვიყავი, მაგრამ ეს ყველაზე უმეტესია! ცოდვას ვიზამდი, თავპატიჟი რომ დამეწყო შენს საჩუქარზე! ისეთ ხმალს აეარჩევ შენს სააბჯრეში, რომ მისი ბადალი არსად იყოს! ოღონდ, — მცირე ფიქრის შემდეგ დაურთო მან, — რასან შენი ხმალი არ გეშურება, სჯობს, ხელმწიფეო, ნება დამართო ერმოლაი ტიზოფევიჩის გადავცე ის შენი მეფური ღიდებულების სახელით!

— იმისთვის ნუ სწუხარ, ჩვენ არც ის დაგვაიწყდება. ხოლო თუ იმის შიში გაქვს, ვაითუ მე ვერ ვაამო მის მოწყალებას, მაშინ ორი ხმალი აირჩიე — ერთი შენთვის და მეორე ერმაკისათვის.

— ღიდება შენს სახელს, ხელმწიფეო! — აღტაცებით შესძახა კოლ-

ცომ. — იცოცხლე, ამ ორი ხმლით ჩვენ გავისარჯოთ შენს სამსახურში!

— მაგრამ მართო ხმლები არ კმარა, — განაგრძო იოანემ. — თქვენ საიმედო ჯავშანიც გჭირდებათ. შენთვის არ გაჭირდება გამოძებნა, ტანზე მოგარგებთ და ისე შევირჩევთ, ერმაკის სარგო კი ვაითუ ვერ მოვზომოთ თვალდათვალ. მაინც რამსიმადლე იქნება ის?

— ასე, ჩემსიმადლე იქნება, ხელმწიფეო, ოღონდ უფრო მხარბეჭიანი, აი, თუნდაც ამ მამაცივით, — მიუგო კოლცომ და თავის ერთ-ერთ ამხანაგს მიუბრუნდა, ზორზოხა ვაჟკაცს, რომელიც, მას შემდეგ, რაც სულ ახლახან იარაღის ვეება კონა შემოიტანა და იატაკზე დაახვავა, ატამანის უკან იდგა პირდაღებული და გაოცებით აშტურებდა თვალებს ხან მეფის ოქროქსოვილ სამოსელს, ხან ტახტის გარშემო მდგომი რინდების მორთულობას. ერთ-ერთ მათგანს ჰკითხა კიდევაც ნამალავად, ყველანი ბატონიშვილები ხომ არა ხართო, მაგრამ რინდამ ისე მკაცრად გადმოხედა, რომ ზორზოხას აღარც უცდია კითხვის გამეორება.

— დიდი ჯავშანი მოიტანეთ აქ, — თქვა მეფემ, — არწივინი, სულ პირველი რომ ჰკიღია სააბჯრეში. ბარემ ახლავე მივაზომოთ ამ თვალდაჭყეტილს.

მსახურებმა სულ მალე შემოიტანეს მძიმე ჯაჭვის პერანგი, რომელსაც სამკლავეებსა და კალთებზე სპილენძის რგოლები ჰქონდა მოვლებული, მკერდსა და ზურგზე კი ოქროს ორთავიანი არწივები უზხინავდა.

ჯავშანი სანაქებოდ იყო ნახელავი და მის დანახვაზე ყველა მოწონებით აჩურჩულდა.

— აბა ჩაიცვი, სელაპო! — თქვა მეფემ.

ზორზოხამ მორჩილად გაყო თავი ჯავშანში, მაგრამ, რამდენი არ ეწვალა, მაინც ვერ ჩამოიცვა და ნახევრამდეც ძლივს ჩაჩურთა ხელები სახელოებში.

მის შემყურე იოანეს დიდი ხნის წინათ დავიწყებული რომელიღაც მოგონება გაუკრთა გონებაში.

— კმარა, — თქვა კოლცომ, რომელიც მზრუნველად აღევნებდა თვალს ზორზოხას: — გეყოფა ახლა მეფის ჯავშნის ქაჩვა! შენი ამბავი რომ ვიცო, იქნებ გაგლიჯო კიდევც, დათვო! ხელმწიფევ, — განაგრძო მან, — დიდებული ჯავშანია და ზედგამოჭრილი იქნება ერმოლაი ტიმოფევიჩისთვის; ეგ კი იმიტომ ვერ გატეულა შიგ, რომ მუშტები უშლის. ამოდენა მუშტები არც კი აქვს ვინმეს, ამის მეტს!

— აბა ერთი დამანახე შენი მუშტი! — უთხრა მეფემ და ცნობისმოყვარედ დააცქერდა ზორზოხას.



მაგრამ ის დაბნეული შეჭყურებდა იოანეს, თითქოს ვერ გაიგო მისი ბრძანებაო.

— არ გესმის, ყვეყნო? — გაუმეორა კოლცომ, — აჩვენე მუშტი მის მეფურ მოწყალეებს!

— მერე მაგან რო თაეი მომჭრას ამისთვის? — ზოზინით მიუგო მან და ბრიყვეულ სახეზე შიში დააჩნდა.

მეფემ გაიცინა, დანარჩენებმა კი ძლივს შეიკავეს სიცილი.

— ეჰ, შე სულელო, სულელო! — სინანულით თქვა კოლცომ. — აქამდისაც სულელი იყავი და არც ახლა მოგმატებია ჭკუა!

ეს რომ თქვა, ზორზოხა ჯაეშნიდან გამოაძერინა, ტახტთან მიათრია და მეფეს მისი ვეება ხელის მტევანი აჩვენა, რომელიც დათვის თათს უფრო ჰგავდა, ვიდრე კაცის ხელს.

— ნუ გვიწყენ, დიდო ხელმწიფე, ამის სიხებრეს. ამან ლაპარაკი იცის ბრიყვეული, თორემ ისე კაი ვაჟკაცია. ბატონიშვილი მამედყული ამან დაატყვევა ამ ხელებით.

— რა ჰქვია მაგას? — ჰკითხა იოანემ, რომელიც სულ უფრო და უფრო ჩაცვივებით აკვირდებოდა ზორზოხას.

— რა მქვია და მიტკა! — გულუბრყვილოდ მიუგო მან.

— დამაცა! — თქვა იოანემ, რომელმაც ერთბაშად იცნო მიტკა: — შენ, ნეტავი, ის მამაცი ხომ არა ხარ, მოროზოვისთვის რომ იბრძოლე სლობოდაში და მატკეი ხომიაკი მოკალი ხელნათი?

მიტკა ბრიყვეულად გაიღრიჭა.

— მე შენ, ჭკუისკოლოფო, პირველად ვერ გიცანი, ახლა კი მაგონდება შენი ცხვირ-პირი.

— მე კიდე მაშინათვე გიცანი! — მიუგო მიტკამ კმაყოფილი გამომეტყველებით: — შენ მაღალ ჯორკოზე იჯექი ზედ ასპარეზთან!

ამჯერად ყველამ გულიანად გაიცინა.

— მადლობელი ვარ შენი, — უთხრა იოანემ, — რომ არ დაგაეიწყდა ჩემისთანა პატარა კაცი. მაინც როგორ დაატყვევე მამედყული?

— ზედ გადავემხე! — გულგრილად მიუგო მიტკამ, რომელსაც ვერ გაეგო, რა შეუჩნდა ამ ხალხს, რომ ყველა ასე ხარხარებდა.

— ჰოო, — თქვა იოანემ, თან მიტკას შეჭყურებდა, — როცა ამოდენა კუნძი მოგიქვემეებს, მართლაც ძნელია თავის დაძვრენა. მახსოვს, როგორ გაჭყლიტა ამან ხომიაკი. რატომ წახვედი მაშინ ასპარეზიდან? ან ის როგორღა მოხდა, რომ სლობოდიდან ციმბირში ამოყავი თავი?

ატამანმა ფრთხილად წაუბუჯლუგუნა მიტკას, რომ არაფერი წამოსცდენოდა, მაგრამ მან უკულმა გაიგო ეს ნიშანი.

— როგორ და, აი ამან წამიყვანა ასპარეზიდან! — თქვა მან და ატამანს დაასო თითი.

— მაგან წავიყვანა? — წარმოთქვა მეფემ და გაოცებით დააცქერდა კოლცოს. — მაშ რად მითხარი... — განაგრძო მან, თან თვალს არ აცილებდა ატამანს, — რად მითხარი, პირველად ვარ ამ მხარეშიო? დამაცა ერთი, ძმობილო, დამაცა, მე და შენ, მგონი, ძველი ნაცნობები უნდა ვიყოთ. შენ ხომ არა ხარ ის მეზღაპრე, ოდესღაც მტრედის წიგნზე რომ მიამბობდი? კი, ნამდვილად შენა ხარ, გიცანი კიდეცა. სერებრიანიც ხომ შენ გაიტაცე მაშინ საპყრობილედან. აბა ერთი მოგვახსენე, ღვთის გლახავ, რანაირად დაგიბრუნდა თვალისჩინი მას მერე? რომელი სალოცავები მოიარე? რომელ სასწაულმოქმედ ნაწილებს ემთხვია?

ამას რომ ამბობდა, მეფე გამსჭვალავი, მომლოდინე მზერით გმირავდა კოლცოს და ტკბებოდა მისი დაბნეულობით.

კოლცომ თვალეები დახარა.

— კეთილი, — თქვა ბოლოს მეფემ, — რაც იყო, იყო; რაკი დრომ გაიარა, ჭირმაც გადაიარა; ჰოდა, ჩვენც ნულარ გაეიხსენებთ იმ ჭირს. მხოლოდ ეს გამაგებინე, რიაზანის ამბის მერე რატომ არ ისურვე სხვა ქურდებთან ერთად ჩემს წინაშე მონანიედ ქედის დადრეკა?

— დიდო ხელმწიფე, — უპასუხა კოლცომ და მთელი თავისი სულის მხნეობა მოიკრიბა, — მაშინ ჯერ კიდეც არ ვიყავი შენი დიდი წყალობის ღირსი. სირცხვილით ვერ გავბედე მაგ თვალეებს დაენახებოდო; ჰოდა, როცა თავადი ნიკიტა შენთან წამოუძღვია ამხანაგებს, მე კვლავ ვოლგაზე დავბრუნდი, ერმაკ ტიმოფეევიჩთან, იმ იმედით, ეგებ ღმერთმა რამე ახალი სამსახური შემამძღებინოს ხელმწიფისთვის-მეთქი!

— მანამდე კი ჩემს ხაზინას იტაცებდი ზომალდებიდან და მოსკოვს მომავალ ყიზილბაშ ელჩებს ძარცვავდი გზებზე?

ივან ვასილევეჩის გამომეტყველება დამცინავი უფრო იყო, ვიდრე მრისხანე. ვანიუხა პერსტენის, ანუ ივან კოლცოს, კადნიერი მცდელობის დროიდან ჩვიდმეტი წელი გავიდა, მეფის გულში კი ასე დიდხანს არ ბუდობდა ხოლმე ღვარძლი, თუ ის მისი პირადი თავმოყვარეობის უშუალო შეურაცხყოფით არ იყო გაღვივებული.

კოლცომ სხვა ვერაფერი ამოიკითხა იოანეს სახეზე, გარდა უწყინარი სურვილისა, თავი გაერთო დაბნეული ნაყაჩადარის გაქილიკებით. ამ გუნება-განწყობილებაზე მყოფი მეფე რომ არ გაეწბილებინა, მან თავი დახარა და კეფა მოიქექა, ცბიერ ბაგეებზე კი ძლივს იკავებდა ოდნავ შესამჩნევ ღიმილს.

— რაღა არ შემხვედრია, ღიღო ხელმწიფე! — ხმადაბლა წარმოთქვა მან: — ღამნაშავე ვართ შენი მოწყალების წინაშე!

— კეთილი, — თქვა იოანემ, — შენ და ერმაკმა სრულად გამოისყიდეთ თქვენ-თქვენი დანაშაული და წარსული უკვე საბოლოოდ გადავივიწყე, მაგრამ წინათ რომ ჩამყარდნოდი ხელში, მაშინ კი, ნუ გეწყინება, ვერ გადამიჩნებოდი!..

კოლცომ გაჩუქება არჩია, გუნებაში კი გაიფიქრა: „სწორედ მაგიტომ არ ჩაგბარდი მაშინ მონანიებით, ღიღო ხელმწიფე“.

— ჰო, მართლა, აბა მადროვე, — განაგრძო იოანემ, — მგონი შენი ძმა-კაციც აქ უნდა იყოს!

— ჰეი! — თქვა მან კარისკაცთა გასაგონად: — აქ ხომ არ არის ის ყაჩაღების ვოევოდა... აი ისა, რა ჰქვია? მიკიტა სერებრიანი?

კარისკაცებმა ჩურჩული შექმნეს, ადგილზე ტოკვა დაიწყეს, მაგრამ ხმას არავინ ძრავდა საპასუხოდ.

— გესმით? — გაიმეორა იოანემ და ხმა შეიმალდა: — მე გეკითხებით, აქ ხომ არ არის ის მიკიტა, ჟიზდრას წასვლა რომ გამოგვთხოვა ქურდებთან სასამსახუროდ?

მეფის განმეორებით შეკითხვაზე კარისკაცთა რიგებს ერთი მოხუცი ბოიარი გამოეყო, რომელიც კალუგაში ვოევოლობდა ოდესღაც.

— ხელმწიფე, — თქვა მან და მდაბლად ეთაყვანა იოანეს, — ის, ვისაც შენ კითხულობ, აქ არ არის. იგი იმავე წელს, როცა ჟიზდრას ჩავიდა, უკვე ჩვიდმეტი წელიწადი იქნება მას აქეთ, თათრებმა მოკლეს, და მთელი რაზმიც მასთან ერთად შეაკვდა ურჯულოს.

— მართლა? — თქვა იოანემ: — მე კი არც ვიცოდი ეგ ამბავი!.. რა გაეწყობა, — განაგრძო მან და კოლცოს მიუბრუნდა, — ააფრინე ალალიო, რაც არ არი, არ არიო. მე კი მინდოდა შენ და ის შემხვედრებიანეთ და მენახა, როგორ გადაკოცნიდით ერთმანეთს!

ატამანს სახე დაუნაღვლიანდა.

— გენანება, განა, ამხანაგი? — დამცინავედ ჰკითხა იოანემ.

— მენანება, ხელმწიფე! — მიუგო კოლცომ, თუმცა იცოდა, რომ ასეთი გულახდილობით შეიძლება გაებრაზებინა მეფე.

— ჰო, რა თქმა უნდა, — ზიზღით თქვა იოანემ, — აბა სხვანაირად როგორ იქნება: გული გულსა ცნობს და სული სულს!

მართლა არ იცოდა იოანემ სერებრიანის სიკვდილის ამბავი თუ განზრახ მოიქცა ასე, რომ ყველას ეგრძნო, რა მცირედ უღირდა ისინი, ვინც მის წყალობას არ ეძიებდა, ღმერთმა უწყის. ხოლო, თუ მართლა მხოლოდ ახლა შეიტყო ნიკიტას ზვედრი, მაინც ვერ იტყოდით გადაწყ-

ვეტით, შეენანა მისი დაღუპვა, თუ არა; ყოველ შემთხვევაში, სახეზე ოდნავი სინანულიც არ დამჩნევია. ის, ეტყობა, ისევე გულგრილი დარჩა, როგორც ამ პასუხის გაგონებამდე იყო.

— დარჩი აქ ერთ ხანს, — უთხრა მან ივან კოლცოს, — ხოლო როცა ბოლხოვსკის წამოსვლის დრო დადგება, შენც მასთან ერთად გაბრუნდი იუგორებთან... ჰო, მართლა, კინალამ დამავიწყდა, ბოლხოვსკის გვაროვნიული შტო რიურიკისგან მომდინარეობს. ამ დიდგვაროვანი მთავრების მორჯულება კი ადვილი როდია; ის კი არა, მგონი, ჩემთანაც მოინდომონ გვაროვნობაში გამოჯიბრება! ყველა მათგანი როდი ითხოვს, იმ მიკიტასავით, ავაზაკებთან წასვლას. ჰოდა, იმას რომ საწყენად არ ექნეს კაზაკთა ატამანის ხელქვეითობა, ამთავითვე ვწყალობ ერმაკს ციმბირის მთავრის პატივს! შჩელკალოვ, — უთხრა მან შორიახლოს მდგომ ღუმის დიაკს, — გაუმზადე ერმაკს წყალობის სიგელი, რომ მან ციმბირის მთელს მიწა-წყალზე ივოევოდოს, ხოლო მამედყული კი მოსკოვს წარმოგზავნოს გაძლიერებული ყარაულით. ჰო, ამ გახსენებაზე, ბარემ სტროგანოვებსაც დაუწერე სიგელი, რომ კეთილი ნამსახურობისა და გარჯილობისთვის ვწყალობ: სემიონს დიდ და მცირე სოლს ვოლგაზე, ხოლო ნიკიტასა და მაქსიმს ყველა იქაურ ქალაქსა და ციხე-სიმაგრეში უბაჟოდ ვაჭრობის პატივს.

სტროგანოვებმა მდაბალი თაყვანი სცეს მეფეს.

— რომელი თქვენგანი იყო, — უეცრად იკითხა იოანემ, — ბორისი რომ გამოამრთელა იმ ხანებში, როცა იგი კვერთხით დავჭერი?

— ჩემი უფროსი ძმა იყო, ხელმწიფეო, გრიგორი ანიკინი, — მიუგო სემიონ სტროგანოვმა. — ის, ღვთის ნებით, შარშან მიიცვალა.

— ანიკინი კი არა, ანიკიევიჩი, — თქვა მეფემ და ბოლო მარცვალზე გააკეთა მახვილი, — მე ჯერ კიდევ მაშინ ვუბრძანე იმას სტუმრის უხედაესად ღვომა და სრული მამის სახელით მოხსენიება. და თქვენც ყველას გაავალდებულებთ ვი ჩა დ დაიწეროთ და ამიერიდან სტუმრებში კი აღარ ირიცხებოდეთ, არამედ წარჩინებულებში!

მეფემ ერმაკისგან მოძღვნილი ნაირნაირი ბეწვეულისა და სხვა საჩუქრების თვალყურება დაიწყო და გაისტუმრა ივან კოლცო, თან დამშვიდობებისას რამდენჯერმე შეეხუმრა მოწყალედ.

მალე დანარჩენი წვეულნიც გაიკრიბნენ დარბაზიდან.

იმ დღეს კოლცოს და, მასთან ერთად, სტროგანოვებს, ბორის გოდუნოვმა გაუმართა სადილი ხალხმრავალ სუფრასთან.

მას შემდეგ, რაც ჩვეულებისამებრ დალიეს მეფის, ბატონიშვილის, მეფის მთელი საზღუდელისა და მისი მაღალუსამღვდელოესობა მიტრო-

პოლიტიკის სადღეგრძელოები, გოდუნოვმა ოქროს აზარფემა ასწია და ერმაკ ტიმოფეევიჩისა და ყველა მისი ერთგული ამხანაგის სადღეგრძელო შესთავაზა თანამესუფრეთ.

— დაე მრავალჭამიერ იდღეგრძელონ რუსეთის სადიდებლად! — შესძახეს სტუმრებმა, ფეხზე წამოდგნენ და თავი დადრიკეს ივან კოლცოს წინაშე.

— მოწინებით ვიდრეკთ ქედს შენს წინაშე მთელი მართლმადიდებელი ქვეყნიერების სახელით, — უთხრა გოდუნოვმა და მდაბლად ეთაყვანა, — ხოლო შენი სახით კი ერმაკ ტიმოფეევიჩის წინაშეც ყველა თავადისა და ბოიარის, ყველა მოვაჭრე ხალხის, სულერთიანად მთელი რუსობის სახელით! მიიღე მთელი ჩენი ქვეყნის უსაზღვრო თაყვანისცემა, ესოდენ დიდი სამსახური რომ გაუწიეთ მას!

— დაე ცოცხლობდეს თქვენი სახელი... — შესძახეს სტუმრებმა, — დაე ცოცხლობდეს ჩვენს შვილებსა და შვილთა შვილებში, ჩვენს შორეულ შთამომავლებში მარადღამ სადიდებლად, სათაყვანოდ და სამაგალითოდ, სალოცავად და გზის მანათებლად!

ატამანი სუფრიდან წამოდგა, რომ მადლობა მოეხსენებინა ესოდენი პატივისთვის, მაგრამ მეტყველი სახე უეცრად შეეცვალა სულიერი მღელვარებისგან, ბაგეები აუთრთოლდა, ხოლო შეუპოვარ თვალებზე, შესაძლოა პირველად თავის სიცოცხლეში, ცრემლი მოადგა.

— დღეგრძელი იყოს რუსეთი! — წყნარად წარმოთქვა მან, თავის დაკერით მოახსენა მადლობა თანამესუფრეთ და კვლავ ადგილზე დაჯდა ისე, რომ სიტყვაც აღარ დაუძრავს.

გოდუნოვმა სთხოვა ატამანს, გვიამბე რამე ციმბირში ლაშქრობისას შენამთხვევიო, და კოლცოც გატაცებით შეუდგა თბრობას, მაგრამ საკუთარ თავზე კი არა, მხოლოდ ერმაკზე, მის საარაკო ღონესა და სიმამაცეზე, მის ურყევ სამართლიანობასა და ქრისტიანულ ღმობიერებაზე, რასაც იჩინდა დამარცხებულთა მიმართ მუდამ და ყოველთვის.

— აი ამ ღმობიერებით, — დააბოლოვა კოლცომ, — ერმაკ ტიმოფეევიჩმა, მგონი, უფრო მეტი მოიხვეჭა, ვინემ თავისი ხმლით. როგორც კი დავიპყრობთ იმათ მავან და მავან ციხეს, გინდ ქალაქს, ის მაშინვე მივაღერსება იქაურებს, საჩუქრებსაც კი უწყალობებს. ხოლო როცა მამედყული შევიპყარით, ღმერთმანი, აღარც იცოდა, რა პატივი ეცა მისთვის. თავისი ქურჭი გაიხადა და ბატონიშვილს ჩააცვა. ჰოდა, მთელ მხარეს მოედო ხმა, ერმაკის ქვეშევრდომობა მძიმე უღელი არ არისო; ბეკრი იქაური მთავრუკა მაშინვე თავისი ფეხით მოვიდა მასთან და იასაყა მოართვეს. მხიარულად ვცხოვრობდით ჩვენ ციმბირში, — განაგრძობდა

ატამანი, — მხოლოდ ერთი რამ მქონდა სანაღვლოდ: თავადი ნიკიტა სერებრიანი რომ არ იყო ჩვენთან; თვითონაც გულით მოეწონებოდა იქაური ამბები და ჩვენც, მის მხარდამხარ, უფრო გაგვიადვილდებოდა საქმე. შენ, ბორის ფიოდოროვიჩი, მგონი, მეგობრობდი თავადს. მაშ, ნება მომეცი მისი ხსოვნის სადღეგრძელო შევსვა!

— ღმერთმა სასუფეველი დაუმკვიდროს! — ამოიხერით თქვა გოდუნოვმა, რომლისთვისაც დიდი ამბავი არ იყო თანაგრძნობა გამოეხატა ადამიანისადმი, ვისაც ასე დიდ პატივს სცემდა მისი სტუმარი: — ღმერთმა სასუფეველი დაუმკვიდროს, — გაიმეორა მან და სასმისი ააესო: — ხშირად ვიგონებ ხოლმე იმას!

— საუკუნო ხსოვნა იყოს მისი! — თქვა კოლცომ, სასმისი დასცალა, თავი ჩაჰქინდრა და ჩაფიქრდა.

კიდევ დიდხანს საუბრობდნენ სუფრასთან, ზოლო როცა სადილს შორჩნენ, გოდუნოვმა, შინ გაშვების ნაცვლად, სთხოვა სტუმრებს ჯერ დაესვენათ, მერე კი ბარემ მასთან გაეტარებინათ ის დღე საღამომდე. გულუხვად გამოჰქონდათ ხან ერთი, ხან მეორე ნუგბარ-ნუგბარი პირის დასაგემოვნებლად, საუბრობდნენ აქეთურზე თუ იქითურზე და მხოლოდ მაშინ დაიშალნენ სტუმრები, ბორისის გულითადი მასპინძლობით მოხიბლულნი, როცა გვიან საღამოს უკვე მერამდენედ ჩამოიარეს წესრიგის მეთვალყურე იასაულებმა ნაცნობი ძახილით — მორჩენილიყენენ ვახშმობას და ჩაექროთ სინათლე.



სამ საუკუნეზე მეტი გავიდა აღწერილი ამბების შემდეგ და კანტიკუნტი მოგონებებიდა შემორჩა რუსეთს იმ დროებაზე. კიდევ ბოგინობს ხალხში თქმულებები მრისხანე მეფის სიზვიადეზე, ფუფუნება-განცხრომასა და სიავკაცეზე, კიდევ გაისმის აქა-იქ სიმღერები ბატონიშვილის სასიკვდილოდ გაწირვაზე, მარბიელი თათრებისგან მოსკოვის არაერთგზის დალაშქრავზე და ციმბირის დაპყრობაზე ერმაკ ტიმოფეევიჩის მიერ, რომლის გამოსახულებებსაც, ალბათ მსგავსების უქონელთ, ახლაც ნახავს კაცი თითქმის ყველა ციმბირელის ქოხში; მაგრამ ამ თქმულებებში, სიმღერებსა და გადმოცემებში — სიმართლე და მონაგონი ერთმანეთშია არეული და ისინი ბუნდოვანების რიდეში ჰხვევენ ნამდვილ მოვლენებს, თითქოს ბურუსიდან გამოაკრთობენ მათ და სარბიელს უქმნიან ჩვენს წარმოსახვას ნებისმიერად ალაღვინოს ეს ბუნდოვანი სახეები.

იმ მეფობას გარეგნულ მხარეზე უფრო დანამდვილებით ლაპარაკობენ თითო-ორიოლა შემორჩენილი ნაგებობები, როგორცაა ვასილი ნეტარის ტაძარი, რომლის ფერადოვანი გუმბათებითა და საბოვანი კოშკურებით შეგვიძლია წარმოვისახოთ ალექსანდრეს სლობოდაში იოანეს სასახლის უცნაური ხუროთმოძღვრება, ან თუნდაც ტრიფონ ნაპრუდნის ეკლესია, ბუტირისა და ჯვრის სადარაჯოებს შუა, რომელიც ბაზილიკა ტრიფონმა ააგო აღთქმისამებრ და რომელშიც ახლაც ჩანს თეთრ ცხენზე გამოსახული წმინდანი საფუხარზე შემოსმული სონღულით<sup>1</sup>.

ალექსანდრეს სლობოდა, იქიდან მეფე ივან ვასილევინის წასვლის შემდეგ, ყველასგან მივიწყებული იდგა, როგორც მისი ავკაცური ღვთა-მოსავობის პირქუში ძეგლი, და მხოლოდ ერთხელ გამოცოცხლდა, ისიც სულ მცირე ხნით. თვითმარქვია მეფეების შფოთიან წლებში ახალგაზრდა მხედართუფროსმა თავადმა მიხაილ ვასილევინ სკოპინ-შუისკიმ, რომელსაც შვედი გენერალი დელაგარდი ჰყავდა მოკავშირედ, მის მტკიცე კედლებში გაამაგრა თავისი სამხედრო ძალები და იქიდან აიძულა პოლონელი ვოევოდა საპეგა ხელი აეღო სამების ლავრის ხანგრძლივ გარემოცვაზე.

შემდგომში, გვიამბობს გადმოცემა, ერთ მკაცრ ზანთარში, იანვრის თვეში, ალექსანდრეს სლობოდას, მოსახლეთა თავზარდასაცემად, შავი ღრუბელი წამოაღდა, ზედ სასახლეზე ჩამოწვა და საშინელ მეხად დაატყდა თავზე, რისგანაც ცეცხლის ენებად აბრიალდა კოშკურები და ფერფლად იქცა მთელი სლობოდა. კვალიც აღარ დარჩენილა ფუფუნების, გარყენილების, მკვლელობებისა და მკრეხელურ ღვთისმსახურებათა ამ საბუღარისგან...

დაე, ღვთის შეწყევნით, ჩვენც ამოგვეშალოს ჩვენი გულიდან უკანასკნელი კვალი იმ საშინელი დროისა, რომლის გავლენა, როგორც მემკვიდრეობითი სნეულება, კიდევ დიდხანს მოჰყვებოდა ჩვენს ცხოვრებას თაობიდან თაობაში! მივუტყევთ მეფე იოანეს ცოდო-ბრალიან აჩრდილს, რადგან მხოლოდ თვითონ არ არის თავისი მეფობისთვის პასუხის მტვირთველი; მხოლოდ მას ერთს არ შეუქმნია თავისი თვითნებობა და საწამებლები, სიკვდილით დასჯა და მამუზღარობა, მოვალეობად და

---

<sup>1</sup> მას აქვთ, რაც ეს დაიწერა, ტრიფონ ნაპრუდნის ეკლესია ისე ვადაკეთეს, ვეღარც იცნობთ. ვარედან ეკვდრები მოაშენეს, შიგნით კი ხელახლა მოხატეს და შეღეს თანადროულ გემოვნებაზე. ეს ყოველივე, როგორც მეღვთისმეტყველები განმარტავენ, კეთილი მსყიდველი ქველის მოქმედთა შეწირულობების ნაყოფია. (ავტორის შენიშვნა).

ჩვევად რომ დამკვიდრდა. ეს აღმაშფოთებელი მოვლენები უწინარესი დროებისგან იყო შემზადებული და ქვეყანამ, რომელიც იმდენად გაირყვნა, რომ შეეძლო აღუშფოთებლად ეცქირა მათთვის, თვითონვე წარმოშვა და სრულყო იოანე, მსგავსად იმისა, როგორც დაცემის ხანის მონურად სულდამცრობილი რომაელები ქმნიდნენ ტიბერიუსებს, ნერონებსა და კალიგულებს.

ჩვენი რუსული ღამის უნუგემო ცაზე არცთუ იშვიათად ჩნდებოდნენ ხოლმე, მოკაშკაშე ვარსკვლავებივით, ვასილი ნეტარის, თავად რეპნი-ნის, მოროზოვის თუ სერებრიანის მსგავსი ადამიანები, მაგრამ, ისევე როგორც თვით ვარსკვლავები, ისინი უღონო იყვნენ გაეფანტათ მისი წყვილადი, რადგან ცალ-ცალკე კაშკაშებდნენ და არც ერთსულოვნება, არც საზოგადოებრივი აზრის მხარდაჭერა არ გააჩნდათ. მაშ, მიუტუტეოთ ივან ვასილევინის ცოდო-ბრალიან აჩრდილს, მაგრამ კეთილად მოვიხსენიოთ ისინი, რომლებმაც, მიუხედავად მის მბრძანებლობაში ყოფნისა, მაინც არ მიატოვეს სიკეთის გზა, რადგან ძნელია არ გადაგვარდეს კაცი ისეთ უკუღმართ დროში, როცა ყველა მცნება შებილწულია, როცა სიმდაბლეს სათნოებად ნათლავენ, მუხანათობა კანონ-წესად მკვიდრდება, ხოლო თვითონ პატიოსნებას და ადამიანურ ღირსებას მოვალეობის დანაშაულებრივ დარღვევად მიიჩნევენ! მშვიდად განისვენეთ, ღირსნო მამულიშვილნო! წუთისოფლის ჭაპანს რომ სწევდით, თქვენ ხარკს უხდადით თქვენს საუკუნეს, ღვთის რისხვის მოვლინებად მიიჩნევდით მრისხანე შეფეს და მოთმინებით იტანდით მას; მაგრამ თქვენ სწორი გზით მიდიოდით და არც შერისხვის, არც სიკვდილის არ გეშინოდათ; და თქვენს ცხოვრებას ამაოდ არ ჩაუვლია, რადგან ამ ქვეყნად არაფერი არ იკარგება, თითოეული საქმე, თითოეული სიტყვა, თითოეული აზრი ხე-სავით აღმოცენდება და იზრდება; და მრავალ კეთილს და ბოროტს, რაც გამოუცნობ მოვლენასავით არსებობს ახლაც რუსეთის სინამდვილეში, გარდასულის ღრმა და ბნელ წიაღში აქვს ჩამალული თავისი ფესვები.

1840-იანი წლების დასასრული — 1861.



## ა. კ. ტ ო ლ ს ტ ო ნ ი

ალექსი კონსტანტინეს ძე ტოლსტოის მრავალმხრივ და უაღრესად ორიგინალურ შემოქმედებას საპატიო ადგილი უკავია რუსული კლასიკური ლიტერატურის ისტორიაში. თავის დროზე ა. კ. ტოლსტოი ერთ-ერთი ყველაზე პოპულარული მწერალი იყო თავის სამშობლოში და არც დღეს არის დავიწყებული. მისი საუკეთესო ნაწარმოებები ახლაც ცოცხლობენ და აღელვებენ მკითხველს. საკმარისია ითქვას, რომ ა. ტოლსტოის ნაწერებით გატაცებული იყვნენ ახალგაზრდობაში ვალერი ბრიუსოვი და ალექსანდრე ბლოკი, ხოლო ვლადიმერ მაიაკოვსკის, როგორც ჩუკოვსკი ამბობს, „ზეპირად ახსოვდა მისი ყოველი სტრიქონი“ და უყვარდა მისი ლექსამირება.

ა. ტოლსტოი არის თვალსაჩინო ლირიკოსი, აუტორი ბევრი მღვდლვარე პოეტური ნაწარმოებისა, რომლებიც დღესაც სიამოვნებით იკითხება. მისი ლირიკის ნახევარზე მეტი სასიძღერო მელოდიუბად აქციეს გამოჩენილმა რუსმა კომპოზიტორებმა, ისეთებმა, როგორიც იყვნენ რიმსკი-კორსაკოვი, მუსორგსკი, ბალაქირევი, რუბინშტიინი, ტანეევი, რახმანინოვი და სხვები. „ტოლსტოი სასიძღერო ტექსტების უმრავლესი წყაროა. ის ერთი იმ პოეტთაგანია, რომელთაგანაც ყველაზე დიდ სიმპათიას ვგრძნობ“, — წერდა მასზე ა. ჩაიკოვსკი; დიდი წვლილი შეიტანა ა. ტოლსტოიმ რუსული ეპიკური პოეზიის განვითარებაში. მისი ბალადები და ბილინები („უასილი შიბანი“; „გველეშაპი ტუგარინი“, „თავადი მიხაილო რეპინინი“, „სადკო“ და სხვ.) XIX საუკუნის რუსული პოეზიის საგულისხმო მოვლენაა; ფართოდაა ცნობილი ა. ტოლსტოის დრამატული ტრილოგია — „ივანე მრისხანის სიკვდილი“, „მეფე ფიოდორ ივანოვიჩი“ და „მეფე ბორისი“. განსაკუთრებით მნიშვნელოვანია ამათგან „მეფე ფიოდორ ივანოვიჩი“, რომელსაც ე. გ. კოროლენკომ რუსული დრამატურგიის ობოლი მარგალიტი უწოდა. ეს პიესა დიდხანს იღვმებოდა მოსკოვის სამხატვრო თეატრის სცენაზე და ერთ-ერთ უშესანიშნავეს მოვლენად იქცა მის ისტორიაში; ყოველივე ამასთან ერთად, ა. ტოლსტოი თავის ბიძაშვილებთან — ა. მ. და ვ. მ. ფემჩუენიკოვებთან — ერთად არის აუტორი ფართოდ გახმაურებული პაროდებისა, რომლებიც კოხმა პრეტკოვის ციკლის სახელითაა ცნობილი.

ჩვენში, საქართველოში, ალექსი კონსტანტინეს ძე ტოლსტოის სახელი უკრ კიდეც ამ ათიოდე წლის წინათ თითქმის უცნობი იყო მკითხველებისთვის. მაგრამ ახლა უკვე მისი რამდენიმე ნაწარმოებია ქართულად თარგმნილი. 1969 წელს პირველად გამოიცა ქართულ ენაზე წინამდებარე რომანი — „თავადი სერგებრიანი“. 1974 წელს შოთა რუსთაველის სახელობის სახელმწიფო აკადემიურ თეატრში წარმატებით დაიდგა მწერლის ცნობილი პიესა „ივანე მრისხანის სიკვდილი“. სულ ახლახან კი ქართველ მკითხველს საშუალება მიეცა მშობლიურ ენაზე გაეცნო მწერლის პოეტური შემოქმედების ზოგიერთი ნიმუში (ბალადები და ლირიკული ლექსები „ეოეოდა სტა-

რიცკი“, „თავადი მახაილი რეპნინი“, „ილია მურომეცი“, „მაჭანკოლა“, „პოი, ლურჯო მანიტეხო“ და სხვ.), რომლებიც შესანიშნავად თარგმან პოეტმა მურმან ლეხანოვიძემ.

ა. კ. ტოლსტოი დაიბადა 1817 წელს, 24 აგვისტოს, პეტერბურგში. მისი ბაბუა დედის მხრიდან იყო უბრწყინვალესი დიდებული, ეკატერინე მეორის სენატორი და ალექსანდრე პირველის სახალხო განათლების მინისტრი — გრაფი ა. კ. რაზუმოვსკი. ხოლო უკრაინის უკანასკნელი გეტმანი კირილე რაზუმოვსკი მომავალი პოეტის დიდი პაპა იყო. მამას არავითარი ამავე არ მიუძღვის მომავალი პოეტის წინაშე: ბავშვის დაბადების შემდეგ მშობლები მალე გასცილდნენ ერთმანეთს და დედამ თავისი პირმშო ჩერნიგოვის ვუბერნიაში, სოფ. კრასნი როვში წაიყვანა. აქ, სამხრეთ უკრაინაში, დედის მძულში გაატარა მან ბავშვობა.

როცა ათი წლისა შეიქნა, დედამ და ბიძამ — იმ დროს საკმაოდ ცნობილმა პროზაიკოსმა ა. პეროვსკიმ — ბიჭი საზღვარგარეთ წაიყვანეს. ამ მოგზაურობის დროს მათ ვაინარში გოეთე იხანულეს. რამდენიმე წლის შემდეგ ბავშვს იტალიაც მოატარეს.

1834 წელს ტოლსტოი „ისტუდენტად“ მიიყვანეს საჯარო საქმეთა სამინისტროს მოსკოვის არქივში. „არქივის ყმაწვილებს“, რომლებიც არისტოკრატიული ოჯახებიდან იყვნენ, ძველი დოკუმენტების გარჩევა და აღწერა ევალებოდათ. 1837 წლის დასაწყისიდან ტოლსტოი რუსეთის მისიაში მსახურობდა მინინს ფრანკფურტში, ხოლო 1840 წელს საიმპერიო კანცელარიის მეორე განყოფილებაში გადაიყვანეს. 1843 წელს მან შეისის კარის კამერ-იუნკერის წოდება მიიღო.

ლაშაზი, ზრდილი, უცხო ენების მშვენივრად მცოდნე და ნაციონი ახალგაზრდა, რომელიც ამასთან ისე ღონიერიც იყო, რომ წნელივით გრებდა ცეცხლის საჩხრეკლას, სამსახურის შემდეგ მხიარულად ატარებდა დროს მაღალ საზოგადოებაში, რომლის ცხოვრებაც ძალიან იზიდავდა ახალგაზრდობაში. მაგრამ ამავე დროს იგი ლიტერატურასაც არ ივიწყებდა და სერიოზულად ემზადებოდა სამწერლო მოღვაწეობისთვის. ლიტერატურისადმი ინტერესი მას ჯერ კიდევ ბავშვობაში გაეღვიძა. „უკვე ექვსი წლიდან, — წერდა ა. ტოლსტოი ერთ-ერთ მეგობარს, — დავიწყე ქალაქის ჯღაბნა და ლექსების წერა — ისე ძლიერი შთაბეჭდილება მოახდინა ჩემზე ჩვენი საუკეთესო პოეტების ზოგიერთმა ნაწარმოებმა... ვტკბებოდი ნაირგვარი რიტმების მუსიკით და ვცდილობდა ამეთვისებინა მათი ტექნიკა“. ყმაწვილის მთავარი გზის გამკვლევი და დამრიგებელი იყო ბიძამისი, რომელიც დაუმარებლად ზრუნავდა დისშვილის ესთეტიკური გემოვნების განვითარებისთვის და მის პირველ ლექსებს თავის მეგობრებს უკითხავდა.

1841 წლის მაისში ა. ტოლსტოი პირველად გამოჩნდა სამწერლო ასპარეზზე, როცა ცალკე წიგნად გამოსცა ფანტასტიკური მოთხრობა „ეპამიონი“, რომელიც საკმაოდ კარგად შეაფასა ბ. ბელინსკიმ. ამის შემდეგ, ორმოციანი წლების მანძილზე, მას ბევრი აღარაფერი დაუბეჭდავს, მაგრამ უკვე მაშინ ჩაიფიქრა ისტორიული რომანი „თავადი სერგებანი“, ამ წლებშივე შექმნა ბევრი შესანიშნავი ლირიკული ლექსი და ბალადა, რომლებსაც მხოლოდ თავის მეგობრებსა და ნაცნობებს უკითხავდა, ბეჭდურად კი გაცილებით გვიან გამოაქვეყნა.

1850 წელს ტოლსტოი მიაღწიეს სენატორ დავიდოვთან, რომელსაც კალუვის გუ-

1 იხ. კრებული „რუსი მგოსნები“, გამომცემლობა „საბჭოთა საქართველო“, თბილისი, 1975.

ბერნიის რევოლუცია ქონდა დავალებული. პოეტმა ნახევარი წელი გაატარა კალუგაში და აქ გაეცნო გოგოლს, რომელიც გუბერნატორის მეუღლის დიდი მეგობარი იყო.

ორმოცდაათიანი წლების პირველ ნახევარში გამოჩნდა ლიტერატურულ სარბიულზე კონკრეტული პრეტკოვის სახელი. ეს უბრალო ფსევდონიმი კი არ იყო, არამედ ტოლსტოისა და მისი ბიძაშვილების — ალექსი და ელადიმერ ემმანუილსონების მიერ შექმნილი სატირული ნიღაბი ნიკოლოზ პირველის ეპოქის ბრწყინვალე და თავშეყვარებული ბიუროკრატისა. კონკრეტული პრეტკოვის სახელით ისინი წერდნენ ლექსებს, პატარა პიესებს, აფორიზმებსა და ანეკდოტებს, რომლებშიც გარემომცველი სინამდვილისა და ლიტერატურის მახინჯ მოვლენებს დასცინობდნენ და ამით ნიკოლოზ პირველის რეაქციისადმი თავისებურ ოპოზიციურ განწყობილებებს გამოხატავდნენ. ასე, 1851 წლის იანვარში დაიდგა ტოლსტოისა და ალექსი ემმანუილსონის კომედია „ფანტაზია“, პრეტკოვის ციკლის ერთ-ერთი ნაწარმოები, რუსულ სცენაზე გაბატონებული უშინაარსო ვოდევილების წინააღმდეგ მიმართული პაროდია. ნიკოლოზ პირველი, რომელიც ესწრებოდა სპექტაკლს, დიდად გაანაწყენა კომედია და აკრძალა მისი სცენაზე წარმოდგენა.

ორმოცდაათიანი წლების დასაწყისში ა. ტოლსტოი დაუახლოვდა ტურგენევის, ხოლო როცა ეს უკანასკნელი გოგოლის გარდაცვალების გამო დაწერილი ნეკროლოგის გამოქვეყნებისთვის დააპატიმრეს და პოლიციის მეთვალყურეობით გაასახლეს მშობლიურ სოფელში, ენერგიულად დაესხარა მას გადასახლებიდან განთავისუფლებაში. ამავე ხანებში გაეცნო ტოლსტოი ნეკრასოვსა და ჟურნალ „სოკრემენიკის“ წრეს. 1854 წელს, დიდი ხნის შესვენების მერე, მისი გვარი კვლავ გამოჩნდა ჟურნალების ფურცლებზე. „სოკრემენიკი“ დაიბეჭდა მისი ზოგიერთი ლექსი და პრეტკოვის ციკლის რამდენიმე ნაწარმოები.

ყირიმის ომის დროს ტოლსტოიმ ჯერ პარტიზანული რაზმის შექმნა დააპირა, მერე კი მსროლელთა პოლკში ჩაირიცხა ოფიცრად, მაგრამ ტიფი შეეყარა და ომში მონაწილეობა არ მიუღია. ომის დამთავრების შემდეგ, ალექსანდრე მეორის კორონაციის დღეს, ტოლსტოი ფლიგელ-ადიუტანტად იქნა დანიშნული.

ორმოცდაათიანი წლების მეორე ნახევარი ვეელაზე ნაყოფიერი პერიოდი ტოლსტოის პოეტურ შემოქმედებაში. ამ წლებში დაწერილი მისი ლირიკული ლექსების დაახლოებით მესამედი. პოეტი ყველა სქელ ჟურნალში ბეჭდავდა მათ.

1857 წლიდან ა. ტოლსტოი თანდათან ჩამოშორდა „სოკრემენიკის“ რედაქციას, რომელშიც ამ დროისთვის ჩერნიშევსკი იკავებდა ხელმძღვანელ როლს. „ჩვენ სხვადასხვა გზა გვაქვსო“, — წერდა იგი ცოლს. სამაგიეროდ, ამ პერიოდში ის სლავიანოფილებს დაუახლოვდა, მაგრამ რამდენიმე წლის შემდეგ დარწმუნდა, რომ არც მათთან პქონდა „ერთი გზა“. იგი ჩამოშორდა სლავიანოფილებსაც და შემდგომში ხშირად დასცინოდა მათს უზერხემლო თეორიებს. „ხომიაკოვის სლავიანოფილობისგან გულის რევა შემართება, როცა ის დასაუღლები მალა გვაყენებს ჩვენი მართლმადიდებლობის მიწუბით“, — წერდა ტოლსტოი.

როგორც ფლიგელ-ადიუტანტს, ტოლსტოის ხშირად უხდებოდა მეფის კარზე ყოფნა. მაგრამ იგი სულ უფრო და უფრო ეღვარ იტანდა ჩინოვიის როლს. 1856 წელს დაწერილ ერთ-ერთ სახუმარო ლექსში მან ასე გამოხატა თავისი განწყობილება:

Исполнен вечным идеалом,  
Я не служить рожден, а петь!  
Не дай, мне, Феб, быть генералом,  
Не дай беззвонно поглупеть!

ვერ კიდევ ფლიგელ-ადიუტანტად დანიშენისას სცადა ტოლსტოიმ ამ თანამდებობაზე უარის თქმა, მაგრამ არაფერი გამოუვიდა. მხოლოდ 1856 წელს შეძლო მან უეადო შევებულების მიღება, ხოლო 1861 წელს კი — სამსახურიდან გადადგომა.

გადადგომის შემდეგ მწერალი სოფელში გადასახლდა. ის ცხოვრობდა პეტერბურგის მახლობლად თავის მამულში, მერე კი უფრო ხშირად დელაქალაქიდან შორეულ კრასნი როვში, სადაც ბავშვობის წლები გაატარა და აღიზარდა. პეტერბურგში ის მხოლოდ დროდადრო ჩადიოდა.

სასახლეში ყოფნისას ტოლსტოი მუდამ იმას ცდილობდა, რომ უშიშრად ეთქვა სიმართლე მეფისთვის და არა ერთხელ დაიცვა რეპრესიებისა და დევნისაგან მწერლები. იგი ენერგიულად ზრუნავდა გადასახლებაში მყოფი ტარას შევჩენკოს განთავისუფლებისთვის, დაეხმარა ტურგენეუს, რომელსაც დასჯას უპირებდნენ ემიგრაციაში მყოფ გერცენსა და ოგარიოვთან ურთიერთობისთვის, ხოლო 1864 წელს ჩერნიშევსკის ბედის შემსუბუქებაც სცადა. ალექსანდრე მეორეს, როცა მან კითხა, რა კეთდება ლიტერატურაში, ტოლსტოიმ დაურიღებლად უთხრა — „რუსულმა ლიტერატურამ შავები ჩაიცივა ჩერნიშევსკის უსამართლოდ დასჯის გამო“.

ტოლსტოი გულისხმიერი, კეთილშობილი და პირდაპირი ადამიანი იყო. იგი არასდროს არ მოქმედებდა ქვენა გრძნობებით, დამოუკიდებელი ხასიათითა და საქციელით გამოირჩეოდა და ორგანულად ვერ იტანდა პირფერებს, მამებლებსა და კარიერისტებს. ტოლსტოის ვერაინ აიძულებდა ისეთ საქციელს, რაც მის რწმენასა და შეხედულებებს ეწინააღმდეგებოდა.

სამოციანი წლების დასაწყისში მან დაბეჭდა დრამატული პოემა „ღონ ქუანი“ და რომანი „თავადი სერებრინი“, მერე კი დაწერა თავისი ცნობილი ტრილოგია, რომელმაც უბრწყინაულის ადგილი დაიკავა რუსული დრამატურგიისა და რუსული სცენის ისტორიაში.

სამოციანი წლების შუა ხანებში მისი ჯანმრთელობა შეირყა. მწერალს საშინლად აწუხებდა ასტმა, გულის ხუთვა, ნევრალგია, თავის ტკივილი. იგი ყოველწლიურად დადიოდა სამკურნალოდ საზღვარგარეთ, მაგრამ არაფერი შეელოდა. 1875 წლის 28 სექტემბერს ა. ტოლსტოი გარდაიცვალა.

ა. ტოლსტოი არ თანაუგრძნობდა სამოციანი წლების რევოლუციურ იდეებს, სამოციანელთა პოლიტიკურ იდეოლოგიას, მათს შეხედულებებს ლიტერატურასა და მის საზოგადოებრივ ფუნქციებზე, მაგრამ არც მოწინააღმდეგე რეაქციულ ბანკთან ქქონია მას რამე საერთო. პირიქით, ის ორგანულად ვერ იტანდა მისი თანამედროვე მმართველი წრეების ბიუროკრატიზმსა და სახელმწიფო იდეოლოგიას და სასტიკად დასცინოდა მინისტრებსა და უმაღლესი ბიუროკრატიის სხვა წარმომადგენლებს, აღფიქვებით ლაპარაკობდა მეფის ჟანდარმერიის საქმიანობასა და ცენზურის თვითნებობაზე, თვითმპყრობელობის რუსიფიკატორულ პოლიტიკასა და მისი ქობაგების ზოოლოგიურ ნაციონალიზმზე.

თანამედროვეთა დამოკიდებულება მწერლისადმი ერთნაირი არ იყო. „იმ დროს, როცა ჟურნალები რეტროგრადის სახელით მკიცხავენ, — სინანულით წერდა ის 1874 წელს, — ხელისუფლება რევოლუციონერად მიმიჩნევს...“ რა თქმა უნდა, ტოლსტოი არც ერთი იყო და არც მეორე. მას არ გაუკეთებია მკაფიო არჩევანი ორ გეზბრძოლ ბანაკს შორის, რთული და წინააღმდეგობრივი საზოგადოებრივი პოზიცია ეკავა და, როგორც სამართლიანად მიუთითებენ, ფაქტიურად თვითმპყრობელური დესპოტიზმისადმი არის-

ტოკრატულ ოპოზიციასზე შორს არ წასულა, თუმცა ეს ოპოზიცია საკმაოდ მწვავე იყო, იმდენად მწვავე, რომ პოლიციური სახელმწიფოს, ბიუროკრატის თვითნებობის, ძალადობისა და ყოველივე იმის მხილება, რაც ადამიანის ღირსებას თელავდა და შეურაცხყოფდა, მისი მთელი შემოქმედების ერთ-ერთ მთავარ თემად იქცა. ეს თემა ქლერს მის შესანიშნავ ბალადებში; ეს თემა მაგისტრალური მის ცნობილ დრამატულ ტრილოგიაში და, ბოლოს, რომან „თავად სერებრიანიში“.

ტოლსტოი ხშირად მიმართავდა ისტორიას, მასში პოულობდა თემებს თავისი უმნიშვნელოვანესი ნაწარმოებებისთვის. ისტორიულ წარსულში ეძებდა თავისი შეხედულებების დადასტურებასა და დასაბუთებას. ხოლო რადგან მწერალი ღრმად გულწრფელი, შემოქმედებითი პატიოსანი, მზურვალედ დაინტერესებული, აღტაცებული ან აღშფოთებული იყო იმით, რაზედაც წერდა, ბუნებრივად, ბუნებრივად, მის ნაწარმოებებში, მიუხედავად იმისა, რომ ა. ტოლსტოი საერთოდ „წმინდა ხელოვნების“ პოზიციებზე იდგა, მკაფიოდ იგრძნობდა თანამედროვეობის მწვავე პრობლემები, ცხადი მოქალაქეობრივი ტენდენცია. სწორედ ამ ტენდენციით არის, უწინარეს ყოვლისა, საინტერესო და ღირსშესანიშნავი მისი „თავადი სერებრიანი“.

რომანში ტოლსტოი ივანე მრისხანეს ზატაეს, როგორც ბოროტი საწყისის სიმბოლოს რუსეთის ისტორიაში, ბიუროკრატული სახელმწიფოს ფუძემდებელს. მის ეპოქასა და თვით მეფის პიროვნებაში მწერალი ზედაც მარცვლებს ბევრი ისეთი მოვლენისას, რომლებიც მის თანამედროვე რუსულ სინამდვილეს განაპირობებდნენ. მწერალი გვიზიარებს მღელვარე ფიქრებს ივანე მრისხანის ტირანის წარმოშობის, მისი პოლიტიკური და ეთიკური შედეგების შესახებ, ზატაეს იმ ეპოქაში გაბატონებული შიშის, უმწიფობისა და მონური თვინვარების მძიმე ატმოსფეროს, ცხადად გვეგრძობინებს რაოდენ შეურაცხყოფს და ამდაბლებს ადამიანის ღირსებას ძალადობა და უსამართლობა. მაგრამ როცა ამ რომანს ეცნობოდა, მკითხველს ისიც ახსენებოდა, რომ ეს სკავისი ამბები ნიკოლოზ პირველის თვითმპყრობელური ტერორის მძინვარების პერიოდშიც ხდებოდა რუსეთში და, ამრიგად, თავისთავად იმსჯვლებოდა ფიქრით, რომ წარსულის მოვლენები XIX საუკუნის 60-იანი წლებისთვისაც აქტუალური იყო.

„თავადი სერებრიანი“ გამოსვლისთანავე ერთხმად აითვალისწინა ყველა მიმართულების რუსულმა კრიტიკამ. იგი ვერავითარ ღირსებას ვერ ხედავდა მასში და „მკრთალ რომანს“, „საერთოდ არაისტორიულ რომანს“, „ალაგალაგ ოსტატურ, მაგრამ უპირატესად ხელოვნურ თხზულებას“ უწოდებდა ამ ნაწარმოებს. მაგრამ, მიუხედავად ამისა, რომანმა გამოსვლისთანავე მოიპოვა უდიდესი პოპულარობა, განსაკუთრებით მკითხველთა დაბალ ფენებში. ეს ამბავი ძალიან აბრაზებდა კრიტიკას, რომელიც თავდაპირველად „ცუდ გემოვნებას“ აბრალებდა მკითხველთა მასას, უფრო მოგვიანებით კი ღვარძლიანად წერდა (რეაქციული ჟურნალის ფურცლებზე): „შეძლება გიფვარდეს უბრალო ხალხი, შეიძლება თანავგრძნო მის მძიმე ზვედრს, მაგრამ არა გვერდია ისიც შეიძლებოდა, რომ მასში ლიტერატურული მსაჯული დაინახო“. ამ უნებლიე აღარებიდან საყვებით ცხადია, რომ ტოლსტოის ეს ვითომდა „მკრთალი რომანი“ ამკარად პოლიტიკური ზანსიათის ენებებს აღვივებდა თვითმპყრობელურ რუსეთში, ეს კი მისი უდავო გამარჯვება იყო. რომანი ბარე სამოცდაათჯერ გამოიცა სრულად თუ შემოკლებით, ახალგაზრდობისთვის თუ „სახალხო“ გამოცემების სახით, მრავალჯერ იქნა ინსცენირებული და ოპერის ლიბრეტოდაც გამოიყენეს.

რა თქმა უნდა, სწორი არ იქნება ამ რომანის მნიშვნელობის გაზევალება, მას უდავოდ გააჩნია არსებითი ნაკლოვანებები, როგორც მხატვრულ კმნილებას. კერძოდ, რომანში ხაკმაოდ იგრძნობა სენტიმენტალური მელოდრამის ნიშნები, თეატრალურ-დეკორაციული სამკაულები, აშკარად სტილიზებულია და მხატვრულად დაუსრულებელი ნიკიტა სერებრიანის, ელენა მოროზოვას და ზოგიერთი სხვა პერსონაჟის სახეები და ა. შ. მაგრამ რომანი მაინც იზიდავს მკითხველს და ამის მიზეზია არა იმდენად მისი ოსტატური კომპოზიცია და ღიდად საინტერესო ფაბულა, არამედ, უპირველეს ყოვლისა, მისი კეთილშობილური ტენდენცია და მწერლის ღრმა მოქალაქეობრივი გულწრფელობა, მისი ჰუმანიზმი. მკითხველი გულით იზიარებს იმ განაჩენს, რომლითაც ეს წიგნი სამარცხუინო ბოძზე აკრავს ბოროტებასა და მტარეალობას, მონურ ქედმოზრასა და პირმოთნეობას, ბოროტებისადმი გულგრილობას, ყოველივეს, რაც სულიერად ამახინჯებს და აშორიშორებს ადამიანებს.

**შოთა სულაბერიძე**

## შ ე ნ ი შ ვ ნ ე ბ ი

რომანი „თავადი სერებრიანი“ პირველად გამოქვეყნდა ჟურნალ „რუხსკი ვესტნიკში“ 1862 წელს.

რომანის წერა ა. კ. ტოლსტოიმ ჯერ კიდევ 1840-იანი წლების დასასრულს დაიწყო, მაგრამ მალე მიაწეხა თავი ამ სიუჟეტის დამუშავებას და მხოლოდ 1850-იანი წლების დასასრულს მიუბრუნდა მას. 1856 წლის ბოლოს „თავადი სერებრიანი“ დაწერილი იყო, მაგრამ ჯერ კიდევ არ აკმაყოფილებდა ავტორს. რომანი საბოლოოდ დასრულდა მხოლოდ 1862 წლის გაზაფხულზე, ხოლო 1862 წლის ივლისში ავტორმა ხელნაწერი დასაბუჟდად გადასცა ჟურნალ „რუსსკი ვესტნიკს“ იმ პირობით, რომ მასში „არც ერთი სიტყვა არ შეეცვალა ან არ ამოეშალა ცენზურას“.

ისტორიული წყაროებიდან, რომლებითაც სარგებლობდა ტოლსტოი რომანზე მუშაობისას, ძირითადი იყო ცნობილი რუსი ისტორიკოსის ნ. შ. კარამზინის ფუნდამენტური თორმეტტომიანი შრომა — „რუსეთის სახელმწიფოს ისტორია“, რომელსაც ემყარება როგორც პუშკინის „ბორის გოდუნოვი“, ასევე გასული საუკუნის 30 — 50-იანი წლების რუსული ისტორიული ბელეტრისტიკის ნაწარმოებთა უმრავლესობა.

კარამზინის ნაშრომიდან აიღო ტოლსტოიმ არა მარტო მთელი ფაქტიური ჩონჩხი, არამედ, აგრეთვე, ბევრი ცალკეული ეპიზოდიც (ალექსანდრეს სლობოდაში მეფის გამგზავრებისა და ოპრიჩინის დაწესების ამბავი, ალექსანდრეს სლობოდისა და მეფის სასახლეში გამართული ნადიმის აღწერა, დათვან ჭიდილის სცენა, სიკვდილით დასჯის სურათი, ციმბირის დაპყრობის ამბავი და ა. შ.). რიგ შემთხვევაში რომანის ქსოვილში ჩართულია მხოლოდ ოღნავ შეცვლილი ტექსტი კარამზინისა.

გაცილებით მეტია იმ წყაროების რიცხვი, რომელთაგანაც ამოკრია მან ყოფითი, ეთნოგრაფიული და არქეოლოგიური დეტალები და ფოლკლორული მასალა, რომლებიც უხვადაა გამოყენებული რომანში. ეფიქრობთ, ქართველი მკითხველისთვის უინტერესო არ იქნება იმის ცოდნა, თუ რა წყაროები იყო ეს, თუნდაც იმისთვის, რომ გაითვალისწინოს, რა მდიდარი მასალა იყო მწერლის განკარგულებაში, როცა ისტორიული თემის დამუშავებას ჰკიდებდა ხელს. ასე, ზოგიერთი ადამ-ჩვევა, ზღაპარი, სიმღერა, შელოცვა და ა. შ. აღებულია ი. პ. სახაროვის კრებულებიდან: „რუსი ხალხის თქმულებები“, „რუსი ხალხის სიმღერები“ და „რუსული ხალხური ზღაპრები“; რომანის ზოგიერთი ეპიზოდის მასალა ამოკრეფილია ა. ვ. ტერეშჩენკოს ნაშრომიდან „რუსი ხალხის ყოფა“; დანარჩენ წყაროებს თვითონ ტოლსტოი ჩამოთვლის მოგვიანებით „ტრაგედია „ივანე მრისხანის სიკვდილის“ სცენაზე დადგმის

პროექტი“<sup>4</sup>, რომელშიც მითითებულია: ფ. გ. სოლნცევის „რუსეთის სახელმწიფოს სიძველენი“, „რუსეთის ჯარების ტანსაცმლისა და შეიარაღების ისტორიული აღწერა, შედგენილი... ა. ვ. ვისკოვატოვის მიერ“, ი. ე. ზაბელინის პონოგრაფია „რუსეთის მეფეების ოჯახური ყოფა“ და ნ. ი. კოსტომაროვის „ველიკორუსი ხალხის ოჯახური ცხოვრება და ჩვევები XVI—XVII საუკუნეებში“.

ბუნებრივია, რომ შუა საუკუნეების რუსეთის ზნეობრივ-რელიგიური წარმოდგენების აღწერისას ტოლსტოი მიმართავს სახარებასა და ბიბლიას. კერძოდ, ციკატებს მათგან ხშირად იყენებენ საუბარში ივანე მრისხანე და „თავად სერებრიანის“ სხვა პერსონაჟები.

რომანში ისტორიულ პერსონაჟებთან ერთად მოქმედებენ გამოგონილნიც; გამოგონილ პერსონაჟებსა და სიტუაციებს ემყარება სიუჟეტის მთელი სასიყვარულო ხაზი. ამ გამოგონილ პერსონაჟებს, ყოველ შემთხვევაში, უმთავრესებს მაინც, ისტორიული გვარები აქვთ მიცემული (სერებრიანი, მოროზოვი).

ტოლსტოის რომანის საფუძველზე მრავალი ინსცენირება დაიწერა. ამ ინსცენარებებიდან ზოგიერთი სულაც აკრძალეს, ზოლო ზოგი ნებადართულ იქნა მხოლოდ საიმპერატორო, და არა პროვინციული ან სახალხო თეატრებისთვის; ბევრი ნებადართული იყო შემოკლებებით; მაგრამ ნებადართულ ინსცენირებებიდანაც კი ყველა არ დადგმულა სცენაზე.

1888 წ. ვარშავის საცენზურო კომიტეტმა აკრძალა პოლონეთის მოსახლეობაში „თავად სერებრიანის“ პოლონური თარგმანის გავრცელება.

გვ. 5. ...ვიიანუშქისა და ორივე ბასმანოვის ხიკედლით დახჯა... — ვიანუშქი ათანახე ივანეს ძე, თავადი — ოპრინინის ერთ-ერთი ორგანიზატორი, მეფის შეახტრეტუსუცესი. ეკუთვნოდა შთამომავლობით ბოიართა უმაღლეს წრეს. 1570 წლის ზაფხულში, „ნოვგოროდის დალატთან“ დაკავშირებით, შერისხულ იქნა.

ბასმანოვები — მამა და შვილი. ალექსი დანიელის ძე — ბოიარი და ოკოლნიჩი, ყაზანის, ნარვის, პოლოცკის აღების მონაწილე, ერთ-ერთი უთვალსაჩინოესი ოპრინიკი; თევდორე ალექსის ძე — მეფესთან დაახლოებული პირი. ნოვგოროდზე გალაშქრების შემდეგ, 1570 წ., ბასმანოვებს დალატი დააბრალეს და ზოგი ცნობით — სიკვდილით დასაჯეს, სხვა ცნობებით კი — ბელოზერსკში გადაასახლეს და იქ გარდაიცვალნენ.

...რაც ხილვესტრიხა და ადაშევის დამზობას მოჰყვა... — სილვესტრი და ადაშევი — ეგრეთ წოდებული „რჩეული რადის“ (ივანე მრისხანესთან დაახლოვებულთა წრის) უთვალსაჩინოესი წევრები, რომლებიც ქვეყნის არაოფიციალური მმართველები იყვნენ 1547—1560 წწ. პერიოდში; სილვესტრი — კრემლის ზარების ტაძრის დეკანოზი, ივანე მრისხანის სულიერი მამა, რომელიც უდიდესი გავლენით სარგებლობდა მეფეზე. „რჩეული რადის“ დამზობის შემდეგ, 1560 წ., ბერად აღკვეცეს ბელოზერსკის მონასტერში, მოგვიანებით კი დედოფალ ანასტასიას მოწამულაში დასდეს ბრალი და სოლოვეცის მონასტერში გადასახლეს, სადაც გარდაიცვალა კიდევაც; ადაშევი ალექსი თევდორეს ძე — სახელმწიფო მოღვაწე, ვოევოდა და დიპლომატი; 1560



წლის ზაფხულში შერისხულ იქნა, დააპატიმრეს და მალე გარდაიცვალა ქალაქ ლიეონის იურიევში.

...პეტრის მეტყველია თვითონ იოანეს დახასიათებისთვის... — ივლისხმება ივანე IV მრისხანე (დაიბ. 1530 წ. 25 აგვისტოს — გარდ. 1584 წ. 18 მარტს). — 1533 წლიდან — დიდი მთავარი, ხოლო 1547 წლიდან — „მეფე და დიდი მთავარი სრულიად რუსეთისა“ („რუსეთის მეფე“ თავდაპირველად მისმა პაპმა, ივანე III უწოდა თავის თავს, მაგრამ ივანე მრისხანემ ოფიციალურად დაირქვა ეს ტიტული და საზეიმოდ ეკურთხა კიდევ კრემლის მიძინების ტაძარში).

გვ. 7. დასაბამითგან სოფლისა შვიდი ათას სამოცდაცამეტ, ანუ ქრისტეს შობით 1565 წელს... — 1700 წლის. 1 იანვრამდე რუსეთში მიღებული იყო წელთაღრიცხვა „დასაბამითგან სოფლისა“, რაც, თანახმად ბიბლიური ლეგენდისა, მოსდა 5508 წელს ქრისტეს დაბადებამდე, ე. ი. ახალი ერის დასაწყისამდე.

ბოიარი — მსხვილი მიწათმფლობელი, ფეოდალური საზოგადოების უმაღლესი წრის წარმომადგენელი რუსეთსა და რუმინეთში; მე-15 საუკუნის რუსეთში — აგრეთვე კარისკაცთა უმაღლესი ჩინი, რომელიც ბოიართა ღუმაში (საკრებულოში) მონაწილეობის უფლებას იძლეოდა. ბოიარობის წოდება გააუქმა პეტრე პირველმა, რომელმაც 1711 წელს მოსპო „ბოიართა ღუმა“ და მის ნაცვლად შექმნა სენატო.

...თავადმა ნიკიტა რომანოვიმ ხერებრიანიმ — თუმცა რომანის მთავარი გმირი გამოვლილია პერსონაჟთა, მაინც საინტერესოა ზოგი ცნობა თავად ხერებრიანებზე, როგორც XVI საუკუნეში უწოდებდნენ თავად ობოლენსკებას გვარის ზოგიერთ წარმომადგენელს. პირველი, ვინც „ხერებრიანის“ ზედწოდებას ატარებდა, იყო სიმონ დიმიტრის ძე (გარდ. 1535), რომელმაც ორი ვაჟი დატოვა — პეტრე და ვასილი. ისინი მეფის კარზე იზრდებოდნენ და მონაწილეობდნენ ივანე მრისხანის ლაშქრობებში (ყაზანის აღებაში, ლიეონის ომში, პოლოცკზე ლაშქრობაში 1563 წ.). პეტრე სიმონის ძე ხერებრიანი („მამაცი და მდიდარი კაცი“, კურბსკის სიტყვებით) 1570 წ. ზაფხულში მოკლეს მეფის ბრძანებით (ერთ-ერთი ცნობით, პ. ხერებრიანის სახლს მოსკოვში ალყა შემოარტყა ათას ხუთასმა ოპრინიკმა და მოისარმა და იერძით აიღო, რის შემდეგაც თავადი ალექსანდრეს სლობოდაში ჩაიყვანეს და იქ თავი მოკვეთეს).

ვასილ სიმონის ძე ხერებრიანი 1565 წ. მონაწილეობდა პოლონელებთან საზაუო მოლაპარაკებაში; სიგელს, რომელშიც ლაპარაკია ომის განგრძობაზე, მისი ხელმოწერა აქვს.

მიუხედავად იმისა, რომ თავად პეტრე და ვასილ ხერებრიანების ბიოგრაფიებს ზოგიერთი მსგავსება აქვს რომანის გმირის ბიოგრაფიასთან, რუს ლიტერატურათმცოდნეთა აზრით, მაინც არ შეიძლება მათი მიჩნევა ნიკიტა ხერებრიანის ისტორიულ პროტოტიპებად.

ვიკიგონტი — პოლონეთის მეფე და ლიტვის დიდი მთავარი სიგიზმუნდ II ავეუსტუსი (1520 — 1572).

...დიაკი — თანამდებობის პირი, მდივან-მწიფნობარი, რომელსაც ევალებოდა ამა თუ იმ უწყების (ეგრეთ წოდებული „პრიკაზის“, ანუ დღევანდელი

სამინისტროს) საქმეთა წარმოება; აგრეთვე, მეფის ბიუროკრატის ერთ-ერთი უმაღლესი წარმომადგენელი XVI – XVII საუკუნეებში, „პრიკაზის“ ან სახელმწიფო მმართველობის სხვა ორგანოს ხელმძღვანელი.

...სხვიმი – წოდებრივ-წარმომადგენლობითი დაწესებულება ფეოდალურ პოლონეთში.

გვ. 8. ...ვიღონო – ლიტვის დედაქალაქის (ვილნიუსის) ადრინდელი სახელწოდება. იმ პერიოდში ლიტვას დიდი სამთავრო და პოლონეთის სამეფო ერთიანებული იყო.

გვ. 9. აგრაფინობა – ქრისტიანული დღესასწაული, წმინდა მოწამე აგრაფინას დღე, რომელიც მოდიოდა ივანე ნათლისმცემლის დღესასწაულის, ე. წ. ივანობის წინდღივ, 23 ივნისს (ძვ. სტილით).

გვ. 10. ხონლული – ყველაზე ძვირფასი მონადირე ფრინველი, საშუალო სიდიდისა, შევარდნისებრთა ოჯახის წარმომადგენელი; იგი არასოდეს არ იტაცებს ნადვლს მიწიდან, არც ჰაერში არ იჭერს მას, არამედ ზემოდან ვარდნით უტევს და ნისკარტით, ბწყალით უმტვრევს ფრთას სახსართან.

...ზვინული – აქ: ქობის გარე კედლების გაყოლებით შემოყრილი მიწა დასათობად.

...თაფლუჭი – მათრობელა სასმელი, რომელსაც ამზადებდნენ თაფლის, წყლის, სვიის თესვებისა და სანელებლებისაგან; თუ მას გამოხდიდნენ კენკროვანებთან ერთად, მაშინ ღებულობდნენ კენკროვან თაფლუჭებს: ყოლოსას, აღუბლისას და ა. შ.

...ოპრიჩინა – ივანე შრისხანის მეფობისას: სახელმწიფოს ნაწილი, სტრატეგიულად ყველაზე მნიშვნელოვანი, ყველაზე მდიდარი და მჭიდროდ დასახლებული ტერიტორია, საიდანაც გასახლებულ იქნენ მსხვილი ფეოდალები – ბოიარები, – და რომელიც უშუალოდ მეფის მართებლობაში იმყოფებოდა, მისი დასაყრდენი იყო ძლიერი ცენტრალური ხელისუფლების შექმნისათვის ბრძოლაში; ოპრიჩინა ეწოდებოდა აგრეთვე ამ პერიოდის სპეციალურ მეფის ჯარს.

ოპრიჩინის წარმოქმნას ჩულებრივ უკავშირებენ (და რომანშიც ასეა მოთხრობილი) ივანე შრისხანის მოულოდნელ გამგზავრებას ალექსანდრეს სლობოდაში 1564 წლის 3 დეკემბერს. მართალია, ეს მოჩვენებითი „ტახტიდან გადადგომა“ ნამდვილად შეიძლება ოპრიჩინის დაწესების ოფიციალურ თარიღად მივიჩნიოთ, მაგრამ მისი ფორმირება დაიწყო უფრო ადრე, როცა მოიხმეს „ყველა ქალაქიდან“ მსახურეული ხალხი, რომლებმაც ოპრიჩინის ბირთვი წარმოქმნეს და თან გაყვენენ მეფეს ალექსანდრეს სლობოდაში.

...შემშინა – ძველ რუსეთში ასე ეწოდებოდა სამოქალაქო მოსახლეობას; ივანე შრისხანის დროს კი – ეს იყო სახელმწიფოს ნაწილი, უმთავრესად განაპირა რაიონები, რომელიც ბოიარების მართებლობაში გამოჰყო მეფემ, ოპრიჩინისაგან განსხვავებით.

გვ. 11. ...ახულების... შამასახლისები – გლეხთაგან არჩეული თანამდებობის პირნი, ქვეხები, რომლებიც საპოლიციო ზედამხედველთა მოვალეობას ასრულებდნენ და სოფლის სასამართლოს განაგებდნენ; გუბების შამასახლისები – ხისხლის სამართლის საქმეთა მოსამართლენი „გუბის“ – სასამართლო ოკრუგის – მასშტაბით მოსკოვის სახელმწიფოში.

გვ. 18. ბურლაკები — არტელად გაერთიანებული მუშები, რომელსაც ბავრიით დაჰყავდათ გემები მდინარეებზე დინების საპირისპირო მიმართულებით.

გვ. 20. ჯერზნობით ვანოუხა პერსტენი ვარ — „პერსტენი“ რომანის ერთ-ერთი მთავარი გმირის — ივან კოლცოს — შერქმეული გვარია; რუსული „პერსტენი“ ქართულად „თელიან ბეჭედს“ ნიშნავს.

გვ. 21. ვოველ ქუჩაზე ხარიხების შეხსნა რომ გაგაფანალებდა? — მოსკოვეში ღამით თავისუფალი მიმოსვლა აკრძალული იყო და ქუჩები ვადლობილი იყო ხარიხებით — ჯვარედინად შეკრულ პალოებზე გადებული ძელით.

...თანაც ხწორედ ახლა, ივან კუპალას დღესასწაულის წინაღამით. — კუპალა — ასე უწოდებდნენ რუსეთში იოანე ნათლისმცემელს, რადგან რუსი ხალხის წარმოსახვაში ქრისტეანული ნათლისღება ასოცირებულ იქნა ბანაობასთან („კუპანიე“ — აქედან „კუპალა“); რუსული ხალხური ცრურწმენით, ღამე, რომელსაც მოსდევს იოანე ნათლისმცემლის შობის დღე, ე. ი. ივანობა (ძვ. ხტილით 24 ივნისი — ახ. სტ. 7 ივლისი), — გრძნეულობებისა და სხვადასხვა უცნაური მოვლენების დროა.

გვ. 23. მურმოლაკა ქელი — ქელი, რომელიც ხშირად იხსენიება რუსულ ზღაპრებსა და სიმღერებში.

გვ. 24. გრიაზნოები — მრავალშტოვანი, მაგრამ უჩინო აზნაურული გვარი, რომელსაც ეკუთვნოდა რამდენიმე თვალსაჩინო ოპერინიკი.

ხკურატოვი — მალიუტა-გრიგოლ ლუკიანეს ძე ხკურატოვ-ბელსკი, ოპერინინის ღუმის აზნაური, ივანე პრისხანის ერთ-ერთი უახლოესთაგანი და განსაკუთრებით სანდო პირი, მასობრივი სიკვდილით დასჯის ხელმძღვანელი და მრავალი სასიკვდილო განაჩენის ამსრულებელი. ხალხის მესხიერებაში, რუსულ ფოლკლორში მალეუტას სახელი დიდხანს დარჩა მტარეალობის სინონიმად.

გვ. 26. ოქროს გრიენები მოჩანს! — აქ: ოქროს სამკაული, ვადასახსნელი შედარებით, ველზე ჩამოსაკიდი; იგივე იყო, რაც ახლა ორდენი; მეფე, ჩვეულებრივად, განსაკუთრებული დამსახურებისათვის ოქროს გრიენით ასაჩუქრებდა ხოლმე თავის ამა თუ იმ მსახურს.

გვ. 28. იაუზა და ნეგლინაია — მდინარეები.

კიტაი-გოროდი — მოსკოვის უძველესი გარეთუბანი, ეკატარ-ბელოსნათა რაიონი, რომელიც კრემლის მახლობლად წამოიხარდა. მე-16 ს-ში კიტაიგოროდმა თანდათანობით დაკარგა მხოლოდ და მხოლოდ ვაჭრულ-ხელოსნური დანიშნულება, ივანე პრისხანის დროს აქ სახელმწიფო დაწესებულებათა შენობებიც ააგეს. მისი სახელწოდების წარმოშობის საკითხი ახლაც სადავოა.

...ღუთისმშობლის ტაძარი — ტაძარი მოსკოვში, წითელ მოედანზე, რომელიც აგებულ იქნა 1555 — 1560 წწ.-ში. ახლა ცნობილია ვასილი ნეტარის ტაძრის სახელით.

...ფაზანის აღების აღსანიშნავად — იგულისხმება ქალაქ ფაზანის აღება და ფაზანის სახანოს მიერთება რუსეთთან 1552 წელს.

გვ. 29. ოკოლნიჩი — ერთ-ერთი უმაღლესი ჩინი მეფის კარზე მოსკოვის სახელმწიფოში.

გვ. 32. არა მარტო ვიაზემსკი დაუსვა წინ, არამედ გოდუნოვიც... —

XVII ს-ის ბოლომდე მოსკოვის სახელმწიფოში, თანახმად დამკვიდრებული ჩვეულებისა, სხდომებზე, საზეიმო ცერემონიებზე და ნადიმებზე ადგილს იკავებდნენ გვარის სიმედიისა და დიდებულების მკაცრი შესაბამისობით: რაც უფრო ძველი გვარისა იყო ესა თუ ის დიდებული, მით უფრო ახლოს ჯდებოდა მეფესთან.

...შორსუი ბორის ფილორიჩის სამსჯავროს გადასცა... — სასჯელის ერთ-ერთი ფორმა ძველად: დამნაშავე ვალდებული იყო დამცირებით ეთხოვა პატიება იმისთვის, ვის ხელშიც გადასცეს, ან არადა დაისჯებოდა ისე, როგორც ეს უკანასკნელი მოისურვებდა.

...კისერსმალიღებული — ქედღადრეკილი, პატიების მოხოვნელი.

...დადიოდა... ფლასით მოხილი — შერისხული ბოიარები თმას იზრდიდნენ და ფლასს — სამგლოვიარო თალხ სამოსელს იცამდნენ.

გვ. 33. ბალჩუგზე — ქუჩა მოსკოვ-მდინარის ნაპირზე, ეგრეთ წოდებულ „ზამოსკოვრეჩიეში“, სადაც ბონდის ხიდი იყო, რომლითაც კიტაი-გოროდისა და კრემლის კედლებთან გადმოდიოდნენ.

გვ. 34. დიდი პოლკიდან — დიდი პოლკი — მთავარი ძალები, რომლებსაც ყველაზე მნიშვნელოვანი უბნები ეკავათ. ავტორის მხედველობაში აქვს დიდი პოლკი, რომელიც ლიტვაში იდგა, საიდანაც სერებრიანი დაბრუნდა.

გვ. 37. ბელტების შერხი — ბელტებით, ბალახიანი მიწის ნაჭრებით დაფენილი მერხი.

...კოკოშნიკი — ძველებური, უპირატესად ჩრდილორუსული, ქალის თავსაბურკელი, ქართული ჩიხტისმაგვარი, — შუბლზე გასაკეთებელი სამკაულებიანი რკალი ან მარაო.

...წმინდანის ხატი... პერანგიანი! — ლითონის (სპილენძის, ვერცხლის ან, იშვიათად, ოქროსი) ჰეღური საფარველი, რომელიც მთლიანად აქვს გადაკრული ხატს და მხოლოდ სახისა და ხელის მტეელების ადგილას არის ამოჭრილი.

...„ოჰ, ნეტავი ყინვა ვარდებს არ აზრობდეს...“ — რუსული ხალხური სიმღერა.

გვ. 38. „პანტელეი-ბატონი დადის ეზოში...“ — რუსული ხალხური სიმღერა.

გვ. 40. ამალღების სწორზე... — აღდგომის შემდეგ რიცხვით მეშვიდე ხუთშაბათს, ე. ი. ამალღების სწორზე, რუსეთში აღნიშნავდნენ ქრისტიანულ ხალხურ დღესასწაულს გარდაცვლილთა სულების თავყანსაცემად, ეგრეთ წოდებულ „სემიკს“, როცა ირთებოდნენ არყის ხის ტოტებით, ფერხულს აბამდნენ, მარჩიელობდნენ და ა. შ.

ივანე კუპალას დღესასწაულზე... ჩაღუნებიდან შორს იტყუებენ ადამიანებს... — ივლისხმება რუსული ხალხური ცრურწმენა, რომ ჩაღუნა ჰყვავის მხოლოდ ერთხელ, სულ ერთი წამით, ივანობის წინა ღამეს. სასწაულებრივი ყვავილის მოწყვეტა ერთობ ძნელია, მით უფრო, ამას ხელს უშლის მანვე ძალა. სამაგიეროდ, იმას, ვინც მის მოწყვეტას შეძლებს, ყველა სურვილი უსრულდება.

ალღების კვირიაკე — სული წმინდის მოფენის წინა დღე.

გვ. 41. ახლა შობის დღეები არ არის! — შობა — რელიგიური დღესასწაულია ქრისტეს დაბადების აღსანიშნავად (25 დეკემბერი ძვ. სტილით), შო-

ბის დღეებში (25 დეკემბრიდან 7 იანვრამდე ძვ. სტილით) აკრძალული იყო ქორწინება და, საერთოდ, სამიჯნურო ურთიერთობა.

გვ. 43. შორენკეცის საწოლი — შორენკეცი — ჭრელი აგური; რუსეთში, სადაც ზამთარში მაგარი ყინვები იცის, ჩვეულებრივ, ისე აგებდნენ ღუმელს, რომ მისი ერთი ფრთა საწოლად გამოეყენებინათ (ვახურებული აგური დიდხანს ინარჩუნებს სითბოს).

გვ. 47. თავადი ოზობლენსკი-ოჟნიან — ბოიარი. იგი წაეკიდა ფიოდორ ბასმანოვს და ამ უკანასკნელმა მეფესთან დააბეზლა. ნადიმზე ღიმიტრი ოჟნიანს შეასვეს თაფლუჭი დიდი თასით, რის შემდეგაც მეფემ სარდაფში ჩაგზავნა, სადაც მეძაღლეებმა დაახრჩვეს.

ბოიარი მიხაილო რუხინი — ძველი თავადური გვარის წარმომადგენელი. 1558 წლიდან იყო ლივონიის ვოევოდა. კურბსკის ნაამბობით, მეფემ სასახლეში მიიწვია მასკარადზე და ძალით გაუკეთა ნიღაბი, რომელიც რუხინმა მოიგლიჯა და ფეხებით გათელა. რამდენიმე დღის შემდეგ მეფის ბრძანებით იგი მოკლეს ეკლესიაში.

თხემ-ადგილზე... — შემადლებული ადგილი, სადაც სიკვდილით სჯიდნენ დამნაშავეებს, ან კიდევ საჯაროდ აცხადებდნენ მეფის ბრძანებებს.

...ეხედავ, დიდი შფოთვა-წრიალია გარეთ. — 1564 წლის 3 დეკემბერს ივანე IV ოჯახითა და აზნაურთა შეიარაღებული რაზმით მოსკოვიდან გაემგზავრა ალექსანდრეს სლობოდაში და გზიდან შემოთვალა, რომ ტახტზე უარს ამბობდა.

გვ. 48. საგანგოთა მოხელენი — მმართველობის ამა თუ იმ დარგის საგანგებლო დაწესებულებათა, საბრძანებლო უწყებათა ანუ, როგორც დღეს ვუძახით, სამინისტროთა მოხელენი.

ყოვლადუსამღვდელოესობა — მოსკოვის მიტროპოლიტი.

ღუმა — ბოიართა საკრებულო მოსკოვის რუსეთში.

სლობოდა — ძველ რუსეთში: დიდი სოფელი, რომელშიც თავისუფალი მოსახლეობა ცხოვრობდა; ასევე ეწოდებოდა აგრეთვე, ქალაქის მეზობელ დასახლებას, გარეუბანს.

გვ. 50. ბორის გოდუნოვი (1552 — 1605) — დიდებულთა გვარის წარმომადგენელი, რომელიც ივანე მრისხანის სამეფო კარზე აღიზარდა; ცოლად ჰყავდა მალიუტას ქალიშვილი. შემდეგში — ოპრიჩინის აქტიური მოღვაწე, თვედორე ივანეს მის დროს სახელმწიფოს ფაქტიური გამგებელი; 1598 წ. არჩეულ იქნა მეფედ.

გვ. 51. რიაზანის მიწა-წყალზე ვირიშელთა თავდასხმები... — იგულისხმება ყირიმის ხანის დევლეთ-გირეის ამაოხრებელი თავდასხმები მოსკოვის სახელმწიფოს სამხრეთ მხარეებზე. ეს თავდასხმები, რომელთა მიზანიც იყო რუსეთზე ლიტველთა შემოტევის მხარდაჭერა, იძულებულს ხდიდა მოსკოვს ერთდროულად ორ ფრონტზე ეწარმოებინა ბრძოლა.

ლიტველებთან ომის ამბებს ეკითხებოდა... — ლაპარაკია პოლონეთისა და ლიტვის დიდი სამთავროს წინააღმდეგ საომარ მოქმედებაზე (რაც 1558 — 1583 წწ. ლივონიის ომის ნაწილს შეადგენდა), რომლის მიზანიც იყო რუსეთთან ბალტიისპირეთის შემოერთება და ბალტიის ზღვაზე გასვლა.

მწარედ ჰკიცხავდა კურბსკის მტერთან გაქცევისათვის. — ანდრია მიხე-

ოლის ძე კურბსკი (1528 – 1583), თავადი, პოლიტიკური მოღვაწე, „რჩეული რადის“ წევრი, კონსერვატიული ბოიარების იდეოლოგი, არისტოკრატიული მონარქიის მომხრე. თავი გამოიჩინა როგორც მხედართუფროსმა ყაზანის აღებისას და ლივონიის ომში ბრძოლების დროს; 1560 წლიდან – მთავარსარდალი ლივონიაში. 1564 წ. 30 აპრილს კურბსკი პოლონეთში გაიქცა ლივონიის იურიდიულად და იმავე წელს სარდლობდა პოლონელთა ერთ-ერთ არმიას, რომელიც რუსეთის წინააღმდეგ მოქმედებდა. დაწერა ცნობილი ოთხი მამხილებელი „მიმართვა“ იოანე მეოთხისადმი.

გვ. 53. როგორც ვრამა იგი მსურვალე ხაიურედან... – იგულისხმება გერცელეუბელი ბიბლიოფილ ლეგენდა სამ იუდეველ ბიჭუნაზე, რომლებიც ბაბილონის მეფე ნაბუქოდონოსორმა წაიყვანა და ქალღმერთ სკოლებში აღიზარდნენ. კერპების თაყვანისცემაზე უარის თქმისათვის ისინი გახურებულ საკირში ჩაყარეს, მაგრამ სასწაულებრივად გადარჩნენ.

გვ. 55. ხაშების ლავრა – მონასტერი, რომელიც დაახლოებით 1340 წ. იქნა დაარსებული. უკვე XV ს-ში მონასტერი იქცა უმსხვილეს ფეოდალ-მინათმფლობელად და უმნიშვნელოვანეს პუნქტად მოსკოვის დაცვის სისტემაში. 1540 – 1550 წწ.-ში მონასტრის ირგვლივ ააგეს ქვითი კედელი, რამაც სიმაგრედ აქცია იგი.

კორაბლენიკი – ძველებური ოქროს ან ვერცხლის მონეტა (ინგლისური ან ფრანგული) ხომალდისა და ვარდის გამოსახულებით.

გვ. 56. „სლობოდა“, რომელიც ძველად „თავისუფლებას“ ნიშნავდა – რუსული „სლობოდა“ იგივეა, რაც „სვობოდა“ (თავისუფლება).

...ჩვენი შეისტორიე – ნ. მ. კარამზინი, ცნობილი რუსი ისტორიკოსი.

გვ. 57. კვლარი – ბერი, რომელიც განაგებდა სამონასტრო მეურნეობას და მონასტრის საერთო საქმეებს.

პარაკლისიარქი – დაბალი ჩინის ბერ-მონაზონი, მნათე, ეკლესიაში სანთლებისა და კანდელების ამანთებელი ხატების წინ.

გვ. 61. ალაპის წიგნი – წიგნი, რომელშიც აღნიშნულია ეკლესიის ან მონასტრის შემოქმედებულთა სახელები, აგრეთვე ის, რაც შემოსწირეს, და მოხსენიების წესი; ივანე მრისხანემ ბრძანა ალაპის წიგნებში ჩაეწერათ სიკვდილით დასჯილნი, „ორიონინის მიერ მოკვდინებულნი“, და მათ მოსახსენიებლად მდიდარ შეწირულობებს უგზავნიდა ეკლესია-მონასტრებს. ერთ-ერთ ასეთ წიგნში ჩამოთვლილია 720 გვარი და სახელი. ხშირად არის ასეთი ჩანაწერებიც: „გუშინ უგლოვი მოკვდინებული 19 კაცი მართლმადიდებელი ქრისტიანი“; „ნოვგოროდში მოკვდინებული 15 დედაკაცი, ამბობენ, კუდიანები იყვნენ“. ასეთი ჩანაწერები იოანეს ალაპის წიგნებში იმდენად ხშირია, რომ ამგვარი საერთო შენიშვნა აქვთ ხოლმე დართული: „ხოლო სადაც სწერია 10 ან 20, ან 50, ისინიც მოიხსენიეთ; შენ, უფალო, თვითონ იცი მათი სახელები...“.

ალაპის წიგნებში არის ჩანაწერები, რომ „ნოვგოროდში გაგზავნილმა მალეუტამ მოაკვდინა 1490 კაცი“, 190 ფსკოველი ცოლებითა და შეილებით შეიპყრეს და მოკლეს მოსკოვისაკენ გზად მომაკვებმა, 30 კაცი დაწვეს ტორტოკში, ხოლო „ბუჟეცკის ვერხში მოკლეს 65 კაცი, 12 კაცს ხელი მოაკრეს...“.

მესუფრე — („ისტორიკა“) — მოსკოვის რუსეთში: ბოიარზე ერთი საფეხურით დაბლა მდგომი კარის დიდებული; თავდაპირველად: კარისკაცი, რომელიც მეფის ან მთავრის სუფრას უწევდა მომსახურებას.

გვ. 62. სუზღალი — ერთ-ერთი უძველესი რუსული ქალაქი მოსკოვის ჩრდილო-აღმოსავლეთით, დედაქალაქი ფეოდალური რუსეთის ერთ-ერთი უძლიერესი სუზღალის სამთავროსი, რომელიც XV ს-ში საბოლოოდ შეუერთდა მოსკოვის დიდ სამთავროს.

...ორშუქედ დარბაზში... — სამყოფში, რომელსაც ორ მწკრივად აქვს ფანჯრები დატანებული (საპირისპირო კედლებზე ან ერთ-ერთ კედელზე ერთმეორის ზემოთ).

გვ. 65. რინდა — მეფის მცველი, საჭურველმტვირთველი.

გვ. 66. ჩული — ძველ რუსეთში: ფინური ტომების საერთო სახელწოდება.

გვ. 67. ნიკიტა-სტა — სასახლეში გამართულ ნადიმზე მეფისგან მოკითხულ აზარღემას ან თასს რომ აწვდიდნენ დიდებულ ბოიარს, მის სახელს წარმოთქვამდნენ „სტა“-ს ან „სუ“-ს დართვით. მაგალითად, თუ მისი სახელი იყო ვასილი — „ვასილი-სტა! დიდი ხელმწიფე თასსა გწყალობს“. ის მიიღებდა მოსაკითხს, დასცილიდა ფეხზე წამომდგარი და თავიანთ სცემდა ხელმწიფეს, ხოლო მიმართმევა მოახსენებდა მეფეს: „ვასილი-სტამ შესვა თასი, თავიანთა გცემს“. თუ ეს ბოიარი უფრო ნაკლები დიდებული იყო, მაშინ უწოდებდნენ „ვასილი-სუ“.

გვ. 68. დოლომანი — გრძელი ზედა სამოსი, ფოლაქებით გაწყობილი და მოსიარმული.

გვ. 69. ხოლოვეციის მონასტერი — უმსხვილესი რუსული მონასტერი ჩრდილოეთში. წარმოიშვა 1430-იან წლებში კუნძულ სოლოვეცზე, თეთრ ზღვაში. XVI ს-ის შუა წლებში დიდი ფეოდალური მამულების მფლობელი და მთელი ზღვისპირეთის ეკონომიური და კულტურული ცენტრი გახდა.

გვ. 70. კუნტუში — მამაკაცის ზედა სამოსი, ზოგჯერ ბუნებით გაწყობილი, მოსიარმული, ყურთმაჯუბიანი.

გვ. 78. რომელთა აღიღინ მახვილი, მახვილითა წარწყმდენ — ფრაზა მათეს სახარებიდან.

გვ. 82. ოქროსმეწყვიანი გრიენა უწყალობს შენმა მეფურმა ხელმა. — ახ. 26-ე გვერდის შენიშვნა.

გვ. 83. აჰა ესრა მე და ვრმანი ჩემნი, რომლნი მომნა მე ღმერთმა! — სიტყვები ბიბლიიდან, ისაია წინასწარმეტყველის წიგნიდან, რომლებსაც მართლა წარმოთქვამდა ივანე მრისხანე.

ვითარცა რაქველ სტიროდა შეილთა თვისთა. — იველისხმება ბიბლიური ამბავი პატრიარქ იაკობის ცოლზე; მისი ერთ-ერთი შვილი უფროსმა ძმებმა მონად გაჰყიდეს.

გვ. 84. ტაჯაგანები — ტარიანი მთრახვი სამი ან ოთხი ღეროთი.

გვ. 86. კოლიჩეუები — მრავალრიცხოვანი და განშტოებული ბოიარული ოჯახი, რომლის ერთ-ერთი წარმომადგენელიც, ფილაქე, 1566 წ. მიტროპოლიტი გახდა და ამკარად გამოდიოდა ოპრიჩინინისა და ითანე მრისხანის სიძეცეტა წინააღმდეგ, რითაც შერისხვა დაიმსახურა. კოლიჩევი მალულად მოკლა მალიუტამ 1569 წ., დაიღუპა ამ ოჯახის ბევრი სხვა წევრიც (აღაპას

წუნებში ჩაწერილია ოცამდე კოლინევი, სხვადასხვა დროს სიკვდილით დასჯილი და მოკლული). რომანში კოლინეების საქმის გამოძიება გადმოტანილია 1565 წლისათვის; ნამდვილად კი იგი გაცილებით უფრო გვიან წარმოებდა (1565 წ. ფილიპე ჯერ ისევ სოლოვეცის მონასტრის ილუმენი იყო).

ვ. 91. დიდი მთავარი ვასილ იოანოვიჩი — (1479 — 1533) — 1505 — 1533 წლებში მოსკოვის დიდი მთავარი, ივანე მრისხანის მამა.

ელენა გლინსკაია — ვასილ მესამის მეორე ცოლი (1526 წლიდან), ივანე მრისხანის დედა; ქმრის სიკვდილის შემდეგ, 1533 — 1538 წლებში, — სახელმწიფოს გამგებელი.

ვ. 92. შუისკები და ბელსკები — ვასილ მესამისა და ელენა გლინსკაიას მმართველობის პერიოდში მეთაურობდნენ ბოიართა ოპოზიციას, რომელიც დიდი მთავრის ხელისუფლებისა და ცენტრალიზაციის იდეის წინააღმდეგ იბრძოდა. გლინსკაიას სიკვდილის შემდეგ (არსებობს ვარაუდი, რომ იგი მოწამლეს) შუისკებსა და ბელსკებს შორის დაიწყო ბრძოლა ხელისუფლებისათვის, რომელიც დასაწყისში გარდამავალი უპირატესობით მიმდინარეობდა. 1542 წ. იანვარში ბელსკის მოკვლამ შუისკებს საშუალება მისცა უპირატესი ეავლენა მოეპოვებინათ, ვიდრე ანდრეი მიხელის ძე შუისკი არ გარდაიცვალა (1543 წ. დეკემბერი).

თავადი ტელეჟნევი — ივანე თევდორეს ძე ტელეჟნევი-ოჟნიან-ობოლენსკი — მედროვე ელენა გლინსკაიასი, მისი მთავარი მრჩეველი და „საჯინბოთა ბოიარი“. გლინსკაიას უეცარი სიკვდილიდან ერთი კვირის შემდეგ დილეგში ჩააგდეს, სადაც შიმშილით გარდაიცვალა.

ვ. 94. სბიტენი — რუსეთში ფართოდ გავრცელებული ცხელი სასმელი, რომელსაც ხდიდნენ თაფლის, წყლისა და ცხარე სანელებლებისაგან.

ვ. 96. დანილა ადაშევი — ძმა ალექსი ადაშევისა, 1559 წლიდან — ოკოლნიჩი, „რჩეული რადის“ დაცემის შემდეგ სიკვდილით დასაჯეს.

ვ. 97. თავადი კურლიატევი — თავადი დიმიტრი კურლიატევი, 1562 წ. ოქტომბერში „დიდ მოლაღატურ საქმეთა გამო“ მონასტერში გაამწყესეს და იქ მოკლეს.

შერემეტეივი — ნიკიტა ვასილის ძე, — ვოევოდა, მოკლეს ცრუ ბეზღებას ნიადაგზე 1563 თუ 1564 წელს. არსებობს გადმოცემა, რომ იგი მეფის თვალწინ მოკლეს და რომ მეფემ ბრძანა ხელ-ფეხი მოეჭრათ მოკლულისათვის და მისი ცოლისათვის გაეგზავნათ.

ვ. 102. სიკვდილის პირას მყოფი ლოგინად რომ იყავი ჩავარდნილი... — იგულისხმება სამღვანე ბოიართა „აჯანყება“, რომელიც 1553 წლის მარტში მოხდა: მძიმედ დაავადებულმა ივანე მრისხანემ ბოიარებს უბრძანა „ჯვარზე მთხვეოდნენ“ მის მემკვიდრეს, მცირეწლოვან ვაჟს დიმიტრის, მაგრამ ბოიართა უმრავლესობამ თავდაპირველად უარი თქვა დამორჩილებოდა ამ ბრძანებას.

ვოლოდიმირ ანდრეიჩი — მთავარი ელადიმერ ანდრეიას ძე სტარიცი (1533 — 1569), ივანე მრისხანის ბიძაშვილი. 1563 წ. ელადიმერი და მისი დედა ეფროსინე გადაასახლეს. დედამისი მალე წყალში დახრჩვეს, ხოლო ელადიმერ ანდრეიას ძე ვაჟიშვილებითურთ სიკვდილით დასაჯეს ალექსანდრეს სლობოდში 1569 წ.



გვ. 103. შავი ასეულებისა და გარეთუბნების... — შავი ასეულები — დაბალი წოდება, მღაბიოები; შავი გარეთუბნები — ქალაქების ის გარეთუბნები, რომელთა მოსახლეობაც („თეთრი“ გარეთუბნებისაგან განსხვავებით) დამოკიდებული იყო არა საერო და სასულიერო ფეოდალებზე, არამედ ხაზინაზე.

გვ. 107. ზერშიაგი — უხეში, შეუღებავი მუდი; აგრეთვე მისგან შეკერილი ხიფთანი.

ფერიაზი — მამაკაცის გრძელკალთებიანი სამოსი, გრძელსახელოებიანი და უსაყელო, რომელსაც უპირატესად ხიფთანს ზემოთ იცვამდნენ.

ზუბუნი — რუსი გლეხის ხიფთანი უხეში, სქელი მუდისა, ჩვეულებრივ უსაყელო.

კობტანი — ძეგლებური იარაღი: აქვს მოკლე ტარი, რომელზედაც მოკლე თასმით ან ძეწკვით შეებმულია ლითონის ბურთულა.

ბერღიში — ძველებური რუსული ხელცულა, აფთი: გრძელტარიანი ფართო ნაჯახი, რომლის პირიც ნახევარმთვარის ფორმისაა.

გვ. 108. კორშენ ჰაპა... — მეტსახელაა. რუსული „კორშენ“ ქართულად ნიშნავს „ძერას“.

გვ. 110. ილია მურომელი — რუსული ბილინების უმთავრესი გოლიათი, რომელზედაც ყველაზე მეტი სიუჟეტია შექმნილი.

გვ. 111. ასტრახანული ხაჭონელი... — უმთავრესად საიუველირო ნაკეთობები ინდური და სპარსული წარმოშობისა, რომლებიც ასტრახანის გზით შემოქონდათ რუსეთში.

საბაგირო ბილიკი — სანაოსნო მდინარეების ხანაირო ზოლი, რომელსაც მოკყეებოდნენ ბურღაკები, როცა ბაგირით მაიცურებდნენ ხომალდებს.

გვ. 113. პოლკანი — ლეგენდარული გოლიათი, „საოცრება“, რუსული ზღაპრებისა და ბილინების გმირი; ზედწოდება იმ არსებებისა, რომლებსაც არაჩვეულებრივი ღონე აქვთ.

ერმაკ ტიმოფეევიჩი — არის ვარაუდი, რომ ერმაკი შერქმეული სახელია ურალელი კაზაკის ვასილ ტიმოთეს ძე ალიონინისა.

გვ. 115. ვასილი დიდი (329 — 378) და გრიგოლ ნაზიანზელი (328 — 390) — ბიზანტიელი ღვთისმეტყველები.

გვ. 117. ხაჯაგვე — გამწევი, სატიერთე, გასაბმელი.

გვ. 118. „როცა აგებდნენ ქვა-კირით მოხკოვს...“ — ყველაზე გავრცელებული რუსული ხალხური ისტორიული სიმღერა XVI ს-სა.

გვ. 127. წმინდა იოსებ ვოლოცკის მონასტერი — დაარსებულია 1479 წ. მოსკოვის დასაყდრითთ ას ოცდაათ კილომეტრზე, ახლანდელი ქ. ვოლოკოლამსკის მახლობლად. XVI ს-ში ამ მონასტერს ვრცელი მამულები ჰქონდა და თვალსაჩინო როლს ასრულებდა პოლიტიკურ და საზოგადოებრივ ცხოვრებაში.

ყაშნ-გულანი — ყაშნი — ზოგიერთ საეკლესიო ლოცვათა (მწუხრის, ცისკრისა და სხვ.) კრებული; გულანი — კრებული, რომელშიც თავმოყრილია ყველა საღვთისმსახურო წიგნი, რაც კი მორწმუნეთ სჭირდებათ და რომელთაც კითხულობენ წლის განმავლობაში. გულანები უზარმაზარი წიგნებია — სისქითაც და ფორმატივითაც, მათი ხელში დაჭერა შეუძლებელია. მათი შეკვთა

ან შექმნა მხოლოდ მდიდარ ეკლესია-მონასტრებს შეეძლო; ჟამნ-გულანი — გულანის შემოკლებული რედაქცია, რომელიც შეიცავს ჟამნს და მოკლე სეინაქსარულ ცნობებს, ე. ი. მოკლე მოთხრობებს წმინდანთა ცხოვრებაზე ან დღესასწაულებზე.

პიიდასთან მოკლეს სახელმწიფო საქმეთა აღსრულებისასო. — მალიუტა სკურატოვი მონაწილეობდა შედეგების წინააღმდეგ ლაშქრობაში და ქალაქ პაილის (ვაისენშტაინის) გარემოცვაში კუნძულ საარემაზე. მოკლეს იერიშის დროს 1573 წ. 1 იანვარს. მეფემ მალიუტას მოსახსენიებლად მაშინდელი დროისათვის უდიდესი ფულადი შეწირულება გაიღო — 150 მანეთი, ხოლო მალიუტას ქვრივმა კი მეფისაგან სამუდამო ფულადი პენსია მიიღო (ერთადერთი შემთხვევა XVI ს-ში).

გვ. 128. შთამომავლობითი ბოიარისთვის — ძველი, დიდებული გვარის წარმომადგენლებისათვის, რომლებიც რამდენიმე თაობის განმავლობაში ირიცხებოდნენ ბოიარებად.

გვ. 129. მცენარეულ ჩუქურთმებზე — მდიდარი მცენარეული ორნამენტი, რომელიც გავრცელებული იყო XVI — XVII სს-ში საიუველირო ხელოვნებაში, წიგნების დაკაზმვასა და ა. შ.

გვ. 130. ჩალდარი — ცხენის აკაზმულობა, რომელიც ღარავდა ზურგს, მკერდსა და ფერდებს და შედგებოდა მაუღზე ან ზავერღზე დაკრებულ ლითონის ბალთებისაგან.

გვ. 131. ვმა აზნაურები — აქ: ახალგაზრდა ვაჟები ღარიბ აზნაურთაგან, რომლებიც დიდებული ბოიარების სრულ კმაყოფაზე ცხოვრობდნენ და მათ ემსახურებოდნენ.

გვ. 133 და 134. უმცროსი წესისამებრ; დიდი წესისამებრ — ე. ი. წელმობრით ან მიწამდე თავის დახრით მისაღმება. სხუთა შორის, ძველ საქართველოშიც სცოდნიათ უმცროსი და დიდი წესის გარჩევა. მაგალითად, „ხელმწიფის კარის გარიგებაში“, XIV საუკუნის ცნობილ საისტორიო ძეგლში, ერთგან სწერია: „დარბაზობა, ვითარცა მეფეს ეპრიანოს: დიდის წესითა, და ოუ უმცროსითა, ვითარცა წესი იყოს, იქნას“ („ქართული სამართლის ძეგლები“, ტ. II, გამომც. „მეცნიერება“, თბ., 1965, გვ. 81).

გვ. 138. კვირაცხოვლობის სამშაბათი — აღდგომის შემდეგ პირველი კვირის (ახალ კვირის) სამშაბათი ქრისტიანულ ეკლესიას მინიწული აქვს მიცვალებულთა ხსენების დღედ — ეგრეთ წოდებულ ზაფლავთა კურთხევის დღედ.

გვ. 140. ლევიტელთა წიგნში... — ბიბლიის მესამე წიგნი; შეიცავს ქრისტიანობისწინა რელიგიის წეს-ჩვეულებათა დაწერილობით აღწერას და მდიდარ მასალას იუდეველი ხალხის ცხოვრებასა და ყოფაზე.

გვ. 149. იბერიკაცი მოდიოდა... — რუსული ხალხური შელოცვა, რომლის ტექსტსაც ავტორი თითქმის სიტყვა-სიტყვით იმეორებს.

გვ. 171. საბაზიეროხ შიგამდეგები — მოხელეები, რომლებიც თვალყურს ადევნებდნენ სანადირო ფრინველების მოვლასა და კვებას.

საფუხარი — აქ: ტყავის ხელთათმანი.

გვ. 174. შურომი — ძველი რუსული ქალაქი მოსკოვის აღმოსავლეთით, მდ. ოკაზე. იყო დედაქალაქი მურომის სამთავროსი, რომელიც მე-14 ს-ის დასასრულს შეუერთდა მოსკოვის დიდ სამთავროს.

კიდევ არიან... მუროში გოლიათები? — ამ კითხვას რომ აძლევს, მეფე გულისხმობს ილია მურომელს (იხ. 110-ე გვ.-ის შენიშვნა).

გვ. 177 კოტი — შერქმეული გვარაა, რაც ჩვეულებრივი იყო ყაჩაღებისთვის. ქართულად ნიშნავს ხვად კატას.

გვ. 179. ვე მე დამლახვრა თეთრმა სონლულმა. — კორმუნი, როგორც განმარტებულია 108-ე გვერდის შენიშვნაში, ქართულად არის ძერა. ადრაგანმაც ძერა ჩამოავდო. ამიტომაც ამბობს მოხუცი ყაჩაღი, რომელსაც „კორმუნს“ ეძახიან, მე დამლახვრა სონლულმაო.

გვ. 181. „მეზობლებთან მხარული...“ — რუსული ხალხური სიმღერა.

გვ. 182. საქაჯაგი — ჭახრაკი, მოსკვერი ხრახნილი, იყენებდნენ საწამებლად.

გვ. 183. ფეხი გაუგშირა თავად კურბსკის შალემხროლს — იგულისხმება კურბსკის მსახური ვასილ შიბანოვი, რომელსაც იხსენიებს ივანე მრისხანე კურბსკისადმი თავის „პირველ წერილში“. ზოგი წყაროს მიხედვით, შიბანოვი კურბსკის გაქცევის შემდეგ იურიევში შეიპყრეს და მოსკოვში ჩამოიყვანეს; სხვა წყაროებით — იგი მოსკოვში ჩამოვიდა და წითელ მოედანზე კურბსკის წერილი გადასცა მეფეს. ამ წერილის კითხვის დროს ივანე მრისხანემ წამახული კვერთხი ჩასცა ფეხში შიბანოვს და ფეხისგულამდე გაუტარა.

გვ. 185. ეი ღული, ღული... — გადაკეთებულია, ქართული „ალიალალო, პარიალალო“ მსგავსად, სიტყვიდან „ალილუა“ („აქებდეთ ღმერთსა“), რომელიც საეკლესიო მღვდელმსახურებაში სხვადასხვა ღოცვას დაერთვის ბოლოს — ზოგს სამჯერ, ზოგს — შეიძუჯერ და მეტჯერ.

გვ. 186. „იივეის მთაერის, ვლადიმირის დიდებულ დარბაზში...“ — დახაწვისი ზღაპრისა დობრინია ნიციტიჩზე. რომანში მოცემულია ზღაპრის ტექსტიდან სიტყვისიტყვით ამოკრფილი ხუთი ნაწყვეტის კომპოზიცია.

შერისხული ნოველოდი... — 1570 წლიდან, მას შემდეგ, რაც ივანე მრისხანემ სადამსჯელო ლაშქრობა განახორციელა ნოველოდში „ღალატის ამოსაძირკვავად“, ნოველოდის მოსახლეობა მეფის წინაშე დამნაშავედ, მისივე შერისხულად იყო მიჩნეული.

მეკობრე იყო — მეკობრეები, ანუ ეგრეთ წოდებული „უშკუნიკები“ ნაკვებით ლაშქარედნენ შორეულ ზღვისპირეთსა და ურალის ქედის რაიონებს. უშკუნიკების ლაშქრობები ერთ-ერთი გზა იყო ჩრდილოეთში ნოველოდელების ჩასახლებისა.

გვ. 187. მოხეტიალე ბრმა შესაკრავე, გველუშაში ტუგარინი, ზამიატინია პუტიატინი — რუსული ბილინური ეპოსის პერსონაჟები.

გვ. 188. აღექსი ღვთის გლახა, ეგორი შამაცი, იოსებ შშვენერი — რუსული ხალხური თქმულებების გმირები.

მტრედის წიგნი — რუსული ხალხური თქმულება, რომელიც მრავალი ვარიანტითაა ცნობილი. ტექსტი, რომელსაც პერსტენი ჰყვება, არის თქმულების რამდენიმე ვარიანტის კონტამინაცია.

გვ. 191. ალათირის ქვა — სასწაულებრივი ქვა, რომელიც იხსენიება რუსულ ზღაპრებში; ალბათ, ქარვა, მისი ბერძნული სახელწოდება „ელექტრონი“ თათრული წარმოთქმით.

გვ. 193. „ნუ შრიალეხ, მშობლიური მუხნარო“ — ფართოდ გაერცვლებული რუსული ხალხური სიმღერა. ა. ს. პუშკინმა იგი პუგაჩოვს ათქმევინა თავის „კაპიტანის ქალიშვილში“.

გვ. 199. თავად ვოროტინსკთა... — ბოიარები და ვოევოდები, რომლებიც მეფემ შერისხა და გადასახლებაში გარდაიცვალნენ ბელოზერსკის მონასტერში.

ტროპარი — საეკლესიო საგალობელი ლექსი რაიმე დღესასწაულის აღსანიშნავად ან ამა თუ იმ წმინდანის პატივსაცემად.

კონდაკი — მოკლე საეკლესიო საგალობელი მაცხოვრის, ღვთისმშობლის ან წმინდანის სადიდებლად; აგრეთვე, საეკლესიო წიგნი, რომელიც ამ საგალობელს შეიცავს.

მაცხოვარი მოჩანდა ძალნითურთ, ქერუბიმებითა და სერაფიმებით, მათ ზემოთ კი — თექვსმეტი საუფლო დღესასწაული — ქრისტიანული ეკლესია ანგელოზებს ჰყოფს ცხრა დასად, ანუ ხარისხად. ძალნი, ქურუბიმები და სერაფიმები არიან შესაბამისად მესამე, მეექვსე და მეშვიდე ხარისხის ანგელოზები; საუფლო დღესასწაული — ასე ეწოდება ქარავმას, რომელიც საუფლო სიტყვების თავზეა დასმული ეკლესიების კედლების წარწერებში.

ადგილობრივი ხატზე — კანკელის ქვედა (ადგილობრივი) რიგში ათავსებდნენ იმ ხატებს, რომელთაც ყველაზე მეტად სცემდნენ პატივს აღნიშნულ ტაძარში თუ მონასტერში.

გვ. 204. მოსკოვს შიამურე, ღაზარეს სამანებს... — იგულისხმება სამეფო მიწები მაშინდელი მოსკოვის ფარგლებს გარეთ, სამების ლავრასა და ალექსანდრეს სლობოდისკენ მიმავალ გზაზე (ამჟამად ტრიფონოვსკიას ქუჩის რაიონი). ტრეტიაკოვის სახელმწიფო გალერეაში ინახება ხატი ყოფილ ღაზარეს სამანებში მდებარე ტრიფონის ეკლესიიდან; ამ ხატის სიუჟეტი დაკავშირებულია იმ ლეგენდასთან, რომელიც მოგვითხრობს, თუ როგორ გადაურჩა ივანე მეოთხის რისხვას მისი ახალგაზრდა ბაზიეირი, შემდგომში ბოიარი — ტრიფონ პატრიარქი. სწორედ ეს ლეგენდა უდევს საფუძვლად ამ ეპიზოდს.

გვ. 207. „ღაიმიწე, შეილო ჩემო...“ — პირველი ხუთი სტრიქონი ამ ნაწიანსი ხალხურია, დანარჩენი ტექსტი სიმღერისა თვითონ ტოლსტოის ეკუთვნის.

გვ. 218. ქაშანი — მინდორზე და თოვლზე გაქედილი გზა.

გვ. 219. პანაგია — მკერდის სამკაული (უფრო ხშირად ხატის სახით), რომელსაც კისერზე ჩამოცმული ძეწკვით ატარებდნენ; სასულიერო პირთა ღირსების ნიშანი.

გვ. 222. შირინის მთავარი შიხმატი! — შირინის მთავრები — ყირიმის ხანის უძლიერესი ვასალები, რომლებიც ვრცელ ტერიტორიებს ფლობდნენ ყირიმში.

გვ. 222. ქვემოური — ქვემო ვოლგელი.

გვ. 224. ნოღაელები — ჩრდილო კავკასიაში (კასპიისპირეთის ტრამალებში, დაღესტანში და სხვ.) მცხოვრები თურქული მოდემის ხალხები.

საბრძოლო რიგი არ დაურღვევიათ... — აქ უზუსტობაა: გზაზე სალაშქრო მწყობრით მოძრაობდნენ, საბრძოლო რიგებად კი ბრძოლის წინ ეწყობოდნენ.

გვ. 225. ღიატელ, რეშეტო, შესტოპერ, ნაკოვანია, სარანა – შერქმეული მეტსახელებია, ქართულად იქნება შესაბამისად: კოღალა, საცერა, გოგუთა, გრდემლა, კალა.

გვ. 226. კობიტა – ძველად: ჩარდახიანი სამეზაურო ურემი, ეტლი; მოძრავი, გადასატანი საცხოვრებელი მომთაბარე ზღვებისა.

გვ. 252. შეაბჯრეთუხუცესი – მეფის კარის მაღალი თანამდებობის პირი, მეფის საიარალო ზახინის უფროსი.

გვ. 261. „ხვალინის ზღვიდან შუე ამოცურდა...“ – ხვალინის ზღვა – კასპიის ზღვის ძველი რუსული სახელწოდება (ქართულები ძველად მას გ უ რ გ ა ნ ი ს ზღვას ეძახდნენ);

გვ. 263. მის ნაფუხურებს ჩინჩილა და ცეცხლზე ხწეავდა – ძველი ცრურწმენა, გრძელულება: ამოჭრიდნენ დანით მიწას ან ამოფხუკდნენ იატაკს იმის ნაფუხურზე, ვისი წახედაც სურდათ, და ამ ნაფუხურს შეულოცავდნენ, გრძელბით შეკრავდნენ.

გვ. 265. ელაღიმირ გუსევის სამართლის წიგნი – კანონთა კრებული, გამოცემული ივანე მესამის მიერ 1497 წელს.

პოლოტიკი – „რკინის ფიცარი ბრძოლაში მკერდთა და ღლიათა დასაკრავი“ (საბა); „სამკერდე ჯავშანი“ (დ. ჩუბინაშვილი).

გვ. 266. ხაფუხრენი – აქ: ჯაჭვის კიდურთსაფარი, რომელიც თითქმის მთელ ხელს ფარავდა და მხოლოდ თითის წვერებს ტოვებდა დაუცველს.

თარანგები – ლითონის სალტეები, რომლებიც ამაგრებენ ქარქაშს; ხშირად მათ ამზადებდნენ ძვირფასი ლითონებისაგან და ალაშაზებდნენ; თარანგებს უკეთებდნენ რგოლებს, რომლებითაც ყაწიმზე ჰკიდებდნენ ხმალს.

გვ. 267. ყიზილბაშური – სპარსეთში ან მასთან მოსაზღვრე აზერბაიჯანის ნაწილში დამზადებული.

გვ. 277. შე, ვითარცა უფალი ხავენახისა... – იოანეს ეს მონოლოგი აგებულია სახარების ცნობილ იაკებზე (მათე XXI, 33 – 41; XXII, 1 – 13). ზოგან იგი თავის სიტყვაში მარჯვედ ურთავს სახარების ცალკეულ ფრაზებს, ზოგან კი ზუსტ ციტირებას მიმართავს.

გვ. 278. დიდ არს სიბოროტე უკეთურისა მადღურისა ამა სოფლისა... იგი, ვითარცა ღოში მყვირალი, მიმოვალს გარშემო ჩემსა და ემიებს, ვითარცა შთანშთქა... – ოღნაე პერიფრაზირებული ციტირება პეტრე მოციქულის „კათოლიკე ეპისტოლედან“ (V, 8).

სინკლიტი – უმაღლესი ჩინონების კრებული.

გვ. 283. ასაბია – თანამდგომები, ამხანაგები, მხლებლები.

გვ. 284. აზნაურული რიგობა – მოსკოვის სახელმწიფოში არსებული სისტემა მსახურეული ხალხის ყოველწლიური დანიშვნისა უმაღლეს სამხედრო და სახელმწიფო თანამდებობებზე. ეს დანიშვნები იწერებოდა ეგრეთ წოდებულ „რიგობის წიგნებში“ და რიგობის პრიკაზის, ე. ი. სამინისტროს გამგებლობაში იყო.

გვ. 286. ხაბარ სიმსკისთან ერთად ჩუვაშები და ჩერემიხები დავაპრეტე სეიაგაზე... – ლაპარაკია ივანე ვასილის ძე ხაბაროვ-სიმსკიზე (ობრატცოვზე), მდიდარ ბოიარსა და ვოევოდაზე ვასილ III-ის დროს; 1524 წ. გა-

ზაუხულზე, როცა დიდი პოლკის ვოევოდა იყო ყაზანზე ლაშქრობისას, ხა-  
ბაროვ-სიმსკიმ დაამარცხა მოწინააღმდეგე მდ. სეიავის ნაპირზე. გარდაი-  
ცალა 1534 წ.

როცა... ყირიმელი ბატონიშვილი ვაოტე ოკიდან... — ლაპარაკია ყირიმე-  
ლი ბატონიშვილის — ისლამის — თავდასხმის მოგერიებაზე 1537 წლის სექ-  
ტემბერში.

გვ. 288. როცა ნადირობისას მეძალეებს ასო-ასო ააქნევინე თავადი  
შუისკი; — ლაპარაკია ივანე მრისხანის ბაეშოების პერიოდის ბოიართა ოპო-  
ზიციის ერთ-ერთი ხელმძღვანელის თავად ა. მ. შუისკის მოკვლის ცნობილ  
ეპიზოდზე. 1543 წლის დეკემბერში ცამეტი წლის ივანე მეოთხემ „რაკი აღარ  
შეუძლო იმის მოთმენა, რომ ბოიარები ეურჩებოდნენ და თვითნებობდნენ...  
ბრძანა შეეპყროთ მათი თავკაცი თავადი ანდრია შუისკი და გადაეცათ მეძალ-  
ღეთათვის, ხოლო მეძალეებმა წაიყვანეს და მოკლეს...“

აკათისტოს გალობა — დაუჯდომელი, სავედრებელი შესხმა, რომლის შეს-  
რულებისას არ შეიძლებოდა დაჯდომა.

გვ. 293. სამას კაცზე მეტი სიკვდილმისჯილი — მასობრივი სიკვდილით  
დასჯა უფრო გვიანდელი ამბაეია. განსაკუთრებით ადგილი ჰქონდა მას  
1570 წ., ნოვოგოროდში დამსჯელი ექსპედიციისა და მოსკოვში „ღალატის  
ამოძიკვის“ პერიოდში. ყველაზე დიდი სიკვდილით დასჯა, როცა მოსკოვ-  
ში, წითელ მოედანზე, ორას კაცზე მეტი მოაკვდინეს ოთხ საათში, შედგა  
1570 წლის 25 ივლისს. ტოლსტოი სწორედ ამ დასჯის აღწერას ემყარება,  
მოროზოეს კი იმ სიტყვებს ალაპარაკებს, რაც დიაკმა ივან ეისკოვატოვმა  
წარმოთქვა ეშაფოტზე.

გვ. 294. ვით აბრაამი, თავის შვილზე რომ შემართა დანა... — ბიბლიური  
ლეგენდის თანახმად, პატრიარქ აბრამს იმისათვის, რომ გამოეცადათ ღვთი-  
საღმი მისი რწმენა, ებრძანა საკუთარი ზელით მიეტანა მსხვერპლად ერთად-  
ერთი ჯაყიშვილი. აბრაამი უყოყმანოდ დაემორჩილა ამ ბრძანებას, მაგრამ  
უკანასკნელ მომენტში ანგელოსმა შეაჩერა დანაშემართული მამის ზელი და  
გადაარჩინა ბაუმი.

გვ. 298. მოედნის ბოლოში... — მთელი ეს ეპიზოდი ემყარება ნამღვილ  
ფაქტს ივანე მრისხანის შეხვედრისა ნეტართან ფსკოვში 1570 წ.

გვ. 299. საულ მეფე — ბიბლიური პერსონაჟი, პირველი მეფე ებრაელე-  
ბისა; თავისი მეფობის მეორე ნახევარში, როცა ღმერთმა უარყო იგი, საული  
უკიდურესად მკაცრი გახდა და არაერთხელ შეეცადა ტახტზე თავისი მემ-  
კიდრის — მეფე დავითის მოკვლას.

პეროდე — იუდეველთა მეფე (I ს. ჩვ. წელთაღრიცხვამდე), უწყალო და  
სისხლისმსმელი დესპოტი. მისი სახელი მტანჯველისა და მტარეალის სი-  
ნონიმად იქცა.

გვ. 314. დადევს თავი პოლოცთან... — იგულისხმება რუსეთის ჯარების  
მიერ პოლოცკის გარემოცვა და აღება 1562 — 1563 წწ.

გვ. 316. დაე ჟიზრდას წავიდნენ, სადარაჯო პოლკში. — მოსკოვის სახელ-  
მწიფოს სამხრეთ სანაპიროებზე თათართა თავდასხმებისაგან თავდასაცავად  
იდგნენ ევრეთ წოდებული „სადარაჯო პოლკები“; ჟიზრდა მათი განლაგების  
ერთ-ერთი პუნქტი იყო.

გვ. 323. სტოვა — მიშენებული კამარა ღერეფანივით ეკლესიის შესავალს წინ, ეკლესიის კარიბჭე.

გვ. 332. იმ სახელოვანი ღღეების მოსკოვში გადაინაცვლოთ, როცა ციმბირი დავიპყროთ. — რუსეთმა ციმბირი დაიპყრო 1582 წელს; მაგრამ მე-40 თავში აღწერილი ამბები განეკუთვნება 1583 წელს.

გვ. 333. გოდუნოვის ჩაგონებით მოსპო სამულეული ოპრინინა — გოდუნოვის როლს ოპრინინის ლიკვიდაციაში ავტორი ერთობ აზვიადებს.

გადაბუგა მოსკოვის გარეთუბნები — ივულისხმება ყირიმის ხანის დავლეთ-გირის ამოხრებული თავდასხმა მოსკოვზე 1571 წ. მაისში.

ჩრდილოეთიდან შევდები არ ვეახვენებდნენ... — ლიონიის ომის დასასრულს შედეგმა ისარგებლეს პოლონეთ-ლიტვის ჯარების წარმატებებით, რუსეთის წინააღმდეგ შეტევა წამოიწყეს და ფინეთის ყურის თითქმის მთელი სანაპირო და ბალტიისპირეთის მნიშვნელოვანი ტერიტორია დაიპყრეს.

სტეფან ბატორი — პოლონეთის მეფე 1576 — 1586 წწ., რომელმაც 1579 — 1581 წწ. საომარი მოქმედება წამოიწყო მოსკოვის სახელმწიფოს წინააღმდეგ. 1582 წ. 15 იანვარს დაიღო ზაფი ათი წლით, რომლის თანახმად ივანე მრისხანე იძულებული შეიქნა უარი ეთქვა ვეულა იმ ტერიტორიაზე, რაც ბალტიისპირეთში ჰქონდა დაპყრობილი.

გააფთრებულმა მამამ წამახული კეერთხით განგშირა იგი. — ივანე მრისხანემ თავისი ვაჟიშვილი ივანე მოკლა ალექსანდრეს სლობოდაში 1571 წლის 19 ნოემბერს.

სტუმარი — უცხო ქვეყნელი ან სხვა ქალაქელი ვაჭარი, რომელიც თავისი სამშობლო კუთხის ვართ ცხოვრობს და ვაჭრობს.

ოღებორნი პავლე (ვარდ. 1604) — გერმანელი ისტორიკოსი და ღვთისმეტყველი, სამეფო კარის პასტორი (მღვდელი) რივაში, ავტორი წიგნისა ივანე მრისხანეზე.

გვ. 334. ...ქერმის მხარისა. — ასე ეწოდებოდა რუსულ მატინაეებში ურალის დასავლეთით, მდინარეების — კამის, ეჩივდასა და პეჩორის აუზებში მდებარე ტერიტორიებს, რომლებიც დასახლებული იყო კომის ხალხით.

ქურუმ ხანი — ციმბირის სახანოს უენასკენელი ხანი. 1581 წ. დამარცხდა ერმაკის რაზმთან ბრძოლაში და შიატოვა თავისი ღანდაქალაქი ფშლიყი; განაგრძობდა წინააღმდეგობას 1598 წლამდე. შემდეგ კი, საბოლოოდ განადგურებული, შუა აზიაში გაიქცა და იქ გარდაიცვალა.

გვ. 335. მამედული — ციმბირელი ბატონიშვილი, ქურუმ ხანის ძმა. 1582 წ. ერმაკის რაზმი, რომელიც მდინარეების ტურისა და ტობოლის გაყოფებით მიიწედა, ირტიშამდე მივიდა და იმავე წლის ოქტომბრის დასასრულს ქურუმის სატახტო ქალაქ ფშლიყს მიაღწა. სატახტოსთან ბრძოლაში მამედული დამარცხდა და სტეპში მიიშალა. სწორედ ეს მომენტი ითვლება „ციმბირის დაპყრობად“.

გვ. 337. მაქსიმ და ნიკიტა სტროგანოვები თავიანთი ბიძა სემიონითურთ — რუსი დიდვაჭრები და მეწარმეები, რომლებიც XVI და XVII სს-ში ურალისა და ციმბირის აქტიურ კოლონიზაციას ახორციელებდნენ და ღიდ შეღავათებს იღებდნენ სახელმწიფოსაგან (იღვნად ღიდს, რომ 1572 წ. საკუთარი ლაშ-

ქრის შექმნის უფლებაც მისცეს). მაქსიმ იაკობის ძე და ნიკიტა გრიგოლის ძე სტროგანოვები — ბიძაშვილები იყვნენ, სიმონ ანიკის ძე — მათი ბიძა.

კვ. 338. ვოლოდა — ძველი რუსული ქალაქი, მოსკოვის ჩრდილოეთით, მდ. ვოლოდაზე (32 კმ-ზე იმ ადგილიდან, სადაც იგი მდ. სუხოხას ერთვის), მნიშვნელოვანი სატრანზიტო პუნქტი რუსეთის სახელმწიფოს ცენტრიდან ჩრდილო-აღმოსავლეთ ტერიტორიებისაკენ, ციმბირისა და დასავლეთ ევროპასაკენ; ეს ქალაქი წარმოადგენდა, აგრეთვე, მოსკოველი და უცხოელი ვაჭრების საქონლის საწყობს.

კვ. 344. იუგორებათან... — ასე ემახდნენ რუსები ძველად იმიერ-ურალის იმ ნაწილს, რომელიც ხანტებისა და მანსუების ტომებითაა დასახლებული.

რიურიკი — ვარაგუთა დრუჟინის ნახევრადლეგენდარული ბელადი, მატუანების გადმოცემით — რუსეთის უძლიერესი მთავრების — რიურიკოვიჩების — დინასტიის წინაპარი. მატუანეში ნათქვამია, რომ თავდაპირველად რიურიკი მთავრობდა ლადოგაში, ხოლო 862 წელს მან თავისი დრუჟინით დაიპყრო ნოვეგოროდი.

შნელკალოვი ანდრეი (გარდ. 1598) — დუმის დიაკი, ერთ-ერთი უმსხვილესი წარმომადგენელი მეფის ბიუროკრატისა ივანე მრისხანის დროს, რომელსაც კოლოსალური პოლიტიკური გავლენა ჰქონდა მოპოვებული როგორც რიგობის, შემდეგ კი საელჩო პრეკაზების მეთაურს. გოდუნოვის მიერ „თვითნებობისთვის“ გადაყენებული, მალე გარდაიცვალა ბერად აღკვეცილი.

გავალდებულებთ ვინაღ დაიწეროთ... — მამის სახელზე ნაწილაკ „ვიჩის“ დართვის უფლება მეფის დიდ წყალობად ითვლებოდა და განსაკუთრებული გვარიშვილობის ან დიდი პირადი დამსახურების აღიარებას მოწმობდა.

კვ. 345. იასაფი — ბეგარა (უფრო ხშირად ბეწვეულით), რომელსაც ეოლგისპირეთისა და ციმბირის ხალხებს აწერდნენ.

კვ. 347. ტრიფონ ნაპრუნის ეკლესია — იხ. შენიშვნა 249-ე გვერდისა. მოსკოვის მახლობლად, სამეფო სოფელ ნაპრუნინში, მდ. სინიჩკას ნაპირას აგებული ეს ეკლესია ამჟამადაც შემორჩენილია (თუმცა მნიშვნელოვნად არის გადაკეთებული) და წარმოადგენს თეთრი ქვის ერთ-ერთ უძველეს ნაგებობას მოსკოვში, უბურჯო ტაძრის ნიშეშს, რომელიც ნოვეგოროდ-ფსკოვის ხუროთმოძღვრების გავლენის კვალს ატარებს.

სკოპინ-შუისკი მიხეილ ვასილის ძე (1587 — 1610) — ახალგაზრდა ნიჭიერი მხედართუფროსი, რომელიც 1609 — 1610 წწ. სათავეში ჩაუდგა რუსებისა და შვედების გაერთიანებული ძალების ლაშქრობას ნოვეგოროდიდან მოსკოვზე, რომელიც ალყაშემორტყმული იყო ცრუ-ღიმიტრი მეორის („ტუშინოელი ქურდის“) ჯარებით. სკოპინ-შუისკის არმიამ ხანგრძლივი გარემოცვისაგან გაათავისუფლა სამების ლავრა და 1610 წ. 12 მარტს საზვიამო მართით შეიღდა მოსკოვში. აზნაურები სკოპინ-შუისკის რუსეთის ტახტის კანდიდატად მიიჩნევდნენ. მაგრამ 1610 წ. აპრილში იგი მოულოდნელად ავად გახდა და გარდაიცვალა, — როგორც ვარაუდობენ, ბოიარებმა მოწამლეს.

დულაგარდი იაკობ პონტუსი (1583 — 1652) — შვედი გენერალი, გრაფი, სარდლობდა შვედების არმიას, რომელმაც სკოპინ-შუისკის ლაშქართან ერთად, წამოვიდა რა ნოვეგოროდიდან, გარემოცვისაგან გაათავისუფლა სამების ლავრა და მოსკოვი.



ხაპეგა იან პეტრი (1569 – 1611) – პოლონელი მაგნატი, რუსეთში ინტერვენციის აქტიური მონაწილე, ცრუ-დიმიტრი მეორის მხარდამჭერი. 1608 წ. სექტემბრიდან 1610 წ. იანვრამდე საპეგას ლაშქარს ალფა ჰქონდა შემორტყმული სამების ლაერაზე.

...ხელი აეღო სამების ლაერის... გარეშოცვაზე. – სამების მონასტერი მნიშვნელოვანი სტრატეგიული პუნქტი იყო მოსკოვის მისადგომებისა ჩრდილოეთიდან. მტრისგან ალფაშემორტყმული ლაერა გმირულად იცავდა თავს თითქმის წელიწადნახევრის განმავლობაში. ლაერის თავდაცვაში აქტიურად მონაწილეობდა ახლომახლო მიდამოების გლეხი მოსახლეობა. 1610 წ. 12 იანვარს ლაერა განთავისუფლებულ იქნა გარემოცვისგან მის დამცველთა და მ. ვ. სკოპინ-შუისკის მეთაურობით მოსული მასშეელი ლაშქრის ერთობლივი მოქმედების მეოხებით.

...ფერულად იქცა შთელი სლობოდა – XVII ს-ის დასაწყისში ალექსანდრეს სლობოდა სულერთიანად გადაიბუგა საშინელი ხანძრით, რომლისგანაც გადარჩა მხოლოდ ქვის ტაძრის ნაგებობები და სამრეკლო. ხანძრის შემდეგ სლობოდის ტერიტორია გაუდაბურდა, და მხოლოდ 1651 წ. იქნა იქ დაარსებული მონასტერი.

გვ. 348. ტიბერიუსი (42 წ. ჩვ. ერამდე – 37 წ. ახ. წელთაღრ.), ნერონი (37 – 68 ჩვ. წელთაღრ.). კალიგულა (12 – 41 ჩვ. წელთაღრ.) – რომაელი იმპერატორები, რომელთაც სახელი გაითქვეს თავიანთი სისასტიკითა და დესპოტიზმით.

## შ ი ნ ა ა რ ს ი

პირველი რუსული გამოცემის წინასიტყვაობა	33- 5
I თავი. ოპრიჩნიკები	7
II თავი. ახალი ამხანაგები	17
III თავი. ჭადოსნობა	22
IV თავი. დრუჟინა ანდრეევიჩი და მისი მეუღლე	23
V თავი. შეხვედრა	36
VI თავი. მიღება	43
VII თავი. ალექსანდრეს სლობოდა	55
VIII თავი. ნადიმი	62
IX თავი. სანსჯავრო	75
X თავი. მამა და შვილი	66
XI თავი. ღამის ლიტანია	91
XII თავი. ცილისწამება	99
XIII თავი. ვანიუხა პერსტენი და მისი ამხანაგები	106
XIV თავი. სილაქი	115
XV თავი. პირზე კონცის ადათ-წესი	127
XVI თავი. მოტაცება	137
XVII თავი. სისხლის შელოცვა	143
XVIII თავი. ძველი ნაცნობი	153
XIX თავი. რუს კაცს სიკეთე ახსოვს	158
XX თავი. ხუმარები	165
XXI თავი. ზღაპარი	181
XXII თავი. მონასტერი	197
XXIII თავი. გზაზე	203
XXIV თავი. ავაზაკების ქანუი	210
XXV თავი. ბრძოლის სამზადისი	222
XXVI თავი. ძმადგაფიცვა	227
XXVII თავი. ბასმანოვი	235
XXVIII თავი. განშორება	244
XXIX თავი. პირში წადგომა	248
XXX თავი. რკინის შელოცვა	256
XXXI თავი. ღვთის სამსჯავრო	263
XXXII თავი. ვიაზემსკის ავგაროზი	276
XXXIII თავი. ბასმანოვის ავგაროზი	278

XXXIV	თ ა ვ ი.	ხუმარას ხიფთანი	283
XXXV	თ ა ვ ი.	სიკვედილით დასჯა .	292
XXXVI	თ ა ვ ი.	სლობოდაში დაბრუნება .	300
XXXVII	თ ა ვ ი.	პატიება . . . . .	308
XXXVIII	თ ა ვ ი.	სლობოდიდან გამგზავრება	317
XXXIX	თ ა ვ ი.	უკანასკნელი პაემანი	323
XL	თ ა ვ ი.	ერმაკის ელჩები	332
ა. კ. ტოლსტოი			349
შენიშვნები			355